



G. IV. 9 (a-b)



IVDICIORVM  
DIVINORVM  
*QVÆ*  
DEVS IN HOC MVNDO  
EXERCET  
TOMVS PRIMVS.  
*Auctore*  
GEORGIO STENGELIO  
SOCIETATIS IESV  
THEOLOGO.



Cum Priuilegio Sacræ Cæsareæ Maiestatis, & Permissu  
Superiorum.  
Ingolstadij, Apud GEORGIVM HÆNLIN.  

---

ANNO M. DC. LI.



DIVINORVM

20

1905

2021 ETAT 1202

1. 30. 1890 0. 2. 1. 1890

QV

Ingress  
tempor  
in



ponere  
cijs con  
erunt.  
cemed  
rant fo  
pende  
exantla  
diceba

Aulicu  
pis antr  
neret ,  
quàm  
rum v  
magis  
pecca  
vt ,  
ginari



QVID, QVOTVPLEX, ET QVAM  
IVSTVM VBIQVE SIT IVDICIVM  
DIVINVM?

C A P V T I.

*Ingressus in hoc argumentum; quo ostenditur, quocumq; loco, &  
tempore, etiam Dominice Passionis, Christum, velut serpentem,  
in Cruce aspectum, magnam homini occasionem offerre,  
de diuinis Iudicijs cogitandi.*

**I** B A T aliquando homini Aulico interior Religiosus  
bonis artibus initiatus; qui, vt ab illo vrbane exci-  
piebatur, ita sibi censuit illum vicissim, pietate, in-  
eum diem, haud admodum frequenter auditâ, eru-  
diendum; vt Palatinis moribus, mores asceticos re-  
poneret. Multus illi erat sermo de diuinis *Iudicijs*, deque suppli-  
cijs eorum, qui, per scelera, per libidines, per vanitatem, vitâ exi-  
erunt. Aiacem credidit, Vlysses inuenit. Nam Aulicus, cum eiuf-  
cemodi colloquijs non insuesset, omnia traxit in iocum. Vene-  
rant fortè ad locum, in quo effigies Christi Saluatoris è Cruce  
pendentis transeuntes inuitabat, ad cruciatus, pro humana gente,  
exantlatos memoria repetendos. Ibi Religiosus, cum alto suspirio,  
dicebat:

*Ploremus ante Iudicem,*

*Flectamus iram Vindicem.*

Aulicus, qui cachinnare magis, quàm orare didicerat, Cyclo-  
pis antro dignam hanc, aiebat, cantilenam; vt quæ *Iudicem* ca-  
neret, cum canere oporteret *Redemptorem*. Hic Religiosus, ô  
quàm parum es, in Ecclesiæ, hymnis, versatus, inquit: quàm pa-  
rum versatus in scientiâ Crucis? nunquam ego diuini Iudicis iram  
magis horresco, quàm cum Redemptorem intueor, in cruce  
peccata nostra luentem. Hoc dicto nexum suum fecit Aulicum,  
vt, toto reliquo itinere, vellet aures suas salubri curiositate sa-  
ginari. Primum igitur ostendit Religiosus, passim patibula sta-



2 *Cap. I. In Cruce Iudicia Dei doceri.*

re, ante ciuitates, in iustitiæ monumentum: fuisse autem & Christi crucem ex iustitia diuina decretam, cum ita exoluerit, quod nos deliqueramus. Postea, ut hospitem suum inescaret, ex Æliano, quod sequitur, legit, & disputatione, quam nos, hoc volumine deducimus, exposuit.

II.  
Ælian. l. 10.  
de animal.  
cap. 31.

*Aspidis genus unum Thermuthin Egypti nominant. Hanc sacram esse aiunt, & summa religione colunt. Itaque eam Isidis simulachra, tanquam regio quodam diademate coronant. Eandem in perniciem hominum natam esse negant. Enimvero comminiscuntur, eam se à probis abstinere: contra vero impijs necem asferre. Quod si ita est, Iustitiam Vniuersi dixeris hanc feram honorare, ut quæ acrimonia intellectus bonum à malo discernat, & tanquam illius ministra ac vindex in malos animaduertat. Addunt alij, Isidem sceleratissimis hominum eam immittere. Hanc quoque solam in hoc genere immortalem esse Egypti referunt, qui aspidum genus in sedecim species diuidunt. In sacris igitur adibus ad unumquemque angulum subterranea sacella exadificant, ubi sanè Thermutidi habitantibus bubulum adipem edendum, intervallis quibusdam obijciunt.*

III.  
Astor. 18.3.

Eiusdem propemodum sententiæ fuisse Melitenis insulæ Barbaros incolæ, indicat D. Lucas. Nam ibi, cum congregasset Paulus aliquantam sarmentorum multitudinem, & imposuisset super ignem, vipera à calore cum processisset, inuasit manum eius. Vi vero viderunt Barbari pendentem bestiam de manu eius, ad invicem dicebant: *Utiq; homicida est homo hic, qui, cum euaserit de mari, ultio non sinit eum vivere.*

IV.

Virg. lib. 3.  
Æn.

Hoc Barbarorum, uti & Egyptiorum iudicium planè erat barbarum, rude, atque à rectâ ratione alienum. Nullum enim, inter probos improbosque, bestię suâ naturâ ingenioque nouerunt discrimen. Quod si illæ, aut quæcunque alia *Pestis & ira Deum Stygis sese extulit undis*, aliquando, ad hominum scelera vindicanda, à Deo immittuntur; non tanquam suppedanei quidam iudices, qui causam cognoscant, sed, velut supremi Numinis ac iustitiæ ministri, aguntur potius, quàm agunt, famulantur, & tanquàm instrumenta duntaxat punientis Dei adhibentur: ut videre fuit, in *ignitis serpentibus*, qui, ut dentem dente plecterent, murmuratores, in deserto, momorderunt.

V.

Imò & hoc genus animantum, & quadrupedes belluæ, & volatici dracones, & furentes Harpyiæ, non rarò etiam inuadunt inno-

inno.



innocentes, sicut D. Paulo contigit, atq; ijs euenit, qui ad theatrales bestias damnati vitam & sanguinem, pro Christo, effuderunt. Quamuis enim, non sine prodigioso innocentia testimonio, vrsi, tigrides, ac leones ante multorum Sanctorum pedes procumbere visi sint; passus est tamen etiam quàm plurimos insignes pietate viros Deus, in exemplum constantia, in signum diuinæ charitatis omnia vincentis, in maiorem æternæ gloriæ coronam, tanquam religionis suæ opimas victimas, ab eiusmodi belluis immanissimè lacerari. Temerarium est igitur, à casibus conscientias iudicare; nec certum impietatis argumentum, sanie viperina perijsse.

Alius quidam, atq; ille sanè sacer *serpens* est, qui non Isidis simulachrum, sed sublime & Propheticum lignum Moyfis saluberrimè coronauit; quem meritò *in perniciem hominum natum esse negaueris*; nempe ille, qui de seipso dixit: *Sicut Moyses exaltauit serpentem, in deserto: ita exaltari oportet Filium hominis.*

Aspidem comminiscabantur Egyptij à probis abstinere, & idem de vipera Melitenses falsò crediderunt, cum de Paulo dicerent: *Vltio* (Δίκη, *Iustitia*, quam Hesiodus Deam facit Iouis & Themidis, alij Astræi, & Hemeræ, vel Auroræ filiam) *non finit eum viuere.* Hic, hic noster, sine peccato, vt ille Moyfis sine veneno, erga pios verè innoxius, immò salutifer *serpens*, eos, qui se vitæ tradunt sceleratæ, non finit esse inultos. Quippe eà est prudentiâ, eà perspicuitate intellectus, vt exactissimè bonum à malo discernat; eà potestate, & æquitate, vt secundùm ipsius iustitiæ diuinæ Leges, in malos animaduertat. Qua de causâ cum vates dixisset: *Ecce Virgo concipiet, & pariet Filium. & vocabitur nomen eius Emanuel; mox addidit: Butyrum & mel comedet, vt sciat reprobare malum. & eligere bonum:* idque non tantùm in vitijs, quorum capax non est, eliminandis, virtutèque perfectissimè exercendâ; sed etiam in cæteris mortalibus vitio virtutis deditis acerrimè dijudicandis. Neque enim Pater iudicat quenquam: sed omne iudicium dedit Filio, vt omnes honorificent Filium, sicut honorificant Patrem.

Quod si ergo Egyptij Thermuthidi detulerunt honorem sacellorum, Numini falso, & vel hinc in superstitionem pernicioso; quid nos facere par est nostro pijs tam salutari, impijs tam metuendo serpenti? qui, ne in iudicium rei adducemur, se ipsum passus est tolli in crucem, vt nos sanguinis sui theriacâ, à venena-

Acton. 28. 3.

VI.

Io. 3. 14.

VII.

Hesiod. in Ergis.

Isaia. 7. 14.

Ioan. 5. 22.

VIII.



to & pestifero antiqui serpentis morsu perfanaret? Gratissimum illi erit memoriae nostrae facellum, quin & vtilissimum. Facile Iudicium euadunt, qui ludicis nunquam obliniscuntur.

I X.

Multiplex porrò Iudicium est, quod Christus dedit. Primum in seipso, ut dixi, quia nemo hominum illo certius sciuit, *reprobare malum & eligere bonum*. S. Theresa voto se obstrinxit, semper id facere, quod melius esse iudicaret. Idem noui & alios fecisse, qui tamen iudicio errare potuerunt, atque id melius existimare, quod reuera melius non esset. In Christo error non habuit locum; ita igitur malum sciuit reprobare, ut nunquam non eligeret bonum, idque ipsum, quod elegerat, meritò melius esse censeretur. Maria semel *optimam partem elegisse* dicitur; Christus *omnia bene*, immò *optimè fecit*. Quo in æquissimo Iudicio, paucos habet imitatores.

Luc. 10. 42.

Marc. 7. 37.

X.

Io. 9. 39.

Alterum Iudicium est, inter terram bonam & malam. *In Iudicium ego in hunc mundum veni*, inquit, *ut qui non vident, videant; & qui vident, cæci fiant*. Id est, qui se putant videre, & medicum non querunt, in suâ cecitate permaneant. Et istam discretionem scilicet vocauit iudicium, cum dixit: *In Iudicium ego in hunc mundum veni*, &c. ait D. Augustinus.

S. Aug. tract  
44. in Ioan.

XI.

Iudicat itaq; & discernit Christus probos pariter improbòsque: probos, dum illis volentibus lumen affert, quo videant Iudicem, non numaria, sed incorrupta Iudicia constituentem; caueantque offendere terribilem Mundi Prætorem præuaricatores certissimè damnaturum; improbos autem, & cum nihil rerum diuinarum sciant intelligantque, omnia tamen se scire arbitrantur, dum ipsâ suâ cecitate eos damnat. *Siquidem qui credit in eum, non indicatur: qui autem non credit, iam indicatus est, quia non credit in nomine unigeniti Filij Dei*. Hoc est autem Iudicium: quia lux venit in mundum, & dilexerunt homines magis tenebras, quam lucem: erant enim opera eorum mala. Hoc secundum Dei hominis est Iudicium, quod iudicium simul iudiciūque potest vocari: nam eo Iudicio indicauit, qui nam filij Dei, & filij lucis existant. Oriente sole, noctuæ & vespertiliones, illico diffugiunt, & in sua sese latibula recondunt. Non sustinent enim clarum diem oculi vitiosi. Aquilæ autem, quia putres & malignos oculos non habent, sed acie sunt firmæ, in ipsum etiam meridianū solem fixissimè intuentur. Quemadmodum igitur lux, inter aquilas & noctuas, quale sit discrimen, ostendit.

Ioan. 3. 18.



ostendit; ita diuinum lumen, quod humani generis Reparator Mundo intulit, haud obscure patefecit, qui nam diuinorum sint mysteriorum capaces; aut qui, talparum instar, non sinant se se illuminari. Vitrum, chrystallum, aquas limpidas, gemmas, & preciosos lapillos radij lucis peruadunt ac illustant; si in corpus opacum, si in saxum incidant, superficie tantum tenuis recipiuntur, nunquam admittuntur in interiora. Sic *Dei docibiles* omnes sinus, totum pectus pandunt, cum Deum, vel de Deo audiunt, aut legunt: filij autem huius seculi, quia obdurato sunt corde, oculos claudunt, ne videant; aures, sicut aspides surdæ, obdurant, ne audiant diuinam veritatem; aut si ad aures eorum salutaris sermo allabitur, cor obserant, vt non possit penetrare. Hinc non credunt, hinc iam sunt iudicati.

Io. 6. 45.

Præter hæc, duo Iudicia, alia tibi duo Iudicia in mentem à Seruatore reuocantur: quem, siue iudicatum aspicias, siue cogites iudicantem, meritò cōtemiscas. Quippe duo sunt aduentus Christi, in primò venit iudicandus ab hominibus, in altero, veniet homines iudicaturus. Quare in primo aduentu Iudicij nos commonefecit, Iudicium dirissimum patiendū. Quisquis enim audit, aut legit, Deum Patrem proprio suo Filio non pepercisse, sed in illo aliena peccata, tam exquisitis supplicijs castigauisse, faciliè, si sibi sapit, ratiocinatur, cum Christo; *Si in viridi ligno hæc faciunt, in arido quid fiet?*

XII.

Luc. 23. 31.

Ex ipsa igitur Cruce, de qua, non Epidaurius, sed Elysus & cælestis iste *serpens* sanat sanari cupientes, inuadit mordetque eos, qui *dilexerunt huc vsque magis tenebras, quam lucem*, &, quasi dormientium aures velleret, iubet tandem miseros euigilare Endymiones; præcipitium suum non videntibus clamat, vt incipiant oculos aperire, *ac nouissima providere*. Quin, sicut vipera etiam Apostoli digitum innoxio dente pupugit, ita in ligno suspensus Seruator purioris quoque vitæ mortales, ipsis cruciatibus suis, amantissimè & dulcissimè erudit, vt diuina Iudicia, de suo supplicio, discant æstimare.

XIII.

Deut. 32. 29.

Nihil ergo in tempus, aut locum peccabit, neque extra oleas, quod aiunt, vagabitur, quisquis, vel ipso Passionis Dominicæ tempore, vel vbicunque Redemptorem nostrum in cruce pendentem aspiciens, Iudicia Dei, diuinæq; trutinæ examen, aut sibi, aut lectoribus, auditoribusue suis, in mentem reuocabit. Sic reuoca-

XIV.



runt plurimi, cum légerent, ad vnicam Christi, in horto, vocem, *Ego sum*, armatos, & tota cohorte venientes milites, velut fulmine tactos, abijisse retrorsum, & quasi exanimés in terrâ & tergum, cecidisse. *Vbi nunc*, ait S. Augustinus; *militum cohors, & ministri Principum & Phariseorum? Vbi terror & munimen armorû? Nempe una vox dicentis: Ego sum, tantam turbam odys ferocem, telisque terribile, sine telo vlllo percussit, repulit, strauit. Deus enim latebat in earne, & sempiternus dies ita membris occultabatur humanis, ut lateris & facibus quereretur occidendus à tenebris. Ego sum, dicit, & impios deuicit. Quid iudicaturus faciet, qui iudicandus hoc fecit? Quid regnaturus poterit, qui moriturus hoc potuit? Similia B. Leo, D. Gregorius & alij, hoc loco, meditati sunt, qui, ne ante mysteria discederent, ut prouerbio vetatur, in vno mysterio, mysteria plura considerauerunt.*

## XV.

Ioan. 12. 31.  
Rupert. l. 10.

Quin ipse etiam Dominus voluit, & initio, & in ipso Passio- nis suæ fernore, Iudicij cælestis meminisse. *Nunc iudicium est mundi*, inquit, *nunc Princeps huius mundi eicietur foras*. In quæ verba Rupertus ita scribit. *Quod ergo iudicium mundi, & quæ est eiectio Principis huius mundi? Vtq; presens Passio ipsius, qui hac loquitur: Domini nostri Iesu Christi, iudicium est mundi, id est, saluatio discernens à reprobis vniuersitatem electorum, qui fuerunt ab initio seculi, vsq; ad horam eiusdem Passionis; eiectio verò Principis huius mundi, qui principatum tenet in amatoribus huius mundi, reconciliatio est Gentilium electorû, in quibus diabolus per idololatriam inhabitabat ante sepe dictâ clarificationem eiusdem Domini nostri IESV Christi. Est igitur ipsa, Christi passio Iudicium quoddam, quo dampnatus est diabolus, & sententia pro electis, hoc est, passione Domini bene vtentibus, pronunciata. Enimuero, cum Christ⁹ morti propinquissimus, sub ipso onere crucis, anhelaret, iussit homines Iudicij supremi meminisse, nec tam quæ ipse, quàm quæ ipsi passuri erant, deplorare. Sequebatur illum multa turba populi, & mulierum, quæ plangebant & lamentabantur eum. Conuersus autem ad illas IESVS dixit: *Filia Ierusalem, nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beata steriles, & ventres, qui non genuerunt, & ubera, quæ non lactauerunt. Tunc incipient dicere montibus: Cadite super nos, & collibus: Operite nos. Quare, exemplo Christi, agemus, si vel ipsius Passionis tempore, vel imagine Christi in crucem dati, vbicunque locorum aspectâ, dicamus: nunc legumi.**

Lue. 23. 27.



guminum messis est; nunc de diuinis Iudicijs cogitemus, illius regulæ memores: *Si in viridi ligno hac faciunt, in arido quid fiet?* aut quomodo tractabitur lupus, si sic mactatur innocens Agnus? Ipsa ad hoc nos hortatur Ecclesia, dum in Quadragesima quotidie orat, *Ploremus ante Iudicem, Flectamus iram vindexem.* Quod non in Quadragesima tantum, sed toto anno, totâ vitâ, est orandum.

## C A P V T II.

*De Nomine, & diuersis generibus Iudiciorum; quidq; diuinus oculus significet.*



Nomine ordiamur, inde ad rem progressuri, & quæ sit Iudiciorum diuersitas, intellecturi sumus. Itaque *Iudico*, si Grammaticos consulas, est idem, quod *ius dico*; vnde *Iudicium*, dictio *Iuris*, quæ mente fieri potest, aut insuper etiam voce. Apud Dialecticos & Philosophos ceteros: *Iudicium vis est animi, qua, quod se nobis ostendit, in eo, quid persequendum, quidq; declinandum ac fugiendum, aut nos ipsos, aut alios docendo desimimus, verisq; falsa redarguimus.* Apud Aristotelem in Politicis, *Iudicium est indicatio Iudicis, iudicem agentis, vel ius dicentis.* Quare est actus, id est, executio iustitiæ. Quod etiam D. Thomas alijque Theologi, suo calculo, approbauerunt.

I.

Apud Græcos, *κρίνω*, idem est, quod *secerno, discerno, aut dirimo*, vt habet Thesauri auctor. Ex hac significatione ait idem, ortam aliam, quâ ponitur, pro *iudicare*, quamuis sæpe in libris diuinis strictius vsurpetur, pro *damnare*.

II.

Quocirca S. Basilius obseruat, tribus modis, in Scripturâ, hoc verbum, *iudicare*, intelligi. Primum pro actu iustitiæ, iuxta quam iudex iudicat, vel probando, vel reprobando; vt *iudicare* sit, ferre sententiam tam approbationis, quàm reprobationis. Sic accipitur Ps. 7. *Dominus iudicat populos.* Et Isa. 11. *Non secundum visionem oculorum iudicabit.* Istâ significatione vox communis est: non enim solum iudicatur innocens, quando eius innocentia declaratur, & liberatur à vexatione iniusta, recuperatq; quod suum est; sed etiam iudicatur nocens, cum damnatur; vt adeo, hoc sensu, *iudicari*, sit bonorum & malorum.

III.

Secun-

Aristot. 1.  
Polit.  
S. Thom. 2.  
2. q. 60. a. 1.



Cap. II. Nomen & distinctio Iudiciorum Dei.

I V.

Secundò, *iudicare* sumitur, pro priore quodam actu iustitiæ, vt nihil aliud sit, quàm discutere, examinare, discernere. Quo sensu accipit Basilius illud Psal. 25. *Iudica me, quoniam ego in innocentia mea ingressus sum.* Atq; hoc, *iudicium* præcedere solet sententiam. Antè enim Iudex iudicat discutiendo causam, quàm ferendo sententiam. Tertiò accipitur *iudicare*, pro certo actu iustitiæ, nempe vt idem sit, quod *damnare*, seu condemnatoriam in aliquem sententiam ferre. Quo sensu dicitur Psal. 5. *Iudica eos, Deus.* & Ioan. 5. *Qui verò mala egerunt, in resurrectionem iudicij, id est, damnationis, resurgent.*

V.

In Deo, cuius esse, est intelligere, discernendi, discutiendi, dijudicandi, & ipsam etiam Ierusalem, seu cætum piorum, ipsos Angelos, in lucernis scrutandi summa vis reperitur. In Deo, in quo iniquitas nulla esse potest, non solum vis est cognoscendi, quid probandum improbandumque sit, sed etiam maxima est iustitia, quæ sententiam fert, ostenditque, quid, in vnaquaque re, seu præmio, seu supplicio dignum existat. Neque semper expectat, supremum illum Iudicij vltimi diem, sed in hac etiam vita quotidie decernit, quid singulis mortalibus, vel in pœnam, vel in præmium, vel in præmij promerendi occasionem, conuenientissimè permittat contingere. In Deo deniq; est potestas & mos, reos *iudicandi*, hoc est, vel ad temporalem, vel ad sempiternam pœnam; siue in hac, siue in altera vita damnandi; vt adeò non tantum Iudex sit futurus, cum alios cœlo, alios orco ascribet; sed etiam quotidie, dum Mundum istum, per varios casus, gubernat.

VI.

Vide Emman. Sa in indice Scripturæ.

Cum igitur *vini & mortui*, probi & improbi à Numine iudicentur, & reddatur unicuique secundum opera sua; itèque, cum in hoc ipso Mundo, quem condidit, gubernando, & rectissimè discutiendò iudicet, & iustissimè bona vel mala permittendo agat Deus, nos *Iudicij* nomen, tam pro sapientissimâ & æquissimâ eius, in discernendis rebus, pronuntiandâque sententiâ, quâ p æquissimâ, in plectendo & remunerando Mundo, iustitiæ executione, accipiemus, ostendemusque, supremum, seu Gubernatorè, seu Iudicem, & à *Iudicio*, & à iustitia laudabilem vbique, & metuendum; cum & rectè sentiat, & rectè faciat, siue in hac, siue in altera vita; siue dum malos pœnis addicit, siue dum probos præmijs afficit. Propter vicinitatem ait S. Augustinus: *significationis, alterum pro altero poni potest, vel iudicium pro iustitia, vel iustitia pro iudicio*

S. August. in Psal. 105.



piterna, & vsque duret; cū homo ea quæ audiuit, legit, non raro sequenti die obliuiscatur penitus, aut certè non penitus recorderetur; quando autem nascitur, velut tabula quædam rasa, inanis scientiæ, plenus ignorantie in mundum prodeat.

7. Cognitio hominis mutatur, iam enim minor, iam maior est; iam crescit, iam decrescit; iam fixa, iam instabilis est: at Dei scientia est inuariabilis ac vniformis, eademque semper; nec proficiens, nec deficiens. Quocirca nunquam dicit: Nesciui: Non satis intellexi, sicut tamen frequenter hominēs loqui audimus.

8. Nostra cognitio neque est vna, neque potest simul exerceri; at Dei scientia est & simplex, & vna, vno quippe & simplicissimo intelligendi actu & seipsum, & cetera omnia cognoscit.

9. Quia creaturæ cognitio est aduentitia, & homini accidit; Dei autem cognitio, est ipsa substantia Dei, immò Deus ipse; cui non aduehit scientia, sed semper adfuit, & est ipsa entitas Dei. Vnum ergo in Deo est esse, & scire: in homine aliud est esse, aliud, est scire.

10. Cognitio Dei est idea, & causa omnium rerum quæ sūt; estque insuper quasi fons lucis, & lux immensa, quæ se ipsam ad Angelos & homines, & omnia animalia diffundit, facitque cognosci & cognoscere omnia, quæ aut cognoscunt, aut cognoscuntur. Hominis scientia est quædam tantum stilla istius lucis, aut scintilla. Itaque quod stilla est ad Oceanum, & scintilla ad immensum ignem comparata, hoc est nostra scientia, si cum infinità Dei sapientia conferatur.

An non igitur plus quàm noctuæ, immò talpæ sumus, si nos adhuc cum Aquilina illa acie; aut tenebræ, si cum illo fulgentissimo sole comparamus? Et miramur, immò indignamur; si quarundam rerum, quæ in orbe terrarum diuino nutu fiunt, causas non perspicimus? iamque, in Iudicijs suis ac Mundi gubernatione, Deum errare, & nos melius facturos, si penes nos esset gubernatio, arbitramur? O quantum, non Deus, sed nos ipsi, sic iudicando erramus! Nunquam id facturi, si aut nostræ mentis exiguitatem, aut diuinæ sapientiæ immensos profundosque thesauros agnosceremus. Qualem enim sibi, obsecro, Deum imaginatur, qui putat eum, in Mundo gubernando, hallucinari? nempe homine ipso, vt qui eum censere possit, inferiore.

C

putat

XII.

XIII.

XIV.

XV.



putat esse Deum, qui Deum sic iudicat. Et tamen sunt, qui Deo leges ponere, & quid facere debeat, præscribere, quodque fecit, impatienter ferre, damnare, carpere audent.

XVI.  
Matth. 20. 12

Quàm meritò istos tales reprehensores Deus reprehendit? sicut ille paterfamilias murmuratores, qui dicebant: *Hi nouissimi una hora fecerunt, & pares illos nobis fecisti, qui portauimus pondus diei & astus?* Quid, ô miseri, dicitis? Pares fecit, an idè malè fecit? vt sic faceret, causam habuit, vos non habuistis, vt murmuraretis. Iustus fuit ille, qui vobis, precio, quod pepigerat, persoluto, iniuriam non fecit: vos iniusti, qui bonitatem illius liberalitatèmq; in ceteros, & oculo nequam aspexistis; & proteruè iudicauistis. Longè proteruius sunt, qui Deum ipsum audent, lingua impetere, & Iudicia eius sanctissimā, impiā temeritate suā contaminare.

XVII.

Multorum euentuum causam nequit homo plenè assequi, multorum nec attingit diuinando; nec expedit temerè illam scrutari, ne maiestatis scrutator, opprimatur à gloria. In cælum harum quoque rerum cognitio reservatur. Qui in gaudium Domini intrauerit, intrabit etiam in potentias Domini. Quò & David sibi scientiam occultorum Iudiciorum Dei seruauit, eorum causas etiam post multum laborem non assecutus. *Existimabam, ait, vt cognoscerem hoc, labor est ante me: Donec intrem in Sanctuarium Dei: & intelligam in nouissimis eorum.* Sæpe enim, quod in vita latet, etiā in morte hominis apparet. In cælo autem semper Dei consilia, tanquam in Sanctuario, manifestantur. In terris illud accipe consilium, immò documentum: *Noli discutere opera Altissimi, sed tuas iniquitates perscrutare, in quantis deliquisti, & quàm multa bona neglexisti.*

Thom. de  
Kemp lib. 3.  
de Imitat.  
Christi. c. 4.

#### C A P V T I V.

*Licet, & utile esse, vt subinde diuinorum Iudiciorum causas indagemus.*

I.



Vanquam Iudicia Dei occulta, immò inscrutabilia, sint, atque hominum intelligentiam multis parafangis, excedant, neque magis ab humanæ mentis angustia, quàm immensum pelagus ab exigua scrobe (quod D. Augustino ostensum fertur) queant comprehendi, rectissimeque faci-



faciant, qui ea suspiciunt, & admirantur, atque, etiam caussis eorum latentibus, approbant; longè sanè rectius, quàm olim Pythagoræ auditores, quibus satis fuit, audiuisse, *αὐτὸς ἔειπεν*, ipse dixit, (que enim ratio illum intellectum satiabit, cui nō sufficit, Deum aliquid dixisse, aut fecisse?) tamen tanta est Conditoris nostri bonitas, tanta æquitas Gubernatoris, vt non rarò sapientiæ suæ thesauros homini quoque patefaciat, & quodammodo rationem reddat suæ gubernationis.

Tamen si enim legamus: *Quis cognouit sensum Domini? aut quis consiliarius eius fuit?* non tantum qui daret consilium Deo, sed etiam qui conscius consiliorum & arcanorum diuinorū esset: tamē etiam alibi legimus, Deum dixisse: *Num celare potero Abraham, que gesturus sum?* Qua de causâ D. Bernardus ita loquitur: *Quis cognouit sensum Domini? aut quis consiliarius eius fuit?* non equidem nullus, sed rarus. Soli sanè qui veraciter dicere possunt: *Vniuentus, qui est in sinu Patris, ipse enarrauit nobis; vnde Mundo à strepitu. Clamat in populis isdem Vniuentus, tanquam magni consilij Angelus: Qui habet aures audiendi, audiat. Et quoniam dignos non inuenit sensus, quibus Patris committat arcanum, texit, parabolas turbis; vt audientes non audiant, & videntes non intelligant. Caterum amici seorsim audiunt: Vobis datum est nosse mysterium regnum Dei. Quibus & loquitur: Nolite timere pusillus grex, quia complacuit Patri vestro dare vobis regnum. Qui sunt hi? Vtq, quos præsciuit & prædestinauit conformes fieri imaginis Filij Dei, vt sit ipse primogenitus in multis fratribus. Magnum secretumq, innotuit consilium: nouit Dominus, qui sunt eius: sed quod notum erat Dei, manifestatum est hominibus. Nec alios sanè dignatus est tanti participatione mysterij, nisi eos ipsos, quos suos præsciuit & prædestinauit.*

Inter quos prima fuit Deipara; quæ, vt sciret, quid sibi in negotio Dominicæ Incarnationis agendum, aut quæ suæ futuræ essent partes, non de diuina potentia, aut de veritate eorum, quæ ab Angelo dicta fuerant, dubitans, audito admirabili nuncio ac salute, dixit: *Quomodo fiet istud?* aut, vt S. Ambrosius & Beda expo-

II.  
Rom. 11.34.

Gen. 18.17.  
D. Bern.  
epist. 107.

III.

Luc. 1.34.



tibi; vt & sanctus sanguis tuus calefiat ac foueatur in partum, & virginitas tua protegatur.

IV.

Hoc exemplo constat, gratum esse Numini, si homines, non curiositate, sed pietate ducti, ad laudes eius celebrandas, rationem indagent, inquirantque consilia, modos, & causas Mundi gubernandi. Sic enim non offenduntur ignorantia æquitatis; sic non offendunt temeritate: sic sapientiam, sic bonitatem illius, sic malitiam suam agnoscunt. *Custodini*, ait David, *vias Domini: nec impiè gessi à Deo meo. Cùr? Quoniam omnia Iudicia eius in conspectu meo: & iustitias eius non repuli à me. Et ero immaculatus cum eo, & obseruabo me ab iniquitate mea.* Et alio loco: *Introibo in potentias Domini: Domine memorabor iustitie tue solius: Deus docuisti me à iuuentute mea: & usq; nunc pronuntiabo mirabilia tua, &c. Potentiam tuam & iustitiam, Deus usq; in altissima, que fecisti magna: Deus, quis similis tibi? Iustitia ergo in omnibus eius Iudicijs reperitur, si rectè quæritur; inuenitur & potentia, & occasio magna-*

Psal. 17.

Psal. 70. 16.

*lia Dei extollendi; sed in primis custoditur homo, ne se impiè gerat à Deo suo, & contra illum murmuret, aut iustitias illius à se repellat. Facile enim à se, cum indignatione, repellit calamitatem, & immissa aduersa, qui ea non agnoscit esse pœnas aut iustitias Dei. Qui verò in potentias Domini viasque omnipotentis intrat, quidquid patitur, semper ait: Culpam pœna premit comes. Aut potius: Priusquam humiliarer, ego deliqui.*

Psal. 118.

V.

Nemo tam tardi ingenij aut albæ mentis est, qui, si quid errauit, non illico inueniat excusationem. Deus nunquam in opere suo errat, nec errare potest, & ibi nullam laudis causam inuenimus? immò inuenimus, quæ accusemus? ô iniquos æstimatores! Horologij faber, nullam operi suo rotam, nullum rotæ denticulum superuacuum inserit, & tu, ô humuncio, existimas summum rerum artificem, & cœli terræque fabricatorem aliquid in hoc Vniuerso, sine causâ moliri? Nescis, cur hæc rota hoc, & illa alio loco currat in horologio, neque tamen artem carpis; & carpere audes Deum, quod nescias, cur hoc, aut illud permittat? Dominus est, non obstringitur tibi causam dicere, & tamen, quia bonus est Dominus, dicet sæpe, si modestè, indages; sæpe vltro docebit.

VI.

Luc. 8. 5.

Audi parabolam illius: *Exijt, qui seminat, seminare semen suum: & dum seminat, aliud cecidit secus viam, & conculcatum est,*



est, & volucres cæli comederunt illud. Et aliud cecidit supra petram, & natum aruit, quia non habebat humorem. Et aliud cecidit inter spinas, & simul exortæ spine suffocauerunt illud. Et aliud cecidit in terram bonā: & ortum fecit fructum centuplum. Hæc dicens, clamabat: Qui habet aures audiendi, audiat. Audiuerunt, non intellexerunt. Quid non intellexerunt? multa. Nam cur aliud in viam, aliud in petram, aliud in spinas, aliud in bonæ indolis cecidit glebam? Coloni mens fuit, omnia in bonum solum spargere: at Deus causas habuit, ob quas permetteret etiam aliò semen labi. Sed causas illi nesciuerunt. Quid aues comederent, si nihil caderet secus viam? & tamen Pater cœlestis etiam illas debet pascere. Quod si aliud in petram cecidit, petrae quoque debuerunt virescere, vt ornarentur, & caluitium suum, velut capillis honestarent, quamuis caduius & fluxis. Quod si quædam conculcata, quædam spinis sunt suffocata, quid mirum? ostendit Deus, se permittere posse, vt pereant, ita enim etiam ostendit, se illis non indigere: vides rationes, quas nesciuit seminator, habuit Creator? Sed quorsum ea proferrentur, ne Apostoli quidem capere potuerunt. rogauerunt Christum, & sensum parabolæ audierunt: non rogassent, si statim intellexissent. Alij quoque multi, intelligerent multa. Dei Iudicia, si aut sua delicta scrutari, aut alta Dei consilia meditari, aut Deum interrogare vellent.

Tametsi enim diuinæ providentiæ consilia adeò sint profunda, vt nemo, præter ipsum Deum, possit omnem eorum rationem ex se inuenire; vnde Deus ipse Iobo, teste S. Gregorio, hanc quaestionem proponit: *Nuncquid nosti ordinem cæli, & pones rationem eius in terram?* sæpissime tamen vel monente conscientia, vel per cogitationem diuinitus immissam, Deus arcanas consilij sui causas reuelat. Quis, ait, S. Gregorius, intelligat, cur aliquis, qui vacare, & in quiete viuere appetit, innumeris negotijs implicetur; alius negotijs implicare desideret, & coactus vacet; alius celsitudinē & perfectionem bene viuendi appetere & vult, & valet; alius nec vult, nec valet; alius vult, & non valet; alius valet, & non vult. Hæc sæpe homines nō intelligunt, sed intelligere incipiunt, postquam os Domini consuluerunt. Tunc enim vident, cur tam multi homines secus viam intentionis suæ cadant, nec ad propositum sibi scopum peruenire sinantur. Enimuerò, etiam si scopus optimus est, sæpe tamen, ob occultas causas, à Deo impeditur. Nobilissimo genere oriundus, sed vir-

VII.

Iob. 38. 33.

S. Greg. lib.  
2. Mor.  
cap. vlt.



tute ac vitæ sanctitate nobilior ille Abbas Romualdus, cuius dies festus die 7. Februarij celebratur, *Martyrij cupiditate flagrauit, cuius causa, dum in Pannoniam proficiscitur, morbo, quo afflictabatur cum progredieretur, leuabatur, cū recederet, reuerti cogitur.* Quid martyrio sanctius? en vel vi morbi ab eo reuocat Deus Romualdum, cuius vtique melior erat obedientia, quam victima. Nec Diuo Francisco Assisio, nec Diuo Francisco Xauiero, martyrium sitientissime appetenti concessum est martyrium. Quia diuisiones sunt gratiarum. Non omnes vult esse Apostolos, non omnes Martyres; quia placent Deo etiam Confessores. Sic pulchrior est Ecclesia, hac circumdata varietate; sicut & pratum amœnius viret quod non aureis tantum, sed etiam argenteis, & purpureis, & smaragdinis floribus distinguitur. Hæc multi non intelligunt, quia non sapiunt ea, quæ spiritus sunt. Quare & Christus cum de diuersis Iudicijs Corozain & Tyri, Bethsaidæ & Sidonis, Capharnaitarum, & Sodomitarum disseruisset, addidit: *Confiteor tibi Pater, Domine cæli & terre, quia abscondisti hæc à sapientibus & prudentibus, & reuelasti ea paruulis. Ita Pater, quoniam sic fuit placitum ante te.*

Matth. II.  
25.

## VIII.

Huc ergo animum aduertite, qui miramini, multos iuvenes & puellas optare statum perpetuæ virginitatis, & tamen à parentibus, aut cognatis cogi ad coniugium ineundum? Deus nouit, cur hoc permittat. Forsitan in statu cælibatus, in omnem vitæ licentiam turpitudinemque prolaberentur. Forsitan yellent sine vxore suâ viuere, vt possent vxores habere aliorum, tantoque liberiùs vagari, per omnes illecebrarum occasiones. Multæ statuunt, Catharinas imitari, & Agnetes, sed postquam honestissima coniugia repudiauērunt, Helenas & Thaides imitantur. Nimirum periclitantur vehementer, quotquot volunt Virgines manere, & manere simul extra cœnobîa custodiâque virginitatis. An non igitur *melius est nubere, quàm vri?* An non melius, cum marito, quàm cum adultero habitare? coniugio astringi, quàm libertate noxiâ, potiri, vt dicatur: *Vritur infelix Dido, totaq; vagatur Vrbe furens.* Quod de petulantibus illis puellis dico, quæ nullo custode, solæ viuunt, nō iam in horrida eremo, sed in populosis vrbus: quarū multas audiuius voluisse separatas ac seorsim degere, non vt, remotis arbitris, homines fugerent, sed vt dæmones quærent; & in cubiculum intrarent non oraturæ, sed fornicaturæ. Hoc ne multis contingeret, coniugijs honestissimis impediuit; qui alio-

qui



qui multas alias impulit, vt, nobilissimis nuptijs contemptis, multò nobiliorem virginittis statum, vel apud parentes & cognatos domi, vel in cœnobijs amplecterentur.

Alij ergò sunt, qui noctes dièsque de nuptijs, & sponsis, & matrimonijs cogitant; & aliæ, quæ nihil nisi maritos, & maritorum opera loquuntur; & tamen ob vnicam rugam, aut verrucam spretæ, coguntur perpetuò vitam ducere continentem. Itaque inuitæ sunt Vestales, ignem æternum alentes. Quid ergò? nam Deum arguent crudelitatis? nequaquam. Olim summi hoc ipsum tormentum suum beneficij loco habebunt, Deoque gratias dicent. Nam si illi vxores duxissent, si iste maritis nupsissent, in quæ non mala incidissent? quas non Clytæmnestras? quos non Egyptios habuissent? quæ non adulteria, homicidia, sacrilegia perpetrauissent? ad quæ venena, ad quas non fraudes, sc, coniugem, & libero; pepulissent; iam his omnibus liberantur, & Deo vacant, æternas cum Agno nuptias celebraturæ.

Quidam religiosi esse desiderant, sed viam non habent, nec aditum reperiunt, vt Mundum relinquunt. Cur? quia religiosi fortasse essent onerosi, religioni dedecori; in Mundo vero cū religiosorum instar viuant, omnibus fiunt in exemplum; & quod alij non ausi fuissent dicere, pro Ecclesia, pro Fide, pro Deo, in cōcilijs non verentur vlro mouere; quæ alij pro iustitia, nunquam ausi fuissent facere, in Rebus publicis, animose, felicitérque aggrediuntur. Sic Religionem malo liberant, & statū secularem bono augent.

Sunt qui cuperent extra Religionem, in aulâ, in militiâ, in Repub. vitam traducere; sed coguntur quodammodo, vel paupertate, vel amicorum imperio & authoritate, vel alio euentu Mundum deserere, & in religionem intrare. Cur? Dæmones fuissent, si in Mundo mansissent. Vel sic viæ domantur, dum coarctantur. Quid fecissent, sine fræno, qui sic viuunt in capistrò? Videbis multos alioqui bonos viros ambire officium splendidum, procari dignitatem exelsam, nec tamen consequi. Cur? in alto superbirent; ex alto altiùs caderent; in humili loco humiles manent, vt in cœlo exaltentur. Enimuerò qui priuati miracula faciunt; elati tota regna prodidissent. Alius, qui eandem dignitatem vt anguem horret, qui vt hydram fugit, qui totis viribus detrectat, vi eò rapitur, vt in magistratu vir esse ostendatur, vt talentum suum non sepeliat, vt restauret, quod ambitiosi perdiderunt,

Quin.

I X.

X.

XI.



Quin sæpe duo eandem vel ambiunt vel fugiunt dignitatem, æquè digni, æquè indigni; & tamen alter assumitur, alter relinquitur, Deo vnus assumendi, alterius relinquendi iustissimas causas habente. Sæpe enim per dignum subductum, & indignum officio datum punit merentes. Sæpe & dignos hoc officio, sed reos alio peccato plectit.

## XII.

Lactan. &  
Christian.  
Institut. de  
Ira Dei.  
Saluian. in  
volum. de  
diu. prouid.  
Et Victor V-  
ticensis,

Has omnes, aliàsque complures dictæ gubernationis causas poterit vel dicere, vel excogitare, quisquis vult bonus esse æstimatur diuinorum Iudiciorum. Sed hæc talia, & nos alibi tractauimus, & copiosè persequitur firmianus Lactantius, Victor Vticensis, Saluianus, alij. Satis igitur est, ostendisse, si per semem, homo intelligatur, nō cecidisse illum secus viam, quam affectabat ad coniugium, ad officium, ad dignitatem, sine sapienti consilio Numinis; aut si cecidit in petram, citò de fortunis suis eradicatus, id ipsum à Deo prouenisse; vt inops saluetur, qui cum diuitijs perisset. Sicut & si quis in medias diuitiarum spinas coniectus hæret vndique implicatus aculeis & adhamatus. Magno etiam id consilio facit Deus; vult eum, iam antè flammam meritum, concupiscentijs suis permittere, vt ignis, velut in spinis, semper magis & magis exardescat, & vrat saucium. Sic vel solitudine, curis & stimulis acerrimis excitatus potest resipiscere; vel Infernum, quo dignus est, etiam in hac vita, cogitur inchoare, in suum supplicium, in aliorum exemplum. Maneat ergo, ininuentibilia & incomprehensibilia esse Iudicia Dei, ab ijs, quos sua duritia excæcat; inuestigari autem posse, si pectore sincero inuestigentur, quod ille fecit, qui dixit: *Vias tuas, Domine, demonstra mihi, & semitas tuas edoce me*: qui etiam paulo post subiecit: *Diriget mansuetos in Iudicio: docebit mites vias suas.*

Ita legit  
Tertullian.  
contr. Her-  
mogenem.  
Psal. 24. 4.

## XIII.

Quoniam igitur Dominus *dirigit mansuetos in Iudicio, & docet mites vias suas*, illos scilicet, qui non iracundè, non superbè ipsa Iudicia diuina in ius rapiunt; sed qui de Deo sentiunt in bonitate; ingrediamur, cum modestia, atque humilitate in *Sanctuarium Dei*; &, quæ capere possumus, reuerenter, &, cum gratiarum actione capiamus: quæ autem sensum captumque nostrum superant, magna animi submissione veneremur, &, cum Seraphinis faciem eius velantes, dicamus: *Mirabilis facta est scientia tua ex me*, illam non capiente, confortata est, & non potero ad eam. Si enim illa admiremur, quæ vel intelligentiam, vel experiē-

Isa. 6. 2.  
Psal. 138.

tiam.



tiam nostram superant, aut quæ experimur, longè maiora à nobis reperiri, quàm putaueramus, cur illam infinitam Iudiciorum Dei abyssum inuenientes non adstupeamus? aut cur intellectum nostrum in obsequium fidei non subijciamus? Credimus Deum, quem non videmus, credimus mysterium SS. Trinitatis, quod ratione humana non comprehendimus; cur non credamus, iustum esse, etiam si, cur aliquid faciat iustissimus Deus, ignoremus? Ignorari multa vult, vt, etiam in administratione Mundi, atque insperatis casibus, intellectu nostro diuinæ sapientiæ subiugato, credamus, à summa illa mente omnia & suauiter disponi, & sapienter gubernari. Facile autem erit nobis nostram cogitationem infinitæ illi sapientiæ submittere, si cogitemus, omnem omnium hominum atque Angelorum scientiam & intelligentiam, quasi nihil, aut velut tenuem vmbra ad solem esse, si cum illa luce inaccessibili comparetur. Et par est vtique, vt existimemus, Conditorum nostrum, multitudine, sublimitate, firmitate, claritate, perfectioneque cognitionis nobis esse superiorem.

Huic tamen humilitati nihil officit, dicere: *Illumina oculos meos*; itémque: *Emitte lucem tuam, & veritatem tuam*, non vt curiosè sciamus, aut de nostra sapientia gloriemur; quæ coram Deo est, velut arenula ad immensum montem, aut gutta ad Oceanum; sed vt Deum laudemus, in operibus suis, vt admiremur, vt timeamus, vt adoremus, eiusque Iudicia, hoc est, sapientiam, potentiam, iustitiam, sanctitatem & miserationes toti Mundo prædicemus. Et si enim caligo diuina, vt S. Dionysius loquitur, *est inaccessibilis, in qua habitare dicitur Deus: inuisibilis propter eximiam charitatem, & inaccessibilis, propter immensam luminis copiam*; & Deum nullus hominum vidit, sed nec videre potest; attamen id tantùm fit, si quis eum videre scrutarique velit suæ naturæ viribus, & acie, immò hebetudine humana ac naturali, quemadmodum quondam Anomæi præsumebant. Quod si verò quis Dei manum aduocet, flagitetq; diuinitus illuminari; tum sanè potest naturam quisque suam ingenijque naturalis vires, cælesti gratia, eleuatus transcendere. Grauis est aqua, grauior terra, vtrumque elementum, naturâ suâ, deorsum tendit; sed si calor à sole eis immittatur, aqua euaporata, & terra exhalata in sublime ascendit, ipsâ naturâ suâ superior facta. Sic hominem eleuat gratia. Accipit enim non solùm, per lumen gloriæ, in cælo, sed etiam, per fidei radios, in terris, vim quandam

XIV.

Psal. 12.

Psal. 42.

S. Dionys.

epist. 5. ad

Dorotheū.

1. Tim. 6. 16.



visuam & oculum supernaturalem, quo supernaturalia mysteria videre, ac, velut aquila, ipsam possit solis flagrantiam sustinere.

Psal. 12.

Psal. 42.

Psal. 118.

Talem vim petebat Propheta, cum diceret: *Illumina oculos meos: Emitte lucem tuam & veritatem tuam: Bonus es tu: & in bonitate tua, doce me iustificationes tuas:* cum quo vtique fas est, etiam alij idem lumen petere, eoq; impetrato, tanquam perspicilijs quibusdam caelestibus, caelestis sapientiae consilia tuto indagare: neque enim tunc altiora se quaerit; quaereret, si sine altiore lumine tentaret. Sic Icarus cecidit, Dædalus volauit; hic quia intra suos se limites tenuit; ille, quia altius iuit, quam cera posset ferre.

## C A P V T V.

*Scientia, & Iustitia fundamenta, quibus omnium diuinorum Iudiciorum equitas explicatur.*

I.

Cedren. ad  
an. Heraclij  
13.



**C**edreno legimus, vanum illum & impium Chosroem Persarum Regem, vt sua se se, velut ventosus Aëolus, in aula iactaret, statuisse sibi, in palatio, eiusmodi simulachrum. Machina erat, in qua cæli effigies exprimebatur. Hinc Sol ab ortu purpureum Mundo diem inferebat: ex aduersum ei loco Luna horizonte iam semitecta occidebat. Inferiore parte fabricæ, ad dexteram, quidem, clarissimis cælum stellis lucebat; ad sinistram autem, sublato siderum aspectu, imbres fluere, præmicare fulgura, & quodammodo tonitrua mugire videbantur. Neque astrorum tantum fulgor, in caelestibus illis sphaeris, sed etiam omnium orbium conuerfiones, cum sceptrigeris Angelis astantibus, admirabili spectaculo, se se oculis intuentium offerebant. In medio ipse rex Chosroës, quasi quidam humanus Deus eminens, spectabat omnia, & ne quid spectanti deesset, se quoque ipsum magnificè circumspiciebat. Talia sibi Persica vanitas finxit, in palatio; arroganter imitata id, quod verè gloriosèque Deus fecit, in Mundo. Ligneum illud erat opus, sicut & Archimedis sphaera vitreum, vtrumque mimicum, sed significatione non ineruditum.

II.

Etenim hoc planè pacto, Vniuersi author, non inani iactantiâ, sed, ad æternam opificis gloriam, Mundum hunc fabricauit. Sunt in eo sidera, fulget Sol, nitet Luna, micant stellæ, ornantur im-

immen-



immediati orbes, & incredibili celeritate rotantur cælestia corpora; neque est ullus in tanta vertigine error. Totum firmamentum dici potest ornamentum; & operis ibi venustas, est operantis maiestas. Inferiora autem Mundi miras habent vicissitudines, variolique motus: ibi tenebrę, cum luce, alternant vices; ibi diem nox sepelit; ibi frigida hyemes; ibi torrida æstates: neque cadunt tantum nimbi, niues, grandines; neque fulgura duntaxat, in terrorem, exsplendescunt; neque fulmina modo obliquis & improvisis ictibus, per aërem, iaciuntur; neque solæ procellæ existunt in mari; neque tellus solum vel tremore quassatur, vel vexatur tempestate: vnde in articulum, vel etiam in nihilum eunt, ruri, segetes, & rusticorum bouumque labor irritus euadit; suscitantur incendia, in ædibus; procurantur naufragia, in scopulis; oppidorum & urbium cadauera proiecta iacere conspiciuntur: sed etiam innumera pestes Erebi emergunt: putrescit terra; grassantur morbi; dominantur febres, transiliunt limites suos aluenque se effundunt flumina; excurrunt è siluis fame vassanientes lupi; ipsi se se mutuo homines verbis & ferro lacerant; vendit frater fratrem; filius thorumparentis violat; sororem cædit; auum occidit; contemnit ciuis magistratum; prodit vilissimus seruus suum Principem: denique qui nequior est, potior est. Hæc talia, dum quidam impius oculo nequam aspexit, in sacrilegam illam vocem erupit: *Credimus esse Deos?* non enim Deos tantum multos negare voluit, quod recte fecisset, sed illo de grege fuit, quorum vnum describens David ait: *Dixit inspiens in corde suo: Non est Deus.* Psal. 52.1. Quid ergo dixit pius? *Quia prospexit de excelsu sancto suo: Dominus* Psal. 101.20. *de cælo in terram aspexit: ut audiret gemitus compeditorum: ut solueret filios interemtorum.* itemque: *Dominus de cælo prospexit super filios hominum, ut videat, si est intelligens, aut requirens Deum.* Itaque inter hæc omnia Deus Angelorum sceptrigerorum, seu Intelligentiarum, per quas Mundum regit, choro stipatus, eminet. Neque enim tantum humanarum rerum cursus reciprocāsque negotiorum vicissitudines velut sub pedibus labi sinit lætus, securus, & sui vbique similis; sed omnia videt, omnia sapientissimè, iustissimè moderatur, portans omnia verbo virtutis sue, sicut currus Ezechielis, quem vndique Cherubim stipauerunt. Si enim Elias currus Israel & auriga eius vocabatur, cur non & Deus, qui totum Mundum portat, & omnes creaturas sustentat, alioquin in nihi-



lum suum relapsuras? Quæ, vt fixissimè & cum solatio credamus, credendum est necessariò, eum esse summè sapientem, summè iustum, summè sanctum, summè misericordem.

III.  
Iob. 22.

I. Cor. I. 23.

Genes. 3. 8.

Hac autem in re, vt paulo supra meminimus, non vno omnes ore loquuntur. Impiorum vox est: *Quid enim nouit Deus, & quasi per caliginem iudicat. Nubes latibulum eius, nec nostra considerat, & circa cardines cæli perambulat.* Christus, ipsa Dei sapientia erat; Nos autem prædicamus Christum, ait Paulus: *Iudeis quidem scandalum, gentibus autem stultitiam.* Has gentes, & illos impios imitantur, qui se putant, à nullo vindice, conspici, cum peccant; aut quibus non rectè videtur Deus iudicare, cum hoc, aut illud, permittit. Ipse Adam, postquam se reum agnouit, magis reum fecit, quando & se latere, & oculis omnia videntis subduci posse putauit. Nam cum audissent vocem Domini Dei deambulantis in paradiso ad auram post meridiem, abscondit se Adam & uxor eius à facie Domini Dei, in medio ligni paradisi. Huic errori alium addidit, quando culpam in ipsum Conditorem reiecit, dum in Euam reiecit, à Conditore datam, dicens: *Mulier, quam dedisti mihi sociam, dedit mihi de ligno & comedi.* Hac ipsa ratione multi, vt se excusent, non verentur accusare suum Conditorem. Quàm crebri enim dicunt: Cur Deus mihi dedit naturam tam biliosam? cur tam iracundam? cur me fecit tam prouum ad libidines? cur sub Veneris, non sub Iouis stella voluit nasci? & sexcenta talia. Quin & sunt linguæ, quas ita loqui audias: Quid ad Deum pertinet, de me cogitare? non vacat illi, alia habet negotia; nimis est remotus. Saltem plurimi sunt, qui non cogitent, se videri; aut aliter facturos se profiteantur, si ipsi ad Mundi clauum sederent. Denique, apud Epicureum, si quis est Deus (dubitat enim) talis est Deus, qui

Iueret.

*Nec bene promeritis capitur, nec tangitur irâ.*

IV.  
Eccl. 16. 16.

Psal. 146.

Probiore fundamento probi nituntur. Audi sapientem Ecclesiasticum: *Non dicas: à Deo abscondar, & ex summo quis mei memorabitur? In populo magno non agnoscar; quæ est anima mea in tam immensa creatura? Ecce cælum, & cæli cælorum, abyssus, & vniuersa terra, & quæ in eis sunt, in conspectu illius commouebuntur, montes simul & colles, & fundamenta terra, cum conspexerit illa Deus, tremore concutientur.* Ac alius ait: *sapientia eius non est numerus.* Nimirum,

rum,

rum, in omni loco oculi Domini contemplantur bonos & malos. Item, *Omnes via hominis patent oculis eius, spirituum ponderator est Dominus.* Et de Christo ait Apostolus: *Discretor (Græcè κριτής iudex & censor) est cogitationum & intentionum cordis, & non est vlla creatura inuisibilis in conspectu eius.* Sexcenta hoc genus afferri possent. Scilicet hic est ille oculus scepro innixus, hic Osiris, seu oculatus baculus Ægyptiorum: hæc virga vigilans, quam vidit Ieremias, qua & dominium, & omniscientia Dei significabatur: hoc est, quod Dominus super Cherubim propitiatorium, quasi sedem & thronum curulem Dei, sustinentes sedere dicitur: indicatur enim, Dominum sapientissimos spiritus Angelicos longe scientiâ transcendere, cōsque velut pedibus premere. Quin & Græci *θεὸς ὁρᾷ τὰ κρυπτά* hoc est, à videndo nominant. Si enim sapiens est, necesse est, illum res non iam tantum per experientiam vel per effectus, vel per causas propinquas & creatas, sed per summas & primas etiam causas scire. Prima autem causa est ipse. In se ipso igitur, tanquam in suprema causa efficiente, & fine, & exemplari, omnia cognoscit. Tam clarè ergo omnia cetera cognoscit, quam clarè cognoscit seipsum; alioqui cognitio illius non esset diuina, nec infinitæ perfectionis; neque esset ex vi essentiae diuinæ.

Quòd si quilibet opifex operis sui notitiam exactam habet, cur Deus non perspiceret omnia, quæ in mundo existunt vsque ad minutissima quæque, siue partium, siue colorum, siue figurarum, siue conditionum, siue motuum & actionum, cum, præterquam quòd in se omnia peruideat, etiam omnibus intimè sit præsens? Nullum igitur hominis opus, nullum verbum, nulla cogitatio illum later; audit & susurros, & susurrones: intuetur omnia cordium arcana, penetrat ipsos fines & intentiones; nulla illi potest occultari fraus, nulla ab illo ignorari mortalium virtus. Omnia hæc ab æterno, & in æternum nouit, noscet.

Quocirca merito animus peccatoribus compauescit, videntibus, se, vbicunque, & quodocunque peccant, deprehendi. Hinc sudant, & quasi in Laconicâ cellâ, æstuât, quoties aliquid ausi sunt, Virtutis autem amatores, aquam sibi affundi sentiunt, quoties cogitant labores suos non esse, ante Deum, in obliuione, ob quos ab ingratis hominibus sæpe paruum mercedem reportant. Ille, *vocat ea, quæ non sunt, tanquam ea, quæ sunt; si vocat, id est, conspi-*

Prou. 15. 3.

Prou. 16. 2.

Hebr. 4. 12.

Macrob. lib. 1. cap. 21.

Ierem. 1.

Exod. 15. 18.

S. Dionys. de diuin. nom. cap. 7.

V.

VI.

Rom. 4. 17.



30 *Cap.V. Diuini Iudicij fundamenta precipua.*

cit illa, quæ non sunt (vt è prædictionibus ac vaticinijs illius est manifestum) siue longè post futura sint, siue etiam nunquam sint extitura; quanto euidentius est, eum videre illa, quæ facta sunt? Quod clarè indicatur illis verbis: *Domino Deo nostro, antequam crearentur, omnia sunt agnita; sicut & post perfectum respicit omnia.* Hoc certissimum Fidei fundamentum qui ponit & credit, nunquam dicet, Deum aliquid ignorauisse, aut per ignorantiam, vel mala malè permisisse, vel non bene bona, sine remuneratione, reliquisse.

VII.

Alterum igitur iam dehinc iaciendum est fundamentum iustitiæ, vt constet, Deum, sicut in ratione veri, atque intellectu errare non potest, ita, in ratione boni, ac voluntate quoque etiam non posse hallucinari. Et quidem, si calculum bene ponamus, licet in Deo non possit esse debitum strictè, seu illa obligatio ad alterum, qui perfectè sit alter, & non in possessione seu dominio Dei, cum ille sit Dominus omnium; potest tamen esse, & est in eo illa iustitia, qua operi congrua merces redditur, etiam si is, qui reddit, non sit iustitiæ, sed solius fidelitatis nexu obligatus; & siue is, cui redditur, sit sui iuris, siue in potestate reddentis. Nimirum vulgò, & communi loquendi modo, cum aliquem iustum vocamus, non tam spectatur ius obligationis, quàm equalitas & congruentia rerum, quam iustitia efficit. Ab hac iustitia Deus passim, & verè laudatur: ab hac vocatur *iustus Index*, quia integerrimè reddit vnicuique, secundum opera sua, statutam scilicet mercedem; bonis præmia, malis supplicia, iuxta exigentiam & æqualitatem meritum. *Iustitia enim Deicelebratur, vt omnibus ea, qua meritis congrua, conueniunt, distribuens*, ait S. Dionysius Areopagita.

Leon. Less.  
Lib. 13. de  
diu. perfect.  
cap. 2.

S. Dionys.  
de diuin. no-  
minibus.  
cap. 8.

VIII.

Triplex iustitia, *commutativa, distributiva, & vindicativa*, ab Aristotele, est assignata. Itaque si, non iam obligationem iustitiæ, aut debitum perfectum ac absolutum (quale in Deo absolutissimè omnium rerum dominium habente quodque à se abalienare, non potest, nequit esse) sed condignitatem aspiciamus, & *commutativa, & distributiva, & vindicativa* iustitia Deum ornat, maiorque est, quàm, vt ab vilo mortali ingenio possit explicari.

IX.

Commutatiua eius iustitia mortalibus innotescit, quia, inter meritum & præmium constituit æqualitatem, dum cuique ipsius meritis congruentem tribuit mercedem. De hac loquens ait Apostolus: *In reliquo reposita est mihi corona iustitiæ, quam reddet mi-*

2. Tim. 4. 8.

hi

hi Dominus, in illa die, iustus Iudex; vbi coronam iustitia, id est, ex iustitia debitam nominat. Ille scilicet est paterfamilias, qui operarijs suis, sub vitæ vespere, mandat stipendium dari, quod diurno eorum labori promissit pepigitque. Qua ipsa de causa nos excitat ad fortiter & impigrè laborandum D. Paulus: *Non enim iniustus est Deus*, inquiens; *ut obliuiscatur operis vestri & dilectionis*, sed debitam labori vestro mercedem rependet, eamque vobis, quasi pretium, pro re, vel opere præstito, commutabit. Quoniam autem Domini est terra, & plenitudo eius: orbis terrarum, & vniuersi, qui habitant in eo; adeoque & opera eorum, & omne eorum meritum, omneque ius ad mercedem, cum non solum opus mercede dignum à diuina gratia valorem suum accipiat, sed etiam neque esse, neque conservari sine Deo possit, à cuius, perinde, ut reliquæ omnes creaturæ, dependet liberrima voluntate; fit, ut in manu eius absolutè sit, id existere, vel annihilari. Quare nec eo astringi, aut obligari potest; sicut neque diuina eius voluntas, à re vlla extrinseca, ligari aut determinari potest, sed tantum se ipsam liberè promittendo ligat aut determinat. Hinc inter meritum & præmium constituit æqualitatem, & cum labore mercedem commutat, non quidem aliquo strictæ iustitiæ, sed tamen verissimo atque certissimo fidelitatis, & veracitatis (quæ est pars iustitiæ potestatiua) debito, seu ex ea iustitia commutatiua, quæ, supposita & manente liberali promissione, etiam inter patrem & filium, inter herum & seruum, esse potest. Talis enim etiam est, multoque maior, inter Creatorem & creaturam: cum sit fidelis Deus, fidemque suam sanctissimè liberet, ac præmium, quod promissit, abundantissimè conferat. Tamen si enim indignum est Deo, in Deo absolutum debitum ponere, isque ut S. Augustinus loquitur: *reddat debita nulli debens*; haud tamen indignum est Deo, præmium promittere, sub conditione operum, quantumuis alioqui præceptorum & Deo debitorum. Quod si ergo opus, cui ille mercedem promissit, præstemus, consequens est; eum nobis mercedem debere: cum omne promissum cadat in debitum. Igitur agnoscit se Deus debitorem, ex promissione; inquit & debitum agnoscit, quia agnoscit actum ipsum bonum hominis, ex se, atque à parte rei, tali, vel tali præmio dignum, illique proportionatum. Denique agnoscit, hanc merendi facultatem nobis Christum meruisse, & à sanguine diuino precium operibus nostris, condignitatēque accessisse.

Quam

Matth. 20. 8.

Hebr. 6. 20.

Psal. 23. 1.

S. Aug. lib. 27  
Confess. c. 4.



X.

Quàm ergo illi chara est sua veritas, & fidelitas, & pactio, & Filiij Passio, tam chara est illi itidem iustitia commutatiua. In terris nostris, olim, magni fiebat *verbum Principis*; quod Princeps dixit, irritum esse non posse existimabatur. Infinites veracior, fideliorque omni Principe, est Deus: vnde Christi effatum est: *caelum & terra transibunt, verba autem mea non transibunt*. Stultus ergo, aut à stulto proximus est, qui terreni Principis verbum tanti facit, vt, de eo dubitare, nefas arbitretur; & non facit longè plurius verbum promissionemque cœlestis Principis, sed de vilo opere bono ambigit, quasi non remunerando. Multi remissi non essent, si hîc essent attentî. Et magna spe omniâ, propter Deum agunt, omnia patiuntur, qui sunt attentî. Habent enim illud D. Augustini in corde, & ore: *Debitorem se fecit* (Deus) *non tantum sibi, sed & Christo, & nobis, vt illi dicere possimus: Redde, quod promissisti, quia fecimus, quod iussisti*. En quanta est boni operis fiducia! Deum ipsum, dum bona operamur, facimus nobis debitorem. Sic Chrysostomus, sic Cyprianus est locutus. Quod si ille ditior censetur, qui, in seculo, plures habet maioresque debitores; quis ditior esse potest homine bona operante, cum Deum ipsum obtineat debitorê? nempe qui non tantum promisit, & adeo ex fidelitate duntaxat, se voluit obligare; sed etiam, qui promisit, cum pacto, & coditione meritòque operum; vt adeo ijs præstis, mercedem nobis debeat, tanquam mercedem; quod est ex iustitia commutatiua debere. Is siquidem, qui mercedem, pro labore paciscitur, obligatur ad eam, non modò titulo fidelitatis, sed etiam ex iustitia soluendam: cum ex fidelitate id soluere debeamus, quod etiam sine vlla conditione, pacto, aut operum merito, promissimus. Hoc fundamento ostenditur, quæ, & qualis, in Deo, sit *iustitia commutatiua*, mirificæque spes hamanæ firmantur, mercedis recipiendæ. Non enim est Deus, sicut homo; non mutatur; non resilit; non frangit pactum, promissa non violat; verba sua non negat; litteras suas non temerat, neque dicit se non esse soluendo. Denique nihil sophisticè agit. Olim lex erat: *Qui seditionem mouerit, moriatur: qui sedauerit, præmium ferat*. Quidam & mouerat, & sedauit, petiit, præmium. Hanc quæstionem Sophista paucis absoluit. *Quod est prius? mouisse. Quod posterius? sedasse. Itaq; prius dæ pœnas morte seditionis, inquebat, ac dein, si potes, accipe præmium recte factorum*. Non sic Deus pronunciat; sed qualem posterius inuenit vel puni-

S. Augustin.  
ferm. 16. de  
Verb. Dom.

S. Chrysost.  
homil. 3. in  
Matth. Cy-  
prian. tract.  
orat. & elec-  
mosyna.

nit,  
lit,  
bum

Deus  
rum  
sit in  
tanqu  
rerum  
debit  
tim in  
rum;  
prop  
Fides  
S. Fran  
tecelli  
nofter  
& alia  
resurre  
nus de  
nem,  
que di  
diuersa  
Roman  
lis; de  
ria, ap  
diuers  
rétque

defun  
rum e  
tate,  
manâ  
vtq; n  
erat in  
enit M  
dum, c  
Alexan

nit, vel remunerat. Si inuenit malum, plectit; ignoscit & extol-  
lit, si inuenit poenitentem. Hoc promisit, hoc seruat. Stat ver-  
bum, manet pactum.

Hinc neque de iustitia distributina potest dubitari. Nam  
Deus etiam constituit æqualitatem inter proportionem præmio-  
rum, & proportionem meritorum; facit enim, vt illa proportio  
sit inter præmia, quæ est inter merita. Quemadmodum enim,  
tanquam sapiens architectus, cum Mundum conderet, singulis  
rerum naturis conuenientissimè, prout cuique congruebat, suas  
debitas qualitates & ornamenta distribuit; ita partim in hac, par-  
tim in altera vita, distribuit præmia, seruata proportionem merito-  
rum; seruataque iustissima, inter proportionem præmiorum, &  
proportionem meritorum, æqualitate. Quantum enim excessit  
Fides, Spes, Charitas, ceteræque virtutes Deiparæ, virtutem  
S. Francisci, tantum etiam gloria illius, gloriam S. Francisci an-  
tecellit. *In domo Patris mei mansiones multe sunt*, ait Remunerator Ioan. 14.2.  
noster. Et Apostolus illius: *Alia claritas solis, alia claritas luna,* 1. Cor. 15.4.  
& *alia claritas stellarum. Stella enim à stella differt in claritate. Sic &*  
*resurrectio mortuorum.* Ex quo loco S. Hieronymus, & S. Augusti-  
nus demonstrant, non tantum gloriosam Sanctorum resurrectio-  
nem, sed etiam præmiorum in cælo disparitatem, prout hîc quo-  
que disparia sunt semina meritorum: & prout etiam homines  
diuersa præmia bene merentibus dispensant. Alia erat olim, apud  
Romanos, corona civilis, alia castrensis, alia muralis, alia naua-  
lis; denique alia laurea, alia aurea; sicut & ex alia aliæque mate-  
ria, apud Græcos, coronæ Olympionicarum. Cur non & Deus  
diuersorum operum labori, diuersa præmia proponeret persolue-  
rétque?

Alexander S. Magthildis virginis filix regis Scotiæ frater  
defunctus tanquam Sanctus colebatur. Quare Monacho fistula-  
tum ex ulcere pectus habenti, atque ad tumulum eius, pro sani-  
tate, oranti se visendum præbuit aliquando; species illi erat hu-  
manâ augustior. Nam velut solem indutus clara in luce refulsit:  
vtq; maius esset lumen, duplici coronâ radiabat. Alterâ caput  
erat insignitum, more regio: alteram manu gestabat. Non po-  
tuit Monachus abstinere interrogatione, Alexandro, in hunc mo-  
dum, conspecto; sed illico quæsiuit, quid corona sibi vellet? Cui  
Alexander, *Corona*, inquit, *quam gesto manibus, corona extitit tem-*

XI

Ioan. 14.2.

1. Cor. 15.4.

S. Hieron.

lib. 2. contr.

Iouinian.

S. Aug. lib.

de S. Virgin.

cap. 26.

Gell. 1. 5.

Noë. c. 6.

XII

Thom. Can-

tipr. lib. 2.

Apum. c. 10.

9. 4.



34 *Cap.V. Diuini Iudicij fundamenta præcipua.*

poralis, quam pro Christo deserui: illa vero, quam gesso in capite, corona est, quam communem cum Sanctis accepi. Et ut tibi fidentius in hac visione credatur, secundum fidem tuam, sanus eris ab omni incommodo quo torqueris. Vides coronam Sancto huic geminatam? Neque in hoc numero concludit coronas Deus; sed multiplicat eas ad numerum meritorum.

XIII.  
Io. Anton.  
Campan.in  
vita eius.

In vita Pij Secundi Pontificis Maximi memoratur, ea die, eaque hora, qua decessit, Amonæ in Hetruria Camaldi, quod est in Apennini iugo, senem Germanum, victu aspero, sex & quadraginta annos intra sacelli claustra emaciatum, atque inter cœnobitas miraculis clarum, fortè egressum ad limen primum vestibuli, subitò exclamasse, videre se magnum sacerdotem, CORONA TRIPLICI & candidissimo amictu ferri in cælum, comitantium virguncularum cœtu & nubecula septum. Attonitis qui aderant, & quid esset conijcientibus, quarto post die, quantum itineris Amona distabat, nuncius de morte Pontificis affertur, tempore & habitu conuenientibus. Qua in historia triplicem videmus coronam vni capiti decretam. Non exhauritur Deus, centum coronas accipies, si centum merearis.

XIV.  
2. Cor. 9. 6.

Quo rursus fundamento mortales præclare animantur, ne sint socordes. Qua enim re se sinent inuitari, si se non sinunt inuitari præmijs, aut eorum amissione commoueri? At qui parçè seminat, parçè & metet, & qui seminat in benedictionibus, de benedictionibus & metet. Nemo igitur sementem spargat parca, nemo contracta, sed plena manu; sed toto, quod dicitur, sacco. Nemo putet, se plus alijs, aut plus æquo laborare. Qui plus laborat, plus sibi gloriæ coaceruat: & ad magnitudinem operis, extenditur magnitudo mercedis. Deficiente disciplina atque arte militari, multi præclari milites, qui egregia in hostem facinora ediderunt, digni vexillo, digni vite, digni paludamento, prætermittuntur, atque vulgo non exempti delitescere sinuntur. Sic neglecta virtus hebescit: sic Martius suffocatur spiritus: sic bona indoles sepelitur. At qui nobilitate valent, quia uos, qui proauos, qui stemmata possunt enumerare, qui fautores, qui promotores habent: ab ipsis fere cunis, & fascijs; certè à scholis, à fornace, à virgis calentes, inuestes & imberbes adhuc, totis subinde cohortibus regendis præficiuntur. Hinc tam strenuè militatur: hinc cū meretrice, nouerunt, non cum hoste congredi; hinc primi sunt

in.

in conuiuijs, vltimi in prælijs: hinc, cum prædandum est, sunt alacres, cum pugnandum segnes. Culpa est eorum, qui tales, non ob virtutem, sed fauore extulerunt. Nō sic agit diuinæ providentiæ Iustitia. *Non enim est acceptio personarum apud Deum*; non respicit Deus, an Iudæus quis sit, vel Gentilis; non æstimat sanguinem, sed virtutem; mensura operis, apud illum, est mensura mercedis. *Si contempsi subire Iudicium cum seruo meo, & ancilla mea, cum disceprarent aduersum me*, ait S. Iob. Multò id dicere æquius potest Deus; immò dicit: *Venite, arguite me, dicit Dominus*. Et Christus: *Quis ex vobis arguet me de peccato?* Certè, si sanctus est, D. Dionysio teste, *ut more nostro loquar, ab omni scelere libera, & omnino perfectus, & omni ex parte immaculata puritas*, hoc est: si in animi puritate ab omni contagione peccati aliena consistit, nemo Deo sanctior est; nemo ab omni labe remotior. Nemo igitur illum arguet, nemo vt acceptatorem personarum deprehendet. Cessat ergo hinc omnis querela, quasi alijs mitior sit, quàm meruerint; in alios autem austerior, aut parcior. Tantum recipies, quantum meruisti; dummodo nōris vesperam expectare. Si non satis retribuit, si manum continet, nondum satis meruisti: noli quiritari; noli frenum laxare verbis indignantibus, sed cum Zenone dic: *Satius esse, labi pedibus, quàm lingua.*

Rom. 2. 11.

Iob. 31. 13.

Isa. 1. 18.

Ioan. 8.

S. Dionys. de

Div. Nom.

c. 12.

Quod si autem te turbat, quia pacem vides impiorum; nōris, in Mundi huius Monarcha, esse etiam *Iustitiam vindicantem*. Nihil enim relinquit impunitum. Omne peccatum condignis pœnis vindicat. Si quando tardiùs punit, grauiùs punit; neque negligit delinquentem, si eum finit sibi iram in diem iræ thesaurizare. Vt rectus Reip. ordo, quem criminofus violat, instauretur, necessaria est pœna, & crimini, seu potiùs criminofoso debetur; non quòd ipse ad eum ius aliquod habeat, sicut alicui præmium deberi dicitur; sed quia illi congruit; vt sic, quod in Rep. amissum est, sarciaur. Quia igitur violatum iustitiæ ordinem instaurare, & per se bonum est, & ad Iudicem pertinet, meritò inde Iudices iusti dicuntur, haberùrque & hæc *iustitia vindex* inter virtutes. Quis eam itaque Deo neget, hunc Mundum iudicanti? & per se honestissimam, & necessariam gubernationi? sine qua & scelera impunè grassantia crescerent, & pauci vitam ducerent cælo dignam? Cleanthi Assio quidam, probri causa, obieciebat, quòd esset timidus: cui respondit: *Ideo minimum peccò.* Sic & reliqui

XV.



Tertull. lib.  
de Patient.  
c.9. & 10.

Ierem. 12.

Ierem. 48.9.

mortales plus peccarent, si diuinam vindictam minùs formidarent. Et vel eò ipso plus peccarent, quia vindictam ipsi sumerent de inimicis. *Quid credimus Iudicem illum*, ait Tertullianus, *si non & ultorem?* Hoc se nobis repromittit dicens: *Vindictam mihi, & ego vindicabo; id est, patientiam mihi, & ego patientiam remunerabo. Qui vindicat se, honorem vnici Iudicis, id est, Dei abstulit. Post vindictam sequitur pœnitentia, fuga & reatus, vt pari modo plectamur. Quisquis ergo cogitat, in Deo esse Iustitiam vindicantem; & Deum metuit, ne pœnam illius incurrat; & vlcisci se desinit, quia nouit, alium meliorem superesse ultorem: & denique, si illa pulset cogitatio: Quare via impiorum prosperatur: bene est omnibus, qui prauaricantur, & iniquè agunt?* mox sibi respondet, nouit iustissimus Mûdi vindex tempus puniendi. Sæpe via initio prospera, ferali exitu terminatur. Per florida prata, ad metuenda venit præcipitia. Neque quibus bene est, semper est beatè. Vidimus, multis multum dari, qui ducebantur ad rogam. Aspeximus multos, in planissima glacie, ludere, & perire. Non fuit fausta vox illa: *Date florem Moab, quia florens egredietur*, sequitur enim: *& ciuitates eius deserta erunt, & inhabitabiles.* Nimirû sicut bos victimandus vitta & corona redimitur, vt ornatur ad cadem; sic Moab, sic impius, florens egredietur; vt, velut exitij sponsus, pereat coronatus.

## C A P V T V I.

*Ipsa Bonitate Dei, Iudicia Dei fieri probatiora, & illustriora.*

J.

Psal. 118.



Iste Omniscentiæ, ac triplicis in Deo Iustitiæ fundamentis, addi potest debetque illud etiam Bonitatis, vt dicere possimus: *Intio cognoui de testimonijs tuis: quia in æternum fundasti ea.* Sunt enim hæc quinque firmissima, & verè æterna, nec vllis vnquam machinis quassanda diuinorum Iudiciorum fundamenta. De Alcæo alij, alij veriùs referunt de Pittaco Mitylenæo, eum iustitiæ tantam estimationem habuisse, vt filij occisor ad eius tribunal mitteretur; bonitatem tantam ostendisse, vt & huic ipsi ignosceret, vix credibili in posteros exemplo. Nam *Tyrrhenum Pitaci filium, cum, in*

ton-

constrina sedentem faber quidam erarius, impacta securi, occidit. Cu-  
mani homicidam vinctum miserunt ad Pittacum, ut de eo supplicium  
fameret. At ille, cognita causa, dimisit hominem dicens: Ignoscantiam  
esse potiore penitentia: seu: Melius est ignoscere, quam punire. Hoc  
factum dictumque ita Pittacum reddidit amabilem, ut inter Mun-  
di sapientes reponeretur. Dei Filium nos occidimus, sanguis eius  
adhuc clamat de terra, rei sumus. Non possumus negare factum.  
Ipse enim vulneratus est, propter iniquitates nostras, attritus est, pro-  
pter scelera nostra. Quid supererat? Ante Patrem illius stabamus,  
qui nos perdere potuisset in gehennam. Sed ille inexpectatam  
protulit sententiam. Audi Filium illius: Euntes autem, ait: disci-  
te, quid est: Misericordiam volo, & non sacrificium. Potuisset dam-  
nare, voluit saluare; & meritis vindictam exhibuit gratiam; quan-  
do & Filius eius pro crucifixoribus suis orauit, immo morte sua  
redemit ipsos etiam suos crucifixores. Quæ maior Bonitas ex-  
cogitari potuisset? Rex ille, cum audisset vel seruos suos contume-  
lijs affectos & occisos, iratus est, & missis exercitibus suis, perdidit  
homicidas illos, & ciuitatem illorum succendit. Deus audiuit & vidit,  
Filius suum vnigenitum, heu quantis, ante iniquos Iudices, contu-  
melijs affectum, ac denique etiam, in infami ligno, dirissimè in-  
teremptum, cum mittere posset duodecim millia, immo duode-  
cies mille legiones Angelorum, & Deicidas perdere, non misit,  
sed illis ipsis sanguinem in lytrum ac redemptionem donauit, qui  
eum profuderunt. Quis posset esse altior gradus charitatis?

Eras. lib. 7.  
Apopht.

Isa. 53. 3.

Matth. 6. 1. 3.

Matth. 22. 7.

Ob hanc charitatem ait Apostolus: *Benedictus Deus, &*  
*Pater Domini nostri Iesu Christi, Pater misericordiarum, & Deus to-*  
*tius consolationis:* Rectè, inquit S. Bernardus, non *Pater iudiciorum,*  
*vel ultionum dicitur, sed Pater misericordiarum:* non modo quòd pa-  
ter videatur misereri potius, quam indignari, & quemadmodum pater  
filiorum misereatur timentium se; sed eo magis, quod miserendi causam  
& originemumat ex proprio; iudicandi vel ulciscendi magis ex nostro,  
ex nostris scilicet peccatis. Sed si propter hoc Pater misericordie, quare  
Pater misericordiarum? Apostolus nobis in vno verbo, in filio vno, ipsam  
quoque duplicem misericordiam commendat, Patrem dicens non vnus  
tantum misericordie, sed misericordiarum, & Deus non vnus, sed to-  
tius consolationis, qui consolatur nos, non modo in hac, vel illa, sed in  
omni tribulatione. Misericordie Domini multe ait quidam; quia  
videlicet multe tribulationes nostrorum, & de omnibus his liberabit eos

II.

2. Cor. 1. 3.

S. Bernard.  
serm. 5. de  
Natali Do-  
mini.



*Dominus. Vnus est Dei Filius, unum Verbum, sed miseria nostra multiplex, non modo magnam misericordiam sed multitudinem querit miserationum. Fortè tamen propter substantiam duplicem, qua subsistit humana conditio, cum sit utraq, tam misera, non incongruè duplex hominum dicatur esse miseria, licet sit multiplex in utraq. Siquidem & corporis & cordis nostri tribulationes multiplicatae sunt, sed ab utraq, necessitatibus eruit, qui totum hominem saluum facit.*

## III.

Sap. 12. 1.

Ibid. 8. 22.

Rom. 2. 4.

Est illius quidem & punire peccatores, sed proprium illius dicitur esse, *misereri semper & parcere*. Quia in hac vita suam exerit bonitatem, in altera ostendet seueritatem. Ibi ut iustus, hic, ut misericors vult prædicari. Cuius Misericordiam ac Bonitatem, qui agnoscit, næ ille nunquam in impatientiam ebulliet, sed verbum illud bonum eructabit: *O quam suavis est, Domine, spiritus tuus in omnibus!* itemque, *Cum das nobis disciplinam, inimicos nostros multipliciter flagellas, ut Bonitatem tuam cogitemus iudicantes: & cum de nobis iudicatur, speremus Misericordiam tuam*. Nihil de viro bono mali suspicamur; consilia, facta, dicta illius nunquam finistrè accipimus, aut interpretamur; cur suspicemur de Bono Deo? aut cur de illo malè cogitemus? Multùm proinde refert, *dinitias Bonitatis eius, & patientia, & longanimitatis* non contemnere, sed curatissimè expensas habere. Quia autem bonitas rei, aliud nihil est, quàm perfectio rei, siue naturalis, siue moralis, facile est videre, naturalem in Deo bonitatem summam esse, cum in eo summa sit naturæ excellentia, per quam omnem à se ipso, & in se ipso, adeoque illimitatam, infinitamque habet perfectionem. Itaque in eo infinita lux, infinita sapientia, infinita potentia, infinita pulchritudo, infinita suauitas, infinita voluptas, infinita beatitudo, infinita sanctitas, infinita benignitas, infinita misericordia, tanquam in infinito quodam bonorum omnium Oceano, continetur. Itaque est fons inexhaustus omnis boni; fons fontium indiuisus, nec per multas formas, tanquam per riuos dispersus, sed in suamet natura vnica & simplicissima hæc omnia eminentissimè complectens; se ipsum implens, nec aliunde capiens mensuram aut terminum, sed vndique interminatus & illimitatus; cui nulla potest fieri accessio, nullum accidere detrimentum. Arbor bona potest arescere, vinum bonum potest expirare; gemma bona potest perdere splendorem; homo bonus potest in vitia declinare; potuit & Angelus bonus excidere, ac fieri teterrimus cacodæmon: ac Consilia,

Iu-

Iustitia, & Veritas Domini manet in aeternum; possunt ipsi cæli veterascere, at Dominus idem ipse est, nunquam senescit, nunquam deficit. *In* *ti* *o* *ru*, Domine, terram fundasti, ait: & opera manuum tuarum sunt cæli. Ipsi peribunt, tu autem permanes: & omnes sicut vestimentum veterascent. Et sicut opertorium mutabis eos, & mutantur: tu autem ipse es, & anni tui non deficient: nec mores tui, sanè suaves, sanè boni, sanè amabiles. O homines, nolite considerare in Principibus, quorum gratia, sæpe cum Sole, occidit; quorum fauor, ut aura vertitur; quorum vultus hodie suavis, & comis, & amicū arridens, cras plenus truculentia. Deus idem semper est, semper bonus, semper patiens, semper ad ignoscendum paratus; eaque est longanimitate, ut malit parcere, quàm plectere.

Psal. 32. 11.  
Psal. 110. 3.  
Psal. 116. 2.  
Ps. 101. 27.

Psal. 145. 3.

Diuitias Bonitatis Dei, ait Origenes, ille agnoscere potest, qui considerat, quanta in terris mala quotidie homines gerant; & quomodo penè omnes declinantes & simul inutiles facti, latam & speciosam perditionis ambulant viam. Si quis consideret, quanti in Deum quotidie blasphemant, & in cælum extendunt linguas suas. Iam quid de fraudibus, de sacrilegijs & piaculis dicam? Si quis ergo hanc Bonitatem Dei, & sustentationem eius, & patientiam contemnit, ignorat, quòd per hæc ad poenitentiam prouocatur. Sed vos non dissoluat hoc, & tardos, ad conuersionem faciat: quia rursus patientia eius & sustentationis certa mensura est; non in se, cum sit infinita, sed ratione nostri, quibus certam mensuram posuit peccatorū, ut etiam Iustitiæ eius locus relinqueretur. Quòd si faciem eius preoccupemus in confessione; si, dum extendit manum suam, dum vocat, dum annuit, non renuimus, tum bonum, tum benignum experimur. Quemadmodum enim nimbus vitreus balsamo plenus ad balsami effusionem est procliuissimus, ita infinita illa Bonitas, ob ipsam suam perfectionem, ad sui communionem maximè propendet; & quidem, naturam suam, diuinis personis se totam communicat; creaturis autem libere se communicat pro captu cuiusque. Hominum culpa est, si se non faciunt, cum diuina gratia, capaces; si fugiunt benefacere cupientem. Nam si faciem eius in confessione preoccuparent, si sua vulnera illi ostenderent; si detegerent calamitates, profectò voluntatem eius ad miseriæ illorum opitulandum incitatissimam reperirent. Vult enim Deus creaturæ miseriā tollere, vult illi bene esse.

I V.  
Orig. in c. 2.  
ad Rom.



V.  
Exod. 34.

Pfal. 85.  
Pfal. 32.  
Pfal. 144.

Pfal. 118.

Habac. 3. 2.

VI.  
Iud. Blosius  
Monil. spi  
rit. cap. 1.

Eapropter eximæ illæ laudes existunt : Dominator Domine Deus, misericors & clemens, patiens & multa miserationis, & verax, qui custodis misericordiam in millia, qui auferis iniquitatem, & scelera atq; peccata. Item : Et tu Domine Deus miserator & misericors, & patiens, & multa misericordia. Et idem : Misericordia Domini plena est terra. Ac rursus : Suavis Dominus vniuersis, & miserationes eius super omnia opera eius, ait. Ergo & super Angelos, & super homines; super beneficia, & super supplicia, quia citra condignum punit. Itaque nullus relinquitur querelæ locus. Puniatur licet peccator, sciat, Dominum, cum iratus fuerit, misericordiæ recordari; & agnoscat, quidquid patitur, tamen se plus commerruisse. Et facile agnoscet, quisquis meminerit, se puniri à diligente, & misere Deo. Nihil videtur iniquum, quod faciunt amantes. Denique qui nondum perspicit quàm iuste secum agat Deus, Bonitatem eius in memoria habeat, & dicat : Bonus es tu : & in Bonitate tua doce me iustificationes tuas. Non enim potest non iustum cogitare Deum, qui cogitat bonum; neque iræ ascribit, quod videt, facere amantem. In Platone laudatur, quòd iratus seruo, cum eum castigare pararet, & fortè interueniret Xenocrates, Xenocrati dixerit : Flagella hunc puerum, nam ipse sum iratus. Sibi nimirum diffusus est homo Philosophus, sentiens animi commotionem, cum vulgus hominum tum maximè puniat, quando irascitur. Irascitur Deus peccatis, sed nunquam illum iræ præcipitat; immò semper Iustitiam Misericordia ad æquilibrium reducit, aut velut indiuidua socia comitatur. Quamobrem Habacuc audet dicere : Cum iratus fueris, misericordia recordaberis; & adeò id facit Deus, ut etiam in ipso loco damnatorum citra condignum punit. Quis ergo tam bonum Deum accuset tyræ iudis aut crudelitatis?

Nulla illum res magis offendet, quàm si Iudicia eius existimemus esse sine Bonitate. Notum est illud, quod Blosius refert, Deum aliquando Sanctissimæ virgini Catharinæ Senensi dixisse : Peccatores, qui in mortis extremitate desperant de misericordia mea, multò grauius me offendunt, & magis mihi displicent, hoc vno peccato, quàm omnibus alijs iniquitatibus, quas unquam commiserunt. Qui enim desperat, contemnit apertè ipsam misericordiam meam, & peruersè existimat, iniquitatem suam maiorem esse, quàm sit eadem misericordia & Bonitas mea. Vnde detentus huiusmodi peccato, non dolet de offensa in me admissa, sed dolet de irremediabili damno suo. Qui si in veritate

doleret, quod me offenderet atq; contempnisset, & in misericordia mea fideliter speraret, ipse eam certissime inueniret: quoniam in infinitum maior est ipsa misericordia mea, quam sint omnia peccata, quæ unquam fuerunt commissa, vel quæ committi possunt ab aliqua creatura.

Cogitant nonnulli, Si ego Deus essem, nequaquam tot homines damnarem: ita tacite, immo satis aperte, suam putant maiorem esse, quam Dei Bonitatem. Sed falluntur amentissime, cum illorum Bonitas sit exigua, Dei autem infinita, semperque homines sint, ad vindictam, diuinâ illâ misericordiâ, proniores. Cuius rei luculentum D. Dionysius Areopagita recenset exemplum. Carpo Episcopo multa diuinitus erant reuelata, inter quæ ipse Sancto Dionysio hoc visum denarravit. Abduxerat idololatra quispiam Ethnicus, à Christi fide & Ecclesia, hominem Christianum. Displicuit & illius effectio, & huius defectio tantopere Carpo, vt nimio quodam Zelo contactus, iudicaret, eos vitæ indignos esse, indignosque, quos terra sustineret. Quare Deum impensè precatus est, vt amborum vitam repente extingueret. Voluit hunc serui sui errorem corrigere diuina Bonitas. Tale ergo illi visum obtulit. Aspicienti sursum videbatur se se cælum aperire, ac longè latèque diductum IESVM Saluatorem, in lucidissimo throno, summa cum maiestate, sedentem exhibere; circumsecus Angeli, sine numero, multi, & præ sideribus fulgidi astant. Talis erat aspectus cæli. Inde cum ad inferiora oculos reduxisset Carpus, profundissimam quandam conspexit voraginem, viperis anguibûsque horridissimis refertam. In crepidine extrema voraginis, duo illi, quos è vita eliminatos volebat, velut in lubrico, ac præcipiti, & ruinæ proximi, tremebundi & miserabiles consistere videbantur. Impulisset eos Carpus, si propinquior illis adfuisset: nam & grauiter ferebat, eos non protinus absorberi, sicut Dathan & Abiron quondam. Sed nesciebat, cuius spiritus esset. Igitur, oculis iterum in cælum ire iussis, vidit clementissimum IESVM misericordia tactum, è sublimi illo suo throno consurgere, cælestique sede relicta, ad illos ipsos duos miserandos homines in terram descendere, eisque manum benignissimam porrigere; quibus & Angelorum illa infinita multitudo Dominum suum comitata opem ferebat. Hoc spectaculo, cum attonitus esset Carpus, conuersus ad eum IESVS his ferè verbis Clementiam suam expressit, omni vtique humana clementia su-

VII.

D. Dionys.  
Areop. Epist  
ad Demo-  
phil.



periozem: *Paratus sum, Carpe, iterum, pro saluandis hominibus, patii & istud mihi gratum est, modò non alij homines peccent. Tu autem, inspicere, an tibi utile sit, illam cum serpentibus mansionem præferre Dei, ac bonorum clementiùmque Angelorum consortio.* Hac visione monstratur, quàm longè Dei Iudicia, Iudicijs hominum sint mitiora.

## VIII.

Profectò si Deus hominibus suam iudiciariam potestatem traderet, si non omnes, saltem longè plures quotidie ad Orcum mitterentur. Non illi orarent, pro ijs, à quibus læduntur, non eis se se amabiles, sed feros, sed truces, sed truculentos exhiberent.

Apud Lud.  
Blos. Monil.  
spir. cap. I.

Alius est Deus, qui S. Gertrudi hæc aliquando dixit: *Vilissimum foret, homines scire, & in memoria semper habere, quòd ego Virginis Filius, pro salute eorum asto ante Deum Patrem: & quodcumq; ipsi ex humana fragilitate delinquant corde suo, offero pro eis Deo Patri cor meum immaculatum, in emendationem. Quando verò offendunt opere, exhibeo manus meas perforatas: Et ita in quibuscumq; delinquant, statim innocentia mea placo Patrem, ut illi poenitentes facilem semper obineant veniam peccatorum.* Hoc non facerent homines, aut certè rarissimi sunt, eoque magis laudandi, qui imitantur. Et si vel maxime imitantur, quantàm non sentiunt, in animo, luctam? quas pugnas non experiuntur? Deus autem quàm Bonus sit, ex eadem Virgine Gertrude intellige. Audierat illa aliquando, pro concione, *Neminem posse salutem consequi, nisi saltem tantillum vera charitatis habeat, ut ex amore Dei poeniteat abstinèatq; à peccato: ipsa apud se cogitabat, plurimos migrare ex hac vita, qui videntur poenitere magis timore gehennæ, quàm Dei amore.* Talia volenti Benignissimus cælestis Pater, in hunc modum, respondit: *Quando video illos agonizantes, qui mei unquam dulciter recordati fuerunt, vel aliquid meritorij operis peregerunt, in ipso mortis confinio, exhibeo eis me tam piùm, amabilem, & benignum, ut ipsi ex intimis cordis medullis doleant, quòd unquam me offenderint: ac per talem poenitentiam apti redduntur ad salutem consequendam, & perire non possunt.* Hæc vera esse, in cælo videbimus, & Iudicia Dei amore, misericordia, benignitate permixta agnoscentes, clementiam diuinam æternùm cantabimus. Nunc satis est intelligere, quàm mitem etiam in hostes Dominum habeamus. Mirati sunt olim Fauorinum homines, quòd cum Imperatore simultatem gerens viueret: ò quàm multi viuunt, & æternùm viuent, qui gerunt cum Deo simultatem! sed, eò miserrante, respiscunt. Tantus amor Creatoris, tanta Numinis mise-

Blos. Ibid.

ratio. Nam si viscera sua, ipsumque suum Unigenitum Christum in nos effudit, cum adhuc conciliari non essemus, dicente Zacharia: *Perviscera misericordiae Dei nati, in quibus visus nos oriens* Luc. 1.8. ex alto; cur eandem misericordiam suam retraheret, postquam nos morte sua suos fecit? Nam, teste Paulo: *Commendat Deus* Rom. 5. 78. *Charitatem suam in nobis, quod cum inimici essemus, Christus pro nobis mortuus est: multo igitur magis nunc iustificati in sanguine ipsius, salvi erimus ab ira per ipsum.*

C A P V T VII.

*Miseria non videntium, & fructus videntium Deum omnia videntem.*



Um aliquando Christus ab Hierichunte non procul abesset, cæcus, qui in via stipem collegerat, intellexeratq; ex turba Dominum comitante, quis transiret, contentissimâ voce clamavit, dicens: *IESU Fili David miserere mei.* Et qui praebant, increpabant eum, ut taceret. Ipse vero multo magis calmabat. Quasi calcar, non frænum; immo, quasi non aquam, sed oleum flammæ addidissent, ita non modò non compescuerunt clamantem, sed etiam prohibendo magis incitauerunt. Cur cæcus increpatione non passus est se emendari, cum alioqui homines à nulla non re abstineant, reprehensi? Sensit nimirum, quantum sit malum in cæcitate, quantumque bonum in usu oculorum. Maluit igitur reprehendi, quam cæcus manere. *Nil cæco miserius,* clamant cæci. Raphaël ad cæcum Tobiam ingressus salutavit eum, & dixit: *Gaudium tibi sit semper.* Et ait Tobias: *Quale gaudium mihi erit, qui in tenebris sedeo, & lumen celi non video?* Sic cæcitas omnia facit amarescere, atq; ipsum gaudium vertit in luctum. Nil cæco lumen, nil dies, nil ipse Sol prodest. Palpat, & offendit ad omnes parietes. Ubique tenebras patitur; omnia sunt illi caligo: sit meridies licet, tamen ille noctem in oculis circumfert. Non illum in hortis flores, non virorum graminum, non purpuræ fulgor oblectat: atra, apud eum, & inæsta sunt omnia; ac quamvis sit in Paradiso, in Tanaro sibi verari videtur, & in ipso Acherunte. Quid multis? fortissimus ille tot victoriarum numerator Samson, postquam oculos amisit,

I.

Luc. 18. 35.

Tob. 5. 11.



à puero, monstri instar, in ludibrium fuit circumductus.

II.

Oculos homo cum bestiis habet communes, nec sanè paucè bestia præstantia visus hominem antecellunt. Nunquam ille tam acutum cernit, quàm aut aquila, aut serpens Epidaurius, aut lynx, aut dorcas, aut ipsas tenebras irradians felis. At mentis acie homo omni animante est superior, ibi vis videndi atque intelligendi eum supra omnes bestias altissimè extollit. Quare multò tristius malum est, mente cæcum esse. Quod si mortales cognoscere, o quantis clamoribus cuperent, eà cæcitate liberari, quæ bestiis æquiparantur! Esse autem etiam quandam mentis cæcitatem, eodem loco, in ipsis Apostolis, est demonstratum, quibus postquam Dominus clarissimis verbis dixit: *Ecce ascendimus Ierusalem, & consummabuntur omnia, quæ scripta sunt per Prophetas de Filio hominis. Tradetur enim gentibus, & illudetur, & flagellabitur, & conspuetur, & postquam flagellauerint, occident eum, & tertia die resurget* (quis Sol verbis his clarior?) Et tamen ipsi, ait Evangelista, *nihil horum intellexerunt, & erat verbum istud absconditum ab eis, & non intelligebant, quæ dicebantur.* Tantæ tenebræ in ijs, qui lux mundi erant futuri, extiterunt.

Luc. 18. 23.

III.

Cic. in somnio Scip.  
Pier. Val.  
lib. 33.

Miramur Apostolos? miremur nosmetipsos, qui ipsi sapius Solem non videmus. M. Tullius Solem mundi mentem & temperationem appellat; & vetustissimi illi Sacerdotes Ægyptiorum, ut diximus, moderatorem hieroglyphicè significaturi, *oculum & sceptrum* facere soliti sunt. Homericum illud *ἡελίου δ' ὅς πάντ' ἐφορᾷ, καὶ πάντ' ἐπαινεῖ*, secutus Maro ait:

*Sol qui terrarum flammis opera omnia lustras.*

Iac. 1. 17.

Hebr. 4. 13.

Sic omnia lustrat, temperat, moderatur Deus; qui proinde meritò *Mundi oculus* & *Sol* appellatur. Quem Iacobus vocat *Patrem luminum*, cuius oculis omnia nuda & aperta testatur Paulus. Quæ etià de causa oculi, in diuinis litteris Deo attribuuntur, cum, teste Eucherio, signa sint intelligentiæ, qua bonos & malos speculatur. Nec speculatur tantùm ipse, sed etiam alijs, natura duce & monstratrice, manifestissimum esse potest, eum omnia speculari, omnia moderari, omnia iustitia, misericordia & bonitate sua attingere à fine usque ad finem fortiter, & disponere suauiter.

Sap. 8. 1.

I V.

Hunc ergo Solem tam lucidè radiantem, hunc oculum omnia videntem, & regentem, qui non vident, non credunt, non

ve.

verentur, cæci sunt; & tanto cæciōres, si neque necessitatem videndi agnoscunt, atque idcirco, cum ante dicto cæco, non flagitant à Christo, vt videant, cæcitatemque deponant, agnitā præsentiā Numinis omnia perspicuè cernentis, & recto ordine gubernantis. Hanc autem præsentiā si vident, iam non sunt impatientes, neque offenduntur vlla re, præter opinionem, supraque captum illorum, contingente; sed quoties non capiunt, toties cum Dauide exclamant: *Iustitia tua, sicut montes Dei* (hoc est maxima, sicut maximi montes, qui in Scripturis per *montes Dei* intelliguntur) *Iudicia tua abyssus multa*, quæ non potest humanæ mentis acies penetrare. Quod autem non potest suis viribus, diuino auxilio efficit: id proinde, cum dicto cæco, quàm enixissimè est implorandum; cum præsertim, ad cauenda peccata, ad timorem, amorèque, & reuerentiam diuinæ maiestatis, ad omnem denique virtutem, ac religionem ipsam exercendam, præcipuum sit fundamentum, Deum credere vbique præsentem, & quidquid vbique geritur, contemplantem, moderantem, statuentem, aut permittentem.

Psal. 35. 7.

Quare, quos maximè amat, illis oculos aperit, vt diuinum oculum, Solis instar, lucidissimum, identidem, tanquam cynosuram, intueantur, dicantque: *Ad te leuavi oculos meos, qui habitas in calis. Ecce sicut oculi seruatorum, in manibus Dominorum suorum. Sicut oculi ancilla in manibus Domina sua: ita oculi nostri ad Dominum Deum nostrum. Qui sic ambulat, non ambulat in tenebris; non offendit, non offenditur, etiamsi rationem non capit; satis est illi, Deum aut fecisse, aut permisisse, omnia intimè lustrantem & æquissimè gubernantem. Qui hoc videt, non est cæcus, etiamsi aliam causam non videt. Exemplo est, qui dixit: Media nocte surgebam ad confitendum tibi: super iudicia iustificationis tue. Nam media nocte saltem hoc videbat, confitendum esse Deo, super iudicia iustificationis illius quantumuis occulta.*

V.

Psal. 122. 2.

Psal. 118.

Imploratur & impetratur hoc beneficium, aliquando vitæ sanctitate, aliquando oratione, aliquando vltro à Deo ingeritur, vt iustitia eius fiat manifesta. Ob vitæ sanctitatem Iosepho Mariam occultè dimittere volenti *Angelus Domini apparuit in somnis dicens: Ioseph fili David, noli timere accipere Mariam coniugem tuam: quod enim in ea natum est, de Spiritu sancto est. En quantum mysterium cognoscere meruit innocentia!* Alius sic orauit: *Seruus*

VI.

Matth. 1. 20.

Psal. 118.



*tuus sum ego : da mihi intellectum , ut sciam testimonia tua: Et Iudicia tua doce me.* Oravit & impetrauit. Petrus Damiani sic à parentis sui Damiani nomine vocatus , genere , religione , Cardinalatu , sanctitate , scriptis libris , & plurimis epistolis , valde nobilis , memorat , fuisse hominem virtutibus multis exornatum , sed præcipuè religione erga Deum , atque erga proximum , charitate , singulari , qui nullum sinebat abire à se , sine stipè , egenum . Ita sentiebat alienam miseriam , vti suam ; cum vnumquemque , vti se alterum , æstimaret . De illius vestibus nudi tegebantur , de illius mensa saturabantur famelici ; illius hospitio reficiebantur fatigati . Talis erat in hominum sermone , talis in oculis Dei . O quàm infirmæ sunt res humanæ ! Nemo tam innocens est , qui non possit in noxam cadere . Et sæpe in peccatum labuntur , qui videbantur sterisse , instar columnarum . Igitur iste , bonus ( cuius nomen omittit author , dum crimen prodit ) qui antè sua solebat alijs donare , Auernali tentatione , eò abreptus est , vt iam raperet aliena . Nam porcum abegit , aut efrantem excepit , immò interceptit , atque , ne inueniretur , in abstrusissimam speluncam clanculò inclussit . Hoc agit reorum , & maximè furum conscientia , quæ lucem odit ; quando erubescenda fecit , abscondendo ostendit , se peccauisse . Rarò tamen non erumpunt etiam in hominum notitiam facinora , ne dum , vt Deo occultentur . Quare etiam hîc diuinus oculus vigilauit ; sed abigeus non considerabat , neque se videbat videri : vt videret , diuina misericordia fuit .

Matth. 5. 7. Quàm verè dixit Seruator : *Beati misericordes , quoniam ipsi misericordiam consequentur !* Nam & hunc misericordem noluit Deus , etiam postquam excidit gratia , sine gratia perire . Errantem igitur ouem quæsiturus bonus pastor Christus denuo induit habitum pauperis , & crine in composito ac demisso sordidatus stipem petit , à misericorde fure . O quantum est assueuisse liberalitati in pauperes ! In paupere , hospes excipitur ipse Deus ; quem proinde , sub veste pannosa , etiam iste excepit pecudis abactor , more ceterorû , in lares ductum . Nec satis fuit , excepisse domo ; sicut olim Abraham peregrinis solebat lauare pedes ; ita iste , qua parte sordidissimum putabat , lauare institit . Itaque ad caput oculos adiecit . Sed antè tondendum , quàm abluendum arbitrabatur . Quod dum suis manibus facit , dum iam frontem , iam tempora , iam occiput , ambit forfice , refecto capillitio , videt in auersa parte oculos emergere , propè Ianum ratus , qui antrorsum , ac retrorsum fingitur .

tur oculatus. Admirari primum, postea obstupefcere, deinde & cohorrescere cepit; nec potuit abstinere interrogatione curiositatis. Interroganti quid hoc prodigij, vel monstri esset, respondit pannofus hospes: *Ego sum Iesus, cui nihil est absconditum. Hi oculi, pecus à te abactum, & in specum derrusum conspexerunt: his displices, qui anterioribus antehac placuisti: his te aspicio, quia à te a-* *uersus licet, tamen video, quidquid agis.* Cum dicto videri desijt; sed non desijt tonsorem suum instruere, tacitis cogitationibus, stimulat. Ille enim ubi tam manifesto signo cognouit, facinus suum à diuinis oculis conspectum, erubuit, fleuit, & penitentia diluit maculam, quam habendi cupiditate collegit.

Plena est hæc historia documentis; sed ego, è plurimis, pauca selegisse, contentus ero. Non deducam enim quantam Deus clementiam exhibeat clementibus, & quam sit liberalis erga liberales; quantamue eius benignitati ianuam aperiat, qui pauperibus aperit suam domum; dicam, quantorum malorum causa sit cæcitas animi, arbitrantis, se à Deo non videri; nec illud possum omittere, quod Christus fecit, dum oculis prodigiosis, oculos alteri vel dedit, vel aperuit, cæcitatēque ademit. Qua adempta, verè ille vidit, Deum esse oculum omnia videntem, & Solem mundi omnia illustrantem, cuius & lux, & potentia vbique est diffusa; immò (quod in Sole hoc corporeo non est) qui ipse, secundum suam substantiam, *vbique, totus diffusus est*, vt S. Cyprianus ait: sicut anima hominis in corpore vbique tota est. Nunc quid non celum, & terram, ego impleo? dicit Dominus, apud Ieremiam. Et Paulus, vnus, ait, Deus, & Pater omnium, qui est super omnia, & in omnibus nobis. Verè ergo est Emmanuel, hoc est, *Nobiscum Deus.* Quem nobiscum esse, cæci isti non vident; non toties percussuri, si oculos haberent, apertos.

VII.

Hæc enim cognitio cogitatioque longè est efficacissima, ad homines à peccando absterrendos, ob reuerentiam diuinæ debitam maiestati. Cur longè a peccatoribus salus? quia iustificationes tuas nō exquisierunt, ait Propheta. Multa peccata locū certū exigūt, latrocinij siluæ, adulterijs lustra, ebrietati tabernæ vinariæ, alijs vitij alia loca eliguntur: quem locum eliget peccaturus, in quo non conspiciatur à Deo? ibi in militiam, quo mitti solent discoli? at & ibi est Dominus exercituum. Proficiscetur in alias nationes, ad Gallos, Italos, Hispanos? at & ibi est Deus. Fugiet Viennam?

S Cyprian. l. quod Idola dii non sint. Ier. 23. 24. Ephes. 4. 6.

VIII.

Psal. 118.



Psal. 138.

at ibi & Cæsar, & Deus est. Quæret Garamantes & Indos? iam ante ibi est Deus. *Quia ibo à spiritu tuo*, ait David, & quo à facie tua fugiam? Si ascendero in celum, tu illic es: si descendero in infernum, ades. Si sumpsero pennas meas diluculo, & habitauero in extremis maris; etenim illuc manus tua deducet me, & tenebit me dextera tua.

Iob. 11. 8.

Affonat Iob his verbis: *Excelsior calo est*, & quid facies? profundior inferno, & unde cognosces? longior terra mensura eius, & latior mari.

Ephes. 3. 14.

Subscribit Apostolus, qui affirmat, se, huius rei gratia, flectere genua sua ad Patrem Domini nostri IESU Christi. cuius rei gratia? *Ut possitis*, inquit, *comprehendere, cum omnibus Sanctis, quæ sit latitudo, & longitudo, & sublimitas, & profundum*; per quas dimensiones Dei Omnipræsentiam explicamus; immò intelligimus etiam per *Longitudinem*, Dei, pænitentiam peccatoris per tot annos expectantis, longanimitatem & patientiam; per *Latitudinem*, eius diffusissimam charitatem, qua etiam ipsos suos complectitur inimicos; per *Sublimitatem* gloriæ celsitudinem, quam diligentibus se præparauit; per *Profundum* damnationem & miseriarum abyssum, in quam impios præcipitabit.

I X.

Absentiuo hero, seruius fit audacior; cum autem ille redit domum, vela malitiæ contrahit. Quis, in præsentia Iudicis pro tribunali sedentis, & extrema supplicia minitantis, audeat eius legem transgredi, iussa negligere, immò omnia, illius ingratijs, & illi contraria perpetrare? quis, in conspectu regis amplissima præmia proponentis, mandata leuissima detrectare? Multò intolerabilior audacia est, Deo præsentem, & inextinguibiles flammæ intentante, easque vel iam statim potente immittere, sanctissimas eius leges præuaricari; aut sempiternæ gloriæ præmia aspernari. Siquidem & naturalis ratio, & supernaturalis fides docet, eum nobis esse præsentissimum, & coniunctissimum, nec tantum è cælo nos prospicere & gubernare, sed etiam intimè inspicere omnes nostras cogitationes, omnia desideria, omnia vota, omnes spes & amores, omnes timores & rancores, omnes affectus, omnium renes & corda perscrutari. Si enim infinitus est in substantia, debet etiam infinitus esse in extensione & præsentia; & aded non tantum in cælo, sed in omni omnino loco, in omni spacio, & in omni re existente existere; vsque aded, ut nullares tam magna sit, quam substantia sua non impleat, nulla tam parua, in qua non totus inueniatur; neque vlla res tam nobilis

aut

aut vilis, nullus locus tam amplius aut angustus, in quo non Deus & tota substantia virtusque illius existat. Hinc ille: *Non longe est ab unoque nostrum: in ipso enim vivimus, & movemur, & sumus.* In ipso tanquam in efficiente, tanquam in basi & vase capiente, tanquam in sede & fundo sustentante, tanquam in aëre conservante, tanquam in domicilio protegente, & tanquam in fundamento firmissimo, teste S. Dionysio. Itaque praesentia Dei non exigit tantum potentiam & inspectionem, sed etiam intimam communicationem; quam qui agnoscit, velut clypeo se munit, quo omnes Sancti in huius vitae militia sunt usi. Hinc enim Apostolus ait: *Ut possitis comprehendere, cum omnibus Sanctis; omnes enim Sancti praesentiam, & immensitatem Dei comprehenderunt. Quin & ipsi Ethnici, quod merito ruborem inijciat Christianis. Nam Senecæ est illud praeceptum: Sic cum Deo loquere, quasi homines audiant: sic cum hominibus, quasi Deus te audiat.* Et Thales septem Græciæ sapientum vnus dicebat: *homines sibi persuadere debere, Deos omnia cernere. Deorumq; omnia esse plena, ut earum illis castè & sanctè vivant.* Qui etiam rogatus, num facta iniqua Deos laterent? respondit: *Ne cogitata quidem, secretis enim cogitationibus caeleste Numen adest, & interest.*

Aët. 17. 28.

S. Dionys. l. de div. nom. c. 1. &amp; 10.

Ephes. 3. 16.

Quare, qui hanc fidem habet, potest Deum debetque in omnibus rebus credere presentem, non tantum tanquam in effectu, vestigio, atque imagine; sed etiam ut ibi reipsa latent, & velut velotectum; cum sint omnes creaturae veluti sipariū & velamen Sanctae sanctorum tegentia. Si quis Principem sciret, post tapetia absconditum, aut, ut olim post cortinas ac velum Iudicem, an auderet contra eum loqui? Et loquuntur homines contra Deum, post, & in omnibus creatis rebus existentem? *En ipse stat post parietem nostrum, respiciens per fenestras, prospiciens per cancellos; audit omnia, videt omnia, arbitratur omnia.* Iubebat Alphonsus Arragoniae Rex, sub tentorio, consistens militem extra tentorium de se malè loquentem, longius recedere, eò, ubi à rege non audiretur. An non iubet & Deus homines linguam compescere vibratam in eum, sub omni creatura, consistentem? Et quò ibit homo, ut Deus non adsit? non audiat? Nusquam ergo maledicendus, ubique est benedicendus; cum in omni loco, mentis intuitu eum contemplationeque, possumus cognoscere presentem. Si quis irascentem, si blasphemantem, si digladiari, rixari, latrocinari, calumniari volentem introdu-

X.

Cant. 2. 9.



duceret in templum, & id, coram venerabili Eucharistia. coram altari, dum sacra hostia populo sublimis ostenditur, facere iuberet, an nō iram & ceteros affectus temperaret? quis enim ibi ausit talia perpetrare? quis, si Eucharistiam in lingua haberet, blasphemare præsumeret? At, sicut Christus in hostia, ita Deus in lingua & quavis natura præsens est, licet non appareat oculis corporeis. Vbi autem Deus, ibi tres sunt Personæ, cum tota potentia, sapientia, bonitate, iustitia, maiestate; immò magis præsens est, quàm res ipsa sibi sit præsens ipsi. Res enim non est tota in singulis suis partibus, neque vna pars præsens est alteri, at totus Deus omnibus creaturarum omnium partibus præsens est intimè, & extimè, vt res omnes, & totus mundus in illo sit, sicut spongia in mari intimè eo penetrata, & extimè circumfusa; item sicut globus crystallinus luce Solis & perfunditur intus, & extra circumfunditur. Vsq̃ue adeò velut diligens Pædagogus vbique occurrit Deus, nec finit suos alumnos ex oculis suis elabi: sequitur, præcedit, latus cingit, manu ducit.

## X I.

Simeon Metaphr. apud  
Sunt. 1. Febr.

Hoc est magnum spiritualis vitæ fundamentum: hoc facit, vt Deus ametur, vt timeatur, vt illi nos intimè coniungamus, & à peccato resiliamus. Cum Ephrēm Edessæ moraretur, Styx eum per mulierculam in vicinia habitantem oppugnavit. Cū enim ille sibi ipse prandium coqueret, illa è vicina domo & fenestra non curiosè tantum, sed etiam meretriciè introspiciens, dixit: *Benedic Abba*, cui ille eo, quo decebat habitu, gestu & sermone; *Dominus tibi benedicat*, inquit. Tum illa rursus, cum petulanti risu: *sed quid tuo cibo deest?* Mox ille: *Tres lapides, & parum luti, vt hæc obstruatur fenestra.* Non obturatum erat os mulieris, quæ subiecit: Insolentem te fecit, quòd prior compellavi: *Ego verò volo tecum dormire.* Dubium an hæc impudentia femina potius, quàm sancti viri prudentia sit admiranda. Nam quasi in facinus consentiret, ita capit de conditionibus agere. Arrestis illa auribus petit conditiones. Tum Ephrēm, si tibi vis, inquit, dormire mecum, vbi tibi dixero, fieri potest, quod petis. Quærit illa locum: *Non alio*, inquit Ephrēm, *loco tecum congruam, nisi in medio ciuitatis.* Sed non, inquit illa, pudore & rubore aperte afficiemur à videntibus hominibus, si sic nos iaceamus in medio? *Capta est mulier, quæ voluit capere impaubilem animam, & inexpugnabilem, vt quæ ne hoc quidem potuerit cognoscere, quod dicit Salomon:*

mon  
didi  
an  
rudi  
ne a  
quan  
et a  
ciuit  
accip  
vt ab  
malo  
Stat  
gens  
temp  
sci pa  
magi  
phras  
moni  
pate  
requi  
cuius  
colle  
l'cun  
Deum  
hodie  
ta im  
falte  
mo d  
In se  
mus:  
modu  
nam  
tur, n  
& ana  
teremu  
bus tur  
ueste fi

mon: Oculi Domini Altissimi, sunt innumerabilibus partibus sole splen- Eccli. 23.  
didiores, qui inveniuntur omnes vias hominum. Cum statim itaq; velut  
ansam apprehendisset vir præclarus, contra intulit: Si ergo hominum  
iudicasti oculos satis esse ad pudore afficiendam animam, & a mala actio-  
ne abducendam; Dei oculos, qui omnia inveniuntur, tam quæ clam,  
quàm quæ aperte sunt, non multo magis verebimur, & extimescimus,  
& à re mala abstinemus! qui semper nobiscum habitantem in nobis ex-  
citat conscientiam, & ex ea nobis reservat tormenta, quæ fines non  
accipiunt? Hac susceperunt non solum ad meretricem persuadendam,  
ut abstineret ab improba cum libidine; sed ut priorum etiam cam-  
malorum poeniteret, atq; adferret mutationem totius vite & sententia.  
Statim uaque accedens, & humi procidens, & sacros illius pedes tan-  
gens petijt veniam à ratione alienissime cupiditatis, impudicæq; & in-  
temperantis propensionis. Et ne, cum veram & germanam accusa-  
set poenitentiam, à via, quæ fert ad salutem, aberraret, cum ducens &  
magistrum voluit accipere. Ille autem (quomodo enim, cum esset ille E-  
phraim, non erat talibus pariturus petitionibus, & ea, quæ par erat ad-  
moniturus?) ne rursus ambularet, ut cum diuino dicam Hieremia,  
post cogitationes cordis sui mali, neq; contemneret, ita ut vias priores  
repeteret, præcipit egregie, eamq; in mulierum includit monasterio, quæ  
virtutis curam gerebant: & tandem, cum eam, quæ a via recta illum  
volebat abducere, ipse à via mala potius conuertisset, iustitia fructum  
habuit illam conuersionem.

Vtinam, sicut Ephraim huic Sireni oculos dedit, quibus  
Deum videret præsentem, & à fæditate sua reuocaretur, ita & ego  
hodie plurimis dare possem; quàm multa, hoc tempore, pecca-  
ta impedirem? quàm multas nefarias voluptates euerterem, aut  
saltem frænarem, ut, quod Dionysius dixit, Mel istud vix sum-  
mo digito, ne dum caua manu gustandum esse arbitrarentur?  
In sceleribus, Deo contempto, ait S. Chrysostomus, homines formida-  
mus: & homine presente, nemo scortaretur, sed licet maiorem in-  
modum libidine flagraret, affectus tamen violentia, pudore homi-  
nam vinceretur. Cum autem Deus videat, non modo adulteran-  
tur, non modo scortantur, verum & alia longe grauiora & ausi sunt,  
& audent. Nonne hoc vel solum satis esset, quo calius innumeris pe-  
teremur fulminibus? Hinc omnia orta sunt mala, quod scilicet in re-  
bus turpibus non Deum, sed homines timemus. Quàm multa inho-  
nestè fiunt, in locis clandestinis, quæ in foro, aut plateis, aut vllò

XII.

S. Chrysost.  
in 1. Cor.  
cap. 4. v. 3.



alio oculo praesente, nunquam committerentur? Qui Bacchiana-  
lia viuunt, laruas induunt; laruis testi, tota vrbe discurrent,  
more Luperorum, immò insanorum. Noui Medicum etiam pe-  
nicilli colorisque magistrum, qui iuueni Studiofo, Bacchi festo,  
insanire cupienti, cum iuberetur colorem in faciem inducere, vt,  
in laruae vicem pictus non agnosceretur, intincto in merissimam  
aquam penicillo, pingere coloribus se eum simulauit; cuius ta-  
men totus, haud minus quàm antè, vultus inuariatus agnosceba-  
tur. Ille autem iam tum insanus, non consulto speculo, se coloribus  
in dæmonem deformatum ratus, tota vrbe, veste peregrina, stra-  
minea, & ridicula indutus Mænadis ritu, vagabatur, omnium se  
exponens còtemptui & cachinnis. O quàm postea ludus illi acer-  
bus videbatur, quo se se palam stultitiam insaniamque professum  
resciuit, sensitque verè, extrema gaudij luctum occupare! Nun-  
quam sic insanisset, si sciuisset se, facie non coloribus oblita, ac  
mentita, sed nuda & verā nosci.

## XIII.

Non insanires, & tu, ô homo, si te agnosci crederes, at  
agnoscit te, etiam sub larua, & sub Orci galea, Deus. Cur ergo  
tactus petulantes, cur gestus impudicos, cur amplexus inhonestos,  
Dan. 13. 19. palàm, ostendis? te ipsum Deo ostendis. Cum à Susanna egressa  
essent puella, surrexunt duo senes, & accurrerunt ad eam, & dixe-  
runt: Ecce ostia pomarij clausa sunt, & nemo nos videt, & nos in con-  
cupiscentia tua sumus. Addiderunt & falsò accusandæ minas: ad  
quas ingemuit Susanna, & ait: Angustia sunt mihi vndiq;: si enim  
hoc egero, mors mihi est: si autem non egero, non effugiam manus ve-  
stras. Sed melius est mihi absq; opere incidere in manus vestras, quàm  
peccare IN CONSPECTU DOMINI. Lucretia olim,  
Liu. hb. 1. quamuis Lucretia, in simili certamine constituta, cessit, quia non  
tàm Conspectum Domini, quàm Collatini mariti sui est reuerita..  
O quid non audetur, cum auditur: Ecce ostia clausa sunt, & nemo  
nos videt! Immò est, qui videat. I, quæ angulos, sectare te-  
nebras & latebras, in summa & ima domo, sub tecto & in stabu-  
lo, in culina & cella, in cubiculo & trielinio: vbiq; est Deus, vbiq;  
te videt. Quod si volueris considerare, non fines te contaminari.  
Quin, si vel solùm te esse putes, ibi tuus est Angelus, & quod  
plus est, ibi tuus est Deus: videt te, etsi tu eum non vides; simi-  
lis puero, qui cum manu oculos suos tegit, arbitratur se ab alijs  
non conspici; ita tu, quia in tenebris nihil vides, existimas,

te quoque à Deo non videri: sed falleris, videt non videntem. Hæc seriò cogitans, libenter, cum Assyrio illo Isæo, ab illicitis aspectibus ad Philosophiam traducto diceret: *Desi laborare ab oculis.* Video vtilia, video me videri, idcirco non facio, quod, pudor sit, videri.

Tu quoque ades, simulate Catholicè, qui dum in vrbe es Catholica, & inter Catholicos, prohibitis diebus carne abstines, quibus tamen vesceris, quando inter hæreticos versaris. nempe tunc nullus Catholicus te videt? at Deus videt. Quin inter ipsos hæreticos tanto constantius, exemplo Eleazari illius, repudiat is vetitis cibis, tibi religio esset profitenda? Quid iuuat, in Bauaria, adire templa Catholica, qui alibi, sine vllò scrupulo, immò verè etiam sine religione, non fana modò, sed etiam canam adis hæreticorum? Non videt te ibi Princeps, non magistratus tuus, at Deus videt; qui vnus tibi debet esse instar omnium Principum, Regum, ac Imperatorum. *Oculus Dei simul vniuersa cernentis*, ait S. Augustinus, *non abdita locorum, non parietum septa secludunt; nec solum ei acta & cognata, verum & agenda & cogitanda sunt cognita. Ista vera scientia summi Iudicis, iste est tremendus aspectus, cui peritum est omne solidum, & apertum omne secretum: cui obscura clarent, muta respondent, silentium confitetur, & sine voce mens loquitur.*

Tu quoque qui absentes rodere, eorumque facta calumnijs lacerare non vereris, in te, & ad Deum tibi ubiq; præsentem reuertere. Non audit ille, de quo loqueris? si audiret, ei, verso stilo, etiam adulareris: nunc mordes & laceras absentem, & non audientem. At audit videtque Deus; cuius tam acutus est oculus, vt etiam te videat domi ante speculum in crinibus superbientem, falsas rationes, infames libellos scribentem, in ipsa nocturna caligine, testa aliena conscendentem, cistas refringentem, alienæ pudicitie insidiantem; denique in ipsum cor & affectum tuum introspicit, concupiscentias tuas sceleratas omnes spectat, & numerat: scit, cum tu à tot maritis accusaris, eunuchum de adulterio non accusari. Adhucne tam impudens eris, vt non respicias? Respices, si cæcitatem deponas, & Deum ubique præsentem sapius certiusque, quàm Solem istum aspicias; aspicies, si ad Christum, instar cæci Hierichuntini, quantis maximis & vocibus & affectibus clames: *Domine, ut videam;* tunc enim quid, quid, vel tibi, vel alijs, accidat, etiam cum Moyse clamabis: *Dare*

XIV.

S. Augustin.  
serm. 2. de  
Temp.

XV.



Deuter. 32. *Magnificentiam Deo nostro ; Dei perfecta sunt opera , & omnes viae eius Iudicia.*

XVI.

Vt igitur exactè præsentiam Dei intelligas, sequentia, in compendio perpende. 1. Deum omnibus rebus spiritualibus, corporalibus, in celo, terris, orco præsentem esse. 2. Ita esse omnibus rebus præsentem, non sicut rex per hunc legatum hîc, per alium alibi est, sed vt totus, & secundum omnes perfectiones suas, in singulis existat. 3. Sicut rupes immota, & in se eadem præsens est aquis defluentibus, & attigit præterlapsas, & venturas excipiet; ita Deum, in se immutabilem atque æternum, præsentem esse omnibus rebus, etiam præteritis & futuris. Non est enim in Deo præteritum & futurum, sed vnicum & indiuisum præsens.

Rom. 1. 20.

4. Tribus modis Deum præsentem posse cognosci, ratione naturali, ex principiis naturæ lumine cognitis ( *Nam inuisibilia Dei à creatura mundi, per ea, quæ facta sunt, intellectu conspiciuntur*, & vel Ethnicus dixit: *Iouis omnia plena*) ex lumine fidei supernaturali; imaginatione quadam, sed per fidem correctâ, ne speciei corporeæ, nimium tribuatur. 5. Per Eucharistiam præsentem cognosci. 6. Per ipsam etiam Incarnationem, nam ideò Deus factus est homo, vt præsentiam eius meliùs conciperemus. Vnde *Emmanuel*, hoc est, *nobiscum Deus*, vocatur Messias. 7. Non sufficere, vt intellectu præsentem Deum cognoscamus, nisi illi etiam voluntatem atq; nos

Isa. 7. 14.

totos vniamus, tanquã primo principio nostro, Creatori, Conservatori, Gubernatori, in quo vivimus, mouemur, & sumus; item tanquam Redemptori, Iustificatori, Iudici, & Glorificatori: quæ omnia miros motus efficiunt; sicut & si cogitemus, nos ei adesse, tanquã seruos Domino. *Sicut enim oculi seruorum in manibus Dominorum*, ita oculi nostri debent ad Deum esse. Quin. velut Magistro & Doctore discipulus & Benefactori cliens semper cupit adesse, ita nos Deo. Denique Deum in se & alijs præsentem & operantem, qui cogitat, vult & ipse cum eo operari, & tanquam Cyrenæus Crucem cum Christo gestans, eise vnit & conformat. Qui autem in studijs, negotijs, rebus aduersis, Dei obliuiscitur, suæ salutis obliuiscitur, & cæci instar, in foueâ cadit perditionis. Tractat hoc argumentum piè & eleganter Antonius Gaudier Societatis nostræ Sacerdòs: & passim perurget Antonius Sucquet, in Via vitæ æternæ; solide autem, more suo, Leonardus Lessius, qui nobis magnam, in hoc argumento, meditandi materiam suppeditauit:

Anton. Gaudier in libello de Dei præsentia. I. c. de Diuin. Perfect.

quæ

quæ sanè efficacissima est ad homines à peccato auertendos. Sancti, in cælo, quia Deum semper præsentem intuentur, amore eius exardescunt, & impeccabiles efficiuntur. In terris quoque, quò quis magis Deum præsentem videt, minùs peccat. Quin sic, ut cera fluit à facie ignis, sic lachryma peccatoris à facie Numinis. Ter Dominum Petrus negauerat, putasles silicem factum: ac conuersus Dominus respexit Petrum. Et recordatus est Petrus verbi Domini, sicut dixerat: quia prius quàm gallus caneret, ter me negabis: Et egressus foras Petrus fleuit amare. Tanti refert vel videre Dominum, vel à Domino videri. Vrget præsentia Turm, dixit ille: magis utiq; vrgere debet præsentia Dei.

Luc. 22. 67.

## C A P V T VIII.

*Deum non solum ubiq; esse, & omnia videre, ac regere, sed etiam Beneficentiam Iræq; pariter exercere, in Mundo, debere: & quis inde fructus hauriatur?*



Rimus videndi & ad domicilium veritatis ascendendi gradus est, Deum ubique præsentem & omnia videntem intelligere; sed non in eo manendum est. Qui enim tantum intelligit Deum ubique existentem omniâque intuentem, adhuc nec amat, nec metuit, nisi accedat causa amandi atque metuendi. Ad alterum igitur gradum enitendum est, qui est, non solum perspicere animo, quòd vnus sit Deus summus, infinitus, immensus, supra omnem hominum captum sapiens; sed etiam, quòd summè Bonus & Iustus; cuius potestas ac prouidentia non solum effecerit à principio Mundum, sed etiam in posterum gubernet. Quid enim prodest, consentire, vnum esse summum Deum, & non credere, gratificari eum cuiquam, nec irasci, sed securum & quietum immortalitatis suæ bonis perfrui? *Etenim si est Deus, ait Lactantius, Lib. de Ira utiq; prouidens est, ut Deus; nec aliter ei potest diuinitas attribui, nisi Dei. c. 9.* & præterita teneat, & præsentia sciat, & futura prospiciat. Adeò ut qui prouidentiam tollit, etiam Deum neget esse; & qui Deum esse profitetur, etiam prouidentiam simul esse concedat. *Alterum enim sine altero, nec esse prorsus, nec intelligi potest. Prouidentem autem*

I.



Lactant. lib.  
de Ira Dei.  
cap. 6.

## II.

Ibid. cap. 3.

autem esse, non est tantum scire, quid cuique debeat, sed ita res disponere, ut cuique eueniat, quod imperij iustitia requirit. Itaque & gratia beneficium esse, & iuste irasci pertinet ad gubernantem. Quare & ira tribuenda est Deo, & gratia non detrahenda. *Hec tuenda nobis, & asserenda sententia est, in ea enim summa omnis, & cardo religionis, pietatisq; versatur. Nam neq; honos ullus deberi potest Deo, si nihil prestat colenti; nec ullus metus, si non irascitur non colenti.*

Ibid. Lact.  
cap. 4.

## III.

Idem. Lact.  
cap. 5.

Itaque primò illud nemo de Deo dixit unquam, irasci eum tantummodo, & gratia non moueri, est enim disconueniens Deo, ut eiusmodi sit potestate præditus, qua noceat & obstat; prodesse verò, ac benefacere nequeat. *Que igitur ratio, que spes salutis hominibus propo- sita est, si malorum tantummodo auctor est Deus? Quod si sit: iam Maiestas illa venerabilis, non ad Iudicis potestatem, cui licet seruare ac liberare, sed ad tortoris & carnificis officium deducitur. Cum autem mala sint in rebus humanis & bona, cur Deum malorum auctorem esse, & non etiam bonorum, dicemus? cur asseremus, diuinam illam potestatem, qua nihil est maius aut melius, nocere posse, prodesse non posse? Quamobrem ira Deo, sine clementia attribui non potest; aut vtraque concedenda, aut vtraque tollenda est. Epicurus & iram Deo, & gratiam negauit pariter, bis ineptus, ne dicam impius. Qui cum etiam Deo actionem omnem fustulit, vitam ademit, cum sit proprium viuientis agere, & intelligentis intelligere aliquid, & velle, atque erga alios gratia, aut ira moueri, præsertim erga eos, quos subiectos habet. *Quæ maior, & quæ dignior administratio Deo assignari potest, quàm Mundi gubernatio? quàm cura viuientium? maximeq; generis humani, cui omnia terrena subiecta sunt? ait Lactantius. Quæ igitur in Deo potest esse beatitudo, si semper quietus, & immobilis torpet? si precantibus surdus, si colentibus cæcus? Quid tam dignum, tam proprium Deo, quàm prouidentia? Sed si nihil curat, nihil prouidet, amisit omnem diuinitatem. Quod cum dici non possit, fatendum est, cum Mundo prouidere, hoc est, & ira & miseratione moueri.**

Error fuit Stoicorum; gratiam in Deo esse, iram non esse. Error fuit, inquam. Nam si Deus non irascitur impijs & iniustis, nec pios vniq; iustosq; diligit. In rebus enim diuersis, aut in vtramq; partem moueri necesse est, aut in neutram. Itaq; qui bonos diligit, & malos odit: & qui malos non odit, nec bonos diligit, quia & diligere bonos ex odio malorum

lorum  
qui an  
git.  
Si quis  
ambos  
& mi  
& dom  
Etis, v  
emplo  
metus  
& dili  
is, qui  
la ys,  
lūm  
stat,  
dum,  
miser  
rentes  
vnicu  
ma fid  
& me  
Domini

nera e  
ita bo  
ret; si  
essent  
fauto  
fieret  
pesta  
moue  
oport  
sanè  
cui an  
Hoc i  
riculu  
dit tan  
ri mali

lorum venit: & malos odisse ex bonorum charitate descendit. Nemo est, qui amet vitam sine odio mortis; nec appetat lucem, nisi qui tenebras fugit. Adeo natura ista connexa sunt, ut alterum sine altero fieri nequeat. Si quis Dominus habens in familia seruos, bonum ac malum non utique aut ambos odit, aut ambos beneficijs, & honore prosequitur; quod si faciet, & iniquus, & stultus est: sed bonum & alloquitur amicè, & ornat, & domi ac familia suisque omnibus rebus proficit; malum verò maledictis, verberibus, nuditate, fame, siti, compedibus punit; ut & hic exemplo ceteris sit ad non peccandum, & ille ad promerendum; ut alios metus coerceat, alios honor prouocet. Qui ergo diligit, & odit; qui odit & diligit; sunt enim qui diligi debeant; sunt qui odio haberi. Et sicut is, qui diligit, confert bona in eos, quos diligit; ita qui odit; irrogat mala ijs, quos odio habet. Constat ergo, Deum nec solum irasci, nec solum beneficium esse, nec utroque affectu carere. Quid igitur restat, nisi ut alijs irascatur, erga alios gratia moueatur? & sic Mundum, tanquam maximus Paterfamilias, utraq; virtute iustitiæ & misericordiæ gubernet? hos foueat, illos plectat, aut etiam immerentes exerceat, prout summæ illius placuerit Maiestati, & prout unicuique optimum esse iudicauerit. Quod si homines vigilantissima fide crediderint, in omni fortuna constituti, & amabunt eum, & metuent, & benè patientes erunt, ut annuncient: *Quoniam rectus* Psal. 91. 16. *Dominus Deus noster: & non est iniquitas in eo.*

Hac iustitiæ misericordiæque mixtura duo hominum genera erudiuntur. Sunt enim molles quidam, qui optarent, Deum ita bonum esse, ut nullum vnquam puniret, sed omnia conniueret; sic enim præmia tantum speranda, nulla supplicia mortalibus essent metuenda. Nimirum hi scelerum sunt patroni, non innocentiae fautores. Si enim iam tot inueniuntur, qui flagitiose viuunt, quid fieret, si sine metu essent, & impunitate? Pyrrho Eliensis, in tempestate, conspiciens ceteros esse animo deiectiones, cum ipse nihil moueretur, ostendit porcellum, in naui, securè edentem, dicens: oportere sapientem eam animantis imitari securitatem. Egregius sanè Philosophus, qui sapientiam voluit docere exemplo porci, cui anima pro sale est, & quo nihil insipientius potest reperiri. Hoc ipso enim hoc animal stolidum est, quia presentissimum periculum non formidat. Homini autem Deus & natura non indidit tantum sensum voluptatis, ut bonis frueretur, sed etiam futuri mali metum, ut discrimina caueret. Quare & ipse debuit iusti-

I V.

H

tia



tia suæ rigorem proponere, cuius formidine mali à malo peccandi quolibet libidine abstinere.

S. Ambros.  
lib. de Fuga  
seculi. c. 2.

Idem lib. 2.  
de Cain. c. 9.

Eleganter D. Ambrosius: *Tertius, inquit, est ordo regalis potestatis contemplatio, ut bene subiiciamur regi, si non deferimus tantum parenti. Metu enim presidentis plerumque sit obediens potestati, qui est saluti ingratus, ut necessitatem, sobrietatis agnoscat, qui noluit ac nequirit gratiam pietatis agnoscere. Corrigit ergo necessitas, quem pietas pronocare debuerat. Quod iumento frenum, hoc homini metus. Hinc evidens, ait idem S. Pater, generalisque ratio, quia omni inprobo mala & adsunt, & adfutura sunt. Quæ adsunt, tristitiam operantur: quæ futura, formidinem. Sed improbum plus presentia, quam futura sollicitant. Et infra. Angusta mentis homo, presentem mortem veretur, perpetuam negligit: & diuinum Iudicium non reformidat: interitum solum corporis deprecatur. Sed à quo timebat occidi, qui solos parentes habebat in terris? Potuit quidem & incursum bestiarum, timere, qui Legis diuinæ viam violauerat: nec presumere de subiectis animalibus ceteris, qui hominem docuerat occidi. Potuit & parentes parricidas timere, qui docuerat parricidium posse committi. Potuerunt enim & parentes de filio discere, quod didicerunt posteri de parente. Esse ergo metum, qui impios urgeat, docuit Cain. Quin &*

Horat. lib. 1.  
serm. satyr. 3

V.  
S. Ambros.  
lib. de Fuga  
seculi cap. 2.  
Idem, lib. de  
Iacob. & vit.  
beat. c. 3.

S. Ambros.  
lib. super  
Beati in hac.

*Iura inuenta metu iniusti fateare necesse est,  
Tempora si fastosque velis euoluere mundi.*

Non omnes amor virtutis trahit. Sunt & seruales animæ, quæ nihil faciunt, nisi scuticæ habenis tremefactæ. Si laus abstinentiæ non incitat, diuinæ potestatis formido, te sobrium faciat, inflectat metus. Et, quia nihil deest timentibus eum, David ait: *Venite filij, audite me, timorem Domini docebo vos. Vtique timor Dei de numero virtutum est, ait idem S. Antistes, quia initium sapientiæ est timor Domini, per quem addiscitur pia forma doctrinæ. Et tantum valet iste timor, ut elidat timorem tyrannorum. Ita enim S. Ambrosius, alio loco scribit: Bona ergo trepidatio à verbis Dei, si exultationem generat. Qui enim trepidat à verbis Dei, postea exultat in Dei verbis. Ergo qui habet in aula sua, corde videlicet suo, verba Dei, excludit sermones principum à corde suo: excludit timor timorem. Si enim quis ingressus balneas, solis deponit astus, & calor excludit calorem: quanto magis diuini Iudicii terror hunc terrorem excludit humanum, feruorem gratiæ secularis, gratiæ feruor aterna? Ob has talisque causæ,*

fas,

fas, præstat utique esse in Mundo metum à diuina Iustitia venientem; & his erudiuntur molles illi, qui optarent, Deum ita esse bonum, ut nullum vnquam plecteret. Optant enim isti scelerum impunitatem.

Sed & aliud est genus hominum, quicum Carpo efferuescunt, & illico volunt omnes fulminari peccatores. Quippe niti tales reperiantur, cum & Apostoli nimio zelo ebullientes dixerint: *Domine, vis dicimus, ut ignis descendat de calo, & consumat illos?* sed rectè Christus conuersus increpauit illos dicens: *Nescitis cuius spiritus estis, Filius hominis non venit animas perdere, sed saluare.* Nempe, ut olim vnagladium altera librum gerenti dictum est; *Ex viroq, Caesar*: ita Deo dici debet, prouidentiam eius ac gubernationem constare operibus misericordiæ & iustitiæ scelera vindicantis. Quo sensu dicitur: *Omnes via Domini misericordia & veritas*, seu iustitia, ut adeò iustitia dimidiam quoddammodo, & benignitas Dei alteram dimidiam diuinæ prouidentiae gubernationisque partem occupet. Sic nemo præsumere, nemo potest rectè credens desperare; nemo nimiam vel indulgentiam, vel inclementiam Numinis accusare.

Zeno Eleates, cum ascenderet in theatrum, cithara canente Amœbeo, versus ad discipulos dixit: *Eamus, ut pernoscamus, quam vocem, quemq; concentum edant intestina, nervi, lingua, & ossa, quibus adest ratio, numerus & ordo.* Si in rebus inanimis tantum valent illa, quanto plus valebunt, si in omni hominis vita feruentur? Hæc ratio, numerus & ordo multò magis seruandus est, in hoc Vniuerso. Pulcherrimè concinunt, Iustitia & Misericordia; Timor & Amor; ille pro freno est, iste pro calcarari. Terribilis & metuendus est Iudex Deus; sed, ne quis desperet, amabilis est & desiderabilis animæ sponsus. Itaque non tantum terret, non tantum punit; sed etiam mulcet & protegit. *Quoniam, secundum altitudinem cæli à terra, corroborauit misericordiam suam super timentes se. Confirmauit Dominus misericordiam suam*, ait S. Augustinus, *super timentes se. Secundum quid? secundum altitudinem cæli à terra. Quid dixi? si aliquando potest cælum abscedere à protectione terræ, aliquando poterit Deus non protegere timentes se. Attende: cælum ubiq, atq, undiq, protegit terram, & nulla pars terræ est, quæ non cælo protegatur. Peccant homines sub cælo, faciunt omnia mala sub cælo, cælo tamen proteguntur. Inde lux ad o-*

V I.

Luc. 9. 54.  
& 56.

Psal. 14. 10.

V II.

Psal. 102.

S. August. in  
eund. Psal.



culos, inde aër, inde spiritus, inde pluvia ad terram propter fructus, inde omnis misericordia à caelo. Tolle auxilium caeli à terra, statim deficit. Sicut ergo protectio caeli permanet super terram, sic protectio Dei permanet super timentes eum. Times Deum? supra te est protectio ipsius. Sed fortè flagellaris? & putas, quia deseruit te Deus? si deseruit protectio caeli terram. Quoniam secundum altitudinem caeli à terra confirmavit misericordiam suam Dominus timentibus eum. Iam sciat, quantum vult, pater est. sed affixit nos, sed contriuit nos? pater est. Quid filius in patre tam amante, potest iniustum iudicare? Immo quid potest iudicare, nisi paternum? Etiam, cum punit, pater est. At, si vel Chremetem Terentianum audias,

Terent. in  
Andria. act.  
3. scen. 3.

*Pro peccato magno, paulum supplicij satis est Patri.*

## C A P V T IX.

*Exempla providentiſſimæ, in homines, diuinæ  
Bonitatis.*

I.



Matth. 6. 31.

Æc Dei vel parentis, vel irascentis administratio, etiam exemplis potest demonstrari; quæ tam ampla est, vt etiam gratiam in peccantes diffundat, tam profunda, vt etiam amicis aduersa immittat. Quod si homines seriò perpenderent, longè parcius aut in sic amantem, aut in sic beneficientem peccarent. Quàm multum enim diuinæ diffidunt Bonitati? quàm multi, pro ventre & sanguina, nimis solliciti dicunt? *Quid manducabimus? aut quid bibemus? aut quo cooperiemur?* quæ omnia gentes inquirunt. Hinc vt canis pane, & auis esca capitur, sic diabolus multos capit solitudine ciborum. Prou. 6. 26. *Precium scorti, vix est vnus panis;* vsque adeò frustum panis sequitur non equa modò, sed etiam lupapa. Quis docuit Psittacum suum *uagari?* *Magister artis, ingenij, largitor Venter.* Itaq; nongentes tantum, sed etiam bestia, & impudicæ mulieres, bestijs abiectiores, nihil non faciunt, vt panem acquirant. *Graculus esuriens, in cælum inſeris, ibit;* quid dico in cælum? multi quotidie, mensæ caussa, in ipsum eunt Acheruntem. Meritò igitur ait Dominus: *Nolite solliciti esse: scit enim Pater vester, quia his omnibus indigetis.* Itaque cum Stygius hostis mul-

tos

tos aggreditur alimentorum curâ; cum iam hunc, iam illum alloquitur: *Dic ut lapides isti panes fiant*; cum iubet omnem lapidem moueri, ut venter impleatur; cum varias artes docet pecuniæ, panis, vini parandi; cum denique à se vult disci, quomodo liberi, vxor, familia, humana vita sit sustentanda, & cum sexcenta hoc genus insanit, gladio aptiore non potest repelli, quàm diuinæ Pro- uidentia Bonitatisque protestatione; quæ clarissimè indicatur illis verbis: *Non in solo pane uiuit homo, sed in omni verbo, quod pro- cedit de ore Dei.* Quam artem etiam docuit Dauid, cum esurienti dixit: *Iacta super Dominum curam tuam, & ipse te enutriet.* Ne puta eum tui oblitum, & ne dicas: *Dereliquit me Dominus, & Dominus ob- litus est mei.* Numquid obliuisci potest mulier infantem suum, ut non mi- sereatur filio utrius sui? etsi illa oblita fuerit, ego tamen non obliuiscar tui.

Matth. 4. 3.

Matth. 4. 4.

Deut. 8. 3.

Psal. 54. 23.

Isa. 49. 14.

Exemplorum affatim diuinæ pagina subministrant. An non enim primum hominem in admodum fructifero horto collo- cavit? An non Patriarchæ Iacob filijsque eius, in summa annonæ caritate, per Iosephum Ægypti saluatorem, alimenta prouidit? An non in ipsa solitudine fontem de petra, panem de nubibus eie- cit? & quidem panem sapidissimum? Nam *panem coeli dedit eis, panem Angelorum manducauit homo.* An non, tempore tam diu- turnæ famis, Eliæ corui deserebant panem & carnes manè, similiter panem & carnes uesperis, & bibebat de torrente? An non eidem postea, per piam uiduam, in Sarephta Sidoniorum, de mensa prospexit? An non, quando ipse Christus diabolum à se reiecit esuriens, qui eum lapides comesse volebat, *Angeli acceperunt, & ministrabant ei?* An non vel solum virorum quinque millia quinque panibus hordaceis & duobus piscibus satiauit, idem Dominus, in loco de- serto, ubi neque furnus erat, neque pistor? Hæc aliæque complu- ra diuinæ litteræ prodiderunt. Sed quia exempla, cum delectatio- ne, docent, age, alia ex alijs quoque historijs adducamus.

Pl. 77. 24.

3. Reg. 17. 6.

Matth. 4. 11.

Ioan. 6. 10.

Heribertus Rosveydus vir eruditus, & ab historijs SS. Pa- trum clarus, ex D. Hieronymo alijsque antiquæ fidei & sincerita- tis Scriptoribus, inter varias Seniorum vitas, refert, S. Frontonium, quem Martyrologium Romanum 14. April. Vsuardus & Ado, Frontonem (non illum S. Petri discipulum, Episcopum Petrago- ricum, sed Alexandriæ Abbatem) nominant, sub Antonino Im- peratore, anno tertio decimo Imperij eius, in Ægypto, cum Mun- dum, tanquam Diomedæum hospitium, execratus in solitudinem

III.

Rosveyd.

lib. 1. de vita

& verbis Se-

niorum.

14. Apr. pag.

238.



profugere vellet, instar diuini magnetis cuiusdam, septuaginta adeo fratres secum traxisse: quibus persuasit, vt nihil secum, præter minuta olerum semina, & palas farculosque deferrent, vsus illis verbis Domini: *Nolite cogitare, quid manducetis, aut quid bibatis, aut quo operiamini: hæc enim omnia gentes mundi querunt. Quarite primum regnum Dei, & iustitiam eius, & hæc omnia adycentur vobis. Teneamus promissum, & inueniemus in nobis opus Domini conseruatum.*

Matth. 6. 31. Hac oratione, diuinæque Prouidentiae & Bonitatis sponfione, incensi septuaginta viri, instructum ab omnibus rebus necessarijs, monasterium, commoditates maximas, liberales piorum hominum manus, & obuia auxilia, vno verbo, cellam & culinam, penum & focum deseruerunt; & loca inculta, deserta, aspera, vix ipsis feris habitanda adierunt. Ibi, vt omne principium feruet, vigilijs, precibus, ieiunijs, laboribus varijs Deo cupidè seruiunt; tantò cælo viciniore, quantò remòtiores à mundo. Angelos dixisses. Sed quò non penetrat, seu tentator, seu tentatio? Multos inclaustris frangit asperitas, multos fatigat diuturnitas: & non rarò primi spiritus religionis, cum tempore, intepescunt, aut omnino cadunt. Quin Sathan Tartareus ipse quoque cibum electum affectat, & Cerbero, si bolum adipiscatur non quotidianum, optatò accidit. Sed omnium periculosissima pugna est, cum hostis simulat amicum; qui & Christum in deserto aggressus, amicis in speciem verbis, inimicissimè voluit præcipitare. Tametsi enim non vult Deus otiosis nobis co-  
 turnices assatas in os immittere, sed iubet nos sedulò orare: *Pancem nostrum super substantialem*, vel, vt est apud Lucam, *quotidianum, da nobis hodie*; immò vult nos ad aratrum manum applicare, vt *in sudore vultus nostri, vescamur pane nostro*, vt impleatur illud: *maledicta terra in opere tuo: in laboribus comedes ex ea, cunctis diebus vita tua*: non vult tamen nos totos esse, in pastu quærendo, more pecudum nonnullarum. Quin sacrationes seruos suos, extrapetitionem memoratam, non vult cogitare aut dicere: *Quid manducabimus, aut bibemus, aut quo cooperiemur?*

Matth. 6. 11.  
 Luc. 11. 3.  
 Genes. 3. 19.  
 Matth. 6. 31.

## I V.

Per hanc ergo ipsam, etiam machinam tam sancto cœtui expugnando variæ vndique & vndique, ex Orco, ad signa cohortes confluerunt. Inopia submisit famem, inedia imbecillitatem, caro tristitiam. Dæmon, postquam Christi athletas vidit famelicos, & esuriones factos, quasi in inclinatam aciem, ita saxa locutus idem.

identidem immisit lapides : nempe, nimis duram esse, ac velut faxeam vitam Eremitarum: tolerari hanc austeritatem non posse: humanam illis naturam esse, non Angelorum: nec utique vno sudore hauriendum esse hunc laborem; duraturum vsque ad mortem; quam ipsam hoc genus vitæ, non sine homicidij crimine, sit procuratura. Hæc cogitantibus ostendit omnia regna Mundi, & gloriam eorum; obiecit dapes; depinxit spumantes pateras; exposuit quidquid est deliciarum. Facile in ruinam impelluntur, qui iam antè claudicant. Itaque esuritione tristes & sui impatientes subiit poenitentia, & postliminiò ad cæpas atque allia respexere. Iamque in apertas murmuraciones cæperunt erumpere, atque inter se mustitare: Cur Frontonius nos huc miserrum è portu in scopulos duxit? Cur non mansimus in securo? Quin redimus ad communem hominum vitam? An non & illi, qui in vrbibus & arcibus degunt, boni esse possunt? An non & illi, licet fame se se non enecent, possunt salutem æternam consequi? Quis poterit cibo viuere Angelorum? Pallefcit vultus; genua labant; ob inediam, pedes corpus non ferunt; nec oculi caligantes officio suo funguntur; denique fame morimur. Et quid mors nostra Numini proderit ieiunio accelerata? diu qui viuuit, diu Deum laudat. Hæc illi.

Audiens Frontonius eorum murmur antè, quàm ad eum conuenirent dicentes aliquid, ipse præueniens eos ait: Quousq; irritatis Deum murmurantes in cordibus vestris, & dicentes: Nuncquid qui eremum inhabitant, hi tantum sunt Dei serui? & quis ex cibo poterit viuere Angelorum? Conueniamus ad Abbatem, & loquamur ad eum: ut habitemus in ciuitate: quia si qui nos illic viderint, opportunè nobis, iuxta Dei vultum, dirigunt escas, prout cuiq; Dominus dederit facere. Illud autem scire, quia non necabit Dominus famem animam iusti. Ecce oculi Domini super timentes eum, ut alat eos in fame. Et illud non memoramini scriptum, quod ait Apostolus: In fame & siti? sed vobis quoq; in eremo nunquam defuerunt radices herbarum, nec manifestis aliquando ieiunij. Recordamini autem, quia antea locutus sum vobis: Nolite cogitare, quid manducetis, aut quid bibatis, aut quo operiamini: hæc enim omnia gentes mundi quarunt. Nouit Dominus cibum dare timentibus se. Querite primùm regnum Dei, & iustitiam eius, & hæc omnia adicientur vobis. Si enim Dominus volatilia pascit, & cornos non deserit: quomodo nos derelinquere poterit, ipsum iugiter in mente habentes.

V.

Psal. 32.

2. Cor. II.

Matth. 6.



tes, eumq; assidue orantes? si fame defecerimus in eremo, nos Dominum accusemus, & improperemus ei, cum ad ipsum venerimus, dicentes: Credidimus Euangelio tuo, ubi dixisti: quod uniuersos in te credentes, cœli pabulo pascēs: fecimus cuncta quæ præcepisti, sperauimus in te, & tu nos despexisti. Sed quia ibi nos probasti, hic magis, ut probes veritatem, redde, quod promissisti. Nolite ergo murmurare aduersus Deum, ne murmurantes, sicut Patres nostri in deserto, à serpentibus pereatis. Quod si expectaueritis Dominum, quando voluerit, dabit bonitamentibus se. Quo dicto siluerunt paululum à murmuratione sua: erant tamen in mœrore positi. Huc vsque Frontonius, apud dictum authorem.

## V I.

Nondum tamen hic finis historiæ: sed interponendum est aliquid prius, quàm illam totam percenseam. Cur enim in mœrore positi isti, Abbas autem, plenus spe & fiducia, in gaudio fuit? Nimirum illi Deum quidem crediderunt vbique præsentem, sed de Dei Bonitate non satis bene senserunt, sed fiducia Dei caruerunt; Abbas autem, cum sciret tam bonum Mundi Gubernatorem, tam potentem Conseruatorem, tam pium Patrem, filijs suis vbique adesse, persuasissimum habuit, immò, ut certum fidei articulum tenuit: neminem sibi, absque eius voluntate, nocere, nihil necessariarum rerum deesse posse. Nam qui habitat in adiutorio Altissimi, in protectione Dei cœli commorabitur. Et si, eo volente, cibis aliquando deficit, non in solo pane viuit homo, sed in omni verbo, quod procedit de ore Dei. Sic S. Catharina Senensis, aliquando à die cinerum, vsq; ad Ascensionem Domini, sine cibo, perdurauit, sola Eucharistiæ communionem contenta. Quod & in Nicolao, apud Heluetios, per multos annos, videre fuit. Potest etiam fieri, ut Deus aliquos fame finat extremè affligi. Quod si fiat, utique de manu id Domini est accipiendum, qui potestatem habet vitæ necisque nostræ. Frontonius sciebat Bonitatem diuinam esse tantam, ut de ea nulli sit diffidendum. Quod utinam scirent omnes; non tam multi malis se artibus alerent, non furtis digitos, non rapinis manus contaminarent; non fraudibus, non mendacijs, non periurijs pecuniam facerent; non se turpi quæstu alerent; non venderent pudicitiam, non interuerterent testamenta; non spoliarent in filuis & crumena, & vita viatores; non traderent Iudæis, conuulnerandam, non ipsi cacodæmoni porrigerent contumelijs sædandam SS. Eucharistiam: non tantopere laborarent,

Psal. 90. 1.

Matth. 4.

Ludouicus  
Blos. in. Ap-  
pendice Mo-  
nilis spirit.

boli opem anhelant, sicut in prouerbio dicitur: *Bos alienus subin-*  
*de foras prospectat.*

Non sic fecit mulier, qua sanguinis fluxum patiebatur, duode-  
cim annis; quæ, ut Marcus, signatissime addit, fuerat multa perpes-  
sa à compluribus Medicis: & erogauerat omnia sua, nec quidquam pro-  
fecerat, sed magis deterius habebat. Atque, ut Lucas ait, qua in me-  
dicos erogauerat omnem substantiam suam, nec ab ullo potuit curari. Quid  
ergo à medicis desperata fecit? Credidit, Christum etiam in occi-  
pitio oculos habere: quare, non in faciem progressa, ut videre-  
tur, sed accessit retro, & tetigit simbriam vestimenti eius. Dicebat enim  
intra se: Si tetigero tantum vestimentum eius, salua ero. Obseruat,  
S. Augustinus, non omnes, qui sequuntur Christum, & eum tan-  
gant, verè tangere, sed potius comprimere: illos verè tangere,  
qui fide ad Christum accedunt. Fide tangitur Christus, ait S. Am-  
brosius. Hoc ergo fecit mulier, quam idem D. Ambrosius alibi  
Martham Lazari sororem fuisse opinatur; at Eusebius, & Sozo-  
menus, probabilius scribunt, ciuem fuisse Cæsareæ Philippi, quæ  
postea Saluatori suo statuam, ante ædes, posuerit æternum ac-  
cepti beneficii monumentum. Quid ergo huic mulieri, quæ à nul-  
lo medico potuit curari, fecit Christus? Conuersus, & iam etiam  
corporeis oculis uidens eam, dixit: Confide filia, fides tua te saluam  
fecit. Et salua facta est mulier ex illa hora. Sic curat Christus, quos  
nemo potest curare, immò, qui multa perpetiuntur à compluribus me-  
dicis, & erogauerunt omnia sua, nec quidquam profecerunt, sed magis  
deterius habebant.

Et fieret hoc frequentius, si mulierem hanc plures imita-  
rentur, ac, saltem, postquam satis experti sunt, in filijs hominum  
non esse salutem, ad Deum confugerent; aut, si, more huius mu-  
lieris, siue humilitate, siue pudore, non audent ipsum Christum  
compellare, vel retro accederent, & simbriam vestimenti eius tan-  
gerent; hoc est, illius, vel Sanctorum reliquias venerarentur,  
de quibus, non minùs, quàm olim, sæpe etiam hodie virtus sani-  
tatis exit, ut, ubi medicæ manus deficiunt, in cælo adhuc auxilium  
esse sciatur. Qua de causa Catholici semper reliquias magni fe-  
cèrè, quas hæretici, qui nec sanctos, nec sancta amant, peius cane  
& angue oderunt. Calvinus certè mulierem hanc, indiscreto zelo,  
ait, Christi simbriam tetigisse, & aliquid in ea fuisse superstitionis.  
Addit, quamuis tactu simbriæ sit sanata, factum tamen fuisse singu-

Plutarh. in  
Symp. de.  
cad. 8.

V L.  
Matth. 9. 20.  
Marc. 5. 26.  
Luc. 8. 43.

S. Ambros.  
lib. 6. in Luc.  
S. Ambros.  
lib. de Sa-  
lomone, c. 5.

VIL



lare, quod non debeat valere ad exempli imitationem; vt idcirco & nos ex reliquijs petamus sanitatem. Ita *indiscretus* Caluino zelus est; quod omnes Euangelistæ commendauerunt, dum summa diligentia addiderunt hanc eius laudabilem cogitationem: *Si tegero tantum simbriam vestimenti eius, salua ero*: immo quod ipse Christus, non solum miraculo, sed etiam verbis approbavit dicens: *fides tua te saluam fecit*; id Caluinus audet *superstitionem* appellare. Sic nempe cum Euangelistis concordat; sic consentit, cum Christo; vt quod Euangelistæ album vocant, illi sit nigrum; & quod Christus tanquam egregiam & saluificam fidem laudat, ille, velut superstitiosum traducat. Quid ager? num etiam illos incilabit, tanquam superstitiosos, de quibus scribitur: *Magis autem augebatur credentium in Domino multitudo virorum ac mulierum*. Ex quo signo hoc augmentum credentium intelligebatur? an ex opere superstitioso? siquidem subiungitur: *ita vt in plateas eicerent infirmos, & ponerent in lectulis ac grabatis, vt, veniente Petro, saltem umbra illius obumbraret quemquam illorum, & liberarentur ab infirmitatibus suis*. Concurrēbat autē & multitudo vicinarum ciuitatis Ierusalem, afferentes egros & vexatos à spiritibus immundis: qui curabantur omnes. Pari pacto Ephesi virtutes nō quaslibet faciebat Deus, per manum Pauli: *ita vt etiam super languidos deferrentur à corpore eius sudaria & semicinctia, & recedebant ab eis languores, & spiritus nequam egrediebantur*. Interrogo hic Caluinum, an hi omnes indiscreti zeli & superstitionis sint accusandi? interrogo, cur eos Euangelistæ prædicauerint? cur à fide laudauerint? cur sanitas illis miraculo sit conciliata? Indiscretio superstitionis, iniuria Christo illata, miraculum non meretur. Cur ergo miraculosè sanati sunt, qui non immediatè Christum ipsum, sed simbriam Christi, sed Petrum, immo Petri vmbra, sed Paulam, immo Pauli sudaria & semicinctia, cum morbis suis, adierunt? Nimirum Catholici fuerunt, non Caluinistæ. Quod si, sine Christi iniuria, vtiliter & laudabiliter concurrēbat multitudo vicinarum ciuitatum Ierusalem, afferentes egros & vexatos à spiritibus immundis, ad vmbra Petri, cur non idem hodièque liceat facere, ad Petri tumbam & ossa, ad liminā Apostolorum Romæ? aut etiam Ierosolymis, vbi non iam Christi simbria, sed vestigia sanguine illius signata & purpurata, reperiuntur? Hoc Euangelio conforme est, hoc exemplo mulieris & reliquorum, quos laudant Euangelistæ. Quare Euangelium ipsum

Aa. 5. 14.

Aa. 19. 11.

Aa. 5. 16.

ipsum tollat necesse est, qui tollit cultum reliquiarum; ne in illud incurrat: *Stultus est, qui patre caso liberis pepercit*, eadem patriam vindicaturis. Nemo igitur animū despondeat: sepe, vbi nulla amplius vis in herbis, aut Podalirijs, vbi nulla amplius ars in Galenis, ibi inuenitur, in Sanctorū reliquijs. Sic vult Sanctos suos honorare, vt, quemadmodum, *virtutes non quaslibet faciebat Deus, per MANVM Pauli*, ita etiam faciat per manum Petri, Sanctorumque aliorum. Nam tanta erat quoque *Iacobi Apostoli virtus sanctitatis; vt fimbriam vestimenti eius certatim homines cuperent attingere*; vtique non sine corporis, vel animi, vel vtriusque eximio emolumento.

Act. 19. 11.

In Breuiario  
Rom. 1. Maij  
lect. 6.

Ac, ne fuisse ista tantum existimentur; neque nostris adhuc seculis hic fons miraculorum siccatus est. Passim & agminatim exempla occurrunt. Vnum, pro mille, sed non abfimile, dabo. *Retulit nobis nuper Abbas quidam ordinis nostri*, inquit *Cæsarius, de quodam Monacho, cui tanta à Domino concessa est gratia, vt virtute vestimentorum eius, multi sanarentur. Sepe, si tamen adhuc viuunt, cum fratres vestes eius induunt, vel cingulo se cingunt, sanantur. Quod cum quodam tempore eius Abbas considerasset, nec aliquid speculatus in illo vidisset, his verbis eum secretius allocutus est: Dic mihi, fili mi, quæ est causa tantorum miraculorum? Respondit ille: Nescio, Domine; non plus fratribus meis oro; non plus vigilo; non plus ieiuno; non plus laboro: sed vnum scio, quod me non potest extollere prosperitas, neque frangere aduersitas, sine de persona mea sit, sine aliorum. Cui cum dixisset Abbas: Non te turbauit, quod miles nuper grangiam nostram incendit? Respondit: Non; totum enim Deo commisi. Si modicum habeo, cum gratiarum actione accipio; si multum, iterum gratias ago. Ex cognouit Abbas, quod causa tanta virtutis esset amor Dei, & contemptus rerum terrenarum. Esse igitur etiam nostro æuo coelestes medicos, hac historia docemur. Ex qua etiam discimus, apud quos potissimum, desperatis alijs remedijs, quærenda sit hæc medicina, nempe, apud eos, de quibus dicitur: *Nimis honorati sunt amici tui Deus: qui glorificantes se etiam miraculis glorificat, quod & prædixit: Amen, amen dico vobis, qui credit in me, opera, quæ ego facio, & ipse faciet, & maiora horū faciet. Quare non carpenda, sed laudanda est eorum fiducia, qui, postquam, in quærendis humanis auxilijs, vbique oleum & operam perdiderunt, ad Montem sanctum, Ocingam veterem, Lauretum, Romam, atque ad alia Diuina**

VIII.

Cæsarius  
Heisterbac.  
lib. 10. c. 6.  
Miraculor.

Pf. 133. 16.

Ioan. 14. 11.



**Act. 19. 11.** sacrata loca peregrinantur. Non enim quotidiana tantum exempla ostendunt, plurimos inibi salutem aut corporis, aut animæ reperire, quam alibi nusquam reperissent; sed etiam hæc ipsa est fiducia in Deum, qui, sicut *virtutes non quaslibet faciebat, per manum Pauli*, ita & per manum Petri, per manum Matris suæ, per manum Stephani, aliorumque & Apostolorum & Martyrum, & Confessorum, & Virginum facere consuevit. Neque hac re honor illius minuitur, sed augetur. Nam quidquid per Sanctos petitur, ab illo petitur; & quidquid à Sanctis patrat, ab illo patrat. Quippe quod quis per alium facit, per se ipsum facere censetur. Et honor seruis exhibitus, est honor dominorum.

**IX.**

**Joan. 5. 2.** Si omnia reliqua, desperatissimis in morbis, à Christo allata remedia velim per censere, excrescet vel hoc libri caput, in volumen. Cæcum quis vnquam Machaon illuminauit? Illuminavit Christus, illuminauerunt Sancti. Dæmonem, quis, virtute naturali, ex hominibus expulit? Expulit Christus, expulerunt Christi virtute Sancti. Omitto alios quàm plurimos incurabiles morbos ab ipso curatos. Erat Ierosolymis Probatica piscina, quæ cognominatur Hebraicè Bethesda, (hoc est, domus misericordiae) quinq; porticus habens, vbi ægroti (exclusis muro pecoribus & iumentis, ne accedere, & turbare aut profanare aquam possent) aquæ motum expectantes considerent. Igitur in his iacebat multitudo magna languentium, cecorum, claudorum, aridorum, expectantium, non Hippocratem aut Chironem aliquem, non Pausanias, quod ipso nomine omnium morborum remedia promittit: numerosum, & diis inuentoribus adscriptum; vt Plinius refert; sed diuinitus factum aquæ motu. Etenim, D. Ambrosio teste, vt esset indicium, quia descenderat Angelus, aqua mouebatur; & instrumenti proprium est, vt nihil quidquam agat nisi à principe causa motum. Angelus enim Domini, utique bonus (cum non soleat Deus, ad procurandam hominum salutem malos Angelos mittere) siue Raphaël, cuius nomen medicum sonat, siue alius Angelus, cuius officium fuit, sanare, descendebat secundum tempus, siue Paschæ, siue Pentecostes, siue præcipuorum, apud Iudæos, festorum, siue, vt probabilius est, secundum tempus hominibus incertum, alioqui non toto anno inibi expectaturis, certum autem Deo. Descendebat autem secundum tempus hoc in piscinam, & mouebatur aqua. Et qui prior descendisset in piscinam, post motionem aquæ, sanus fiebat à quacumq; decimebatur infirmi.

Plin. lib. 25.

c. 3.

S. Ambros.

lib. de ijs,

qui mysteri-

is initiati-

tur. c. 4.

*firmitate.* Sanabatur autem tantum vnus, vt appareret, non esse illam vim sanandi naturalem, sed diuinitus, ad momentum temporis aquis impressam. Si enim natura aquæ id fecisset, semper fecisset. Siquidem ea, quæ natura fiunt, semper fiunt; vt ignis semperurit; & acidulæ semper sunt acidulæ; thermæque semper fouent & calefaciunt. Accedit, aquæ vim illam datam, vt quancunque etiam desperatissimam inueterudinem restauraret. Sic ibi, diuino dono, inueniebatur, quod nusquam alibi, vel in Atticis fontibus Calliroë, vel in Bœotia Hippocrene, vel ipsa Acidalia. scaturigo; in qua Gratia lauabantur, aliæque salubres vndæ dederrunt. *Erat autem quidam homo ibi triginta & octo annos habens in infirmitate sua. Hunc cum vidisset Iesus iacentem, & cognouisset, quia iam multum tempus haberet, dicit ei: Vis sanus fieri? Respondit ei languidus: Domine, HOMINEM NON HABEO; vt cum turbata fuerit aqua, mittat me in piscinam: dum venio enim ego, alius ante me descendit.* Ipse se iuuare non poterat, & HOMINEM NON HABEBAT. Ecce vt omni auxilio humano destitutus, diuinum sensisset. Nam homo quidem, sed homo Deus ei succurrit. Dixit enim ei IESVS: Surge, tolle grabatum tuum, & ambula. Et statim sanus factus est homo ille: & sustulit grabatum suum, & ambulabat. Multa hominum millia in vijs, in desertis, in mapalibus, in pagis medico carent, & tamen non carent morbo, vt dicere iure possint: *Hominem non habeo; sed Deum habent, quo solo auxiliante possunt corporis vires recuperare.* Et verò sapissime, sine vllō medicō recuperant: quod tamen, cum toties contingat, pauci mirantur; multi etiam penitus non animaduertunt. Ah multi neque animæ habent medicum, quia Parochio destituuntur; vtinam sci-  
rent, se Deum habere, & quando copia non est peccata confitendi, saltem contritione, & Deo super omnia amato, nossent culpas diluere! Noscent autem, si sciant, humano auxilio deficiente, nō deficere diuinum, cui nulla mali diuturnitas potest obistere; nulla vehementia aut difficultas obicem ponere. Lazarum quadriduanum ex ipso sepulchro euocat; hæmorrhœissam, per duodecim annos, ægrotam sanat; & alteram mulierem, quæ spiritum infirmitatis, annos duodeuiginti habuit, morbo liberat; hunc denique, triginta octo annos, in porticu & paralyti iacentem, post tot hyemes, erigit. Sed erigit, tanto tempore, patientissima spe, persecutantem; & erigit exemplō; nam, dictum factum, quippe

Ioan. 11. 39.  
Luc. 8. 43.



*statim sanus factus est homo ille.* Enimuerò adeò sanus factus est, vt illico sustulerit ipse *grabatum suum*, nouus Atlas factus. Ex quibus omnibus enumeratis exemplis clarum fit, quàm diuersa sint, diuina iudicia ab humanis; cum toties Deus iudicet manum porrigendam ijs, quos homines esse deferendos iudicauerunt; quorum vtrumque docet, nec nimiam in hominibus fiduciam collocandam, nec vnquam Deo diffidendum. Hoc est, quod veteri prouerbio dicitur: *Deus de machina*: stat enim ille pro nobis inuocatus, cum nos etiam in extrema tegula stamus.

## CAPVT XIII.

*Deum, tum in omni, tum etiam in pecuniaria necessitate  
egentibus mirabiliter subuenire.*

I.  
2. Cor. 5. 18.  
Ephes. 3. 10.



Ierem. 2. 13.

Rofanorum hominum iudicio; *Nummus* est humana potentia compendium; rectius dicerent: *Deus* est humana potentia compendium. Siquidem omnia ex Deo; qui potens est omnia facere superabundanter, quàm petimus, aut intelligimus, secundum virtutem, qua operatur in nobis. Ille fons est omnis boni; ille Oceanus misericordiarum; ille asylum; ille scutum; ille portus; ille spes prima & vltima miserorum. Vt proinde stolidè erret, qui, fonte deserto, cisternas sibi fodit, qua continere non valent aquas; aut fluuium, immo riuulum existimat Oceano plenior; vel qui, cum vidit, se ab omnibus deserui, etiam à Deo desertum arbitratur; quasi exhausta sit illius potentia & bonitas, aut fons misericordiæ exsiccat. Non nouit Deum, quisquis, in rebus ambiguus, non consulit Deum. Non eredit Mundi gubernatorem Mundo esse superiorem, quicunque se abstrahi sinit, per vllam rem Mundi. O, quàm vilis spes est, quæ nititur Mundi potentia! quàm fugax Principum custodia! quàm fallax fiducia creaturæ! Fascinatio, error, cæcitas, insania est, quærere vbique vel solatia, vel auxilia, & ignorare, aut obliuisci eum; in quo sunt omnia, immo etiam à quo sunt omnia, qui & est omnia in omnibus.

II.

De Protheo, versipelle falsoque Deo, quem alij Vertumnus appellauerunt, Propertius ita cecinit;

*Oppor-*

*Opportuna mea est cunctis natura figuris.*

*In quamcumq; voles, verte, decorus ero.*

Propert. lib.

4. eleg.

Multò veriùs hæc de vero Deo canas: in omnibus periculis, in omni necessitate est opportunus. *Adeamus ergo cum fiducia ad thronum gratia: ut misericordiam consequamur, & gratiam inueniamus in auxilio opportuno.* Amemus ubique pulchrum. Pulcher est in pulchro Mundo, quem condidit; pulcher in potentia; pulcher in misericordia; pulcher in æquitate; pulcher in coelo; pulcher in terra; decorus in Virginis utero; decorus in iumentorum stabulo; decorus in cunis; decorus in templis; decorus in spinis; decorus in clauis; decorus in ipsa crucis deformitate: potens verbo, potens facto. Pete ab eo, quidquid à Deo peti potest, & (si quidem tibi proderit) scito, te impetraturum. Accusant te homines? premunt aduersarii? ad illum recurre, & audies: *Quoniam in me sperauit, liberabo eum; protegam eum, quoniam cognouit nomen meum.* Sic sperantes Apostolos à calumnijs Phariseorum liberauit, quando esurientes ceperunt vellere spicas, & manducare, & Pharisei uidentes dixerunt ei: *Ecce discipuli tui faciunt, quod non licet facere sabbathis.* Tunc enim dixit eis: *Non legistis, quid fecerit Dauid: quando esuriit, & qui cum eo erant: quomodo intrauit in domum Dei, & panes propositionis comedit, quos non licebat ei edere, neq; his, qui cum eo erant, nisi solis sacerdotibus.* Aut non legistis in lege, quia sabbathis sacerdotes in templo sabbathum violant, & sine crimine sunt. Dico autem uobis, quia templo maior est hic: Si autem sciretis, quid est: *Misericordiam volo, & non sacrificium: nunquam condemnassetis innocentem.* Eodem pacto protexit illos, quando accesserunt ad eum ab Ierosolymis Scriba & Pharisei, dicentes: *Quare discipuli tui transgrediuntur traditionem seniorum? non enim lauant manus suas, cum panem manducant.* Nimirum sic Deus iudicat, ut malè iudicantes damnet, & cum nemo est, qui defendat innocentem, ille patrocinium eorum suscipit. Quod qui credit undique linguis appetitus, libenter ad illum recurrens dicit: *Redime me à calumnijs hominum.*

Hebr. 4. 16.

Psal. 90. 14.

Matth. 12. 1.

1. Reg. 21. 4.

Matth. 12. 1.

Psal. 118.

Quid, quòd ab ipsis etiam amicis, cognatis, fratribus ac parentibus deserti à Deo non deseruntur? Neque enim vana est laus illa: *Pater meus, & mater mea dereliquerunt me, Dominus autem assumpsit me.* Nonne amici Iob tales erant, ut eis meritò diceret:

III.

Psal. 26. 10.

Iob. 16. 2.

consola-



*consolatores onerosi omnes vos estis? Ipsa eius vxor, tanquam Lycisca, ante eum stabat, & latrabat: ipsi filij & filia mœrore ingenti eum affecerunt: deseruerunt eum opes; deseruerunt vires; denique, velut catharma, in sterquilinio iacebat, Dominus autem assumpsit eum: Et addidit omnia, quaecumq; fuerant Iob, duplicia, & benedixit nouissimis Iob, magis, quam principio eius. A fratribus desertus erat Ioseph, sed Dominus assumpsit eum. A patre desertus erat, qui dicebat: Domine permitte mihi primum ire, & sepelire patrem meum. Sed Dominus assumpsit eum inquit: Sine, ut mortui sepeliant mortuos suos: tu autem vade, & annuncia regnum Dei. Neque mater potuit filium iuuare, quem, ante portas vrbis Naim, loculi tactu surgere iussit Christus; potuit ergo iuuare Christus; & potuit dicere adolefcens: mater mea dereliquit me, Dominus autem assumpsit me.*

## I V.

Luc. 5. 5.

Pastos esse ab eodem Seruatore, qui, quod manducarent, non habuere, supra meminimus. Sed & opifices nequidquam sudantes, si ei necessitatem suam aperiant, nequaquam deseruntur. *Præceptor, tota nocte, laborantes nihil cepimus, ait bonus alioqui cymba liniq; magister. Qua arte aliquid capere potuit? In verbo autem tuo laxabo rete, ait. Et cum hoc fecissent, concluderunt piscium multitudinem copiosam. O opifices, quibus nihil ex voto succedit, quid totos dies, totasque noctes frustra fatigamini? quid oleum & operam perditis? verum est, sudatis; verum est, vigilatis: verum est, suendo, secando, fabricando, piscando vos rumpitis: verum est, precium duplum laboris exigitis, & captatis: & nihil hæc omnia proficiunt: figuli opes colligitis: semper egetis, semper idem inopiæ saxum voluitis; omnia lucra in sacculum pertusum mittitis: quidquid influit, effluit; quasi ad Danaïdum dolia damnati in cassum laboratis. Vultis causam nosse? non est vobiscum Deus: non offertis Creatori vestro manè diem, vespere noctem: non præcedit laborem vestrum oratio: non sumitis à cruce præmissa benedictionem. Dicite cum Petro, ad Christum: In verbo tuo laxabo rete: Vsq; modo non petistis quidquam in nomine illius: Petite, & accipietis.*

Luc. 5. 5.

Ioan. 16. 24.

## V.

Matth. 17. 24.

Quin, etiamsi regnum illius non sit de hoc mundo, nec venerit ad dandas caducas, sed æternas atque cœlestes opes; tamen, si ita profuerit, etiam pecunias providebit. *Accesserunt, qui didrachma accipiebant (publicani) ad Petrum, & dixerunt ei: Magister vester soluit didrachma? id est, duo drachma) Et ait: Etiam. Quod*

Quod de facto, non de iure, Christum soluisse, semper viderat, vel hoc ipso postea falsò accusatum, quasi tributa Cæsari solui prohibuisset. Et cum intrasset in domum, Petrus, praeuenit eum IESVS, dicens: Quid tibi videtur Simon? Reges terrae à quibus accipiunt tributum, vel censum? à filiis suis, an ab alienis? Et ille dixit: Ab alienis. Dixit illi IESVS: Ergo liberi sunt filij. Vt autem non scandalizemus eos, vade ad mare, & mitte hamum: & eum piscem, qui primus ascenderit, tolle: & aperto ore eius, inuenies staterem: illum sumens, da eis pro me, & te. Stater enim, seu siclus, erat tetradrachmum, id est duo didrachma, vnum pro Christo, alterum pro Petro; quia vnusquisque didrachmum, seu dimidium sicli pendere debebat. Expende hinc iudicium Christi, & in causa, & in miraculo. Causam ipse indicans ait: Vt non scandalizemus eos. Scandalum id fuisset, non datum, sed acceptum, vt vocant Theologi, ex quorum sententia non acceptum sed datum duntaxat scandalum est necessariò vitandum. Ea tamen erat bonitas Christi, vt, qui alibi scandalum acceptum contemnendum censuerat dicens: finite illos, cæci sunt, & duces caecorum, hoc tamen loco, vel grandi miraculo interueniente, voluerit vitare. Nam miraculum multis de causis fuit magnum. Etsi enim Theophylacto daremus, staterem illum, non pecuniam fuisse, sed margaritam; vnde sciuit Christus, piscem primò trahendum margaritam habiturum, si non, spiritu Prophetico, absentia vidit? sed incredibile est, fuisse margaritam, cum margaritæ non in ore, sed in ventre; non in piscibus, sed in conchis soleant inueniri. Fuit ergo verus siclus, & miraculum inde maius, quòd Christus absens sciret, quis fuerit ille piscis, qui in ore staterem esset gesturus; & quòd sciret, illum primò ascensurum; immo quòd potius fecerit, vt ille primus ascenderet; aut quòd in ore ascendentis staterem ipse crearet aut formaret; nisi enim ibi primò eum fecisset, non in ore, sed in ventre piscis stater repertus fuisset: deglutiunt enim pisces, quod ore rapiunt. Quo ex facto apparet, quantis miraculis, vel pecuniam quoque suppeditet indigentibus benignus Deus. Quod & per Matrem suam legitur fecisse.

Monasterium est valde magnum in Hierusalem, non modicè habens congregationem in quodam loco, inquit Gregorius Turonensis, Denotio populi saepe plurima confert. Verum tamen Imperatoris iussu ibi non minima largiuntur. Accidit autem, quodam tempore, vt, prae penuria egestatis, valde eis victus necessaria deficerent. Congregatio

Matth. 17.  
24.

Matth. 15. 14

# VI.

S Gregorius  
Turon. lib. 1.  
de glor.  
Martyr. 9. 11



Itaq. garrula *Abimachorum*, cum, una atq. alia die refectiois alimoniam non caperet, vociferantur ad *Abbatem* dicentes: *Largire cibos*, aut permitte descendere unumquemq. in locum, quo vitam propagare possit; alioqui, nec te consilio, d. scedimus, ne percamus fame. Hac, is dicentibus, ait *Abbas*: *Oremus fratres dilectissimi*, & *Dominus* ministrabit nobis cibos: nec enim potest fieri, ut deficiat triticum in eius monasterio, quæ frugem vitæ ex viro pereunti intulit Mundo. Quibus vigilan- tibus, nocte tota, ac psallentibus, mane orto, ita reperiunt cuncta horreo- rum habitacula repleta tritico, ut vix vel referari osium posset. Ac- cepto autem cibo, grâtiâs egerunt Deo. Post multos verò annos, iterum deficiente cibo, clamauerunt *Monachi* ad *Abbatem*, qui ait: *Vigilemus*, ac deprecemur *Dominum*, & forsitan transmutere dignabitur alimenta. Deniq. prosternuntur ad pavimentum templi. *Vigilantes* itaq. noctem in *Psalmis* hymnisq. & *Canticis* spiritualibus, cū se, post matutinas, somno dedidissent, venit *Angelus Domini*, & posuit, super altare, multitudinem innumeram auri. Erant enim ostia adis obserata. Exurgente autem mane *Abbate* cum *Monachis*, ad celebrandum cursum, viderunt multitudinem auri super altare. Et ait *Abbas* *Custodi* editio: *Quis* *Præfectorum* huc ingressus est? qui hac detulit? Respondit: Post egres- sum vestrum, nullus hic hominum accessum habuit, sed osti clauem mu- nitam retinui, & mecum habui, donec surgeres ad commouendum signū. Tunc stupens *Abbas* cum *Monachis*, munus cœlestē intellexit, gratiasq. Deo agens, collegit; comparatisq. victui necessariis plebem creditam af- fluenter refecit. Nec mirum, si *B. Virgo*, sine labore, suis protulit victū, quæ sine coitu viri concipiens, virgo permansit & post partum. Hæc *S. viri* verba sunt, quibus ego aliud adiungam, verbis meis.

## VII.

*Surius* 5. A.  
*pril.* in vita  
 eius, & *F. Io.*  
*Chrysost.* de  
*Större* in  
 vita edita  
*Antuerpiæ*  
 Anno 1627.

*Hermannus*, postea, ab ipsa *Deipara*, cum duobus Ange- lis, ei se spectabilem præbente *Iosephi* sibi nomen adsciscere iussus (cuius Beatificationem *Ferdinandus II.* Imperator *Diuis* affectissi- mus *Romæ* à Sede Apostolica petiuit) antè, quàm, in *Steinfeldens-* si cœnobio, sub *S. Norberti* vexillo, in *Præmonstratensium* ordi- ne, stipendia faceret, cum adhuc septennis, *Coloniæ*, scholas fre- quentaret, ceteris condiscipulis, festis ac *Dominicis* diebus, in pla- tea pueriliter ludentibus, solebat se subducere, atque in *B. Virgi-* nis monasterio, ad quandam, diuinę *Matris* *Filium* Deum brachio gestantis, se se imaginem illatebrare. Ibi, haud secus ac si statuæ viuerent, ita iam cum *Matre* verba faciebat: iam cum *Filio* eius suauissimè, & tanquam cum æquali, familiarissimè sermocinaba- tur.

tur. Si panem nactus erat, aut si pomulum habebat, Matri Filio-  
que eius lubens, gaudensque sportulam attulit ac porrexit. Et ve-  
rò acceptum id sibi munus esse, cœlestis Virgo perspicuè ostendit:  
quippe quæ extento, quantumis ligneo brachio, munus accepta-  
uit. Quin & locuta est cum Hermanno elinguis imago, iussitque  
eum cum Puerulo suo colludere. Quod ad vespertinum usque tem-  
pus factum: **ut verè dicere posset diuina Sapiencia: ludens in orbē**  
**terrarum, & delicia mea esse cum filiis hominum.** Parentes illi erant  
pauperes, quibus non suppetebant sumtus, ad illum ritè vestien-  
dum. Quare aspera ac frigida hyeme, moris sui seruans, ad castæ  
Matris statuum in templum venit. Usque adeò cœlesti flamma  
æstuantem rigens bruma non impediuit. Ibi Imago rursus verba  
fundens interrogauit, cur, tempore tam frigido, nudis incedere  
pedibus? cui ille respondit: *Calceis careo.* Mox illa, lapidem, in-  
quit, illum vides? (& digito lapidem monstrabat) sub eo qua-  
tuor denarios reperies, eos tolle, & calceos eme. Adit lapidem,  
inuenit pecuniam, & exultante animo ad gratiæ tantæq; liberali-  
tatis Matrem recurrit, eique gaudibundus nummos ostendit. At  
illa, quoties, posthac calceis, tabellis, aliâque scholastica supel-  
lectili indigebis, cum lapidem adi, semper inuenies monetam.  
Quid puerilis ætas, quid mulier, tacitum secretumue seruat? Igi-  
tur neque potuit ista res vel Hermanno puero, vel ab Hermannī  
matre femina diu cœlari. Vulgata est. Rescientes reliqui etiam  
pueri & ipsi eundem lapidem adierunt, mouerunt, sed nihil repe-  
rerunt: quia non itidem, ut Hermannus, coluerant thesauri mon-  
straticem. Tanti refert, vnde quis non opem solū, sed opes etiā  
petat.

Fabulæ Fortunatum quendam fingunt, in silua, Deam ob-  
uiam habuisse, quam Fortunam vocant, à qua marsupium dono  
acceperit, eius virtutis, ut quoties vellet, ex eo aureos nummos  
posset educere, tanquam è fonte quodam perenni, aut potius flu-  
uio & Pactulo auri. Fingunt hæc. Somnia sunt Parnassi. Felicior  
Hermannus fuit Fortunato. Sub lapide semper pecuniam reperit,  
quoties quæsiuit. Docuit ergo nō à Fortuna, sed à Maria eiusque  
inprimis Filio, opes sustentationi necessarias esse flagitandas. Ne-  
que Midas Phrygiæ rex aurum quæsiuit, vbi debuit; quæsiuit a-  
pud Deum, sed falsum, & qui ad dilapidandas, non cumulandas  
diuitias est opitulator. De vera in verum Deum fiducia à S. no-

Prov. 8. 31.

VIII.

Ouid. lib.  
I. Metam.



stro Ignatio discenda, infra memorabo: hinc pecuniæ insperatò sup-  
ditata exempla è vita illius appono.

## IX.

Petr. Riba  
den. lib. 5.  
vita S. Igna-  
tij cap. 9.

Roma Petro Codacio nuper mortuo, & S. R. E. Cardinalibus pro-  
pter obitum Pauli III. Pont. Max. in noui Pontificis electione occupa-  
tis, inopia nostri premebantur: quibus extremam etiam famem metue-  
bant multi, humana ratione rem aestimantes. Ignatius verò eo ipso tem-  
pore familiam suam auxit, & intra paucos dies, plurimos Societatis Can-  
didatos in Societatem admisit: multis eius animum admirantibus, quibus,  
quod consecutū est, admiratione noua admirationem ademit. Nā hoc ipso  
tempore cum aliquando Ioan. Crucius, domesticus obsonator, homo simpli-  
cissimus, & feruens spiritu ex D. Ioannis Lateranensis templo vesperi do-  
mum reuerteretur, ad amphitheatrum, quod vulgo Colosseum dicunt, in  
hominem incidit, qui in manum illi centum nummos aureos silentio tra-  
didit. Eius aspectu plurimum Ioannes commotus est, & horrore quodam  
perfusus: tradita enim homo pecunia, ex oculis mirantis subito euanuit.

## X.

Alias etiam, dum idem Ioannes summo manè obsonatum it,  
obuiam illi factus est quidam, qui marsupium aureis nummis plenum in  
manū dedit. Et quod nondum plane illuxisset, quis esset, agnosci non potuit.  
Obsonator certè noster Damonem suspicatus, eiusq; timens insidias, in  
templum D. Mariae supra Mineruam, quod proximum erat, se repen-  
tè coniecit, precatusq; Deum est, vt se dolo, & fraude omni liberaret.  
Pecuniam domum allatam, adulterinam nonnulli suspicabantur, & à  
Diabolo, vt nobis imponeret, prestigys quibusdam adumbratam. Sed  
tamen vera, & recens, & aurea fuit: eaq; debita soluta sunt. Eodem  
penè tempore, in alia nostris difficultate versantibus, dum, in propatulo  
loco, apertam arculam tomento & scrutis vilissimis refertam, P. Ioan-  
nes Polancus domi perscrutatur, & scripta quadam diligentius inqui-  
rit, recentes nummos aureos fulgentesq; in ea casu reperit, quibus  
subuentum præsenti necessitati est. Nam illud diuina quidem providen-  
tia signum, minus tamen mirandum est, in summis rei familiaris angu-  
stys fuisse, qui nostra necessitatis inscý, pecuniam ultro offerrent, vel etiā  
benigne domum deferrent: qua ratione nostrā sepe inopiam sublenarent.

## XI.

Io. Iunior in  
scala coeli.  
Leon. Mayr.  
21. Maij in  
stemmate  
Mariano.

Perfimile, & aliquantò etiam prodigiosius est, quod à Io.  
anne Iuniore aliisque memoratur, de Nobili quidem, & pia, sed  
paupercula matrona, quæ, cum non esset, quod alendis geminis fi-  
liabus sufficeret, adduxit eas in templum, ad statuam Matris Dei;  
ibi manus filiarum, in manus Mariæ transponens: *Has meas filias,*  
*inquiebat, quas, ob inopiam, sustentare non possum, tibi, ô Dei parens,*

in manu

in manus trado, iure meo materno omni tibi resignato, ut tu illas pariter in vita, & virginea illibataq; castitate cōserues. Oratione, in hunc modū, peracta, domū regrediuntur. Redeuntibus incognitus iuuenis sacculum 100. talentorum offert, hoc se aiens patri earum adhuc debuisse. Hac pecunia mater filias decentius vestitas reliquis etiam rebus necessarijs instruit. Sed adsunt illico oculi maligni, & linguæ Theoniz, quæ spargunt, in honesto quæstu, filiabus, peculium obuenisse. Doluit castissimis puellis magis infamia, quàm inopia. Quò confugerent virgines, nisi ad Virginem, & filia, nisi ad Matrem? Eunt comprecatum; queruntur, apud Deiparam, de publica infamia, in publico loco. Extemplo ostensum est, Superos audire mortalium preces. Nam nullā mora, in conspectu totius ciuitatis, duo pulcherrimæ iuuentutis Angeli è cœlo adueniunt, manibûsque elegantissimas coronas ferentes dicebant: *Hæc festa vobis, in testimonium illibate vestrae virginitatis mittit Maria IESV & vestra Mater.* Cum dicto festa obtulerunt, atq; etiam oculis mortalium se subducentes magnam & Deiparæ, & ambarum virginum opinionem, in spectantium animis, reliquerunt. Quippe duo cœnobita extemplo exædificata sunt, in quibus duæ tātæ cœli gemmæ conderentur. Ita dotare notit Dei Mater filias sibi commendatas. Bonæ sunt artes, quæ diuinis auxilijs nituntur. Malis artibus homines plus amittunt, quàm acquirunt.

Quod vel Phryx ille voluit indicare, cuius hæc sunt. XII.  
*Valde exercitatus fur, egregiam & questuosam operam quadam nocte nauarat, compilatis aliquot diuitum arculis. Itaq; auro argentoq; re-* Ælop. fol. 373.  
*fertum sacculum portans etiam in pauperis ades deuenit: quas scrutans cum nihil inueniret rerum preciosarum, in farinarium tandem vasculū incidit. Ne vacuus autem, contra disciplinam suam, discederet, ponit sacculum, in illum congesturus farinam. At pater familias strepitu excitatus de somno, & timens victui suo, in furem telo arrepto, cum clamoribus irruit. Ille territus ex adibus, sacculo relicto fuga, enadit. At pater familias, excusso igne & lumine illato, magnas, præter spem, opes reperit. Sic ille qui farinam pauperi relinquere nolisset, auro & argento caruit. Nimirū sæpe ex insperato succurritur innocentibus; & malè parta, malè dilabuntur, longeq; maius lucrū reportat, qui lucrum Dei causâ negligit. Cuius rei insignem habemus, in messore, doctrinam, à probatæ fidei authore, enim uerò ab oculatis testibus relatum. Miles, in Germania, diues agri, messores conduxerat,*  
*O 3* qui,



Thom. Can-  
tiprat. lib. 2.  
c. 53. §. 2.

qui, secto gramine, foenum facerent. Illi in opus strenuè incumbebant, vt diurni laboris mensuram quisque impleret. Erat forè peruigilium Sancti cuiusdam, cum sub vesperam, vndique, in pagorum turribus, campanum æs cœpit compullari, signumque dari ad Vesperas. Eo sonitu audito, *Desistamus*, inquit vnus è messoribus, *falcemq; seponamus, tempus est Vesperarum.* Pia monitio, apud crudos animos, non habuit locum. Quin ceterijs insuper asperferunt ceteri monitorem. Ille tamen nullis sarcasmis abstergitus, falce & opere relicto, ad preces cantusque Vespertinos se contulit, reliquis porrò gramen cadentibus. Tertio inde die, in pratum veniens, & longo, post reliquos, intervallo laborem incipiens pro deridiculo habitus est. Tulit cachinnos patienter: sed non diu fuit, cum irrisores se ipsos senserunt cachinno dignos. Vix enim ille manu falcem vibrare cæperat, cum ex eminentiore graminis furculo auream quandam miræ & visendæ magnitudinis monetam pendentem conspexit. Quid illo lætius? Cadit illico in genua, &, præ gaudio, lachrymans in diuini Largitoris laudes effunditur. Concurrunt ad clamorem socij, concurrit & prati dominus miles: vident nummum non vulgari modo, sed prodigiosè inscriptum. Miles, qui olim aliquot annos, inter scholas, haud magno sanè operæ precio contriuerat, litteratam tamen monetam, voce patria, legit, & hunc ferè sensum inuenit: *Adanus Dei me compegit; & in donum me redegit pauperi: qui non infregit diem Sancto celebrem.* Numum hunc vxor militis tanti fecit, vltima pecuniæ summa eum ematum multis postea, in rei gesta testimonium memoriâque commonstrâre.

## XIII.

Narrabo hîc, quod à viro diligente atque industrio in eadem rem narratum habeo. Duo vnà iter faciebant, quorum vnus in perpeti metu de victu comparando versabatur, alter verò de Dei Prouidentiâ certus ac sui securus plenus lætitijs pergebat. Hoc mirari ille, & è socio quærere; quamnam res ei tantam animi tranquillitatem adferret? Nam ego, inquiebat, curis conficior, & quando de futura vitæ sustentatione cogito, intemperijs agitator. Ast ego, inquit alter, dudum hæc examussim cogitavi, curâque omnem in eum conieci, *Per quem nec ales esurit.* Quamquam neque otiosè vitam agere decreui, sed statui, manum cum Deo mouere. Quia igitur immobili adhæreo, idè quietus sum. *Quid verò est, manum cum Deo mouere?* rogat iste, Cui alter *Fide-*

liter

*litteris*, inquit, *artem quam didici, exercebo* cetera Deo permittā. Didici hoc impio risu exceperit anxius ille, dicens: *Vidisse se multos Deo fretos deceptos esse*. Mox ergo relapsus ad suas dubitationes, & deliberationes coepit, inter alia, pcellimetu cecitatis, *Et quid inquit, te futurū esset, si cæcus fieres?* In hac formidine, incipit tentare, quomodo cæcus factus progredi posset? Itaque oculos claudit, cautēque manu pratenta, magno spacio nouus andabata progreditur. Verum ita sponte cæcus marsupium auro grauidum, in via iacens, preterit, quod ponē subsequens socius conspectum illico sustulit; dicens, *sollicitudine nimia excæcatus diuinæ Providentiæ largitate non videre*. Quia igitur in hunc modum adiunt pauperem de inopia: *venite & time Deum omnes Sancti eius: quoniam non est in perimentibus cum. Diuites egerunt & esurierunt: inquirentes autem Deum non minuentur omni bono*. Huc ergo, qui non habetis argentum, properate, emite, & comedite: *venite emite absq; argento*.

Psal. 106. 41.

Psal. 33. 10.

Isa. 55. 1.

*Absq; argento emit*, qui spe & fiducia in Deum emit: *absq; argento emit*, qui non confidit in multitudine diuitiarum: *absq; argento emit*, qui argentum dispergit & dat pauperibus; nam centuplum accipit, etiam in hac vita. Luculentam rem recenset Ioannes Moiscus cognomento Euiratus, his verbis: *Cum in Samo insula essemus, narrabat nobis venerabilis pauperum cultrix Maria Mater Domini Pauli candidati, dicens: cum essemus in ciuitate Nisiba, erat ibi Christiana mulier virum habens gentilem. Erant autem pauperes habebant tamen quinquaginta numismata. Die vero quodam ait vir uxori suæ: Domus hac numismata feneratori, ut aliquod scilatum ex eis capiamus. Ea enim singularem consumimus, & deficiunt. Respondens autem illa bona uxor ait viro, si placet ea fenerari, veni, domus illa sub fenore Deo Christianorum. Dicit ei vir eius. Et ubi est Deus Christianorum, ut domus ei? ait illa: ego tibi ipsum ostendam. Si enim huic dederis ea, non solum non illa perdes, sed & usurus tibi persoluet & capitale duplum reddet. Qui ait: Eamus, ostende mihi illum, & domus ei. Illa vero assumens virum suum, duxit in sanctam Ecclesiam. Habet autem Ecclesia illa quinq; magnas ianuas. Cum ergo induisset illum in Ecclesiam penicum, ostendit ei pauperes dicens: isti si prouideris, Deus Christianorum ipsa accipit. Isti enim omnes sui sunt. Qui mox cum gaudio numismata capit erogare pauperibus. Reuersiq; sunt in domum suam. Cum vero post menses tres necessitate sumptuum angustarentur, ait vir uxori suæ: Soror, nihil, ut video, nobis daturus est Deus*

XIV.

Io. Moiscus  
Euiratus in  
prato spiritus  
cap. 185.



Deus Christianorum, ex debito illo; & nunc angustamur inopiâ. Respondit mulier & ait illi: Profecto dabit. Vade, ubi illa dedisti, & exhibebit ea tibi cum omni alacritate.

XV.

Quæ audito, ille currens abiit in sanctam Ecclesiam. Veniensq; in loco, ubi erogauerat numismata pauperibus, & circueiens totam Ecclesiam neminem vidit, qui sibi debuum redderet, nisi solos pauperes denud sedentes. Cum ergo cogitaret à seipso, cui diceret aliquid, aut à quo exigeret, aspexit, ante pedes suos, in marmore iacere numisma unum de illis, quæ pauperibus ipse erogarat, inclinansq; se & accipiens illud abiit in domum suam, & ait coniugi suæ: Ecce profectus sum in Ecclesiam, & crede mihi, mulier, quia Deum Christianorū non vidi, ut dixisti, nullusq; mihi aliquid dedit, nisi quod hoc numisma ibi positum vidi, ubi ego prius erogaueram. Tunc ait ad eum mulier illa mirabilis: Ipse est, qui tibi hoc inuisibiliter prestitit. Ille enim, inuisibili potestate suâ, disponit hunc Mundum. Sed vade, Domine mi, eme nobis aliquid, ut comedamus hodie, rursumq; ipse prouidebit nobis. Abiit ille & emit sibi panem & vinum & piscem, & veniens domum dedit uxori. Quæ accipiens piscem capit ipsum purgare, exenteransq; illum, inuenit in visceribus eius lapidem valde mirabilem, ita, ut miraretur mulier illius pulchritudinem. Non tamen sciebat, quid esset. Seruatū autem ostendit reuertenti viro, dicens: Ecce hunc lapidem in pisce reperi. Videns autem & ipse miratus est quidem ipsius pulchritudinem, ignorabat tamen quid esset. Cum autem comediasset, ait uxori: Da mihi lapidem, ut vadam & vendam illum, si quid fortassis pretij de illo accipere contingat. Neq; enim, ut dixi, nouerat & ipse quid esset, utpote simplex & rudis. Tulit itaq; lapidem & abiit ad Trapezitam, cuius erat proprium, alia emere & vendere, inuenitq; illum, iam clausis omnibus, egredientem (ad vesperum enim iam dies erat) & ait illi: Vis emere hunc lapidem? ille verò considerans lapidem, dixit ei: Quid vis, ut tibi pro eo solvam? ait autem ille: da quidquid vis. Ad quem ipsa: Accipe, inquit, quinq; numismata. Putans autem venditor, quia illuderet sibi, dicit ei: Et quantum vis pro illo persolvere? Existimans Trapezita, quod ita ille, per ironiam, loqueretur, ait ipsi: Accipe decem, pro eo, numismata. Venditor iterum se irrideri arbitrans, tacuit. Dicit illi Trapezita: Viginti numismata accipe. Ille autem tacebat nihil respondens. Cum verò ad triginta, quadraginta, quinquaginta numismata emptor ascenderet, & se daturum ea iuramento affirmaret, cepit ille amplius lapidem estimare. Paulatim verò emptor ascendens usq; ad trecenta numismata

numismata peruenit, deditq; illa vendenti. Ipse igitur, dato lapide, acceptaq; pecunia, venit ad uxorem suam gaudens. Quæ cum videret illum exultantem, dixit: Quanto illum vendidisti? Putabat autem quod illum quinq; aut decem minutis vendidisset. Tunc ille trecenta numismata proferens dedit illa uxori suæ dicens, tanto se illum vendidisse. Illa verò summam diuinæ bonitatis clementiam admirans dixit ei: Ecce DEVS Christianorum qualis est, quàm bonus, quàm gratus, quàm diues! Vides quia non solum quinquaginta numismata tibi reddidit, quæ tu illi mutuasti, sed paucis diebus tibi sexcuplicata restituit? Agnosce igitur, quia non est DEVS alius, neq; in terrâ, neq; in cælo, nisi ipse solus. Ille verò miraculo admonitus, cū experimento didicisset & ipse veritatē, effectus repentē Christianus, glorificauit Deum & Saluatorem nostrum Christum cum Patre & Spiritu sancto, plurimas referens gratias prudentissima uxori suæ, per quam vera Dei notitia ipsi in veritate concessa est.

Verè bona vxor magnum est bonum mariti. Hæc docuit X VI.  
virum suum sanctam & furam; neque solum diuitem fecit, sed etiā Christianum. Vtinam haberet multas imitatrices! Aliæ vxores, vt earum superbiæ satisfiat, coniuges suos, ad fraudes, ad rapinas, ad mille dolos adigunt; furta eorum occultant, distrahunt, dissipant; neque conantur bonis artibus ditescere. Enimuerò blanditijs, aut nequitijs suis corda virorum euertunt, & ad hæreses, aut alios errores, nec rarò ad idola pertrahunt, quod ipsi contigit Salomoni. Non est hoc bonæ vxoris, de qua dicitur, *sanctificatus est vir infidelis, per mulierem fidelem*: quod de S. Cæcilia legimus, quæ maritum suum Valerianum; de Theodora, quæ Sisinnium; de Clotilde, quæ Clodouæum; de Natalia, quæ Adrianum, per preces, per verba, per bona opera, per exempla sancta, conuertit. At maritum habes fidelem? si non potes illum conuertere ad fidem, in quam iam est, conuerte ad iustitiam, conuerte ad misericordiam, conuerte ad charitatem; doce eum dare eleemosynas, nec ei manum iniice dare cupienti, quod multas, pro dolor, auarissimas Orci Nymphas audiuius facitare.

Discite hîc & vos pecuniæ fititores, non pluris facere industriam vestram, quàm gratiam diuinam: non magis confidere, in vestro labore, quàm in Dei ope. Vanum est vobis, ante lucem, Psal. 126. 2.  
surgere, vanum, tota nocte, laborantes vigilare, & facere operationem in fluminum nauigandorum, aut sudorum aquis multis; nihil capietis, si Christus non sit vobiscum. Nisi Dominus edificauerit do-



*mum, in vanum laborauerunt, qui adificant eam. Hic messor plus cessando messuit, quàm alij, vsque ad occasum solem, se defatigando. Discite, mortales, inter vera & vana auxilia, discrimen facere. Nolite vobis promittere à mandragoris pecunias; non fert ea radix nummos. Nolite effodere thesauros, quos atri custodiunt canes. Cerberus, non Deus; Gryphes, non Cœlites, habitant in illis hypogæis. Nolite animam vestram vendere tribus Philippæis, Christum triginta argenteis. Non dat Orcus opes, quibus ditefcatis. Cum putaueritis vos habere crumenam ære grauem, carbones thesaurus erunt; & sæpius stercore, quàm numismata colligetis. Denique, quando nihil acceperitis, cum Pluto, Plutonem estis adoraturi. Deum colite, ille aurum creauit. Ille, cum nemo iuuerit, ditabit. Ille & diuinam virgulam, & auream, sed castam, pluuiam potest è cœlo mittere. Ab illo, tanquam sponsæ, arrham accepistis, quidquid habetis. Caue, homo, ne de tua anima sit illa querela: *Et hæc nesciuit, quia ego dedi ei frumentum, & vinum, & oleum, & argentum multiplicari ei, & aurum, quæ fecerunt Baal, quasi dæmonis, non Numinis dona; ab Inferis, non à Superis impetranda. Si qua re indiges, Patrem adi, non hostem, apud quem, qui volunt diuites fieri, incidunt in tentationem, & in laqueum diaboli. Hinc tam multi, ob amissam vnicam vaccam, aut leue damnum, seipsos suspendunt: verè enim in laqueum diaboli incidunt, quem illis tetendit.**

Osee. 2. 8.

1. Tim. 6. 9.

## CAPVT XIV.

*Diuina bonitatis indicia, in Sacramento Baptismi & Confirmationis gratiaq; diuina, mirabiliter suppeditatis.*

I.



Vòd si, iudicio Dei, à pecunijs alijsq; terrenis bonis homines desertissimi tantam habent compensationem, vt vel diuinitus pecunià inuentur, vel alia accipiant bona pecunijs longè præstantiora: quid egenti non erit sperandum de cœlestibus thesauris? Inter quos est diuina à Christo promanans gratia, quæ minimè opinantibus atque etiam haud merentibus sæpe affulget & datur; diuinâque Sacramenta, quæ mirabili prouidentia instituta, mirabili-

biliore modo nonnunquam hominibus offeruntur. Nempe non minus menti, quam corpori mortalium iudicat prospiciendum. Deus, qui sæpe illa occasione aut ratione adest, qua minimè putauisses. Ita ex Saulo Paulum fecit, quando eum Ecclesiam discipulosque Christi flagrantissimè persequentem, ipsa cæcitate oculorum, illuminauit. Ibat spirans minarum & cadis in discipulos Domini: & subito circumfusus eum lux de cælo. Ita vir Æthiops Eunuchus, potens Candacis regina Æthiopum, à Philippo, in fide, eruditur in speratò. Mittitur ab Angelo Philippus ad viam, qua descendit ab Ierusalem in Gazam, & nec dum ipse scit, cur mittatur. Mittitur & ad currum, in quo sedebat Eunuchus. Occurrit locus opportunissimus Isaï, de Christi Passione, prophetantis: occurrit & aqua: denique & ipsi Eunuchus occurrit, vt diceret: *Ecce aqua, quid prohibet me baptizari?* Ad hunc modum lauit Æthiopem, sed vtiliter, Deus, nihil minùs, quam de hoc lauacro cogitantem, cum domo exisset. Sed tamen Saulus, quando in mala via iter faciebat; Æthiops, cum Deum quæsuit, conuersus est. Vnde admiranda Dei iudicia se se aperiunt, qui & sequentibus, & persequentibus venit obuius ad auxiliandum.

Id autem quod Eunuchus baptizato, Pauloque conuerso evenit, in omnibus Sacramentis contigisse, potest ostendi. Nam in primis de aqua etiam diuinitus ad baptismum oblata, illud refert Baronius. Cum An. Christi sexagesimo octauo S. Petrus Apostolus in carcerem Mamertinum missus à Processò & Martiniano militibus asservaretur, ipsos suos hos custodes ad Christi fidem adduxit. Iam crediderant; sed defuit aqua baptismi necessaria. Non defuit ergo Deus. Ex templò, quasi saxo vena esset secta, ita, in vicem sanguinis, fons erupit: qua aqua Processum & Martinianum tinxit Petrus. Nemo loco diffidat, qui Deo fidit. Nusquam & nunquam illi deest, quod prodest: quosque mortalium iudicia sæpe abiectissimos ne pistrino quidem dignos censent, eos diuinus oculus ex persecutoribus Apostolos, ex lictoribus martyres, denique ex nigris candidos facit atque cæli candidatos.

Stupendum eiusmodi Dei iudicium fit manifestum, etiam ex alia, commemoratione, digna historia, quam, sub Paulo Episcopo Alexandrino, circa annum Domini quingentesimum trigessimū septimum contigisse, in Prato spirituali, his verbis legimus. *Narrauit nobis* (inquit Ioannes Moscus cognomento Euiratus) *Abbas*

Act. 9. 1.  
Act. 8. 27.

II.

Baron. t. 1.  
An. 68. &  
Thom. Boz.  
lib. 1. de sig.  
Eccles. c. 16.

III.

Prato spirit.  
cap. 207.



Theonas & Theodorus, quòd Alexandria, sub Paulo Patriarcha, puella quadam relicta fuerat pupilla, à parentibus magna facultate locupletibus. Erat autem adhuc sine baptismo. Die verò quadam ingressa pomarium, quod sibi reliquerant parentes eius (sunt enim in medio ciuitatis pomaria) vidit quendam parantem sibi laqueum, ut se prefocaret. Cucurrit igitur, & dixit ei: Quid facis, homo? Dixit autem ei: Dimitte me, mulier, quoniam in multa tribulatione sum. Quæ ait illi: dic mihi causam, & fortassis iuuare te potero. Dixit illi: Graui ere alieno premor, & valde suffocor à creditoribus, elegig<sup>3</sup> potius vitam semel finire, quàm quotidie mori. Quæ dixit illi: Quaeso te, accipe omnia, quæ habeo, & redde: tantum ne perdas te ipsum. Sumens verò ille reddidit omnia. Puella ergo angustari cæpit non habens, qui sibi curam gereret. Itaq<sup>3</sup>, destitua parentum solatio, fornicari instituit, & inde sibi victum querere. Dicebant ergo viri illi sancti: Quis nouit ista, nisi solus DEVS? quomodo scilicet permittatur anima, propter causam aliquam ipsi soli cognitam, ad tempus derelinqui? Post aliquantulum temporis infirmata est puella, & in se reuersa compuncta est, orauitq<sup>3</sup> Pontificem, ut faceret illam Christianam. Omnes autem aspernabantur eam, dicentes: Quis hanc suscipiat, quæ meretrix est? affligebatur autem vehementer. Cum verò in his esset angustijs, affuit illi Angelus, in specie hominis, cum quo misericordiam fecerat. Cui illa dixit: Cupio fieri Christiana, & nemo vult pro me loqui. Qui ait: Nunquid re verà istud cupis? Respondit illa: Vix, Domine, & deprecor te, ut hoc mihi impetres. Qui ait: Noli tristari. Ego adducam aliquos, qui te accipient. Adduxit ergo alios duos & ipsos Sanctos Angelos, duxeruntq<sup>3</sup> illam in Ecclesiam. Rursumq<sup>3</sup> se ipsos transformantes in personas quasdam illustres, & notas ex ordine Augustalium, vocant Clericos, Presbyterum scilicet, & Diaconum, qui in hoc ipsi constituti erant. Dicunt eis Clerici: Vestra charitas pro ea pollicetur? Alii autem responderunt: Etiam nos pro illa pollicemur. Sumentes ergo illam baptizauerunt: & albis induta rursus ab eis subuecta est. Quæ cum deposuissent, euauerunt. Vicini ergo cum illam albis indutam viderent, postquam recesserunt illi, dicunt ei: Quis te baptizauit? Nunciauit autem eis rem totam, dicens: Venerunt quidam, & tulerunt me in Ecclesiam, locutiq<sup>3</sup> sunt Clericis, & baptizauerunt me. Et dixerunt ad eam: Qui sunt illi? cum verò non posset dicere, qui essent illi, abennates nuncianerunt Episcopo. Dixit autem Episcopus his, qui ad baptizandum constituti erant. Vos illam baptizastis? Et confessi sunt se illam baptizasse exoratos ab illo & illo Augustalibus. Porro accersitis ex

Præto.

Prætorio his, quos Clerici dixerant, dixit Episcopus: Num ipsi pro ista fideiussistis? Qui dixerunt: Neque nouimus, neque conscii nobis sumus, hoc fecisse. Tunc vero iam cognouit Episcopus, DE I hoc opus esse. Conuocansq; illam dixit ei: Dic mihi, filia, quid gessisti boni? Quæ ait: Meretrix existens, & paupercula, quid boni operari potui? Dixit illi Episcopus: Nihilne omnino operata es? Dixit ei: Non, nisi quod videns quendam, qui à creditoribus premebatur, se suffocare volentem, datâ illi omni substantiâ meâ, liberaui illum. Et his dictis, continuo obdormiuit in Domino. Tunc Episcopus glorificans Dominum dixit: Iustus es Domine, & rectum iudicium tuum.

Hoc baptismo vel meretrici, ante mortem, diuinitus procurato; non tantum mirabilia & arcana Dei iudicia illustrantur; sed etiam erudiuntur illi, qui, quæ olim piè gesserunt, frustra effecta existimant. Bonus est Deus, etiam illorum operum non obliuiscitur, quæ mortali delicto extincta sunt. Illis enim etsi cælum non debeat: enimuerò etsi de condigno nihil omnino debeat, tanquam Dei inimicis, nisi pœna; congruum tamen existimat Deus, vt aut bona recipiant in vita sua, cum Epulone illo, aut vt illis aliunde via ad cælum aperiatur. Et quis inenarrabilem bonitatem illius dignè admirari, quis pro ea dignè gratias agere queat? ait Blofius. Nam cum nemo ad salutem perueniat, qui non vel tantillum charitatis habeat, vt ex amore Dei, saltem in extremo vite positus, pœnitentiam agat, auerſeturq; peccata: ecce ipse misericordissimus hominumq; amantissimus Deus, sæpe se vsq; adeo benignum & amabilem etiam desperatissimis peccatoribus (quos aliquis virtutis merito insignitos esse cognoscit) sub mortem exhibet, vt illi ex intimis præcordijs doleant, quod offenderint tam pium Conditorum atq; Redemptorem. Per quam nimirum pœnitentiam, apti redduntur ad salutem consequendam; & per acta tali peccatorum purgatione, qualem diuina iustitia quæſerit, in æternum cœlestis regni gaudium introducuntur. Profectò in altissimo secretissimoq; profundo laret fons ille inexhaustus, unde tanta pietas ad nos dimanat, unde tanta misericordia super nos effunditur: de qua qui desperat, Deum bonum & veracem esse negat, in Spiritum sanctum blasphemus est. Hæc ille.

At ne, qui vel eleemosynæ, vel alterius cuiusdâ boni sibi operis conscius est, temerariè præsumat, sibi que certò Numinis gratiâ promittat, etiam si in grauia scelera prolabatur; sciat multos, immo plurimos in Inferno ardere, qui vel antè, quàm se flagitijs in-

I V.

Luc. 16. 25.

Ludou. Blofius In Catione vitæ spirit. cap. 2.

V.



uoluerent, vel in ipsa scelestâ vita, sanctissima quædam opera præstiterunt. Nouit Deus illa temporali aliqua felicitate compensare; ad quod ipsum etiam, yi iustitiæ non astringitur; quamuis id præ bonitate sua, faciat. Multa utique laude & honore digna fecit

**Esther. 7. 9.** Aman, quem tamen Assuerus iuste suspendit, quia ille, quidquid, præmio dignum egit, crudelitate sua evertit. Hunc morem passim Principes obseruant; gladio addicunt rebelles, qui ante charissimi extiterunt. Ioab quantus fuit, apud Dauidem? non ille, etiam per æstates hibernando, sed vel in summis frigoribus, aut, asperrima tempestate, manus strenuè conferendo, bellauit; non, velut malus Fabij imitator, ociosè cunctando, sed pugnando affiduè, rem restituit. Quot non victorias retulit? quot non hostes interemit? quantas non sedauit rebelliones? & tamen, quando, appropinquauerunt dies Dauid, ut moreretur, præcepit, inter cetera, Salomoni filio suo, dicens: Tu quoque, nosti, quæ fecerit mihi Ioab filius Saruia, quæ fecerit duobus principibus exercitus Israël. Abner filio Ner, & Amasa filio Iether; quos occidit, & effudit sanguinem belli in pace, & posuit cruorem prælii, in baltheo suo, qui erat circa lumbos eius, & in calceamento suo, quod erat in pedibus eius. Facies ergo iuxta sapientiæ tuam, & non deduces caritiem eius pacificè ad inferos. Cur non idem faciat Deus? Enimuerò sapè etiam facit. Quamobrem Saul regem sic compellauit Samuel: Nonne, cum paruulus esses in oculis tuis, caput in tribubus Israël factus es? unxitq; te Dominus in regem super Israël? Et rursum: Pro eo, quod abiiecisti sermonem Domini, abiicit te Dominus, ne sis rex. Nec tantum folio, sed etiam vita (& utinam non, etiam vita æterna!) illum, excidere passus est. Nemo ergo temerè peccet, etiam virtutis sibi conscius. Tantali hortus sunt virtutum opera vitij, velut spinis, suffocata. Nemo etiam desperet, immò tantò promptius liberalitatem clementiam, aliâque pietatis opera exerceat, quia sperare potest, si non prædenter ac præsumptuosè, sed casu, aut imbecillitate quadam labatur, Deum ea ipsa opera aspecturum, apud quem misericordes misericordiam consequimur. Quod congruum esse dixi, conueniensque diuinæ bonitati, atque ex recitata historia constat.

**Matth. 5.**

V I.  
Martyrolog.  
Roman. V.  
uardi 25  
August.

Et cur animum despondeant isti? cum nihil penitus unquam merentes non rarò respiciat Deus. Genesius, tempore Diocleriani, Romæ, mimus & thymelicæ artis magister, in publico theatro, de Christianorum mysterijs, Imperatori, per ludibrium,

deli.

delitias facturus agrotum se simulans baptismum poposcit. Euo-  
cato mimico presbytero & exorcista, cum ludere vellet, repente  
serio egit. Quippe, diuini Spiritus impulsu, mutatus, inter ipsos  
sacrilegos iocos, Christianus factus, mimorum nugamentis, im-  
mo iam vi sua non carentibus simulatorum Sacramentorum arca-  
nis absolutis, albis vestibus indutus, atque etiam ad sanctorum  
martyrum similitudinem, sà militum petulantia raptus, de reli-  
gione interrogandus Imperatori exhibitus, in editiore loco confi-  
stens sic coepit perorare: *Audi, Imperator, audite Quirites, &  
omnes exercitus, populiq; huius ciuitatis. Eo apud me Christiani loco  
fuere, ut, in derisum despectumq;, illorum sacros ritus, coram vobis, ex-  
plodere vellem. Ita eram animatus. Ast ubi primum me aqua nudum  
contigit, & interrogatus, credere me respondi, mirabile se se oculis meis  
exhibuit spectaculum. Nam manum quandam vidi supra me cœlesti è  
regione venientem. Et iuxta me Angeli steterunt clarissime fulguran-  
tes. H. è libro quopiam, omnia, quæ ab infanzia usq; male perpetravi,  
recitauerunt, atq; illico in aqua diluerunt; post qua, me mihi ipsum  
ostenderunt nunc candidiorem. Talis prodeò ex hoc balneo. Nunc igitur  
& tu, Imperator, & vos satrape, & quotquot me ludentem spectau-  
istis, mecum respicite, & Christum verum Deum esse credite, per quem  
eternum salu esse possumus. Dixit, & Imperatorem, quem oblecta-  
tum venerat, in furorem dedit, à quo Plutiano traditus, dirilime,  
pro Christo, est excruciat. Nam equuleo tortus, fustibus cæsus,  
ungulis laceratus, facibus vltus, denique capite truncatus nobi-  
lissimam martyrij lauream reportauit. Inter quæ tormenta omnia,  
nulla illi alia vox excidit, quàm ista: *Non est rex, præter Christum,  
pro quo, si millies occidar, ipsum mihi de ore, ipsum mihi de corde auferre  
non poteritis. Sic diuina bonitas etiam indignis atque immeren-  
tibus offert gratiam, qua repente sanctissimi & fortissimi efficiantur.  
Neque sine iustissimo consilio. Quia, ut supra laudatus au-  
thor ait: Quanto plura, quanto grauiora sunt ipsa peccata, quæ condo-  
nat, & quanto indigniores miserabilioresq; sumus nos, quibus ignoscit;  
tanto gloria eius magis elucescit. Mihi enim uerò etiam videtur vo-  
luisse vim baptismi ostendere, in quo etsi neque intentio ministri,  
neque suscipientis, ab initio, fuit, tamen & illa diuinitus impleta,  
& hæc opere ipso suscitata tantum effectum sortita est, ut, sine mo-  
ra, ex illulore fieret confessor; ex mimo Diocletiani, Seruus Chri-  
sti; ex sacrilego denique, cultor sacrorum & Martyr. Adde, vo-  
luisse**

Ladon. Blo-  
sius in Ca-  
none vit.  
spir. cap. 2.



Matth. 5 44;

luisse etiam Redemptorem nostrum hoc exemplo demonstrare, quod verbo aliquando docueret, nempe nos non debere esse vindictæ appetentes. Nam ecce, qui dixerat: *Diligite inimicos vestros, benefacite his, qui oderunt vos: & orate pro persequentibus & calumniantibus vos:* etiam causam reddidit: *ut sitis filij Patris vestri, qui in cælis est:* qui solem suum oriri facit super bonos & malos: (hoc est, qui bonis & malis bene facit) & pluit super iustos & iniustos, seu qui cruces atque aduersa æquè iustis ac iniustis, licet diuersis de causis, mittit. Nullus ergo clypeum debet abijcere, in hac vitæ istius ancipiti pugna: etiam si iniustus sit, pluuia tribulationum illum poterit abluere, aut aqua baptismi, si nondum sit ea tinctus: etiam si malus, si cæcus in fide, solem diuini luminis super eum oriri faciet, cum minimè sperabit. In Genesis discat, animarum nostrarum Pastorem Christum IESVM sæpe ouem ex ore lupi eripuissè.

## VII.

Quantus autem sit amor succurrendi in Deo, præsertim per baptismi sacramentum, quod de medij necessitate est, ita, vel, sine eo, vel in re, vel in voto, suscepto, saluari nemo possit, ostendam alio luculentiore exemplo, vbi legimus, & fluminis, & fluminis, & sanguinis baptismum, in vno homine, confluxisse; quorū et si baptismi singuli suffecissent, voluit tamen omnipotēs Mundi Gubernator declarare, aliunde desertos à se non deserì; & quo pacto possit *super iustos* vtilissimè *pluere*. S. Philemon tactus cælesti lumine, Christum vltro profitebatur, & pro eo mori desiderabat. Stabat iam Martyr ad tribunal, & sedebat Præses tyrannus. Ille damnari optabat, iste cupiebat absoluerè reum. Quare Philemoni obiecit, frustra illum esse, cum neque Christianus quidem omnino factus sit, neque baptismum accepisset. Hæc aliaque multa, cum effutisset Præses, è multis paleis paulum fructus collegit. Immo, quasi oleum flammæ subministratum esset, ita diuino amoris igne exardescens Philemon exclamauit. *O ignem spiritalem*, inquebat, *qui accensus es, in meis præcordijs! ô quantum tibi debeo, ô Præses, quod me etiam inuitus maximis affecisti beneficijs, sacrum baptismum in memoriam reuocans.* His Præsidem cum allocutus esset in media turba consistens, *Rogo vos vehementer*, exclamauit: *Si quis inter vos præest Christianis, & contemnit tormenta, propter pietatem, adsit citò & me impetriet baptismate.* Dixit, stetit, expectauit; nemo vnus prodijt, qui periculum auderet contemnere tam præsens. Postquam igitur

Laur. Sur.  
tom. 6. die 4  
Decemb. in  
vita eius c.  
32. ex Meta-  
phrasæ &  
Aloy.

igitur vidit, omnes timore victos filere, neque opis quidquam in homine ullo esse, calidè lachrymans, in hanc vocem erupit: *Deus meus, Christe, qui me benignè adspiciens à profundo errore reuocasti, ne sic me despicias diuinum baptismum minime assecutum. Sed quouis modo ostende mihi sacerdotem & aquam, à quo, & in qua, similiter atq; alij Christiani, baptizet. Vix ea dixerat, cum nubes, densa cœlum contraxit, & è sublimi se se demittens stantem medium circumdedit, effusòque imbre, eum abluit, Christo ipso cetera ad baptismum necessaria faciente. Mox nubes, officio hoc peracto, se se postliminò in altum recepit. Martyr autem, in oculis omnium, cœlesti rore baptizatus, *Vobis, inquit, omnibus videre licuit, qui Christiani quidem estis, nondum autem vultis manifestam esse vestram pietatem, quemadmodum, cum nullus vtiq; ad me ausus esset accedere, ipse veniens aperitè Dominus me maximo dono impertit baptismatis. Videte ergo, ut turpi & iliberali timore liberemini. Quin etiam tu quoq; aspice, Preses, relictà, qua nihil habet vile, insaniam: cognosce, cui nam Deo te ipsum, absq; ratione feceris inimicum, & quemadmodum, eo Iudice, sis luiturus pœnas.* Ad hunc modum triplici baptismò candidus ad cœlestem coronam Philemon est promotus. Defuit illi, in terris, aqua; missa est de cœlo: defuit homo, qui baptizaret; adfuit Deus, qui baptizauit. Magnum hinc & solatium capere possunt pusillanimes; & documentum negligentes. Pusillanimes quidem, qui sæpe nimis sunt anxij, verentes, se aut omnino, aut certè non rectè esse baptizatos. Ament Deum super omnia: detestentur super omnia peccatum: dicant ex animo: *O ignem Spiritalem, qui accensus es in meis praeordiis!* & confidant, Deum ad futurum, atque eos, per hunc ipsum baptismum Flaminis saluatorum. Negligentes autem discant baptismum æstimare. Suffecisset Philemoni Deum tantopere amanti baptismus Flaminis: suffecisset tanto martyri baptismus sanguinis; & tamen Christus baptismum Fluminis ei vnà impertijt, vt humanam socordiam corrigeret, quæ sæpe parum pensi habet, à qua obstetrice, filij, siue in Dei, siue in Diaboli nomine, baptizentur. Et tamen, *nisi quis renatus fuerit denuo, non potest videre regnum Dei.**

Hoc prouidentissimum diuinum iudicium, in alijs quoque Sacramentis sæpe eluxit. Ex Woltano Wintouienfi monacho constat, clericum, cui à S. Ethelovvoldo Wintouienfi Episcopo sacri erat Chrismatis cura demandata, minùs aliquando olei,

VIII.

Voltan.

Vintou. in

vita S. Ethe-

Q

quam



Iovvoldi c. 11. & Sur. tom. 4. die 1. Augusti. quàm res posceret, accepisse, atque illud ipsum, in itinere amississe, mirabili Dei artificio, parum auferentis, ut multum redderet. Itaque Episcopo pueros puellasque (neque enim in virilem aut senilem ætatem tunc sacramentum istud differebant,) confirmare volente, neque habente Clerico sacri olei ampullam, turbatio magna extitit. Anxius Clericus viam ipsdē vestigijs, recalcāt, recurritque eò, vnde venerat. Dum, oculis huc, illuc, curiosè missis, rem perditam indagat, reperit ampullam in via iacentem, insigni auctu locupletatam. Nam, quæ antè nec media sui parte plena fuerat, iam oleo sacro, vsque ad summum marginem referta, toti multitudini sufficiebat, ad petitum Confirmationis Sacramentum suscipiendum. Igitur, qui mulieri Sarephthæ, per Eliam, dixit: *Hydria farina non deficiet, nec lecythus olei minuetur*, ille etiam, ad spiritualem vsum, oleo addidit incrementum.

I X. Is ergo invocandus est, qui nouit elicere *mel de petra, oleumque de saxo durissimo*; siue id ad corporis sustentationem requiratur, siue ad animæ salutem. Fatuis Virginibus similes sunt, qui non ad Deum, sed ad homines dicunt: *Date nobis de oleo vestro.* Quod sanè faciunt, quicumque non negligunt oleum, quo cibos condiant, aut corporis leniant tubera & cruciatus; at de sacro oleo, quo animam in fide confirment, nihil omnino curant. Hinc tam sunt ad luctam, contra cacodæmonem aut Mundum, ineundam imbecilles. Hinc adeò parum, pro Religione laborant. Hinc castra & signa Ecclesiæ tam faciliè deserunt, &, qui pro Catholicis stare debuerant, sunt primi hæreticorum defensores. In Nouato Exemplum recenset Eusebius & Nicephorus. Is, in morbo, baptismo tinctus, post morbum, supersedit Confirmatione signari. Quare, persecutionis tempore, metu victus, presbyterum senegauit. Negatis, ô fatui, Christum; quouis periculo terremini; quia à Deo oleum, & Spiritus sancti vñctionem non flagitatis. Apud vos ergo Christus & oleum & operam perdidit, frustra pro vobis passus, frustra Confirmationis Sacramento vim passionis & sanguinis sui largitus,

CAPVT XV.

*Providentia iudicij, diuini Bonitas, in Spiritual SS. Eucharistia alimento mirifice subministrato, declaratur. Vbi etiam docetur, quàm grata sit Deo, Spiritualis communio.*



A est autem Numinis bonitas, vt, quamuis multi à beneficij datore & manum & vultum auertant, tamen manum ipse non subtrahat, sed, vt exhalaret faciem in oleo (Confirmationis) & panis (Eucharistia) cor hominis confirmet, præter sacrum Chrisma, etiam panem cœli, pdigiosum prodigiosè porrigat, alijs porrigere detrectantibus; aut absentibus, vt porrigere nō possint. *Qui possim ab hoc epulo abesse*, aiunt, dixisse Dianam; cum reliqui Dñi adhibiti essent ab Oeneo ad sacrum conuiuium, solam præteritam, aut non admiffam. Longè dignius est, vt, qui ad Eucharisticum Epulum non admittuntur, dicant: *Qui possim ab hoc epulo abesse?* Et dicunt, qui Christum diligunt. Nec dicunt frustra. Nam, si desunt mortales, vel immortales eorum desiderio satisfaciunt.

Erkenbaldus de Burban vir nobilis erat, & potens, inqt Cæsarius, & tantus amator iustitiæ, vt nullam in iudicijs respiceret personam. Hic, cum grauter infirmaretur, lectoq, decumberet, in proximâ camerâ, tumultum, clamorèsq, fam. neos audiuit: qui cum de causâ sciscitaretur, nullus ei circûstantiarû veritatem dicere presumpsit. Tunc mittens vnū ex pueris, ait: *præcipio tibi, sub interminatione oculorum tuorum, vt dicas mihi meram veritatem.* Cui ille pauens respondit: *Domine, domiscelus meus, filius sororis vestre, foeminam vi opprimere voluit, & hac fuit causa clamoris.* Ad quod verbum valde commotus, dixit militibus: *Ite, & suspendite illum.* Milites obedientiam simulantes, postquam egressi sunt, dixerunt ad inuicem; si occiderimus iuuenem hunc nobilem, & dominus noster, sicut opinabile est, mortuus fuerit, vel morte mul&abimur, vel erimus extorres. Omnia tamen iuueni intimantes, & vt presentie auunculi se subiraheret, commonentes, post horas aliquas ad dominum suum ingressi, se eius implese mandatum affirmauerunt. Quinto verò die iuuenis astumans auunculum de culpa esse placatum, vel inmemorem, aperto ostio, introspexit: quem vt infirmus conspexit, verbis

I.

Psal. 103. 15

Lucian. in Lapithis, & in libello de sacrificijs.

II.

Cæsarius lib. 9. histor. c. 38. Simile, si non idem narrat Thō. Cantiprat. l. 2. c. 35. n. 6.



blandis, iuxta se, sedere praecepit, uno verò brachio collum eius stringens, & manu alterà cultellum suum clam extrahens, gutturi eius infixit & occidit. Qui cum planctu & dolore multorum elatus, toti provinciae in-  
 eussit horrorem. Sed & Erkenbaldo additus est dolor dolori, adeò ut, inualecente infirmitate, pro Episcopo mitteret, petens sacrum sibi cor-  
 pus deferri. Qui, cum venisset ille, cum multis lacrymis & contritione  
 cordis, omnia peccata sua confessus est, tacitè tamen iuuenis interfectio-  
 ne. Super quo Episcopus iratus, respondit; Quare subticetis parricidi-  
 um, quod in cognatum vestrum commisistis? Dicente illo, fuisse hoc pecca-  
 tum? subiecit Episcopus; Etiam crudele nimis. Et ille; Ego neq. pec-  
 catum iudico, neq. à Deo mihi remitti depono. Respondente Episcopo;  
 Ego vobis Christi corpus non tradam, nisi parricidium idem confiteami-  
 ni. Subiunxit vir nobilis; Sciatis, Domine, me illum non occidisse, ex  
 aliquo rancore, sine motu ira, sed solummodo ex Dei timore, & zelò in-  
 stitia. Nunquam aliquis filium sororis plus diligere potuit, quàm ego il-  
 lum dilexi. Si mihi corpus Domini mei negaueritis, ego illi corpus & a-  
 nimam meam committo. Hac autem dixit, & egit propter exemplum,  
 ne institia derogare videretur. Vix enim Pontifex limen domus egressus  
 fuerat, & ecce agrotus eum reuocauit, dicens; Reuertimini, Domine Epi-  
 scope, reuertimini; videte, si in pyxide habeatis corpus Christi. Quod  
 cum fecisset, nec in ea reperisset, subiunxit ille; Ecce, quem mihi nega-  
 stis, ipse mihi se non negauit: apparuitq. hostia in ore eius, & impletum  
 est in eo, quod per Sapientiam dictum est; Diligite iustitiam, qui iudi-  
 catis terram. Sentite de Domino in bonitate, & in simplicitate cordis,  
 querite illum: apparet autem eis, qui fidem habent in illum. Episcopus  
 autem pauens tantum miraculum ubiq. diuulgauit, per quem etiam  
 quibusdam Abbatibus ordinis nostri innotuit, qui anno praterito illud in  
 capitulo generali recitauerunt, cunctis Dominum glorificantibus, qui  
 facit mirabilia magna solus. Hæc Cæsarius. Multi repentina mor-  
 te, vel domi, vel in campis, sublati hoc sacro viatico non destitue-  
 rentur, nisi iustitiam ipsi prius, destituerent. Iustos diuina iusti-  
 tia non deserit.

Sap. I.

## III.

Niceph. l. 13.  
 hist. Eccles.  
 c. 37. & Sur.  
 27. Ianuarij.

Aliquando autem ipse venit, in Eucharistia, Christus, &  
 mansionem facit apud eum, qui illum diligit; aliquando, per Diuos  
 aliofue dapiferos, vult sacrum hunc hominibus cibum apporta-  
 ri. De Ioanne Chrysostomo Nicephorus aliique memorant, ei in  
 exilium misso, longique itineris fatigatione labefactato ac morti  
 proximo, noctu, oranti, Petrum & Ioannem Apostolos, qui vitæ  
 eius

eius duces fuerant, astitisse, & perquam amicè cum eo collocutos, primùm victoriam aduersus dæmones; tū migrationem ad Deum; postea, quæ eum exceptura esset bonorum perceptio, latantissimè annunciauisse. His, cum ingenti lætitia, significatis, cœlesti & ineffabili corporis Christi esca eum pauerunt: ex quo tempore postea nihil cibi sumpsit. Dicta hæc ab eis sunt, quibus ille ea secum versantibus concredidit. Exulauit igitur à sua Ecclesia Chrysostomus, non exulauit à Deo. Non habuit sacerdotem in terris, de cuius manibus sumeret panem Angelorum, sed habuit Pontificem Petrum, habuit Ioannem Euangelistam. Quemadmodum & B. noster Stanislaus Koska habuit Angelos, S. Barbara patrocinante, ac sacram synaxin impetrante, in cuius vita legerat, quòd, qui se illi deuotum commendaret, sine sacra Eucharistia non esset ex hac vita migraturus. Hunc ad modum, vel in solitudine, Maria Ægyptiaca procul venientem eremitam habuit, à quo, corpus Christi Domini sumtura, postulauit, dici Symbolum Apostolicum, & Dominicam inchoari orationem, qua finita, cœli Dominum suscepit. & extensis ad astra manibus, cum multo fletu ingemiscens clamauit: *Nunc dimittis, Domine, ancillam tuam, secundum verbum tuum, in pace: Quia viderunt oculi mei salutare tuum.* Quis desperet de cibo corporali, si Christus oues suas, sua carne, sic iudicat pascendas? Qui etiam Luciam virginem Syracusanam, gladio in guttur infixio tam diu seruauit viuam, donec à veniente sacerdote sacrâ communionem reficeretur. Cui similem de milite historiam, immo mirabiliorem, refert fide dignus author Cæsarius. Nam tertio die suspensus, sub Friderico Imperatore, in patibulo vixit, ob SS. Trinitatem, & quia Christi vulnera quotidie culta, vt, in fine vitæ, viatico cœlesti non careret. Igitur depositus è furca à sacerdote accepit, quòd petiuit. peccatorum scilicet absolutionem, & corporis Christi cõmunionem: qua accepta, mox expirauit, ad eum profectus, sine quo comite, noluit ex hac vita migrare. O si quotidie mortis memores, quotidie diuinū hoc viaticū à Deo peteremus! quàm paratus est ille ad se dandum? Soliciti sumus de præstante medico, qui, illo tempore, dolorem leniat; & si morbum pellere nō potest, mortē saltem differat; & animæ medicum, archiatrum Christum, non inuocamus quotidie? At medicum conclamatos plerumque deferunt, Christo non deferente, ni prius illum ipsi deseramus. Magnum quiddam & desiderijs no-

Franciscus  
Saccin. in  
vita eius.

Sur. 9 April.  
ex Paulo  
Diacono.  
Martyrolog.  
Adon. Ar-  
chiep. Tre-  
uir. 13. De-  
cemb.  
Cæsar. lib. 9.  
c. 49.



stris valde dignum debet esse Eucharistia, sine qua hominum Redemptor sibi amicissimos non vult è vita decedere.

## IV.

S. Bonavent.  
in vita S.  
Francisci c.  
3. de mira-  
culis.

Scribit D. Bonaventura, Ciuem Caietanum Bartholomæum nomine, dum in S. Francisci templo construendo laboraret, ruina trabis percussus morti proximum, idem viaticum postulauisse; sed, cum monachus, antè decessurum existimaret, quàm, tantâ loci distantia, afferri sacra Eucharistia posset, prolatis opportunè B. Augustini verbis, animam agenti dixit: *Crede, & manducasti.* Ille igitur, quem ore sumere Christum non potuit, corde flagrantissimo desideravit. Vide mihi, mi Lector, quàm prompta manu adsit Deus, cum deest auxilium humanum. Nam D. Franciscus, cum vndecim fratribus, se illi stitit, atque adpectoratum strictissimis brachijs gestans agniculum, ad lectum eius accessit; & proprio agrum nomine compellans: *Hic est Agnus,* inquit, *quem tibi dari petebas, quem & propter bonum desiderium suscepisti: cuius etiam virtute consequeris utriusq; hominis sospitarem.* Cum dicto, manû per vulnera ducebat, eumque iubebat exemplo sanum ad captum opus redire. Patuit hinc, vnde desperatis speranda sit medicina; & quid agendum sit, confiteri, aut communicare non valentibus. Optent animo, amoréque Dei (quem tam bonum Conditorum, Redemptorem, Patrem offenderunt,) peccata confiteri: desiderent, votóque cupiant secum iungi Christi corpus, quod reipsa non possunt adipisci. *Quæ spiritalis est communio,* à Sanctis quotidie frequentata; & verò etiam maximis prodigijs vsurpata, non solum, cum mors instaret, sed tota etiam reliqua vita. Cuius rei docendæ magisque, inter homines, promouendæ causa, non pigebit, complura eiusmodi exempla, salutaribus documentis interspersis, commemorare. Ars est saluberrima; sanctissima praxis.

## V.

Thom. Bo-  
zian lib. 15.  
de Signis Ec-  
cles. c. 4. ex  
Bernardin.  
Iustin. in vi-  
ta eius. c. 8.  
apud Sur. 8.  
Ian.

De Laurentio Iustiniano Venetiarum Patriarcha, qui vixit Eugenio IV. sedente, hæc leguntur. *Sacra virgo quedam erat magne sanctitatis; hæc, per multos annos, abstinentia, vigilijs, orationibus steterat ante Dominum: Accidit autem, ut solennitate corporis Christi, neq; sorores alie, neq; ipsa communicare diuinis mysterijs possent, & cum agrè ferrent, & illa imprimis sanctissima mulier, oratum Laurentium mittunt, quia prope esset monasterium, ut, si gratiam communicandi, eo die, habere non possent, ipse saltem dignaretur, dum celebraret, pro ancillis suis orare: promittit Laurentius, dum autem celebra-*

celebraret ad populum, post elevationem, factus est extra seipsum, deulig, cum spiritus ad illam mulierem in cellâ clausam, & contemplationi vacantem; quæ fortè tunc miro desiderio communicandi tene- retur, & sacra illi mysteria communicavit, siue in corpore, siue extra corpus, Deus scit; ab oculis quidem totius populi non discessit, donec ad seipsum reuersus ab illo pietatis officio reliquum missa peregit. Hæc sunt verba scriptoris, ex eadem gente Iustiniana prognati, ac patritij Veneti, huius desiderij sancti vsum & fructum ostendentia. Nimi- rum quia amans suarum ouium Pastor Christus, etiam corpore, simul vult pluribus, quantumuis distantibus, adesse, fecit etiam ipsum pluribus simul esse in locis Patriarcham: atque, vt desideria tantæ pietatis propagaret, vel ipsa miracula multiplicauit. Desi- derat nimirum & Christus esse cum ijs, à quibus se videt deside- rari. Eo autem præsentem, quid deesse potest; cum in illo sint om- nia? Antigonus II. pugnaturus contra Ptolomæ duces, cum dixisset Plutarch. in gubernator, multo plures hostium esse naues; Me ipsum præsentem, Antig. (inquit) contra quot naues opponis? Contra quot hostes nos Chri- stum non opponemus, si quidem illum præsentem habeamus? Habemus autem, si habere volumus; si dicimus: Desidero te nunc Thom de deuotè ac reuerenter suscipere: cupio te in domum meam inducere, qua- Kemp. lib. 4. tenus cum Zachæo merear à te benedici, ac inter filios Abrahe compu- cap. 3. tari. Anima mea corpus tuum concupiscit, cor meum tecum vniri de- siderat.

Magnes ferrum, ardens voluntas Deum attrahit. Cuius VI. etiam exemplum Bernardus de Lippa, prius Liuoniæ Abbas, postea Casar. lib. 9. c. 37. Episcopus, retulit, de quodam recens fidem, ac, paulo post, etiam ordinem religiosum professio, & eorum numero, quos Conuersos appellant. Ille, cum ceteris Monachis Eucharistiam porrigi vidisset, sibi que idem non licere, vehementer doluisset, stans contra al- tare communicandi desiderio suspirauit. Et ecce pius Dominus, sine sa- cerdotis ministerio, de altari, per Sacramentum, descendere dignatus est, in os eius; qui mox hostiam apertò ore ostendens, & causam tantæ gratiæ manifestans, cunctos, qui aderant, in stuporem conuertit: eandem enim hostiam defuisse repperunt in altari. Adeo placet Deo desiderium piorum. Desiderat desiderantes; & qui illum accedere non pos- sunt, eos ipse accedit: quia voluntatem timentium se facit. Pf. 144. 19.

Quod etiam, in Senensi Catharina, conspicuum fuit. La- VII. borabat illa iliaco aliquando malo: sed, quia doloris remissionem D. Anto- spera-



no. 3. p.  
Chron. tit.  
23. c. 14. §. 8

sperabat, Raymundum, qui à confessionibus illi erat, rogavit, ut sacrificium tantisper differret, donec ipsa interesset, & sacrâ Synaxi refici posset. Continuato diutius dolore, iubet eum, etiam se absente, sacrificare, ne mora nimis longa esset. Eo agente, remittit dolor, & mox illa, inscio mysta, adrepat, atque in remoto angulo confidet. Dum frangeret hostiam sacerdos, particula hostiæ ex oculis illius subducta est, utraq; parte maiore, in manibus eius remanente. Undiq; diligenter circumspicit, nusquam particulam, reperit. Peracto sacro, Catharina eum interrogat, cur tristitiam vultu præ se ferat? Hostiæ particulam abs se amissam, ait ille. Et illa: *Quæstus, inquit, diligenter? Quæsi, respondet ille.* Tum illa subridens ait: *Non erat necesse, te propterea tristiari. Equidem arbitrator, inquit ille, te mihi illam abstulisse.* Et illa: *Non mihi, inquit, vitio vertas, quia non ego, sed alius abstulit. Hoc tamen scias, velim, quod nunquam inuenies.* Tum facta est, sibi diuinitus delatam fuisse: *Dum enim sociæ meæ, inquit, nolent, ut communicarem, ne ipsis molestiam adferrem, acquievi. Recurri interim ad benignissimum sponsum meum, IESVM Christum, qui sublatam particulam, ad me derulit; ideoq; noli contristari, sed potius gaude, in ipso, cum gratiarum actione.* Planum est igitur, tam preciosa esse piorum hominum desideria, ut Deus ipse iudicet ea diuinitus implenda, si impleri non possint aliunde. Quanquam non opus est, ut ea miraculis semper impleat: implet satis, si diuinâ gratia implet. Quod etiam facit per *spiritualem communionem.*

## VIII.

S. Thom. 3. p.  
q. 80. art. 1. 2

Nam hic mihi silendum non est, quod Theologi, cum D. Thoma Aquinate, omnes docent, atque ex hac ipsa Dei bonitate consequens est; eos, quibus, quacunque demum ex causa, non conceditur, SS. Eucharistiam *Sacramentaliter* sumere, quam frequentissimè illam saltem *spiritualiter* sumere aut posse, aut oportere. Gratissimum enim est Christo, corde ei nos iungi, si ore simul iungi non possimus. Nobis autem hæc coniunctio prorsus necessaria est. Neque ea res fructu caret. Quia effectum Sacramenti magnum percipere potest, qui Sacramentum habet in voto, tamen illud in re non accipiat. Quemadmodum enim multi *baptismo flaminis* baptizantur antè, quam baptismo aquæ baptizentur, propter inflammatum baptismi desiderium, ita etiam plurimi SS. Eucharistiam *spiritualiter* manducant, eam impense desiderando, licet *Sacramentaliter* non manducant; aut antè, quam

tè, quàm manducant: qua manducatione spirituali itidem percipitur effectus huius sacramenti. Etenim homines, in ea. Christo, per fidem, & charitatem, spiritualiter coniunguntur. Credunt, enim & amant, quod desiderant. Fides autem Christo intellectum, amor vnit voluntatem. Neque tamen idcirco sacramentalis & realis manducatio superuacanea censenda est: siquidem, vt D. Thomas ait, *plenus inducit sacramenti effectum, ipsa sacramenti susceptio, quàm solum desiderium*. Qui enim simul spiritualiter & realiter, seu sacramentaliter Eucharistiam sumunt, *maiorē copiam gratiæ & virtutum consequuntur*: quia præcepto realis sumptionis, aut institutioni Christi parent, & ordinariè magis ad se Deo coniungendos excitantur; ac ex opere operato fructum consequuntur: cum spiritualis communio sit tantum opus operantis, nec impleat præceptum realis sumptionis, quando ea haberi potest. Quare neque communio realis est negligenda, neque spiritualis non frequentissimè usurpanda; vt & illius fructu maiore potiamur, & adipiscamur hunc, quoties in die volumus, obuium ac opportunum. Què etsi Sanctissimi quique maximè appetant, tamen etiam sectari possunt peccatores. Isti enim, dum à Sacramentali communione abstinēt, memores illius: *Qui manducat, & bibit indignè, iudicium sibi manducat & bibit*, (quia rem tam sanctam irreuerenter tractat;); possunt tamen licitè sacramentum hoc spiritualiter sumere, hoc est, desiderare; atque ita, Christo spiritualiter coniungi, per fidem, & actualem charitatem, seu contritionem de peccato; ob quod se hoc Angelorum panem indignos iudicant, quodque abolitum volunt, vt digni fiant. Qua proinde spirituali communione, non peccant; quia eam falsitatem non committunt, quam committunt, qui illud realiter sumunt peccato mortali astricti. Significant enim isti, se Christo vnitos, & membris eius incorporatos, quod tantum fit, per fidem formatam, quæ in peccatoribus non est, in quibus non est habitus charitatis: non significant autem hoc, qui tantum spiritualiter comunicant, sed significant, se optare esse coniunctos; siue re ipsa coniuncti sint, siue non, sed tantum coniungi desiderant, desiderioque se iungant, & implicita contritione (si non expressa) profiteantur, seiungi se ab illo, peccando meruisse. Sicut ergo infidelis Baptismum, sicut adulter Sacramentum Poenitentiae, ita & quiuis peccator, per fidei & actualis charitatis exercitium potest Sacramentum Eucharistiae desiderare.

Idem. q. 69.  
art. 4. ad 2.

1. Cor. II. 29



Quo desiderio in sui despectum, & in peccati detestationem venit, videns se, suâ culpâ, sacramentali Eucharistiæ sumptione & tam sacro conuiuio, sine veste nuptiali charitatis habitualis, indignum esse; cuius proinde desiderio, vult peccata deponere, vt dignus fiat, qui ad mensam regiam accedat. Vt enim olere domestico abstinent, ad nuptiales epulas inuitati; sic, qui desiderio tenentur, coelestis ambrosiæ, libenter contemnunt cramben peccatorum toties repetitam. Vtilissima itaque est etiam peccatoribus sumptio spiritualis Eucharistiæ, impetrâtque à Deo, tandem sumptionem quoque sacramentalem. Alexander Macedo dijs sacrificans, ac citra parsimoniam thura in ignem sæpius iniiciens ( licet Leonida pædagogo reclamante, & dicente, vt tam sumptuose sacrificaret, cum thuriferam subiugasset regionem ) etiam aromatiferam regionem adeptus est: ita qui erga Deum non sunt auari, sed quam largissimè spiritualiter communicant, id assequuntur, vt eis Deus, vel per homines, vel per modos, extra communem ordinem, atq; etiam miraculosos, communionem sacramentalem impertiatur.

Plutarch. in  
Apotheg.  
Alex. Mag.

Prov. 8. 20.

*In vijs iustitiæ ambulo*, inquit, *in medio semitarum iudicij, vt ditem diligentes me, & thesauros eorum repleam*. Quàm quidam calidè optât, thesauros suos repleri? cur hîc inopiam amant? Quàm multi dies noctesque, inter pocula, & in vino versantur, nec aliud cogitant, quàm comestationes? cur calicem Domini non sitiunt, cur non esuriunt frumentum electorum? Quis cibus Deo dulcior, quis suauior potus, quàm sanguis Christi? Dicebat olim Booz ad Ruth, vt cum messoribus intingeret buccellum suam in aceto, & vt liberrimè spicas colligeret: ob quam liberalitatem illa mox eum, super terram adorauit. Christus iubet nos, in sanguine suo non buccellam, sed animam nostram lauare, & in aceto memorialis Passionis suæ intingere; & non cadimus in terram? non venimus? non adoramus? immò nec esurimus, nec sitimus. Alioquin utique qui vult nos cibum dare esurientibus, ac sitientibus potum; ipse etiam in cibum nobis se daret, & in potum. In quam rem plura libet exempla apponere.

# IX.

Petr. de Na-  
talib. lib. 5.  
cap. 106.  
Mar. Marul.

Per annos adeò sexaginta Onuphrius Confessor, & Dei assiduus cultor, in vastissima profundissimâque Egypti eremo, hominibus incognitus vixerat. Ex his, triginta annis, in cibum vsus fuerat solis palmæ fructibus, & herbarum radiculis. Reliquis triginta annis, solo pane vna vitam sustentauit. At quia deerat sacerdos,

cerdos, qui eum diuinum panem ei porrigeret, adfuit, singulis Dominicis diebus, Angelus, vice sacerdotis functus. Tum verè dici potuit: *Panem Angelorum manducauit homo.* Et quia *cor nostrum esca ista confirmat*, vt ait S. Ambrosius, mirificè fuit Onuphrius hac esca confirmatus. Nam grauissimas cacodæmonum insidias, heroica mente, superauit. Quod robur, vt & alij accipiant, ipse Christus inuitat, & sui sumendi desiderium incendit. *Venisti ad altare*, ait idem S. Pater, *vocat te Dominus IESVS, vel animam tuam, vel Ecclesiam.* & ait: *Osculetur me ab osculis oris sui.* Osculatur enim Christum, qui eum ore reuerente & amante excipit. *Vis ad Christum aptare? nihil gratius. Vis ad animam tuam? nihil iucundius, osculetur me.* Vides te mundum esse ab omni peccato, quia delicta deterfa sunt: idè te sacramentis cœlestibus dignum iudicat, & idè inuitat ad cœleste conuiuium. *Osculetur me osculis oris sui.* Idè si non est, qui tibi panem frangat, ipse frangit, ipse se porrigit. Audi istius amoris signum aliud, & penè domesticum, quod Raderus in Bauaria Sancta de Friderico Ratisponensi, homine illiterato, his verbis refert. *Occuparum olim, in lignili, vehemens Eucharistia desiderium incesseerat: cum interim sacerdos sacris operans, animaduertit, sibi de altari sacram hostiam, aut, vt reor, partem hostie subductam, quàm anxie circumspiciens, diu, requirens, tandem intellexit à cœlite Friderico impertitam.* Sic fit, quod dictum est: *Exultent & letentur in te omnes, qui querunt te.* Si plures quærerent, plures inuenirent. Quod in alio exemplo disc.

In S. Elzearij vita legimus, Bertrandam Carmaram Carpentoratensem, innocentis vitæ mulierem, & diuinarum rerum admodum peritam, solenni quodam festo die, ad Dominici corporis perceptionem accuratè se præparasse; sacerdotem autem vel incuria, vel obliuione, vel potiùs prouida Dei voluntate, particulam, pro illa, nullam consecrassè. Itaque spe sua destitutam, Deus consolandam censuit. Cum enim Bertranda Missæ sacrificio interesset, &, consueta pietate, Christi corpus, quod ore contingere non poterat, desiderantissima mente spiritualiter sumeret, Angelus extemplo comparuit, & bonam consecratæ hostiæ partem, ab altari, ad eam detulit; quam cum sacerdos non minore sollicitudine, quàm diligentia perquireret, coacta est Bertranda diuinum sollicito beneficium aperire, vt doceret, nunquam frustra desiderari, præcunctis desiderabilem. Adeo bonus est, si deest ope-

lib. 4. cap. 12  
Io. Garetius  
cent. 4. circa  
An. 382.  
Psal. 77. 25.  
S. Ambros.  
in Tract. de  
myster. c. 9.  
S. Ambros.  
serm. 5. de  
sacram. ad  
Neophytor,  
cap. 2.

Math. Rad.  
part. 1. Ba-  
uar. Sanct.  
pag. 152.

Psal. 69. 5.

X.  
Surius. t. 5.  
die 27. Se-  
ptembr. in  
vita S. Elze-  
arij c. 17.



S. Ambros.  
loc. cit.

ris facultas, desideria remuneratur. Desiderijs autem ardet, *quisquis vidit mirabilia sacramenta, & ait: Osculetur me ab osculis oris sui: hoc est, osculum mihi Christus infigat. Quare? Quia meliora verba tua super vinum. Super illud vinum, quod etsi suavitatem habet, letitiam habet, gratiam habet: tamen illa letitia secularis, in te autem incunditas est spiritualis.* Hæc S. Pater, supra laudatus. Quare mirum est, homines non incendi amore, & saltem affectu accedere ad hoc sacramentum. Quoties etiam impius quispiam sacerdos Christum è cœlo in aram vocat, obedit ille voci hominis, & ne desit panis cœli, adest sub speciebus panis. At Christus nunquam in ara ponitur, nunquam exponitur in hostia, quin ad credentem dicat: *Osculetur me osculo oris sui*, & tamen sunt, qui osculum detrectant, ac ad regiam hanc mensam inuitati venire recusant? Impediunt negotia? non est omnium quotidie vestem induere nuptialem? Estto. at saltem desiderant accumbere, qui putant, se non posse accumbere; faciântque, quod famelici solent, qui, cum cibum non habent, quo vescantur, delectant se saltem cibi recordatione: éstque illis, pro escæ vñu, escæ appetitus.

# XI.

Sozom. lib. 6  
c. 29. Pallad.  
in hist. Lau.  
siaca. c. 20.

Petr. de Na.  
tal. lib. 9. c.  
103.

In vita S.  
Bonau. c. 12.  
& apud Sur.  
t. 3. die 13.  
Iulij, item in  
Chron. Fran  
cisc. 2. p. l. 2.  
c. 2.

Complures hoc desiderio etiam impetrarunt sacrum hunc cibum accipere manibus ministrantiũ Angelorum: è quorũ numero fuit Marcus Monachus; cui tamen cum Angelus Eucharistiam porrigeret, ait Macarius, apud Sozomenum, *se manum ad iuncturã usq; tantũ vidisse*: item Maiorus Episcopus, qui de Angeli manu sacramentum hoc ter accepit, in eremo, ab alijs desertus, sed nõ desertus à Deo. Sed mirabile fuit, quod S. Bonaventuræ Episcopo Albanensi & Cardinali, nondum sacerdoti, accidit. Is, quia plussculis diebus, ob summam animi demissionem, à sacratissimi corporis Christi perceptione abstinuit, veritus, ne, si illud indignus sumeret, iudicium sibi manducaret & biberet; in præmium tantæ humilitatis, Missæ audiendæ præsens, & panis cœlestis mirè appetens, particulam sacræ hostiæ, de manibus celebrantis acceptam, per Angelum, ori sui impositam accepit. Quam submisionem vtinam multi imitarentur, qui cum symposia, vltra dimidium noctis, protraxerunt, cum scortati sunt, cum crapulam nondum edormierũt, vt sacrilegio sacrilegiũ addant, nõ verentur, sine scelerũ confessione, sine contritione animi, sine peccati expiatione, non ieiuni ad tremendum hoc mysterium, & ad Missam celebrandam accedere, digni vtique, quibus non iam Angeli hostiam afferant, sed auferant:

ferant: vt sæpe legimus contigisse. Sed, si eo miraculo moneri nō sunt digni. erit tempus, quando, sicut Magdeburgenſi Vdoni, hostias Angeli ē visceribus reuulsas, atque flammato gladio, ē ceruicibus excussas repetent; rēque omnium sanctissimam, in salutem institutam, seuerissimo Iudici Deo, in vindictam damnationēque eorum, annumerabunt.

Interim Deus amicis filioliſque ſuis diligenter prouidet, ne fame pereant; neque per Angelos tantū diuinās has illis sportulas mittit, sed ſuiſmet etiam manibus ſe ſe illis in os, in pectus, in animam immittit. Celebrauerat aliquando Miſſam Honoratus, poſt Firminum Episcopum Ambianenſem, quartus. Ventum erat ad hoſtiam ſumendam; ibi, attentiffima cogitatione, inſtitit tantī ſacramenti dignitatem perpendere. Ea meditationis vis fuit, vt, præ reuerentia, hoſtiam manibus attingere vereretur. Placuit conuiuæ modestia Chriſto, cenſuitque miraculo honorandam, miraculoque ſtupendo. Nam ipſe, ex depicta inibi imagine ſua, brachium extendit hoſtiāque, velut viua manu, ſublata de altari Honorato porrexerit. Itaque, iam ille ſumere non reuſauit, quod diuinitus dabatur; tanto dignior eo pane, quanto ſe iudicauit indigniorem. Vnde rectē dixit S. ille Pater: *Deuoto animo & cum timore accedendum ad communionem. vt ſciat mens, reuerentiam ſe debere ei, ad cuius corpus ſumendum accedit. Hoc enim apud ſe debet iudicare, quia Dominus eſt, cuius in myſterio ſanguinem potat, qui teſtis eſt beneficij Dei. Quem nos, ſi cum diſciplina accipimus, non erimus indigni corpore & ſanguine Chriſti: gratias enim videmur reddere redemptori. Hanc humilitatem, vt in ſe ſtruant, vel laici communicaturi, vel ſacrificaturi ſacerdotes, habent præclaram illam D. Auguſtini orationem, quæ incipit, Summe ſacerdos &c. in qua etiam petenda ſic loquitur: Vt ſacrificium laudis caſto corpore & mundo corde valeam offerre. Quanta enim cordis contritione, & lachrymarum fonte, quanta reuerentia & timore, quanta corporis caſtitate & animi puritate iſtud diuinum & celeſte ſacrificium eſt celebrandum? Domine Deus meus, ubi caro tua in veritate ſumitur, ubi ſanguis tuus in veritate bibitur, ubi ima ſummis coniunguntur, ubi adeſt Sanctorum præſentia Angelorum, ubi tu eſ ſacerdos, & ſacrificium mirabiliter & ineffabiliter? Quis dignè hoc celebrare poteſt myſterium, niſi omnipotens Deus offerentem fecerit dignum? Talis oratio humilem facit, talis meditatio dignum; talibus ſe porrigit Ser-*

Vide de ſubductis hoſtijs Sozom. l. 8. hiſt c. 5. Baron. t. 3. Annal. An. 400. Petr. Cluni. ac. lib. 1. c. 2. Gregor. Turon. lib. 1. de glori. Mart. c. 86.

XII.

Petr. de Natal. l. 2. Cat. Sanct. 86. M. Mar. Spalat. l. 4 c. 12. ex Breuiar. Ambian.

S. Ambroſ. in 1. Cor. 11.



Prou 3. 32. uator, quia *cum simplicibus sermocinatio eius*. Qui etiam S. Dionysio, cum Rustico & Eleutherio socijs, in carcere, detento, & mox ad martyrium ituro, cunctis, qui doctrinæ eius audiendæ gratia aderant, spectantibus, ingenti luce, & Angelorum multitudine circumdatus, sanctum panem porrigens, dixit: *Accipe hoc, mi chare, quod mox complabo tibi, unâ cum Patre meo, quoniam mecum est maxima merces tua, & his, qui audierint te, salus in regno meo*. Hæc, dum Missam, iam tum Apostolorum tempore, in custodia, faceret D. Dionysius, euenerunt. *Tu enim, ô Deus, fecisti priora, & illa post illa cogitasti: & hoc factum est, quod ipse voluisti.*

## XIII.

Verum neque Spiritus Sanctus deest, Eucharistiam desiderantibus. Siquidem, vt, in vita SS. Martyrum Faustini ac Louitæ, habetur, cum prædicti martyres Secundum militem, Mediolani, baptizassent, & sacrâ etiam communione, ex eo, membrum Ecclesiæ facere voluissent, sed panis deesset, ex quo sacramentum conficerent, à columba alite rostro delatum accepere, eique sumendum præbuere, sacrum esse minimè dubitantes, qui sic afferebatur. Et facile fuit credere, Spiritum S. fuisse, quem etiam Ioannes Baptista *descendentem, quasi columbam, de calo vidisse se testatus est*. Certè, cum trium diuinarum personarum simplex, vnicâque substantia separari non possit, apud eundem, Pater, & Spiritus Sanctus mansionem facit, apud quem Dei Filius diuertere non dedignatur. Quare huius diuini Spiritus est, homines ad crebro communicandum & incitare, & iuuare, vt dignè communicent. Nam indignis, meritò cælum claudit, ne manna hoc inde descendat. Cur enim non faceret? cum Apostoli id scribantur, fecisse. Nam, coronidis loco, adijciam, quod à multis probatis scriptoribus refertur, Anno scilicet Christi 1121. Ioannem Indorum Patriarcham venisse, & Callisto Pontifici, Cardinalibus Prælatisque alijs, in consistorio publicè, summa cum fide, narrauisse, suo quidem tempore, S. Thomam Apostolum, quotannis, populum, sua manu, communicauisse, & qui dignis sacramentum porrexerat, ab indignis id retraxisse. Quod iudicium discriminè etiam vidit olim Ammona presbyter sacris operans. Angelus enim ad dexterum altaris cornu astans, dignè communicantium nomina in librum referebat; eorum autem, qui synaxi se subdixerant, nomina conspexit deleri, qui triduo inde mortui sunt. Si oculos Ammonæ haberemus, quàm multos indignè ad altare acce-

Helinand. in  
Chron. Io.  
Naucler.  
vol. 2. gen.  
38. Staple-  
ton. in Col.  
le&. de S.  
Thoma &  
Petr. Ribadeneira de  
vitis SS. 21.  
Decemb.

Pallad. in  
hist SS. PP.  
c. 72.

acce-

accedentes conspiceremus, de libro vitæ deleri? Admiranda Dei patientia est, qui ordinariè non vult à sacerdote communicante cognosci discrimen dignè, indigne communicantium, neque retrahi manum, etiamsi Iudas aliquis, hoc est, avarus, proditor, aut sacrilegus, impuro ore, SS. Eucharistia sacramento inhiet. Impunè id se isti facere putant, quia non statim puniuntur. Sed, ô Deus, omnes via tua parata sunt, & tua iudicia, in tua providentia posuisti. Iudith 9.9.

Hoc est iudicium Dei. Dignis etiam spiritaliter dat escam, in tempore opportuno, indignos vel in hac plectit vita, vel in altera. Itaque qui manducat, & bibit indigne, iudicium sibi manducat & bibit: non iudicans corpus Domini. Quoniam futurum est iudicium, ait, Mediolanensis Antistes, ut quemadmodum accedit unusquisque, causas reddat, in die Domini nostri IESU Christi: quia sine disciplina traditionis & conuersationis qui accedunt, rei sunt corporis & sanguinis Domini. Quid est autem reos esse, nisi penas dare sortis & mortis Domini? occisus est enim pro ijs, qui beneficium in irritum ducunt. Propterea inter vos multi infirmi & agri, & dormiunt multi. Vt verum probaret, quia examen futurum est accipientium Domini corpus, iam hic imaginem iudicii ostendit, qui inconsideratè acceperant, dum febribus & infirmitatibus corripiebantur, & multi moriebantur, ut in his ceteri discerent, & paucorum exemplis territi emendarentur, non inultum scientes corpus Domini negligenter accipere, & enim, quem hic pena distulerit, grauius tractatum iri, quia contempsit exemplum.

XIV.

1. Cor. II.

29.

S. Ambros.

in 1. Cor. II.

Possent eiusmodi diuinorum iudiciorum documenta, etiam in ceteris Christi sacramentis data adferri, sed ea passim alibi inferendi erit locus; & hæc ipsa sufficiunt, ad nos commonefaciendos, ut in Deo magis, quàm in hominibus confidamus, &, in omnibus periculis, dicamus: Da nobis auxilium de tribulatione: quia vana salus hominis; itémque: Tibi derelictus est pauper, & orphanus tu eris adiutor, quia oculi tui in pauperem respiciunt, &, propter misericordiam inopum, & gemitum pauperum exurges, quando diuites dimittes inanes. Sicut enim auis implumes & se ipsos alere non valentes pullos, maiore cura, alit, & minùs sollicita est de ijs, qui iam euolare atque in pastum ire didicerunt; ita Deus maximè indigentes maximè iuuat. Hæc est gloria eius, hæc potentia & bonitatis magnitudo; posse rebus desperatissimis succurrere, &, vno verbo, posse, quod alius nemo possit: sicut & medici præstantia.

XV.

Psal. 107. 13



stantia inclarescit, quando morbos pellit, ab alijs desperatos. Demosthenes, cum illi obijceretur, quod cum malis consuetudinem haberet, *Ille, inquit, est optimus, qui derelictos ab omnibus curandos suscipit.* Ita, tametsi oculus Domini omnibus inuigilat, omnibusque prospicit, præcipuè tamen illos curat, quos alius nemo curat; & hoc ipsum plus est, quàm si quis ab omnibus curaretur. Vt enim oratori olim peroranti, cæteris auditoribus sensim dilapsis, & solo Platone, post omnes, remanente, *Plato instar omnium fuit,* sic instar omnium, & præ omnibus, debet nobis esse Deus, qui solus sufficit, & infinitis modis omnium creaturarum auxilia excedit. Quemadmodum vnius præsentia atque lux Solis clariùs lu-  
cet, quàm lumina omnium stellarum reliquarum. Quare quisquis se ab omnibus mortalibus deferi videt, si ab eo noti amicique omnes recesserunt, si in se ipso nullum consilium, in alio nullum auxilium reperit, credat superesse Deum, & hunc sufficere existimet, clamètque cum S. Francisco: *Deus meus & omnia.*

## XVI.

Quia verò sollicitudo stultorum mortalium minimè curat spiritalia, maximèque circa victum vestitumque versatur, necessarium duco, vt asseram plura diuinæ curæ exempla, quæ monstrent, Deum non deesse ijs, quibus omnia, etiam in rebus temporalibus, deesse videntur, è quibus apparebit, quàm longè præstabilis sit, etiam propter corporis necessaria, spem in Deo, quàm in agris & fundis collocare; nulla enim grando, nulla vredo, nulla tempestatum iniuria potest obesse, spem suam diuinitatis anchorâ fulcienti. Quod confirmauit Dominus, cum Apostolis dixit: *Quando misi vos, sine sacculo & pera, nunquid aliquid defuit vobis?* nempe hoc est, quod olim dixit: *Oculi mei ad fideles terræ, qui etsi baculo aut gladio carent, tamen ab Angelo meo defenduntur;* si peram non ferunt secum, è nubibus panem illis mitto, & mensam instruo,  
ambrosiâ cœlesti con-  
ditam.

Luc. 22. 35.  
Psal. 110. 6.

CAPVT XVI.

Cur amicos suos parcè ac frugaliter, inimicos autem  
laute permittat vinere Deus?



**N** principum aulis primæ admiſſionis amici ac ſa-  
trapæ, ceteris conſiſtiùs ſolent tractari; & quò  
quiſque eſt nobilior, eò lautiori menſæ adhibetur;  
eſt enim cibi pretium honor conuiuantis. Quam-  
obrem & Ioseph, cum epulum fratribus ſuis daret,  
ſederunt coram eo, primogenitus iuxta primogenita ſua, & minimus  
iuxta atatem ſuam. Et mirabantur nimis, ſumptis partibus, quas ab eo  
acceperant: *MAIOR* quæ pars venit Benjamin, ita ut quinq; parti-  
bus excederet. Tractaret utiq; hac ratione etiam Deus ſibi amicio-  
res, ſi diuinæ ſapientiæ iudicio melius eſſet, melius conuiuari. Ali-  
ter cenſet. *Non enim cogitationes meæ, cogitationes veſtræ: neq; via*  
*veſtra, via meæ, dicit Dominus. Quia ſicut exaltantur cœli à terra,*  
*ſic exaltata ſunt via meæ, à vijs veſtris. & cogitationes meæ, à cogita-*  
*tionibus veſtris.* Vobis placet ebrietas, mihi diſplicet. Sobrietas  
placet mihi, diſplicet vobis. Apud vos, in honore eſt conuiuium,  
apud me ieiunium. Vobis grata eſt abundantia, mihi abſtinentia;  
quam etiam ſæculi ſapientes diuitijs præpoſuerunt. Certè Dioge-  
nes à Platone petierat vini paululum, tunc & caricas. Plato miſit  
lagenam. Cui Cynicus, hunc in modum, gratias egit: *Cum inter-*  
*rogarim, quot ſint duo. & duo? reſpondeſ viginti.* Noluit nimirum,  
pro quatuor, aut accipere, aut dari viginti. Quare & amicis ſuis  
plerumq; dat Deus, quod ſufficiat, non quod ſuperfluat: ipſi abun-  
dare non cupientes illud uſurpant: *Mendicitatem, & diuitias, ne*  
*dederis mihi: tribue tantum victui meo neceſſaria; ne forte ſatiatus il-*  
*liciar ad negandum, & dicam: Quis eſt Dominus? aut egeſtate com-*  
*pulſus furer. & periurem nomen Dei mei.* Porro victui non multa  
ſunt neceſſaria. Pauca ſufficiunt paucis contento. Itaque, quos  
non deſerit diuinum Numen, modico alit, ſi videt non appetere  
multa, etiam tunc, cum miraculoſè alit.

I.

Gen. 43. 33.

Eſa. 55. 8.

Prou. 30. 8.

Venerabilis Beda, qui Martyrum Eccleſiæ Anglicanæ  
pro Chriſto cæſorum hiftoriam texuit S. Cuthberti Epifcopi Lan-  
parnienſis facta & verba hæc refert: *Diſce, filiſole, Dei fidem ſem-*  
*S per &*

II.

Beda in vita  
S. Cuthber-  
ti.



per & spem habere in Domino, quia nunquā fame perit, qui Deo fideliter seruit. Et sursum aspectans, vidensque aquilam in altum volantem: Cernis, inquit, aquilam illam porro volitantem? Etiam per huius ministerium, possibile est Domino Deo nostro, nos hodie reficere. Talia confabulantes, agebant iter, iuxta fluvium quendam. Et ecce subito vident aquilam in ripā residentem, dixitque vir Dei: Viden' ubi nostra, quam prædixi, ministra residet? Curre, rogo, & quid epularum nobis attulerit, inspicere, & citius affer. Qui accurrens attulit piscem non modicum, quem nuper illa de fluvio prehenderat. At vir Dei, quid, inquit, fecisti, fili? quare ministra suam partem non dedisti? Seca citius medium, & illi partem, quam nobis ministrando meretur, remitte. Fecit, uti iusserat, sumptaque secum parte reliqua, ubi tempus reficiendi aderat, diuerterunt ad proximum vicum, & dato ad assandum pisce, se pariter, & eos, ad quos intrabant, gratissimo refecerunt conuiuio, predicante Cuthberto verbum Dei, atque eius beneficia collaudante. Collaudabimus & nos, si inde discamus, & Deo fidere, & paucis contenti esse. Per rapacissimas aues potest nobis dare, dator munerum. Sed duobus piscem vnum dedit. Non suffecit? etiam ad abundantiam pluribus suffecit. Et aquilæ dimidium remiserunt, in confusionem illorum, qui nunquam dicunt: *sufficit*. Sed exemplū antiquius audiamus & discutiamus.

## III.

S. Hieron.  
in vita Pauli  
Erem.

Paulus Eremita ab hominum consortio opēque longissimè remotus. Deo cordi fuit; qui eum, sicut olim Eliam, per volucres pavit. Cum illum intuisset Antonius iucundissimèque alloquio & recreasset, & recreatus esset, perspicuè hanc Dei curam vidit. De utroque D. Hieronymus ita scribit: *Inter has sermocinationes, suspiciunt alitem corvum in ramo arboris consedisse. Qui inde leuiter subuolans integrum panem, ante mirantium ora, deposuit. Post cuius abscissum; Eia, inquit Paulus, Dominus nobis prandium misit, verè pius, verè misericors. Sexaginta iam anni sunt, quod accipio dimidiū semper panis fragmentum: verum ad aduentum tuum, militibus suis Christus duplicauit annonam. Igitur Domino gratiarum actione celebrata, super vitrei fontis marginem uterque confedit. Hic verò, quis frangeret panem, oborta contentio penè diem duxit in vespertum. Paulus more cogebat hospitij, Antonius iure refellebat ætatis. Tandem confilij fuit; ut, apprehenso è regione pane, dum ad se quisque nititur, pars cuiusque remaneret in manibus. Dehinc paululum aque in fonte prono ore libarunt: & immolantes Deo sacrificium laudis, noctem transigere vigilijs,*

*vigilijs.* Quid hoc, ô Superi! quis hîc dapifer? vorax & furax auis mensæ ministrat? & cibum affert, cui ipsa libentiùs inhiaret! At optimus œconomus, optimus cocus est Deus, nouit panem pinfere, sine furno, nouit os corui frœnare, vt famulis non desit, quo vescantur, pro se non sollicitis sollicitus. Sed, ô cœli Rector, quid hoc est? tam senibus? tam sanctis? tam sanctè conuenientibus seruis tuis adeò plebeium, abstemium, & propè dixissem caninum, immò coruinum apparatus prandium? epulas instruis conuiuiales ac hospitales, nec quidquam apponis, nisi limpidam aquam, & vnicum, pro duobus ieiunis, & sanctis viris, panem; quod & Eliæ fecisti, mittens ei subcineritium panem, & vas aquæ, per Angelum. Itâne tractas tuos seruos, immo tuos amicos? hæc tua paterna cura est? hoc prouidentia tuæ indicium? cum interim inimicis tuis, qui te quotidie offendunt, & blasphemant, graue est, vt lautissimis prandijs cœnisque contenti sint? neq; iam plebeium panem aut fontanam aspiciunt, sed ne Atticis quidem bellarijs saturi, & Græco meraco vino languidi possunt aut famem placare, aut sitim restringere. Nempe non tam tu illos, quàm illi se ipsos pascunt, lautitiisque famem non pellunt, sed irritant, sitim nondomant, sed, velut oleo ignibus affuso, magis inflammant: vt, cum perituro diuite, epulantes quotidie splendide, splendide pereant, & sitim mereantur sempiternam. Illis nihil sufficit, quia deest benedictio, cum qua modicum sufficit. Sanctis nihil deest, quia omnia adsunt, cum Deus adest. Hoc est, quod Psalmista ait: *Diuites egruerunt, & esurierunt: inquirentes autem Dominum, non inueniuntur omni bono.* Apponuntur illis sanè assa & elixa, è filiis & è montibus petita, volantia & natantia; sed inter hæc omnia esuriunt & sitiunt; abundant & egent, sicut Midas inter aurum, & Tantalus inter fugacia poma. Quidni esurirent, qui conuiuium super conuiuium struunt, qui quater in die comedunt? qui cœnas cum prandijs connectunt? qui fereula apponunt, quorum ne numerandi quidem, ne dum edundi copia est? qui tot perdices, ficedulas, gallinas, phasianos; qui totos non tantùm lepores, sed etiam apros mensis inferunt? & tamen semper esuriunt, semper sitiunt, semper ægrotant. Hoc est, quòd magna illa Prophetissa, in Deo suo, magnificabat, qui *esurientes impleuit bonis, & diuites dimisit inanes.* Nunquid enim subcineritius tantùm fuit panis, quem ad caput suum inuenit Elias? & tamen ambulauit in fortitudine cibi *illum,*

Psal. 33. 11.

Lucæ. 1. 53.

3. Reg. 14. 6.



Dan. I. 12. illius, quadraginta diebus, & quadraginta noctibus: usq; ad montem Dei Horeb. Nec volebat Daniel, cum tribus pueris, nisi legumina ad vescendum, & aquam ad bibendum, & tamen apparuerunt vultus eorum meliores, & corpulentiores, præ omnibus pueris, qui volvebantur cibo regio. Ergo amici Dei, & pauperes, quorum est regnum Dei, non solum exquisita non curant, sed etiam refugiunt, quidquid est delicatum. Quin sæpe neque micis saturantur, quæ cadunt de mensa dominorum, & tamen sani sunt, atque robusti: morbis innumeris carent, quibus, qui in domibus regum sunt, scarent. Nempe diuina bonitas alit illos, & ipsa abstinencia est illis pro medicina.

## IV.

Ad eundem modum, qui Ecclesiæ præcepto, per 40. dies, graui abstinencia obediunt, & sanescunt sæpe, & insuper hostem domesticum carnem spiritui rebellantem domant; Acheronticas laruas vincunt; peccata abstergunt; in spem veniunt, quæ clamat: *Beati qui esuriunt & sitiunt, quoniam in cælo, cum Lazaro, saturabuntur.* O quanta tunc erit rerum metamorphosis! Tunc bona recipient, qui nunc malis affliguntur; &, qui nunc ducunt in bonis dies suos, in puncto ad infernum, cum Epulone proiecti, frustra vnius guttæ petent refrigerationem. Tunc accumbent in nuptijs agni, qui nunc ante fores magnatum, inter canes, iacent; & qui nunc in purpura & eburneis sellis accumbunt, tunc, ante tristem Cerberum, prosternentur: *subtus sternetur tinea, & vermis erit opus eorum.* Tunc ipse Dominus transiens ministrabit illis, qui iam, neque inter mancipia consistere permittuntur; & qui iam primos accubitus ambiunt, in ordinem rediguntur, infimique erunt, quando iubeantur descendere, vt nouissimum locum in Tartaro occupent. Tunc torrente voluptatis potabuntur, qui nunc panem suum cum fletu miscerent; & qui nunc semper Hilaria celebrant, ac Bacchanalia viuunt, tunc demum sentient, extrema gaudij à luctu occupari. Quis igitur non vellet, aliquid hîc pati? famere? Ecclesiæ parere? ieiunio vacare, & Deo valetudinis suæ curam permittere? cum illi, qui medicos quiritando corrumpunt, aut quibus corporum magis, quàm animarum, curiosi medici pestiferè adulantur; aut qui iam debilitatem, iam occupationem, iam hunc, iam illum morbum, pro libitu, fingunt, & prætexunt, vt carnibus se farcire, & comessando tempus atque conscientiam fallere possint; satietatem suam nimis longa & acerba in Ache-

runte

runte inedia sint commutaturi. Itaque iudicium patris audite filij Ecclesi. 3. 2.  
(Ecclesiæ) & sic facite, ut salui sitis. Si parum est vobis, paruo contenti estote: si multum, obedire Ecclesiæ ieiunia præscribenti.

V.

At seuerum est præceptum; grauis inedia; longa dies; impatiens venter, ingens consuetudo comedendi? Negantur calida. Nec panis satis conceditur. Additur pomum nanum, aut pannucium; libi buccæ; villum. Libare hoc est, non cœnare. Hæ voces sunt gulonum, & manduconum, & non tam corporis fomenta, quàm libidinis nutrimenta quærentium; atq; eorum, qui inediæ fræno inprimis indigerent. Nimirum, ut cæci, vident; & loquuntur, ut muti, hoc est, nihil, aut, quod ipsi non intelligunt, veri Polypi, qui, ubi quidquid tetigerint tenent; seu esculentum sit illud, seu poculentum. Heu quàm multum distant nostrorum sæculorum ieiunia, ab illa sanctissima antiquitate! Paulus & Antonius, & ipse magnus Elias dapnifiliter sibi viuere videbantur, cum laticem libarent; cum, longo die, dimidium panem manducarent. Dei præcurfor Ioannes, in vtero sanctificatus, locustas comedeat, & mel siluestre. Paximacijs contenti erant, qui sanctissimè, in claustris, vitam viuentes, vix habebant, quod tam seuera pœnitentia eluerent. Nunc scelestissimo cuique pane & aqua contentum esse, durissimum & intolerabile videtur. Quid ergo mirum, si sunt homines, qui de Dei Prouidentia queruntur; nulla enim illis est, nisi pinguiissimæ culinæ prouidentia. Neglexisse se arbitrantur, si non quotidie *Pauus nequitia nidum in cacabo facit*. Oeconomum agit Deus, non dulciarium: prandia mittit, non promittit conuiuia: pasci vult suos, non distendi: sustentari cibis, non opprimi. Quamobrem etiam alijs, quos, non sine miraculo, nutriuit, necessaria dedit, non curiosa; coliphia, non crustula submisit, aut melimela. Et quando nos docuit orare, dixit: *Panem nostrum quotidianum da nobis hodie*, seu, ut alia lectio Matth. 6. 11. habet, *super substantialem*, τοῦ ὑποστάτου enim, quod alij, *quotidianum*, S. Hieronymus *super substantialem* vertit; quasi tantum de Eucharistia & pane Angelorum solliciti esse debeamus; aut certè de diario, & hodierno, non de crastino pane. Et quanquam, panis nomine, in diuinis, etiam alij hominum cibi intelligantur, non voluit tamen Christus à nobis peti ficedulas, aut alaudas; aut turdos, aut perdices & coturnices: multò minùs linguas psittacorum. Itaque pane prouisum est, quibus è coelo sua missa est anno-



3. Reg. 17. 6.  
Martial. lib.  
13. 61.

V I.  
Seuer. Sulp.  
dial. 1. c. 3.

na; aut certè rarissimè cibo preciosiore. Nam vtique carnes, quas, cum pane, coruus Eliæ detulit, non erant cassitæ, aut *Ioni- carum gustus attagenarum*.

Porro, quod Paulo & Antonio contigit, id solitario etiam alteri atq; Abbati eius, Seuerus Sulpitius memorat euenisse. Haud longè ab eremo contigua Nilo, multa erant monasteria, è quibus, si qui maiorem virtutem mente concepissent, vt, acturi solitariam vitam, se ad eremum conferrent, non, nisi permittente Abbate, discedebant. Transgressis ad eremum, Abbatis ordinatione, panis, & quilibet alius cibus ministrabatur. Cuidam duo pueri eum panem detulerant, adeò innocentes, vt redeuntibus aspis miræ magnitudinis veniens obuiam, quasi incantata carminibus capi se, palliòq; inuolutam ad monasteriũ innoxiam deportari permiserit. Duodennis puer *Monasteriũ, quasi victor, ingressus, in occursum fratrum captiuam bestiam, resoluta pallio, non sine iactantia timore, deposuit. Sed cum infantiam, fidem, atq; virtutem ceteri predicarent, Abbas ille altiori consilio, ne infirmior ætas insolesceret, utrumq; virgis compe- scuit, multum obiurgatos, cur ipsi, quod per eos operatus fuerat Dominus, prodidissent: opus illud non suæ fidei, sed diuine fuisse virtutis: disce- rent potiùs, Deo in humilitate seruire, non in signis & virtutibus glo- riari; quia melior esset infirmitatis conscientia, virtutum vanitate. Hoc ubi ille frater audiuit solitarius, & periclitatos infantiles serpentis occursum, & ipsos in super multa verbera, victo serpente, meruisse, Abba- tem obsecrat, ne sibi post hæc ullus panis aut cibus aliquis mitteretur. Iamq; octauus dies fuerat emensus, quo se homo Christi, infra periculum famis, ipse concluderat. Arebant membra ieiunio, sed deficere mens cæ- lo intenti non poterat. Corpus inedia fatiscebat, fides firma durabat: cum interim admonitus Abbas ille per Spiritum, vt discipulum visita- ret, pia solitudine cognoscere cupiens, qua vite substantia vir fidelis vteretur, qui ministrari sibi panem ab homine nolisset; ad requiren- dum eum ipse Abbas proficiscitur. At ille, ubi eminens senem venire conspexit, occurrit ei obuiam: agit gratias, ducit ad cellulam. Cum ingressi pariter ambo, conspiciunt palmiciam sportam calido pane conge- stam, foribus affixam, de posteo pendere: ac primùm panis calidus senti- tur odore, tactu verò, ac si ante paululum foco esset ereptus, ostenditur. Egyptij tamen panis forma non cernitur: obstupefacti ambo, munus cæleste cognoscunt: cum ille hoc Abbatis aduentu præstitum fateretur; Abbas verò illius fidei ac virtutis adscriberet: ita ambo cælestem panem*

cum

cum magna exultatione frugerunt. Quod cum Abbas ad monasterium post regressus fratribus reuulisset, tantus omnes incenderat ardor animarum, ut certatim aderemur & sacras solitudines ire properarent.

Cuperem horum imitatores existere; non qui ad eremum, sed saltem qui, in ieiunio, sequerentur, ponerentque illam nimiam animi curam: tanquam si inualetudinem contracturi & morituri essent, si consuetis cibis abstinerent. Quasi non de cœlo vires venirent meliores? quasi non Angeli ministrarent, ubi hominum focus deest? Quid necesse est argenteis aureisque ferculis mensam onerare? etiam pane vivit homo. Et quem Deus conuiuium facit, non replet lautitijs. Optimum condimentum est inedia. Melius istis panis sapit, quam Apicijs nostris *Epistimas enonata pennis*; & Tuscus aper, & pauones, & conchyli-

V II.

*Et quesitorum terra pelagoꝝ ciborum  
Ambitiosa fames, & lauta gloria mense.*

Lucan. lib. 4.

Quam multi pauperes, ieiunantium diuitum mensas, epularum suarum loco, acceptarent? Siquidem, nec, cum festiuissimè viuunt, etiam opifices dura opera exercentes, tot fercula vident. Ieiunium Dominorum, & Matronarum quale est? offa calida; pisces frigidi, omnis generis lactuca; vuarum passæ, amygdalæ, ptuina melle condita, omnis generis electuaria; omnis generis fructus; saccharei panes; boli vino Massico ebrij; & quid non? Cum Deus suos amicos vult mensa epulæque honorare, panem apponit, & limpidi fontis aquam. Quis tantæ sapientiæ ascribat errorem? nouit, quid optimum sit; nouit, quid profit dilectis suis.

*Nunquid Deus supplantat iudicium? aut omnipotens subuertit, quod iustum est?* Iob. 8. 3.

Neque ergo habent, quod querantur, qui preciosè non possunt comedere, sed potius, ob quod se beatos existiment; neque quod iactent & glorientur, qui regio luxu lasciuiunt, & conuiuantur, more Sardanapali. Quis venenum bibere gaudet? Credibile est, ipsum Socratem antè, quàm cicutam biberet, suspirauisse. Animæ venenum, est corporis sagina; & hostem alit, qui alit carnem. Hinc dixit Iob: *ante, quàm comedam, suspiro*; quia Iob. 3. 24.

scilicet coactus hostem meum nutrio, & facio fortiolem. Ut autem cibo corpus, sic ieiunio nutritur virtus. Didacus Lopezius Bonifacius  
Medinæ præfectus prouinciæ, teste Bonifacio, tantus erat Deiparæ cultor, ut non solum, omnibus peruigilijs festa eius præceden- lib. 2. c. 44.  
tibus,



tibus, sed illis etiam diebus, qui peruigilia ipsa præcedebant, ieiunaret, is dicere solebat: bis in die, præsertim noctu, comedenti ac saturato, difficile esse seruare integram castitatem, sine alio timore iudicii diuini ac oratione; usque adeò ieiunium conseruat castitatem: quam saturitas euertit. *Manducauit populus & bibit, & surrexerunt ludere*; lusum non notasset scriptura nisi impudicum. *Si quis existimat, se & abundantia ciborum potionumq; perfrui, & vacare posse sapientia, hoc est, versari in delicijs, & deliciarum vitijs non teneri, seipsum decipit*, ait S. Hieronymus.

VIII. Hæc arma milites Christi decent; illa Veneri seruiunt. Plin. lib. 38. Serpens ieiuni hominis saluâ necatur; sic despuit dæmonem, qui nat. hist. c. 4. despuit satietatem, Equi subtractâ auenâ; venereæ voluptates, ardorque libidinis, cibi & potus abstinentia, restringuntur. Ieiunijs, inquit D. Cyprianus, *vitiorum sentina siccatur; petulantia marcescit; concupiscentia languent; fugitiua abeunt voluptates; extinguitur ardens Ethna incendium; & flammiumi fornax Vulcani extincta intrinsecus montes conterminos non adurit*. Sic suos athletas præparat ad certamen Deus, dum à licitis etiam eos vult abstinere; sicut faciunt, qui in agone contendunt. Orcus non cupit edomare rebellionem carnis; non spoliare tyrannidem Cupidinis; non exarmare gulam; neque motus inhonestos in cippo claudere, neque arctare aut distringere vagos appetitus. Hæc iudicia sunt coelestis Patris; virtutes frugalitate alit; vitia sinit nutriri preciosè. Et quod mireris, panis frusto pauperculi, ac Dei serui vehementius delectantur, quàm Vitellij isti Iouiali apparatu. Quare etsi totos dies mensis accumbant, tamen conuertentur ad vesperam, & famem patientur, ut canes: & circuibunt ciuitatem, per plateas grassando, quærantq; post prolixum prandium, coenam longiorè. Ita ipsi dispergentur ad manducandum; si verò non fuerint saturati, & murmurabunt; nunquam enim possunt satis lautè prodigèq; tractari, semper queruntur de cibo, semper habent in quo accusent eum; nihil illis satis sapit, quia non ex fame comedunt, sed ad voluptatem. Anima saturata calcabit fauum: & anima esuriens etiam amarum pro dulci sumet. Itaq; tales non possunt liberalitatem paternam Numinis accusare, sed suam insatiabilem cupiditatem. Quanquam plerumque Deus & natura his calicum trahonibus omnem eripit voluptatem comedendi; immò & facultatem. Rarò enim, qui multum bibunt, multum comedunt; nec enim pocula ferculæque

tot &amp;

tôt & tanta vno stomacho simul capiuntur, nisi per vices, nunc vina, nunc fercula reuomantur; vt prius immoderatè ingesta locum faciant, immoderatiùs successuris. Sed omnium stultissimum est, reperiri, qui cum, præ quotidiana ebrietate, cœnæ obliuiscuntur, tamen existiment, se ieiunasse; obseruata scilicet lege Ecclesiastica cibos solùm prohibente, & lege naturali temperantiæ turpissimè violata. Quale hoc ieiunium est, potare, vt non esurias? offerre Deo inediam, & diabolo ebrietatem? Numquid satius esset, carere vino, quàm non carere vitio? destitui panem, quàm distendi dape? incendio alimenta subduci, quàm iniici? sed pauci hoc capiunt. Illos ergo Deus concupiscentijs suis regendos permittit; aliquando etiam, tanquam fures ac raptores, seuerissimè puniturus. Nam illud vinum ad se rapiunt abligueriuntque, in propriam perniciem, quod ægrotis, quod debilibus, atque extremae egestate in extrema deiectionis debetur. Quod non prodest eis, nisi vt, velut dolia, impleantur, atque in morbos pinguescant, & naturæ suffocent vigorem. Neque enim podagra duntaxat in pedibus istorum nidulatur, sed etiam in toto corpore mille pestes, quæ subitas mortes, post se, trahunt. Quod per imprecantis modum prædixit Psaltes. *Deficiant peccatores à terra, & iniqui, ita vt non sint*; hanc habent intemperantiæ suæ mercedem, quibus in solo est viuendi causa palato, hoc est, qui non comedunt, vt viuant, sed viuunt vt comedant; neque à Deo escam (ipsis pullis cornuorum deteriores) expectant, sed, vt abundant, etiam egenos spoliant. Talis descriptus est illis verbis: *Sedet in insidijs, cum diuitibus in occultis, vt interficiat innocentem. Oculi eius in pauperem respiciunt: insidiatur in abscondito, quasi leo in spelunca sua. Insidiatur, vt rapiat pauperem, rapere pauperem, dum attrahit eum.* Quid ergo illi cōtinget? *Cadet cum dominatus fuerit pauperum. Pauperum enim sanguis in venenum ei erit, non in alimentum.*

Pl. 103. 35.

Psal. 90. 30.

Hæc cum ita sint, ite iam, pauperes, & dicite, Deum vobis esse inclementem: laudate, diuites, sortem vestram, immò deploratè. Veritas pauperes beatos vocat, beatos qui esuriunt: de diuitibus autem quid dicit? *Va vobis diuitibus, va, qui habetis consolationem vestram: va vobis, qui saturati estis. Amen.* dico vobis, quia diues difficile intrabit in regnum cœlorum. Iterum dico vobis, facilius est, camelum per foramen acus transire, quàm diuitem intrare in regnum cœlorum, Vtrum horum, iam præstabilius est?

Matth. 5.

Luc. 6.

Matth. 19.

T

vtrum



Gen. 40. 13. vtrum consultius? diuitem esse, an pauperem? satuari, an macerari? O quantam hic ganeones, Euctiones, Vitellij. epulones erubescendi atque se se submittendi causam habent? quantum macilenti, Iri, esuriones solatium! Si in eodem carcere duo sint, quorum alteri suspendium à magistratu significatum; alteri dimissio ac libertas; vter plus gaudet, vel dolet? Pincerna in vincula dato Ioseph prædixit, post tres dies, in pristinum gradum restituendum; pistori, post tres dies, ad coruos ituram; cum vtro tu esse voluisses? nonne cum pincerna? At quid Christus diuitibus & splendide epulantibus, quid pauperibus & tenui victu vitam sustentantibus dixerit, audiui: cum quibus igitur censes fortunatius agi? Nonne infania est, diuites quosdam de æterno supplicio, quod sunt certiores, eò esse superbiores? Diogenes, sceleroso cuidam, probri gratia, obijcienti paupertatem: *ob paupertatem*, inquit, *neminem vidi torqueri, ob malitiam multos*; neque in gehenna quisquam torquebitur ob abstinentiam exquisitorum ciborum; torquebuntur autem multi, quia *epulati sunt quotidie splendide*.

X.

Quadrat huc fabula rustici porcum & canem alentis. Canis interdiu ouium gregem cogeatur comitari in pascua; contra lupos & aliarum ferarum incursus pugnare; sustinere æstum & frigus; nimbos & niues pati; tolerare famem & sitim. Nam totis diebus, vix buccam panis à pastore accipiebat; & plerumq; ubi etiam bestiarum dentibus saucius oues domum reducebat; præter arida ossa, vix quidquam obsonij accipiebat, quod roderet. Porcus verò genio indulgens & cuticulam suam curans, ( si tam men non corium potius ) totus ocio & sagina pinguescebat; interdiu semper in coeno & pastu, noctu, in stramine & somno; cum catti præ foribus excubandum, & contra fures indefinenter peruigilandum esset. Impatentia ergo tandem, atque inuidia stimulat Hylactor, non sine eiulabili latratu, rustico exprobrauit rei indignitatem, ut qui setosum, foedum, otiosum, pigrum atque inutile animal, pinguißimis ossis, delicate nutriret, fidelissimo autem custodi domus ossa duntaxat obijceret, & indurata panis frusta, quæ alius nemo comesse vellet. Hunc colonus, ne succenseas, inquit, mi fidelis, sed diem crastinum expecta, & videbis hunc tam obesum porcum in eadem saginatum, cum tibi macilentio viuere licebit. Altero die cum canis videret lanionem cul-

tro,

tro, primam in iugulo porci, mox etiam in ventre & vntissimo lardo, totisque intestinis cruentissime ludentem, subiectaque fartagine sanguinis riuos excipientem, necquicquam bestia miserabilissime grunniente, dixit: Si hic saginæ finis est, nolo saginari; magis mihi profunt ossa & mucidus panis. Non longo epimythio opus est huic Apologo. Audite omnes pingues terræ: Hec dicit Dominus Deus ad vos: Ecce ego ipse iudico inter pecus pingue, & macilentum. Quo modo autem iudicat? Homines cum irascuntur, subducunt feruis, aut filijs cibum; Deus iratus nouit cibum dare abundantio-rem. Mirabile exemplum Israëlitarum, qui in iram excitauerunt Excelsum in iniquo, & tentauerunt Deum in cordibus suis: ut peterent escam animabus suis. Et male locuti sunt de Deo. Ideo audiuit Dominus, & distulit: & ignis accensus est in Iacob, & ira ascendit in Israël. Et pluit super eos sicut puluerem carnes: & sicut arenam maris volatilia pennata. Et ceciderunt in medio castrorum eorum, circa tabernacula eorum. Et manducauerunt, & saturati sunt nimis, & desiderium eorum attulit eis: non sunt fraudati à desiderio suo. Adhuc esca eorum erant in ore ipsorum; & ira Dei ascendit super eos. Et occidit pingues eorum. Vides, quid iratus faciat Deus? pingues finit fieri homines, sed pingues occidit; dum parcit ijs, qui vix ossibus hærent. De tali porco occiso legimus & alibi, cuius ipse Samuel egit lanionem: Dixitque Samuel: Adducite mihi Agag regem Amalec. Et oblatus est ei Agag pinguis & tremens. Et in frustra concidit eum Samuel coram Domino in Galgalis. Ne dubitate, vitiosè pingues, ex adipe vestro æternus ignis plus alimenti, est habiturus. Bene confidite, macilenti ieiunijs; plus & valetudinis & virtutis habet, qui sic minus habet in cute pinguedinis.

Psal. 21. 30.

Ezech. 34. 20.

Psal. 77. 17.

1. Reg. 15. 32.

XI.

Eccli. 33. 30.

Qui homini dixit, sine iudicio, nihil facias graue, an ipse sine iudicio patietur amicos suos esurire, saturari inimicos? opes his, tanquam maius beneficium, dabit, illis negabit? nequaquam. Maius est beneficium minus habere. Plerumque qui diuitijs, idem & vitijs vicinior est. Paupertatem Diogenes appellabat virtutem *αὐτὴν διδάσκει*, id est, quæ per se discitur, seu potius virtutis magistram. Diuitibus opus est multis præceptis, ut frugaliter vivant; ut corpus exercent; ut laborent; ne vestium ambitioso cultu delectentur; ne potus cibiue intemperantia, in lites, iurgia, homicidia, aliæque innumera mala prolabantur: quæ omnia se ipsam docet paupertas. Apud diuites, libère & licere, idem est. Paupe-



S. August. de  
Verb. Dom.  
serm. 37.

res quot supra se habent, tot habent custodes. Grauiissime pronunciauit Augustinus: *seculi potentiam; esse impunitam nequitiam.* Pulcherrimè Solensis Crantor vitam frugalem pauperemque Ithacæ Vlyssis patriæ comparabat, quæ, iuxta Homerum, aspera quidem erat, sed bona *νεγοῦτο φθονος*, id est, iuuenum altrix; dum eos consuefecit frugaliter & continenter viuere, & ad omnem virtutis functionem exercuit. Ea propter & Philosophi sapientiores olim, &, Christo postea veram sapientiam homines docent, etiam sanctiores quique, vitam inopem diuitijs; olusculum caponibus; symposijs sitim; conuiuijs centum ferculorum, panem mendicando obtentum prætulerunt. Lycurgus, ciuib; quibusdam interrogantibus, quo modo liceret hostium insultum effugere? *Si, inquit, pauperes fueritis; non facile potest elabi, qui sarcinis & impedimentis retardatur.* Cui ergo nec ære locus, nec crapula stomachus grauis est, is longè facilius infernum hostem fugiet, persequentem, longè expeditius, per huius vitæ stadia, curret ad æternæ salutis brauium.

## XII.

Sur. 1. Ian.  
in eius vita.  
c. 6.

Hinc Pauli, hinc Antonij, hinc Macarij, hinc Paphnutij, hinc Frontonij, Pachomij, Venantij, hinc ieiunijs exenterati lignei illi & ossei Hilariones, Serapiones, Spiridiones. B. Fulgentius Ruspensis Episcopus sic viuebat, *ut inedia magnitudo siccitatem corporis cutem fatisce diuersis ulceribus cogeret, ac superducta (quam dicunt) impetigine delicati corporis pulchritudo fœdaretur.* De qua seueritate cum nec æger remitteret, Scimus omnes, aiebat, ex epulis vitam solere seruari, non sanitatem posse conferri. Nam ut sanetur infirmitas, si explenda videtur gula cupiditas; quare infirmantur etiam illi, qui conuiuijs lautioribus quotidie saginantur? Enimuerò abstinentia hæc vires extemplo recuperauit. De S. Edmundo Cantuariensi Archiepiscopo legimus, à prima pueritia ab omnibus quidem rebus creatis eum, quantum per vires licebat, præcipuè verò, à sermone, somno, cibo, potu abstinuisse. Solo pane & aqua, sex. tis ferijs, contentus fuit. Interdum solum panem edens, nullum omnino potum admisit. Unde id consecutum est, ut nonnunquam labia eius scissa viderentur, ut solet arida tellus humorem sitiens. Desfluebant, à capite, barba & pili, medicis eius rei causam dicentibus, quod corpus eius humoribus destitutum esset. Cibus vesebatur vilioribus. Quod si adessent delicata fercula & potus lautior, minus ijs vivebatur. Nolebat, ut sua causa, quisquam ex ipso perquireret, quibus in prandio vesci vellet?

Sur. 16. Nou.  
in vit. eius.  
c. 14.

vellet? Et si appositae escas quispiam commendasset, gustare eas nolebat, quod opiperas esse, inde conyiceret. Ravissimè, in die, bis edebat, idq; non nisi honesta ratione suadente. Ipsi imperatores Iustinianus à Procopio; Theodosius iunior à Socrate; Carolus Magnus à Cranzio, & Andrea Brunnero nostro, de abstinentiæ cultu admirabiliter commendantur; tantò utiq; magistri præstantiores, quia penuriam pati maluerunt, cum omnibus rebus abundarent.

Quin neque foeminae defunt, quæ victus Parsimoniam epularum delitijs prætulērunt. De Asella virgine, sic scribit Hieronymus: Cum per omnem annum iugi ieiunio pascēretur, biduo tri-duoq; sic permanens, tum verò, in Quadragesima, nauigij sui vela tendebat, omnes penè hebdomadas, vultu letante, coniungens. Et quod impossibile forsitan est hominibus ad credendum, Deo autem præstante possibile est, ita ad quinquagenariam pervenit ætatem, ut non doleret stomachus, non viscerum cruciaretur iniuria, non sicca humus, in qua cubabat, iacentia membra conficeret; non sacco asperata cutis foetorem situmq; contraheret, sed, sano corpore, anima sanior, solitudinem pataret delitias, & in urbe turbida eremum inueniret monachorum. In genibus durities camelorum, præ orandi frequentia, occalluisse reperta est. Huic, merito suo, annumeranda est Genouefa virgo Parisiensis, quæ, Bonfinio teste, à quinto decimo ætatis suæ anno, usque ad quinquagesimum hordeaceo tantum pane & fabis contenta, bis duntaxat, in hebdomade, cibum sūmebat. Quæ exempla meritò in ruborem dare possunt sæculi nostri Iunones, quæ teneritudinem complexionis, & stomachi debilitatem prætexunt, ne ieiunio compensare cogantur luxum luxuriemque, qua in triclinijs & recessibus Deum gravissimè offenderunt. Scilicet ad centum fercula digerenda satis potens est stomachus; ad vnam cœnam omitteudam est nimis infirmus. Quemadmodum, ut in hyeme, vnà horâ, concioni intersint, cœli asperitas & frigus obstat, non obstat, ut in campis, & siluis, per totos dies, venentur: & compluribus horis, in rheda, per niues, & glaciem, omnibus plateis, intervrentes frigore Aquilones, circumuehantur; quasi non heroides, sed Mænades essent. Nimirum non cœlum, sed ipsæ sunt frigidæ: cum Dianis utiq;, non cum Genouefis comparandæ. Si eligat quispiam, quod Superis approbandum, sibi remunerandum, Inferis detestandum rectè iudicat; eliget utiq;, ut sibi diuina Bonitas frugalem potius, quàm luxui deditam.

Procop. l. i.  
Socrat. lib.  
7. c. 22. &  
Baron. An.  
415. Albert.  
Cranz. lib. 2  
Saxonix c.  
8. & l. 4. An.  
nal. Boiorū.  
An. Brun.

XIII.  
D. Hieron.  
ad Marcel-  
lam. c. 15.

Bonfin. l. 5.  
hist. Decad.  
I.



Plin. lib. 8.  
Nat. hist. c. 5

voluptariamque vitam largiatur. Quid ergo Deum, tanquam imitem, accusamus, si ab eo id habemus, quod ipsi, si rectè calculum ducimus, censem praeoptandum? Videmus, nihil deesse timentibus Deum; avaris autem nihil sufficere, & ditissimos conqueri de paupertate: ut vel hinc sapere possimus. *Optimum est enim, aliena insania frui. Feliciter sapit, qui alieno periculo sapit.*

## XIV.

Politian. in  
Nutric. Her-  
mip. apud  
Diog.

Neque animæ periculum est tantum, sed & vitæ præsentis; quæ crapulâ acciditur, & occiditur. Quid interest, laqueo, an cibo suffoceris; fluvio, an dolio submergaris? Acino vix passus strangulatus est Anacreon Teius, teste Politiano. Immodico vini haustu, anno suæ ætatis LXXV. iugulatus est Archesilaus Prytanæus, ut memorat Diogenes. Aiunt & Andobuntum Anglorum regem in cœna quandoque tantum vini summissee, ut eo obrutus repente excesserit e vita. Mille sunt exempla. Sed Medicorum sententia est, plus nocere nimiam cibi, quam potus saturitatem. Itaque & hinc multi in morbos, immo & in subitas mortes labuntur. Domitium Aphrum Eusebius scribit, cibi superfluitate redundantem, in cœna periisse. De Septimo Severo Imperatore refert Aurelius Sextus, eum, dum membrorum omnium, maximè pedum dolorem pati nequiret, loco veneni, cibum plurimæ carnis incoctæ avidius deuoravisse, quem dum concoquere non posset, crudelitatem passus expiravit. Ac de Valentiniano Imperatore idem author recenset, eum intemperantia cibi ac saturitate, cum Quadorum legationi responderet, voce impetu sanguinis amissa, sensu integrum expiravisse. Quod & de Ioviano Imperatore testatur Baptista Egnatius. Certè Gregorius Turo-nensis author est, Childericum Saxonem, cum aliquando ad ambas usque aures cibo se ingurgitasset, eo suffocatum, in lecto, mortuum, repertum. Nimirum in compendio dici potest: *Propter crapulam multi obierunt; qui autem abstinens est, adiciet vitam.*

Eccli. 37. 34.

Consultius ergo est & vino, & cibo nimio carere; quam abuti, si abundes. Nec tamen servis suis nihil dat, qui nimium non dat Deus; sicut neque improbos semper finit abundare.

C A P V T X V I I.

*Quām prodigiōsa liberalitate Deus seruis suis, maximeq; Religiōsis provideat, tempore necessitatis?*

**D**ilectores, vt lucidis coloribus gratiam addant, eosque faciant eminentius clarescere, illos colores iuxta ponunt, qui habent obscuritatem. Ita Deus inimicos suos, in ipsa cōpia, subinde penuria affligit, vt cura illius & amor tantō fiat illustrior, quando paternē prospicit amicis. Auaris, & voluptuarijs, ventrēmq; magis, quā Numen curantibus ita minatur. *Decem iugura vinearum facient lagunculam vnā; & triginta modij sementis facient modios tres: Vt qui consurgitis manē ad ebrietatem sectandam, & potandum vsq; ad vesperam, vt vino astuetis. Cithara, & lyra, & tympanum, & tibia, & vinum in conuiuijs vestris: & opus Domini non respicitis, nec opera manuum eius consideratis. Propterea captiuus ductus est populus meus, quia non habuit scientiam, & nobiles eius interierunt fame, & multitudo eius siti exaruit.* His etiam in Psalmo prædicitur. *Et famem patientur, vt canes.* Nam, etsi sint diuites, etsi abundant, tamen potest eos diuina vindicta ad incitas redigere; & ē Cræsis Iros facere. Quin multi, præ avaritia, quod plus habent, minùs audent comedere aut bibere, malunt enim stomachum, quā loculum inanem circumferre. Quin & illi ipsi, qui in vino & epulis commorantur, nunquam gulam ingluuiēmq; suam explent. Quod vina plus bibuntur, plus sitiuntur. Hinc helluones, hinc gurgites vocantur; hinc, tanquam canes importuni, semper mensas allatrant alienas, vmbra non conuiuæ; nec socij, sed parasiti; ollares amici, non ad aram, sed ad mensam venire parati.

Aliter agit cum seruis suis Deus; qui non affliget fame animam iusti. Cui, apud Iob, dicitur: *In fame eruet te de morte, & in bello de manu gladij. A flagello linguae absconderis, & non timebis calamitatem eum venerit. In vastitate & fame ridebis, & bestia terra non formidabis.* Hoc est, quod dicitur: *Ecce oculi Domini super meruentes eum, & in eis, qui sperant super misericordia eius. Vt eruat à morte animas eorum: & alat eos in fame.* Ac rursus: *Novit Dominus dies immaculatorum: & hereditas eorum in æternum erit.* Non confun.

I.

Isa. 5. 10.

Ps. 58. 7.

II.

Prou. 10. 3.

Iob. 5. 20.

Ps. 32. 18.

Ps. 36. 18.



confundentur in tempore malo, & in diebus malis saturabuntur, quia peccatores peribunt. Non enim in Domino, sed in Mundo spem suam ponunt; qui autem de Dei prouidentia & bonitate sentiunt, quod oportet, haudquaquam ambigunt, vitam sustentationemque suam multò magis curari à Deo, quàm à seipsis.

III.  
S. August. de  
orat. Domi-  
nic.  
Prou. 10.  
Psal. 36.  
Luc. 12.

Quod sanè SS. PP. luculentè docuerunt. Non potest, inquit S. Augustinus, *quotidianus cibus deesse iusto, cum scriptum sit: Non occidit Dominus fame animam iusti. Et iterum: Iunior fui, etenim senui, & non vidi iustum derelictum, nec semen eius quarens panem: Et iterum: quarentibus regnum Dei, & iustitiam eius omnia promittit apponi, & cum sint Dei omnia, habenti Deum, nihil deerit, si DEVS ipse non desit. Sic Danieli in leonum lacu, iussu regis, in-cluso, prandium diuinitus procuratur, & inter feras esurientes homo Dei pascitur. Sic alitur Elias in fuga, coruis ministrantibus & volucris cibum apportantibus in persecutione nutritur. Elisæus quoque, tempore famis, nonne filijs Prophetarum & pulmentum dedit, & amaritudinem magnam in magnam dulcedinem conuertit? Neque pulmentum tantum, sed & panes. Vir autem quidam venit de Baal-salisa deferens viro Dei panes primitiarum, viginti panes hordeaceos, frumentum nouum in pera sua. At ille dixit: Da populo, ut comedat. Responditque ei minister eius: Quantum est hoc; ut apponam centum viris? Rursum ille ait: Da populo, ut comedat: hæc enim dicit Dominus: Comedent, & supererit. Posuit itaque coram eis: qui comederunt, & superfuit, iuxta verbum Domini. Imago hæc & adumbratio fuit*

Ioan. 6. 11.

4. Reg. 4. 42.  
Luc. 22. 35.

Christi, ad eundem modum, quinque panibus hordeaceis quinq; virorum millia, in deserto, pasturi; & pasturi ita, ut duodecimcophini superessent, & tantò plus restaret, quantò plus ademisset. Elisæo in pera allatum est frumentum; Christus discipulos suos, sine sacco & pera misit, & nihil illis defuit. Quare etiam de imitatore Christi & Apostolorum ait D. Ambrosius: Fide tuus putet sibi, quò minus ea requirat, eò magis panem suppetere. Curat enim Deus magis, qui Deum curant magis; & pullatis vestibus album panem pinxit, ut in prouerbio est. Quanquam enim Dei seruis carnis curam non habentibus, sed ieiunio atque abstinentiæ deditis faciliùs satisfiat; cum pomo, nucibus palmarum, pistaceis satiantur, aut cum ex iure hesternò panem atrum edunt: tamen diuina manus, cum nec ista suppetunt, mirificè eis succurrit. Proderit, benignum hunc Dei morem in exemplis docere.

Agmen

Agmen ducat antiquissimus & sanctissimus Benedictus, de I V.  
 quo D. Gregorius ita scribit: *Alio quoque tempore in eadem Campa-* S. Greg. l. 2.  
*na regione, fames incubuerat, magnaque omnes alimentorum indigentia* dial. c. 32.  
*coangustabat. Iamque, in Benedicti monasterio, triticum deerat: Panes*  
*vero penè omnes consumti fuerant, ut non plus, quam quingenti, ad refe-*  
*ctionis horam, fratribus, inueniri potuissent. Cumque eos venerabilis pa-*  
*ter contristatos cerneret, eorum pusillanimitatem studuit modesta incre-*  
*patione corrigere, & rursum promissione subleuare, dicens: Quare de*  
*panis inopia vester animus contristatur? Hodie quidem minus est: sed*  
*die crastina abundanter habebitis. Sequenti autem die ducenti farina*  
*modij ante fores cella in saccis inuenta sunt, quos omnipotens Deus, qui-*  
*buis deferentibus, transmisisset, nunc usque, manet incognitum. Quodcum*  
*fratres cernerent, Domino gratias referentes didicerunt iam de abun-*  
*dantia nec in egestate dubitare. Hæc D. Gregorius, qui infra aliud*  
*his verbis subiungit.*

Eo quoque tempore, quo alimentorum inopia Campaniam graui- V.  
 ter affligebat, vir Dei diuersis indigentibus monasterij sui cuncta tribue- Ibid. c. 39.  
 rat, ut penè nihil in cellario, nisi parum quid olei, in vitreo vase, rema-  
 neret. Tunc quidam subdiaconus, Agapitus nomine, aduenit, magno-  
 pere postulans, ut sibi aliquantulum olei dari debuisset. Vir autem Do-  
 mini, qui cuncta decreuerat in terra tribuere, ut in cælo omnia refer-  
 uaret, hoc ipsum parum, quod remanserat olei, iussit petenti dari. Mo-  
 nachus vero, qui cellarium tenebat, audiuit quidem iubentis verba, sed  
 implere distulit. Cumque post paululum, si id, quod iusserat, datum esset,  
 inquireret; respondit monachus, se minimè dedisse: quia si illud ei tri-  
 bueret, omnino nihil fratribus remaneret. Tunc vir Dei alijs precepit,  
 ut hoc ipsum vas vitreum, in quo parum olei remansisse videbatur, per  
 fenestram proijcerent, ne in cella aliquid, per inobedientiam, remane-  
 ret. Factumque est; sub fenestrâ autem eadem ingens precipitium pa-  
 tebat, saxorum molibus asperum. Proiectum itaque vas vitreum, venit  
 in saxis, sed sic mansit incolume, ac si proiectum minimè fuisset, ita ut  
 neque frangi, neque oleum effundi potuisset. Quod vir Dei precepit leuari,  
 atque ut erat integrum petenti tribui. Tunc collectis fratribus inobedien-  
 tem Monachum de infidelitate sua & superbia coram omnibus incre-  
 panit. Quâ increpatione completâ, sese cum eisdem fratribus in oratio-  
 nem dedit. In eo autem loco, ubi cum fratribus orabat, vacuum erat  
 ab oleo dolium coopertum. Cumque sanctus vir in oratione persisteret, cœ-  
 pit operimentum eiusdem doli oleo excrecente subleuari. Quo com-



moto atq; subleuato, oleum, quod excreuerat, ora dolij transiens, pauimentum loci in quo incubuerat, inundabat. Quod Benedictus Dei famulus ut aspexit, protinus orationem compleuit, atq; in pauimentum oleum defluere cessauit. Tunc dissidentem inobedientemque fratrem latius admonuit, ut fidem habere disceret & humilitatem. Idem verò frater salubriter correptus erubuit, quia venerabilis Pater virtutem omnipotentis Dei, quam admonitione intimauerat, miraculis ostendebat: nec erat iam, ut quisquam de eius promissionibus dubitare posset: qui in uno eodémque momento, pro vitreo vase penè vacuo, plenum oleo dolium reddidisset.

VI.  
Luc. 6. 38.

Aristophan.  
in Anibus.

Matt. 19. 29.

Discant hinc malè prouidi, immo maledicti auaritiæ miniftri, quàm verum sit illud: *date, & dabitur vobis*: discant inde acquirere, vnde se putant perdere; nec, quæ dominorum benigna liberalitas iubet distribui pauperibus, ea vel in dominorum commodum, vel, quod deterius est, in suum marsupium referuent. Optimus modus accipiendi est, Dei amore, dare: dū sic minuuntur opes, augentur. Inscitia igitur, immo impietas est, dicere illud, quod apud Aristophanem legitur: *Oleum non est in lecytho*, aut decerpere aliquid, vel totum recondere, quod in templorū & egenorum vsus à Dominis est destinatum. Fraudem hi faciunt, Dominis suis, quos, dum micam, dum guttam, dum exiguas opes compareunt, opibus maioribus spoliunt. Ismo tam imperiti sunt æconomi, ut dum scrupulosissimè quærunt heros, principesque suos locupletare, eosdem ad summas angustias redigant de pauperentque. Si enim Deus *centuplum*, etiam in hac vita, promittit, an non, dum vnum florenum iussi in pauperes expendere, eum Domino suo inexpensum asseruant, eidem centum alios furantur? Et tamen, prò dolor, quid iam frequentius fit in Mundo, qui plenus est, eiusmodi fatuis. quid dico, fatuis? atheis Politicis archarijs, & thesaurarijs, quorum tota prudentia æconomica in eo consistit, ut nihil dispensent, ut Ecclesiæ Ecclesiasticisque sua accendant, demant, inuertant fauores, gratiam, dona Principum. Nempe huc ventum est rerum, hæc nunc industria censetur, ut bonum temporale, Politicūque, passim bono spiritali & Ecclesiastico anteponatur. Sic virtus it post aurum; sic anima seruit carni; sic religio subijcitur auaritiæ; sic cælum terris, immo ipse Deus Mundo cogitur famulari. An non tales athei? an nō sacrilegi? an non desperati? an non fures? an non ea restituere omnibus

nibus pauperibus obstringuntur, quæ, ne pauperes à dominis donata acciperent, impediuerunt? Quàm longè præstaret, cum D. Benedicto, has vitreas opes omnes, per fenestram, aut in mare, Creticum proijcere; immo spargere in pauperes. Profectò sic nõ frangerentur, sic in æterni tabernacula portarentur. Sic dominos suos demum verè opulentarent. Hæc esset vera fidelitas, talis quæstor quæstum faceret essetque verè *fidelis servus & prudens*, quem constituit Dominus super familiam suam. Qui autem hæc non credit, non facit, & qui non facit, non credit, ut proinde, cum iam totæ scholæ sint talia dicentium, & facientium, hæc ipsa tempora esse Antichristi videantur, quibus se Christus dixit, *fidem non inueniunt in terris.*

Luc. 16.9.

Mat. 24.25.

Luc 18.8.

Alia fide imbutus fuit D. Benedictus, ceterique Religionum conditores, qui crediderunt, Dei bonitatem esse tam bonam, ut nulla se sinat liberalitate superari. Itaque Religionem ingressi omnia, Christi amore, dimiserunt, Christum sibi peculiaribus studiis obstringentes, ut ipse quoque peculiarem eorum curam susciperet. In D. Dominici vita legimus, recente adhuc ordine, cum alumnos suos, Christi more, binos, ad poenitentiam prædicandam, in varia loca ablegasse. Contigit aliquando, ut horum duo, usque ad horam nonam diei, hoc est, usque ad vesperam, absque eibo, fame atque itinere fatigati, inter se mœstis animis consultarent, vndenam, aut quid, ad corpora curanda, in regione ignota, apud ignotos pauperesque sperare possent? Ita sollicitis & nutantibus repente superuenit vir statura procerus, forma honesta & eleganti, sed habitu peregrino, qui illorum infirmam & modicam fidem vultuosius & sermone seueriore accusans. Potuistis, inquit, credere Deo, ut eius causâ Mundum relinqueretis, nunc autem credere non potestis, illi curam esse de vobis? *qui dat inuentis escam ipsorum?* Non sinet filios fame emori: quod vos ipsi hodie abunde experiemini. His acriter dictis, videri desijt (cælestis quippe Genius erat) fiduciâ magnâ in animis eorum relictâ. Prosequuntur igitur viam, & in pagum proximum, eumque haud magnum aut nobilem declinant; ingrediuntur in templû, orant; orantes loci sacerdos comiter inuitat, domumque suam ut visant, rogat. Dum eunt, obuius miles, suos vult esse conuiuas. Oritur piû certamen. Negat se id passurum sacerdos, sibi iam condixisse dictitans; se iure esse priorem. Miles, contra hoc, vim ostendit;

VII.

Pl. 146.9.



dit; &, iniecta manu, innocentem facere rapinam laborat. Hac controuersia diu agitata, superuenit diuina prouidentia dirigente. Oppidi Dominus, litemque dirimit, ductis in suam domum, laetæque habitis & Religiosis, & milite, & sacerdote. O quam rara hæc lis est, quantò potius nunc homines auari, eiusmodi hospites solent à se ad alios deriuare, quàm, exemplo Abrahæ, obuiam procurrere, atque ad se trahere! quoties, negant se esse domi, cum tales aduenæ fores pultant? Neque idcirco diffidentum, quia nouit Deus, in cuius manu sunt corda hominum, etiam deparcos Eucliones, ad succurrendum suis, commouere. Quod eò illustrius est opus; quemadmodum & mirabilius est, è pumice, quàm è fonte, aquam elicere.

## VIII.

Pl. 54. 23.

De D. Francisco scribitur, eum, quoties suos aliò amandaret, nullum illis aliud viaticum dare consueuisse, quàm illud Psalmi: *Iacta super Dominum cogitatum tuum, & ipse te enutriet*: cuius versiculi fides, instar omnis peculiæ erat. Accidit, vt duobus ab eo peregrinatum missis, diemque iam ferè totum via inediaque confectis, vires deficerent, quin vt & stipe ostiatim flagitata, nihil à quopiam mortalium porrigeretur. Quàm prouum est, tali tempore, homines fieri subtristes & impatientes? Quàm facile sollicitudo futuri & præsens inopia confidentiam labefactat? Et tamen, in his ipsis viris, pusillanimitatem Deus censuit castigandam. Misit igitur ex astris adolescentem ipsis astris formosiorē, qui, interrogatà causâ, ob quàm adeò deiectionis animis essent, binos eis panes exhibuit; quibus dum illi assidentes humi suauissimè vescerentur, capit eos asperis verbis castigare: *Homines, inquit, modica fidei, cur diuina cura iam diffidebatis? Non vobis in mentem veniebat verborum illorum Prophetæ, quæ tam sæpe vobis S. Pater vester inculcauit; Iacta cogitatum tuum in Domino, & ipse te enutriet, cum eius videlicet bonitas ne bestiis quidem agri desit? Quamobrem, hoc scitote, nullam ob aliam causam distulisse Dominum opem suam, nisi vt fame ipsa diffidentiam vestram puniret.* Dixit hæc, & complura alia talia; vbi loqui cessauit, cessauit pariter etiam conspici. Satis illi fuit, cum corpore mentem etiam illorum pauisse. Nos quoque inde pascamur, neque statim animis concidamus, si non illico manna è cælo cadit, aut è nubibus nobis aduolant coturnices.

Pl. 102. 13.

Illo nos solemur, illud identidem animo voluamus: *Quo modo miseretur pater filiorum, misertus est Dominus timentibus se: quoniam*

ipse

ipse cognouit figmentum nostrum. Scit ergo nos indigere; &, tanquam pater, non sinit indigere, ad desperationem. Miseretur, ut Pater; iuuat ut Dominus; præuenit, ut Deus.

Narrat è Cyrillo Baronius, An. Seruatoris 513. in Laura, monachis sub Saba degentibus adedò aliquando victui necessaria defuisse, ut ne quidem panis suppeteret Missæ sacrificio peragendo. Is, qui penum ex officio curabat, monuit Sabam, imminere diem Dominicum, neque præsto esse panem, qui posset in Christi corpus consecrari. Nihil ea inopia Sabam turbauit; iussit insuper sacra fidenter & sperari, & apparari. *Est fidelis, inquietabat, qui iubet crastinum manere liberum à sollicitudine, quod attinet ad usum corporis.* Nondum aduenerat Dominicus dies, & ecce adfuerunt quidam facie incogniti equisones, cum triginta iumentorum onere. Onus autem erat frumentum vinum, oleum, & alia monachis idonea ad alimentum; adedò copiosè congesta, ut Laura capere vix posset. His illatis, anxio monitori suo dixit Sabas: *Quid ais Sacrumne dimitemus ministerium?* Qua voce ita perculit diffidentis animum, ut in genua procumbens exiguæ suæ erga Deum confidentiæ veniam, cum lachrymis, flagitaret. Igitur & tu, Lector, quid in te stas, & non stas? Proice te in eum; noli metuere, non te subtrahet, ut cadas, aut fame pereas. Quoties expertus es illius opem, cum non videres, unde iuari posses? Ne igitur imposturum diffidas, quia experientiâ sperare didicisti.

De sanctissimo nostri ordinis Fundatore Ignatio Loiola, in vita eius hæc scribit Ribadeneira. Atq; in hac firmissima in Deum spe, pecuniæq; despicientia, Ignatii altitudo animi multum excelluit. Errat enim voluntate, reg; pauperrimus: animo, Deiq; fiducia opulentissimus. Quapropter nullum qui ad institutum nostrum aptus, vocatusq; à Deo videretur, à Societate unquam exclusit, propter nostrarum rerum tenuitatem. Illudq; frequenter usurpabat, nos quidem Deo seruamus: ille certissimè reget nos, & nihil nobis deerit. Iactemus cogitarum nostrum in Dominum, & ille nos enutriet. Speremus in Domino, & faciamus bonitatem, & pascemur in diuitiis eius. Et cum quidam non ex externis modo, sed etiam ex domesticis vehementer mirarentur, quia fretus spe, tam multos Ignatius nullis certis redditibus fultus Roma haberet, quibus alendis magna facultates vix sufficerent, idq; familiariter ex ipso quærerent: an nescitis (inquit) quantas vires spes in Deum habeat? vel ignoratis, parum illi esse loci, ubi omnia abunde suppe-

IX.

Baron. t6.6.  
An. 513. &  
Cyrill. in vita Sabæ, apud Sur. 5. Decemb. Matth. 6.

S. Augustin.  
lib. 8. Confess. c. 11.

X.

Petr. Ribaden. l. 5. vitæ S. Ignatii. c. 9.



tant? Quae explorata si essent, & manu tenerentur, ubi nostra esset in Deum spes? spes enim quae videtur, non est spes. Nam quod quis videt, non sperat. Atq; ita sanè eueni sapissime, ut nostra paupertas ex spe contra spem sustentaretur: eiusq; reimulta sunt, eaq; clarissima exempla, quae si persequi omnia velim, longus nimis sim; pauca tantum, subyciam, ex quibus similia intelligantur. Quo tempore bellum inter Paulum III. Pont. Max. & Philippum Regem Catholicum gestum, est, magna erat in urbe annonae caritas, & domi nostrae rerum omnium penuria: itaq; nonnulli ex nostris suadebant Ignatio, ut familiam suā, quae Roma erat, diuideret, & partem nostrorum ad alia collegia, ubi commodius ali possent, amandaret. Ignatius uero, hoc ipso tempore, Antonium Labacum Architectum apprime nobilem atq; excellentem, qui filium habebat in Societate, ad se accersiri iubet, cum eo, de solo eligendo ac designando, & duobus Collegijs Romano & Germanico edificandis, agit diligenter, iubet vii formam, exemplarq; delineet, rationes sumptuum subducatur, ac rem totam perscribat. Atque hoc facto declarauit Ignatius, illa Dei opera altissimis fixa esse radicibus, & supra eam petram esse fundatam, quae neq; imbrium vi, neq; fluminum exundatione, & concursu obrui possunt, neq; ventorum impetu labefactari. Post exempla subiecta, quae supra retulimus, sic pergit. Quotidiana experientia Ignatius confirmator, & in dios singulari in Deum spe credior euadebat, cum tot argumentis disceret, se, suosq; illi cura esse: & ubi maiores rerum ad vitam necessariorum angustiae timeri poterant, ibi diuinam providentiam largius omnia suppeditare, & benignius sibi praesto esse. Illud praeterea, quod fuit maxime insigne, & Romae nostris omnibus vulgatissimum, addendum puto, Anno salutis nostrae 1555. 16. Septemb, Ioannes Polancus pecuniam, ad sumptus collegij Romani necessarios, neq; mutuam, neq; feneratoriam, nec ulla alia ratione diligentissime conquisitam inuenerat. Rem ad Ignatium plasi diffinè detulit. Ille uero in cubiculum se abdidit, orationi se dedit, Deum precatus est, ut presenti subueniret inopie. Post orationem Iacobum Laynem, Christophorum Madridium, ipsum deniq; Polancum ad se vocat, ipsis, quid à Polanco acceperit, exponit, seq; rem totam Deo commendasse ait, & se quidem neq; prophetam esse, neq; filium prophetarum, sed tamen pro certo habere, Deum rebus providentissimè consulterum. Et ad Polancum conuersus: Tu (inquit) Polance, in sex proximos menses Collegij ros curato, & illi sumptus necessarios suppeditabo, ego te istarum rerum cura postea liberabo. Permirum fuit eo ipso die,

die, qui tamen iam vergebat in occasum, duobus ex locis, ab hominibus nostre inopie, atq; difficultatis ignaris, sponte pecunia missa est, qua ex illis tunc angustis exire licuit. Profectus sum ego Octobr. mense proximo in Germaniam inferiorem, & mense Martio in sequentis anni 1556. cum sex mensium spatium ab Ignatio desinitum, aut effluxisse iam, aut appetere videretur, Romam ad Marinum Olaviu[m] scripsi, me ut de rei exitu faceret certiore[m]. Ille verò rescripsit, pridie eius diei, quam à me literas accepisset, magnam pecunie summam, elemosyna nomine, Romam nostris allatam as alienum penè dissolutum, Polancum illa anxia rerum necessariorum cura liberatum, solutioris animo esse, res omnes fluere, & supra opinionem omnium, quàm unquam antea copiosius abundare. Itaq; verba Ignatii reipsa & felicissimo successu adeo esse comprobata, ut ipse maiora miracula non requireret ad habendam fidem Ignatio: sed cœleste tantum lumen, quo illustratus mentis oculis videret, quæ corporeis oculis cernebat. Hæc de S. Ignatio Ribadeneira, compluræque, eodem loco, commemorat illustrissima fiduciæ eius erga Deum exempla, quæ omnia repetere, prolixum esset. Est in manibus author. Ad alios, & alia propero prodigijs plena & documentis.

Fons quidam perennis miraculorum erat Franciscus de Paula, per quem, & in quo, cum monasteria ædificaret, diuinam suam protectionem illustrissimè Superi ostenderunt. Superant fidem humanam, inquit vitæ illius scriptor, quæ Angelorum haud dubiè ministerio in Paulani conventus fabrica visa sunt miracula, nihil illis aut frequentius, aut incredibilius, nam onera graua facili negotio, virtute diuina traherantur & veherantur frequentissime, & collis vicinus, qui Dormitorio extruendo officiebat, ad nutum sublatus est in alium locum; alius verò qui imminabat, facto crucis signo, medio in aëre suspenditur, & verbo eius sistitur, fons solo erumpit ad operarum usum commodiorem. Calx non sine miraculo effossa terra producit. Fornacem frequentius succensam, in qua calx decoquebatur, ille sus ingreditur, & egreditur, ut periculo quod ingruerat paupertati tanti viri, sese opponeret innocentia & sanctimonia. In huius porro miraculi quod vulgatissimum est, monumentum, eò loci visitur sacellam, illincq; tellus educitur, è qua vasa opere figulino composita per vniuersum orbem deferuntur, ad febrium aliorumq; morborum presentissimam medelam. Nec vno, aut altero tantum exemplo compertum habemus ignis erga Francisci castimoniam obsequia. Nam titiones extinctos accendit,

XI.

Franciscus  
Victor. in vi  
ta & mirac  
S. Francisci.  
à Paula. c. 6.  
lib. 1.



cēdit, cibos sine igne excoxit, manus in ollas & lecyros olei feruentis illasus immisit, lapides calcineos candentes è fornace eduxit, lateres & saxa in ignem iniecta & calore rubentia, è facio in vas, in quo infirmus la-  
nandus erat, balneūq; satis dissitum loco, instar rosarum, gestauit, nu-  
dis pedibus ignem periculosè spineta inuadentem compressit & extinxit,  
nudis etiam manibus, plantisq; succensus prunas protriuit, lampadesq;  
ac cereos sine lumine accendit. Calum è fornace candentem manibus il-  
leis eduxit, & contrectauit. Accidit aliquando vt faber ferrarius B.  
Francisco quicquid ferri ad Conuentus fabricam desideraretur, pollice-  
retur, dummodo carbonem subministraret. Conuentione istiusmodi  
habitā, lignorum struem in fossa profunda occludit igne supposito. Cum  
autem ignis superpositum aggerem inuaderet, accurrat Franciscus, & pe-  
dibus nudis flammās erumpentes retundit, donec vnus è Fratribus ter-  
ram detulisset, qua hiatus oppleretur. Narrabo aliud factum. Qui-  
dam ex operarijs ficus furto sustulerat. Coniectabant pleriq; vnum  
quempiam ex omnibus. Negabat ille acriter. At Franciscus tot repe-  
titis mendacijs offensus, imperat ollam feruentem adferri, in quam nudus  
brachium primum immisit, deinde Latomo, quem coniectabat furem,  
dixit, fili si furti non es reus, polliceor, te diuina ope manum tuam ex  
aqua, quemadmodum ego ipse, educturum in tua innocentia experimen-  
tum. Verū ille male facti conscientia tactus, non est ausus eiusmodi  
periculum facere, maluitq; furtinum obsonium profiteri.

## XII.

Idē author  
Lib. 2. c. 1.  
Eod. lib. c. 4.

Maiora adhuc recensentur infra, quæ Paterni, in ciuitate  
Calabriæ, gesta sunt, dum altera fabrica, construeretur. E quibus  
sufficit ea, quæ huc spectant, apponere. Quid memorem? inquit  
author, quoties suos operarios dapibus cœlestibus, & non alia ratione,  
quam Angelorum ministerio comparatis, aut miraculo multiplicatis  
aluit? Sane quidem processus ad canonizationem Neocastrensis memi-  
nit Angeli missi à Christo IESV ad S. Franciscum, vt deferret frustu-  
lum panis, & vini amphoram, quibus reficerentur conducti ad ligna in  
quodam monte comparanda, operarij. Verū quod in eo miraculo om-  
nibus omnium oculis, & sensibus subiectum est, inuisibili angelorum ope  
perpetratum credimus, in ijs quæ subijciuntur exemplis. Nam primo  
omnium, ter mille viros, aut mulieres, qui Paternum visendi Thaum-  
turgi gratia confluerant, vnico panis cophino, atq; vini amphora ad  
satietatem refecit: cum tamen postea idem cophinus, eademq; amphora  
intacta remanerent. Altera autem die, cum quendam ex fabris osten-  
disset proferens ficum vnā (quanquam alij restim ficum dixerunt)  
infit.

infit. Putasne me tibi & socijs tuis, ex hac sicu partem aliquam dare posse? cui iste rarus impossibile factu, subridens: at mi Pater, inquit, si totam distribueris, quid tibi cedit? Respondit S. vir, gratia DEI, Charissime, qua non deest inquirentibus eum toto mentis affectu. Igitur ficum istam viginti operarijs diuisit, cum ea singulorum admiratione, ut omnibus abunde satiatis, ficus prae manibus superesset. Idem narratur de trecentis hominibus, qui operam nauabant aqua ductui Conuentus excanando, paucis ficibus ita refectis, ut superessent. Præterea viginti numero fabros lignarios, quos cadendis in silua lignis adduxerat, vno pane, viniq; amphora totam diem aluit, præter omnium expectationem, qui antequam è Conuentu migrarent, conuesti fuerant, quod parcè nimis singulorum educationi prospectum fuisset. Ad hoc memorandum est, quod in litteris Vincentij Carafe Comitis ad Leonem X. atq; alibi consignatum est, innumerabili hominum concursu confluyente, è cophinis panis intacto, & vini cado inexhausto omnes comedisse & bibisse. Eratq; istud miraculi genus valde familiare S. Patri Thaumaturgo: Nam de eodem vini dolio, à mense Aprili, ad mensem Septembrius, ab omnibus operarijs, & innumeris, qui Paternum confluebant, potatum est. Fabarum item parua mensura per multos menses non deficit, vinum, lactuca, & frustulum panis multiplicantur, cistula pomorum oblata à paupercula ducentis hominibus ita diuisa est, ut singulis pomum vnum cederet. Deniq; in apparata mensa Guilelmo Oecono, & Præfetto domus Illustrissime D. Marchionissa de Polixena, nec piscis miraculo expiscatus, nec panis, nec vinum à comedentibus minui visa sunt. pluraq; alia ex altis ad canonizationem colligere est, qua noster scribendi stylus contrahit breuitatis desiderio. Hæc de S. Francisco Paulino.

Aliquando autem Christus, panem, aliquando vino; aliquando sua manu, suos pascit, aliquando aliena. Nota etiam in pueros est S. Othmari laguncula. De S. Felice Nolano à Ribade-neira hæc memorantur. Postquam (sicut olim D. Petrus ex Herodiano carcere) ab Angelo è vinculis eductus ad montem peruenit, in quo S. Maximus Nolæ, in Campania, Episcopus, vitatis persecutoribus, fame confectus frigoreque rigens in niuoso solo iacens mortuo, quàm viuus, similior, vix spirabat; illico super eum se, Prophetæ instar, iaciens manus manibus, pedibusq; pedes; & os ori cōposuit, ut regentia membra calore pariter corporis foueret & charitatis. Tamdiu ita iacuit, donec & ipse algeret: ne quo tamen se aliquid proficere vidit. Itaque in preces & genua-



Matth. 7. 19.

se erexit, Deumque incensissima oratione etiam atque etiam ro-  
gitauit, vt extremè affecto seni succurreret. Vide mihi vim pre-  
cum, & virtutem prouidentis Dei. *Nuncquid colligunt de spinis vnas,  
aut de tribulis ficus?* dixit Christus, naturæ indolem ingeniumque  
declarans. Atqui hîc Felix, pro Maximo, Deum precatus, de  
vicino rubo, piçtissimè liuentem conspexit pendere vnam. Eam  
igitur, quasi demissum cœlo munus, carpens digitali prælo domuit  
expressumque ori senis mustum instillauit. Quàm primum semina-  
nimis Præsul ætherio depromptum cado falerum libauit, vimque  
eius in venas admisit, velut à morte reuocatus, aut alto experre-  
ctus sopore, cœpit grauatos diu oculos aperire, Numinisque be-  
nignitatem rediuiua voce laudare. Nec minor fuit in ipsum etiam  
Felicem Numinis prouidentia. Siquidem postquam Nolam nouus  
Æneas Maximum, tanquam Patrem suum, incedere pedibus non  
valentem, humeris susceptum reportauit, paulò post, noua orta  
est tempestas. Quæbatur tum ab Imperatoris milite Felix, tan-  
quam caput Christianorum, neque in medio foro agnoscebatur,  
postquam ipse de seipso interrogatus, dixit: *Sibi Felicem de facie  
notum non esse* (vsque adeò nunquam in speculo se viderat) eoque  
dicto sese captantium è manibus subduxit. Vt etiam ex oculis  
sese eorum subduceret, latebras circumspexit. Prope erant pa-  
rietinæ, ibi inter rudera sese viuum cogitabat sepelire. Instabat  
fugienti miles, qui intellexerat, eum ipsum esse Felicem, qui cum  
in foro fuerat collocutus. Instantem vbi vidit, inuocata diuina  
ope, non tam in latibulum, quàm in patentem locum intrauit.  
Cœlesti opus erat clypeo. Mox igitur adeò densa aranearum tela  
diuinitus ei asylo est prætexta, vt sequi non posset crudelitas, quò  
se innocentia recepisset. Quis enim sibi persuaderet, opus tam  
citò creuisse aranearum? Pulcherrimè S. Paulinus ait:

*Sic vbi Christus adest nobis, & aranea muro est,*

*Aut cui Christus abest, & murus aranea fiet.*

Multi enim, intra firmissimarum urbium mœnia, non sunt tuti: Fe-  
licem opera aranearum & tenuissimæ telæ defenderunt, sub qui-  
bus utique securius, quàm alij sub Orci galea, Dei seruus latitauit.  
Felix vbi delusos spe sua venaticos canes animaduertit, ad Deum  
conuersus,

conuersus, Et si, inquit, ambulauero in medio umbræ mortis, non timebo mala. quoniam tu mecum es; indeq; vt S. Paulinus refert, parietinas interiores ingressus, solidum illic semestre delituit, nulli mortali visus cognitusue. Gregorius Turonensis, ait, eum toto trimestri inibi delituisse. At quis tam strenuum militem, tam piū Presbyterum, toto illo temporis interuallo aluit? Audi miram prouidentiam. In proximo habitabat mulier admodum addicta Deo, quæ Felicis ibi latitantis prorsus ignara, non secus, ac si conscia foret, eodem, quo sanctus erat loco, (quem suum esse penum putabat) in excessu mentis, esculenta vernis suis destinata, collocabat. Quodque mirabile erat, semper ponendorum esculentorum memor, recipiendorum semper immemor fiebat. Ita totius ignara miraculi Felicis nutrix ignotum alumnum sustentauit. Quem, ne potus deficeret, licet sudum cœlum imbres suspendisset, & solum siccitate aruisset, Deus, æthere lactante, refecit. Siquidem adeo vberem de cœlo rorem in veterem, quæ forte, immo consilio Altissimi, ponē aderat, testam depluit, vt omnem illo sitis ardorem temperaret. Nemo de clypeo, nemo de cibo, nemo de potu sollicitus sit. Nouit Deus seruos suos areanarum telâ clypeare; nouit pascere cibus in alium vsum præparatis, sicut Daniëlem alterius Prophetæ messorumque pulmento; nouit rorem in nectar vertere; dummodo illius nos curæ permittamus, neque, contra præcepta eius, de rebus caducis, vsque ad desperationem, solliciti simus.

Neq; arbitrandum est, solis eam viris à Deo potestatem factam. Refert Ioan. Brugmannus, de S. Lydwina virgine, quæ in comitatu Hollandiæ, oppido Schiedamensi, æquè mirè egit, ac passa est, eam erga indigentes maximè fuisse liberalem, quos, si poterat, vel coctis, vel crudis iuuabat cibus; si non poterat, benignitate verborum solabatur. Nouerat pauperum nomina, & habitacula; & quamuis iaceret in tenebris, omnia intueri, omnia distinctè cognoscere videbatur, perinde ac si versaretur inter homines. In pauperum usus iussit, hyeme, sale aspergi carnes, salitas cum pisces coctas illis transmittēbat. Contigit aliquando, vt cum vicinis diuidenda vacca quarta pars ei cederet ad alendos pauperes. Ex ea cum ministræ eius quandam portionem cum pisces coxissent, & triginta domibus inde ad saturitatem distribuissent, quidam ait Lydwina: quemadmodū iussisti, triginta pauperum domibus de carnibus & piscibus tuis ad satietatem

Psal. 22. 4.

Greg. Turonens. l. i. de mirac. cap. 104.

XIV.

Ioan. Brugmann. & ex eo Surius tom. 7. 12. April. part. 2. cap. 2.



tem dedimus, & tamen nihil in olla diminutum videtur. E vestigio illa respondit: Non pro meis meritis, sed pro sua bonitate id fecit Deus. An non ille dixit, date, & dabitur vobis? Comederunt sane ex illis carnibus domestici eius, comederunt aduentantes peregrini, omnes admiratione permoti, manum Domini adesse fatebantur, qua olim vidua farinulam conseruarat. Porro etiam diuites, pra denotione, petebant interdum mitti sibi de buccellis virginis nostra. Illos vero pauperes ante omnes secreto fouere & pascere studebat, quos ex opulenti noverat ad inopiam redactos, & verecundia a petendis eleemosynis cohiberi. Mendicabat autem etiam ipsa, si deessent carnes, quibus inopes reficeret. Orauit quandoq; virum piū, ut si haberet armum porci coctum, mitteret sibi pauperibus imperiendum. Fecit ille, & max sensit quam sit grata Deo manus porrecta ad dandum. Ut enim ipse fassus est, cum paulo post coniecisset oculos eo, unde tulerat armum, vidit alium longe maiorem suspensum. Sciscitatur ex familia, num quis eum suspenderit. Negant omnes: agnoscit donum Dei, sit erga virginem nostram denotior, sit vlt pauperes liberalior. Mulier quadam caduco laborans morbo, saepe in plateis corruerat. Accidit autem, ut magno spiritus angore correpta, in domunculam Lydvina intraret, potumq; sibi dari posceret. Lydvina tum nihil cogitans de exiguo vino, quod supererat, cum sola esset, aquam monstravit foemina, quodam vasculo contentam. Illa totam exhausit, sed sitis extincta non est. Ardet misera, plusque sibi dari petit. Tum Lydvina recordata vini, digito ostendit; atq; illa totum bibit: rursusq; instat pro potu. Sed cum nihil liquoris haberet virgo, dedit ei nummum quendam, ut illo sibi potum emeret; quem illa hilariter accipiens, abcessit. Deinde febribus Lydvinam corripientibus, orat patrem, ut pauxillum vini porrigat, quo labia arentia tingantur. non enim meminit tunc foeminam morbidam vinum omne epotasse. Porrigit pater poculum filiae, unde illa mulier biberat; & ecce, plenum est optimo vino, diuinitus in illud infuso. Stupet virgo, sentiens nullum se melius bibisse vinum, nec tamen patri indicat, unde sit, licet & ille stupens admiraretur, neq; colorem, neq; saporem eius unquam perire. Tandem cum in vasculo, longo tempore, durasset, cuiusdam foemina incuria effusum est. Per id tempus adhuc parcissime vino utebatur Lydvina: itaq; doluit illud effusum, quod nunquam habuisset sibi accommodatius vinum. Cum enim alia vina sine aqua admixtione bibere non posset, hoc solum purum bibit. Obseruet hic lector humanitatem sancta Virginis, qua e suo poculo iussu foeminam morbo commitali vexatam bibe-

re, Cum

re. Cum frater eius *Vilhelmus* excessisset è viuis; multo ære alieno obstructus, filij eius in magnam inciderunt calamitatem, quam humanitùs euadere vix possent. Tum *Lydvina* illorum miserta, quadam clivodia sua distraxit octo libris eius regionis. Dedit autem negotium *Nicola* cognato suo, ut is è crumena, in quam nummos omnes condiderat, satisfaceret creditoribus. Fecit ille, ut iussus erat, & cum omnibus esset factum satis, quod reliquum fuit pecunie in crumena, ter coram *Lydvina* numeratum est, & tantundem inuentum est, quantum illa primo imposuerat. Illa verò prohibuit, ne cuiquam id indicaretur, crumenamq; illam Domini *IESV* voluit crumenam deinceps appellari. Atq; ex illa & ipsa expendebat in pauperes as liberaliter, & Dominus *IESVS* abunde infundebat. Quibusdam specialibus amicis aliquando ex ea percunctantibus, quantum ex illa crumena post obitum fratris sui *Vilhelmi* distribuisset, sic respondit: Quandoquidem video non latere vos donum Dei, pro certo confirmo, me de illis octo libris plus quàm quadraginta libras in pauperes erogasse, præter eas, quibus dissolvi as alienum fratris mei. Sex annis ante obitum virginis multis modis ex ea pecunia datum est pauperibus, & illa rursus diuinitus aucta. Post decessum virginis, dimidia pars pecunie in eadè crumena reperta est. Quidam etiam eius aurei nummi coram tribus fide dignis viris numerati, illis stupentibus, visibiliter aucti fuere.

Vt famelicis prouidet, sic sitientibus clamat Deus: Omnes sitientes venite ad aquas. Nam & è petra eijcere aquas ictu virgæ potest; (& è nubibus, panem in cibum, imbrem in potum præcipitare. Audite veritatis simplicitatem. Abbas *Gregorius A. nachoreta* narrauit nobis dicens: Cum ex *Byzantio* descenderem, ingressus sum nauim. Intrauit autem & *Scriba* quidam, cum uxore suâ, profecturus ad sanctam ciuitatem, orationis causâ. Erat autem *Nauclerus* religiosus valde, multumq; ieiunans. Cum ergo nauigaremus, scriba serui frustra consumebant aquam. Postquam verò in medium pelagus venimus, defecit nobis aqua; eramusq; in magnâ tristitia. Et erat miserabile spectaculum, videre mulieres & pueros, & infantes siti ærescentes, & velut mortuos iacentes. Cum ergo dies tres in hac necessitate fuissimus, scriba ipse tribulationem non sustinens, educto gladio & nautas, & *Nauclerum* volebat occidere. Dicebat enim: hi sunt nostra perditionis autores, quia non sumpserunt aquam ad sufficientiam. Ego autem orabam scribam dicens: noli hoc facere, sed magis deprecemur Dominum nostrum *IESVM* verum Deum, qui facit magna, & mi-

XV.  
Isa. 55.1.

Pratum spirituale  
Mosis Euirati  
cap. 174.



tabilia, quorum non est numerus. Ecce enim & Nauclerus, ut vides, tertium hunc agit diem, ieiunio, & orationi vacans. Cūq; acquiescisset scriba, quartā diē, circa sextam horam, surgens Nauclerus, clamat voce magna, dicens: Gloria tibi, Christe Deus noster: ita ut omnes mirarentur in voce ipsius. Dixitq; nautis: Submittite membranas. Et cū explicuissent eas, ecce nubes supra nauem veniens, tantum pluit aqua, donec impleuerunt vasa, ad necessitudinem nostram. Erat autem miraculum grande & terribile, quod, velificante naue, nubes illa conse-

Iudic. 6. 38. queretur nos, & extra nauem non plueret. Sic extra vellus olim-

Isa. 44. 3. igitur promissio illa: Effundam aquas super sitientem. Quod, si cui fortē nubes non sufficit, audiat, tota maria dulcedinem induisse,

Mosehus E- uiratus in Prato Spirit. c. 173. ut seruis Dei in potum cederent. Anachoreta quidam erat in parti- bus Iordanis, nomine Theodorus Eunuchus. Hic necessitate quadam compulsus est constantinopolim pergere, ingressusq; est in nauim. Cū vero nauis diutius detineretur in pelago, defecit aqua, erantq; nauta, & vectores in magnā anxietate & desperatione. Surgens autem Anacho- reta & expandens in cœlum manus suas ad Deum, qui saluat de morte animas nostras, factā oratione, signauit mare signo crucis, & ait nautis:

Benedictus Dominus, haurite, quantum aqua opus habetis. Impleueruntq; omnia vasa sua de mari aquā dulci. Et omnes glorificauerunt Deum. Qui utique reduxit prodigium Moysis aquis Mara amaritudinem adimentis. Glorificantes autem Deum compellare fe-

Exod. 15. 13 meritō potuerunt illis verbis: Haurietis aquas in gaudio de fontibus

Isa. 12. 3. Saluatoris; & dicetis in die illa: Confitemini Domino, & innocate no- men eius: notas facite in populis adinventiones eius.

## XVI.

Quid quod Deus, ipsius naturæ ingenio, sicut pluit super iustos & iniustos, ita alicubi pijs pariter ac impijs prodigiosissi- mos fontes sinit perennare, quibus sitim restinguant? Quippe insula cuidam Canarica, quæ FERRI dicitur, omni aqua dulci desti- tuta subuenit diuina Prouidentia arboris cuiusdam prasidio; cuius ea natura est, ut assidue, instar fontis, dulci humore stillet, qui hominibus & pecoribus ad potum sufficiat. Nimirum omnia vbique subsunt, Deo; si vult, ex ipsis ignibus potest aquam producere, ex aquis ignes.

Leon. Les- sus lib. 1. de Prou. Num. rat. 5.

Quis querat in arbore Nectar?

Sed Deus ibi potest reperire. Sicut fit, apud Sinas, vbi ex arbo- rum fo.

rum folijs vina dulcissima exprimuntur. Dummodo nos Deum timeamus, *Non est inopia timentibus eum*. Potest è maxilla, imò è dente fontem prolicere, vnde Samsones bibant ad satietatem; imò & ad voluptatem. Nam & illa aqua, quæ, ad virgæ ictum, imò nutum, de petra, saxoque durissimo, profiliit, olei. & mellis dulcedinem præbuit gustantibus. Ita olim populum suum constituit super excelsam terram, *ut comederet fructus agrorum, ut suget mel de petra oleumq; de saxo durissimo*. Nemiſe, qui in Nuptijs, ex aqua vinum optimum fecit, facere etiam potest, ut ipsa aqua mellis gustum adipiscatur. Cum filijs Belial, cum noctes diesque per græcantibus Apicijs, cum sagis & magis nocturnâ vecturâ in cellas alienas, & ad dolia non sua peregrinantibus, etiam vinum Creticum in absynthium vertatur, & sit *De vinea Sodomorum, vinea eorum, & de suburbanis Gomorrhæ: uua eorum, uua fellis, & botri amarissimi. Fel draconum vinum eorum, & venenum aspidum insanabile*. Amara enim conscientia, etiam ex Massico, aut Maronæo vino absynthiacum producit; ut etiam hîc cõgruat, quod de graphio Symposius Poëta dicit:

Pf. 24. 14.

Iudic. 13. 19.

Deut. 32. 13.

Ioan. 2.

Deut. 32. 32.

Sympos. in  
Ænigm.

*Alterâ pars reuocat, quidquid pars altera fecit.*

## CAPUT XVIII.

*Aliunde desertis Dei seruis, etiam delicias apponi.*



On Christo tantum, in deserto, Angeli ministrant, sed etiam ipse Christus Angelis, hoc est, hominibus in deserto, more Angelorum, viuentibus. Pauit enim quinq; panibus quinq; virorum millia; imò plura postea millia Eremitarum. Neq; tamen putandû est, eos, quos etiam miraculosè sustentat diuina prouidentia, aut solo pane hordeaceo, aut sine dulcissima iucunditate semper sustentari. Sicut Christus, præter panes, etiam pisces apposuit suis, conuiuis, in deserto; ita subinde etiam alijs sanctis delicias fugientibus delicias facit. Docet enim Ferrariensis, ea, quæ à Deo sunt, immediatè, perfectiora esse his, quæ sunt à Deo, mediante natura. Sicut ergo olim manna omnem suauitatem saporis continebat,

I.

Ioan. 6. 11.



Psal. 33. 9.

Serm. de  
Epiphan.

## II.

Palladius  
cap. 77 hist.  
Lautiacæ.

nebat, quod nulli naturali cibo contigit; ita vinum in Nuptijs à Christo ex aqua factum, fuit præstantius quouis vino naturali. Pari pacto tradit Ferrariensis, panem in deserto, piscèsque Christi potestate multiplicatos, longè fuisse gustus delicatioris, nobiliorisque, & habuisse vim cibi pariter & potus. Quod postea sapius contigisse, vt dulcedinem Dei gustarent homines, exemplis docebo delicatos; vt ne istam quidem habeant aduersus Deum excusationem, &, quia gustum sequuntur, vel dulcedine trahantur. Hoc enim hamo vsus est etiam ille, qui dixit: *Gustate, & videte, quoniam suavis est Dominus. Quid idè dicit, ait Emissemus quia amor Dei, quantolibet ardore quasiis, etiam magis ac magis fitim inflammat. Vnde & de seipso dicit: Qui edunt me, adhuc esurient, & qui bibunt me, adhuc sitient. Gustent ergo, vt videant suauitatem; edant, vt esuriant; bibant, vt sitiant fontem salientem in vitam æternam; quicumque suauitatem sequuntur.*

Apud Palladium Helenopolitanum Episcopum, Posidonius Thebanus hæc ipse de se narrat: *Cum habitarem in loco Porphyrite, anno vno, toto anno, nullum hominem conueni, non audui sermocinationem, non panem tetigi, nisi si quando paucis uterer dactylis, & sicubi herbas inuenirem agrestes. Quo quidem tempore, cum mei panes, aliquando defecissent, egressus sum è spelunca, vt venirem in orbem terra habitabilem, & cum toto die ambulassem, vix aberam à spelunca duo milia. Cum ergo circumspexissem, video equitem militis habitum præferentem, habentem in capite galeam tiariferam: & cum coniectassem, enim esse militem, profectus sum vsq; ad speluncam, & inueni canistrum uuarum, & ficum nuper decerptarum: quod cum accepissem, latus rediui ad speluncam, habens duobus mensibus, cibos illos ad meam refectorem. En vt etiam obsonijs suos recreat cœlestis Pater! Ficus in Paradiso, ad delicias ereauerat (quod vel è folijs ficus intelligimus, quæ primi parentes consueverunt, vt facerent sibi perizomata) nunc è Paradiso per Angelum ficus mittit in eremum. Post diluuium, Noe cæpit exercere terram, & plantauit vineam, vt vinum biberet cum iucunditate; en sine vinea vuas Angelus, non iam Christo, sed Posidonio, in deserto ministrat. Quid debuit ultra facere, etiam illecebris Deus homines allicit, ad sibi seruiendum. Cur non sequerentur? vel ad pictas vuas etiam aues aduolarunt; ad veras vuas homines, satis alioquin appetentes vini, se non sinunt inuitari.*

Abbas

Abbas Hellen, de quo Ruffinus ac Palladius meminit, idem expertus est. Cum enim aliquando panes ei defecissent, in spelunca, Angelus, in figura fratris eius, attulit nutrimentum. Rursus autem ipsum aliquando quærentes fratres decem numero, errabant per solitudinem, septimo iam die, ieiuni permanentes. Cum vero eos inuenisset, iussit in spelunca refici; illi vero eum victus admonuerunt. Ille, qui nihil habebat, quod eis apponeret, dixit eis: Potens est Deus mensam parare in deserto. Statim autem quidam adolescens, pontone, ipsis orantibus, pulsauit fores. Cum autem aperuisset, viderunt adolescentem habentem magnam sportam panis & oliuarum. Ijs autem susceptis, comederunt, Deo agentes gratias, cum adolescens statim euanuisse. Vides, præter panem, oliuas? Vis adhuc aliquid dulcius? Audi eundem Palladium, de eodem Hellene. Abijt in desertum, atq; ibi, tanquam pro concupiscentia carnis punienda, ieiunijs semetipsum caput affligere. Tertia autem septimana ieiunij sui, vidit in deserto iacere diuersa poma sparsa: & intelligens dolos inimici, ait: Non manducabo, neq; contingam, ne fratrem meum, hoc est animam meam scandalizem. Scriptum est enim, quia non in cibo solo viuit homo, sed in omni verbo Dei. Cùmq; & sequenti septimana ieiunaret, paululum in somno deductus est, & ecce Angelus Domini astitit ei, per visum, dicens: Surge iam, & qua tibi apposita inueneris, nihil dubitans vescere. Surgens autem, vidit aque fontem lenibus repletum fluentis, eiusq; ripas in circuitu herbis quibusdam teneris odoratisq; prætextas. Et accedens decerpere capit, & edere, similiter & ex fonte poculum sumere. Confirmabat autem, se nunquam in omni vita sua tanta dulcedinis aliquid, & tanta suauitatis hausisse. Inuenit autem in ipso loco etiam speluncam quandam, intra quam aliquandiu quieuit. Et cum reficendi corpusculi, tempus & necessitas adfuisset, per Dei nihilominus gratiam nihil deerat eorum, quæ poscebat à Domino. Quid iam volumus amplius? pascit suos Deus; & nectare atque ambrosia pascit, si necesse est. Quid alibi delicias quærimus? quæramus ibi, vbi est torrens voluptatis. Vna ex hoc torrente gutta, totis fluuijs Mundi antecellit.

De Israëlitis ait Scriptura: Angelorum esca nutriuisti populum tuum, & paratum panem de caelo præstitisti illis, sine labore, omne delectamentum in se habentem, & omnis saporis suauitatem. Substantia enim tua dulcedinem tuam, quam in filios habes, ostendebat: & deseruiens vniuscuiusq; voluntati, ad quod quisque volebat, conuertebatur.

III.  
Ruffin. lib. 2.  
cap. 11. Pal-  
lad. 59.

Ibid.

IV.  
Sap. 16. 20.



tur. Itaque manna illud, mellis in aliorum palato, piperis in aliorum, in aliorum piscis, in aliorum carnis, in aliorum melopeponis, aut alterius suauissimi fructus saporem efficiebat. Renouatum est hoc miraculum non semel tantum, apud Christianos; Deo suis providente, & tanquam paruulis lac aut melimela dante. *Nam pueris melimela damus; & crustula; elementa velint ut discere prima.*

Horat. lib. 1.  
Sat. 5.

V.

Pallad. c. 46.  
& seq. in  
Laufric. hist.  
qui vixit An.  
390. tempo-  
re S. Hiero-  
nymi, quem  
etiam citat  
Epiphanius.  
ad Io. Hie-  
rosolymita-  
num,

Matth. 4.

1. Cor. 10. 12

Dulcissimi eiusmodi panis & accepti, & perditum meminit etiam, apud vetustissimum authorem Palladium, in Laufric. historia, Ioannes Thebaidis clarissimus illustrator, his verbis: *Fuit quidam monachus, (imitatione Christi, ad ieiunandum, in deserto secedentis) qui in eremo hac, quae praeter ceteris interior est, habitabat. Hic dum plures annos in abstinentia perdurasset, & praeiectus tempore, prope iam ad senilem venisset aetatem, omni virtutum flore adornatus, ac totius continentiae magnitudine sublimatus: cum orationibus & hymnis sedulo Deo seruaret, tanquam emerito militi suo Dominus remunerationes parat, utpote qui in corpore adhuc positus, ad instar Angelorum incorporea vita fungeretur officijs, & dignum iudicans annonam caelestem praebere in deserto ei, qui caelestem Regem per uigiliis praestolabatur excubijs. Quod & Christo factum est, cui, postquam 40. dies ieiunauit, Angeli, cibos utique esurienti, ministraverunt. Volens ergo Deus, qui olim, in deserto Israelitis e nubibus; Elias, per coruum, panem suppeditauit, etiam in hoc saeculo remunerare eius Monachi fidele propositum, ad prouidentiae suae sollicitudinem quotidiani victus eius reuocat curam. Ut enim ei cibi usum proposuisset naturae necessitas, ingrediens speluncam suam inueniebat mensam panem superpositum, mirae suauitatis, omnes mundi delicias superantis, mirae candoris: ex quo refectus, non surrexit ludere, non saltare & choreas ducere, non poposeit fritillos; sed, in exemplum, eorum, qui saturati & saturandi Deum laudant, gratias diuina praestantiae referens; rursus ad hymnos & orationes conuertebatur. Ad quem diuina etiam reuelationes, multaque, de futuris rebus, a Deo praeamonitiones fiebant. Quam bene monuit Apostolus: Qui stat, videat, ne cadat? Siquidem etiam sanctissimi viri nonnulli, diabolo tentante, ceciderunt. Quod etiam huic eremicoe accidit. In his enim talibus & tantis profectibus positus, quia sibi placere ac gloriari quasi de meritis suis coepit, & caelestis beneficii munus, vitae suae debitum dixit, laxatae sunt tentatori habenae. Qui, ut mille artifex, quasi tenui terebra, initio paruum, ac sensim maius foramen facturus, ab exigu-*

guis censuit ordiendum. Itaq; continuo subintrat eum parua quadam  
desidia animi, tam parua, quam nec posset aduertere. Post hac (ut  
sensim & per gradus iretur) creuit maior negligentia, ita ut tardior  
iam fieret ad hymnos, sed & ad orationem pigrinus surgeret; psalmi  
quoq; ipsi non ea, quā prius, vigilantia ab ipso canerentur, sed ubi parum  
quia exhibitum fuisset soliti ministerij, anima eius quasi nimio labore fa-  
tigata, requiescere festinabat: quia sensus eius reprobus effectus, de sub-  
limioribus ad inferiora ceciderat, & cogitationes sue per diuersa eum,  
precipitia rapiebant. Erat enim iam in corde eius clandestina quadam,  
turpis ac nefanda cogitatio, consuetudo tamen prior; velut si decursus  
aque, etiam cessante remigio, adhuc priore impetu nauigium ferat, ita &  
vetus institutio ad consueta hominem officia trahebat. Ob quam caus-  
sam & stare adhuc in suo statu videbatur. Hic ergo, cum post orationes  
cibum solito requisisset ad vesperam, ingressus locum eum, in quo refici  
confuebat, inuenit solito panem mensa superpositum, ex quo refectus,  
nihil eorum, quae in corde suo versabantur, emendatione curauit, neq;  
immutationis suae damna persensit, sed spernentem se minima, paulatim  
casurum non intellexit. Interea, cum graui iam libidinis incendio sti-  
mularetur, & inflammatus turpi concupiscentia raperetur, rursus ad  
saeculum, illa interim die cohibuit se, & solita hymnorum & orationis  
ministeria ex more persoluit, atq; ingressus ut cibum sumeret, panem  
quidam inuenit mensa superpositum, sed aliquantulo sordidiorē; ad-  
miratus est, & tristis effectus; intellexit enim quod ipsum respiceret, hoc  
genus monstri, tamen cibo sumpto refectus est. Post diem tertium tripli-  
catis urgeri stimulis cepit: occupauerat enim cogitationes eius quasi iam  
presentis, & secum posita, secumq; accumbentis imago mulieris, quam  
complecti sibi videbatur, & ad rursus vsus habere substratam. Proce-  
ssit tamen & sequenti die ad solita psallendi & orandi officia, sed stabat  
oculis, & mente captiuus. Cumq; solito ingressus ad Vesperam requi-  
reret cibum, panem quidem inuenit super mensam, sed sordidissimum ac  
aridissimum, & quasi à muribus vel canibus undiq; corrosū. Tunc ille  
ut hoc vidit, ingemuit, & lacrymas fudit, sed non ita ex corde, nec ita  
uberis, quae possent flammam tanti ignis extinguere. Verum tamen su-  
mit cibum, sed neq; quantum volebat, neq; qualem solebat: cum inte-  
rim cogitationes eum, tanquam cohors barbarica, undiq; circumuallant,  
& omni ex parte in eum tela iaculantur, ac vinctum captiuūq; eum  
ad saeculum retrahunt. Exurgens ergo, cepit iter agere noctu, per ere-  
mum, & tendere ad ciuitatem: sed ubi dies facta est, ciuitas quidem



longè adhuc aberat. Ipse verò cum rapidissimo aestu coqueretur, & fatigaretur in eremo undiq; versus, considerare oculis cepit, & requirere, sicubi esset in vicino monasterium: & cum conspexisset fratrum quorundam cellulam, tendebat illuc, ut apud eos requiesceret. Quem ubi adesse senserunt serui Dei, continuo procurrunt in obuiam, & velut Angelum DEI excipientes adorant, pedes lauant, ad orationem inuitant, mensam ponunt, atq; omnia secundum diuinum mandatum complent charitatis officia. Verùm ubi refectus est, & paululum requieuit, ex more quasi ab eruditissimo & opinatissimo patre cœperunt Verbum adificationis expetere, ac monita salutis inquirere. Interrogauerunt quoque eum, quomodo quis diaboli laqueos possit effugere, aut si quando turpes iniecerit animo cogitationes, quomodo depelli possint & abijci. Tum ille, ut compulsus est monita fratribus dare, & salutis eos viam docere, ac de insidijs demonum (quas Seruis Dei intendunt) facere sermonem, illos quidem plenè & sufficienter edocuit, sibi verò ipsi stimulos compunctionis incendit, & in semetipsum regressus ait: Quomodo ego alios moneo, & ipse decipior? aut quomodo alios corripio, qui meipsum non emendando? Age ergo, miser, facito ipse prior, quia facere alios doces. Cùmq; huiusmodi increpationibus uteretur aduersus semetipsum, & intellexisset, se miserabiliter supplantatum, valedicens fratribus, continuo se rapidissimo cursu in eremum dedit, & ad speluncam, de qua discesserat, rediit: prosternens se Domino in oratione, dicens: Nisi Dominus adiuuisset me, paulo minùs habitasset in inferno anima mea. Et iterum: Paulo minùs fui in omni malo; & paulo minùs consummauerunt me, in terra. In hoc verò completum est, quod ait Scriptura: Frater fratrem adiuuans exaltabitur, ut ciuitas munita & fortis. Frater qui adiuuat fratrem, quasi ciuitas firma, & indicia quasi vestes urbium. Post hæc ergo permansit omni vitâ suâ in luctu & lacrymis, videns diuinitus sibi concessum cœlestis, mensæ beneficiû perdidisse: cepit enim in labore rursus & sudore vultus sui manducare panem suum. Conclussit autem se intra speluncam, atq; in cilicio & cinere iacens, tamdiu lugens flensq; permansit in orationibus, donec assistens ei Angelus Domini, diceret ei: Suscepit Dominus penitentiam tuam, & repropitiatus est tibi: sed caue ne ultra elatus decipiaris. Venient autem ad te fratres, quos tu ipse docuisti, deferentes tibi benedictiones, quas suscipere ne recuses, & sumens cum eis cibum, age gratias Deo tuo.

VI.

Multorum fructuum hortus est hoc exemplum. Ex eo decerpi potest cognoscique primò, cura Dei, qua, in deserto, desertos alit,

tos alit. Secundò Dei delicatus amor, delicatissimo pane suos  
 alentis, & velut manna dantis, iuxta illud Psal. 67. *Parasti, in dul-*  
*cedine tua, pauperi Deus.* Tertiò ministerium Angelorum, qui, in  
 solitudine, non Christo solùm, sed etiam seruis Christi ministra-  
 uerunt. Quartò, infelicitas, vt ita dicam, magnæ felicitatis, in ni-  
 miam non rarâ securitatem inducentis. Supra dictus enim Ere-  
 mita securitate periclitatus, & felicitate miser factus est, & cœpit  
 demereri, ipsorum meritorum occasione. Quintò, humani inge-  
 nij virtutisque inconstantia: nam de virtute superbus, virtutem  
 amisit; meruitque cadere, vt humiliaretur, qui stando superbiuit:  
 denique in turpia lapsus est, qui vefcebatur pane Angelorum.  
 Quo exemplo meritò multi mortales deberent fieri cautiore. Si  
 cadit, qui mundum fugit; quomodo stabit, qui mundum am-  
 bit? Si peccat in eremo, ab omni hominum illecebra remotus;  
 quid fiet illi, qui in medijs turbis iactatur? Si labitur, qui in inti-  
 mis solitudinibus se abscondit, vt declinet labendi occasionem;  
 quid ei continget, qui præcipitia vltro adit? Si vincitur à Venere,  
 tam abstinens; quid sperare potest, qui se quotidie ingurgitat,  
 vino, in quo est luxuria? Si non extinguit ignem impurum aqua;  
 an non magis iungentur vinum & Venus? Sternitur sobrietas, &  
 ebrietas firmâ consistet? Decipitur Eremita tam diu multumque  
 exercitatus; quid fraudis non patietur, qui vix scit duos fidei ar-  
 ticulos, in negotio spiritali prorsus peregrinus? Fœdatur in  
 quo omnis virtus fuit; quò non impelletur omni flagitio coo-  
 pertus? Vir tantæ orationis intrat in tentationem; quibus mo-  
 dis tentabitur turpiloquus, detractor, blasphemus? Desertor  
 factus est, qui quotidie manducauit panem Angelorum; quàm  
 constans erit, qui quotidie vel cum diabolis, vel cum hominibus  
 diabolo deterioribus versatur? Illum superbia & libido rapuit,  
 cui Deus arcana cœlestia ac res futuras reuelauit; an parcet ei  
 cui omnes turpitudines instillantur? Nempe hæc est mortalium  
 perniciēs, securi sunt, nec sollicitè ambulant, cum in medio ten-  
 tationum periclitantur. Maxima pars hominum putat se non  
 tentari; cum nemo sit, qui non tentetur. Tentati sunt, in statu  
 innocentia, primi parentes. Tentatus est castissimus Ioseph. Gen. 39.  
 Tentatus est Dauid. 3. Reg. 14.  
 Tentati Petrus, Iudas & om-  
 nes Apostoli: omnes Eremitæ: omnes Religiosi: ipse Christus:  
 & est qui se à tentatione iudicet immunem? Falleris, ô miser.



Matth. 11.

Marci. 5. 9.

VII.

*Tentatio est vita hominis super terram. Omni momento tentatur. Sicut leo rugiens circumit tentator. Sed ita subtilis est, ut laqueum abscondat; ita callidus, ut fraudem astu colat: & ut, qui diu in aquis versantur, non sentiunt se esse madidos, ita qui maximè tentantur, nesciunt, quid sit tentari. Tentari, o infelices, est ad peccatum allici. Cur toties delinquitis, si non allicimini ad peccandum? cur iussi estis orare; Et ne nos inducas in tentationem, si nulla est tentatio? Hostis, ubicunque potest, nocet; & hostis infernalis parceret? Quin neque vnus tantum, sed saepe mille tentant. Vnde quidam interrogatus, quod illi nomen esset, dixit, se vocari *Legionem*. Ita totis legionibus quidam ad superbiam, auaritiam, tentati adhuc se à tentatione liberos arbitrantur. Sextò, Dei leuiter sensimque monentis, & corrigentis magis, quam punientis clementia. Neque enim panem illico subduxit neglegenti, sed minuit, sed minùs condiuit. Septimò, vis diuinorum colloquiorum, paternusque Dei erga filios prodigos ad frugem redeuntis animus. Vbi enim suamet exhortatione motus est desertor, vbi ad poenitentiam ac cellam se recepit, iterum eum diuina bonitas suscepit, & nutriuit, sed iam pane mortali manu confecto, ne diuino prodigio iterum ad insolentiam abuteretur.*

Septimò, in hac etiam historia, tanquam in viuâ quadam imagine, sese intuentur Religiosi, qui, quia corporis sui curam negligunt, merentur curam Dei. An non enim liberrimè vacant, studijs & orationi? an non, dum illis nulla culinæ cogitatio, ne dum cura est, mensam paratam inueniunt? Addo, illis summam esse in pane & cibo suauitatem; ut non ficta pietate, sed verissimo testimonio profiteri possint, plus sibi frugales domi dapes sapere, quàm si splendidissimis Principum epulis adhibeantur. Accedunt suauissimæ illustrationes mentis, & dulcissimi motus animorum; spes certa futuræ retributionis; mirifica vitæ securitas, *quasi inuge conuiuium*. Hæc omnia illi habent: sed multi, sua culpa, vel minuunt, vel penitus amittunt; dum dormire largiùs, orare parciùs, ingurgitare se cibis ac potu intemperantiùs, deferere consuetam virtutum exercitia, fugere solitudinem, quærere humana solatia, sectari alloquia, amare conuenticula; aucupari noua, frequentare profanorum conuentus, amare conuiuia, adire aulas incipiunt. Quantò enim magis dominatur caro, tantò minùs spiritus potest emergere; & sicut qui vili olere repleuit famelicum ven-

cum ventrem, neque ficedulis, neque phasianis aut saccharo potest delectari, cum locus, in sæculo non superfit comedendis melioribus; ita qui mundi filiquis se distendit, non est capax celestis dulcedinis. Ad Deum ergo, atque ad se redeat, qui vult redire ad diuinas voluptates; aut se dignum efficere epulis Angelica manu aut missis, aut paratis: ut dicere possit: *Parasti in dulcedine tua pauperi, Deus.* De filijs Israël dicitur: *Et comederunt de frugibus terra.* Quid sequitur? *Defecitq; manna, postquam comederunt de frugibus terra, nec usi sunt ultra cibo illo filij Israël, sed comederunt de frugibus presentis anni Terre Chanaan.* Sic contingit filijs Dei: manna habent, sed manna subducitur, quando, celestibus neglectis, ad terrena gaudia conuertuntur. Nec enim diuina delectatione dignus est, qui præponit humanam.

Psal. 67. 11.

Ios. 5. 12.

## C A P V T XIX.

*Alia diuina, erga Dei seruos, dulcedinis exempla.*



Nemo queratur de suis temporibus, neque præferat nostro æuo sæcula antiquiora, quasi iam minus dulcis sit Deus, aut non ita beneficus, sed beneficiendo fatigatus. Adhuc idem est Numen, quod fuit semper; adhuc, sicut omni æuo, Mundum gubernat. Primum terræ, hortorum, arborum, agrorum fructibus; deinde piscibus aquarum; tum etiam, auiibus, per aërem, aduolantibus, denique feris domesticisque animalibus alit homines; & quosdam quidem otiosos, quibus quodammodo victum cellus inarata gignit; alios autem manuum labore ac sudore vultus panem vult comparare. Alijs, per amicos, & beneficos, alijs, per piorum liberalitatem mittit escas. Non raro, per Angelos eos, qui Angelicam vitam instituerunt, aut cibis, aut non visibili alimento, alit.

In pueros notum est, quid Nicolao Heluetio, propè nostris temporibus, factum sit. Omnis illi cibus, omnis gustus erat SS. Eucharistia. Nihil esculenti, per tot annos, sumebat, nihil quod vel alere, ne dum delectare palatum posset. Pro nectare & ambrosia fuit.

I.

II.

Petr. Hugo  
in vita eius.



fuit illi Christus. Sed, quia vita illius à P. Petro Hugone nostro copiosè descripta, in manibus est, nolo hîc paginas implere. Satis est, monere, nihil delicatius, dulcius, exquisitius à Deo hominî dari potuisse, quàm filij sui, in Eucharistia, corpus, quod quò sapius dignè, eò etiam suaviùs manducatur; neque nauseatur, nisi à stomacho vitioso, & mel tanquam fel respuente.

## III.

Cæsarius  
Heisterb. l.  
9. c. 39.

Ibid. c. 40.

Iudic. 14,  
Apoc. 5.

Cant. 4. II.

Fœminam cibis humanis pastam, sed diuinis prodigiosè recreatam, sic fide dignus author recenset: *Novi quandam sanctimonialem ordinis nostri, quæ illam à Domino accepit gratiam, ut quando communicat, tantam ex ipso Sacro corpore dulcedinem sentiat, ac si mel reciperet. Non saporem panis, sed mellis, ut dixi, in masticatione, sentit, tota illa die: maximè ante perceptionem cibi corporalis, salivam habens mellis suam. Nec mirum; legitur enim de manna, quod gustus eius fuerit quasi simile, cum melle.* Pergit paulo post author: *Similem gratiam, & fortè maiorem, audiui collatam fuisse domina Alheydi primæ Abbatisse monasterij ciuitatis Westualie. Hæc quotiescung, corpus Domini à sacerdote suscepit, non panis soliditatem inter dentes, neq, panis saporem intra fauces sensit, sed ipsum Sacramentum, quasi fauus mellis, sine masticatione, per guttur eius in ventrem defluxit; Sic, ut mira suauitate omnia eius interiora replerentur. Quando defuncta est, dominus Florentius Abbas de Campo S. Maria, qui pater eius fuerat spiritualis atq, confessor, post sepulturam eius, omnibus, qui confluxerant, eandem gratiam predicauit.* Subijcit his Apollonius: *Si de caduere leonis egressa est dulcedo, non miror, si de corpore Christi, qui est leo de tribu Iuda, dulcedo egreditur.* Et planè non sine causâ dicitur: *Fauus distillans labia tua, sponsa, mel & lac sub lingua tua.* Hanc enim dulcedinem in Sacramento, efficiebat ardor charitatis: Dulcis enim est amor, & omnia facit amanti dulcia; quemadmodum vana amanti amarissimum est Eucharistiæ manna degustare, debet enim alia relinquere, quæ illi, tanquam exfurdato palato, videntur dulciora. Monendi tamen mihi, hîc, sunt simplices, ne putent se sensibilem, in sumendo sacro hoc ferculo, experiri debere dulcedinem. Spiritualis cibus est, & spiritualis dulcedo, hoc est, charitas in eo, coniunctioque cum Deo quærenda est; quam utique significat dulcedo illa, quæ ore percipitur à nonnullis, nec appetenda, si deest; nec, nisi cum magna humilitate, si adest, acceptanda. Solet enim Deus, etiam per corporum sensus subinde animas refocillare: quam ob causam manna de cœlo misit Israëlitis.

Hoc

Hoc pacto, in D. Francisci vitę legimus, Angelum, vnus chordę vel tractu, vel tactu, cor Francisci ita terigisse, vt omnis molestię, quam patiebatur, obliuisceretur. Hoc pacto egit cum Clerico illo, qui ad Claram vallem venit, vt, relictis seculi curis, Deo soli famularetur: Is, quia corpus antea delicatę habere assueuerat, a communi fratrum panę pisisque vehementer abhorrebat. Duo igitur metuebat æquę, famem scilicet, & famis medicinam, refectionem. Noctę ergo quadam cura propemodum tabescenti, Mundi Reparator Christus comparuit, manu tenens frustum eiusmodi panis, quo ceteri solebant vesci Religiosi. Hunc ei porrigens dixit: *Comede panem istum.* Ad quę cum Nouitius responderet: *Domine, nequaquam vesci potui pane hordeaceo, Christus vulneri lateris in panem eundem intinxit, & porrectum comedere iussit. De quo cum gustasset, factus est sicut mel dulcis in ore eius.* Itaq; ex illo tempore, & panem atrum, & fabas, & reliqua legumina, cibosque regulę conformes, quos prius digitis attingere, nausea illi erat, magnā delectatione comedit. Nempe nihil dulce non est, quod sanguine Christi imbuitur: Dixerat olim Deus: *In sudore vultus tui vesceris pane;* salus sudor amarum tunc fecit panem; nunc dulcis Christi sanguis panem dulcem reddit, quem ab illo acceptum, læti edimus.

Venit aliquando populus in Mara, nec poterat bibere aquas de Mara, eo quod essent amara. Et murmurauit populus contra Moysen dicens: *Quid bibemus?* At ille clamauit ad Dominum, qui ostendit ei lignum: quod cum misisset in aquas, in dulcedinem verse sunt. Mara est Mundus, in quo quid non amarum? Venit Christus, & ostendit nobis suę Crucis lignum, dicens: *Iugum meum suauē est, & onus meum leue.* Qui ergo Cruce illius scit vti, suauē iugum facit, & suauē illi est, quidquid est alijs amarum. Salsę solent esse atque amarę lachrymę, sed Cruce sanguinēque Christi dulcescunt. *Dulciores sunt lachrymę orantium,* inquit S. Augustinus, *quam gaudia theatrorum.* Terrenis hominibus mentem leuare, graue est; leue crucis baculo nitentibus. *Orando enim,* ait S. Bernardus, *bibitur vinum letificans, vinum spiritus, quod inebriat, & carnalium infundit obliuionem.* Amatūs & salsus est panis sudore vultus permixtus; sed Crucis lignum in panem missum (non quemadmodum a Iudeis toxicum, quo panis inficiebatur) sed ad Moysis figuram, amaritiem pellit, nectar facit & ambrosiam. Cui enim

IV.

Idem Casarius lib. 4. c. 80.

Gen. 3. 19.

V.

Exod. 15. 23.

S. Bernard. serm. 18. in Cant.



non fiat dulce pati, pro eo, qui ut pati posset, homo factus est? Qui autem vicissim pro eo pati optant, pati gaudent, & spe condiunt, amaritudinem laboris. Immo & Deus illis laborem condit, compensatque, quod tolerant, æternæ voluptatis cogitatione.

VI.  
Cæsarius l.  
8. c. 94.

Recito in hanc rem eiusdem authoris historiam. Ordinis sui cœtum, ait, fuisse Virginum Deo sacrarum. In eo, quæ penû curabat, promi condi loco, ova friga, toto conuentu diuiserat. Dum negotiosa est, dum satagit rerum, vnâ obliuione præterit. Quid illa famelica? num impatiens facta, num ex odio se negligi suspicata est? num cellam execrationibus, forores reliquas Diris impleuit, aut querelis? Nequaquam. Sed negligentia alterius, in suum meritum, vsa; sibi met, quod neglecta esset, gratulata est, Deoque, quasi, ob beneficium, gratias retulit. Adfuit, illico præmium virtutis. Nam summus ille paterfamilias, tanta, os eius faucésque dulcedine compleuit, ut numquam aliquid suauius, in omni vita sua, se meminerit, gustauisse. Neque corpori duntaxat ea data est dulcedo, sed menti insuper deliciæ sese tam infuderunt copiosæ, ut diceret, se omnibus eiusmodi esculentis, vsque ad extremum obitus sui diem, carere velle, dummodo adhuc semel, gaudium animi simile liceret perfructu. O quam verè dixit ille: *Parasti, in dulcedine tua, pauperi Deus!* Qui enim nouit & sustinere & abstinere, qui gaudere paupertate, qui inopiâ delectari, ei Deus & cocus est, & medicus, & opsonator. Ad eò homines paupertate uti ad meritum, vel abuti ad impatientiam, possunt; &, sicut, ex eadem arundine, vel fistula fieri potest, vel sagitta; ut aut canat, aut lædat; ita ex eadem rerum inopia delectari potest quispiam, vel cruciari.

Psal. 67. 11.

VII.

Duo hîc commemorabo, vnum est de simplici, sed pio agricola. Vdalrico nomen est, & eius memoria habetur sancta, in sacello, non procul Abusiaco, intra montium primas fauces sito; ibi, vbi *Iulij* Cæsaris immensus, de rupe, trans Lycum, saltus monstratur. Egrotabat is agricola, media hyeme, cum omnia niuib. cooperta horrerent. Incessit eum alieni temporis cupidus, nempe fraga comedendi. Et illico fraga de niuium candore rubentia reperta sunt. Facit nimirum Deus voluntatem timentium se; & omnia seruiunt illi, qui seruit Deo.

VIII.

Alterum de nostro Petro Canisio, in eius vita refertur. Accidit id ei senio morboque graui, & penè morti vicino. Nam

*cum*

Cap. XIX. Quas dulcedines suis Deus preparet? 179

Cum stomachus iam auersionibus laboraret, sapius à ministro cubiculi f. tigatus, ut significaret, quo cibi desiderio teneretur, auiculam tandem nominauit. Prodyt in forum Oeconomus, nullaq; reperta, tristis domum redijt; cum ecce ad uesperam, aperta fenestra cubiculi, auis quasi diuinitus immissa se nullo negotio capiendam, tantum non ultro offert, & ut Poëta canit:

*Ille ter, illa quater per inane cubile vagata,*

*Ambijt humanas cœna futura manus.*

Quam cœnæ appositæ & parua & unica contentus, nihil præterea gustauit, ille tamen lautè se opiparèq; eo uespere epulatum affirmabat. Sic Deus delicias facit seruis suis. Quin & auicula, ut Poëta de eadem scribit:

*Nusquam alibi Nidum maluit esse sibi.*

*Nec potuit tumulto nobiliore frui.*

Certè, si mentem haberent atque intelligentia prædita essent, & aues, & omnes creaturæ in escam homini datæ, mallent utique bonis in cibum cedere, quàm sepeliri in impijs. Sic enim ad Dei gloriam magis seruirent, & quò ipsæ in se non sunt destinatæ, in Sanctis tamen, Sanctorumque corporibus, per nutrimentum additæ, ad cœlum uenirent; quod utique præoptarent, quàm cum adipatis damnatorum ventribus, æternùm ignominiosissimè & miserimè cremari; sit enim ciborum materia, materia damnatorum.

Ob hæc talia diuinis obsequijs addicti identidem exclamât: *Quàm magna multitudo dulcedinis tuæ, Domine, quam abscondisti timentibus te?* Est enim & magna dulcedo, cum in Mundo vix stilla sit dulcedinis, adeoque parua. Est multitudo dulcedinis & varietas; nam & anima eam sentit, & corpus, & omnes sensus corporis: cum Mundus, quando corpus delectat, animum stimulet & cruciet. Est dulcedo aurium, ut apud S. Franciscum; est dulcedo in gustu Eucharistiæ, in ouis, & fragis, in auib; in pane, diuino sanguine tincto. Magna ergo multitudo dulcedinis diuinæ; parua & rara dulcedinis mundanæ, vel potius nulla; siquidem, quam parit, extinguit eodem instrumento. Sicut qui eodem oris flatu ignem excitat, & necat. Nam dum vino delectat, vino eodem

Z 2

cruciat,

Math. Rader. lib. 3. de vita Petr. Capisij c. 3.

Jacob. Biderm. lib. 1. Epigr. 119.

IX.

psal. 30. 20.



cruciat, oculorum lippitudine, capitis dolore, podagra, & mille malis inductis.

X.

Luc. I.

S. Ambros.  
in tract. de  
Helia & ie.  
inn. cap. 9.

Thom. Can-  
tiprat. lib. 2.  
Apum. c. 10.  
9. 9.

Plutarch. in  
Laconic.  
Cic. 5. Tusc

Quid quodd, sine miraculo, ipsa fames est optimum cibi condimentum, quæ dulce facit, quidquid comedunt *esurientes*, quos Deus replet bonis. Dulciore, post famem, epula sunt, ait S. Ambrosius, quæ assiduitate fastidio sunt, & diurna continuatione vilescunt. Condimentum cibi ieiunium est. Quando avidior appetentia, tanto esca incundior. Commendat sitis poculum, nescit vinum querere. Et mox: *Vsu etiam pretiosa degenerant: quorum autem difficilis possessio est, eorum grata perfunctio.* Ipse sol, post noctem, gratior: ipsa lux, post tenebras, splendidior: post vigilias, sopor dulcior: ipsa salus, post agnitionis tentamenta, incundior. Ab ipso mundi Conditore didicimus, saepe diuersitatibus cumulari gratiam. Patrocinator ergo & coniunio fames, ut gratior fiat mensa ieiunij. Hæc S. Pater. Narrat Thomas Cantipratanus, venisse se, in ignotum sibi pagum; & quia pedibus id iter confecerat, longitudine viæ adeo fuisse lassatum, ut, animo fugiente, moriendum sibi putaret. Fratres, qui eum comitabantur, quæ proximè patebat ingressus, domum presbyteri subeunt; sed, aperta ianua, reperiunt clausum miserationi pectus. Neque enim vel nigerrimi panis frustum, pro homine inediâ deficiente, potuerunt obtinere. Inde ergo digressi longè latèque ostiatim circumeunt; nec quidquam accipiunt. In extremo pagi angulo casa hærebat ita pauperis foeminae contubernium, ut ipsa stipe digna esset. Et tamen hæc, quæ minimum habebat, maximè omnium extitit liberalis. Fragmentum fortè vnicum furei panis illi erat, hoc ipsum dabat, magnum donum, si dantis manum aspicias ac facultatem. Hoc ergo vix spiranti Thomæ obsonium attulerunt. Ille annonam cum socijs diuidendam ratus, omnes ad communem mensam vocauit. Et audi ipsum loquentem. *Resedimus, sub dumo, ait, panem comedimus. Et licet pallearum arista, quæ erant in pane, palatum comedentium stimularent, nunquam tamen in vita mea sum tam suauis deliciarum edulio delectatus.* Optimus coquus est appetitus, quo carent Apicii & manducones, qui nunquam bene cœnant, quia nunquam esuriunt. Est ergo & hæc vtilitas paupertatis, quod egenis faciat melius sapere cibum quemcunque, quàm diuitibus epulas Iouiales: immo & diuitibus, si volunt esse abstinentes. Hinc Artaxerxi & Ptole-

mæo

mao aqua & panis delitiæ fuerunt ; & à Lacedæmonijs coquus omnis iuris nigri perpetuo decreto proscriptus est.

Accedit ad hoc libertas animi, & vita curis vacua, quæ est vel hinc pompæ aulicæ præferenda ; quia illa anxietate libera omnia reddit iucunda : hæc autem nunquam quiescit stimulis atque intemperijs exagitata. Appono hic talia expertum & confidentem Augustinum. *Inhibam, inquit, honoribus, lucris, conu- gio, & tu irridebas. Patiebar in eis cupiditatibus amarissimas difficul- tates, te propitio tanto magis, quanto minus sinebas mihi aulcescere, quod non eras tu, &c. Et paulo infra: Quàm ergo miser eram! & quomodo egisti, ut sentirem miseriam meam die illo, quo, cum pararem recitare Imperatori laudes, quibus plura menturer, & mentienti faueretur ab scientibus: easq; curas anhelaret cor meum, & cogitationum tabificarum febribus astuaret. Transiens per quendam vicin Mediolanensem, animadu- uerti pauperem mendicum, iam credo saturum iocantem atq; latantem: & ingemere, & locutus sum cum amicis, qui mecum erant, multos dolo- res infamiarum nostrarum: quia omnibus talibus conatibus nostris (qua- libus tunc laborabam, sub stimulis, cupiditatum trahens infelicitatis meæ sarcinam, & trahendo exaggerans) nihil vellemus aliud, nisi ad securam letitiam peruenire, quo nos mendicus ille iam præcessisset, nun- quam illuc fortè peruenturos.*

Ex his exemplis perspicuum est, quàm verum sit illud adagium; *Vallus vitem decipit.* Vt enim valli, quibus vites alli- gatæ fulciuntur nonnunquam radicibus actis ramis ac frondibus suis vitem strangulant, aut prostrati palmitem secum trahunt; sic diuitiæ & rerum abundantia quibus opulenti nituntur, dum læti- tias & voluptatem sperantur paritura, plerumque curas gignunt, & mille sollicitudinum procellas. Vbi enim plures curæ, quàm apud opulentos? vbi rarior quies, quàm apud opulentos? vbi somnus interruptior, quàm apud opulentos? vbi ciborum maius fastidium, quàm apud opulentos? vbi frequentior nausea vini, quàm apud opulentos, qui, postquam se ad summum gutturem, vt Cômicus ait, ingurgitarunt, omnia conuomunt? vbi lites acerbiores, quàm apud opulentos? Et hæc vita non sit amara? cum tamen pauperes, nec sineam metuant, nec furem; & totas noctes securi dormiant, postquam mucido, tanquam Deorum cibo, & limpida, tanquam nectare, se se suauissimè refecerunt. Videte igitur, quàm sit dulcis & rectus Dominus: ys, qui sunt sine

XI.

S. Augustin.  
l. 6. Confessi.  
cap. 6.

XII.

Psal. 24. 8.




182 Cap. XX. Deum etiam secularibus in fame succurrere.

Ierem. 2. 19. & sollicitam habent, *rectas*. Dispicite ergo, quàm *amarum sit, relin-*  
*quere Dominum Deum*, ac fodere sibi cisternas dissipatas. *Duo enim,*  
 Ierem. 2. 13. ait, *mala fecit populus meus: Me dereliquerunt fontem aquæ viuæ, &*  
*foderunt sibi cisternas dissipatas, quæ continere non valent aquas.*

C A P V T XX.

*Non solum Religiosos & peculiare Dei seruos, sed & se-*  
*culares prodigiosè curatos & pastos.*

I.  E quis autem existimet, Prophetis tantum, atque  
 Apostolis, virisque Eremitis, & Religiosis hanc  
 Deo curam impendi, suppetunt & rationes, &  
 præter ea, quæ de Lydwina diximus, aliisque,  
 alia exempla, quæ demonstrant, hanc pater-  
 nam filiorum alendorum prouidentiam, in alios quoque fuisse,  
 Supra. c. 18. corriuatam. *In præmissis veritatis nemo dubitet,* inquit D. Hierony-  
 mus. *Sit homo, qui esse debet, & mox addentur ei omnia, propter quem-*  
 S. Hieron. in c. 6. Matth. *facta sunt omnia. Quidquid est in hoc terrarum orbe, hominis*  
*causâ, conditum est. Nihil igitur se hominis vtilitati subducet,*  
*nisi ille se Dei obsequio subducatur. Igitur si homo ad eam, quam*  
*Deo debet, seruitutem redeat, iure quodam suo, etiam cætera,*  
*tanquam sua, sibi que debita recuperabit, siue religiosus is sit, siue*  
*communi hominum lege, extra omnem religiosum ordinem, vi-*  
*uat. Siquidem generali prouidentia Deus omnibus consulit; pe-*  
*culiari verò filijs suis. Quo quis enim magis filij nomine dignus*  
*est, eò magis eum curare vniuersi parens debet.*

II. Quod si Deus etiam lilijs, & passeribus, & capillis capitis  
 Matth. 5. 45. intendit, prouidentiamque præstat; quod si solem suum oriri fa-  
 cit etiam super iniustos; quanto magis iustis omnia necessaria,  
 prouidebit? Illud quidem fatendum est, sanctiorem quemque,  
 ab omni cura temporali impensius mentem auellere, vt eam to-  
 tam possit impendere Deo. Quare sicut ille solum Deum curat,  
 ita obligat vicissim Deum, vt illum ita curet, quasi solum curet.  
 Non negligit tanta bonitas eos, qui se totos in illam proiecerunt.  
 Itaque magis tales curantur, quàm si se ipsos curarent; & maio-  
 rem eo-

Cap. XX. Deum etiam secularibus in fame succurrere. 183

rem eorum rationem habet Mundi Gubernator, quàm illorum, qui curas animarumque suum quodammodo diuiferunt, aut toti negotijs immerſi ſeculo ſeruiunt. Quanquam bonus Deus magis hos etiam ipſos curat, quàm ipſi Deum.

Nec enim deſunt exempla. Quàm inſperatò ſuccurrit, III.  
vſque ad deſperationem obſeſſa ciuitati? *Facta eſt eſt fames magna in Samaria: & tam diu obſeſſa eſt, donec venundaretur caput aſini octoginta argenteis, & quarta pars cabi ſtercoris columbarum quinq; argenteis.* Si fames hæc non ſatis magna, conſidera à matre filium coſtum; conſidera verba ducis, Eliſæo magnam rerum omnium abundantiam in ſequentem diem promittente, dicentis: *Si Dominus fecerit etiam cataractas, in cælo, nunquid poteris eſſe, quod loqueris?* Et tamen totis repente Syriorum caſtris exterritis, fugientèque & rege & exercitu, quanta omnium cibariorum copia in prædam relictæ eſt? Vnus dies totam ſuſtulit calamitatem; nec citiùs ſol noctem pepulit, quàm abundantia penuriam; & inopia rerum omnium, in omnium rerum copiam eſt cõmutata. 2.Reg.6.29. 4.Reg.7.2.

Neque toti tantùm ciuitati prouiſum eſt, ſed etiam exigue mulieri, ad quam Eliſæus dixit: *Surge, vade tu & domus tua, & peregrinare vbicunq; reperiſ: vocauit enim Dominus famẽ, & veniet ſuper terram ſeptem annis. Quæ ſurrexit, & fecit iuxta præceptum hominis Dei: & vadens cum domo ſua peregrinata eſt, in terra Philiſthym diebus multis.* Curauit vtique hæc mulier familiam, ſed vna etiam à cœlo curata eſt, per Prophetam, dum miſſa eſt, fame dominante, vbi aleretur. Quod quidem apertis verbis Prophetæ huic mulierculæ antè dixit. Quàm plurimis, non quidem per ſermonem hominis, ſed per Angeli ſuggeſtionem, indicat, vt locum mutant, & migrent aliò, vbi eos vult ſuſtentare; qui ſi ibi manerent, vnde, tacita cogitatione ſuadente, abeunt, fame eſſent perituri. 4.Reg.8.1.

Ipi Apoſtoli, cum labore manuum ſuarum victum quaerirent, cum retia in vndas iactarent & piſcarentur, nonne à Domino adiuti ſunt? Ad Simonem ait: *Duc in altum, & laxate retia* Luc.5.5: *veſtra in capturam.* Et reſpondens Simon dixit illi: *Præceptor, per totam noctem laborantes nihil cepimus: in verbo autem tuo, laxabo rete.* Et cum hoc feciſſent, conſuſerunt piſcium multitudinem copioſam, rumpebatur autem rete eorum. Et annuerunt ſocijs, qui erant in alia nau, vt venirent, & adiuuarent eos. Et venerunt, & impleuerunt ambas nauiculas,

ita vti



Ioan 21. 6.

ita ut penè mergerentur. Quod cum videret Simon Petrus, procidit ad genua IESV's dicens: Exi à me, quia homo peccator sum; Domine, stupor enim circumdederat eum, & omnes, qui cum illo erant, in capti-  
ra piscium, quem ceperant. Post resurrectionem quoque, stans in littore, Apostolis, qui iterum tota nocte ceperunt nihil, dixit: *Mittite in dextram nauigij rete, & inuenietis. Miserunt ergo, & iam non valebant illud trahere, pro multitudine piscium.* Laborantibus igitur, & pro victu sollicitis succurrit, & quasi manum porrexit. Quin postquam descenderunt in terram, viderunt prunas positas, & piscem superpositum & panem; & dixit eis IESVS: Venite, prandite. En cocum factum! en factum piscatorē, in gratiam piscatorum! Aut enim piscem, prunis postea superpositum, manu sua è mari extraxit, aut creauit, & piscem vtique magnum, qui tot famelicis piscatoribus sufficeret saturandis.

## VI.

Ioseph. à Iesu Maria de  
vita Francis à Puer.  
Iesu. c. 5. 6.  
lib. I.

Possent hinc innumera alia exempla afferri. Vnum non prætermittam valde recens, quod in historia vitæ ac virtutum Venerabilis Fr. Francis à Puerio IESV Carmelitæ Discalceati R. P. F. Ioseph à Iesu Maria item Carmelita Discalceatus refert, Francis cum scilicet à Puerio IESV, inter multa pietatis exercitia, in die Natali ejus, Equitatu & militiæ IESV (ita pauperes vocabat) commune instruere solitum epulum, quo non solum Complutenses, verum etiam totius prouinciæ pauperes, modò factæ in eam diem confessionis schedulam testem ostenderent, excipiebat. Aliquot antè diebus religiosissimo candore Paruulum suum conueniebat, eique narrabat, se pauperibus festiuam mensam, in illius honorem, promississe: illius partes esse vigilare, vt creditoribus sumtum suppeditantibus satisfiat. Eiusmodi oratione facta, omnem deinceps cogitatum suum in Dominum iactabat. Minimum veruecibus triginta, bobus duobus, frumenti sextarijs quindecim aut viginti illi opus erat, cum capreolis, larido, rapis, carbonibus. Quæ omnia Puer IESVS ad eum direxit, etiam per ignotos, & pauperes. Ipsi pastores ruris illi de grege suo afferebant, quidquid liberet, & quocunque tandem precio, quandocunque soluendo. Denique ad miraculum omnia suppetebant, licet numerus conuiuarum, ad mille ducentos excreceret; quos omnes ad laudandum puerulum IESVM exhortabatur. Præter cibos autem etiam singulis Regalem vnum in chartula complicatum offerebat. Quodam anno, in summa annonæ caritate, nocte quadam

Natiui.

Natiuitati Christi proxima, in ipso sacello nosocomij, sic paruulum suum est allocutus: *Domine, nostrum festum, & dies cibanda milita tua ecce est in foribus, Franciscus autem ne vel unum obolum habet: & nemo ei quidpiam adhuc obtulit, aut promissu, sicuti alias factum est, nescio igitur, quid mihi, hoc anno, affuturum sperem ab ipsomet Domino meo; maximè cum ipse mei prorsus oblitus videatur.* Sic oranti repentè affusus est maior fiducia spiritus; quem tamen Orcinus spiritus, obiecta hominum penuria, dictitansque, voluntatem hoc anno, pro opere fore, extinguere est conatus. Sed fortiter eum repellenti, mox ad fores adfuit ignoti vultus homo, qui aureos illi in manus dedit refulgentes, vnà iubens hoc epulum, hoc anno, nequaquam omittere. Cum dicto se è conspectu subduxit. Secuti dein alij atque alij, qui omnia necessaria affatim suggerebant. Solus bos deerat, & instabat iam dies. Ergo frater, qui eum adiuuabat, identidem instans dicere non cessauit: *Itaq; hoc epulum, Francisce, bouem non videbu?* Respondit semper Franciscus: *Bonem habebimus. Scit Puer IESVS, eo nobis opus esse. Ne dubites, misurus est bonem.* Quin eo ipso die, quo singulorum portio parabatur, adfuit frater, qui diceret: *Hoc anno bouem pauperes non comedent. Immo, ne despera,* ait Franciscus. Cum alter non cessaret vrgeri, diffidentiam eius reprehendens, à se repulit, & mox adfuit, qui vltro bouem, non alio precio, quàm, vt pro se oraret, obtulit.

*Vice altera, ait ibidem author, Madrito reuertens, ad Complutenses suos, paucis ante natalem Dominicum diebus, pro instruenda ordinaria mensa pauperum, ad Turregum, quod Compluto tribus dimidiatis miliaribus distat: animaduertit illic arantem rusticum in gemino boue; quorum alter, quia obesus valde atq; abunde bonus ipsi videbatur, optimum putauit, si ex eo conuiuium istius anni instrueret. Conuenit ergo ea de re agricolam; agit de pretio, bouem emit; & numeratà pro eo pecunià, non alia obligatione adstringens eum rusticum, quàm, quòd quatuor diebus ante festum Dominica Natiuitatis veniret Complutum, atq; emptam illam, ac iam persolutam bestiam adduceret, latibundus abiit. Atq; ita, nulla alia conditione superaddita, omnis timoris expers, nihil vel de ipso subulci nomine sollicitus, iter suum prosequitur. Stabat interim secum cachinnans paganus (sicuti postea narrauit) & de homine tam sincera ac simplicis farina, qui sine alia precautionione, emptum bouem ac pretium eius, in nunquam visi, nunquam auditi hominis*

VII.



manibus reliquisset, sibi ipsi risum faciebat, nihil minus quam de tradi-  
dendo pecore cogitans. Instabant Natalitia. & qui à conuiuio erat.  
Franciscum nostrum, ut de boue emendo ageret, commonebat: ipse au-  
tem iam emptum eum esse dicebat. Ventum erat ut iam singulis praeferen-  
derentur portiones suae, & vestigium bonis necdum apparebat, & Fran-  
ciscus venturum eum assueverat. Pridie igitur, natiuitatis praesenti-  
bus in hospitali fratre nostro, & altero Franciseo de Cuevas familiari  
suo, cum pluribus alijs, bos ingens & omni ex parte bonus ad mensam, tan-  
quam in propriam penetrat sine ductore domum. Vidit, & subito, ipsissi-  
mus ille est, inquit, noster Franciscus, emi illum, & pretium solui, liga-  
te, mactate, diuidite. Venit autem & infidelis ille rusticus, multo post  
tempore, anhelus totus & multa super profugo suo boue queritans. Ad  
primum autem F. Francisci colloquium compunctus usque ad cor, abiecit  
se coram in genua, sinistrae suae intentionis accusator factus; & ut deli-  
ctum sibi remitteretur, supplex precator instituit; confessusque est is, qui  
tum aderant, quomodo, cum primo diluculo istius diei egressus est ad  
opus suum, bos iste, qui alioquin mansuetissimus erat, Complutum versus  
se se arripuisset. Quem toto nisu insequutus nullatenus assequi potuisset,  
ad quem Fr. Franciscus conuertens sese pacifice, & super caput humili-  
antis se, & reatum suum publicantis manum imponens. Quid amice,  
hoccine igitur tibi in animo erat? festina igitur ad templum, & ostende  
te puerulo IESU, ut istam tuam iniquitatem propitijs tibi, ut petis, re-  
mittat, iuit autem & ipse pro gratia illa, & pro tam insigni providentiae  
suae symbolo gratiam Deo relaturus. Unde factum est, ut quotquot ibi  
reperiuntur, noua admiratione ac stupore corripentur.

## VIII.

Addam hinc domesticum ac simile de boue, longéque lu-  
culentius exemplum. P. Andreas Ouyedus, qui anno 1579. san-  
ctissime vitam finijt in Salembri, à Iulio III. Pontifice in Patriar-  
cham suffectus, ab vniuersa gente Goana verè sanctus & vir Apo-  
stolicus habitus, praeter ardentissimum zelum animarum, erga  
pauperes praecipua fuit charitate. Aliquando ita omnia in illos  
profuderat, ut nihil omnium, quod daret, superesset, praeter vni-  
cum adeò bouem, qui ei erat, ad sacra ornamenta deportanda,  
per necessarius, si quando ex vno loco ad alium erat proficien-  
dum. Quia tamen viscera eius pati non poterant, ut miseros  
egentes oculis aspiceret, eum ipsum clitellarium bouem mactari  
iussit, atque in pauperum escam distribui. Adfuit tum illi, qui hec  
ipsa postea de eo est testatus, monuitque: ne iumentum adeò ne-  
cessa-

cessarium occidi sineret. Huic Ouyedus respondit: *Sine, fili, eum, cadi atq; distribui: quippe cras manè Deus alium bonum providebit.* Vaticinio euentus respondit. Intellexit enim nobilis quidem Patris charitatem pariter ac necessitatem, tantòque benignissimæ liberalitatis in pauperrimo Patriarcha exemplo permotus, ad eum quadraginta boues, pecudésque alias octoginta, præter alium com meatum, misit; quibus inopinatò auctus, in plures potuit alendos esse liberalis.

Sic Deus submisit, nò tantùm homini Religioso, sed etiã omnis generis hominibus extra Religionem degentibus, per Religiosum, festiuas epulas. Et quod mirum est, qui ad eum confluebant, nò ad dandam, sed ad accipiendam eleemosynam confluere videbantur; cum tamen non accipiendi, sed dandi animo uenirent, qui non ipsi erant indigentes. Illud etiam illustre est. Compluti erat quidam pius ac copiosus mercator, Matthæus Pontanus, apud quem acceptas eleemosynas Franciscus deponere solebat, ut reciperet, si proximi id indigentia postularet. Quodam diffidili año, & penuria rerum ingenti pressis hominibus nosocomiòq; infirmis redundante, tantum à thesaurario suo argenti acceperat, ut nò solùm fiscum proprium exhauriret, verùm etiam mutuum à mercatore peteret, fide Pueri IES V, in cautionem accepti, datâ. Omnia mercator in rationes inferebat diligentissimè. Tandem reperit se Franciscus millenorum ducatorum debitorem; ne teritus, in dies debita augebat, mercatòrque petenti diu dabat; donec, mala cogitatione animum subeunte, vnde soluendo esset, cæpit dubitare. Redeunti ergo atque iterum petenti Francisco dixit: Vnde tot nomina expunges, Frater? quis tibi tantam pecuniæ summam promisit? Nemo, inquit, Franciscus, sed habeo bonum fideiussorem Puerum IESVM; qui me non deferet. Hoc responsum ubi ad amicos retulit mercator, derisui habitus est, ut qui se verbis sineret lactari, propriamque familiam ac liberos in extremam conjiceret necessitatem, eique argentum suum concederet, cui, præter peram, fundus nullus erat. His talibus sarcasmis exacerbatus Matthæus, redeunti, pro mutuo, Francisco, negauit se deinceps quidquam daturum; datis utique iam abunde depauperatum despoliatumque. Abijt vacua manu Franciscus, & Puer IES V necessitatem suam exposuit, à quo missus est, aliù patronum quærere, Quæsiuit, & inuenit alium mercatorem

IX.

In l. 2. c. 4.  
vitæ Fran-  
cisci à Pue-  
ro IESV.



Rodricum Nunnez, à quo æquè ac à priore omnia liberaliter accepit. Interim ex quo à Matthæo repulſus eſt Franciſcus, cum Franciſco etiam omnis fortuna abiit. Nihil in taberna ampliùs vendebatur; nec, quæ debita fuerunt, extorqueri poterant, ſilēbat negotiatio, ceſſabant lucra, nulla in domo proſperitas, nulla in domeſticis ſanitas. Ipſe Matthæus inquietus & conturbatus, quaſi mente videbatur excidiſſe. Uſque adeò damnoſum eſt, lucro nimis inhiare; & parcum eſſe erga Deum, eſt opes proſtigare. Quod cum agnoſceret Matthæus, Franciſcum iam ultro conuenit, dixitque, vt, ſolito more, pro mutuo ad ſe rediret, ſe & ſua omnia deinceps fore in illius, & Pueri IE SV poteſtate. Quod vbi factum, & lucrari mercator iterum cæpit, & pauperum procurator, acceptis largiſſimis eleemoſynis, intra menſem, debitum omne diſſoluit, adeò, vt etiam centum coronatorum ſumma ſuper-eſſet. Videant hîc mercatores, diſcant magnates, vnde poſſint opuleſcere; neque cum noſtris Politicis exiſtiment, ſe rem aucturos, dum minuunt ſumptus in pauperes & Eccleſiam faciendos. Diſcant hinc ipſi pauperes, Dei curam etiam ad eos alendos extendi, qui extra religionem religioſè viuunt. Quiſquis Deo viuit, Deo fidat; cuius verbum eſt: *Si volueritis, & audieritis me, bona terre comedetis.*

Iſa. I. 19.

X.

Ne longum faciam, complura alia omitto, quæ Franciſco huic, in hoc genere, acciderunt; illud tribus verbis perſtringam potiùs, quàm dicam, cum, ſi ſpem ſuam in Principibus poſuiſſet, nec totum ſe in Dei manum tradidiſſet, nihil impetraſſe, opis. Quare cum Sabaudus cum Catharina Auriæ infantilla matrimonium initurus Madritum veniſſet, & eodem venienti Franciſco multa promiſiſſet; Madrito diſceſſit, Franciſci oblitus; qui iam Complutum redierat, pecuniæ accipiendæ cura aliq. demandata. Quare mœſtus Franciſcus, ad Puerulum ſuum IE SVM confugit, atque in ſinum eius querelas depoſuit, didicitque, ideò nihil ſe accepiſſe, quia carnem brachium ſuum poſuiſſet. Quàm primùm ergò poſthac conſtituit, in ſolo Deo fiduciam omnem collocare, adfuit à Sabaudis cursor, qui liberali ſanè eleemoſyna in pauperes aſſignata eum ſubleuauit. O mortales, quid ſperatis in Principibus! in Deo ſperate, & *bona terra comedetis.* In promiſſis veritatis, ait D. Hieronymus, *nemo dubitet. Sit homo qui eſſe debet, & mox addentur ei omnia.* Non eſt autem homo, qui eſſe debet, ſi in Deo

S. Hieron. in  
c. 6. Matth.

Deo non sperat. Immo impietas est, post tot exempla luculentissima, post tot clarissima Scripturæ Sacræ, sanctorumque Patrum testimonia, de diuina prouidentia dubitare. De qua qui dubitat, dubitat, an Deus sit memor suarum promissionum; dubitat, an sit liberalis; dubitat, an sit Deus; si enim Deus est, fidelis est, diues est, liberalis est; amans est suorum filiorum. Merito igitur eiusmodi Dubitantium his verbis compellat D. Augustinus: *Tu Christiano, tu Dei seruo, tu bonis operibus dedito, tu Domino tuo charo aliquid existimas defuturum? An putas, qui Christum pascit, à Christo ipse non pascitur? An putas terrena deerunt, quibus cœlestia & diuina tribuuntur? Vnde hæc incredula cogitatio? Quid facit in domo Dei perfidum pectus?* Sed fortasse non sunt tales in Ecclesia Dei? Diffidunt curæ & prouidentia Dei, quicunque furtis, rapinis, fraudibus, aliisque malis artibus diuites volunt fieri. Si enim à Deo necessaria sperarent, non raperent aliunde. Sperarent autem, si non ipsis bestiis se se iudicarent indigniores. Siquidem de brutis animalibus sciunt verè dici ad Dominum: *Dante te illis, colligent: aperiente manum tuam, omnia implebuntur bonitate.* His se æquiparare non audent, quia non tantum comparati sunt animales isti equo & mulo, & iumentis insipientibus, sed etiam, infra bestiarum vilitatem, se se abiecerunt. Si in Deo spem collocarent, non solum ad eos alendos pij homines, sed etiam corui, cerui, lupi, leones, aliâque bruta animalia, & ipsa elementa excitarentur.

Et fuerunt excitati. Recensebo in hanc rem exemplum, quo vix quidquam in diuinæ prouidentia testimonia luculentius potest afferri. Habeo illud ex Annalibus Francorum Pithæi, nec Baronium id suis Annalibus inferere piguit. Anno reparatæ salutis 850. sæuissima fames Germaniam inuasit; sed præcipuè eos infestauit, qui Rhenum accoluerant. Ibi vnus frumenti Morguntiaci modius decem siclis argenti vendebatur. Sed memorabilis fuit charitas Archiepiscopi Rhabani. Is in quadam parochiæ suæ villa, Wincella dicta, commorabatur, &, præter domesticos ac familiares suos, quotidie plus quàm trecentos alimentis sustentabat. Itaque ingenti contentione illuc pauperes vndique confluerunt. Inter hos visa est & mulier inedia consumpta, quæ filium paruulum gestans, refici cibo cupiebat, sed exhaustis viribus, in ipso limine exanimis concidit. Puerulus igitur adrepens ma-

S. Augustin.  
lib. de Eleemosyna.

Pl. 103.

XI.

Pithæus in  
Annalib.  
Franc. Baron.  
tom. 10.  
Anno 850.  
n. 15.



millam matris mortuæ, quasi adhuc viventis, de sinu protrahens ac sugere tentans omnes gemere & flere coëgit, qui miserabile illud spectaculum intuebantur. Nimirum minus beneficium alij existimarent esse in alimentis positum, nisi alij fame interirent: & luculentius succurrit Numen, dum, alijs inedia morientibus, alios ab ipso penè capulo reducit ad vitam. Itaque, eo ipso tempore, alius quispiam de Grabfelden famem fugiens, vxore & tenero adhuc filio comitante, in Thuringiam proficiscebatur. Quàm verè locutus est, qui famem *malesuadam* appellauit? Nam audi, quid huic suaserit. Si mensam Thyesteam cogites, minùs cogitas. Alienis ibi manibus mactatus est puer, & ab ignaro parente absumtus. Hic, pater suismet manibus & dentibus gnatum lacerare constituit. Ventum erat ad filiam densis arboribus horridam & vel ab ipsis umbris formidolosam. Procul ab hominibus, nec feram conspiciebant. Quid non suadet solitudo? quid non cogit fames? Fractus ieiunio parens inedia tabescentem vxorem intuens, puerumque aut mortuo similem, aut iam morituro, sic coniugem affatur: Quid viuimus, mea charissima, immo quid morimur tam diu? an non satius est, hanc citò finire calamitatem? Et finienda est profecto omnibus tandem, si non vnius mortuorum vitam redimimus. Paulo post animam iam fugientem, exhalabit nobis hic puer, & nos cum illo, ni qualicunque cibo vires restauramus. Nuncquid igitur satius est, pueri mortem accelerare, vt eius carnibus viuamus? vitam illi dedimus, sic vices ibunt, sic vitam dabit & ille nobis: immo sic longo eum pariter, & nos cruciatu liberabimus. Ad hæc verba, vehementissimè viscera materna cohorrerunt: neq; voluit pia parens in ijs eundem filium bis gestare. Obtestata est igitur, quantis maximis precibus potuit, maritum, ne tantum scelus in Deum, in proprium sanguinem, in innocentem puerum admitteret: potiùs omnibus occumbendum vnà, quàm tale facinus audendum. Vim peroranti prolis lachrymæ ac eiulatus addiderunt. Caucasum commouisset pallida mater, pro teneri filij vita, apud patrem, apud coniugem supplex. Sed fames Patris in rabiem cessit. inijcit coniugi, inijcit proli manus, & de maternis brachijs, filium, per vim, rapit, nequidquam clamantem, vxorèque frustra reclamante, & superos obtestante. Efferatur, in summis malis, non extinguitur penitus hominis natura. Quamobrem & iste fame vrsaniens, ne vno ictu

& ma.

& matrem occideret, & prolem, filium à parentis conspectu longius asportauit, vt, extra oculos illius, eum deartnaret. Quia, educto iam gladio, manu ipsa ad tantum facinus, trepidante, aliquandiu in ancipiti hæsit, deliberauitque, consultiusne esset, ferire, an perire? fuitque crudele certamen, inter amorem patrium, & furorem comedendi. In tali mentis lucta, sinistra gnatum trahens, ferrum nudatum dextera tenens dum progreditur, adest repente de coelo auxilium, & ecce, quasi pro Iphigeniæ mactatu ceruæ substitueretur, ita inopinatò conspicit duos lupos eminus ceruæ instantes, eamque recens occisam lacerantes. Quis eo tunc latior? illico manu mittit filium, eumque vitæ, libertati, matri, immo & sibi donat; sublatòque clamore, strictum ensẽ intentans, quantum, per vires, licuit, accurrit, lupos fugat, & ferina cruda stomochum placat. Mox partes alias atq; alias secat, easque, vt erant, cruore manantes ad coniugem, affert, iam nati- cidium pridem esse peractum exiffimantem. Cum autem etiam videret maritum venientem, carnesque recentes sanguine perfusas manibus ferentem, quid aliud arbitrari potuit, quàm filij occisi eas esse? Ergo, animo fugiente, sensibùsque destituta retrorsum collapsa est, non secus ac fulmine deiecta. Aduolat maritus, consolatur vxorem, quæ non, nisi filio adducto conspectòque, credere voluit, filium viuere. Filium vbi vidit, tum demum illi remigrauit ex integro spiritus, tum in pedes erecta, tum in has voces effusa est. *Exultauit cor meum in Domino: infirmi accincti sunt robore: & famelici saturati sunt. Dominus mortificat, & viuificat: deducit ad inferos, & reducit.* Egit & maritus Deo gratias, & quòd tam immani facinore se non passus esset cõtaminari, & quòd filium sibi conseruasset: dixitque ex animo: *Oculi omnium in te sperent, Domine, quia tu das escam illorum in tempore opportuno.* Lau- da Dominum mecum & tu, vxor, & tu, fili, per hac enim indicat po- pulos, & dat escas multis mortalibus. Post eiusmodi laudes, men- se accubuerunt, testatque sunt postea, nunquam se suauius epula- tos esse, quàm cum incoctis carnibus, in silua, vescerentur. Sic Deus ipsos lupos voluit esse famelicorum hominum laniones.

Nec mirum est à lupis homini prædam relictam, si à lu-  
pa Romulum ac Remum lactatos esse Ro-  
mani crediderunt.

1. Reg. 2.1.


Ps. 144. 15.

Iob. 36. 37.



## CAPVT XXI.

*Mirabile iudicium Dei, per simplicissimos, sæpe efficientis, quod per sapientes sperari non potuisset.*

- I.  On subuenit igitur tantum ijs diuina misericordia, quibus alij non subueniunt; aut qui aliunde deserti sunt, sed sæpe etiam subuenit, per lupos, per ceruos; aut si per homines, certè per illos, de quibus minimè sperauisses; sicut in contrarium sæpe nocent, quos credidisses tibi profuturos, vt *pro perca*, quod dicitur, *scorpium capias*, & ex ipsa *viperâ medicinam*, hoc est, *ex inimicis salutem*. Ars maior est, remedijs minoribus succurrere: maxima autem, si non tantum contraria contrarijs curentur, sed etiam ipsi artis præcepto contraria adhibeantur. Sic Seruator *expuens in terram fecit lutum ex spûto*, ad oculos cæci illuminandos, cum alioqui luto oculi excæcentur; nihil enim illis magis est contrarium. Sic cum nihil sit, quod aquas magis reddat amaras atq; impotabiles, quàm sal (vt ex marinis aquis est manifestum, quas nemo potest bibere) tamen Elisæus eas, immisso in amaras aquas sale, dulces potabilesque effecit. Si artem sequi humanam, aut pharmacopolas voluisset imitari, saccharum inspersisset, mel infudisset, mulsum, non salem, indidisset. Habet ergo præcipuam admirationem diuinæ providentiæ illud cœleste iudicium, quo *vocat ea quæ non sunt, tanquam ea quæ sunt*; & vtitur ijs, qui sunt, contemtibiles, in hominum oculis, vt eos confundat, qui sibi videntur esse sapientes. Nam quemadmodum, apud Strabonem, *Crotonatarum postremus, reliquorû primus est*, ita sæpe, apud Deum, *primi fiunt nouissimi, & nouissimi primi*.
- II. In quam rem *VVido Abbas Cisterciensis, postea Cardinalis, cum missus esset Colonias, ad electionem confirmandam, quæ facta fuerat contra Philippum in Othonem, retulit ibidem, quandam sanctæ simpliciatis historiam satis iucundam, satisq; mirabilem*. Dicebat enim, Cisterciensis ordinis domum quampiam, in ditione sitam Nobilis, sed Deum ac diuina non curantis viri. Is, cui ips & vis idem erat, cœnobium multis miseris vexabat modis; per præfectos ac ministros reliquos, de annona, de vino, de pecoribus Monasterij,

sterij, quantum libuit, abstulit, atque usurpauit; idq; toties, quoties vāsana in eum incessit libido rapiendi. Religiosis reliquit, quantum ipsi videbatur, non quantum ad eos pertinebat. Quem ad modum haud rarò hodièque fieri videmus, ab ijs, qui, vt ipsi pereant, perdere Religiosorum redditus, omni, qua possunt, ope, nituntur. Diu iam ea durauerat tyrannis; & poenè lex erat, nullum ius esse Monachorum, eorūque iura, sine iniuria posse violari. Quid facerent, contra vim tantam, paupereuli? Crabronem irritassent, aut ignem gladio fodissent, nisi querelas intra septa monasterij continuissent. Itaq; gemitum silentio prementes, velut inclusam flammam, conabantur suffocare. Sed ea tandem, tanquam ruptis repagulis, se se effudit potentiùs, quando idem Nobilis, more hostis, in armenta ipsa monasterij palam inuasit, partemque haud exiguam, prædæ instar, in suam arcem, nouus Cacus abduxit. Conuocat Abbas fratres, in concilio existunt querelæ, mox turbæ, itur in diuersas sententias. Mittendum vnum, è toto cœtu, censuerunt. Sed non erat, qui mitti vellet. Abbatis præcipuam fore auctoritatem arbitrabantur. At ille prouinciam detrectauit, dictitans, nihil se, apud Caucaseum petctus, profecturum. Destinatur Prior, sed & ille noluit actum agere. Designatur is, qui *cella præfectus* vocatur; excusauit. Ad vltimum, Nemòne hîc est, ait Cœnobiarcha, qui nobis ire aut velit, aut adire hunc Verrem audeat? Cunctis altum silentibus, indignante ironia, vnus: Ille, inquit, eat, & digito simul hominem senio ingenioque simplicissimum, ac inde ineptissimum ostendebat. O quanta est vis simplicitatis! Nescit tergiuersari, dum nescit suspicari. Hinc, qui simplicior, idem est obedientior.

Igitur, ceteris omnibus iter detrectantibus, iste solus negotium suscepit. In ipso abitu, ex Abbate quærit: Quid sibi, si non totum, sed pars duntaxat eorum, quæ ablata erant, restituitur, faciendum? Respondet Abbas: *Quidquid reddiderit, accipe, in Nomine Domini.* Præstat aliquid recipere, quàm amittere totum. Sic instructus it monachus. Ad arcem vbi peruenit, immo & ad conspectum honorati prædonis, cœpit Præsulis sui Fratrumque ei inprimis orationes offerre; tum etiam mandata, quæ acceperat, exponere. Audit ouem vulpes, & quia deridetur *iusti simplicitas*, quæ est *lampas contempta apud cogitationes diuitum, parata ad tempus statutum*, ideò & tunc superba astutia, querelas Reli-

III.

Iob. 12. 4.



Iob. 5. 13.

I. Cor. 3. 19.

giosi parui pendens, & cum sarcasmo eleuans, video te famelicum, inquit, Pater, igitur prius prande, & tum responsum accipe. Profuit & hic, simplicem fuisse, vt iniquus depeculator *in astutia sua comprehenderetur*. Condixit. Mansit. Hora prandij iubetur accumbere; apponuntur consueta carniū fercula; nulla hospitis carne alioqui abstinentis habita ratione, immo in muscipulā, qua non conuiuia, sed conuiuator caperetur. Haud immemor erat Monachus aut regulæ, aut consuetudinis suæ; sed obedientia simplicissimo homini, & præceptum Abbatis præcipue ante oculos versabatur. Itaque cum carnes appositas, de monasterij sui pecoribus esse, haud ambigeret, intrepidè eas, non tantum ad satietatem, sed etiam, supra naturæ appetentiam, contruncare institit, idque, non vt se, sed vt Superioris mandatum impleret. Sedebat, cum vxore sua, Nobilis, in diuersa mensæ parte, identidem tubercinantem & obseruans, & admirans, temerèque secum cogitans, ita Religiosos, cum foras prodeunt, libertate in peccatum abuti, è claustrisui cauea emissos. Absoluto prandio, remotisque mensis, Monachum ab arbitris seductum eiusmodi sermone aggressus est. Dic mihi, bone vir, *Sole in Conuentus vester manducare carnem?* Nequaquam, ait Monachus. Addit Nobilis: *Quid, cum exeunt?* Neq; domi, neq; foris carnibus vescuntur, inquit Monachus. Ratus Nobilis, se eum in nassam compulsū tenere: Cur igitur, tu, hodie, inquit, Milo mihi factus bouem prope modum solus integrum, in mensa mea deuorauisti? Dixit hæc vocalius, vt ceteri quoq; audire ac ridere possent. Verum alia consilia Dei fuere. Voluit enim *tyrannum* (sic author vocat bonorum Ecclesiasticorum inuasores) innocentissimi viri, simplicitate erudire; non titillare ad cachinnos.

## IV.

Iob. 8. 20.

Audi, quid simplicitas versutiae responderit. Cum Abbas meus, inquebat, *huc me mitteret, præcepit mihi, vt quidquid ex pecoribus rehabere possem, accipere non recusarem, & quia mihi constabat, carnes appositas fuisse monasterij mei; item quia timui, nil amplius mihi fore restituendum, nisi quantum dentibus capere possem; comedi, propter obedientiam, ne omnino vacuus redirem*. Superauit tam sincera simplicitas omnes eloquentiæ profanæ artes & colores. Nam quia *Deus non proijciat simplicem, nec porriget manum malignis*, ea vis, fuit responsi, vt adamantinum Nobilis pectus penetrarit. Illico enim dicti candore, immo S. Spiritu per os Monachi loquente

commo-

commotus, præstolari tantisper eum iussit, donec rem ad vxorem referret; sine cuius vtique nutu ac tribunali nihil audebat facere. Vxori igitur, recensitâ senis responsione, dixit: Tantæ virum innocentia ac simplicitatis repulsam pati, indignum est, & periculosum. Quippe præsentem Dei vindictam metuo, si hunc offendendo. Idem censuit & vxor, viro, ad miserandum, procliuior. Ergo ad senem reuersus hac oratione vsus est. Venerande senex, optime Dei serue, vicisti, non Tullium eloquentem, sed Paulum simplicem imitatus. Si vi egisses, si disertis verbis, si compositis ad persuadendum figuris, si tropis me aggressus esses, lapis fuisset. Vtus obedientia, vsus sinceritate me totum emolliisti. Vidi enim te hominem esse misericordia dignum. Itaque Monasterio tuo & abacta pecora, quæ supersunt, restituam, & quidquid vnamquam damni intuli, quâ licuerit, in integrum sarciam; neq; posthac quidquam turbæ in vos mouebo. Ex eâ igitur horâ, non solum bona sua, sed etiam constantem cœnobitæ pacem ac quietem habuere.

Duo mihi hinc sumo documenta. Primum, sicut paterfamilias eadem clauis aperit clausa, & aperta claudit, ita eodem opere laxare aliquando Deum secularibus frænum, in Religiosorum prouentus aliâque bona grassantibus; vt, dum inuasores rapiendo currunt in Infernum, Religiosi tolerando cœlum promereantur, & in Domino ponere spem suam assuescant, solenturque se illo cantu: *Quoniam non in finem obliuio erit pauperis; patienti pauperum non peribit in finem.* Succurrit tandem cœlestis Pater, per illos ipsos etiam, qui presserunt, dummodo non Megarensium, sed veris lachrymis calamitas ploretur, nec pro Parni scaphula, quod dicitur, bellum instituatur. Alterum documentum est, magnam esse cœli potentiam, quæ per simplices æquè nouit iuuare, ac per prudentes. Allegoria vetus est, *Ne puero gladium commiseris*, quo docetur, imperitis ac fatuis non mandandam esse rerum magnarum potestatem. Hæc proba est monitio, si viribus humanis negotium geratur. Deo autem perinde est, etiam *ex ore infantium & lactentium potest perficere laudem.* Et sæpe per hos facit, quod non facit per disertos. Per paruos, cum magna gerit, tantò plus illi tribuendum est, quantò minùs illis, per quos gerit. Sic testatur Marcellinus Comes, & per adolescentem, cui Rex Hunericus iusserat linguam excindi, fidem Christi

V.

Psal. 9. 19.

Psal. 8. 3.

Vide Baronium. to. 6. Anno 484.



1. Cor. 1. 26. clariùs prædicatam. Itaq; videte vocationem vestram, fratres, quia non multi sapientes secundum carnem, non multi potentes, non multi nobiles: sed quæ stulta sunt mundi elegit Deus, ut confundat sapientes: & infirma mundi elegit Deus, ut confundat sapientes: & infirma mundi elegit Deus, ut confundat fortia: & ignobilia mundi, & contemptibilia elegit Deus, & ea quæ non sunt, ut ea quæ sunt destrueret: ut non gloriaretur omnis caro, in conspectu eius. Non gloriatur in stemmate suo sanguis regius; non in eloquentia sua Demosthenes; non in gladio suo Alexander: Deus per simplices & piscatores Apostolos totum mundum subiugavit: hodièque non infrequenter de stercore eleuat pauperem, ut solum gloria teneat, de quo potentes deponit. Inter Angelos ea est subordinatio, ut superior illuminet inferiorem, non autem inferior superiorem. Quia ubi iam nullum est superbix periculum, neq; debet esse causa humiliationis. Inter homines autem facilè doctior est inflator; & pronissimum est, ut superior despiciat inferiorem. Quamobrem diuina sapientia constituit, ut sæpe simplicior erudire debeat, prædientorem; & vel eruditissimus discat ab omnium scientiarum imperito. Sunt enim eruditi, tegulæ domus in alto positæ, simplices, terræ subiacenti similes. Super tegulas pluuiæ de cælo cadunt, sed citò delabuntur in terram, quam faciunt virere. Ità cōtingit in alta cathedrâ constitutis, cœlestis doctrina, instar pluuiæ, per mentem eorum transit, non imbuat voluntatem. At simplices, minùs quidem intelligunt, plus tamen volunt. Possunt igitur docere affectu, à quibus intellectu superantur.

## VI.

Sur. in vita  
S. Ægidij 23.  
April. 16. 7.

Venit aliquando ad Ægidium D. Francisci simplicissimum discipulum, quidam ordinis Prædicatorij valde eruditus Sacra Theologia, qui multis annis mirè vexatus fuit hesitatione quadam de perpetuâ Matris DEI virginitate. Videbatur enim ei fieri non posse, ut simul Mater esset & Virgo. At tamen dolebat ei plurimum, utpote viro bene Catholico, isthac hesitatio, cupiebaturq; ab homine diuinitus illustrato de hac questione doceri. Audierat vero, fratrem Ægidium egregie illuminatum, & sæpius rapti in DEVM, itaq; statuit ire ad eum, confidens, eius sermonibus hac ambiguitate liberatum iri. Cum autem iam esset in viâ, Ægidius spiritu cognouit & tentationem & aduentum eius, procedensq; ei obuiam, priusquam quicquam diceret, baculo terram percussit & ait: Frater prædicator: S. MARIA virgo est ante partum, moxq; illic ortum est elegans lilium. Iterum humum cadens, Frater, Predi.

Prädicator, inquit, S. MARIA Virgo est in partu, & confestim alterum erupit lilium. Tertiò solùm feriens, Fr. Prädicator, ait, S. MARIA, Virgo est post partum, simulq; tertium enatum est lilium. Mox autem Ægidius aufugit, & Doctor ille curatus est. Postquam autem didicit, eum fuisse Ægidium, multò deinceps amore & illum & ordinem eius complexus est. Consimili modo, in Campania Galliarum provincia, in monasterio Cisterciensis ordinis, quod Argensotes dicitur, Abbatissam vidimus, ait Cantipratanus, quæ sine ulla litteratura artis Grammaticæ, non solum libros Theologiæ; verùm etiam libros Augustini de Trinitate plenissimè intelligebat, & difficillimas quæstiones eorum lucidissimis solutionibus exponebat.

Thom. Can.  
tiprat. lib. 2.  
cap. 46. §. 9.

Quàm verè dixit Christus: Confiteor tibi, Pater, Domine cæli & terræ, quia abscondisti hæc à sapientibus & prudentibus, & revelasti ea parvulis. Ita Pater, quoniam sic fuit placitum ante te. Quem locum exponens S. Augustinus ita scribit: Nomine sapientum & prudentum superbos intelligi, ipse exposuit, cum ait: Et revelasti ea parvulis. Quid enim parvulis, nisi humilibus? Addit D. Gregorius: Nec dixit: Revelasti ea stultis, sed parvulis, tumorem se damnassee innotescens, non ingenuit acumen. Perpendant ergo, qui se supra ceteros sapere arbitrantur, quàm exiguam causam habeant, se circumspiciendi, quasi plus alijs sciant; cum diuina Sapientia, in rebus maximis, plus reuelet parvulis, & piscatoribus Apostolis, quàm tumidis Philosophis; plus Ægidio, quàm Theophrasto; plus Paulo Simplicio, aut mulierculæ rudi, quàm Socrati sapienti; imò cum per pueros doceat senes. Sic constituit iuuenem Ioseph principem Domus Pharaonis, ut erudirèt principes eius, sicut semetipsum, & senes eius prudentiam doceret, in medio sapientium Ægyptiorum. Sic cum Susanna innocens duceretur ad mortem, suscitauit Dominus Spiritum sanctum pueri iunioris, cuius nomen Daniel. Et dixerunt ei senes: Veni, & sede in medio nostrum, & indica nobis, quia tibi Deus dedit honorem senectutis. Sic ipsum puerulum IESVM parentes inuenerunt in templo sedentem in medio doctorum, audientem illos, & interrogantem eos. Stupebant autem omnes, qui eum audiebant, super prudentia & responsis eius. Et videntes admirati sunt. Ita enim interrogando discipuli egit partes, ut ab omnibus Doctor Doctorum esse videretur. Et fuit hic ipse quoq; ni fallor, puerulus, qui magnum illū Augustinum docuit, non nimis alta de SS. Tri-

VII.  
Matt. 11. 25.

S. Augustini  
serm. 8. de  
verb. Dom.  
S. Gregor.  
c. 9. sup. Iob.  
36. l. 27. Moral.

Pf. 104. 22.

Dan. 13. 45.

Luc. 2. 46.



nitate disputare. Dabo authorem pium, ea de re, quæ alioquin controuertitur, non dubitantem. Cuius hæc sunt verba.

VIII.  
Thom. Can-  
tiprat. lib. 2.  
Apum. c. 48.  
§. 3.

*Quid te inflas, humana superbia? quò tenderis? quò assurgis fortius, tanto turpius conquassaris. Audi, quid de Beato Augustino S. Volusianus in Laude mirabili testatur, dicens: In alijs sacerdotibus per mundum quomodocumque toleratur inscitia, id est ignorantia, cum autem ad Augustinum ventum fuerit, Legi Dei deesse creditur, quidquid eum contigerit ignorare. Quid autem tam magnifico viro, super profunditate Sermonis & arduarum rerum disputatione, contigerit, audiamus. Inter miracula quedam Beati Augustini tale quid de eo reperitur. Eo in tempore, quo Beatus Augustinus librum de Trinitate composuit, illi tale miraculum Deus ostendit. Hipponensis ciuitas Africa nobilis, in qua Beatus Augustinus Episcopatum administrabat, super litus maris pulcherrime sita erat. Beatus autem Augustinus in consuetudine habebat, ut, post diurnum studium ac laborem, vespere super litus maris, sequentibus eum à longè Episcopis & Clericis, qui eum, pro consilio & negotio vniuersalis Ecclesiæ, frequentabant, solus antecedens deambulet: ne scilicet eius contemplationem & studium fabulatio impediret. Cum ergo sic solus, vice quadam, incederet, puerulum mira pulchritudinis super litus maris sedentem inuenit, qui facta in terrâ fossa paruula, sicut pueri in plateis ludentes solent, cochleari argenteo aqua de mari hauriebat, & in illam fossam paruulam effundebat. Quem ut Beatus Augustinus ita seriosè sedentem vidit, pedem mox pressit, & stetit. Proce- densq; inde, puerum salutat, & inquit, quid agas? Et puer cum magno serio respondens, volo, inquit, totum mare istud exhaurire, & isti fossæ, si possum, infundere. Quo responso, quasi puerili, vir sanctus in risum decentissimum concitatus, respondit: Et quomodo, inquit, ô bone puer, hoc poteris? ingens mare est, paruum cochlear, quo exhauris, parua etiâ fossa, in quam infundis. Et mox puer: possibilis, inquit, mihi est hoc facere, quod intendo, quàm te implere, quod cogitas. Ad hoc Beatus Augustinus mirabiliter stupefactus, quid hoc esset, interrogat. Et puer: Cogitatu, ait, voluis, & æstimas volumine breui concludere, quid sit illud indiuidue Trinitatis inexplicabile Sacramentum. Et hoc quidem antequam possis, isti fossa paruula potius totius maris undas infundam. Hæc dicens puer repente disparuit. Beatus verò Augustinus Christum in facto glorificans, quàm verum puer dixerat, mox aduertit.*

IX.

Hæc ad Liburnū, portū Pisanorum contigisse tradit Iacobus Philippus Bergomensis. Quidquid sit de loco; de puero  
IESV

IESV ei apparente res probabilior est, quàm quòd S. Hieronymo apparuerit, non solum quia epistola illa D. Augustini ad Cyrillum fictitia est, sed quia etià vetustissima, in Ecclesia, pictura est D. Augustini, cum puero ad litus & pedes illius sedente, atque cochlear tenente, quo mare in effossam scrobem colligit: quidquid nonnulli etiam hanc imaginem sublastæ fidei esse arbitrentur. Quod si ergo historiam esse ponamus, voluit & hunc Doctorem Puero IESVS docere, & voluit utique sanctus hoc Doctor libenter ab hoc Puero doceri, tanquam à Sapiëntia Patris, magistroque veritatis; qui per veros aut etate, aut sapientia mundana pueros, complures alios, in humanis oculis grandes instruxit, ut Mundi sapientiam confunderet; docereturque, nullum pusillum, nullum quantumvis simplicem esse contemnendum. Sic exaltatur à Deo humilitas, sic sublimitas humiliatur.

Nicephorus, Sozomenus aliique complures testantur, fuisse Iconij senem quendam Episcopum Amphiloichium dictum, antiquæ simplicitatis hominem, qui Theodosium Magnum Imperatorem ausus est adire, ei que libellum supplicem dare, quo Theodosius monebatur, ut impios Arianorum conventus, ex verbis proscriberet. Neque enim minùs nocere infectione hæreticos censebat, quàm pestilentia correptos, qui luem, etiam in maximè cautos, propagant. Imperatori durior ea inhumaniorque petitio videbatur, ut qui clementia atque benevolentia capiendos Arianos putaret, imprudentemque Episcopi zelum in alia tempora quietiora differendum arbitraretur. Quid ibi fecit sapientissimam Amphiloichij simplicitas? quibus machinis porro quater Imperatoris animum institit? Est tempus, cum silendo plus efficiamus, quàm loquendo. Igitur quàm sinceram ingenuitatem petitionem suam explicavit, tam prudenti patientia repulsam passus tacuit. Existimauerat Imperator homini aquam hæsisse, nec iam argumenta solum, verum etiam verba deesse. Erras, erras, ô Imperator, non est stultitiæ signum, posse tacere. Garulorum sermo, uti vilis, ita & excors est. Solus ille verè sapit, qui habet linguam in potestate. *Qui moderatur sermones suos, doctus & prudens est: & preciosi spiritus vir eruditus.* Hinc, *stultus quoque, si tacuerit, sapiens reputabitur: & si compresserit labia sua, intelligens.*

Amphiloichius igitur, tanquam elingvatus, abiit; sed silens

In tom. 2.  
D. Augustini Appendice epist. 17.  
Io. Molan. de hist. SS. Imaginū lib. 3. cap. 36.

X.  
Nicephor. Callist. l. 11. hist. Eccles. c. 9. Sozom. lib. 7. c. 6. Theodor. l. 5. c. 16. Trip. c. 35.

Prou. 17. 27

XI.



lens consilium coxit, toti Ecclesiæ profuturum. Paulo enim post facinus dignum memoria fecit; & utiq; alijs quoq; imitandum, si mortales tam facile pro Christi gloria, quam pro Principum oblectatiunculis, stulti sustinerent reputari. Quippe occasionem captavit, ut cum alijs Præsulibus in aulam venientibus, & ipse veniret. Ibi, uti mos, & par erat, eum alijs Episcopis Imperatorem quam decentissimè consalutavit. Recta inde ad filium ipsius, qui admodum nuper ad Imperium lectus fuerat, digressus, eum impolitè atq; inurbanè gestūque subrustico tractare cepit. Neque enim eadem illi, quæ patri eius, observantiæ honorisque signa exhibuit; sed, tanquam si de vulgo, aut coloni terræ filius esset, ita cum eo, quasi cum puero colloquens, manūque eum, contra omnes leges aulicas, demulcens: *Salve & tu, o puer*, inquebat. Hæc cum videret Theodosius, senem Amphilochoium ætate desipere existimabat, & utiq; rudioris animo, rusticum, nō aulicum, in aula, agere cogitabat. Itaque simplicitatem hominis instruendam censuit, docuitque, quibus carimonijs filius esset salutandus. Iterum erras, o Imperator, non tu illum, ille te docebit: tui, non illius mores sunt culpandi.

## XII.

Audijt igitur Amphilochoius Imperatorem, instructionemque illius, levi risu, refutans quasi per contumaciam, respondit: sufficere filio eius iam exhibitum à se honorem. Hoc dicto Theodosius ira percitus, & non secus, ac si filius atroci iniuria affectus esset, graviter commotus, Episcopum delirantem, cum conuicio, abduci iussit. Cithara ut sonet, percutienda est: idem huic Episcopo accidit. Tangebatur iam & satellitum manu ignominiosè foras protrudebatur, cum renidente ac sereno ore cōversus, consiliūmq; in animo occultatum sonantissima voce pferens: *Videsne, o Imperator*, inquebat, *quàm tu indignè illatam filio tuo iniuriam feras? Vides, quàm vehementer & incensè, ob compellationem minus urbanam decentemq;, in me, exardeas?* Sic scilicet existimare te oportuit, succensere etiam cœlestem Imperatorem & Patrem Unigeniti, propter eos, qui non communem illi tribuunt honorem, sed dissimilem & longè minorem Patre vocare audent.

## XIII.

Hic vidisses, quid diuina possint. Etenim Imperator, cum inde rem actam intelligeret, & verba illa confidentissimè aptissimèque prolata admiraretur, velut fulmine ictus, ita quàm primum sacerdotem Dei ad se accersivit, atque ad pedes eius cecidit.

cidit veniam petens, publicæque voce professus est, non Episcopum, sed se simplicem fuisse atque ignorantem; neque aliter, quàm ipse dixisset, se rem habere. Igitur in ea sententia confirmatus, postea eos, qui aliter, quàm Nicææ statutum fuerat, opinarentur, extremè auersatus est. Contentiones in foro, & inanes conuentus inhiuit; disputationibus, de Deo & natura eius, finem omnino imposuit, & constitutione publicè proposita, periculum, qui ei non parèrent, denunciavit, pœnâsque, contrâ hoc edictum acturis, seuerissimas est comminatus. Ita factum, vt, Arianis & Eunomianis pulsîs, *et duobus consubstantialis fidei professores Ecclesias moderarentur.* Ita astutiam simplicitas supplantauit.

Liceat saltem mihi, ex hac historia, aliquid discere, si alij nolunt. Nempe illud disco, vt non diffidam simplicitati meæ, sed quæ ad diuinum honorem; quæ ad Religionem orthodoxam & conseruandam, & propagandam; quæ ad iustitiam pacis & belli obtinendam faciunt, & quæ mihi à bono Genio, immò à bono Deo suggeruntur, ea, cum locus aut tempus iubet, liberè proferam. Si apud Principum aures, si in curia Regum, si in maximis aulis mihi locus non est; saltem illis identidem occinam, & circa illorum aures circumsonabo, qui proximi sunt Principibus, qui Regum aures tenent apertas, qui cuiuscunque Dynastæ aut curiam, aut animam habent, occupantque. Non sum exercitatus in schola Machiaulli; non didici gryphos; non sectatus sum artes & ambagès Politicas; at meliorem magistrum Spiritum S. humilibus promissum inuocabo, quia *inspiratio omnipotentis dat intelligentiam.* Beatus homo, quem tu erudieris, Domine, & de lege tua docueris eum. Sapientior enim euadet, quàm Athenienses, & omnes Mundi sapientes. Timebat Moyses, cum eum Deus mitteret ad Pharaonem, & dicebat: *Obsecro, Domine; non sum eloquens ab heri & nudius tertius.* Etsi enim eruditus esset, omni sapientia Ægyptiorum, & vt Origenes ait, eloquentia incomparabili, tamen *ab heri, & nudius tertius*, postquam Deum loquentem audiuit, intellexit ruditatem suam; sicut rusticus, licet, cum iumentis suis comparatus, sapiens videatur; collatus tamen Doctoribus imperitiam suam agnoscit; ita Moyses vidit, omnem humanam sapientiam, coram Deo, stultitiam esse. Sed Deus illi dixit: *Quis fecit os hominis, aut quis fabricatus est mutum?* Age igitur, quod agis, tu linguam dabis, ego suggeram verba. Quo pacto etiam Christus

XIV.

Iob. 32. 8.

Psal. 93. 12.

Exod. 4. 10.



- Matt. 10. 19. Apostolos suos animavit dicens: *Nolite cogitare, quo modo, aut, quid loquamini: dabitur enim vobis in illa hora, quid loquamini. Non enim vos estis, qui loquimini, sed Spiritus Patris vestri, qui loquitur in vobis.* Hoc idem & alij, quibus cum magnatibus est negotium, aut occasio colloquendi, debent secum cogitare, infisteréque viæ Apostolorum, qui *ceperunt loqui varijs linguis, prout Spiritus S. (non prout Spiritus Mundi) dabat eloqui illis.* O quanta facerent, pro pauperibus, Principes, pro populis Reges, pro Ecclesia Imperatores, si Amphilochios multos haberent; si essent, qui eorum vultus, rugas, iras, fulminantes oculos possent pati; si Episcopi ipsi, si Ecclesiarum præsides, si Concionatores, si conscientiarum moderatores, non essent *canes muti, non valentes larrare*; qui magis Principis, quàm Numinis gratiam captant; idque illico rectum esse pronunciant, quod Regi, non quod iuri & æquitati vident convenire; apud quos, quidquid Domino illorum displicet, iniustum est; rectum, quicquid placet? Sic nimirum sapiunt Mundi sapientes. Sic canunt, similes ranis, quæ etsi multum canant, parum laudantur. Nec enim ranæ, nisi ranis placent. At Paulus sic loquitur: *Gloria nostra hæc est, testimonium conscientie nostræ, quod in simplicitate cordis & sinceritate Dei, & non in sapientia carnali, sed in gratia Dei, conuersati sumus in hoc Mundo.* Quid quod & bonæ mentis Principibus, magis probatur sincera simplicitas, quàm astutia vulpina?
- XV. Sæpe deridetur *insti simplicitas*, interim re ipsa, *simplicitas iustorum dirigit eos.* Nam talibus vititur diuina sapientia, cum & minus superbiant, & magis veritati, quàm subtilitati obediant, consueij propriæ imbecillitatis. Sed & Dei virtus, illis aliquid, quod vires sapientum excessit, efficientibus, magis elucescit. Minus enim simplex addit de suo; & plus gloriæ Numini relinquit inexploratus homo, quàm de quo fuit magna expectatio. Qua ratione, Anno 325. Catholica Religio, per Spiridonem Episcopum Trimituntium triumphauit. Confluxerant, eo anno, ad Nicænam Synodum, non solum Episcopi Catholici per litteras accersiti; sed & ex Philosophis plerique, qui apud Gentiles pro sapientibus habebantur, disputationibus, in hoc Concilio, agitati, dedita opera, interfuerunt. Quorum nonnulli, *quam tandem esset Christiana doctrina, admodum scire auebant: alij odio in Christianos propterea animati & inflammati, quod superstitiosa Gentilium religio nuper antiquari capta erat, questionem de fide Christiana propositam, ad inanem quandam*
- Sozom. l. 1.  
c. 1. Ruff. l. 1.  
Euseb. l. 10.  
c. 3. Niceph.  
l. 8. c. 15.

quandam verborum concertationem deduxerunt: adeò ut ipsi, inter se, digladiari, & secum pugnare viderentur. Inter hos vnus, tanquam nouus Goliath, in medium processit, & insolenti dicendi arrogancia se iactare, magnasque gl'rias verborum flare cœpit. Dixisset militem gloriosum. Neque se duntaxat circumspiciebat ac prædicabat, sed sacerdotes insuper Dei præsanè confidenter ac proteruè eleuabat, contemnebat, irridebat. Spiridon nequaquam Suadæ filius, artisque dicendi, multoque minùs fallendi, ac præstigiatorum omnium expers, hanc Philosophi superbiam non tulit, sed & ipse, ad certamen cum eo ineundum, surrexit. Habuit diuersos ea res motus. Petulantes risu, modestos impleuit metu. Veriti enim sunt, ne iuueni senex, homini facundissimo & eloquentissimo indoctus atque indilertus succumbens ludibrio exponeretur. Itaque ceteri, qui aderant Episcopi, libenter receptui cecinissent. Sed veneranda eos canities illustris Confessoris absteruit, reuerentiæque ipsa illi fecit auctoritatem. Data est ergo illi, liberè, quæ vellet, loquendi potestas. Ille, sine exordijs, sine colore, sine arte, eiusmodi oratione eum contriuit: *In Nomine IESV Christi, Philosophè, audito. Vnus est Deus cœli, terræ, & omnium rerum tam oculis subiectarum, quàm eorum aciem fugientium opifex: qui hæc omnia & virtute Verbi fabricatus est, & sacrato Spiritus S. afflatu stabiluit. Quare hoc Verbum, quod nos Filium Dei nuncupamus, miserrum humani erroris, & belluina viuendi rationis, ex Virgine nasci, cum hominibus vna versari, pròq, iisdem, mortem oppetere voluit. Est quoq, iterum venturus, de ijs rebus, quas quisq, gesserit in vita, dicturus sententiam. Ista ita se habere, sine vlla alia curiosa indagatione pro certo credimus. Noli ergo in his, quæ fide duntaxat rectè intelliguntur, curiosè refutandis, laborem frustra consumere, quererène, qui ista fieri, aut non fieri possint? Quod si credis, mihi quidem scisci- tanti responde. Quasi de cœlo tactus, ita sapientissima dictionis simplicitate obstupefactus Philosophus, illico respondit: Credo. Mox etiam amplissimas illi gratias egit, quòd ipsum & vicisset, & erudisset; protestatus, se eadem cum sene sentire. Quin consilium etiam illis dedit, qui perinde erga fidem Christianam, atque ipse antè, affecti erant, adhortatusque est, vt doctrinæ Christianæ assentirentur, iureiurando confirmans, se non modò non sine diuino Numine mutatum esse; sed etiam vi ac virtute quadam inexplicabili ad Christianam fidem conuersum.*



## XVI.

Eant nunc Mundi sapientes ( quorum tamen non nisi se-  
ptem numerantur ) & spernant simplicitatem. Eant Stoici, Pe-  
ripatetici, Academici, & disputationes acutissimas vanitati ven-  
dant. Eant & doctissimæ subtilitatis Theologi, &, quæ nemo in-  
telligat, scribant, dicent, explicent. Præ illis Deo, cuius est *cum*  
*simplicibus sermocinatio*, Spiridones, Pauli Simples, Simeones Sa-  
1. Cor. I. 19. li, Iacoboni placuerunt. *Scriptum est enim: Perdam sapientiam,*  
*sapientium, & prudentiam prudentium reprobabo. Vbi sapiens? ubi*  
*Scriba? ubi conquisitor huius seculi? Nonne stultam fecit Deus sapien-*  
*tiam huius Mundi? Supercilium igitur ponant, qui sibi de magna*  
*eruditione tumide plaudunt, ac fastidiosè despuunt ineruditos.*  
Deus sapientissimus, sicut per simplicitatem Spiridonis, acutissi-  
mum Sophistam conuertit, quem tot ac tanti, in eodem Concilio  
collecti Patres conuere non potuerunt; ita & nunc sape, per  
non admodum doctum, sed pium ac zelosum sacerdotem, pluri-  
mos hæreticos ad fidem, peccatores ad poenitentiam, pereuntes  
ad salutem trahit; cum plurimi Theologiæ Doctores grandia de  
Deo loquentes ne vnum quidem hominem conuerterint, aut ad  
vitam traduxerint meliorem; ne dicam, conuere dignati sint.  
Quod non eò intellectum volo, quasi eruditionem aut eruditos  
eleuem; sed ne scientia inflati, simplices putent à Deo minùs  
æstimari; atque ipsi beneficijs saginati pecunias magis, quàm  
animas venentur, curamque religionis indoctis relinquunt; quasi  
qui plùs sciunt, minùs facere teneantur; cum, Christo teste, *omni,*  
Luc. 12. 14. *cui multum datum est, multum queratur ab eo: & cui commendaue-*  
*runt multum, plus petant ab eo.*

## CAPVT XXII.

*Per bestias, etiam illas, à quibus alioqui cauemus, Deum*  
*nonnunquam succurrere, & miranda exhi-*  
*bere.*

## I.

Prou. 8. 31.

Supra. c. 16.



Vemadmodum, in hominibus, ita & in ipsis etiam,  
bestijs, contrarios sape euentus ostendit *ludens in*  
*orbe terrarum* diuina sapientia; qua duce profunt  
ipsæ noxiæ animantes. Supra dixi, per coruos, vo-  
racissi-

racissimum animal, Prophetæ & Eremitæ, perque calidissimam bestiam, Chuthberto coelestem œconomum, cibos misisse. S. Agidum cerua sustentauit. Cyrum canes, Androdum, vel, vt alij legunt, Androclum leo nutriuit. Vestalis Romulum & Remum paruos in Tyberim abiecit, quos aqua in sicco reliquit; ad vagitum lupa accurrens, eosque vberibus suis aluit. In vita S. Athenogenis Abbatissæ ac martyris legimus, imperante Diocletiano, in ciuitate Sebaste, eundem Abbatem antè, quàm ad martyrium raperetur, ceruæ suæ, quam aluerat, benedixisse, eique à Deo precatum, vt stirps eius non deficeret. Ab eo tempore quotannis, die 17. Iulij, quo S. Athenogenes, cum suis fratribus, Christi causa, interfectus est, quando Euangelium canebatur, venit cerua in templum, cum hinnulo, quem inibi reliquit, quasi Numini, in memoriam Sanctorum Martyrum, sacrificium obtulisset. Vrspergensis alique historici scribunt, Hunnos citra Mæotidem paludem habitasse, venationibusque suis contentos, de alijs regionibus sollicitos non fuisse, immo neque putasse, in altera ripa, terram cultam aut homines reperiri. Verum, cum fortè venatores quidam conspicerent ceruam, lento gressu, paludes transeuntem, atque interdum, quasi vadum exploraret, subsistentem, donec in alteram ripam euaderet, idque illis mirum & insolitum videretur; eius semitam subsecuti regionem amplam & à Scythis habitatam inueniunt. Hunni ergo rati, à cerua sibi vadum diuinitus indicatum esse, coacto exercitu, traiectione lacu, Scythas & finitimos nihil tale opinantes oppresserunt, eoque progressi sunt, vt toti orbi formidabiles redderentur. Amonius refert, simili modo, ceruam Clodouæo Francorum regi, contra Gothos pugnaturus, vadum in flumine Vigenna demonstrauisse. Quod etiam S. Itæ à Tokhenburgensi arce innocenter præcipitatem accidit. Nam, ceruam præuiam aptum solitudini locum inuenit. Capitolium olim anser; Casiblim accipiter, contra hostes, defendit.

Fundensis monasterij monachus, cui excolendi hortos cura erat, cernens, in eo olera partim pedibus conculcata, partim sublata furiosè, reperto aditu, quo fur ingredi consueuerat, serpenti præcepit, vt illum custodiret, nec inde, nisi iussus discederet. Prò pudor! Irrationale animal seruo Dei obediuit, homo damnum irrogare non dubitauit. Fur ergo peruersus, cum serpentem conspexisset, præ timore, se retroferre voluit; & pede vepribus implicato, pronus pependit, donec

Iustin. lib. 1.  
Geil. 1.5. c. 4.  
Plin. 1.8. c. 17  
post Liuium  
lib. 1.  
Aloysius Li-  
pomanus ex  
Simeone  
Metaphrast.  
17. Iulij.

Sozom. l. 1.  
c. 37. ait bo-  
uem æstro  
percitum fu-  
isse.

Amon. lib. 1.  
c. 21. de gest.  
Franc.

Fazell. de  
reb. Sic. dec.  
2. 19 cap. 6.

II.  
S. Greg. l. 1.  
Dial. cap. 3.



Plin. lib. 10.  
cap. 5.

Sur. tom. 3.  
in vita eius.

### III.

Io. Fischer.  
lib. 4. contra  
Oecolamp.  
c. 22.

ab ipso olitore superueniente expeditus fuit. Sic serpens, qui in primo horto hominem fecit nocentem, in hoc horto, innocentis excubitor fuit; & qui olim furtum pomi suasisit, nunc obstitit, ut homo neque olusculum posset furari. *Educata à Virgine, apud Seston urbem, Aquila retulit gratiam, aues primo, mox deinde venatus aggerens. Quin, dum mortua Virginis cremarentur ossa, in defuncta rogi se coniecit volucris, simulq, conflagrauit.* Aquila hæc, beneficii memor, gratum se exhibuit; alia nullo beneficio obligata, idem beneficium sponte præstitit Pyrrho Epirotarum regi; & idem alia Ptolomæo Soteri Arsinoës filio. Ast alia (Xiphilino, Suetonio, & Dione testibus) Octauio Augusto, cum puer adhuc ruri, quarto ab urbe lapide, via Campana educaretur, in nemore prandenti, ex improviso de manibus panem rapuit, moxque altissimè euolauit, quæ paulo post leniter delapsa ex improviso eundem ei reddidit. Quod non solum, cum Imperij portento, ei accidit, sed etiam ut constaret, eadem animalia cibum auferre, & offerre posse. S. Medardum adhuc puerum pecora pascentem à pluuijs, Iosephum Anchietam à Solibus, expaasis alis, aquila defendit. Atque ut rursus à nostris, ad Ethnicorum mira regrediamur, Zonaras, Anno, ante Christum 346. tempore Alexandri M. pueri nouem annorum, narrat, Gallis Italiam populantibus, Romanisque resistentibus, Gallum processisse magnitudine atque armis insignem: qui quatiens scutum hasta, cum silentium fecisset, prouocauit, per interpretem, unum ex Romanis, qui secum ferro decerneret. Ibi M. Valerius, Tribunus militum, adolescens; prius scitatus consulis sui (L. Furij Camilli, .M F.) voluntatem, in medium armatus processit. Ei repente coruus in galea confedit, in hostem versus: qui non solum tenuit semel captam sedem: sed quotiescunque certamen initum est, leuans se alis, os oculosque hostis rostro & unguibz appetijt; donec territum prodigij talis visu, oculisque simul ac mente turbatum Valerius obtruncauit. Ales è conspectu elata, orientem petijt. Inde, victis Gallis, laudatus Tribunus, & decem bobus aureaque à Consule coronâ donatus *Coruini* cognomen accepit.

Quia luculentum est diuinæ providentiæ ac bonitatis, in alia historia, exemplum, neque fortasse in omnes notum, aut non ita credibile indoctis, auctores, & aliam historiam verbis non meis dabo, quam, ex Ioannis Fischeri Roffensis Episcopi opere, quod

quod Anno 1526. aduersus Oecolampadium edidit (qui se à Wilhelmo Gronyensi docto Frisone probataque fidei viro accepisse, testatur) Ludouicus Richeomus ita refert: *Is sacerdotem, ait, quendam, cum, sub initium hyemis, Italiam versus iter ageret, niuis & algorum adactus necessitate, dum in alpihus errabundus, mitiorem à ventis, & nubibus vallem reperire sperans, desilisset, neque reducem quaquā versum exitum comperisset, neque unde defluerat, propter altitudinem, ascendere potuisset, sub exesam, & propendentem rupem se se fame moriturum coniecisse, ac desperasse. Sed, ut erat luna plena, vidit noctu serpentum diuersa genera, qui ad ipsius cauernam tendebant niue super repentes; exterritus hoc visu, munivit se signo S. Crucis. Neq; enim sibi persuadere statim potuit, naturales esse serpentes, nullam fingere causam valens, quā naturaliter cogerentur, tali tempestate, intra sua exire, & sic per niues repere. Phantasmatum igitur nocturnorum quandam credidit illusionem, aut spiritus forte malignos, qui tali specie simulatā ad se inquietandum accederent. Rursum igitur signum Crucis sibi imprimens, commendabat se, toto mentis affectu, Deo ac Beata Virgini. Serpentes restā versus lapidem spelunca sua vicinū contendebant, ibiq; aliquot factis reflexibus caperunt eundem lingere. Ipse interim anxie eos respectans horam prestolabatur, quā impetu facto ingrederentur speluncam ad se deuorandum. At ubi illi aliquandiu lapidem linxissent, regressi sunt, eādem, qua venerant, viā, in sua antea. Summas igitur Deo agit gratias, qui tali eum metu liberaffet, dormiūq; nonnihil, per noctis reliquum, absq; cibo diem sequentem transiens, nihilq; prater candorem niuis terram latē operientis, & lucem celi videns. Secundā & tertiā nocte, horā eādem, reuersi serpentes fecerunt similiter, & abierunt. Tum demum credidit naturales serpentes, sed mirabatur, quidnam ita lapidem lingerent. Iam penē viribus destituto incidit cogitatio, quod forte animalia illa ostenderent, quid sibi faciendum esset, in sua necessitate; tūmq; ad lapidem accedens capit eundem similiter lingere, & ecce (res stupenda) inter lingendum, ita fuit restitutus quasi cibo refectus. Tali itaq; modo, totā hyeme, sub rupe, latitans contra frigus & famem se defendebat, donec, in fine Aprilis, niue solutā, peruys iam factis alpihus, quosdam audiret in vicino colloquentes, ijsq; se comitem praeiuit ad peregrinationem suam complendam. Hæc Richeomus.*

Ergo, si vult Deus, serpentes, quos in aliorum supplicia, immisit, in auxilia immittit aliorum. Nullius igitur temeritas acculare

Ludouic. Richeom. in Peregrino Lauretano cap. 138.



S. Augustin.  
tract. 1. in  
Ioan.

S. Chryf.  
hom. 12. ad  
pop. S. Edm.  
in Speculo  
Eccl. cap. 6  
tom. 5. B.  
blioth. Da-  
masceus 2.  
Fid. cap. 10.  
Phil. lib. de  
Fronid. Ne-  
mesius 1. de  
homine. c. 2.

Laëtant. lib.  
de Ira. c. 13.

Deut. 32. 37.

Psal. 90. 13.

V.

Supra n. 2. &  
3. Dan. 14.  
Io. Euirrat. in  
prat. Spir. c.  
125.

accusare debet Mundi Conditorem, quod noxia animalia creârit; quemadmodum Manichæus quidam, apud D. Augustinum, simplici cuidam Catholico, Deum malum esse, persuasit, quod mufcas, quas ille tunc infestas pariebatur, condidisset. Hunc errorem fusè impugnat S. Chrysostomus, S. Edmundus, S. Damascenus, Philo, & alij. Nemesis sunt ista; *Si aliqua sunt, qua fructus nō ferant, contrāq; perniciem homini important, sciendum est, cum qua ad hominum usus valent, primario loco creata essent, tum cetera omnia, qua natura ferebat, esse condita; ut ne res vlla, qua fieri posset, ab hoc opificio abesset. Quanquam ne ista quidem plane eiusmodi sunt, ut nullam ex ijs homo utilitatem capiat. Nam etiam venenata bestia emolumentum illi faciunt, propterea quod eis ad curanda vulnera ab illis ipsis illata ceterosq; morbos sanandos abutitur. Tales sunt theriaca quedam compositiones, qua vocantur, quas ratio excogitavit, ut per eas etiam illis dominaretur, & velut à deiventis hostibus commodum perciperet. Sed habet homo infinitas vires his contrarias à Deo acceptas, quibus arcere, & ulcisci & corrigere eorum iniurias possit. Alia enim alios usus habent, communiter tamen omnia ad hominis commoditatem natura conferunt, etiam illa, quorum aliqui nulla utilitas appareat. Laëtantius proposita hac Stoicorum, ut ait, responsione: Quod nihil sit, cuius non sit aliqua utilitas, tamesi occulta plerumq; lateat, & ideò purgari Deum à calumnia, ex rerum noxiarum productione ipsi illata, scribit, hanc responsionem esse ineptam, & respondendum potius fuisse, istiusmodi mala facta fuisse, ut homo haberet, in quo datam sibi sapientiam & rationem exerceret. Est quidem hæc aliqua etiam ratio, sed tamen neque Stoicorum responsio est reiicienda, quam tot SS. PP. & ipsa experientia approbaerunt. Certè documenta & medicamenta ab eiusmodi bestiis habemus. Si Scorpij malum est venenum, est & oleum Scorpij bonum. Quin idem Scorpius dum fauciat, sanat, si, in ipso ictu, vulnere facto interatur. Certè qui dixit: *Dentes bestiarum immit- tam in eos: cum furore trahentium super terram atq; serpentium;* idem etiam dixit: *Super aspidem & basiliscum ambulabis: & conculcabis leonem & draconem.**

De dracone victo & contemtim interfecto, historia Danielis Prophetæ loquitur. Et de serpentibus, paulo supra docui. Idem etiam Daniel interfamelicorum leonum rictus, in lacu, illæsus mansit. Abbas Sergius leoni, in via iacenti, panem porrexit, & recede.

& recedere iussit, ut iumenta, salva transire possent. Accepit leonem & mandatum. Simonidem quoque Monachum, scribit Theodoretus, viatoribus in viam reducendis duos leones, è nemo re aduolantes attribuisse, qui eos non deseruerunt, donec rectum denuò iter tenerent. Narrat Hugo Præmonstratensis Abbas, Norbertum Archiepiscopum Magdeburgensem, cuidam puero cuiusdam pastori petenti, in gregis custodiam, sibi canem dari, respondisse: *Cum lupus aduenerit, rapuerit, ex grege aliquid, iubeto ei, nostro nomine, ne quid attingat.* Felix simplicitas pueri fuit. Paruit Norberto; ob quod, etiam lupus paruit puero. Iam lupus in gregem irruptionem fecerat, iam ouem ore arreptam asportauerat, cum puer præcepti memor cursu prædonem persequi & clamare imperiosissime cepit, ut domini ouem dimitteret, sic dominum mandare. Audita hac voce, lupus ouem illasam reddidit. Est scilicet ita, qui Deo obedit, etiam creaturas facit sibi obsequentes. In statu iustitiæ originalis, omnia animantia, quantumuis fera, hominis imperio erant subiecta. Quod idem obtinere multi viri sanctitate præditi, quibus bestiarum ad nutum paruerunt. Admirandum est, quod in Chronico Minorum legitur, de S. Francisco. Lupus quidam fame rabidus ciuitatem Eugubina[m] velut obsederat; ut nemo vel ingredi, vel egredi, ac ne comitatus quidem, posset. Superuenit D. Franciscus. Audita feræ immanitate, statuit urbem liberare. Eo ad bestiam in campum procedente, undique ciues è turribus atque fenestris, tanquam ad funestum prælium, prospexere. Vix in conspectum belluæ venit, cum illa truculentè in eum irruit. Expalluerunt, qui spectauerant. At Franciscus venientem hostem ultro, & nominatim vocauit, ferocientemque signo crucis compescuit. Vidisses miram illico metamorphosin. Nam lupus extemplo caput demittens, neque aliter ac si in agnum esset mutatus, ad S. Viri pedes se se prostravit. Ita supplicem, de illata vastitate, verbis acerbis castigauit, expositis ciuium querelis. Postea indicauit ei, venisse se, ut pacem inter ciues & ipsum componeret. Pacis conditiones erant, ut lupus posthac nulli damnum inferret, ciues ei non nocerent, sed iniuriarum obliuiscerentur. Addidit, fore, ut alimenta nunquam deessent. Post hæc audita, & velut intellecta, lupus capitis inclinatione, aurium, caudæ, & totius corporis gestulationibus annuebat, ut signis eiusdemmodi omnia approbare videretur. Quin & petenti de cæram in-

Theodoret.  
in hist. Rel.  
lig. c. 6.  
Hugo Præmonstr.  
in vita Norberti c. 73.

Chron. Minor. lib. 10.  
c. 29.



signum fœderis, sancto viro dextrum pedem porrexit; inuitatimque, in oppidum, ut coram pactas condiciones firmaret; velut agniculus secutus est. Fit concursus totius ciuitatis. *Ibi D. Franciscus grauer denuncianit populo, huiusmodi plagas à Deo immitti puniendis mortalium criminibus; alios esse in inferno lupos; rabiem inferni barathri ardentisq; fornacis voraciorem rictu infansito huius bellue, quæ, præter vitam mortalem, auferre nihil posset. Tunc exposuit; quas cum lupo extra portas inisset condiciones utrimq; pactas. Easdem probarunt ciues. Ipsæ quoq; iudicijs, quæ ediderat, assensus est lupo; pedemq; rursum poscenti B. Francisco eleuauit, & in eius manu reposuit. Omnes letitia exsultantes benedixerunt Dominum. Neque hætenus tantum pertinuit cecuratio. Siquidem, ab eo die, lupo quotidie, canis blandissimi instar, urbem obiuit, atque ad singulorum fores subsistens, alimenti sui portionem ostiatim emendicauit. Quocunque ibi, gratissimus adueniebat, & cum applausu, in omnium ædibus, excipiebatur. Quodque mireris magis; nullus vnquam eum canis allatrauit, nulli & ipse vnquam ferox visus est. Duos annos id miraculum tenuit; postea lupo desijt viuere, cum magno populi luctu; nam in eius innocentia plebs D. Francisci intuebatur sanctitatem.*

## VI.

Plaut. Afi-  
nar. Lam-  
prid. in He-  
liogabalo.  
Marc. 16. 17

Theophyl.  
in c. 16 Mar-  
ci.  
Act. 12.

Quid autem dubitemus de eiusmodi facto, cum non sit impossibile, apud Deum, omne verbum? Possunt homines dicere: Reddam ego te, ex fera, fame mansuetem; & Heliogabalus, teste Lampridio, habuit leones & leopardos, quos edoctos, per mansuetarios subito ad secundam mensam iubeat accumbere; cur id Deus non posset? cuius clara est promissio: signa autem eos, qui crediderint, hæc sequentur &c. serpentes tollent, & si mortiferum quid biberint, non eis nocebit. Serpentes tollent, inquit Theophylactus, sicut Paulus viperam in manu sustulit, nihil ab ea offensus. Et si mortale quiddam biberint, non nocebit eis. Sæpe enim & hæc facta sunt, ut in historijs inuenimus. Multi enim & venenum bibentes, per signaculum crucis, illæsi conseruati sunt. Atque, ut hæc tanta miracula fide sint digniora, ea naturæ vis est, ea industria artis, ut ipsum virus proficiat. Nam & in veneno inest medicina; & perniciosissimæ animantes sanare possunt, cœlo dirigente. Cuius etiam beneficio bestia hominem, contra bestias, defendunt. Nam contra serpentes hominem ab aquila defensum Crates Pergamenus historia insigni docet, quam etiam Stesichorus Poëta poemate profecutus est, & Ælian-  
nus, in

nus, in hunc modum recitat. Decem & sex viri frumentum in area perticis excutientes, in maximis solis ardoribus, cum ardentissime siterent, unum ex suis, ut aquam de proximo hauriret fonte, miserunt. Is messoriam falcem in manibus habebat, & in humeris siculam gestabat. Vbi verò ad fontem venit, offendit aquilam quàm strictissime, cautèq; serpente circumplicatam, iamiam proximam, ut strangularetur. In eam enim aquila inuolauerat: veruntamen non compos voti & insidiarum, in ea ipsa expugnanda, euaserat: neq; pullis, ut Homericè dicam, epulas attulerat: sed spiris illius, seu laqueis, circumuenta, vicina erat, ad pereundum. Agricola vel quòd non ignoraret, vel quòd auditione acceperisset, Aquilam Iouis nunciam & ministram esse: & item quòd egregie teneret, feram & improbam bestiam esse serpentem, falce eam dissecuit: & vinculis aquilam, unde effugere non poterat, exoluit. Quumq; his obiter gestis reuertisset, atq; hausta aqua vinum temperatum omnibus ministrasset; ij quidem audissimè copiosèq; in prandio bibere ingrediuntur: is autem, qui aquam hausisset, iam post illos bibiturus erat. Ad labia igitur poculum cum adnouisset, seruata aquila circum locum illum etiam nunc versans, ut hanc mercedem sua salutis persolueret, sic in poculum inuolauit, ut potio effunderetur. Ille, quòd grauer siteret, indignatus ait: Hancne gratiam, cum sis illa (nam auem recognoscebat) tuo conseruatori refers? itàne Iouem gratiarum inspectorem & prefectum vereris? Quum hac locutus in siti, se ad alios conuerteret, videt ex venenata potione palpitantes, extremum spiritum efflare. Serpens, ut conijcere licebat, suo veneno fontem imbuerat. Itaque redemptionis præmium ei, qui se conseruasset, Aquila sum pari salute compensauit. Quod beneficium longè inexpectatius est in lupo, qui puellam adultam inuasit, dentibus brachium illius tenens; quam cum secum traheret, quoties illa clamare cepit, clamantem durius pressit, & tacenti pepercit. Quid plura? ducta est ab eo in siluam ad alium lupum, cuius gutturi os fuerat infixum; quicum nimis torqueretur, per os alterius lupi manus puella in guttur hiantis mittitur, à qua os, quod inhaeserat, extrahitur. Sanatus verò mox cum suo collega puellam ad villam propriam reduxit.

Verum hoc iterum, vti & aquilæ commemorata, gratitudinis & relati beneficii exemplum est; alia aquila, beneficio non accepto, benefica fuit; quin & vulpes, licet inuita, sed à Mundi Domino vel docta, vel ducta. Siquidem Pausanias author est, Ari-

Ælian. l. 17.  
c. 37. de animal.

Cæsar. lib. 10. c. 66.

VII.

Pausan. l. 4.



foueam vocabant) liberatum. Cuius rei historia cum insolens sit, ac auditu periucunda, placet verba scriptoris apponere. *Aristomenem*, ait, qui sepe alias, idem & tunc Deus seruauit: cuius, qui res gestas magnificentijs extollunt, aduolasse aquilam dicunt, quæ cadentis corpus passis alis subiens, ita illum liberauerit, ut omni ex parte illisus ad eius barathri ima delatus fuerit. Fato certè nescio quo exitus ei è tetro illo hiatu monstratus est. Nam cum in imo iam specu constitisset, veste obnoluit decubuit, extremam, quam proximè adesse putabat, vita horam expectans. Triduum erat ibi iam commoratus, cum audito strepitu quodam, reiecta facie, per sublustres tenebras, vulpem vidit caduera appetentem. Cogitans itaq; per ostiolum omnino aliquod bestiam illuc penetrasse, ut ea quantisper propius accederet, operiebatur. Id, cum, uti volebat, accidisset, feram manu altera comprehendit; altera, quoties se illa conuertisset, manu chlamydem mordicus prensandam obiciebat. & currentem quidem, qua se via dabat, cursu consequebatur; trahendum vero se belluæ, per inuia, præbebat. Vidit postremò cuniculum nihilo amplior, quam unde posset vulpes euadere, per quem luminis se aliquid ostendebat. Per illum quadrupes, ut primùm dimisit eam quasi manu missam *Aristomenes*, lustrum suum repetijt. At ille angustam illam, & minime peruiam cauernulam manibus aperiens intrans, ad suos tandem euasit. Fuit eius fortuna, cum captus est, mira & inopinata; maior enim viri spiritus erat, maior, ex rerum gestarum magnitudine, audacia, quam ut quisque capi illum posse sperare debuerit. Sed nihil fuit admirabilius; nullum certius præstantia huiusce argumentum, quam quod è Cædæ elabi potuerit. Huc vsque *Pausanias*. Nimirum

- Pfal.* 62. 11. sicut, qui, castigante Deo, introibunt in inferiora terra, tradentur in manus gladij, & partes vulpium erunt; ita vicissim, pro quibus Deus pugnat, vel ipsis vulpibus hostes vastabunt, quod legimus *Iudic.* 15. 4. *Samsoni* accidisse; qui, per faciferas vulpes, longè latèque incendit segetes *Philisthæorum*.

## VIII.

Ex eiusmodi historijs elucet varia diuinæ bonitatis iudicia. Nam 1. ostenditur, Deum in omnibus creaturis esse laudabilem, etiam ijs, quæ noxiæ vocantur. Hinc *Dauid* non ait, tantùm: *Laudate Dominum de cælis* &c. sed etiam: *Laudate Dominum de terra: dracones, & omnes abyssi: nec reges duntaxat & omnes populos, principes & omnes indices terra, sed etiam bestias & vniuersa pecora, itémque serpentes ipsos in Deum laudes trahit.* 2. Si vtilia magis laudamus, demonstrat talibus euentis vniuersi Gubernator, pos-

*Pfal.* 148. 1.

tōr, posse se etiam de ipsis perniciosis eruere hominum emolumenta. Hoc nimirum est etiam inter homines discrimen. Probi norunt etiam malis bene uti: impij autem ipsa bona rapiunt in malum. 3. Hinc intelligimus, omnia homini seruire, si Deus velit; dominiumque illud ab initio hominibus datum, in peccati poenam à iusto iudicē, subductum, aut limitatum. Manichæi solebant dicere: *Quomodo accepit homo potestatem piscium maris, & volatiliū cœli, & omnium pecorum & ferarum; cum videamus à multis feris homines occidi, & à multis volatilibus nobis necessaria rapi, quæ volumus vel vitare, vel capere, & plerumq; non possumus? Quo modo ergo in hoc accepimus potestatem? Hoc illis primum dicendum est, ait S. Ambrosius, quod multum errant, qui post peccatum considerant hominem, cum in huius vita mortalitatem damnatus est, & amisit perfectionem, qua factus est ad imaginem Dei. Sed si dominatio eius tantum valet, ut tam multis pecoribus imperet: quamvis enim à multis feris propter fragilitatem corporis possit occidi, à nullis tamen domari potest, cum ipse tam multas, & prope omnes domet. Si ergo hæc hominis dominatio tantum valet, quid censendum est in statu innocentie valuisse? Timemus, inquit Ioan. Constantinopolitanus Episcopus, bestias & pavemus, non contradico. Sed non hoc ostendit legem Dei esse mendacem. Ab initio enim non ita res erant dispositæ, sed timebant & tremebant, & subiciebantur Domino. Et quoniam à fiducia decidimus pro peccato; profecto & ab honore. Vnde hoc manifestum est? Adduxit enim Deus bestias ad Adam videre, quid eas vocaret, & non resistit Adam tanquam timens. Hoc unum signum, quod non fuerunt homini ab initio terribiles bestie. Secundum aliud isto manifestius, quæ fuit ad mulierem, per serpentem disputatio. Si enim essent bestie terribiles hominibus, non virg. mulier viso serpente mansisset, nec accepisset consilium, non ei cum tanta sermocinaretur fiducia, sed statim ad eius expausset & resistisset aspectum. Nunc autem & disputat, & non timet. Nondum enim erat timor iste, sed quia peccatum ingressum est, ablata sunt ea, quæ honoris sunt. Quamdiu quidem habebat ad Deum fiduciam, terribilis bestis erat; sed quia offendit, extremos etiam conseruorum suorum iam pauet.*

4. Hinc discimus, penes Deum esse, ut nos creaturæ illius vel lædant, vel defendant. Itaque de generibus animalium venenosus & perniciosus queri solet, utrum post peccatum hominis, ad vindictam creati sint, an potius, cum iam creati essent innoxia, non nisi

S. Ambrosi.  
lib. 1. de Ge-  
nes. c. 18.

Apud S. Am-  
brosi lib. 1.  
contra Iu-  
lian.

IX.

S. Ambrosi.  
lib. 3. super  
Genes. c. 15.

De 3

postea



postea peccatoribus nocere ceperint? Neg, hoc mirum est, quandoquidem in temporibus huius vite & laboriosa atq; arumosa, cum sit nemo ita iustus, ut se perfectum audeat dicere: unde exercenda atq; infirmitate perficienda virtuti, necessaria sunt tentationes & molestia corporales: tamen & S. Daniel, inter leones saluus atq; intrepidus vixit: qui nō utiq; Deo mentiens in oratione, non tantum peccata populi sui, sed etiam sua fatetur. Et Apostoli manui mortifera vipera inhesit, nec læsit. Potuerunt ergo etiam ista creata nihil nocere, si causa non exstitisset, vel terrendorum puniendorumq; vitiorum, vel probanda perficiendaq; virtutis: quia & exempla sunt demonstranda patientie, ad profectum ceterorum: & ipse homo sibi in tentationibus certius innotescit; & iuste salus illa perpetua, qua turpiter amissa est, per voluptatem, fortiter recipitur, per dolorem. Totum ergo penes Deum est, ut nos bestia lædant, vel protegant; protegant, cum iubentur; non læderent, nisi nos earum Authorem læsissemus. Postquam contra illum pugnauius, non iam grus contra pygmæum duntaxat, sed mus quoque pugnat contra elephantum; seu, ut apertè dicam, mure minor musca mordere audet Pharaonem, elephanto superbiā maiorem.

X.

5. Deniq; negari non potest maxima mortalibus damna ab eiusmodi belluis sæpe provenire. Alibi leones itinera faciunt infesta; vrsi alibi: alibi lupi, &, in Paraquaria, integri siluestrium equorum exercitus, quidquid offendunt, proterentes. Sed & draconum metuendæ sunt insidiæ; tigridum item velocitas, immanitas leopardorum. Sunt in sacris & profanis innumera historia. Nihilominus hæc ipsa tam præsentia vitæ discrimina summam pariunt vtilitatem. Nam incommodis maximis, quæ inferunt, fastidium pariunt vitæ terrestris, desideriumque excitant, ut ex hac peregrinatione ad cœlestem patriam, ex hac lachrymarum valle ad eternam securitatem, ad summum illud bonum, quod omni molestia carebit, tantò impensius anhelemus. Quo desiderio roborati martyres ad bestias damnati, inter leonum rictus, cum S. Ignatio Episcopo Antiocheno; inter virulentos angues cum D. Thecla; inter mille aliarum belluarum laniatus, cum alijs Dei athleticis exultauerunt. Et vniuersim, esse maximum bonitatis Dei & affectus, in optimos quosque, quos hîc varijs incommodis exercet, argumentum, præter D. Dionysium, & alios, Gazæus declarat.

clarat. Philo ita loquitur: Oportebat, quo magis elucerent meliora, etiam deteriora produci à potentia bonitatis summe, quæ Deus est.

Areop. De diu. nom. c. 8. S. Aug. q. 82. ex 83. Gazæus in suo Theophrasto. Philo l. 2. Allegoriar.

## C A P V T XXIII.

*Mirabile diuinæ equitatis & bonitatis, per Lupos, auxilia facientis exemplum.*



Quoniam superiore capite ex profano autore ostendimus, diuinam bonitatem, etiam in vulpe liberatrice, succurrentem, atque è barathro, siue Ceadâ educentem, addam hîc, quod ab homine fide digno, pio, docto, & verè Religioso, eoque Societatis nostræ candidissimæ mentis sacerdote, ac sene audiui, quem meritò omnes ex Iouis tabulis testem dicebant esse potuisse, in quo dolus non erat, & in cuius ore non est inuentum mendacium. Is, cum aliquando nobis sermò, de varietate Dei homines ad Societatem nostram vocantis, incidisset, cum alto suspirio, mihi dixit, narraturum se admirabilem vocationem; stupendo modo, miserentis Dei, si ei promittere velim, me nomen eius non interrogaturum, de quo historiam verissimam vellèt recitare; nam & nomen sibi constare, & notum virum; sed causas esse, cur non proderet. E quibus dictis, aliisque rebus, quas de eo noueram, aliud conijcere non potui, quàm illum ipsum esse, cui id euenisset. Præsertim quia sæpius postea rogantem me, vt nomen & personam interrogandi potestatem faceret, illè ipse me longè vehementius rogauit, ne interrogarem: vt proinde visus sit mihi, malle Deo taciturnâ humilitate, quàm apud homines vocatione prodigiosa notus esse. Quare, imitatione D. Ioannis Euangelistæ (qui & ipse, quæ de se refert, tanquam de tertio, solet commemorare) eum, cui ipsi omnia reliqua narrationi adiuncta quadrabant, in hunc ferè modum, & ordientem, & perorantem, sitientissimis auribus, audiui.

Adolescens erat, in terra Germania, non obscuris natalibus oriundus; neque opibus destitutus, si eum parentes pecunijs corrumpere voluissent. Sed illi alienis exemplis cautiores, cum eum, à se, ad studia litterarum amandarent, quia intelligebant, quàm magnum sit vestigal parsimonia, bonæ frugis filium facere malue-

I.

Io. 1. 47. A. poc. 145.

II.



maluerunt, quàm comessatorem. Itaque scholas adeunti rerum necessarium nihil deesse patiebantur, sed neque luxu diffuere sinebant. Sic factum est, vt breui, in scientijs & pietate, pari progressu, proficeret, desiderioque se magis perficiendi incensus animo circumspiceret, qua viuendi ratione potissimum posset etiam in alios olim scientias ac pietatem deriuare. Quia autem virtus illi placuit, mores primùm seculi displicuerunt, mox ipsum etiam seculum desipuit. Statuit ergo animum conferre ad Ordinem aliquem Religiosum, in quo & bibliothecæ vigerent, & morum disciplina non negligereretur. Itaque multarum Religionum statuta, leges, vestiendi & habitandi genus; sed præcipuè Religiosos ipsos etiam atque etiam considerauit. Nec diu anceps stetit. Illorum se statuit vitæ addicere, quorum assueuerat doctrinæ; ratus nullos sibi esse perspectiores, quàm quos in schola atque de cathedra noscere didicisset. Certa iam erat illi hæc sententia; & quiescebat animus, immo, *nunc Dî beati*, gaudens dicebat.

## III.

Ceterùm quis nescit cereas esse mentes adolescentum, præsertim cum nullum ducem directoremque admittunt consiliorum? Nam sicut vites vltimo non alligatæ in terra iacent, & computrescunt ignauæ; ita etiam florentissimorum iuuenum animi, si non habeant, à quo erigantur, in fructus speratos non matureseunt: aut, quemadmodum excussa è silice scintilla, etiam in bonum fomitem incidens facillè extinguitur, si flatu oris non foueatur; ita ardentes hominum etiam proborum cogitationes diuino igne conceptæ citò vanescunt, si illis non detegantur, quorum ignito eloquio possunt in validam flammam promoueri, sed veluti cinere sepultæ prunæ sepeliantur, & suffocentur. Itaq; & huic adolescenti euenit. Pasetis sēmiobolus dici poterat. Spem in flore fecit, in messe propemodum decepisset. Nam, vt sibi prudentulus videbatur, mentis suæ arcana quàm secretissima habuit, consiliūque religionis ineundæ, neq; illi quidem, qui ei à sacris confessionibus erat, patefecit. Interim non defuere socij, qui in contraria omnia eum impellerent. Inuitabant ad hortos suburbanos; trahebant ad haustus frequentiores; inde ludo chartarum eum implicabant: tandem ad choreas ventum est, & pro virginibus Musis, virgines interpoles placuerunt. Sicut ventus nubes abstergit, ita deliciæ omne Deo, in religione, seruiendi consilium abstulerunt. Iam sæpius abesse lectionibus, morbos fingere, prætere-

xere

vere; cauillari occupationes, negligere res diuinas, nimium curare res humanas; emere chirotheculas, & sindones preciosas; cultius incedere, & in Nympharum cultus pecunias perdere, neque libros quidquam pensi habere, denique alius esse pallim dicebatur.

Neque latebat hæc mutatio parentum vigilantiam, qui mirabantur, sumtus priores non sufficere, ad se rariis à filio litteras venire; carumque loco varias vndique monitiones, suspiciones, querelas emergere. Igitur non dormiendum rati. gnatum vnicuique electum ad alias Athenas migrare iubent, cum loco atque socijs sperantes vitia quoque deserturum. Et, ut seueritate terrorem iniicerent, viatici exiguitate puniunt. Viam igitur pedes, & solus ingressus, qua

*Promnei Hercynia continis Rhætia fluit,*

rectum quidem tenuit tramitem, sed opinione prolixiores. Itaque die destitutus, angustiam animo cepit, & compendia, non sine dispendio queritare. Sed nec in corpore dispendio diuina consilia desicere. Nam Deus accelerant conuersiones emittere videtur; & errore errorem voluit corrigere, ut animam illius in viam reduceret, cum pes exorbitaret. Per inuia multa, per tetra densa, per paluosa, cæca illi innox duxit, molestissimis ambagibus, donec tandem, per rariora arborum, conspexit, nescio vnde, lumen quoddam allucere. Hominum habitationem inuenturum se ratus, sequi cepit, quod radij inuitabant, tandemque difficulter elatus ad magalia peruenit, in quibus existimauit, pastores cum pecoribus suis habitare. Adit. pulsat. sperat. Sed mox intelligit, ad Orci se ianuam delatum esse. Nam ad ostium, cum summe, progressa anus, ubi iuuenem vidit, haud illiberalem, miserta periclitantis, illico facessere iussit & aliud properare. Iuuenis inhumanitatem rusticæ Baucidis interpretatus, impensius rogare institit, ut id noctis admitteretur, promittens, se sine molestia mansurum, stramine aut feno in lecti vicem, contentum esse posse, & si quid panis aut ossa daretur, pecunia abunde compensaturum. Non est, mihi fili, aiebat anus, quod ista excoles: mihi à te nullum metuo incommodum; tibi, tibi metuo, cui certum est exitium, si hic diuertis. Non sunt hæc pastorum mapalia, ut arbitraris, non colonorum casæ, sed immanissimorum latronum receptacula; qui, cum bona tua fortuna, nunc absunt, aurigæ insidiantes, quem eorum vnus, in pago proximo explorauit, hac nocte, transiturum. Iuerunt ergo

IV.

Eccli. 43. 14.



ad funestam homicidij tragœdiã, cui tu tuo exitio epilogum addes, si vel hîc permanseris, vel in eorum hinc abiens incideris crudelitatem. Dixit hæc anus, & flens iuueni, manum simul ac panem dedit, lachrymis testata dictorum veritatem. Sed, vt periculum declinaret, semitam ostendit, in diuersum à latronibus ducentem.

V.

Quid tunc animi fuisse desertissimo adolescenti putatis? Ibat solus. viam ignorabat. tempus erat nocturnum. magna siluæ densitas & longitudo horrorem incutiebat; sola latronum formido ab itinere atque inedia fatigato pedes restaurabat; cui accessit creperum lumen lunæ iam iam se se supra terras attollentis. Viam igitur volare potius, quàm ambulare cœpit, timore pedibus alas faciente. Spatium iam sufficiens se existimauerat euasisse, cum repentè animaduertit, euenisse sibi, quod sphæræ per præcipitium volutæ solet contingere: ad calamitatem enim suam fuiceler. Nam in eos ipsos latrones, quos fugit, incidit, adhuc occisum aurigam terra adobruentes. Illi, siue quia, inter nocturna silentia, strepitum euntis perceperunt; siue quia per emissitios ac venaticos excubitores prædam odorati; extemplo iuueni manus iniecere. Frustra ille elabi, frustra innocentiam, frustra inopiam, frustra adolescētiam obtendere conabatur. Tanquam molossi Anglici metuentem ceruam, cinxerunt, insolentissimisque clamoribus, veluti latratibus extenuarunt. Ibi mox prædonum vnus, qui ceteris videbatur inmanior, mutato sermone, fictitiâque lingua, & syllabis præposterè pronunciatis, ceteros adhortabatur, vt pecunia vestibusque detractis contenti, vitam tã tenere donarent ætati: cui alius mollem animum, & insulsam misericordiam opprobans dicebat: proditorem se dimissuros, si viuum dimitterent. Tertij consilium placuit, suadentis, vt vacuum è curru dolium deijceretur, cui velut caueæ inclusa præda tantisper sineretur viuere, donec, cœna repleti, ad eum, cum ludo ac voluptate, ad plures mittendum reuerterentur. Hæc dum sua lingua dicerent, intelligi se ab adolescente non putabant. At ille inter æquales dudum sic nugari didicerat: omnia proinde intelligebat.

VI.

Vix pedibus in eam sententiam iuerant, cum illico doliū de curru, & adolescens in dolio fuit. Discedunt ad latibulum suum latrones. Adolescens in capulo, non in dolio se reperit, viuūque sepultum credit. Et, vtinam, inquiebat, sepultus essem, nec in liberam mihi auram prodeundum foret! Nihil metuerem, lanienam

Ianienam non expectarem, neque carceris mei angustias sentirem. O quam crudeliter mecum ludent! ô per quot vulnera sanguis exibis! ô quot ficas purpurabo! aut fortasse de tot aridis arborû ramis ignem suscitabunt, qui illis luceat, mihi ardeat? Certè immania mihi minati sunt. Nihil tam crudele est, quod timere non possim ab ijs, quibus cruor in desiderio; homicidia sunt in voluptate. At quid parentes mei charissimi facient? vbi me quarent? Nulla vnquam Ceres pro sua Proserpina tam sollicita fuit, quam mea pro me mater erit: quæ si me reperire volet, ad Proserpinam ipsam & generum Cereris debebit descendere. Sodales verò mei, illi dulcissimi compotores, quò me locorum deuenisse dicent? Sed non curanda mihi est ampliùs fama, postquam actum est de vita. In singula momenta cultrum expecto, cur moror, quid de me dicant homines? Hæc nox in æternam mihi noctem claudet lumina. Vixisti, miser. Et, vt mortem magis sentias, in flore ætatis tuæ, occumbes. Hucine nascimur, vt pereamus? & desinimus, postquam vix cæpimus viuere? ô spes inanes! ô stulta mortalium vota! destinatis, quid in senectæ ætate facturi sitis, & in prima iuuentute è vita exturbamini. Sed cur hæc fiunt? naturamne accusabo, an Deum? neutrum meritò possum. Natura me diutius sineret vitam prorogare. Deus, sine quo, ne capillus quidem de capite nostro perit, vtique causam habebit, cur ita permittat. Sine illius voluntate, ne passer quidem de tecto cadit; multò minus ego, sine illius nutu, in latrones incidi. Ita me magistri ab ineunte pueritia docuerunt. Qua verò id permisisse de causa putem? Dudum memoriæ iussus sum mandare aureum illud dictum: *Non indices contra iudicem: quoniam secundum quod iustum est, iudicat.* Cur igitur hanc meam calamitatem iustam esse putem? Lusi? sed permissa est adolescentibus honesta relaxatio. Potavi? sed semper, citra ebrietatem. Multa puellis donavi? sed mea erant. sed non memini, limites honesti me transilijisse.

Eccli. 8. 17.

Hæc talia omnia, cum infra miseræ suæ meritum esse existimaret anxius adolescentis animus, tandem, velut orta luce, clariùs videre capit fundum totius calamitatis. Nam meminsens, se antehac à Deo vocatum ad Societatem Iesu ingrediendam, applicatæque ad aratrum manu, retrò respexisse, enimuerò etiam procul resilijsse, illico in has voces erupit. Ah video, Domine, quid in me plectas. Contempsti te: hinc reus sum. Extendisti & porrexi-

VII.

Luc. 9. 62.



Prou. I. 26.

sti mihi manum, non aspexi. Annuisti, renui. Habuisti, deserui. Præter æquum igitur nihil facis, si deseris desertorem, & vitam mihi abscindis illam, quam tibi viuere negaui. Hoc dudum, prædixissete, audiui. Tua enim sunt illa: *Quia vocaui, & renuisti: extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoque, in interitu vestro ridebo, & subsannabo, cum vobis id, quod timebamus, aduenerit. Cum irruerit repentina calamitas, & interitus, quasi tempestas ingruerit: quando venerit super vos tribulatio & angustia: in quali ego nunc sum. Suscipiam igitur, quod merui, & qui religiosè nolui viuere, conabor saltem religiosè mori: & dum spiritus superest, inconstantiam meam non desinam plangere; peccatæque, quæ lachrymis nequeo delere, sanguine ac nece lubens expiabo.* Dixerat hæc calentibus verbis adolescens, cum ei in mentem venit, non ita ad extremum omnia ducta esse, ut Deo non supersit modus succurrendi. Subibat, è medio leonum lacu, Daniele; ex incendio Babylonico, tres pueros; ex ipsis ceti visceribus viuum atque incolumem Ionam Propheten eductum esse. Occurrit & illud: *Domini mortificat & viuificat: deducit ad inferos, & reducit.* Hinc spes illi accensa, hinc oratio in hunc ferè modum effusa est: *Cum angustiareretur in me anima mea, Domini recordatus sum: ut veniat ad te oratio mea. Itemque: Viuet anima mea, & laudabit te: & iudicia tua adiuuabunt me.* Moxque voto se obstrinxit, in proximo Societatis domicilio, si ferale illud claustrum manûsque sanguinarias euasisset, petiturum, ut in album Sociorum reciperetur; addiditque illud Propheticum: *Quaecumque uoueri, reddam pro salute Domini.*

Ion. 2. 10.  
VIII.

Vouerat, & extemplo serenitas menti reddita est, nondum etiam cognita securitate. Erat tunc non sine luna cœlum, & per os cupæ radij clariores in captum incidebant. Ea dolij apertura, pro fenestra, vsus, ad luporum accurrentium vlulatum excitatus prospexit. Ibi nouus eum horror inuasit, nam complures vidit, lupos dolium vndique, in omnem partem, circumeuntes, & hauribus huriolantes, quid intus esset. Cœnam nimirum famelici, ex odore, indagabant. Ibi demum caput iuueni carcer suus esse charus, cuius effractores nolebat esse lupos. Sed intelligere potentem Dei sapientiam atque bonitatem. Quàm ex exiguo malo ingens procurat bonum? Ex metu iocum, ex ioco quantum attulit beneficium? Dum lupi circa dolium sùsque deque vagantur, ca-

sùne

sine dicam, an diuina manu, vnus appendiculae summitatem, per os vasis, immerfit, eaque faciem adeo ipsam intus prospectantis leniter demulfit. Ibi, seu natura, seu bonus potius, Genius fugessit, extemplo iuuenis palpum vtraque manu arripit, caudamque lupi omnem, aduersis pilis, intro ad se trahit, ante interitum suum, vltimo lusus. Lupus ubi se captum sensit, primo horrendum capit violare; ad quam vocem ceteri omnes in fugam se dederunt; deinde conari institit, an se posset e vinculis liberare. Lepidum erat, funesto tempore, certamen, hinc lupi trahentis, inde retrahentis adolescentis, lupumque, quanta maxima vi poterat, tenentis. Bestia, quod magis se se astrictam colligatamque animaduvertebat, eo magis nitebatur in contrarium eua- dere; tantoque impetu ferebatur, ut dolium ipsum, vna cum suo incolam, post se, ad abruptum aliquem saxosumque locum raperet. Ridebat intus vector, mirabaturque, tam cito e cupa rhedam esse factam, & ex victima aurigam. At ubi, acto, per praeceptum, & lupo, & dolio, impactoque identidem in scopulos, ac tandem etiam rupto solutoque vase, se in auras editum vidit, lupum manu misit, qui, libertate accepta, ne respiciens quidem, diffugit.

Adolescens autem in pedes pariter & spem euadendi erectus, per auia & inuia, se quam longissimè inde proripuit, intercurrentum, Deo laudes dicere non oblitus, sed illud, aut aliud quid simile identidem usurpans: *Clamavi de tribulatione mea ad Dominum, & exaudiuit me: de ventre inferi clamavi, & exaudisti vocem meam. Abiectus sum à conspectu oculorum tuorum: veruntamen rursus videbo templum sanctum tuum.* Nam, quod voui, exequar, non executurus, nisi me in extremum discrimen coniectum sapere docuisses. Nullus enim vnquam Diogenes, in dolio tam vtiliter est Philosophatus. Hæc ærumna mea, fuit schola tua. Maxima gratia fuit, in latrones incidisse; illi me ex laqueis diaboli, ex ipsis incendijs inferni, eripuerunt. *Cognoui, Domine, quia aquas iudicia tua: & in veritate tua humiliasti me.* Hæc angustia cor meum dilatauit. Hæc nox mentem meam illuminauit. Proximus morti, didici viuere. Viuam, & ut tibi viuam, Domine, Mundo moriar. Hæc talia, per totam noctem, cum Deo, & secum est locutus, dièque reddita, aliò, quam prius iter instituit. Nam ad proximum Societatis Collegium profectus, admitti in tirocinium flagitauit. Admissus est, & in religione constanter viuens, Deo, pro tam mi-

IX.

Ion. 2. 3.

Psal. 118.



rabili vocatione, nunquam se satis esse gratum posse, agnouit; vt qui eum, per errorem siluæ, in viam salutis; per captiuitatem lupi, in libertatem; per latronum pericula, ad veram securitatem reduxisset. Dubium non est, latrones postea, ad iuuenem è custodia eximendum atque contrucitandum reuersos capere non potuisse, quibus alis, dolium è loco suo auolârit: cum ne vespertilio quidem, qui sine plumis volat, volet sine alis.

X.

Scio consuetum multis, vt Tellenis cantilenas canant, qui vtiq; hanc à me narratam historiam dicent, esse pulchram fabulâ. Cum illis non contendam. Suo nimirum pede alios metiuntur: nam cum ita se gerant, vt nemo illis possit credere, etiam ipsi credunt nemini. Qui autem norunt, quàm sit *mirabilis Deus in sanctis suis*, diuina opera, nequaquam humanis iudicijs temerant,

Psal. 67. 36.

Eccli. 11. 4.

Sap. 10. 17.  
Ludou. Richeom. in  
Peregrino  
Lauretano.  
cap. 147.

sed suspiciunt ac venerantur dicentes: *mirabilia opera Altissimi*

Qui & alios complures *deduxit in via mirabili*. Nam prope simillimam historiam prolixè describit Ludouicus Richeomus; de Tristano, qui itidem priùs in latronum manus incidit, quàm nuncium Mundo remitteret; immo præsentiori periculo ereptus est. Etenim Vincentius, Theodosius & Lazarus eum reppererunt, in silua, *sub ingenti & procerâ quercu, solo iudicio tectum, terra porrectum, & instar eorum, qui rota supplicio afficiuntur, palis quatuor alligatum*, ac lupum manu tenentem, qui eum, cum alijs quatuor, deuoraturus erat, nisi diuinitus ereptus fuisset. Historiam curiosè iucundam, cum & longa sit, & author in manibus habeatur, piget exscribere. Sufficit, quod ego narraui, exempli similitudine confirmauisse; eiusque bonitatem laudauisse, *qui facit magna, & incomprehensibilia, & mirabilia, quorum non est numerus*; illique paruif-

Iob. 9. 10.

Isa. 12. 4.

Psal. 104. 2.

se, qui ait: *Confitemini Domino, & inuocate nomen eius: notas facite in populis adinventiones eius. Cantate ei, & psallite ei; & narrate omnia mirabilia eius*: neque aliquid fortuitum vocate, si in casum inopinatum inuoluamini; sed agnoscite hominis casum, Dei esse consilium; Fortunam mortalium, Numinis aut gratiam aut poenam; stultorum denique *Fata*, non esse, quod ipsi fingunt, tollentia, sed punientia malè vsurpatam peccantium libertatem. Neque enim in casibus humanis *Fortuna* aut *Fatum*,

sed diuinæ Prouidentiae iudicia domi-  
nantur.

C A P V T XXIV.

Quid non sit, aut quid sit FORTUNA, CASUS,  
FATUM? & in his omnibus Deum domi-  
nari.

**D**æcipius ferè error est mortalium, vt credant,  
*Fortunam*, aut *Fatum*, in casibus humanis, domina-  
ri: quorum vno Prouidentiam è medio tollunt, al-  
tero necessitatem ipsi Deo imponunt; & utroque  
efficiunt, vt Deus non esse Deus videatur. Si enim  
Deo necesse est Deam adiungere, quæ *Fortuna* vocetur, atque  
hunc Mundum regat; conficitur, Deum non sufficere, ad hunc  
Mundum gubernandum. At qualis ille esset Deus? quàm parum  
omnipotens? quàmque inops, si *Fortuna* ope auxilioque indige-  
ret? Quod etiã consequens est; si vlla *Fati* necessitate vrgeatur.  
Siquidem nulla est omnipotentia, vbi necessitas manum iniicit,  
aliquid facere cupienti. Quin neque illi ipsi rectè sunt ratiocina-  
ti, qui, cum omnia assererent fortuito contingere, *Fortunam* esse  
Deam crediderunt. Si enim Dea illa aliquid fieri voluit, ergo id,  
non fortuito casu; sed Deæ consilio ac voluntate euènit, aut si for-  
tuito euènit, ergo id Dea nulla voluit euènire. Qua de causa Epi-  
curus, teste Nicephoro, nullos Deos asseruit, omniã, fortuito, & sua  
sponte existere sensis; & Mundum, nulla prouidentia regi, apertè docuit.  
Quid necesse est prouidere, si omnia quadam *Fati* necessitate fiunt?  
quid consulto opus est, si omnia fortuito contingunt?

Et tamen fuere, qui ita stultescerent? Apud Poëtas, *For-*  
*runa* gubernans, ceca, fatalis, omnipotens vocatur. Poëtas secuti sunt  
oratores. Tullius scribit: Magnam esse vim, in *Fortuna*, in vtramq;  
partem, vel ad secundas res, vel ad aduersas, quis ignorat? Idem ali-  
bi, dominam rerum *Fortunam* appellat. Iam si de Philosophis sit,  
sermo, *Fortunam* insanam esse & cecam, & brutam perhibent Philoso-  
phi, ait author ad Herennium, saxoq; instare globoso prædicant volu-  
bili. Ex Niceta constat, *Fortune* imaginem, apud quosdam, no-  
uaculæ impositam, vel globo, ad prosperæ *Fortune* periculum &  
instabilitatem designandam: quod habet etiam Dio Chrysosto-  
mus. Apud alios, erat gubernaculum navis insertum manibus  
eius,

I.

Nicephor.  
lib. 10. hist.  
Ecclesi. c. 26.

II.

Lucret. l. 5.  
Cic. l. 2. Of-  
fic.  
Cicer. pro  
Marcello.  
Author ad  
Heren.  
Nicet. 4.  
thesaur. in  
appendic. r.  
ad heres. 42.  
Dio Chrys-  
orat. 64.



Aristot. l. 2.  
Phys. c. 4.

Clem. Alex-  
andrin. in  
protrept.

S. Greg. Na-  
zianz. or. 3.  
Cic. in La-  
lio.

III.  
Paulan. l. 4.

eius, tanquam rerum vniuersitatem moderantis. Certè, præter Epicurum, paulo prius, citatum, Democriti & Empedoclis, vt, testatur Aristoteles, sententia fuit, omnia, in Mundo, formata esse ex fortuito impetu atque concursu atomorum: omnia item, quæ in Mundo fiunt, fieri casu. Cebes Philosophus, teste Cicerone, alijq; veteres *Fortunam* cæcam effinxerunt, furenti similem, volubili fixo pendente. Quæ pictura artificio significare volebant, eam nihil ratione aut iudicio, omnia temerè & cæco impetu administrare; rerum humanarum aleam suscipere, deq; vertere; inquam vexatricem esse; malis propitiam; bonis aduersam; vagam ac versatilem; & in sola legitate constantem. Quid multis opus est? eò dementia ventum est, vt Romani *Fortunam* Deam maximam cum putarent, illam tamen, vt notat Clemens Alexandrinus, in sterquilinio locarent, scilicet dignum Deæ templum sceffum tribuentes, ait idem. Nondum satis est; vsque eò Romani infaniuerunt, vt hanc Deam, in sterquilinio, collocatam, adorarent; immo etiam *Mala fortuna* aram in Exquilij extruerent. Seruius Tullius non solum, in Capitolio, *Fortunam Primigeniam & Obsequentem* dedicauit; sed etiam iactare & prædicare ausus est, sibi consuetudinem intercedere cum *Fortuna*, quam, per fenestram quandam, in suum cubiculum, ad se delabi dictitabat. Euersum eius templum, grauiter vltum Iulianum, quasi summum nefas esset factum, scribit Nazianzenus. Nimirum rectè dictum est à M. Tullio: *Non ipsa solum Fortuna cæca est, sed eos etiam plerumq; efficit cæcos, quos complexa est.* Et ille:

*Fortuna, nimum quem fouet, solum facit.*

Quod vtinam Ethnicis tantum contigisset! Nunc, non modò Bupalus, apud Smyrnæos, sed etiam Christiani, Ethnicismum obolentes, Deam hanc nudam, cæcam, secundo flatu carbasæ ventilantem, in libris, in nummis, in scutis, in columnis, in ipsis ædium vestibulis pingunt & suspendunt; vt necesse esset vel ipsos, qui transeunt, cæcos fieri, ne impudentem Deam aspicerent; vel nudam vestiri, vt aspici non posset. Neque satis est, Veneream imaginem huic Deæ poni; à plurimis Dea habetur, à plurimis, vt Dea colitur: à plurimis, cum Sallustio, dicitur, *Fortuna in omni re dominatur: ea, res cunctas, ex libidine magis, quàm ex vero celebrat obscuratq;.* An non enim multi, sermone quotidiano, *Fortunam* suam vel laudant, vel accusant; vel etiam inuocant? An non *Fortuna* plurima attribuunt? An non dicunt, inter ludendum, sibi *Fortunam* fauisse,

aut,

aut defuisse? in proelijs, in negotijs, in venatu, in itineribus, in matrimonijs contrahendis, & denique, in qua re, non tribuunt primas *Fortuna*? Huic victoriæ, huic lucra, huic prædæ, huic optata omnia ascribuntur. Ita vanitas veritati, & Dea falsa, vero Deo antefertur. *Toto Mundo & locis omnibus*, ait Plinius, *omnibusq; horis, omnium vocibus Fortuna sola inuocatur, una nominatur, una accusatur, una agitur rea, una cogitatur, sola laudatur, sola arguitur, & cum conuicijs colitur: volubilis, à plerisq; vero & cæca etiam existimata, vaga, inconstans, incerta, varia, indignorum fauorix*. Huic omnia expensa, huic omnia feruntur accepta, & in tota ratione mortalium sola vitamq; paginam facit; adeoq; obnoxia sumus sortis, ut fors ipsa pro Dea sit. Nisi quod *Fortunum* Deum à Philosophis quibusdam dictum, quam vulgus *Fortunam* nominat Lactantius & Arnobius referunt & refellunt. Parum enim refert, virum an foeminam esse singas, si mentiaris.

Plin. lib. 2.

Lactant. l. 3.

c. 28. & 29.

Arnob. l. 3.

S. Augustinus, quia ipse tempore multæ adhuc supererant reliquæ Gentilium *Fortunam* pro Dea habentium, ne illis daretur occasio errandi, aut superstitione eorum autoritate ipsius confirmata videretur, etiam quod nomen *Fortuna*, licet bono veroque sensu, usurpârit, seipsum reprehendit. Refert ergo plurimum, ad diuinæ Prouidentiae laudes redintegrandas; errorémq; plus, quam vulgò putatur, perniciosum rudi popello eripiendum, ut ostendamus, nec *Casum* pro Deo, nec pro Dea *Fortunam*, sed, in utrisque, Deum verum rebus humanis omnibus dominantem esse agnoscendum. Veteres enim, quia latentes antea, subitoque erumpentes inexpectatos euentus animaduertunt, quorû causam cum ignorarent, nec tamen nullam esse, sibi persuaderent; occultum quoddam Numen esse, à quo ij provenirent, id est, *Fortunam* statuerunt, ipso Cicerone dicente: *Ignoratio rerum atq; causarum Fortuna nomen induxit*. Testatur Nicephorus, nonnullos Græcos Philosophos pugnavisse præstantibus libris aduersus Epicuri sectatores, Fortunæque cultores. quod & Paulinus fecit epist. ad Iouium, & S. Hieronymus in cap. 65. Isaia, ad illud: *Ponitis Fortune mensam*, alique.

I V.

S. Augustin.

l. 1. Retract.

c. 1.

Nicephor.

lib. 10. hist.

Ecclesiæ. 26.

Egregiè Lactantius hanc superstitionem, unâ cum origine sua, attingens, antiquos stultos potius, quam sapientes perstringit, his verbis: *Non dissimili errore credunt esse Fortunam, quasi Deam quandam res humanas varijs casibus illudentem; quia nesciunt, unde*

V.

Lactant. l. 3.

diuinar. Institut. c. 27.



sibi bona, & mala eueniant. Cum hac se compositos ad praeliandum putant, nec ullam tamen rationem reddunt, à quo, & quam ob causam; sed tantum cum Fortuna se digladiari momentis omnibus, gloriantur. Iam quicumque aliquos consolati sunt, ob interitum, amissionemque charorum, Fortuna nomen acerrimis accusationibus prosciderunt: nec omnino vlla eorum disputatio de virtute est, in qua non Fortuna vexetur. *M. Tullius* in sua consolatione pugnas se semper contra Fortunam, loquitur; eamque à se esse superatam, cum fortiter inimicorum impetus retinisset; ne tum quidem se ab ea fractum, cum domo pulsus, patria caruit. tum autem cum amisit charissimam filiam, victum se à fortuna turpiter confitetur. Cedo, inquit, & manum tollo. Quid hoc homine miserius, qui sic iaceat?

## VI.

S. Augustin.  
lib. 5. super  
Gen. 6. 21.

Erigendus est igitur, & docendus homo, quid non sit, aut quid sit *Casus* & *Fortuna*. Nam, teste Augustino, omnino audiendi non sunt, qui putauerunt, sublimes quidem Mundi partes, id est, à confinio corpulentioris aeris huius, & supra, diuinā providentiā gubernari: hanc autem imam partem terrenam & humidam, aerisque huius vicinioris, qui terrarum & aquarum exhalationibus humescit, in quo venti nubesque consurgunt, Casibus potius & fortuitis motibus agitari. Contra hos loquitur *Psalmista*, qui, eum explicasset laudem celestium, se etiam ad ista inferiora conuertit, dicens: Laudate Dominum de terra, dracones & omnes abyssi: Ignis, grando, nix, glacies, & spiritus tempestatis, qui faciunt verbum eius. Nihil enim tam videtur Casibus volui, quam omnes ista procellosa ac turbulenta qualitates, quibus celi huius inferioris, quod non immerito etiam terra nomine deputatum est, facies vertitur & variatur. Sed cum addit: qui faciunt verbum eius; satis ostendit, earum quoque rerum ordinem diuino subditum imperio latere nos potius, quam vniuersitatis deesse naturā. Quod autem ore suo Saluator dicit: Vnum passerem non cadere in terram, sine Dei voluntate; & quod foenum agri post paululum mittendum in clibanum, ipse idem vestiat, nonne confirmat, non solum totam istam mundi partem rebus mortalibus & corruptibilibus deputatam, verum etiam vilissimas eius & abiectissimas particulas diuina providentia regi? Immo usque adeo Fortune cultus, immo mentio displicet D. Augustino, ut in libris *Retractionum*, non dubitet, suos de ea loquendi modos corrigere. In tribus libris meis de Academicis, inquit, non mihi placet, toties me appellasse Fortunam, quamvis non aliquam Deam voluerim hoc nomine intelligi, sed fortuitum rerum euentum, vel in corporis nostri, vel in exter-

S. Augustin.  
lib. 1. Retract.  
c. 1.

ternis

ternis bonis aut malis. Unde & illa verba sunt, quae nulla religio dicere prohibet, forte, forsan, forsitan, fortasse, fortuito: quod tamen totum ad diuinam reuocandum est Providentiam. Hoc etiam ibi non tacui dicens: Etenim fortasse quae vulgò Fortuna nominatur, occultio quodam ordine regitur; nihilq; aliud in rebus Casum vocamus, nisi cuius ratio & causa secreta est. Nihilq; seu commodi, seu incommodi contingit, quod non conveniat & congruat universo.

Elegantissimè rursum & disertissimè Lactantius Fortuna, VII. inquit, per se nihil est: nec sic habendum est, tanquam sit in aliquo sensu. Siquidem Fortuna est accidentium rerum subitus atq; inopinatus eventus. Verum Philosophi, ne aliquando non errent, in re stulti, volunt esse sapientes: qui fortune sexum mutant, eamq; non Deam sed Deum esse dicunt. Eundem tamen interdum naturam, interdum fortunam vocant; quod multa (inquit idem Cicero) efficiat inopinata nobis, propter obscuritatem, ignoratoremq; causarum. Cum igitur causas ignorent, propter quas fiat aliquid, & ipsum, qui faciat, ignorent, necesse est. Idem in opere valde serio, in quo præcepta vitae de præceptis ex Philosophia filio dabat, magnam, inquit, esse Fortune vim in vitamq; partem, quis nesciat? Nam & cum prospero statu eius utimur, ad exitus pervenimus optatos, & cum reslauerit, affligimur. Primum, qui negat, sciri posse quicquam, sic hoc dixit, tanquam & ipse, & omnes sciant. Deinde, qui, etiam quae clara sunt, dubia conatur efficere, hoc putavit esse clarum; quod illi esse debuit vel maxime dubium, nam sapienti omnino falsum est. Quis, inquit, nescit? Ego verò nescio. Doceat me (si potest) quae sit illa vis, qui status iste, & qui reslatus? Turpe igitur est, ingeniosum hominem, dicere id, quod, si neges, probare non possis. Postremo, quod is, qui dicit, assensus esse retinendos; quod stulti sit hominis incognitis rebus temere assentiri: is planè vulgi & imperitorum opinionibus credidit, qui fortunam putant esse, quae hominibus tribuat bona & mala. Nam simulachrum eius cum copia & gubernaculo fingunt; tanquam haec & opes tribuat, & humanarum rerum regimen obtineat. Cui opinioni & Virgilius assentit, qui Fortunam omnipotentem vocat: & historicus, qui ait: sed profecto Fortuna in omni re dominatur. Quid ergo ceteris Dijs loci superest? cur non aut ipsa regnare dicitur, si plus potest, aut sola colitur, si omnia? vel si tantum mala immittit; aliquid causa proferant, cur, si Dea sit, hominibus innideat, eosq; perditos cupiat, cum ab his religiose colatur: cur aequior sit malis, iniquior autem bonis. Cur insidetur, affligat, decipiat, & exterminet: quis illam generis hominum perpetuam vexatricem con-



stituerit: cur deniq; tam malam sortita sit potestatem, ut res cunctas ex libidine magis, quam ex vero celebret, obscuréq;. Hec, inquam, Philosophos inquirere oportuit potius, quam temere innocentem accusare Fortunam: qua, etiam si sit aliqua, nihil tamen afferri ab his potest, cur hominibus tam inimica sit, quam putatur. Itaq; illa omnes orationes, quibus iniquitatem fortune lacerant, suasq; virtutes contra fortunam superbiissime laetant; nihil aliud sunt, quam deliramenta inconsiderata leuitatis. Quare non inuideant nobis, quibus aperuit veritatem DEVS: qui, sicut scimus nihil esse fortunam, ita scimus, esse prauum ac subdolum spiritum, qui sit inimicus bonis hostisq; iustitiæ; qui contraria faciat, quam DEVS, cuius inuidia causam in secundo libro explicauimus. Hic ergo insidiatur vniuersis: sed eos, qui nesciunt DEVM, errore impedit, stultitia obruit, tenebris circumfundit, ne quis possit ad Diuini nominis peruenire notitiam; in quo vno & sapientia continetur & vita perpetua. Eos autem, qui DEVM sciunt, dolis & astutiâ aggreditur, ut cupiditate & libidine irretiat; ac peccati blandimentis deprauatos impellat ad mortem, vel, si dolo nihil proficert, ut & violentiâ deicere conatur. Hic ergo humani generis, ab initio, deceptor homines inducit, ut Fortunam aliquid esse existiment, quod sit inuocandum; &, dum bonos vexat, malos tanquam suos fouet, Fortunam, tanquam Numen inuexit. Diximus, quid non sit Fortuna.

## VIII.

S. Augustin.  
lib. quæst.  
XCI.

Idem lib. 5.  
de Ciuit. Dei.  
cap. I.  
Aristot. 2.  
Phys. c. 5.

S. Aug. l. 9  
de Ciuit. c.  
13.  
Item lib. 5.  
super Genes.  
cap. 22.

Quid ergo tandem est Fortuna? Fortuna intelligenda est pro ijs rebus, ait D. Augustinus, que fortuitu videntur accidere, non quia numen aliquod sit, cum hac ipsa tamen, que fortuita videntur, causis occultis diuinitus dentur. Vnde etiam verba, que nemo potest auferre à consuetudine loquendi parata sunt, id est, Fortè, Fortasse, Forfitan, & Fortuitu. Et alio loco: Secundum opinionem hominum, ea dicuntur esse fortuita, que vel nullas causas habent, vel non ex aliquo rationabili ordine venientes contingunt. Ab Aristotele Fortuna & Casus causa per accidens, vocantur, ratione hominum scilicet qui causas illas ignorauerunt, aut non prospexerunt: ratione autem Dei viuientis & omnia videntis, nihil casu aut fortuito euenire potest: quia, eodem S. Patre teste, Providentia Dei summi, non fortuita temeritate, regitur Mundus. Nam, ut idem alibi disputat, cū extrema & exigua corpora à nutu & regimine Dei providenti tanta dispositione formentur, ut aliquando diligentius cogitata ineffabilem incutiant admirationis horrorem, & cum anime natura ratione corpori antecellat, quid est demerui, quam putare, nullum esse providenti iudicium, de moribus hominū:

cum in

tum in eorum carne tanta eius solertia clareant, & demonstrentur indicia? Sed hinc, ut in re obscura & magni momenti, clarum ac firmum fundamentum iaciamus, aliquantulum nobis Philosophandum est.

Ex Aristotelis igitur, ac vero Philosophorum sensu; *Fortuna & Casus* numero causarum efficientium accensentur; et si *causae per accidens* debeant appellari. Pone eundem & architectum & Musicum. Architectus est *causae per se* domus, Musicus dicitur *causae per accidens* domus eiusdem; quia ars canendi coniungitur planè per accidens cum arte aedificandi, in architecto: adeo *ut per accidens* Musicus aedificet. Potest tamen & solet contingere, ut duæ causæ inter se quidem *per accidens* coniungantur, effectum tamen *per se* producant coniunctæ. Atque tunc dicuntur singule, ratione illius effectus, *causae per accidens*, & *Fortuna* vel *Casus*. Sic, ad inuentionem thesauri, concurrunt & ille, qui thesaurum defodit, & ille qui effodiendo terram (agri alioqui colendi causa,) thesaurum inuenit. at qui defodit, & qui effodit, singuli sunt *causae per accidens* inuentionis thesauri. Quare infossio, vel etiam effossio illa terræ *Fortuna*, vel *Casus* appellatur. Quod utique est ratione thesaurum abscondentis, qui non voluit thesaurum ab altero inueniri; itémque etiam respectu thesaurum inuenientis, qui agrum colere, non thesaurum inuenire intendit. At Deus intendit, ut vno thesaurum abscondente, & altero, alia de causa, terram fodiente, thesaurus & ab illo amitteretur, & ab isto reperiretur. Sic enim utriq; conducebat. Hoc igitur pacto, neque *Fortuna*, neque *Casus* erat; sed ratione amittentis, poena; ratione inuenientis, gratia. Disposuit ergo Deus, ut & infossio, & effossio concurrerent: qui concursus, aut quod complexum non est *Fortuna* aut *Casus*, sed est *causae per se*, cum infossionem thesauri, & effossionem terræ, eodem loco, inuentio thesauri necessarii ac determinatè sequatur; sicut ex igne calefactio. Quod si infra Deum foret aliqua naturalis quoque causa superior, quæ vim haberet coniungendi has duas causas, defossionem scilicet, vnius, & effossionem alterius, ex qua inuentio thesauri sequitur, tum non diceretur illa causa superior, *causae per accidens*, sed *causae per se*; quemadmodum, si quis duos habens famulos, Petrum & Paulum, iuberet Petrum defodere arcam auro plenam, & deinde Paulum iuberet inibi effodere terram, non diceretur ille Dominus *casu* thesaurum reperisse, aut *bonam Fortunam* habuisse;

IX.

Aristot. 2.  
Phy. tex. 39.  
Vide & 5.  
Phy. tex. 57.



idque ob duas causas, primò; quia, ex intentione thesauri rependi, iussit Paulum effodere terram; secundò, quia per se, mediante Petro infodiente, & Paulo effodiente, ad inuentionem thesauri concurrat. Quod sanè Deus, in omni *Casu* facit. Vnde, tametsi multa contingant *casu*, & *fortuito*, ratione agentium creatorum, secundarumque causarum, nihil tamen contingit *casu*, ratione Dei; qui multas rationes habet, cur illas causas *per accidens* vel concurrere sinat, vel ipse coniungat. Atq; hic concursus, seu ista causarum complexio, una cum causa summa illas connectente, atque ordinante, *Fatum* dicitur, quod Boëtius definit: *inherentem rebus mobilibus immobilem dispositionem, per quam diuina Providentia suis quæq; necit ordinibus*. Diuina, inquam, Providentia, nō cœlum, quod quidam putant esse causam per se connectentem alias causas inferiores.

Boët. l. 5. de  
consolat.  
prol. 6.

X.

Sic explicatā *Fortuna* & *Casus* naturā, duo obseruo, primum est, ab Aristotele aliisque compluribus, ipsam fossionem, qua thesaurus obruitur, vel eruitur, *Fortunam*, aut *Casum* nominari; vnde etiam *Fortunam* & *Casum* ad causam efficientem, licet *per accidens*, & præter intentionem vtriusque fodientis, reuocat: ab alijs autem ipsum euentum, seu inuentionem thesauri *Fortunam*, aut *Casum* nominari. Quod parum interest, cum ipsa etiam inuentio, sit quædam effectio, seu causa, ob quam thesaurus habetur, & non raro effectus à causa denominetur. Alterum est, ferè idem esse *Casum* atque *Fortunam*, nisi quòd hæc pressius, in ijs duntaxat posita sit, quæ ex proposito & consilio, seu propter finem, ex electione geruntur; *Casus* autem magis latè patens, sit, *caussa per accidens* etiam in illis, quæ alicuius gratia quidè, & propter finem, sed siue cum, siue sine electione fiunt. Hinc lapides, è quibus Deorum altaria constarent, non, nisi similitudine quadam, Protarchus *fortunatos* vocauit.

XI.

Qui hæc fundamenta penetrat, facillè vitæ errorem Ethnicorum, & magna luce perfusus multas à se propellit animi perturbationes. Tametsi enim, non raro, horrendi quidam *Casus*, præter mentem voluntatēque hominum, aut secundæ alicuius causæ ingenium, accidunt; non accidunt tamen præter voluntatem Dei, qui est causa prima, liberè, prouidè & creaturarum naturis congruè mouens & inter se connectens causas secundas. Itaque mortalibus aliquid fortuito contingit, quia ignorant diuinæ pro-

Cap.

hæ p  
fult  
cuiu  
est f  
in b  
voti  
Nih  
Rep  
aut  
fit, si  
du:  
Vul  
tio  
re  
De  
ter  
nie

Q  
rel  
ent  
tuit  
om  
pier  
tin  
fer

su  
vi  
T  
fa  
nu  
ru  
qu  
bi  
D  
ric

Cap. XXIV. Quid non sit, vel sit Fortuna, Casus, Fatum? 237

hæ providentiæ cōsilia & scopum, ac, in cœlestibus arcanis, cōsultissimum cōcursum; vel impedimenta cāussarum aliarum. Deo, cuius sapientia omnia regitur, & cuius oculis omnia patent, nihil est fortuitū, aut inopinatum. Omnia aut definit, aut permittit, atq; in bonum finem dirigit, etiāsi ipsa mala sint; & contra mentem votūque causæ particularis. Scitissimè Hipponensis Antistes: Nihil, inquit, in ista totius creatura amplissima quadam immensitate, Rep. est, quod non de interiore atq; intelligibili aula summi Imperatoris, aut iubeatur, aut permittatur. Et rursum. Quidquid Casu sit, temerè sit, sine providentiā sit: sed nihil extra diuinæ providentiæ regulam accidit: ergo, respectu illius, nihil temerè, aut vice fortuita potest accidere. Vulgus igitur & plebeia incitia, stultorūque error ac superstitio Deam Fortunam credit; quæ negotia humana regat. Qui rectè sapit & censer, non Fortunæ, sed Deo sacrificat; neq; cæcam Deam, quæ nescit & non videt, cui det, vel neget, sed omnia videntem diuinam bonitatem, rebus gerendis aduocat. Christianè Eth-  
nicus poëta:

Prou. 16. 4.

S. Aug. 13.  
de Trin. c. 4.

Iuuenal. Satyr. 10.

*Nullum numen abest, si sit prudentia: sed nos  
Te facimus, Fortuna, Deam, cœlog, locamus.*

Quare certa sententia tenendum est, eā, quæ, hominum iudicijs respectūque, Casu eueniunt; apud Deum omnia clarissimè intuitentem, cōsilio certo iustōque euenire; item quæ, apud nos, fortuitō fiunt; fieri, apud supremum rerum omnium Moderatorem, omnes rerum causās casūsque prouidentem ac disponentem, sapientissimā destinatione. Nihil illi incertum est. Ipsa etiam contingentiā necessariō nouit. Nunquam dubitat, etiāsi nostro sermōni accommodans videtur subinde loqui dubitanter.

Reperimus, apud Ieremiam, Deum sic loquentem: Noli subtrahere verbum, si FORTE audiant, & conuertatur unusquisq; à via sua mala: & apud Ezechielem: Hac dicit Dominus Deus, si FORTE audiant, & quiescant, & similia complura, in quibus formulis, fatetur D. Ambrosius apparentem quidem, re autem ipsa planè nullam dubitationem esse. Neque enim Deus, humana incertitudine dubitat; sed dubitanter loquitur, vt humano more loquatur. Quin neque hominēs ipsi semper dubitant, quando dubitanter loquuntur. Sic enim Ioël ait: Conuertimini ad Dominum Deum vestrum, qui benignus, & misericors est: patiens & multa misericordia, & prestabilis super maliciā. Quis scit, si conuertatur, & ignoscatur,

XII.

Ierem. 26. 3.

Ezech. 3. 11.

S. Ambrosius  
l. 2. de Pœnit. c. 4. & 5.

Ioël. 2. 14.



Ion. 3. 9. noscat, & relinquat post se benedictionem? Et paria habentur, apud Ionam. Quibus locis non dubitatur de Dei misericordia, licet in sermone figura sit dubitantis. Enimvero, ipsi sapientes seculi, ait S. Ambrosius, omnem gloriam suam statuunt in expressione verborum, qua Latine FORTE dicimus, Græcè ταχα, non ubiq<sup>3</sup>, pro dubitatione posuerunt. Quod etiam Homeri exemplo docetur.

Iliad. 6.

XIII.

S. Gregor.  
homil. 9. in  
Ezechiel.

Act. 8. 22.

S. Ambros.  
loc. cit. & S.  
August. l. de  
vera & falsa  
Pœnit. c. 3.

Zach. 1. 3.

Ribera in  
Ioëlem c. 2.  
à n. 22.

Cur autem Deus quoque hac loquendi formula subinde vtatur, præter causas, quas modo attigi, tradit D. Gregorius, quando Deus dubitantis in morem loquitur, mysterium subesse, vult enim innuere, vel voluntatis nostræ libertatem, cui nimirum diuina voluntas, aut præscientia non imponit necessitatem: aut difficultatem rei, vel paucitatem facientium id, quo de agitur. Quod si homo aliquis dubitanter loquatur, obseruandum est, an res sit eiusmodi, vt turpe sit, illum de ea dubitare. Nam quando Petrus ad Simonem dixit: *Pœnitentiam age ab hac nequitia tua: & roga Deum, si forte remittatur tibi hac cogitatio cordis tui*, non dubitauit de remissione culpæ; cum ea ipsa sententia ostenderit, spem veniæ & pœnitentiæ locum nemini esse negandam. Iubet enim pœnitentiam agere eum, quem, vt S. Ambrosius ait, *per magis eam vanitatem, blasphemantem in Spiritum Sanctum, & puram fidei conscientiam non habentem, Apostolica iam auctoritate condemnauerat*. Igitur non dubitauit de misericordia Dei Petrus, si Simon ageret pœnitentiam: cum, præcipue si hæc adsit, valde æquum sit, vt peccatori sua culpa remittatur; neq; dubitari fas sit de eo, quod adeo asseueranter affirmat Deus dicens: *Conuertimini ad me, & ego conuertar ad vos*. Quia itaque de hoc Petrus non potuit dubitare, cur ait, *si forte remittatur tibi?* Nempe quia dubitare potuit, an vera esset futura Simonis & pœnitentia, & oratio; itémque, quod attinet ad pœnam, an tantus futurus esset dolor, vt totius pœnæ remissionem mereretur. Quod si verò neq; homines, cum videntur dubitanter loqui, semper dubitant, quanto minùs Deus, quem nihil latet? Nimirum hoc est inter hominem ac Deum discrimen: homo, quia mentiri potest, multa, de quibus dubitat, pro certis affirmat; Deus, qui nec fallere potest, nec falli, etsi omnia certissimò nouit, tamen, vt se se homini accommodet, loqui dignatur, per modum, dubitantis; certus ipse, quid in vtramque partem euenturum sit; immo ita causas secundas, iuxta earundem naturas, disponens, & complicans, vt sit futurum.

C A P V T X X V.

*Remedium impatientie est, scire CASVS à Deo esse; quibus hominem vel extollit, vel deprimit.*



Hoc est *Fortuna*, quod diximus, & aliud nihil. Immo ipse M. Tul. ait: *Quid est enim aliud fors, quid fortuna, quid casus, quid eventus, nisi cum sis aliquid cecidit, sic evenit, ut vel non cadere, atque evenire, vel aliter cadere atque evenire potuerit?* Quod cum ita sit, mirandum est, hominem tam sapientem, siue immemorem, alibi *Fortunæ* tantum tribuisse. Qui etiam illud ad Atticum suum scripsit: *Sed hec Fors viderit, ea, quæ talibus in rebus plus, quam ratio potest.* Quanto sapientius Comicus ait?

*Illud, quod cecidit Forte, id arte corrigas.*

Est enim, quod factum est, infectum fieri non possit; potest tamen fortius tolerari, si ars, immo si virtus sit, qua agnoscatur à bono Deo permissum, aut immissum; quam si ab Ate aliqua, aut mala *Fortuna* existimetur præparatum. Nam multinominis est: &, ut docet Firmicus Maternus, in cælo, veteres potuerunt, bonam *Fortunam*, & malam *Fortunam*. Bonam, quam ἀγαθὴν τύχην vocant, ὅ. ab horoscopo signo; malam, quam κακὴν τύχην nominant, ὅ. ab horoscopo signo constituerunt. Vtramque, ut inquit Pacuvius, insanam, & cecam, & brutam esse perhibent. Quis cæce non indigneatur, quæ nihil cernit, quò se applicet? quis non succenseat insane, quæ tam atrox & instabilis est, nulla de causa? quis non irascatur brute, quæ dignum, aut indignum nequit inter noscere? At si quid à Deo est, est ab intente omnia, est à sapiente, est à iusto, est à bono. Necesse est ergo, & ipsum esse bona mente datum. Aequius autem etiam mala ferimus, si constet, bona mente profecta.

Vnde calamitatis suæ remedium habent, qui *Casus* sinistros atque inopinatos iracundè ferunt: qui incendia, furta, rapinas, spoliaciones, naufragia *Fortunæ* suæ iniquitati ascribunt; neque unquam desinunt, *Sortis* suæ temeritatem accusare, identidem dicentes: *malo se astro natos, Fortunam alijs bene velle, sibi novercam esse; aut Superos humana non curare.* Deo conscio, omnia contingunt; & sæpe quidem nostram patientiam exercente; sæ-

Gg

piissime

I.  
Cic. lib. 2. de  
Divin.

Cic. lib. 14.  
ad Attic.

Terent. A.  
delph.

II.



piissime autem nostram puniente impietatem. Quid *Fortunam* in ius vocant, quæ culpa caret? quid de *Casibus* queruntur, qui humani sunt, & fiunt, sicuti fieri solent; immo sæpe etiam, sicut fieri debent? Quid *Fatum* odiosum esse dicunt, quod eorum delicta non præcedit, sed sequitur? Fortasse enim infelices esse meruerunt? aut, si dispositio illa seriésque causarum, absque eorum peccato, miseras illis aduexit; non aduexit, ut fierent impatientes, sed ut occasionem haberent virtutis exercendæ. Itaque cum talia incidunt, summi Gubernatoris laudent bonitatem, qui eos aduersis *Casibus* vult erudire, ut Hercules, aut potius Iobi & heroës patientia clari fiant; aut, ne nimium secundis rebus se se efferant atque insolecant. In hunc finem *Fortuna* est

Horat. I. c.  
35.

*Præsens vel imo tollere de gradus  
Mortale corpus, vel superbos  
Vertere funeribus triumphos.*

Luc. I. 52.

Quid ais, Poëta? non *Fortuna*, aut *Antij Diua*, sed *Deus* est, qui superbis resistit, eosque, cum merentur, deiecit; humilibus autem dat gratiam. Ille est, qui, ab initio, deposuit potentes de sede, & exaltavit humiles. Non *Casus* id fecit, sed *Deus*, per *Casum*. Quare qui *Casum* accusant, mordent, lacerant, cani sunt similes, lapidem inuadenti, cum non videt eum, qui proiecit. Itaque si *Casus* in penam est, iudici ascribite; si in gratiam, ascribite benefactori, & exclamate: *Commoueat a facie eius vniuersa terra: dicite in gentibus, quia Dominus regnavit.*

Psal. 99. 6.

III.

Vultis videre regnum eius? Ut olim, per ipsum mare, duxit Israëlitas in terram sanctam; ita quotidie adhuc homines, per medios fluctus, per tumentes procellas, per breuia & Syrtis; per prosperos & aduersos casus, ducit ad portum æternæ felicitatis. Nunquid enim innocentissimum Iosephum, per inuidiam, per odia, per coniurationem insidiarumque, & immites fratrum manus, per cisternam, per seruitutem, in quam, pro mancipio venditus est; per impurissimæ lenæ & leænæ calumniam, per diuturnum carcerem (nam tribus annis in custodia fuit detentus) denique per ingratiissimi pincernæ obliuionem, vexatum, probatumque duxit? Et quò, per tot casus, duxit? ad summum penè culmen dignitatis. Nam fratrum terror, patris nutritor, Ægypti Seruator, regi proximus fuit. Ita, de mala *Fortuna*, in bonam translatus docuit nos, diuinæ Providentiæ bonitatem, etiam in tristissimi

Iac. Salian.  
Año Mundi  
2316. & An.  
2317.

*Casus*

*Casibus* non defuisse. Quò celsius turris educenda est, eò profundiora necessaria sunt fundamēta. Extollere Iosephum voluit Deus; vt in altum efferret, profundè humiliavit. Magis splendent, quæ magis poliuntur. Quid quòd ea sunt Numinis iudicia, vt voluerit illos ipsos fratres, per eum viuere, qui ei mortem sunt machinati: *Misit ante eos virum: in seruum venundatus est Ioseph. Humiliauerunt, in compedibus, pedes eius: ferrum pertransijt animam eius, donec veniret verbum eius.* Non ergo impatiens, non pusillanimis factus est, in vinculis, Ioseph, non accusauit fortunam suam, non cogitauit de laqueo; &, quod admirandum est patientiæ exemplum, cum pincernæ diceret: *innocens in lacum missus sum*, non addidit, cuius id culpâ, aut calumnia sit factum, neque impiam mortem voluit diffamare; sed cetera Deo committens, generosa mente, expectauit, *donec veniret verbum eius*, fieretque, quod ei Dominus, per manipulos & stellas eum adorantes, prædixerat. Itaq; *eloquium Domini inflammavit eum*, vt spe inflammatus, neque Fortunam suam ex impatientia; neq; Deum suum, ex ignorantia, accusaret. Quare tandem, constituto tempore à temporis authore, *misit rex, & soluit eum, princeps populorum, & dimisit eum. Constituit eum Dominum domus sue: & Principem omnis possessionis suæ.* Quis hoc fecit? Deus fecit. per varios casus fecit. deniq; per somnium Pharaonis fecit. Non liberauit illum carcere pater, qui existimabat mortuum: non fratres, qui de eo nihil ampliùs cogitauerunt: non pincerna ingratus, qui, plus quàm duobus annis, tam boni vatis immemor fuit. Quid facit Deus? somnium mittit regi. nemo intelligit. septem boues pingues & septem macilentæ, pincernæ memoriam refricauerunt, & Iosephum extraxerunt è carceris squalore; maioremque fecerunt, quàm domi, apud parentes, vnquam extitisset. Hæ sunt viæ Domini. Quas qui non nouit, à Domino esse, nequaquam potest esse sorte sua contentus; qui autem perspectas habet, *Casum* non tam *Casum*, quàm diuinum consilium appellat. Quale utique fuit etiam illud, cum Saul amissas asinas querens regnum inuenit. Misit eum Cis pater, vt iumenta reduceret; at Deus misit, vt in regem vngeretur. Hic casus, Sauli accidit, qui utiq; nesciuit, simul quæri asinas & coronas: atqui Deo casus non fuit, qui illi vnam viam ad vtrumque fecit. Age igitur, quòd nos *Casus* trahunt retrahuntque sequamur.

*Quidquid erit, superanda omnis Fortuna ferendo est.*

Ps. 104. 17.

Gen. 40. 15.

1. Reg. 9. 3.

Virg. 5. Æn.



## IV.

Cælius l. 14.  
cap. 13.

Ioan. 9. 3.

Bonfin. l. 5.  
Dec. I.Virgil. 5.  
Æneid.

## V.

Plutarch. de  
Fortuna.

Sed videamus alios *Casus*, diuino iudicio, hominum consilijs aut factis intercedentes, qui vulgò temerè aut fortè fortuna existimantur interuenisse. Atque, vt à vero casu ordiamur, Syrna, Cariæ ciuitas à Podalirio est condita, quem casus extulit alienus. Is enim cum, in Caria, à caprarum pastore seruatus, ad Damethum regem, foret perductus, eius filiam nomine Syrnæ recto delapsam, misso ex utroque brachio sanguine, perfraxit. Quod rex admiratus, generum sibi optauit, Chersoneſo illi tradita: in qua Podalirius ciuitatem condidit, de vxoris nomenclatura *Syrnæ* appellatam. Syrna igitur cadendo Podalirij primùm artem, tum etiã fortunam extulit in sublime. Hoc consiliũ fuit, Dei, fortè non meritam deijcere puellam, vt medicum erigeret; Sic enim etiã de cæco à se illuminando, respondit Iesus; neq; hic peccauit, neque parentes eius, sed vt manifestentur opera Dei in illo. Qua de causa D. Martino quoque, è scalarum casu, multis vulneribus affecto, in sequenti mox nocte, Angelus contusi corporis ita liquores salubri vnguento delinquit, vt postero die, nihil omnino incommodi perferret: scilicet vt manifestarentur opera Dei in illo; aut vt ipsius quoque D. Martini sanctitas manifestaretur. De his talibus dici potest.

*Attulit ipse viris optatum Casus honorem.*

nam & diuina potentia, & ipsi, in casu, sunt honorati. Sic sæpè consiliũ est Numini, honorem suum aut aliorum Sanctorum propagandi, cum se homines putant, casu ægrotare. Morbo siquidem adacti Diuorum patrocinia implorant, &, non rarò, ad saniorẽ mentem, per malè habitum corpus, reuertuntur.

Vult Deus nonnullis etiã ostendere, non ingenio, vel arte, eos consequi posse, quæ, præter opinionem, diuinà ope, aliunde consequuntur. Itaque efficit, vt casu aliquo, atque fortuna habeant causam nominis & celebritatis. Picctorem memorant, equum cum pingeret, ac reliquis quidem partibus & coloribus successum habuisset, spumæ verò, quæ ad frenum allidebatur, atque cum anhelitu excidebat, raritatem non probaret, in pingendo sæpius eam absterxisse, tandem irritum impigisse impatienter tabulæ spongiã, sic, vt coloribus erat infecta; quàm iniectam mirificè expressisse & reddidisse, quod optauerat. Hoc artificiosum proditum est memoria vnum Fortune opus, ait Plutarchus. At non tam *Fortuna* (quæ cæca cum sit, pingere nequit) quàm

Dei

Dei erat op is dicendum; Dei, inquam, per *casum*, humanæ artis superbiam erudientis, docentisque, sæpe, in re leuissima, humanam industriam deficere, & insciam aliunde fulciri, vt indaget, vnde fulciatur.

Huc spectat & illud, quod de puerulo memorat Olaus, cui itidem & *Casus*: & Deus insignem gloriam peperit, quando, hoste Groningam Frisonum urbem obsidente, artem parentis imitari volens innocens filiolus, igne in magnum tormentum bellicum immisso; caput illustrissimi ducis, in obsidione foris milites exhortantis, ferro globo expulso, auulsit, & obsessis quietem peperit. Ludit tum pueri, sed Deus serio egit, qui pueri manum in hostem direxit. Dixit olim Eliseus ad regem Israël: *Pone manum tuam super arcum. Et cum posuisset ille manum suam, superposuit Eliseus manus suas manibus regis.* & ait: *Aperi fenestram orientalem.* Cumq; aperuisset, dixit Eliseus: *Ince sagittam.* Sic nimirum Deus manum nos iubet ad mouere operi, sed manui nostræ manum ipse suam superponit. Nos arcum tendimus, Deus dirigit sagittam. Nostrum est telum iacere, Dei destinare. Quemadmodum, quando vir quidem tendit arcum, in incertum sagittam dirigens, & *casu* percussit regem Israël, inter pulmonem & stomachum. Sagittarius, *casu*, Deus consilio regem percussit. Nos quoque omnes sæpe nescij, cum Deo, immo Deus nobiscum matum mouet. Ob quam causam ait David: *Eccè, Domine, tu cognouisti omnia, nouissima & antiqua: tu formasti me, & posuisti super me manum tuam.* Hoc est, quod vulgo aiunt: *Homo proponit: Deus disponit.* Sic sæpe non sagittam, sed verbum ex ore acutius mordaciusque finit aliquis euolare, quo eum non tangit, quem petit; cum interim alium vulnerat, vulnere indigentem, & ex eo ictu sapientem; aut certe cum ille ipse, qui petitur, dictum aliorum accipit, quàm fuerit à dicente destinatum.

Ira accidit Monacho, de Ottirburg, quem diuina pudentia, mirabili casu, in ordine Religioso, conseruauit. Is à fallaci dæmone & Mundi illecebris irretitus cogitauerat Cænobio, & Deo nuntium remittere. Ea in cogitatione noctes diésque versabatur. Stabat igitur aliquando, in choro, & alijs matutinas preces cantantibus, ipse cantu abstinens, ac silens, mente secum agitabat, quo tempore, quoue modo, ordinem deferere vellet. Hoc orandi ratio totos matutinos cantus neglexerat. Ventum erat ad *Laudes*. Ibi,

V I.

Olaus Magn.  
lib. 9. c. 28.

4. Reg. 13. 16

3. Reg. 22. 34

V II.

Cæsarius  
lib. 4. c. 55.



dum Canticum Habacuc psalleretur ( erat enim feria sexta ) Abbas Philippus, eius postea rei testis, velut circitor, vigilas obibat, visitabatque fratres, an rei diuinæ animis adessent. Inter circum-eundum, reperit Monachum illum, tentationi vacantem, & vice-cantus, nictantem. Quid aliud censuisset, quàm somno victum ac semisopitum esse? Igitur, tanquam ad dormitantem, se inclinans, versiculumque illum ipsum, qui eo temporis momento canendus erat, in aurem vocaliter admodum ingessit. Erat autem casu ver-  
 Habacuc. 3. ficulus ille : *Egredietur diabolus, ante pedes eius.* Hac voce, & ille ad se, & tentatio ab illo ijt. Existimans enim, Abbati cogitationes suas è cœlo reuelatas, eaque propter, his Prophetæ verbis, castiga-tas; ipse quoque non aliter Prophetam intelligens, quàm si de-eiuscemodi desertore esset locutus, noluit maledictionem hanc abeundo mereri, & diabolum viæ suæ ducem habere. Itaque pla-gam suam Abbati patefecit, qui mirari satis non potuit diuinæ sa-pientiae, per tam inopinatum exitum, medicinam.

## VIII.

Novi & ego religiosissimum alioqui virum, qui, post qua-draginta annos, in religione, exactos, tandem diuturnæ tentatio-ni succumbens, è suo, ad ordinem PP. Carthusianorum transiuit; ad suum tamen ordinem, paulo post, ferè simili ratione, postlimi-niò reductus est. Nam eum, inter confabulandum, vt fit, iuuenis-tiro interrogavit, quàm diu in priore vitæ statu vixisset? cui ille, *Quadraginta*, inquit, *annis.* Tum nouitius, Deus bone, inquit, quadraginta iam annis inibi mansisti, &, tanto tempore, non di-dicisti, per reliquum, quod tibi adhuc parum superest vitæ porrò perseuerare? Tetigit hoc dictum adeò hominem, vt illico suæ pri-stinæ se se religioni restitueret; quod planè tiro ille efficere ne-quaquam cupiebat. Sed Deus, qui *ex ore infantium & lactentium*, perficit laudem suam, sæpe per os aliud loqui volentium, aliud &  
 Psal. 8. 3. ipse loquitur; sicut & per Caipham oraculum illud fudit : *Expe-diet vobis, vt vnus moriatur homo pro populo, & non tota gens pereat.* Hoc enim à semetipso non dixit : sed cum esset Pontifex anni illius, pro-phetauit, quod Iesus moriturus erat, pro gente, & non tantum pro gente, sed vt filios Dei, qui erant dispersi, congregaret in vnum.

Ioan. IX. § 1.

## IX.

Quæ recensui, aliter dicta atq; aliter accepta, eò spectabant vt, pfugos, ad semel piè inchoatum vitæ statum continuandum, re-uocarent. Addam aliud, quod docet, Deum casu hominis vsum, ad eundem statum inchoandum : quod etsi ex mente loquentis eue-  
 nit,

nit, euenit tamen planè, præter inuentem eius, qui audiuit. Venit aliquando in Germaniam S. Bernardus Abbas, ad pacem conciliandam, inter Lotharium regem Romanorum, & antecessoris eius Henrici nepotès. Venienti Albertus Moguntinorum Præsul, honoris ergo, Clericum, Masselinum nomine, obuiam misit. Hic, ubi Bernardum salutauit, inter cetera, dixit, *se missum à Domino suo, ad ei seruendum.* Quod ubi audiuit Bernardus, paulisper eum intuitus, respondit: *Alius Dominus te misit ad seruendum sibi.* Expauit, ad tam insperatum dictum, Clericus; & ubi se se collegit, denud dixit, ab Episcopo se missum. Cui Bernardus, *Falleris,* ait, *maior Dominus misit te Christus.* Tum demum intelligens Clericus, quorsum ea verba irent, ait: *Nempe Monachum me velle fieri existimas? Apage, cum tuo cucullo, quem nunquam somniaui.* Non passus est se repelli D. Bernardus, sed, quantumuis Clerico reclamante, perstitit, affirmavitque fore, ut cucullum Monachumque indueret; non quòd ipse, sed quòd Deus iter illius ita destinaret. Dedit manus illico Clericus, atque, in eodem adhuc itinere. Mundo rem suam sibi habere iusso, Monachus Clareuallensis factus est. Hic casu se obuiam missum existimans Bernardo, magno Dei consilio, obuiam missus est. Supra memoratis duobus, aliò, & casu dicta, si vel iocantes ac mordentes, vel aliud monentes consideres; diuinà prouidentia tamen, ad constantiam & sanitatem profuerunt.

Notum est illud, sed ad rem facit, quod Hieronymus Platus, è Prædicatorum historijs, in hunc modum, recitat. Bononia, in primis ferè Dominicanæ ordinis inuitis, vir magnus, clarusq; doctrina, celestium bonorum amplitudine, ad hanc (Religiosam) vitam illectus est. Cum enim Reginaldus, unus ex præcipuis illius familia, magno hominum concursu, & approbatione, verbum Dei prædicaret; Monetus (sic enim is appellabatur) de industria illius congressum & sermonem, fugere consueuerat, multum sibi ab eo metuens. Tamen in Stephani martyris natali, ad eius concionem, comitum importunitate, pertractus, primis statim verbis captus est, cum illam vocem exponeret: Ecce video cælos apertos. Ita enim differebat, nunc quidem cæli portas ad beatitudinem patere, ita ut quis ingredi possit; qui autem negligentes essent, & qui Deo cor suum clauderent, is vicissim cælos claudis, ut deinde intrare non possint. Nec pluribus opus fuit; statim enim, corde immutato, qui ad eam horam tam alienus fuerat à Religione, Religionis volunta-

X.

Hieronymi  
Plat. l. 3. de  
Bono stat.  
Relig. cap.  
38.



luntatem concepit, finita concione, Reginaldum adiit, animum suum exposuit, eumque, voti etiam vinculo adiuncto, confirmavit. Alia mens fuerat Moneti, cum templum intraret, alia ipsius Reginaldi, concionantis atque de Monero nihil cogitantis. Itaque casus fuit, ut vnus hoc ad populum diceret, veniente altero; & ut alter veniret, cum hoc ipsum diceretur, per quod Deus volebat, alioqui satis sibi cauentem, trahere ad Religionem. O quam mirabiles hinc modi possent enumerari Vocationum, quibus homines Deus, nihil simile cogitantes, à seculi vanitate extrahit! Et aliquam multos Platus cit: loco recensuit; quos nolo hic recoquere: qui tamen, si rectè expendantur, ad diuinam Prouidentiam videbuntur spectare; tametsi alioqui, ratione hominum, planè meri *Casus* possent, censerì.

## XI.

Marineus l.  
10. rer. Hisp.

Quis non Deum potius, quàm *Casum* agnoscat, in eo, quod Marineus refert, de Maria Petri Aragonum regis septimi vxore, quæ, antea sterilis, filium, quem tandem peperit, statim ad Ecclesiam misit, ante effigiem Virginis Mariæ, offerendum? Ingredebatur, cum infante, magnâ caterna aulicorum, eo ipso tempore, quo sacerdotes, qui matutinas preces cantabant (de aduentu, immo de ortu regij infantis ignari) incipiebant canere: *Te Deum laudamus*. Paulo post hinc tota pompa, ad aliam Ecclesiam, cum recens nato filio Reginæ, venit; vbi itidem sacerdotes, nihil minus, quàm de tali hospite cogitantes, sub ipsum ingressum venientis turbæ, canere coeperunt: *Benedictus Dominus Deus Israel*. Omen hoc fuisse diuinitus missum, comprobauit rei euentus. Siquidem infans ille Iacobus appellatus, reliquos omnes virtute superauit; post etiam, ob res præclarissimè gestas, *Fortunatus* dictus est. Haberemus fortè & nos plures *fortunatos*, si plures ad templum, eiusmodi tempore, quo talia solent cantari, venirent. Sed pauci tam citò se è lecto tollunt, ut matutinis precibus possint interesse. Et putant aliqui, *Te Deum laudamus* cantandum esse, si vel accedant ad preces Vespertinas.

## XII.

VVilhelm.  
Malmesb. de  
gestis reg.  
Angl. r.  
Psa. 108.

Persimili, sed infausto *casu*, cum pueri Kenelmi corpus Winchelcumbam veheretur, soror eius Quendrida, quæ eum, regnandi cupiditate, innocentem iusserat trucidari, ad illum Psalmi locum peruenit: *Hoc opus eorum, qui detraxerunt mihi apud Dominum, & qui loquuntur mala aduersus animam meam*. Hæc dum, de fenestra, noua Michol, irridendo & ad psallentium lætitiâ inter turbam,

bandam, caneret, oculi, vi diuina, cauis veneficæ orbibus euulsi illum ipsum versum cruore notabilem fecerunt. Fuit autem & illud luculentum diuini iudicii testimonium; quod, postquam Kenulphus Merciorum rex Kenelmum Quendridæ sororis fidei, fratrem ipsius, filium suum commendauit, eaque illum, per speciem venationis, in siluas eductum à satellire obruncatum, tanquam nouum Polydorum, inter fruteta sepultum, occultauit, Romæ columba, super altare S. Petri, membranam litteris Anglicanis exaratam deiecerit, in qua, ordine, & latrocinium, & locus sepulture occisi Kenelmi detegebatur. Sic omnia sunt palam, sed nihil minus latet, quàm homicidæ: & innocentia Casusq; Deusq; patrocinatur.

De Gregorio Papa VII. refert Cæsar Baronius, eum fuisse patriam Soanensem, è Tusciæ ciuitate, natum humili loco, parente fabro (quod ignominia causa aduersarij illi obiecerunt, cum tamen ipse Dei Filius fabri filius voluerit dici) cum puer esset, lusitasse ad pedes patris ligna dolantis; atque tum ex reiectaneis segmentis, cum nesciret litteras, casu elementa illa formasse, ex quibus simul coniunctis illud Dauidicum exprimeretur oraculum: DOMINABITUR A MARI VSQVE AD MARE; quo significaretur (manum pueri ductante Numine) eius fore amplissimam in Mundo auctoritatem. Hæc cunabula eius, & quod in puero præstentum est diuinitus signum, ait Cardinalis. Vnà ergo fuit videre, in puero casum, & à Deo vaticinium; quod nequam credendum est, casu accidisse, sed consilio diuino. Quem admodum & illud, quod Gotfridus Viterbiensis de Conrado II. Romanorum Imperatore refert his verbis: Cuano dux erat, summus inter Principes, sperans sine dubio Imperium obtinere: qui a ceteris principibus interrogatus: Quisnam ad imperium aptior videretur? Respondit quasi derisorie, dicens: Nepos meus dux Conradus videtur ad Imperium aptissimus. Credebat enim hoc impossibile, & propterea eum nominauit. Quo audito, vniuersi laudant eundem Conradum, & eligunt eum. Dux verò Cuano contra dixit. Sed tamen præualuit electio vniuersorum.

Addam, quod oculatus testis retulit, de Sartore quodam, qui iuuenis adhuc, in Austria, magistro suo 50. florenos subduxit, & cum illis abiens varias prouincias est peruagatus. donec & ipse Magistrum ageret, Abierunt à furti tempore 50. itidem anni. Accidit

XIII.

Baron. tom. 11. Annal. An. Christ. 1073. n. XVI.

Psal. 72.

Gotfr. Viterb. part. 17. Chronici.

XIV,



cidit ergo ut grandævus, in foro obambulare, pueris in tabula-  
nugas agentibus, cretæque, haud scitè, varias lineas ducentibus,  
per modum litterarum. Accedit senex sartor, bis utique puer,  
scripturæque omnis ignarus etiam ipse iocari pingeretque incipit:  
& ecce nescius, quid scriberet, eleganter in vasa hæc verba exa-  
rauit: EGO SVM FVR. Quæ verba cum aliqui scholares  
pueri legere nossent, factus est repente clamor ingens iuuenili-  
turbæ sartorem FVREM FVREM proclamantis. Inde fama facta  
est, eum furem esse. Defertur res ad senatum, citatur reus, exami-  
natur. fatetur priscum crimen. suspenditur leue quidem, sed triste  
pondus. Ita ludendo se prodidit, prodendo crimen, in hac vita,  
luit, quod in alteram vitam dilatum, æternis ignibus nunquam  
fatis expiasset. Scilicet duplex & diuersa est ratio hominibus ocu-  
los aperiendi, per secundos *Casus*, & per aduersos, ut se, & Deum  
nōrint. Olim Ionathas filius regis extendit summitatem virgæ, quam  
habebat in manu, & intinxit in fauum mellis, & conuertit manum.  
Tobias autem felle pis-  
cis visum recepit. His utiq; duplex modus illuminandorum homi-  
num significabatur. Alij melle beneficiorum, alij felle tribulatio-  
nis curantur, ut agnoscant eum, qui prosperitate potest homines  
regere, & aduersitate. Cum prosperitas adest, inquit S. Chrysosto-  
mus, tunc maxime tempus orationum est, lachrymarum, & compunctio-  
nis, & cautela. In tribulatione namq; ipsa tribulationum natura vel  
inuitos nos corripit, & modestos facit: ablato verò tali freno, timen-  
dum, ne ad torporem declinemus: ne de nobis Psalmista dicat: Cum oc-  
cideret eos, querebant eum, & reuertebantur, & diluculo  
veniebant ad eum. Ita in utrisque, prosperis &  
aduersis, *Casibus*, Deus domina-  
tur.

1. Reg. 14. 27

Tob. 11. 11.

S Chrysost.  
hom. 17.

# CAPVT XXVI.

CASVM fortunatorum & infortunatorum alia caussa, aliâq;  
exempla, vicissitudinem inconstantiâq; docen-  
tia humana felicitatis.



T omnia sùsque déque eunt in Mundo; nulla est cō-  
stantia? vexantur boni, mali exaltantur? Perimit inō-  
xios, & seruat multos Fortuna nocentes? Qua de caus-  
sa Pittacus Mitylene templis scalam fecit, ad nullum aliū  
usum, quàm ut esset dedicatum donū, adumbrans fortuna  
repentinos ascensus atq; descensus: ascendentibus quodammodo his, qui-  
bus fortuna aspirat: descendentibus vero, qui miseris premuntur. Re-  
cte quidem Pittacus, si per fortunam intellexit eas res, quæ fortuito  
videntur accidere, eum interea causis occultis diuinitus dentur. Nā  
Dominus mortificat & viuificat: deducit ad inferos & reducit. Domi-  
nus pauperem facit & datat: humiliat & subleuat, vel, sicut Ausonius  
loquitur: Fortuna nunquam sistit in eodem statu: Semper mouetur, va-  
riat, & mutat vices. Et summa in imum vertit, ac versa erigit. Quod  
si Pittacus ex hac rerum humanarum varietate Deam voluit pro-  
cudere, quæ Fortuna appellanda sit, Deum & ipse ignorauit, cuius  
sapientissimæ potentie opus est, in Mundo sùsque déque ire res  
plurimas, & tamen Mundum conseruari; &, in tanta inconstan-  
tia, Vniuersum tamen constare. Quod autem vexentur boni & ma-  
li exaltentur, cæcæ mone quidem procurante, inuidia est; ac  
Numine permittente, beneuolentia est, magnam inde virtutibus  
exercendis occasionem suppeditante. Idcirco enim, malus ille spi-  
ritus, ait Lactantius, in primordiis transgressionis non statim ad pœnam  
(quoad locum & alligationem in Inferno, non quo ad ignem, quo  
statim torqueri caput) detrusus à DEO est, ut hominem malitia  
sua exerceat ad virtutem, qua nisi agitetur, ni assidua vexatione robo-  
ratur, non potest esse perfecta. siquidem virtus, est perferendorum malo-  
rum fortis ac inuicta patientia. Ex quo fit, ut virtus nulla sit, si aduersa-  
rius desit. Huius itaq; perversa potestatis cum vim sentirent virtuti re-  
pugnantem, nomēq; ignorarent; Fortune vocabulum sibi inane sinxe-  
runt. Sapientius fuissent facturi, si Dei arcana, in talibus malis, pe-

Hh 2

netrare,

I.

Ælian. lib. 2.  
Variar. c. 29.

1. Reg. 2.

Lactant. l. 3.  
diuin. Instit.  
cap. 28.



Senec. l. 1.  
epist. 98.

netrare, rerumque caducarum fragilitatem, agnoscere, indeque & modestiam, & patientiam, & fortitudinem, aliæque præclara opera exercere didicissent; cristasque demississent, quas, in sublimi fortuna; nimium quantum erexerunt. *Sine alios observare volueris*, ait Seneca, (*liberius enim inter aliena, indicium est*) *sive te ipsum, favore seposito; & senties hoc, & confiteberis, nil, ex his optabilibus & charis, utile esse; nisi te contra levitatem casus, rerumque casum sequentium instruxeris: nisi illud frequenter, & sine querela, inter singula damna; dixeris: DIIS ALITER VISVM EST.* Visum est enim, non oportere esse, in hac vita, felicitatis stabilitatem.

## II.

Gen. 28. 12.

Nam, ut taceam, sicut, in pictura, differentia colorum; in Musica, vocum varietas; in theatro, personarum multitudo gratiam habet; ita & in hoc Vniuerso venustam esse rerum mutabilitatem; utilitas præterea maxima *Casibus* inest. Fastidiretur Mundus, si omnia vnus campus essent. Sunt igitur montes, in quos ascendamus; sunt valles, in quas gradum reuocemus: neq; in plano aliquis tam suauiter quiesceret, si in alto non adeo fatigaretur. Sic euenit in hominum vita; ibi ipsi morbi cõmendant sanitatem; calamitas illustrat felicitatem. Hæc rota est *Fortuna*; hæc scalæ Pittaci; immò & Iacob, Patriarchæ, ni fallor, qui *vidit in somnis scalam statentem super terram, & cacumen illius tangens cœlum: Angelos quoque, Dei ascendentes & descendentes, per eam, & Dominum iunxum scalæ.* Nempe Domini hoc est opus; sic ad eum ascendendo itur; per prospera, per aduersa; per summa, per ima; & sæpe descendendo ascenditur, sæpe descenditur ascendendo. Multi enim pereunt; promoti ad altas dignitates: multi corriguntur & recti fiunt, dum definunt esse rectores. Ipse Nabuchodonosor, nisi comparatus iumentis insipientibus, ad pecudes, abiectus fuisset, nunquam sapere didicisset. Hac ipsa de causa Lotharius & Isaacius Imp. Vgo. Coenredus, Rachis, Sanctocopius, Petrus Aragonius, alique complures reges à sceptro & purpura, ad vilem tunicam & solitariam cellam descenderunt, ut ad cœlestem coronam eleuarentur. Nec alia de causa, Carolus V. folio relicto, se abdidit, quàm ut, in terris, se humilians, in cœlis exaltaretur. Credo, ipsum orbem terrarum volubili *Fortuna* globo idcirco similem esse, ut intelligamus, nihil in eo constare; nec figi in eo gradum posse. *Quis tam stupidus est*, inquit ille, *qui instabiles & repentinas fortune*

Baron. an.  
835. & anno  
1059. & 750  
Plat. l. 2. de  
bono stat.  
Rel. cap. 26.  
Beda lib. 5.  
hist. cap. 20.  
Ælian. l. 4.  
Variar. c. 8.

commu-

commutationes ignoret? Sanè Lacedæmonij, cum Thebanorum domini essent, adeo rursus ab illis fuerunt subacti, ut Thebani non solum in Peloponnesum peruenirent, verum etiam Eurotam transirent, & Lacedæmoniorum terram deuastarent, & propemodum ciuitatem etiam ipsam cepissent, nisi virtus esset Epaminondas. ne vniuersi Peloponnesij, conspiratione facta, pro Sparta, dimicarent. Sic Dionysius tyrannus, sic Amyntas Macedo, sic Dion Hipparini filius effecit, ut, in quo statu ipse fuisset antea, in eum iam sue calamitatis auctorem detruderet.

Ibid.

Quid. l. 4. de Pont. eleg. 1.

Quid facis, abemiens? cur, si Fortuna recedat;

Naufragio lachrymas eripis ipse tuo?

Hæc Dea non stabili, quam sit leuis orbe faterur,

Quæ summum dubio sub pede semper habet.

Quolibet est folio, & quauis incertior aura;

Par illi leuitas, improbe, facta tua est.

Omnia sunt hominum tenui pendencia filo,

Et subito Casu, quæ valere, ruunt.

Diuitis audita est cui non opulenta Croesi?

Nempe tamen vitam captus ab hoste tulit.

Ille Syracusa modo formidatus in vrbe,

Vix humili duram reppulit arte famem.

Quid fuerat Magno maior? tamen ipse rogauit

Submissa fugiens voce clientis opem.

Cuiq; viro totius terrarum paruit orbis;

Indignus effectus omnibus ipse magis.

Ille Iugurthino clatus Cimbrôq; triumpho,

Quo victrix toties Consule Roma fuit:

In ceno Marius iacuit, cannâq; palustri;

Pertulit & tanto multa pudenda viro.

Ludit in humanis diuina potentia rebus;

Et certam præsens vix habet hora fidem.

Hæc felicitatis mutatio superbiam domat, frenatque insolentium immanitatem. Sesostris rex Aegyptiorum victorijs illustris, ut Paulus Diaconus refert, currum aureum preciosissimis gemmis ornatum sibi construxit: cui insidens à quatuor regibus deuictis plaustra subeuntibus se trahi passus est. Cum, festo quodam die, regum vnus, oculis conuersis, continuo retrospiceret, rota volubilitatem inuens, Sesostrisq; caussam repectus percontaretur, respondisse fertur: Cum stupore admiror Rotam, cum eam instabili modo ferri, atq; aliàs aliter volui, &

Hb 3

nunc

III.

Paul. Diacon. de reb. Rom. lib. 17.



nunc quidem sublimia demittentem, rursum demissa sublimantem conspicio. Sesostris, ubi dictum illud intellexit, statuit, ne illi posthac currum, traherent. In hac igitur felicitatis infelicitatisque rota, & metus est felicitum, & spes miserorum. Quicumque elatus est, cuicumque omnia ad votum fluunt, quoties mendicum, quoties captum, quo-

Eccli. 38. 23.

Brufonius l.

2. cap. 37. ex

Herod. l. 1.

ties miserum aspexit, putet illum sic loqui: *Memor esto iudicij mei: sic enim erit & tuum; mihi heri, & tibi hodie.* Hæc qui audit, non præsumit: qui spernit, cadit. Cræsus consultus à Cyro de bello suscipiendo contra Tomyrin reginam Massagetarum. Si tibi, ait, esse videris immortalis, nihil est opus, ut meam tibi sententiam dicam. Si verò te quoque agnoscis hominem, illud inprimis discito, talem humanarum rerum circum esse, qui rotatus, eosdem semper fortunatos esse non sinat. Cyrus imperandi libidine accensus Cræso non paruit. Itaque in eo bello perijt. Cautior est, qui se meminit, esse mortalem: & qui se hominem esse novit, nihil humani scit à se esse alienum. Quidquid ergo acciderit sic sapienti, non est inexpectatum, cum & illud præceptum teneat: *Fortunam reuerenter habe;* & fictam hanc Deam sciat globo insistere; aut rotæ instar volui. *Sic composito,* ait sapiens ille, nihil accidet. Sic autem componetur, si quid humanarum rerum varietas possit, cogitauerit ante, quam senserit: si & liberos, & coniugem, & patrimonium sic habuerit, tanquam non utiq; semper habiturus, & tanquam non futurus, ob hoc, miserior, si habere deserit, calamitosus est animus futuri anxius, & ante miseria miser, qui sollicitus est, ut ea, quibus delectatur, ad extremum usque permaneant. Nullo enim tempore con- quiescit, & expectatione futuri, præsentia, quibus frui poterat, amittet. In æquo est autem dolor amissa rei, & timor amittende,

Senec. lib. 1.

ep. 98.

#### IV.

At mala contingunt, & sæpe, quæ omnium sunt molestissima? Iterum hinc errant homines, qui planè sua maximè æstimant, & ibi, quod dicitur, ubi dolent, manum habent. Nam sicut inuidorum oculis

*Vberior seges est alienis semper in agris,*

*Vicinumq; pecus grandius uber habet,*

ita vicissim mala nostra, mala maxima putamus: & quocumque corporis membro vlcus hæret, putamus esse loco incommodissimum. Quia hominem cæcus amor sui non finit rectè iudicare, Solon, qui neminem, dum adhuc viueret, beatum dici debere arbitrabatur, quod ad ultimum usque, fati diem ancipiti fortune subiecti essemus: idem aiebat, si in unum locum cuncti mala sua conuulissent, futurumque,

Val. Maxim.

lib. 7. cap. 2.

ut pro-

ut propria deportare domum, quàm ex communi miseriarum acervo portionem suam ferre mallet. Quo colligebat, non oportere nos, quæ fortunæ patimur, præcipua & intolerabilis amaritudinis indicare. Optimū ergo doloris remedium est, maiores aliorum dolores expendere; morbum cum morbo; paupertatem suam cum paupertate aliorum comparare: denique ferio cogitare, quid, qui in inferno cruciantur, sustineant. Quid, miser, quiritaris? forsitan hic dolor tuus tibi est, loco æternorum suppliciorum? Nimis felices vereri debent, ne de illis dicatur: *recepērunt mercedem suam, in vita sua.*

Vnde, qui prudenti iudicio calculum subdixerunt, *Fortunam*, quæcunque ea demum esset, magis timuerunt blandientem, quàm sævientem. Ipse Deus ait: *Fili, magis placent mihi patientia & humilitas, in aduersis, quàm multa consolatio & deuotio, in prosperis.* Et Christi prudentes altè cordi suo infigunt illud: *Exultate in domino, quia luctus occupat; multoque magis istud: Va vobis, qui ridetis nunc: quia lugebitis & flebitis.* Præstat, post luctum, gaudia, quàm, post gaudia, luctum expectare. Philippus Macedoniæ rex, cum, vno eodémque tempore, tribus nuncijs lætissimè exhilaratus fuisset, intellexissetque, equestri cursu, quadrigas suas Olympijs viciisse; Olympiadem uxorem Alexandrum filium peperisse; Parmenionem deniq; ducem suum Dardanis in pugna superiorem fuisse; sublatis in cælum oculis: *At tu,* inquebat, *Fortuna, pro tot bonis, leui aliquo nos affice malo.* Aded suspecta illi fuit nimia felicitas, ut velut nimis melleam promulgidem absynthio censuerit temperandam. Theramenes, (qui Athenis in XXX. tyrannis fuit) cum in quadam domo versatus, inde prodysset, illa subito lapsu corruit. Atq; cum Athenenses alij aliunde ad eum confluerent, & inopinata saluti congratularentur: ille, præter omnium opinionem, respondit: *O Iuppiter, cui nam me tempore reseruas? Nec multo post à reliquis tyrannis de medio sublatus est, coactus cicutam bibere.* Quàm sapienter facerent, qui exemplo Theramenes, inter læta, tristium meminissent! & cum Ennio dicerent: *Nimum boni est, cui nil mali est,* quæ sententiam etiam M. Tullius magni æstimauit. Ne dicas: *sufficiens mihi sum: & quid ex hoc pessimabor?* In die bonorum, ne immemor sis malorum. Quantum autem mali metuendum sit ijs, quos peruersa vulgi opinio putat felices, quia opibus assunt, illo exemplo discimus, inquit, Marulus, quo traditum est (à Paulino in vita S. Ambrosij) Ambrosium Episcopum, cum apud diuites quendam, hospitandi gratia, diuertisset,

V.

Thoti. de Kemp. lib. 3. de Imit. cap. 57. Prou. 14. 13. Luc. 6. 25.

Plutarchus in orat. consolator.

Ælian. lib. 9. Variar. c. 21. Plutarch. in orat. Consolat.

Eccli. 11. 27.

M Marulus lib. 4. cap. 3.



tisset, & ille se nihil unquam, in vita, aduersi passum iactaret; è vestigiis, cum suis, recessisse, dixisset, ideo se inde fugere, ne, una cum homine perpetuis prosperitatibus uso, simul pereat. Haud ita procul excesserant, & respicientes, vident ades illas, cum omnibus, qui ibi erant, terra hiatus iam absorptas. Quam ergo melius agitur cum iis, qui identidem secus huius premuntur angustiis, ut illic felicitatem querant, ubi casus timeri non possit? Hæc ille, quia, ut vel Ethnicus ait: *Non est summa felicitatis nostra in carne ponenda.* Bona illa sunt vera, quæ ratio dat: solida ac sempiterna, quæ cadere non possunt, nec decrescere quidem ac minui.

Senec. lib. 1.  
epist. 74.

## VI.

Æmil. lib. 8.  
Platina in  
Nicolao III.

Non præteribo hic luculentum eiusce rei exemplum, quod Æmilii & Platina memoriæ prodiderunt, de Hugolino Girardesco, ciue Pisano, Guelfarum partium principe, qui, contraria factione, partim pulsa, partim perculsa, eò potentia domi peruenit, ut nutu omnia administraret, patriæque dominus & esset, & haberetur. Festiuo suo die, natalitia dabat: inuitaueratque, ad conuiuium, regio apparatu, factum, omnes amicos suos. Inter epulandum, Fortunam suam ipse fando mirificè extulit, atque, ut laudibus suis alieno testimonio coronidem adderet, quendam ex intimis amicis Marcum interrogauit: *Quid tandem sibi deesse arbitraretur?* cui Marcus Philosophicâ libertate, *Sola*, inquit, *Numinis ira procul diu, abesse à tam secundis rebus non potest.* Dictum graue, sed verum fuit. Nec enim multò post, Guelforum viribus consenscentibus, Gibellini arreptis armis ædes eius expugnaerunt: ynum è filiis & nepotibus vim arcere conatos occiderunt, ipsum, cum duobus filiis & tribus nepotibus, comprehensum atque in turrin conclusum, fame dirissimamori coegerunt. Hic est fortunatorum exitus, ut meritò metuere habeant, *Numinis ira procul diu, abesse à tam secundis rebus non posse*, quibus omnia ad votum fluunt; quemadmodum spe magna se solari possunt, qui aduersis innocenter atque immeritò exagitantur. Vertitur enim *Fortune rota*; vna parte auream, ferream altera habens curuaturâ: ut quæ hodie sunt summa, cras fiant ima; & nunc prospera, paulò post mutantur in aduersa. Quali in rota circumuoluti sunt diues ille purpureus epulo in summo folio, accubans, & vlcerosis anteimas fores iacens Lazarus. Nam paulò post, ex infimo loco, Lazarus in Abraham vsque finem est eleuatus. Tumidus autem ille vsque in Infernum est deiectus. Hanc rotam Abraham sic ex-

pressit:

prestit: *Eli recordare quia recepisti bona in vita tua, & Lazarus si-* Luc. 16. 25.  
*militer mala: nunc autem hic consolatur, tu verò cruciaris. Hanc me-*  
*tamorphosin metuant, quotquot, de ijs, quæ opinione tantum bo-*  
*na sunt, deque fortune sibi favore blandiuntur. Quid enim stultius,*  
*quàm aliquem eo sibi placere, quod ipse non fecit? omnia ista nobis acce-*  
*dant, non habeant; si abducantur, sine ulla nostri laceratione, discedant.*  
*Vitamur illis, non gloriemur: & vitamur parce tanquam depositis, apud*  
*nos, & abituris. Qui, quis illa sine ratione possedit, non diu tenuit. Ipsa*  
*enim felicitas se, nisi temperat, premit: si fugacissimis bonis credidit,*  
*cito deseritur, & ut non deseratur, affigitur. Paucis deponere fe-*  
*licitatem molliter licuit. Ceteri cum his, inter quæ eminuere, labuntur,*  
*& illos degravant ipsa, quæ extulerant. Nemo igitur magnæ fortu-*  
*næ credat. Nunquam immodica durauerunt. Omne lætum, tan-*  
*dem admiscet fletum. In orbe nihil constat. Placidum ventis ma-*  
*re subito amat fieri procellosum. Vna hora cælum sudum videt,*  
*ac turbidum.*

Senec. loc.  
cit.

Sed & rursum, post nubila, Phæbus; post magnos im- VII.  
 bres, magna solet remigrare serenitas. Accidunt sæpe tristitia, quæ  
 lætissimo sine terminantur; ut Deus virtutem vno tractu probet,  
 & coronet; discantque, qui in angustia sunt, animum non de-  
 spondere, sed potius dicere: *Tu es refugium meum à tribulatione:* Psal. 31. 7.  
 itémque: *Educes de tribulatione animam meam.* Pulcherrimus vir- Ps. 142. 11.  
 tuti stimulus est, & castimonix cōstantiæque, nec non admirabilis  
 fortune, si ita loqui licet, exemplum, quod, ante viginti circiter an-  
 nos, Roma ad nos perscriptum, certisque testibus, enotatum ac-  
 cepti. Erat tum Romæ par coniugum, quale fuit, cum Collatinus Liu. lib. 2.  
 & Lucretia viveret. Sed, quia non solet esse æqualis virtus & For-  
 tuna, pectus latum, res angusta ambobus domi erat. Superuenit  
 egestati annonæ caritas. Igitur ad sumam inopiam redacti, ut vitam  
 sustentarent, æs alienum contraxerunt. Mos est ijs, qui lucrum stu-  
 dent mutuo multiplicare, ut certum soluendi terminum præsti-  
 tuant, vsuramque aut mensuram, aut annuam iubeant pendere;  
 quod ni fiat, extrema minantur, instar illius, qui tenens suffocabat  
 debitorem dicens: *Redde; quod debes, patientiamque rogantem.* Matt. 18. 28.  
*misi in carcerem, donec redderet debitum.* Ad hunc modum etiam  
 tunc miseris illis euenit. Cum enim, ad constitutum diem, debi-  
 tum expungere non possent, pecuniâsque accipere magis, quàm  
 expendere tempus & necessitas flagitaret, maritus in vincula du-  
 ctus est,



ctus est, ut captus esuriret, vxore domi famem perferente; cui orbitas, quàm inedia maiorem luctum imposuit. Itaque, per Urbem, sursum ac deorsum sollicita cucurrit, omnemque, quod dicitur, lapidem mouit, ut pecuniam conquireret, pro coniuge redimendo. Periculosum est feminis, in publico comparere, aut vagari per ciuitatem. Quare & ista, dum nummos quæsiuit, in adulteros incidit, quanquam magis pudicitiae illius testes futuros, quàm corruptores. Horum igitur vnus, cui non ignota erat patris familias absentia, intempesta nocte, adest; ferit ianuam; iubet aperiri. Pro ianua, illa fenestram referat, & quia virum fores pulsantem neque de voce, neque de facie poterat noscere, modestè excusat, nunc tempus non esse conueniendi, solam se domi agere; marito absente, non decere alium admitti: si quid illi sit negotij, clara die veniat; nihil honesti cogitari de ijs, qui id noctis negotientur. Hæc illa & fortiter & prudenter est locuta, si dicta constantiam habuissent. Nam, qui fores pulsabat, pertinaciùs arietare, quàm illa resistere institit; & verò manus ac minas simul adhibuit. cum enim necquidquam postes effringere tentasset, ædes totas in cinerem ituras antè, quàm dilucularet, minitatus est, nisi vellet ostium referare. Antiopæ luctum vidisses. Trepidare illa, &, quid faceret, ambigere; si pessulum reduceret, pudicitiam, si clausum teneret, domum ac vitam amissura. Quid speres? fœmina fuit. cessit. hominem ignotum sola admisit; Lucretia futura, si Penelope esse non posset; illud secum reputans: *In re mala, animo si bono viuere, adueniat.* Nec tamen se se dedere illico statuit. Igitur ingressus, nefarius homo, continuò illi vitium obtulit; quod illa recusauit adeò vehementer, ut, Christiana generositate, mori mallet, quàm fœdari. Vterentur & aliæ fœminæ simili constantia, nî vinci mallerent. Vicit ista, quia restitit. Hostis ergo non hostis, ne sine crimine abiret, Furinæ voluit litare, quando Veneri non potuit. Quare quidquid domi pecuniarum, vestium, vasorum habeat, apportare actutum iubet. Cui illa, quid, miser, ages, inquit? paupercula sum, *hoc quod induta sum, summa opes*; cur vacuam visî spoliare? Instat ille; &, nî nummos afferat, pugnos intentat. verbera, vulnera, funera, incendia minatur: & addit vultum testem, se non iocari. Tanto illa perculsa metu fatetur, se duos aureos habere reconditos, præterea ne teruncium quidem, eosque ipsos ait, se, in mariti redemptionem, mutuos accepisse. Hos ipsos promere iubet.

Plaut. in  
Captiu.

iubet. Promittit illa; sed quia non admodum promptè, idcirco interrogat trifurciter: An nullum domi funem habeat? eo utique illi animam præclusurus, quod quidem facile ærumnosissima fœminarum suspicari potuit; sed, quia mors vnicum solamen erat tam nefastæ noctis, non censuit hoc celandum. Dixit itaque, funem sibi esse, sed alium nullum, nisi quo asellus, in stabulo esset alligatus. Mandat tenebrio, ad stabulum se adducat. facit mulier, quod erat iussa. Ibi, dum scelestus funem impeditius dissolvit, subit, animum feminae, suavius esse occidere, quàm occidi; neque id legibus aut diuinis, aut humanis vetari, si quis vitam suâ aliter tueri non possit, quàm alterius nece. Dum hæc talia cogitat, prægrandem clauam, qualis vel Herculi sufficisset, ponè videt parieti acclinatam, quam utraq; manu arreptam, improbo capiti, à tergo, validissimè impingit. Cadit ille primo ictu; sed nondum exanimatus nititur denuo se in pedes erigere, surgentem illa altero fulmine prosternit, semianimèque penitus conficit, ausûque feliciter potita, se, & sua asserit in libertatem. Cadaver, ea nocte, prope asini stratum, permansit, ut eius contubernium haberet, cuius sepulturam meruisset. At mulier, quæ iam insperatam vitam vivebat, ipsâ suâ victoriâ, tristabatur. Ecquis enim, inquiebat, crederet veritatem narranti? An non facti rea agar, & de homicidio convicta vitam, cum fama, amittam, quam domi occisa honestius posuissem? sed Deo fidendum, qui me utique, apud iustum tribunal, tueri poterit, quando domi contra tam iniustum defendit inuasorem. Sic nox abiit. Reducto die, adit Magistratum, & quid domi actum sit, refert. Mittuntur ad ædem eius, qui cadaver inspiciant. Accurrunt multi, & mortuum viuûmque asinum simul reperiunt. Diu nemo inueniebatur, qui nosset occisum, ad eò mors vultû mutauerat. Tandem tamen vnus superuenit, qui varijs indicijs testaretur, hunc ipsum ante annos aliquot Roma proscriptû, atque in eius caput trecentos aureos constitutos. Defertur res ad Senatum, inquiritur, & in tabulis publicis, nomen, & crimina, & signa rei reperiuntur. neque ampliùs dubitatur. Decernunt igitur feminae, quòd perditissimum hominem è medio sustulisset, pactos trecentos aureos exsoluendos. Habuit ergo fortissima hæc Iudith, vnde & debita & maritum solueret, & vitam deinceps honeste sustentaret, tanto utique iucundiorem, quanto è maioribus procellis emergerat.



## VIII.

Prou. 8. 31.

Pindar.  
Hymn. 5 O-  
lympiacon.  
Euripides in  
Supplicibus.Herodotus  
lib. 3. Sabel-  
licus lib. 7.  
Ænead. 2.

Sic ludens in orbe terrarum diuina sapientia, tristitia latis,  
lætâque tristibus permiscet, vt neque miseri desperent, neque fe-  
lices insolescant, &, contra Pindari præceptum, Dij esse velint.

τῶν δ' ἐν βροτῶσιν

ὅτι ἐστὶν ἑδὲν ἀγατέλης ἐυδαιμονεῖν.

*Siquidem vniuersis rebus in mortaliū*

*Nil continenter & vnde cūq; prosperum est.*

Nam et si caelestes omnia possunt, tamen fallit illud prouerbium:  
*semper feliciter cadunt Iouis taxilli.* Quanquam enim ita Deus qui-  
busdam fauet, vt vel inuitos beare velle videatur, tamen neque  
tunc est insolescendum. De Polycrate Samiorum tyranno prodi-  
tur, ( quod & Nazianzenus versibus complexus est ) cum summa  
frueretur felicitate, admonitum ab Amasi Ægyptiorum rege, vt  
aliquo saltem, quamuis leui incommodo, tantam interromperet  
fortunæ tranquillitatem. Annulum ergo in mare proiecit, quem  
habebat charissimum, eiusque iactura vehementer dolere videba-  
tur. Paulò post piscator quidam captū piscem Polycrati dono ob-  
tulit, quo exenterato, ille idem annulus in visceribus repertus est,  
quem Polycrates abiecerat, quasi non posset esse infortunatus. Sed  
nec illud ipsum quidem bonum omen fuit. Quare ibi tunc Amasis  
Polycrati amicitia renunciaſſe dicitur, cum apertè deprehenderet,  
fortunam, ad grauiores casus, eum reſeruare. Nec defuit euentus.  
Ab Oræte enim Darij regis præfecto, in ſummo Mycalensis montis  
iugo, cruci affixus est. Eò nempe vsq; Fortuna illum extulit, quæ  
à Comicis initijs orſa, in fine paratragediatur. *Fronti nulla fides.* Si  
venit, renidente vultu, cogita, cum furore abituram. Si cum alijs  
ſæua eſt, tibi parcit; ſuſpectam habe clementiam: nam moræ vſu-  
ram exiget. Eſt ſæpe fauor Dei, mala euadere. Maius tamen diui-  
ni amoris indicium eſt tribulatio, quàm prosperitas. *Quoniam per  
multas tribulationes oportet nos intrare in regnum Dei.* Vnde, quem

A&amp;. 14. 21.

Hebr. 12. 6.

## IX.

Matt. 17. 26.

Non tamen ita ſemper caſtigat, vt nullis lætis eiufcemodi  
euentis exhilareret. Qua de cauſſa S. Benno clauem in aquas proie-  
ctam, à piſce; S. Franciſcus Xauerus Crucem in mare prolapſam,  
à cancro recepit. Quæ talia, ſine Numine, non fieri oſtendit il-  
lud, quod Chriſtus Petro dixit: *Vade ad mare, & mitte hamum: &  
eum piſcem, qui primus aſcenderit, tolle; & aperto ore eius; inuenies  
ſtaterem.* Sciuit ergo Chriſtus & ſtaterem in ore piſcis; & piſcem

eum

eum primum ascensurum; & fecit, vt primus ascenderet; & fortasse staterem in ore piscis solo verbo formauit. Illius ergo, non *Fortune*, fauore hæc talia accidunt, ad iuuandos homines, in tempore opportuno, aut consolandos; si quidem ipsi fauorem non repudient, aut in odium conuertant benefactoris; vel *Fortuna bona* inuisus non sinant ab alijs eueri.

Omnem admirationem superat, quod S. Adamannus Scotus, de S. Columba itidem Scoto, qui circa annum Domini 565. floruit, simplici, sed veraci stilo commemorat. Ad S. Columbam Presbyterum, in Scotia versantem, aliquando venit plebeius homo, eius regionis incolæ, quæ stagno Apõrico est adita, extrema egestate prellus. Quippe qui neque se amplius, præ inopia, ne dum uxorem ac liberos, poterat sustentare. Miseratione tactus Columba, pauperum pater, I, inquit, contum tibi, in vicina silua, succidito, & actutum ad me affertõ. Paret ille, & fustem bene magnum robustumque festinatõ apportat. Sanctõque viro porrigit. Eum ille cultro inspicat, manu benedicat, atq; precantibus verbis facrat. Sic præparatum pauperulo, eleemosynæ nomine, reddit, cum dictõ: Hoc veru diligenter asserua, quod neque homini, neque pecori damnosum fore, scito. Porro, pro nassa, pro hamo, pro fuscina erit; nam feras, bestiasque aquatiles & volatiles, & siluestres, esui idoneas tibi figet capietque ad satietatem. Neque deerit tibi familiaræque tuæ esca, quam diu sudes tibi hæc non deerit. Quid mendico tunc lætius fuit beatiusue? Non poterat se capere, præ lætitia, ex Codro Cræsus repente factus. Currit lætus domum, non iam baculum, sed virgam diuinam secum afferens, vxoriquæ opes suas exultabundus ostendit. Mox in siluam abit, atque loco ab omnibus vijs remoto in terram defigit, eaque nocte, ita depactum veru relinquit. Die reuecto, spe ardens, ad eundem locum recurrit, & indutũ eo miræ magnitudinis ceruum reperit, assatum iam utique, nisi ignis defuisset. Ad hunc modum, singulis noctibus aut diebus, prædam inuenit conto hærentem, iam ceruum, iam aprum, iam damam, iam aliam feram culinæ maturam. Neque verò ferinis carnibus suam tantum familiam, sed totam etiam viciniam abunde satiauit; cui, quod propriæ necessitati superfuerat, haud exiguo lucro, vendidit. Multi mortales non sunt suæ felicitatis patientes; sed, cum illis bellè est, *Fortuna* ianuam obstruunt, non, ne exeat, sed ne intret. Quamobrem &

X.

S. Adamann.  
Scot. l. 2. de  
vita S. Columbe. c. 24.  
Et Henric.  
Canisius tõ.  
5. Antiq.  
Lect.



huius viri vxor id facta marito, quod Eua olim Adamo, utiq; in-  
 uidia artibusque antiqui serpentis, eiusmodi illum verbis com-  
 pellauit: Nosti, mi vir, quàm seuerè nunc homines sua damna,  
 quàm rigide magistratus homicidia vindicent puniantque. Quid  
 si igitur Columba gladium tibi dedit, quo te occideres? quid si  
 sudas hæc, quam Cornucopiam esse nobis arbitramur, vitæ bono-  
 rumque omnium scopulus fiat? An non enim in eam bos aut aliud  
 pecus possunt incurrere? quid si, intempesta nocte, atque in re-  
 nebris, homo quispiam, per nemus properans, eo speculo impru-  
 dens excipiat? quis nos non homicidij reos aget? Periclitabi-  
 mur ego, tu, liberi nostri, & vel tanquam magicarum rerum gnari  
 in vincula dabimur; vel, tanquam viarum subscissores, eliminabi-  
 mur, aut è patria, aut è vita. Quid præstat amittere, lucis huius, ap-  
 baculi vnus vsuram? Me igitur si audis, sudem franges, ac de-  
 strues: præstat illam, quàm nos ipsos in cineres ire. Ad hæc mari-  
 tus: Sicut intelligis, ita loqueris, inquit: Mentem lingua sequitur.  
 Neque enim scis, quid vir Sanctus, cum sudem bene precando sa-  
 craret, mihi difertè promiserit; nullum scilicet vel hominem, vel  
 iumentum eo vnquam, vel in summa cure ladendum. Ne igitur,  
 de lite pronuncies, quam non cognouisti. Poterat sufficere hæc  
 responsio, si mulieri imperiosæ quidquam sufficeret. Urgebat enim  
 illa identidem, ne quid maritus suo suerit capiti; ne vile lignum  
 salutis totius domus præferret: prudentis esse, etiam pericula vita-  
 re: serò sapere, qui sapiunt post damnum. Nimirum ita est, mul-  
 ti viri, qui non vincuntur vxorum ratione, vinci se patiuntur ea-  
 rundem importunitate. Ne igitur nihil daret authoritati confi-  
 liisque maritæ vxoris paterfamilias, ijt in siluam, sudem abstulit,  
 domumque reportauit, ac, ne cui noceret, in angulum quendam  
 abscessissimum parieti acclinem coniecit. Nec ibi sine captura  
 fuit. Mox enim domesticus canis in eum lapsus disperijt. Nouum  
 ergo argumentum nata anxia materfamilias: Videsne, inquit, ad  
 maritum, quid fatalis iste fustis nobis minetur? nempe, ut hodie,  
 canis eo confossus est, ita cras tibi vnus liberorum tuorum interi-  
 metur. Quid tum dicis? sobolem, an sudem sublatam males?  
 Commouit ea iterum oratio misellum; qui proinde arreptum ba-  
 culum rursus in densissimæ siluæ dumeta extulit, eoque loco po-  
 suit, ad quem ne feræ quidem vlli accessum patere putauit. At rur-  
 sum, die postero, cū Scipionem suum requiseret, capream eorum trans-

fixam

fixam inuenit. Deterritus ergo tam inuisitata vi praedastrahendi,  
& metuens ne & pecudem pabulatum actam attraheret; inde quo-  
que vellere sudem statuit; & verò eam in fluuio, cui *Nigra Dea*,  
idiomate gentis, nomen, iuxta ripam, sub aquis fixit, firmavitque.  
Sequente luce, cum vellet sudem ex anne extrahere inuisitatae ma-  
gnitudinis piscem *Esofen* vnà extraxit etiamnum palpitantem. Er-  
rat autem adeò ingens is piscis, vt conto retentum, atque in hu-  
meros reiectum vix solus domum posset reportare. Domi, vt da-  
mnum caueret, nec hamo illius quisquam violari posset, in summa  
recti parte sudem collocauit. Vix collocauit, & illico coruum vi-  
dit, magno volatus impetu, in cuspidem inactum. Quoniam igi-  
tur neque in siluis, neque in aquis, neque in tectis, sine alicuius  
animantis vulnere potuit asseruari Columbanus baculus, lu-  
culentam iterum sibi obtigisse calumniandi occasionem rata;  
materfamilias, denuo maritum instigauit ad eum frangendum, at-  
que in ignem conijciendum: ne, vt prouerbio dicitur, inquebat,  
in venatione pereamus. Quid non possunt vxorum vel impetia,  
vel blandimenta? Ascendit simplicissimus homo, sudem deripit,  
& securi in minutissimas partes diffundit: frustra in focum & flam-  
mas mittit. Sic omnis illius abundantia ac prosperitas, penè mo-  
mento, in penuriam commutata est; artificio cacodæmonis, fe-  
minæ suasu, viri stoliditate: qui benedictione S. Columbæ com-  
bustâ, ad incitas redactus, omni reliqua vita, mendicare coactus  
est. Semper abundasset, si Sancti viri vaticinio plus, quàm stoli-  
dæ mulieris Panico timori credidisset. Sed quid mirum est, si  
mulier baculum timuit, quem meruit? Profectò, ni Sanctus, ab  
eo, hominibus spondidisset immunitatem, illa prima, in eum in-  
currisset. Certum est, ex hoc exemplo, Numinis veri, non somnia-  
tæ ab imperitis *Fortuna* fauentiâ, hominibus prodigiosè fausta  
subinde euenire; quin & Sanctorum benedictionem multi preci-  
bus obtinent, atque hoc pacto dici possunt, *sua fortuna fabri*: nam  
*sui eurg, mores singunt fortunam*, vt ille de Pomponio Attico dixit;  
nos ita interpretari possumus, vt multa à Deo Diuisque precando  
fausta impetrari dicamus: certè nihil, *Casus aut Fortune*, sed omnia  
diuinæ ordinationi sunt ascribenda, respondendumque, sicut  
Abrahami seruo responderunt *Laban & Bathuel*: *A Domino egres-*  
*sus est sermo*: non possumus extra placitum eius quidquam loqui tecum:  
non fieri necessitate coacti, sed tracti diuino nutu ac voluntate.

Cornel. Ne-  
pos. in vita  
Pomponij  
Attici.

Gen. 24. 50.



cui nefas est resistere. Ethnicorum vox est : *Superat quoniam Fortuna, sequamur : Quòq, vocat, vertamus iter.*

## CAPVT XXVII.

*Nil FATO vulgi, aut alicui necessitati stellarum  
esse ascribendum.*

I.



Aculi supra memorati ineuitabilis felicitas, suspicio-  
nem fortè alicui posset gignere *Fati* cuiusdam, cum  
*Fatis impellentibus* adactus vulgò dicatur, qui utiq;  
non sponte, nec raro, sed velut ineuitabili necessi-  
tate, nolens volens vel semper felix, vel semper est  
infelix. Et Ethnicorum prouerbio iactatum est, *quod fatis decre-*  
*tum esset, id nemini licere euitare.* Quam opinionem didicit do-  
cuitque etiam Homerus, cuius versus ita verbatim redduntur :

Homer.  
Odyss. H.

*Post illic, accidet illi,*

*Quod fatum Parcaq, græues in stamine nêrunt  
Nascenti tum, cum matris promergeret aluo.*

Et qui arbitrio *Fortune*, quæ campi domina dicitur, aliquid, tanquã  
Deæ, tribuunt, facilè in *Fati Fortune* cognati errorem incidunt,  
vt, cum Næuiò, dicant: *Fato Metelli Romæ sunt Consules*; aut vt,  
cum Priamo, *Fatis* ascribant, quod Helenæ esset imputandum;  
aut, cum Creonte, pronuncient, *Fato non repugnandum*: aut cum  
alio, nescio quo, dicant: *Fata viam inuenient*; aut, cum Poëtis, tres  
Parcas esse credant, quas Cicero Erebi & Noctis filias fuisse scri-  
bit, & easdem *Fata* esse existimat; Hesiodus nascentibus homini-  
bus bonum malumque conferre censet. Vnde est illud Cleantis:

Cic. l. 3. de  
Nat. Deor.

*Ducunt volentem Fata, nolentem trahunt.*

& istud Maronis:

Virgil. 4.  
Eclog.

*Concordes stabili Fatorum numine Parca.*

Madaurensis Philosophus has ita describit. *Tres Parca, tria Fata  
sunt numero, cum ratione temporis facientia, si potestatem earum ad  
eiusdem similitudinem temporis referas. Nam quod in fuso perfectum  
est, præteriti temporis habet speciem. Et quod torquetur in digitis, mo-  
menti præsentis indicat spacia. Et quod nondum ex colo tractum est, suba-  
ctumq, curâ digitorum, futuri & consequentis seculi posteriora videtur  
ostendere, Nomina Parcarum sunt Clotho, Lachesis, Atropos;*  
*quarum.*

quarum prima colum tenet; altera net; tertia filum diffringit. Ab hoc filo vita pendet. Hæ textrices anus omnia negotia mortaliū dispensant, apud istos, infallibili quadam necessitate. Huic laqueum torquent, illi nent diadema. Actum est de homine, quā primū natus est, rata sunt omnia, si istis credas; sub Ioue natus, certus est de sceptro; sub Mercurio, certus de patibulo.

Præsens est iste scopulus, ut supra quoq; memini me dicere, ad homines in desperationem, nostra quoq; ætate, pro dolor, inducendos. Qui etsi ipsa Fati explicatione supra allata, satis maneant repulsus, hic tamen paulò enucleatius est destruendus. Multi enim Fati legibus ita addicunt astringuntque omnia, ut libertatem arbitrij manifestè tollant. Quidam namque opinantur, Fatum esse naturalem quandam ac necessariam rerum consequentiam; eamque ex ipsis astris deducunt. Homines quando Fatum audiunt, inquit S. Augustinus, non intelligunt, usitata loquendi consuetudine, nisi vim positionis siderum qualis est, quando quis nascitur, vel concipitur. Alij inquirunt, Fatum esse indeclinabilem rerum seriem, & catenam, per æternæ consequentiæ ordines, semet implicantem. De primis Poëta ait: *Nora Mathematicis genesis tua.* Secundi seipso, ac alios secum, catenā illā implicant. Vtrique in Fato fiunt fatui: illi quia astris, quibus sapiens dominatur, nimiam tribuunt potestatem; isti, quia non satis dispiciunt, quale sit inter facta & facienda discrimen. Nam etsi quod factum est, infectum fieri nequit; id tamen, quod faciendum est, non ita faciendum est, ut liberè nō sit faciendum, aut ut etiam omitti non possit. Tametsi ergo Fatum, prout Ethnici sumebant, significabat aliquam in euentis necessitatem, immo etiam necessitatem in ipso Deo; prout tamen ab Aristotele, & rectè sentientibus accipitur, non solum non infert necessitatem in Deo, cum Deus liberè ordinet fatum; sed etiam in agentibus liberis creatis non ponit necessitatem, cum causæ proximæ in effectum influentes, influant iuxta modum eius. Quocirca, si sint libere, influunt cum libertate, seu libertate non euersā. Nulla ergo neq; à stellis, neq; ab vlla serie causarum est necessitas antecedens. Ita est, non lucent in cœlo sidera otiosè; alios in iram, alios in flaccidum quendam languorem; alios lætos, subtristes alios gignunt; nulli tamen sanæ mentis homini ingerunt necessitatem, nulli adimunt libertatem. Potest lætus tristari, & tristis naturā, lætari: neque sanè quisquam in lætissimos cachinnos effusior est,

II.

S. Augustin.  
lib. 5. de Ci-  
uit. cap. I.



quàm cum melancholicus in risum atq; iocum erumpit. Qui autem, ex positura stellarum, bella, victorias, incendia, nuptias, magnatum mortes, prodiciones, fœdera, pacem, amicitias, inimicitias promittunt & antediciunt, malo astro nati & planè calendario indigni sunt. Nec enim merentur, inter Sanctos scribi, qui docere audent quod Sancti omnes refutauerunt.

## III.

S. Ambros.  
super epist.  
ad Coloss. c.  
2.

Pugnat contra fatales stellas, cum Apostolo, D. Ambrosius, qui primò astrologiam hanc ostendit fidelibus esse periculosa, hinc his verbis: *Videte, ne quis vos depradetur, per Philosophiam & inanem fallaciam, secundum traditionem hominum, secundum elementa huius mundi, & non secundum Christum &c.* Deinde indicat, quoniam eiusmodi astrologia se mancipent. *Quia quæ ad præsens sunt, & cernuntur oculis suavia, & oblectabilia videntur, aliquantos seducunt, qui spiritualem rationem despiciendam & ridendam putant desperatione futuri, omnem vim astris assignantes, carnali rationi obnoxii, ne gravia credenda fiat, sustolli posse in celum, neue lenia, venire ad terras, aut aliquid corporeum, sine rerum admixtione generari, repugnantes potentia ac providentia Dei. Hanc ergo tertiò traditionem vel philosophiæ fallacem & inanem appellat, quia non à potentia Dei ordinata est, sed ab imbecillitate rationationis humane, quæ potentiam Dei, intra scientiam suam coarctat.*

Idem. lib. 4.  
Hexam. c. 4.

Quartò docet, in quanta absurda abducatur hæc opinio. *Nonnulli natiuitatum, inquit, tentauerunt exprimere qualitates, qualis futurus sit unusquisq; qui natus sit: cum hoc non solum vanum, sed etiam inutile querentibus, impossibile pollicentibus. Quid enim tam inutile, quàm ut unusquisq; persuadeat sibi hoc esse, quod natus est? Nemo ergo debet vitam suam, studium, morèsq; mutare, eniti, quo melior fiat. Sed in ea persuasionem neg, probum potes laudare, nec condemnare improbum, qui necessitati natiuitatis sue respondere videtur. Et quomodo Dominus aut bonus premia proposuit, aut improbis pœnas, si facit necessitas disciplinam? & conuersationem stellarum cursus informat? Et quid est aliud quàm hominem de homine exuere, si nihil moribus, nihil institutioni, nihil studio relinquitur? Quintò exemplis hanc vanitatem euertens pergit: *Quàm multos videmus ereptos criminibus, atq; peccatis, in meliorem statum esse conuersos? Redempti sunt Apostoli, & congregati ex peccatoribus: non utiq; natiuitatis sua hora, sed Christi eos sanctificauit aduentus, & hora Dominica passionis redemit à morte. Latro ille damnatus capitis, ille cum Domino crucifixus, non beneficio natiuitatis sua, sed fidei confessione ad Paradisi æterna transiit.**

uit. Ionam in mare non vis natiuitatis, sed dissimulatio diuina praeceptio-  
nis praecipitavit, & offensa: eundemq; cetus excipiens ad indicium  
futuri mysterij, post triiduum, reuocauit. & prophetia merito gra-  
tia reseruauit. Petrum de carcere, imminente morte perimendum, An-  
gelus Christi, non stellarum series liberauit. Paulum cecitas conuertit ad  
gratiam, & percussus a viperis, turbatusq; naufragio, non remedia nati-  
uitatis, sed deuotionis merita seruauerunt. Quid de illis dicimus, qui eo-  
rum precibus cum fuissent mortui, resurrexerunt? Verum illos sua na-  
tuitas, an Apostolica gratia resuscitauit? Quid opus fuit, ut se reuincis  
periculisq; committerent? si ad quod volebant, natiuitatis beneficio po-  
terant peruenire? Quod si credidissent, dum expectant fatorum necessi-  
tatem, nunquam peruenissent ad tantam gratiam.

Sexto affert alia exempla Hipponensis Antistes, cuius  
haec sunt: Fatum ponentes nolunt aduertere, quod electo, ad seminan-  
dum agrum die, tam multa grana in terram simul veniunt, simul germi-  
nant, & exorta segete, simul herbescent, pubescunt, flauescunt, & tamen  
inde spicae ceteris coeueas, atq; (ut ita dixerim) congerminales, alias  
rubigo interimit, alias aues depopulantur, alias homines auellunt. Quo-  
modo istis alias constellationes fuisse dicturi sunt, quas tam diuersos exitus  
habere conspiciunt? An eos penitebit his rebus dies eligere, easq;  
ad caeleste negabunt pertinere decretum. & solos sideribus subdant homi-  
nes, quibus solis in terra Deus dedit liberas voluntates? Alterum ex-  
emplum, non de segetibus, sed de hominibus ponit, alio loco. De ge-  
minis hominibus plurima plurimiq; diuersa monstramus. Nati enim sunt  
duo gemini veterum Patrum memoria, ut de insignibus loquar, sic alter  
post alterum, ut posterior plantam prioris teneret. Et tanta in eorum  
vita fuerunt moribusq; diuersa, tanta in actibus disparitas, tanta in  
parentum amore dissimilitudo, ut etiam inimicos eos faceret inter se ipsa  
distantia. Vnus a matre diligebatur, unus honorem, qui magnus apud eos  
habebatur, amisit, alter adeptus est. Addit tertium exemplum. Quid  
est hoc, quod uno tempore, momento vno, sub vna eademq; calis positione  
de duabus matribus pariter nati, diuersa fata habent? Subiungit  
quartum. In ipsis geminorum conceptibus, ubi certe amborum eadem  
momenta sunt temporum, saepe fit, ut sub eadem constellatione fatali, al-  
ter comparetur masculus, altera femina. Nouimus geminos diuersi se-  
xus: ambo adhuc viuunt, ambo etate adhuc vigent. Quorum cum sint  
inter se similes corporum species, quantum in diuerso sexu potest: institu-  
to tamen & proposito vita ita sunt dispares, ut praeter actus, quos necesse

IV.

S. Augustin.  
lib 5. de Ci-  
uit. c. 7.

Eod. l. c. 3. 4.

Ibid. c. 5.

Ibid. c. 6.



est à virilibus distare femineos, ille in officio comitis militet, & à sua domo penè semper peregrinetur; Illa de solo patrio & de rure proprio non recedat. Insuper, quod est incredibilis, si astralia fata credantur, non autem mirum, si voluntates hominum & Dei munera cogitentur, ille coniugatus, illa virgo sacra est: ille numerosam prolem genuit, illa nec nupsit.

S. Aug. lib. 2  
contra epi-  
stolas Pela-  
gianorum, c.  
7.

Quintum denique exemplum ponit in duobus geminis infantibus à meretrice editis, quorum sine baptismo expirauit vnus, alius baptizatus erat, ita scribens: *Hic non est fatum, quia nec stellæ vlla ista decernunt; nec fortuna, quia non fortuiti casus hac agunt, nec personarum, nec meritorum diuersitas hoc fecerunt: quid restat, quantum ad baptizatum attinet, nisi gratia Dei, quæ vasis factis in honorem, gratis datur: quantum autem ad non baptizatum, ira Dei, quæ vasis factis in contumeliam, pro ipsius massa meritis redditur. Sed in illo, qui baptizatus est, non solum ostenditur adiutorium gratiæ Dei, verum etiam in non baptizato documentum. Adiutorium, scilicet in vasis misericordiae; in vasis autem iræ documentum. In eis enim ostendit iram, & demonstrat potentiam suam, quia tam potens est bonitas eius, ut bene utatur etiam malis; & in eis notas facit diuitias gloriæ suæ in vasa misericordiae, quoniam quod ab ira vasis exigit iustitia punientis, hoc misericordiae vasis dimittit gratia liberantis.* Afferit D. Chrysostomus & illud Iosephi exemplum, qui fratrum suorum perfidiam ac scelus eleuare, eosque consolari cupiens, non eleuauit, per *Fatum*, aut *Homeri* cam Aten seu deam, quæ mala & noxia inferre credita est à Græcis ac Gentilibus; sed per prouidentiam Dei, qui peccatum illorum, in gloriam Iosephi, & ipsorum, bonumque publicum, ordinauit. Dixit enim: *Ego sum frater vester, quem vendidistis in Ægyptum. Nolite pauere, neq; vobis durum esse videatur, quod vendidistis me in his regionibus: pro salute enim vestra misit me Deus ante vos in Ægyptum.* Qua excusandi eos, qui nos offenderunt, ratione vti- nam etiam nos vteremur, reperiremus utiq; omnia nobis mala illata in bonum cooperari, & gaudendi potius, quàm irascendi causam haberemus.

Genes. 45. 5.

V.

His exemplis accedunt & aliæ rationes, quæ ab his aliisque Patribus in medium afferuntur. Nam Chaldæi isti aut Chaldæizantes, qui vim vitæ necisque tribuunt natiuitati, asserunt, eam minutissimis colligendam esse momentis, quæ nisi obseruantissimè colligantur, maximum esse discrimen, ut adeò statim post Esau, Iacob aliquis gignatur: *Brevi enim atomo exiguoq; momento distare*

nati-

natiuitatem inopis & potentis, egentis & diuitis, innocentis & noxij; & plerumq;, eadem hora, generari longauitati debitum, & prima pueritie etate moriturum, si reliqua disparia sint, & puncto aliquo discreta. Hoc quemadmodum possunt colligere, respondeant. Constituunt partum femine. Obstetrix utiq;, eum primò cognoscit, explorat vagitum, quo natiuitas colligitur, attendit, virum masculus sit, an femina. Quot vis inter has moras præterire momenta? Pone Mathematicum præparatum. Nunquid potest vir interesse puerperio? dum mandat obstetrix, audit Chaldeus, ponit horoscopus in alterius sortem. Iam nati fata migrarunt, de altero queritur, & alterius genitura proponitur. Atque ibidem: Vitalem, inquit, illum signorum duodecim circuitum in duodecim partes diuidunt: & quia triginta diebus sol duodecimam partem sphaera eius, qua inenarrabilis habetur, regreditur, quo gyrus solis anni circuitu compleatur, in triginta portiunculas, quas ꝑcedas Græci vocant, unamquamq; duodecim illarum distribuunt portionem; ipsam quoque portiunculam in sexaginta vices conferunt. Rursum unumquodq; de illis sexaginta, sexages fecant. Quàm incomprehensibile est, in quo sexagesimo, tot sexagesima portiuncula natiuitatis momenta constituant: & qui singulorum signorum sit aut motus, aut species in natiuitate nascentis? Vnde cum impossibile sit, tam subtiles minutias temporis comprehendere, exigua autem minutia inuehat vniuersitatis errorem, totum negotium plenum est vanitatis. Disputatores eorum, quæ sua sunt, nesciunt, & quo modo aliena nouerunt? Quid sibi imminet, ignorant, quo modo possint alijs, quæ futura sunt, denunciare? Ridiculum est credere. Quia si possent, sibi potius prouiderent. Hæc Ambrosius: qui addit, nihil mirum esse, si sibi homines ludantur, ubi signa innoxia blasphemantur: quæ si natura noxia esse creduntur. Deus summus arguitur, si fecit, quod malum est, & fuit improbitatis amator. Lactantius ita loquitur: De sapientibus stulti, & de stultis sapientes sæpe nascuntur; quod quidam fato ac sideribus assignant. Sed non est nunc locus de fato disserendi. Hoc dicere satis est; quòd etiam si astra efficientiam rerum continent, nihilominus omnia à Deo fieri certum est, qui astra ipsa & fecit, & ordinauit. Inepti ergo, qui hanc potestatem Deo detrahunt, & operi eius attribuunt. At ne quis existimet, saltem à Deo, per astra, hominibus imponi necessitatem, addit statim. Hoc igitur Dei munere celesti, atque præclaro, an utamur, in nostra voluit esse potestate. Hoc enim concesso, ipsum hominem virtutis sacramento religauit, quo vitam posset adipisci. Non posset autem, si in eius potestate, per contrarias

S. Ambros.  
lib. 4. He.  
xam. cap. 4.

Lactant. lib.  
de opificio  
Dei. c. 19.



stellas, non esset, virtutem exercere, atque astris quocunque demum inclinantibus dominari. Aut quo modo posset virtutem, præcipere Deus, quam homo, obstantibus astris, non posset exercere?

VI.

Hoc Fato, igitur accusatur Deus, excusatur homo; quia per Fatum, ad necessitatem genitalem, non ad instituta morum actus nostri facti, referuntur. Frustra ergo leges, frustra iura, immeritis præmia, innocentibus supplicia proponuntur. Non enim rectè puniuntur, qui aliter facere non potuerunt. Neque necessitas, sed voluntas præmium meretur. Non igitur stolidam tantum, sed & impia est hæc Fatalis Astrologia. Et tamen quàm innumerabiles, hoc ævo, homines opinione ista, se sinunt fascinari? Non recensebo iam totos libros, ingenti precio, à summis, medijs, infimis emtos, quibus credunt, omnia describi quæ sibi sunt euentura. Quàm multi, tanquam Sibyllæ folium, æstimant libros cum annalibus Volusi comparandos, in quibus legunt, signo Arietis ortos præstantissimos esse consilio, quod in grege huiusmodi emineat pecus aut locupletiores, quod vestitum habeat aries naturalem: aut liberales, quod lanam suam aries non inuitus deponat: Laboriosos & patientes servitij, quos nascentes Taurus aspexerit, quia hoc animal laboriosum & affectum ingo spontanea servituti colla submittit: Percussorem quoque, cuius natiuitatem scorpium in sua parte complexus sit, & malitia venena reuoluentem, eo quod animal venenatum sit. Ad arbitrium Astrologi, quàm multi, dum se Martios credunt, ad coniunctionem Martis non solum bellant, sed etiam prælia committunt, mercaturas alij, alij sceptrum prehendunt, quia se se vel Mercuriales, vel Iouiales arbitrantur? Fati immo Orci mancipia. Nummos accipiunt, cum se homines hominibus vendunt: dant isti nummos, ut se vanitatibus vendant. Intran enim ad Mathematicos, ut emant sibi dominos, quales Mathematicis dare placuerit: vel Saturnum, vel Iovem, vel Mercurium, vel si quid aliud sacrilegi nominis. Intrauit liber, ut nummis datus servus exiret. Immo vero, non intraret, si liber esset, sed intravit, quò cum dominus error, & domina cupiditas traxit. Nunc quid hoc experimur, quoties cynigeri, seu Egyptij illi veratores, seu erronei potius, apud nos, circumuagantur? Cum enim illi in vrbes non admittantur, plenis curiosi vijs ad eos excurrunt, vaticiniâque immo mendacissima mendacia ab illis mercantur. Unde alij minantibus astris tristes, alij spe temerarij, in quantas non inci-

S. Ambros.  
loc. cit.

S. Augustin.  
super Ioan.  
serm. II.

ineidunt calamitates? Certè illud mirari satis non possum, non modò, quòd Calendaria eiusmodi prædictionibus præliorum, cladum, mortium, factorum pestilentissima, lucri causa, nonnulli excogitare, alij typis vulgare, alij vendere audeant; sed etiam, quòd tot reperiant emtores, lectores, creditores: immo à Catholicis Magistratibus ac Principibus, contra tot decreta Pontificum, fulmina Conciliorum, & adeò ipsa etiam iura legèsque civiles, edere, vendere, legere, credere permittantur. Vtinam illud penderent de expellendis incolis ad Israëlitas dictum: *Gentes istæ, Deut. 18. 14. quarum possidebis terram, augures & diuinos audiunt: tu autem à Domino Deo tuo aliter institutus es, à qua institutione si recesseris, vide, ne & tu extermineris.*

At putant, se patrocinium habere sacræ scripturæ, in qua Magi aduentus sui causam illam indicant: *Vidimus enim stellam eius.* Sanè D. Gregorius scribit, Priscillianistas docuisse, stellam hanc fuisse fatum Christi. Quibus accedunt Albumasar & ex eo author Speculi, quod vulgò Alberto Magno ascribitur, alique, qui autumant, Mundi Conditorem, in astris, prouidentiam suam, & ea, quæ per illam facturus est, certis notis signasse, & velut characteribus quibusdam inscripisse. Vnde existimant etiam, in illa Christi stella, Christi ortum Magos legere potuisse; neque ortum tantum, sed etiam mores, miracula, vitamque vniuersam. Petrus de Aliaco Cardinalis & Archiepiscopus Cameracensis scribit, sub tempus Natiuitatis Christi, fuisse concursum Iouis cum Saturno, in Cancro: in ipsa verò Christi Natiuitate, inquit, *Horoscopus erat pars Virginis octaua* (qua religionis mutationes & partu Virginis significat) *in culmine vero cali erat Saturnus; in imo autem Sol.* Quem Seruatoris Horoscopus in figura spectandum exhibet Sixtus Senensis.

Verùm tamen hoc de ascensu Virginis & benigno siderum in Christum nascentem aspectu fidei non repugnat, vt ait Salmeron; repugnat tamen rationi, stellam Magis Christi ex Virgine ortum, mores, miracula, singulæque facta ostendere potuisse. Quo pacto enim Christi ex Virgine ortus, transfiguratio, Crucifixio, Resurrectio, res tam supernaturales, arte naturali, qualis dicitur esse Astrologia, deprehendi potuissent? An characteres aliqui in ea stella cernebantur? & litteris fortasse scriptum ibi erat: *Virgo peperit: Christus natus est: Crucifigetur; In calum ascendet?* At cur eas litteras

VII.

Matth. 2. 2.

S. Gregor.  
homil. 10. in  
Euang.

Petrus de Aliaco Cardinalis & Archiepiscopus Cameracensis scribit, sub tempus Natiuitatis Christi, fuisse concursum Iouis cum Saturno, in Cancro: in ipsa verò Christi Natiuitate, inquit, *Horoscopus erat pars Virginis octaua* (qua religionis mutationes & partu Virginis significat) *in culmine vero cali erat Saturnus; in imo autem Sol.* Quem Seruatoris Horoscopus in figura spectandum exhibet Sixtus Senensis.

VIII.



teras nemo vidit, præter Magos? & quàm Aquilinum eos visum habuisse necesse est, vt litteras illas legere possent? multoque magis Astrologi nostri, quos plerumque vel maculæ Solis excæcant, mirabiles esse debent, si tam procul legere possunt, quæ inscriptæ sunt in stellis firmamenti, cum sæpe non videant fossam ante pedes patefactam, in quam cælo defixi prolabuntur. Quid quòd omnis Astrologorum obseruatio experienciâ nitatur? Aiunt enim, hoc, & illo, & isto anno, quando Mars cum Ioue concurrit, in Libra, experti sumus seditiones, rebelliones, sæua prælia extitisse. Quare etiam hoc anno, in simili concursu, iterum prælia, seditiones & rebelliones existent. Hæc est seu ars, seu coniectura, seu suspicio spumantis arrogantia. At dicant mihi isti, quam experientiam habuerint, de Virgine paritura? de nascituro, passuro, aut morituro Deo? Nunquam enim, ante Deiparam, vlla Virgo peperit: nunquam ex homine natus; nunquam passus, aut mortuus est, ante Christum, Deus. Nullam ergo experientiam, & quod inde conficitur, nullam eiusmodi scientiam, è stella illa, Astrologi habere potuerunt: somnia Priscillianistæ habuerunt, & phantasmata delirorum. Age, qui è schola istorum prodijsti, dic mihi, quid ex Horoscopo, siue concursu stellarum, qui sit, infante in lucem ex vtero matris prodeunte, colligis? Nempe ex ascensu stellæ Iouis, conijcis, puerum, qui tunc nascitur, hilarem fore ac Iouialem: ex ascensu Martis, fore pugnacem: ex ascensu Lunæ variū fore ac mutabilem: ex ascensu Saturni, melancholicum fore ac suspicacem, eò quòd hæc sidera, ad eiusmodi cōplexiones ac inclinationes, naturalem habeant influxum. Demus tibi hōc. At dic, sodes, quænam stella est, quæ ordinem habeat atque influxum, ad effectus supernaturales? ad miracula producenda? ad Verbi diuini Incarnationem? ad edendum partum, illæsa virginitate? ad genus humanum, ab æterna damnatione, redimendum? Hæc talia nonne fateberis, supra omnem vim stellarum, excedere? & à sola supernaturali omnipotentia Dei perfici posse? Non ergo *Fatum* aliquod in stella Magorum est collocandum.

I X.

S. Gregor.  
homil. 10. in  
Euang.

Quod vel inde constat, quia Redemptor noster, vt rerum omnium, ita etiam stellarum est Dominus. Quare non fas est, vt ille stellis, sed vt stellæ illi subijciantur. *Dum non puer ad stellam, ait S. Gregorius, sed stella ad puerum cucurrit, si dici liceat, non stella fatum pueri, sed fatum stellæ is, qui apparuit, puer fuit. Quamobrem rectè*

rectè Augustinus, contra Manichæos dicentes, Christum colligatum esse stellis, & esse sub fato stellarum, sic concludit: *Stella illa, quam viderunt Magi, Christo secundum carnem nato, non ad decretum dominabatur, sed ad testimonium famulabatur; nec eum subyiebat imperio, sed indicabat obsequio.* Atque post illa: *Non ideo, inquit, Christus natus est, quia illa exiit; sed ideo illa noua exorta est, quia Christus natus est.* Vnde, si dici oporteret, non stellam Christo, sed Christum stella fatum fuisse diceremus. Ipse quippe illi, non illa huic nascendi attulit causam. Si ergo sunt fata, quæ à fando, id est, dicendo appellata sunt, quoniam Christus verbum Dei est, in quo, antequam essent, dicta sunt omnia, non consortium siderum, fatum Christi est; sed fatum etiam siderum Christus est, qui & ipsam carnem sub celo creatam ea voluntate assumpsit, qua etiam calum creauit; ea potestate deposuit, & recepit, qua etiam sideribus imperauit.

Quo pacto igitur Christum natum, in stella, Magi viderunt, quando eum non arte Astrologica, non scientiâ Fati, non notis stellæ inscriptis potuerunt cognoscere? Communic est Basilij, Hieronymi, aliorumque SS. PP. sententia, Christum stellæ nouæ indicio à Magis cognitum, quia, sicut cometæ mortes regum mutationesque regnorum portendunt; ita Balaam vaticinatus erat, eum Christo stellam orituram. *Orietur stella ex Iacob.* Magi ergo, vel posterius, vel successores Balaam Ierosolymam venientes dicebant: *Vbi est, qui natus est Rex Iudeorum? vidimus enim stellam eius,* quem è vaticinio Balaam, ex prædictione Sibyllæ, denique instinctu & reuelatione diuina, stellæ indicio designatum nouimus. Cur enim vaticinium Balaam successores eius latuisset, quod neque Romanis fuit incognitum? Siquidem & Cicero, & Suetonius, & post illos etiam Orosius, tradunt, communem tum famam fuisse, ex Iudæa proditum regem, qui omnibus dominaretur, quod Gentiles Vespasiano suo falso tribuerunt; Sibylla autem & Chalcidius Gentilis ac Platonius Philosophus, Christo ex Virgine nascituro. Sibyllæ oraculum tale extat.

*Diuinamq; Magi stellam coluere recentem,  
Monstratusq; Dei præcepta sequentibus infans  
Est in præsepi.*

Chalcidius autem ita scribit: *Est alia sanctior & venerabilior historia, quæ perhibet de ortu stellæ cuiusdam, non morbos morteq; denuncians, sed descensum DEI venerabilis ad humana conuersionis, re-*

S. Augustin.  
lib. 2. contra  
Faust. cap. 5.

X.

Num. 24. 17.

Matth. 2. 2.

Cic. lib. 2. de  
diuinat.  
Sueton. in  
Vespasiano.  
Orosius lib.  
6. cap. 6.

Lib. 8. orac.  
Sibyllin.

Chalcidius  
in Timæum  
Platonis.



rumq; mortalium gratiam: quam stellam cum nocturno itinere suspexissent Chaldaeorum profecto sapientes viri, & consideratione rerum gestarum satis exercitati, quassisse dicuntur recentem Dei ortum, reperi-  
tâq; illa maiestate puerili, venerati esse, & vota Deo tanto convenientia nuncupasse.

## XI.

Imperf. op.  
author. ho  
mil. 2.

Imperfecti operis auctor refert, Successores Balaam, post oraculum eius de stella ex Iacob oritura, per singulas ætates, aliquos deputasse, qui identidem cælum contemplarentur, vt stellæ huius ortum, in monte, qui Victorialis dicebatur, obseruarent; tandèmq; cum hi ipsi Magi eius ortum præstolarentur, apparuit eis, inquit, descendens super montem illum Victorialem, habens in se formam quasi pueri paruuli, & super se similitudinem crucis; & locuta est eis, & docuit eos, & præcepit eis, vt proficiscerentur in Iudeam. Proficiscentibus autem eis, per biennium, præcedebat stella, & neq; esca, neq; potus defecit in peris eorum. Hæc incertæ fidei esse, meritò iudicatur.

Cornel. de  
Lap. in c. 2.  
Matth. S. E.  
piphan. hæ-  
ret. 26.  
S. Augustin.  
serm. 2. de  
Epiphan.

Cornelius nos ter; & ex Apocryphis Sethianorum hæreticorum libris transumpta, ipse fatetur author, & docet Epiphanius. Itaque longè verosimilius est, non visam in stella imaginem, sed Magos, visa stella, secretiori cælestis Numinis afflatu motos, hanc quasi cæli linguam loquentem audiuisset, eamque radios suos longiores, instar cometæ versus Iudæam clariùs extendentem, vsque ad cunas Christi profecutos esse. Dedit aspicientibus intellectum, qui præstitit

Leo serm. 4.  
de Epiphan.

signum, ait S. Leo, & quod fecit intelligi, sicut inquiri; & se inueniendum obtulit requisitus. Tam scilicet formosa claritas, tamque extraordinaria fuit maiestas stellæ, vt faciliè Magi, iam antè de ea à Balaam moniti, aliquid eam diuini portendere arbitrarentur. Certè in ea Angelus Magos duxit, sicut olim in columna ignis Israëlitas; quæ noua fuit, neque ante, neque postea visa; non, vt cæteræ, quarto Mundi diæ, sed, ipsa nocte Natiuitatis Christi, vel creata, vel producta atque ex aëre condensato efformata; loco, motu, tempore (nam & interdiu lucebat) duratione (durauit enim tantum per 13. dies) magnitudine, subductione sui, & ostensione repetita, nec non & statione (stetit enim supra domum, vbi erat, puer) ac splendoris excellentia à ceteris astris discriminata. Nam hæc, vt S. Ignatius, qui paulò post Christum vixit, testatur, stella fuisse, exuperans omnes, quotquot antè fuerant: lux enim illius erat inenarrabilis, & stuporem incussit omnibus aspicientibus eam rei nouitas: omnia autem reliqua astra vnà cum sole & luna choros facere stelle illius

S. Ignat.  
epist. 14.

*lius: ipsa verò claritate exsuperabat omnes.* Immo, ex mente Prudentij, erat stella, quæ solis rotam vicit decore ac lumine. Idonea igitur fuit, quæ Magos raperet in admirationem, & incitaret, ut indagarent, quem portenderet,

Prudent. in  
Hymn. Epi-  
phan.

Hic mihi Magorum insignem, prudentiam & plenum dignitatis & antiquitatis exemplum perpendite. Quid enim, conspecto hoc nouo tam splendido meteorico, fecerunt? An id, velut stulti nautæ, ignem fatuum, tanquam Castorem & Pollucem, fratres Helena lucida sidera, & Numina maris ac tempestatum adorauerunt? An Phæbum sibi inde aliquem, aut Dianam; aut nepotem Atlantis sinxerunt? Nequaquam. Sed, sicut olim David, iucundissimo siderum intuitu, in amandum siderum conditorem exarsit dicens: *Laudate Dominum, sol & luna; laudate eum omnes stella & lumen;* ita & sapientes isti viri, non in creatura submersi sunt, sed ad Creatorem, per creaturæ pulchritudinem, euocari se se iudicauerunt. *Vidimus enim,* inquiunt, *stellam eius, in oriente, & venimus adorare eum.* Pari modo & nos agnoscamus, dilectissimi, Magis adoratoribus, Christi vocationis nostræ fidei, primitiæ, & exultantibus animis beata spei initia celebremus, ait S. Leo. Felix qui per hanc, & omnes stellas, se finit ad Christum duci: miser qui se finit, abduci ad Fatum, aut, ut illi fidus sit Deus. Siquidem vani sunt omnes homines, in quibus non subest scientia Dei; & de his, quæ videntur bona, non potuerunt intelligere eum qui est, neq. operibus attendentes, agnouerunt, quis esset artifex: sed aut ignem aut spiritum, aut citatum aërem, aut gyrum stellarum, aut nimiam aquam (seu Oceanum tanquam Neprunum) aut Solem & Lunam, rectores orbis terrarum putauerunt. Quorum si specie delectati, Deos putauerunt: sciunt, quanto his dominator eorum speciosior est. Speciei enim generator hac omnia constituit. Aut si virtutem & opera eorum mirati sunt, intelligant ab illis, quoniam, qui hæc fecit, fortior est illis: à magnitudine enim speciei & creatura, cognoscibiliter poterit Creator horum videri.

XII.

Psal. 148. 3.

Matth. 2. 2.

Leo serm. 2.  
de Natia.

Sap 13. 2.

Restat alterum Fati genus, tantò periculosius, quantò subtilius. Qui enim Deum sciunt omnia præuidere, eiusque præscientiam falli non posse, indeclinabilem quandam rerum seriem & catenam, per æterna consequentia ordines, semet implicantem constituunt, quam Fatum vocant: quo & rerum contingentiam, & voluntatis delectum libertatēque, & modum agendi causarum particularium è medio tollunt. Ex quo errore etiam alia absurda conse-

XIII.



S. Ambros.  
l. 4. Hexam.  
cap. 4.

quantur. Nam, vnà cum libertate, homini auferunt merita præ-  
miorum: quia quod sponte non fit, sine merito fit. *Que enim mer-  
ces homini Christiano, si non ex voluntate, sed ex necessitate curas suas  
& opera componit? Vbi enim directa necessitas, ibi inhonorata industria;*  
ait S. Pater. Item Deum faciunt authorem peccati, vt qui homini-  
bus imponat peccandi necessitatem. Quin & Mundo præcipuum  
quendam adimunt ornatum, in quo pulcherrima est varietas, si  
aliæ causæ necessariò, aliæ contingenter, aliæ ex libertate operen-  
tur. Quamobrem, contra hoc *Fatum*, omnes SS. Patres, vnanimi  
consensu, pugnant. Pugnauerunt & Ethnicorum sapientes, quo-  
rum non nemo, cum seruus vapulans diceret: *In fatis fuit, vt fu-  
rarer*: respondit: *in fatis fuit, vt vapulares*; ita *Fatum Fato* quasi  
cuneum cuneo pepulit. Periculosissimus hic diaboli laqueus est,  
quo argutuli, sed non satis docti capiuntur. Vt ignauiam suam ex-  
cusent, Deum accusant. *Fatum* obtendunt, vt firment desperatio-  
nem. Quid enim tentet, qui aliter facere non potest? aut quid  
speret, de quo actum est? Sed, vt insanis istis vel medicus helle-  
borum porrigat, historiam, ex pio authore, vtilissimam dabo.

XIV.  
Cæsarius  
Heisterb. l. 1.  
c. 27.

Psal. 113-

Ex relatione, inquit, cuiusdam viri religiosi cognoui, Ludo-  
uicum Lantgrauium, patrem Hermannii Lantgrauij, qui ante hos duos  
annos defunctus est, in errorem periculosum non solum propriæ animæ,  
sed & subditorum substantiæ decidisse. Qui cum esset prædo ac tyrannus  
maximus, duras ac plurimas in sibi commissum populum faciens exactio-  
nes, multas Ecclesiarum sibi vsurpans possessiones; & propter hoc, aliq̃  
plurima mala, à viris Religiosis corripere tur, qui ei proponebant, in con-  
fessione, pœnam malorum, & gloriam electorum, verbum miserabile re-  
spondit: Si prædestinatus sum, inquit, nulla peccata poterunt mihi regnū  
calorum auferre; si præscitus, nulla bona mihi illud valebunt conferre.  
Et sicut mihi dicere solebat Nonnus Conradus senex monachus noster,  
de Thuringiæ partibus oriundus, versiculum illum Psalmista: Cælum  
cali Domino, terram autem dedit filiis hominum, loco prouerbij, ad  
suam excusationem, arguentibus se proponebat. Erat siquidem littera-  
tus, & ob hoc amplius induratus. Et, cum ei dicerent viri trimorati;  
Domine, parcite animæ vestræ; desistite peccare; ne Deus pronocatus  
peccatorem in peccatis occidat: iterum respondit: Cum venerit dies mor-  
tis mee, moriar; non illum potero bene viuendo extendere, neq̃, malè vi-  
uendo præuenire. Volens illum pius Dominus à tanto errore misericor-  
diter reuocare, & reducere ad mentem, infirmitate periculosa capit eum  
flagel-

flagellare. Vocatus est medicus eius, vir bonus & discretus, & non solum in Physica, sed etiam in Theologia non mediocriter litteratus. Cui Princeps dixit: *Ut vides infirmus sum valde, adhibe curam, ut possim conualescere.* Memor medicus illius erroris respondit: *Domine si venit dies mortis vestrae, non vos poterit cura mea morti subtrahere; si vero morituri non estis de infirmitate ista, superflua erit medicina mea.* Et ille: *Quomodo sic respondes? si mihi non fuerit adhibita cura diligentia, & dieta proposita, potero tam à me ipso, quam ab alijs imperitis negligi, & ante tempus mori.* Audito hoc verbo Physicus multum hilaris effectus, data occasione respondit: *Domine, si creditis, vitam vestram posse protelari virtute medicinae, quare hoc credere renuitis de poenitentia, & operibus iustitiæ, quæ sunt antidota animæ? sine his anima moritur, sine his ad sanitatem, quæ est in futura vita, nemo peruenit.* Considerans Langrauius pondus verborum, & quod rationabiliter perorasset, dixit ei: *De cetero esto medicus animæ meæ, quia per tuam linguam medicinalem Deus liberavit me à maximo errore.*

Possit hoc exemplum & alios ab errore hoc liberare, si id vellent, apud se, seriò expendere. Nam, si dilemma illud verum esset: neque comedere, neque bibere, neque dormire, neque laborare deberent homines, sed omnia à Fato suo expectare ac dicere: *Si moriendum mihi est, moriar etiam si bibam, etiam si comedam, etiam si dormiam, etiam si laborem: si non moriendum, non moriar, etiam si non comedam, non bibam, non dormiam, non laborem.* Igitur neque comedam, neque bibam neque dormiam, neque seram, neque metam. Hoc pacto argumentatus est olim S. Antistes Mediolanensis, contra eos, qui omnia reuocant ad agendi necessitatem scribens: *Cur laborat agricola, & non magis expectat, ut illaboratos fructus, privilegio sue natiuitatis inuehat receptaculis horreorum? Si ita natus est, ut ei diuitiæ atq; opes affluant, & sibi spontaneos redditus, sine ullo semine, & labore, terra parturiat: non vomerem aruis imprimat, non curua manus falci admoueat, non legende vindemiæ subeat expensam: sed vltro ei in omnes serias fluentia vina fundantur, sponte ei oleum nullis inserta caudicibus siluestri olere bacca desudet: nec diffusi aquoris transfretaturus periculum propria salutis sollicitus mercator horrescat, cui otioso potest quadam, ut aiunt, sorte genitrali diuitiarum thesaurus allabi. Sed non hac est vniuersorum sententia. Deniq; impiger depresso aratro terram scindit agricola, nudus arat, nudus serit, nudus sole feruente tostas æstate colligit fruges: & negotiator*

XV.

S. Ambros.  
l. 4. Hexam.  
cap. 4.



*impatiens flantibus Euris intuito plerumq; nauigio sulcat mare.* His talibus quotidianis exemplis clarissimum fit, nullam, in operibus humanis moliendis, *Fati* necessitatem, libero arbitrio industriaq; vincula iniicere; nec *Fatum*, si quod est, hominis in vtramque partem agendi facultatem excludere.

## XVI.

S. Augustin.  
l. 5. de Ciuit.  
cap. 8.

Quo intellectu veteres quosdā *Fatum* asserentes, nō omnino rejicit D. Augustinus, cuius hæc sunt: *Qui verò nō astrorū constitutio- nem, (sicuti est, cum quidam concipitur, vel inchoatur) sed omnium connexionem seriēq; causarum, qua fit omne, quod fit, Fati nomine appellabant; non multum cum eis de verbi controuersia laborandum atq; certandum est: quandoquidem ipsarum causarum ordinem & quandā connexionem Dei summi tribuunt voluntati & potestati, qui optimē & veracissimē creditur, & cuncta scire ante, quā fiant, & nihil inordinatum relinquere: à quo sunt omnes potestates, quamuis ab illo non sint omnium voluntates. Ipsam itaq; Dei summi voluntatem, cuius potestas insuperabiliter per cuncta porrigitur, eos appellare Fatum sic probatur. Stoici verba accipe: Natura, inquit, hac mihi præstat. Non intelligis, te, cum hoc dicis, mutare nomen Deo. Quid enim aliud est natura, quā Deus, & diuina ratio toti mundo, & partibus eius inserta? Quotiens voles, tibi licet aliter hunc authorem rerum nostrarum compellare &c. hunc eundēq; & Fatum si dixeris, non mentieris. Nam eam Fatum nihil aliud sit, quā series implexa causarum, ille est prima omnium causa ex qua cetera pendent. Quaecūq; voles illi nomina propriè aptabis, vim aliquā effectūq; caelestem continentia. Tot appellationes eius esse possunt, quot munerā. Hæc vt sine errore Stoicorum intelligantur, intelligenda est mens Boëtij Fatum sic describentis, vt dicat, illud aliud nihil esse, quā inherentem rebus mobilibus immobilem dispositionem, per quā diuina providentia suis quæq; nectit ordinibus: seu, vt alij clariùs breuiùsque definiunt, ordinem causarum secundarum, diuinā providentiā exsequentium. Quia autem Deus, per mediā causas, pleraque, in hoc Mundo exequitur, & quæ à Deo sunt, ordinata sunt, potest illa ordinatio spectari, vel prout in ipso Deo est, quo pacto providentia appellatur; vel prout est in causis ordinatis, & à Deo ad effectus producendos directis; qua ratione ordinatio Fatum potest vocari, estq; ordo rebus mobilibus inherens, quia causæ secundæ in quibus Fatum esse dicitur, in se spectatæ mutabiles sunt, & hoc vel illo modo operari possunt; nuncupatur tamen idem ordo immobilis, non in se vel absolute,*

Boëtius l. 5.  
de consolat.  
prosa 6.

lutē, se  
cem  
na su  
perfic  
te qu  
facere  
prau  
posit  
tem q  
liber  
ingre  
tem.  
aut  
turt  
gile  
attin  
ord  
con  
spic  
tur.  
rias  
phæ  
&c, it  
spect  
erunt  
potu  
Fat  
est  
rep  
fier  
vbi  
con  
mo  
por  
à f  
sum  
auu

lutè, sed ad diuinam prouidentiam, vnde oritur, relatus. Per eius-  
cemodi autem ordinem seu dispositionem dicitur *diuina prouiden-*  
*tia suis quaque nece ordinibus*, quia, illius interuentu reipsa,  
perficit Deus, quæ apud se statuit facienda. Videt enim omnia an-  
tè, quàm fiant: & alia quidem absolutè statuit facere, alia autem  
facere, sub conditione; alia etiam permittere: quæ omnia certò  
præuidet. Vnde illa, vt in scholis loquuntur, *in sensu composito*, seu  
posito, quòd præuideantur à Deo, qui falli non potest, necessita-  
tem quandam, non *antecedentem*, sed *consequentem* accipiunt; quæ  
libertati non obstat. Sicut non obstat libertati urbem, sua sponte,  
ingredientis, quòd eum vigil in turri excubans videat ingredien-  
tem. Liberè ingreditur in urbem, & posset non ingredi, si veller,  
aut sub ipsa etiam porta reuerti; quod ipsum etiam excubitor è  
turri videret. Si tamen ponamus, videri eum ingredientem à vi-  
gile, necesse est, eum ingredi, non quidem absolutè, & quantum-  
attinet ad illius liberrimam voluntatem; sed respectiue, atque in-  
ordine ad illum, qui eum conspicit intrantem: non enim eum  
conspiceret, si non intraret; nec posset non intrare, si intrare con-  
spiceretur; si tamen sponte non intraret, intrare non conspicere-  
tur. Hoc intellectu fortasse Martianus scripsit, Parcas esse, libra-  
rias cælitum, archiuque custodes, quæ sententias Iouis, orthogra-  
phæ, studio veritatis, exeipiant apud Poëtas. Nam, in libro vitæ,  
& in diphthera diuinæ Prouidentia, inscripta sunt, quæ sunt pro-  
specta, & si prospecta, vera sunt: itaque certò atque infallibiliter  
erunt futura; licet non futura, & adeò etiam non prospecta esse  
potuissent, si, qui liberè agunt, aliter agere voluissent.

Hanc subtilitatem, quia non satis docti, non satis capiunt, XVII.  
*Fati* nomen antiquis Patribus & suspectum, & periculosum visum  
est; neque tamen, ob infallibilem Dei prouidentiam, omnino  
repudiatum. Hinc circumspectè D. Augustinus ait: *Omnia fato*, S. Augustin.  
*fieri, non dicimus; immo nulla fieri fato dicimus: quoniam fati nomen* lib. 5. de Ci-  
*vbi solet à loquentibus poni, id est, in constitutione siderum, qua quisq;* uit. cap. 9.  
*conceptus, aut natus est, quoniam res ipsa maniter asseritur, nihil vale*  
*monstramus. Ordinem autem causarum, vbi voluntas Dei plurimum*  
*pote est, neq; negamus, neq; fati vocabulo nuncupamus, nisi fortè ut fatum*  
*à fando dictum intelligamus, id est, à loquendo. Non enim abnuere pos-*  
*sumus, esse scriptum in literis sanctis: Semel locutus est Deus, duo hæc*  
*audiri: Quoniam potestas Dei est: & Tibi, Domine, misericordia,*  
qui



qui reddis unicuique secundum opera eius. Quod enim dictum est, semel locutus est Deus, intelligitur, immobiliter, hoc est, incommutabiliter, sicut nouit incommutabiliter omnia, quæ futura sunt, & quæ ipse facturus est. Hac itaque ratione possemus à fando fatum appellare, nisi hoc nomen iam in alia re soleret intelligi, quò corda hominum nolumus inclinari. Et ibidem. Voluntates nostræ aliquid per se valent, quia valituras atque facturæ ille præscit, cuius præscientia falli non potest. Quapropter, si mihi fati nomen alicui rei adhibendum placeret, magis dicerem, fatum esse infirmioris, potentioris voluntatem, qui eum habet in potestate, quàm illo causarum ordine, quem non visitato, sed suo more, Stoici fatum appellant, arbitrium nostræ voluntatis auferre. Vbi in compendio habes, quidquid huc usque disputatum est, nomen Fati vitandum. Christiano, aut ita intelligendum, ut neque ab astris, neque à causarum ordine vis aut necessitas liberæ hominis voluntati inferri existimetur; tamen si Deus, etiam quæ liberè ac contingenter futura sunt, necessariò & non contingenter, sed certò ac infallibiliter præuideat, & unicuique, secundum opera eius, quæ præuidet, reddere statuat; siue præmia, secundum misericordiam, siue supplicia secundum potestatem. Hinc sicut à Quintiliano, *sua quisque Fortuna faber*, ita etiam sui dici quisque potest Fati author; prout enim se gerit, sic recipit. Sic Deus infallibiliter recepturum vidit, sic ab æterno, visis delictis, aut meritis, incommutabiliter statuit: sic facta, antequam fierent, iudicauit. Qua de causa rectè Sopho-

Sophon. 2. 3.

*Quærite Dominum omnes mansueti terra, qui iudicium eius estis operati*: ita enim estis operati, sicut Deus ab æterno præuidit iudicauitque, vos mercede dignos, *quærite ergo Dominum*, ut ab eo, quod meruistis, accipiatis. At quærat aliquis, si homines, Fato non aguntur, sed diuina prouidentia omnia contingunt, quamobrem tanti Casus humana rotent? posset enim utique cælestis illa sapientia hominem, per compendia ducere,

Huic quæstioni et si sufficerent causæ Casuum

superiùs allatæ, paulò tamen dedu-

ctiùs, est responden-

dum.

C A P V T XXVIII.

*Rectas esse vias, etiam cum Deus, per mirabiles hominem casus  
& varias utriusq; fortune ambages deducit, illustri  
historia docetur.*



Lim, cum emisisset Pharaon populum, non eos duxit Deus per  
viā terra Philisthym, quæ vicina est: sed circumduxit, per  
viam deserti, quæ est iuxta mare rubrum. Posset mi-  
rari quispiam, cur id fecerit? cum alibi dicatur: *Lu-*  
*stum deduxit per vias rectas, & ostendit illi regnum Dei.* I. Exod. 13. 17. Sap. 10. 10.

Sed si quis rem iustis ponderibus velit expendere, deprehendet,  
illas ipsas viarum ambages, vias rectas extitisse. Causam tantarum  
ambagum Moyses ipse de Deo ducente loquens addit: *reputans,*  
*ne forte pœniteret eum (populum) si vidisset aduersum se bella con-*  
*surgere, & reuerteretur in Ægyptum,* si viam tam breuem iuisset:  
facile enim voluisset eam recalcare. Iam verò, tanto itinere confe-  
cto, noluit labores frustra exantlatos; ac proinde ad Ægypti obli-  
uionem pariter, & ad amorem, pro terra promissionis, pugnandi,  
est impulsus. Siquidem vi potius perrumpendum censuit, quàm  
quadraginta annorum suscipere denuò profectionem. Et sanè etiā  
terra lacte & melle manans digna fuit, quæ per tot ambages quæ-  
reretur. Sic homines ad regnum quoque *calorum,* quod vim pati-  
*mur,* ducit Deus. Ad quod, si brevis & levis via esset, exigua homi-  
nis virtus, parua gloria foret, coronam coelestem promereri. Quin  
neque ad seculi honores via levis, aut brevis est. Omnes sceptrā  
ambirent, ni vulnera obstarent. Neque inueniretur, qui terram  
hanc, velut Ægyptum, vellet relinquere, si tam brevis & compen-  
diosa via esset, ad Mundi titulos ac prosperitates. Hoc est, dedu-  
cere *istum per vias rectas,* ita ducere, per Mundum, vt illi Mun-  
dus amarescat, cupiātque pugnare, & quiduis pati, pro vita illa.  
regnōque omni amaritudine molestiāque carente. Quantas au-  
tem hominem Deus deducat, & quàm vtilis per ambages, quàm-  
que illi, velut in columna fortissima mollissimæ nubis, potenter  
suauiterque semper adsit, dum læta tristibus, & tristia lætis per-  
miscet, omnes historiæ sacræ & profanæ docuerunt. Diuinæ ni-  
mirum sapientiæ consilium est, sic illustrare mentes generosas.



Senec. lib. I.  
epist. 89.

*Rutili innocentia ac virtus lateret, nisi accepisset iniuriam, ait ille, dum violatur, effulsit. Nunquid non forti sua gratias egit, & exilium suum complexus est? De his loquor, quos illustravit Fortuna, dum vexat. An Æthna possit sublabi, & in se ruere, an illud excelsum caeumen & conspicuum per vasti maris spacia deterat assidua vis ignium, dubitatur: virtutem non flamma, non ruina inferius adducet. Hec una maiestas deprimi nescit, nec proferri ultra, nec referri potest. In medio consistit, procellis vndique circumfremantibus. Obruta fluctibus emergit. Quassata ventis, consistit. Abducta auijs, in semitam redit, quia Deus deducit illam. Quod in historia iuuenis, ad summa, per omne obstaculum, emergentis accipe, & mirare.*

## II.

Card. Robert. Bellar.  
lib. de script.  
Eccl. Anno  
1186.

Gotfrid. Viterb. chron.  
part. 17. E.  
andem historiam refert  
Luifius Contarinus, in  
diuers. exemplis virtut. & vitiorum, pag. 166.  
& Giouani Villani nel.  
4.  
Martin. Crusius in Annalibus Sueuic.  
lib. 6. part. 2.

Gotfridus Viterbiensis, Conradi III. & Friderici I. Imperatorum notarius, scripsit *Chronicum vniuersale*, quod appellauit *Pantheon*, quod omnium tum Ecclesiasticorum, tum temporalium Principum res gestas contineat, & principes Dij, in S. Scriptura, appellantur. Hoc opus partim prosa, partim ligata oratione scriptum ipsi Urbano III. Summo Pontifici dedicauit. Vnde non exigua ei autoritas accedit. Hic ergo Gothefridus Viterbiensis, alique scriptores tradunt de Conrado II. Rom. Imperatore, eum fuisse Principem admodum sapientem, iuris civilis peritum, & religioni Christianæ valde addictum, multisque, per Poloniam, Italiā, Galliam, Burgundiāque, victorijs clarum, & iustitiæ tam tenacem, vt nulli pacis violatori, aut rebellionem molienti veniam daret. Itaque, post multos, in nominatis regnis, sceptrum aliamque potestatem tyrannicè affectantes bello subactos extirpatosque, magnus, inter omnes, metus, vim, ambitionem, turbationemque publicæ tranquillitatis diu cohibebat. Quanquam, quid dico, diu? nulla, in hoc mundo, etsi per aliquot annos perseueret, est diuturna tranquillitas. Comes ergo quidam Lupoldus nomine, (Luifius Contarinus Lampoldum Palatinum de Bauaria, Martinus Crusius Diopoldum comitem Caluensem Sueuum nominat) rebus aliquamdiu pacatis, cepit consilia turbulenta agitare, quæ vbi vidit emanasse, mortem certam ab Imperatore metuens, fuga sibi censuit consulendum. Inter homines Cæsari placere cupientes, nusquam erat tutum habitare. Igitur ad feras, in remotam ab omni humano consortio siluam Nigram seu Hercyniam, non procul à castro suo Calua, se recepit. Ibi, in tuguriolo, quod tumultuario opere excitarat, aut, vt alij volunt, in molendino vacuo, cum

vxore, solus latitauit, iram Numinis pariter placans, & deuotans Imperatoris.

Hic nunc attendite, quàm varè dixerit Deus: *Ego occidam, & ego viuere faciam; percutiam, & ego sanabo: & non est, qui de manu mea possit eruere.* Comes Lupoldus in aula penè fuit occisissimus; in silua tutissimus; sed diuina sapientia, in orbe terrarum, mirabiliter ludente, mox iterum percussus, iterum sanatus fuit; neque fuit tanta Imperatoris potentia, quæ posset eum de gente cælesti manu extrahere. Texerat iam aliquanto tempore Lupoldum latebra sua satis. Sed quid semper tectum manet? Delectabatur Imperator venatione, quæ eum in intima non rarò nemo. ra pertraxit. Aliquando igitur feras ardentius persecutus, dispersis aliò atque aliò socijs, viam & se amisit. Itaque, quæ licuit, exitum quæsiuit. Tandem, per densas arbores, sub initium noctis, ad eam ipsam casam delatus est, in qua Lupoldus præsidium suum credidit esse constitutum. Viuendi ratio, in Comite atq; vxore eius, etiam vultum mutarat, vt ab Imperatore non agnosceretur. Pallor os infederat; genæ erant colore mustellino; capilli prolixè in humeros descenderant; facies rugis & squallore deformata carbonarium referebat; denique ipsa etiam in siluis barba siluescebat. Ita incognitus ipse, probè cognitum hospitio excepit Imperatorem, eique, quæ solitudo concessit, ruris & agelli solatia ministravit. Cogitate quis tunc sensus Lupoldo, quis coniugi eius fuerit. In ambiguo utiq; consilio anxie deliberarunt, occultine Cæsarem atq; incogniti dimittere, an se prodere atque delicti veniam petere deberent? Miserum erat, in solitudine habitare; rogare veniam, periculosum. Latere tutius esse arbitrabantur.

Quamquam prope plus Deus manifestauit, quàm ipsi occultauerunt. Ea enim ipsa nocte, qua Cæsar, apud illos, diuertit, vxor Comitis viro suo prolem masculam peperit. Qua genita, pariter vox vna pueri vagientis, & altera de cælo, ad aures Imperatoris accidit, his verbis: *O Imperator, infans iste erit tibi gener & heres.* Ac ne irrita esset, vox hæc eadem, tertià vice, est repetita: *ô Imperator, infans iste erit tibi gener & heres.* Indomitas hæc verba, in animo Imperatoris, curas excitauerunt. Egone filiam meam, rustico dem iam matrimonium? opes meæ, & bona mea ad hunc terræ filium transibunt? Non transibunt. Igitur, quod Herodolim furor suggerit, vt regem Iudæorum è medio tolleret, ne ipse

III.

Deuter. 32.

39.

IV.

Matth. 2.



rex Iudæorum esse desineret; id etiam suggestit Conrado inuidia. Somno omni ablato, vix diem expectare poterat, alioqui non moliter cubans. Quare, prima luce, inde se proripiens, famulos comitesque suos quæsiuit. Nec minore solitudine quæsiuerunt illi Imperatorem. Vt citius se reperirent, canum latratus indicium fuit.

V.

Quàm primùm in suos incidit, duobus seuerè mandauit, ut mapale, non ita procul diffitum, quærent, in quo ipse pernoctaret. Illi nihil aliud diuinabant, quàm præmium hospitij se ad loci inquilinum relaturos; cum ecce longè aliud mandatum accipiunt, ac, præmij loco, luctum in pauperem domum portant. Iuramento astrictis præcipit ira iniusta feruens Imperator, ut natum, præterita nocte, puerum occidant, & cor illius ad se referant argumento cædis peractæ. Eunt inuiti percussores, lares, parentes, & infantem, in sinu matris, iacentem inueniunt: paucis, quid facere iussi sint, exponunt. Quis tunc sensus, quæ mens fuerit, ad hunc nuncium, moestissimorum parentum, vos cogitate. Nempe, inquebant, hoc meruimus hospitij, & quidquid in eo erat, oblatione? Hæc gratia reponitur? Infans vnum diem non integrum viuet? Quid autem hic peccauit? cur non potiùs parentes interficiuntur, in filio superuicturi? Vox de cælo missa, ô Imperator, tibi iram inflammauit. Contra superos, non contra mortales, pugnas; illis causam, illis sobolem nostram committimus, quando vim vi repellere non conceditur. Tu, Deus, hunc nobis filium dedisti; tu eum recipe; si volueris, *generatio & generatio laudabit opera tua: & potentiam tuam pronuntiabunt.* Ita locuti, vltimum, haud ambigè, osculum infanti imprefferunt, lachrymis genas illius calefacientes. Moliti sunt penè & ipsi tantæ crudelitatis legati paterno affectu; sed, ut sit, metu Imperatoris non ausi sunt esse clementes in innocentem; veriti, ne, alijs submissis & puerum inuenturis, ipsi periclitarentur.

Pl 144.4.

VI.

Pl 145.7.

Abripitur infans, & viuum funus, è domo sua, vident efferri miserabiles parentes. Igitur nemo restabat, qui aut opem ei ferret, aut causam, pro eo, peroraret. Solus Deus, qui *erigit elisos*, ex infante ipso oratorem fecit, omni Cicerone, eloquentiorem. Nihil erat, quod in recens nato puero non loqueretur. Cum flieret, mouebat; risu precabatur; motu brachiorum videbatur concionari. Sed nihil disertius fuit, quàm forma, & proportio totius faciei.

faciel. Quoties ergo puerum aspiciebant satellites. animus illis variabatur, sentiebantque. naturam reluctari, quotiescunq; manum capulo admouebant, ad illum iugulandum. Tandem vnus eorum ait: Vultui inscripsit natura indolem, atque è flore apparet, quis fructus sperari possit. Nefas est interficere tantam venustatem. Ego manus meas hoc sanguine non impiabo. Neque ego, inquit alter. At quid, si exponimus, continget derelicto? Quid interest, à ferrone pereat, an à lupo deuoretur? Placuit eum arbori imponere, & velut peregrinam auem, in nido collocare. Inde liber euolauit aquila olim futurus. *Frustra enim iacitur rete, ante oculos pennatorum.* Erras, Imperator: quod è cælo audisti, fiet; non quod, inuito cælo, cruenta manu es machinatus. Frustra Moysen Pharaò voluit infantem in flumine aquis suffocare: frustra infantem Christum Herodes militum ferro trucidare. *Qui habitat in adiutorio altissimi: in protectione Dei cali commorabitur.*

Prou. I. 17.

Ps. 90. I.

Infante, intra ramos, à trunco, in orbem diffusos, composito, noua satellitum mentes pulsauit cogitatio. Etenim, in signū interfecti pueri, cor eius iussi sunt ad Imperatorem afferre iasandæ lanienæ ministri: absque hoc si venirent, se ipsos, tanquam perfidos, videbant vitam perdituros. Trahebant, velut in venatu, secum duos venaticos canes. Igitur vnus fune ad se rapiens canem, En, ait, hunc tibi vertagum, acrem, expeditum,

VII.

*Ille sum leporem qui tibi dente feret.*

Martial. lib.

Leporis cor, pro pueri corde, ostensum, satis testabitur, nos mandata esse executores.

14.

*Dixit: & ecce lepus inueni per crura resurgens* cani se capiendum, & satelliti necandum, quasi succidaneam hostiam, obiecit. Aded in historia hac verum est, quod olim, in fabula, de cerua Iphigeniæ substituta, fictum fuit. Cor execant lepori, tepidumque referunt Imperatori, à quo, de fidelitate laudati, etiam præmium acceperunt simulatæ crudelitatis.

Gotfrid. Vi. terb. loc. cit.

Dum hæc ab Imperatore geruntur, puer expositus & fame periturus, qui gressu se mouere non potuit, ploratu alios acciuit. Dux quippe in aula clarissimus (Ducem Alemanniæ Ernestum II. vocat Crusius) eodem loco, errans, immo velut Angelus ad Agar, à Deo missus expositi infantis audiuit eiulatum. Verso igitur equo, vocem sequitur, puerum velut nouum Oedipum inuenit; & miseratione motus, nemine sciente, domum por-

VIII.



tat. Erat illi sterilis vxor, qua eiusmodi etiam sibi filium optante, ait: Quid si, cum natura neget. Deus hunc nobis filium dedisset? Censet coniux eum adoptandum. Enimuero, ait, Dux quid si de te natum fingas, prolemque tuam ac meam esse affirmes? Placeat feminæ consilium, iubetque, intempesta nocte, de lecto surgere Ducem, atque omnibus, cum gaudio, nunciare, *Ducissam peperisse*. Volat fama, & creditur vbique speciosum mendacium. Nec minùs versutè maritus patrem, quàm vxor puerperam, simulauit. Fit concursus, existit gratulatio; laudatur partus, & consueta adulatione, dicitur ab omnibus patrissare; nomen illi inditur Henricus. Qui etsi non verus fuit Ducis gnatus, veris tamen, utrumque gaudijs impleuit; quòd annis procedentibus, virtute, scientiisque, ac præsertim arte militari mirificè excelleret, omniaque decenter ageret. Hanc tam secundam Henrici fortunam, Stygius Alastor, non longè post, conatus est euertere.

## IX.

Quintum decimum iam agebat Henricus annum, cum, posita prætexta, ad paludamentum atque militiam aptabatur. Eo tempore, Ducem Rauenspurgi inuifit Conradus Imperator. Henricus, vt par erat, inter primos astitit, qui ei ministrabant. Sed & inter primos eminuit: forma recens; facies nitida; capilli flauī & succino æmulī; statura, qualis heroem decet, nihil in eo vulgare ostendebant. Hunc attentius contemplatus Cæsar, cepit secum primò reputare formam, tum mores, tum quo stemmate esset oriundus. Ducem igitur interrogauit: Cuiusnam puer iste esset? Duce suum esse asseuerante, cepit cogitare, quo pacto tam anno-sæ sterilitatis mater filium, post tot matrimonij lustra, peperisset; deinde, malo genio semper deteriora suggerente, alia ex alijs coniectens, fictitium esse filium illum censuit; tandem suspicatus est, hunc ipsum esse puerum, quem, in silua, interfici iussisset; quique ad regnum ac diadema, cælesti voce, esset designatus. Metuens igitur sceptro vel incertæ statuit suspitioni obsequendum, puerumque, securitatis causa, è medio tollendum, cuiuscunque parentis esset. Ad hoc consilium perficiendum, laudat Duci filium, eumque Achilli æquiparat; laudatum petit à parente, inter aulicos porro procures educandum. Obtendit Dux Henrici ætatem teneram; obijcit litterarum adhuc exactius addiscendarum necessitatem, & mille talia omnia in cassum. omnia enim vel elidit, vel eludit Conradus. In summa, abducitur, inuito patre, iuuenis, †

iuuenis, in filua. seruatus, periturus in aula. Abductum seriò interrogat,

*Quod genus, vnde domo, qui te genere parentes?*

Henricus, quia aliud nesciebat, id, quod putabat se scire, respondit: *Ducem esse suum parentem, Ducissam matrem, ab his se à teneris vniculis eductum; neq, aliud sibi constare.*

O suspicio, quàm indomitum es malum! & quantorum fons malorum! Qui Duci non adhibuerat fidem, neq, puero credit, & Furijs animum stimulantibus, æmulo exitium parat. Aberat tunc Aquiligranum septem dierum itinere ab Imperatore, eò, sua manu, Cæsar exarat litteras, quib. Impatrici mādāt, vt, accepta epistola, latorem eius illicò iubeat interfici. Litteras in hunc modum compositas Henrico tradit, tanquam nouo Vriæ & Bellerophon-teas vtique, iubetque & secretò, & celeriter ad Imperatricem perferre. Portat ille nescius & exultabundus mortis suæ compendium, & ne tardiùs veniat ad suum macellum, quanta contentione potest, properat. Quòd multis hodièque contingit, qui sibi plaudunt, cum à Principibus, vel Regibus, vel Imperatoribus legationem, per speciem honoris, accipiunt, in perniciem omnium suarum fortunarum; neque rarò in æternæ salutis iacturam. Quòd alta mente reponere debent magnates, generosi, atque illustres; qui sæpe suo de exitio triumphant. Quod & huic Henrico cōtigit.

Sed iterum híc mihi exclamandum est: *Qui habitat in adiutorio Altissimi, in protectione Dei cali commorabitur.* Siquidem iuuenis iste omnium malorum insidiarumque inscius, de via diuertit ad quendam sacerdotem (Spirensē Decanum quidam vocant) cibum & quietem capturus. Excipit tractatque eum perquam humaniter sacerdos. A mensa surgentem, & lassitudine victum, in scamno, recumbentem dormire finit. E pera dormientis litteræ conspectui se se exuerunt. Ibi curiositas sacerdotem incendit, sciendi, quid noui illis litteris portaretur. Clam educit illas, aperit, legit funestum theta. lectæ attonito è manu ceciderunt. Ergone tu, iuuenis, inquebat, necis tuæ ipse es baiulus? ergo tam insignis indoles peribit? ergo tam præstans heros morietur? nequam morietur. Et, cum dicto, quæ nocuissent, rasit, eorūque loco, scitè reposuit: *Cum videris hunc puerum, ô Regina, statim da ei filiam nostram in uxorem, sicut diligis vitam tuam.* Has sic emendatas litteras, scitè iterum clausas in iuuenis saccum reposuit dormientis.

X.

XI.

Psal. 90. 1.



mientis. Orto die, Henricus, gratijs hospiti actis, abitum parabat. Cui hospes & ipse iter latum precatus, obsequia obtulit, etiam atque etiam rogans, ne sui obliuisceretur, si rex fieret. Excepit hoc dictum, cum risu Henricus, tanquam ioco prolatum, festinusque Aquisgranum deproperauit.

## XII.

Aquisgrani Imperatrix lectam epistolam filiae, vnà cum iuuenelatore; dein etiam reliquis aulae proceribus; denique & curiae ostendit. Respondent omnes, ipsam iuuenis egregiam formam, epistolae instar, esse; verba, mores, gestus generosae mentis argumentum praeseferre, & si haec deessent, tamen Caesaris tam serie voluntati satisfaciendum. Fit extemplo ingens apparatus: & ante solem occasum, extemporales nuptiae, ingenti omnium gaudio, celebrantur. Postera luce, alterae à Caesare adsunt litterae, quibus scire se velle, scripsit, num ea, quae, in praecedentibus, mandarat, facta sint? Rescripsit Imperatrix, difficile quidem sibi accidisse, ut, tantis temporum angustiis circumscripta, nuptias filiae cum Henrico adornaret, mandantis tamen Imperatoris adeo seuerè auctoritati & se, & omnes actutum parendum iudicauisse: habere igitur & iuuenem sponsam regiam, & filiam sponsum regio sanguine dignam. Legit, & obstupuit, tam inexpectata responsione Caesar, atque illico se in viam dedit, & quàm festinatissimè Aquisgranum profectus obuiam habuit Imperatricem, ac filiam, quae sponsum, immo iam generum Imperatori manu ductum praesentauit. Ibi certamen in pectore Imperatoris exitit, quale nunquam antè, in vita sua, est expertus. Hinc ira, inde clementia; hinc furor, inde ratio; hinc vindicandi libido, inde diuinæ prouidentiae modus colluctabantur. Tremuit ad hunc aspectum iuuenis; expalluit recens nupta; externata est ipsa Imperatrix: omnes se se putabant interituros. Vicit tandem ratio, perorauit natura, praeuoluit Deus. mutato itaque vultu, Caesar lætus iam, & omni ira depulsa Imperatrici, nouisque nuptis arridens dixit: Verè Deus, *Tu* *terribilis es, & quis resistet tibi?* Verè Dominus *Sapiens corde est, & fortis robore: quis restitit ei, & pacem habuit?* Subiungit Imperatrix: Deus hoc fecit, cuius sapientia immensa, cuius potentia infinita est: huic laudes dicamus. Vnum tamen me angit, & pacem habere non finit, incerta prosapia origo. Si sciuerò, generum me habere stirpis antiquae, beatam me existimabo. Adigitur dux, ipsa euentus prosperitate, adiguntur duo satellites, ad verum spon-

sua

psal. 75. 8.  
Iob. 2. 4.

sua prodendum. Fatentur, quæ egerunt. Vocatur è silua Comes, qui cum se ad supplicium putaret citari, filium inuenit Cæsaris generum factum. Martinus Crusius in Annal. Sueuiæ lib. 6. part. 2. ex quorundam sententia confirmat, quod Luifius Contarinus scribit, etiam factum Imperij successorem: quod etsi alijs Henricum alium successorem nominantibus non conueniat, tamen aptè potest ad mores trahi: vt mox audiemus. In loco, vbi Comes delituit, Monachis templum struitur & domus, quæ Hirsaugia appellatur, notissimum hodièque, in Wirtembergia, monasterium, cuius vt illustrior esset natalis origo, à tantorum Principum casibus fuit accipienda.

## CAPVT XXIX.

*Historia Superioris ambages & CASVS, per corollaria, explicantur.*



Tinam Comes iste, siue Palatinus, siue quicumque alius, haberet multos imitatores! Enimuero habet multos, sed rebellando. Habet etiam multos, qui in gratiam Principum recipiuntur: sed paucos, qui sic recepti, curent etiam in Numinis gratiam recipi, atque, vel de spolijs & rapinis suis, ædes Deo Diuisque sacras exstruant. Atqui idcirco Deus illos percussit, vt isti sciperent; idcirco deiecit, vt, mente vnà cum fortunis erecta, resurgerent fortiores, diuinumque, posthac, cultum promouerent; non vt templa expilarent, aut loca Deo dicata euerterent, quæ illorum maiores, per tot prodigia excitati, foundationibus liberalissimis condiderunt: ducti vtique, *per vias rectas*; cum isti, tanquam impij, *in circuitu ambulent*, dum ad opes rapiendas reuertuntur, quas illorum proavi Deo donauerunt. Sed hæc missa faciamus, quia odiosum est, vlcera tangere.

Multa sunt alia, quæ, ex memorata historia Henrici, erui possunt documenta. Nam & quàm imbecilles atque irriti sunt hominum conatus, si diuinæ obnitantur voluntati, & contra stimulum calcitrent, perspicuè apparet. Frustra nitimini, qui cælo repugnatis; cum Sisypho saxum voluitis, qui consilia contra su-

N n

peros

I.

Psal. xi. 9.

II.



Pfal. 2. 2.

Tob. 3. 20.

Daniel. 3.

100.

Sap. 6. 4.

Eccli. 3. 21.

Matt. 16. 18.

Pfal. 96. 10.

peros fabricatis: etiam si gigantes sitis, sidera tamen non expugnabitis: inania meditamini, & reges terra & principes, qui conuenitis in unum aduersus Dominum & aduersus Christum eius. Non est enim in hominis potestate consilium Dei. Vestra potestas, in paucos annos durat, potestas eius in generationem & generationem. Potestas vestra iubere potest; illius potestas facere. Nam data est à Domino potestas vobis: ille à seipso habet potestatem, cui omnis potestas cedit; quoniam magna potentia Dei solius. Itaque frustra filios vestros absconditis, parentes, frustra in peregrinas terras mittitis, vt Deo subducatis. Frustra æmulos vestros, & aulæ, dolo, ferro, veneno petitis; si illis diuina prouidentia regnum præparauit, digitulo vno non attingetis. Frustra vos, & portæ Inferi, Ecclesiam impugnat: Porta Inferi non præualebunt aduersus eam. Frustra vos, & impij, pios monitores persequimini: custodit Dominus animas Sanctorum suorum. Potest eas, per tela, per ignes, per omnes machinationes vestras, per mille discrimina, per Iordanes, per maria, per leones, per caminos ignis ardentis, educere ad felicitatem. Aspera hæc quidem, sed, etiam per ambages, recta est via.

III.

In memoriam reducite alternas cum procellis vices, quas in historia paulo prius recitata audiuitis. Comes Palatinus prosperitate extollitur: mox metu Cæsaris iterum deprimitur. Fugit in siluam, & latebris gaudet: sed aduentu Cæsaris externatur. Denuo lætatur, se non agnosci; & natum sibi filium gratulatur: sed intra paucas horas, quanto luctu, eundem amittit? Filius ipse infans, & sinu matris abripitur ad lanienam. Inde tamen liberatus, in Ducis filium adoptatur. Apud hunc, cum maximè floret, in suspicionem, & præsentissimum vitæ periculum venit. Currit ad necem, & inuenit Cæsaris filiam in vxorem. Quanta hæc est vicissitudo? Hæc Dei via est, etiam de laqueo ducentis ad diadema.

IV.

De Corintho dictum est: Hæc collibus attollitur, & vallibus deprimitur. Quod & de Roma potest affirmari, quæ septem collibus est celebrata. Quin & tota terra ita est constituta, vt nunc per plana, nunc per aspera; nunc per summa, nunc per ima ducat; nunc prata, nunc flumina, immo tota maria euntibus obijciat. Hac inæqualitate vitæ humanæ varias vices & casus, viamque ad cælum tendentium, velut emblemate quodam, descripsit Deus. Ita homines sursum feruntur & deorsum. Maritimi mores, sunt mortalium mores; semper fluctuant; semper alternant,

Tollun.

Tolluntur ita, vt iam iam tacturos sidera summa putes. Deijciuntur ita, vt iam iam tacturos Tartara nigra putes. Hinc, in bello, Arcus fortium superatus est sapissime: & infirmi accincti sunt robore; quique paulò ante pugna superiores fuerunt, iam victi triumphantur; & in contrarium triumphant, qui fuere triumphati. Hinc repleti prius, ad vomitum ac satietatem, paulò post ad incitas redacti, tanquam mercenarii pauperrimi, pro pambus, se locauerunt: in contrarium autem, famelici saturati sunt. Et si de mulierum ærumnis, aut superbis est quæstio, sæpe sterilis, cum Sara, Anna Elcanæ, Elisabetha, peperit plurimos: & que multos habebat filios, quæq; de ijs superbè alias contempsit, tanquam Niobe aliqua, infirmata est, amissione omnium liberorum. Quia Dominus mortificat, & viuificat: deducit ad inferos & reducit. Dominus pauperem facit & dicit: humiliat & subleuat. Suscitatur de pulvere egenum: & stercore eleuat pauperem; vt sedent cum principibus, & solent glorie teneant. Quòd planè perspicuum fuit, in Henrico Comitis Palatini filio. Vsq; adeò non in diuersis duntaxat, sed in eodem etiam homine hæc est diuersitas, vt acerba dulcibus temperentur, & dulcia amaris restringantur: quæ non meruit, qui acerba non gustauit. Nam per patientiæ ac Virtutis templum, ad templum, Honoris gloriæque transeundum etiam Ethnici censuerunt. Quorum est & illud: *Dij laboribus omnia vendunt.* Nec quidquam pulchrum, nisi difficile. Recta igitur est via per laborum & aduersorum ambages. Felix, qui Fasten piscem imitatur, in cuius ore maritima aqua salsaque mox fit dulcis. Nam bona indoles amara quæque sua dulcedine temperat, & vt Plautus loquitur, *Optimum est ærumne condimentum aquæ animus.*

Hac via Deus Noë deduxit in arcæ carcerem esse includens, & lamentabile diluuiū tot cognatis, tot affinis eius, & toti Mundo inducens; sed per contemptibile lignū iustum gubernans, ipso, in quē eum inclusit, carcere, & tantis fluctibus liberauit. Hac via profugū in a fratribus iustū Iacob deduxit per vias rectas, & ostendit illi regnū Dei, & dedit illi scientiam sanctorū: honestauit illum in laboribus, & compleuit labores illius. In fraude circumuentionum illum affuit illi, & honestū fecit illum. Custodiuit illum ab inimicis, & a seductoribus tutauit illum, & certamen fortè dedit illi, vt vinceret, & sciret, quoniam omnium potentior est sapientia. Nam Patriarcha iste iam primogenituræ privilegio auctus, iam odio fraterno grauatus; iam benedictione



patris, iam fratris comminatione vices alternauit; iam exilio miser, iam ouium fœtu locuples: diurnam seruitutem seruens circumuentus est, & pro Rachæle Lian, sed & ipsam etiam tandem Rachælem adeptus, mæstas lætāsque nuptias celebrauit. Neque in reditu sine periculo fuit, Laban Deos suos repetente; & Esau cum valida manu occurrente; vt ad eò & à tergo, & à fronte premeretur. Idem tamen, quem homines agitarunt, Angeli vel colluctantes, vel in scalis sursum ac deorsum & ipsi commeantes, recreauerunt. *Hac via Deus venditum insum non dereliquit Iosephum, sed à fratribus peccatoribus, & ab Ægyptijs calumniatoribus liberauit eum: descenditq; cum illo in foveam, & in vinculis non dereliquit illum: donec afferret illi sceptrum regni, & potentiam aduersus eos, qui eum deprimebant: & mendaces ostendit, qui maculauerunt illum, & dedit illi claritatem eternam.* Mira varietas; miræ vices, miri fluctus. Charissimus Patri, fratribus sit odiosissimus. Castissimo infidiæ fiunt ab ijs, quos de crimine pessimo accusauit. Is qui modò florida veste conspicuus & alijs prælatus fuit, tunica spoliatur polymita nudatur. Is qui viderat, quasi solem & lunam, & stellas vnde cum adorare se, in cisternam veterem mittitur; quasi mancipium venditur; traducitur, quasi adulter; compingitur innocens in catenas; & tandem, per carceres ascendit ad solium, per catenas venit ad coronas: per vincula euectus est ad sceptrum. Quippe etsi rex non fuerit, par tamen propemodum fuit illius potentia, cum regia potestate. Per has ambages illum Deus deduxit; quis neget, per vias rectas deduxisse? De Iob, quid opus est multa commemorare? Ille potentissimus, ditissimus, felicissimus, & quod plus est, etiam iustissimus atque sanctissimus, de solio in sterquilinum descendit, vt rursus de fimo ad sceptrum eductus, de stercore pauper eleuaretur. Quanta fuit metamorphosis, ex Croëso Irus, ex Iro Croesus? & rursus ab omnibus colebatur, qui omnium fuit peripsema. Quis neget hanc rectam fuisse viam? Iustus erat antè & misericors, ac in pauperes liberalis; sed multò postea, in his virtutibus, confirmator, quia plus discit expertus æstimare calamitates, vt etiam illa testatur, quæ dixit:

*Non ignara mali miseris succurrere disco.*

Dauid quoties fortunam sensit variatam? A proprijs fratribus re-  
prehensus; à Goliath hoste irrisus; à Nabal neglectim contem-  
tus; à Michol vxore, cum sarcasmo, spretus; à Semei conuicijs  
saucia.

fauciat; ab ipso Saule toties ad necem quæsitus; per hæc omnia, velut per atrocem, eamque non vnam tempestatem emerfit, ad summam dignitatem rex factus. Hæc via recta erat, quia erat, via Heroum & generosorum; per qualem etiam Poëta fingunt, Herculem suum meruisse, vt inter sidera collocaretur. Horum sententiâ non voluptas, sed aduersa illum extulerunt.

Quid exemplis pluribus opus est? *Nonne hæc, atque eiusmodi plura, ipsum oportuit pati Christum, & ita intrare in gloriam suam?* Vt homo debebat nos redimere; vt Deus nobis innotescere. Quâ de causâ alternum in illo fuit rerum secundarum & aduersarum regnum. Vix, eo in has auras nato, Angeli carmen Genethliacum ceciderunt, & insonuit, per campos, lætum illud: *Gloria in excelsis Deo: cucurrerunt Pastores, & reuersi sunt glorificantes, & laudantes Deum, in omnibus, quæ audierant, & viderant: properarunt ab Oriente Magi, & mirantes domum inuenerunt puerum cum Maria matre eius, & procidentes adorauerunt eum: & apertis thesauris suis, obtulerunt ei munera, aurum, thus & myrrham.* Hæc iucunda & honorifica fuerunt; sed interuenêre & præuenêre iniucunda ac difficilia toleratu. Nam *in propria venit, & sui eum non receperunt: non enim, etiam nondum nato, erat ei locus in diuersorio.* Neque locus erat, cum natus esset, de qua causâ, inter bestias, in stabulo habitauit. Magna est diuersitas, inter pecudes iacere, & reges habere adoratores. Octiduum ierat, & iam cæpit vulnerari; iam sanguinem fundere, cum circumcideretur, haud sanè exiguo cruciati. Laudatus est à Simeone & Anna, in templo, sed ad interuentionem mox quæsitus ab Herode, atque in exilium fugam, facere coactus. In exilio quoque, vt fit, credibile est, ei non pauca ingrata accidisse. Adultus interfuit nuptijs, interfuit & conuiuijs; sed & 40. diebus & 40. noctibus ieiunauit; sæpiusque esuriit, post magnos labores. Eum illi honorem exhibuit Magdalena accubenti, vt calidis lachrymis pedes eius ablueret, atque illis capillis tergeret, quos antè ornauerat in omnem vanitatem. Sed hunc honorem Phariseus importunissima murmuratione contaminauit, mellique acetum infudit. Aliàs cum, ob miraculorum patratiorem, ab omnibus alijs pro magno Propheta, pro Filio Dei, pro Messia haberetur; inuidia Iudæorum nonnullorum omni eum contumelia affecit; variorumque impositione criminum, oneravit. In monte Thabor, instar solis, effulsit, ipsaque etiam.

V I.

Luc. 24. 26.

Luc. 2. 14.

Matth. 2. 11.

Ioan. 1.

Luc. 2.



vestis eius, tanquam nix splenduit: ut iudicarent Apostoli, bonum esse, ut ibi habitarent. At quàm atrociter hunc montem mons Oliueti, ac mons Caluariæ compensauit? In monte Oliueti, *Tristis erat anima illius usq; ad mortem*; & vestes eius, instar vermiculi; sanguineo sudore madentes erubuerunt. Ibi illi ipsi tres Apostoli Petrus, Ioannes & Iacobus, non dixerunt: *Bonum est, nos hic esse*, sed & illi, & ceteri omnes, relicto eo, fugerunt. Postea, usque ad vltimum spiritum, nullam bonam horam habuit; omnibus totius corporis membris, omnibus animæ potentijs, omnibus modis, cruciatus est: falsò accusatus, iniuste damnatus, diriter flagellatus, spinis crudeliter coronatus; clauis, lanceisque viuis ac mortuus immaniter transfossus; nec sine summa infamia in patibulâ adactus, inter latrones, atque instar latronum, interfectus est. Hæc

Luc. 24. 26.

via fuit ipsius Filij Dei: *hac oportuit pati Christum, & ita intrare in gloriam suam*. Per talia, datum est illi nomen, quod est super omne nomen. Sic, media die, sol obscuratus; sic petreæ scissæ, sic monumenta aperta; sic prodeuntes mortui; sic gloriosa resurrectio testata est, eum esse Dominum vniuersi.

# VII.

Luc. 23. 31.

Quod si igitur hæc via, per tot abrupta & scopulos, via recta est, cum sit via Sanctorum, & via ipsius Filij Dei: quis est, qui non sibi ipsi quotidie occinere debeat: *Si in viridi ligno hæc faciunt, in arido quid fiet?* Si Christus innocens, impollutus, agnus sine macula; si Apostoli sanctissimi, si Martyres cælesti amore ardentes; si Eremitæ & homines Deo charissimi, per tot tormenta, & aduersa ad regnum & coronas peruenire debuerunt: quid peccatoribus non erit tolerandum? Hi non tantum eiusdem sunt, ceteris hominibus, conditionis, ut proinde illis cogitandum sit, vitam humanam sine malis esse non posse, atque idcirco ex necessitate virtutem esse faciendam; neque tantum patientiam sibi exercendam constituere debent, ut patientiæ præmium mereantur; sed etiam innumera admiserunt, meritò luendâ. Si igitur, loco æterni ignis, aut flammarum in Purgatorio subeundarum, illis elementissimus Iudex iniuriam aut contumeliam à falso fratre irrogatam immittit; si detrahi de honore, si de boni nominis existimatione, per mendacia, & vindictas alterius sinit; parcat, non facit; limat, non mactat. Hæc est recta via, qua ex iniurio reducuntur. Recta via est, si illi rectè per eam ire volunt: si non incipiunt murmurare; si non conqueri, si non ferere execrationes, si Deum

non

non acensare, qui, *quos amat castigat.* Et certe etiam qui Deum maxime amant, maxime, pro nomine Dei, optant contumeliam, & quiduis pati. Qui autem parum amant, parum, illius amore tolerant: qui non amant, nihil tolerant patienter. Nec enim tolerare sufficit; cum etiam diabolus gravissima sustineat tormenta, quibus ferendis non modò nihil præmij meretur, verum etiam semper peccat. Diabolo itaque similes sunt, qui quæ ferunt, cum indignatione, & odio, & vindicta ferunt. Malum igitur gravius reddunt, quod gravius ferunt. Neque est, quod dicant: *aliud malum libentius paterer; hoc quod nunc premit, opprimit.* Stulti hoc dicunt. Non est enim ægroti, vt Medico, sed Medici, vt ægroto præscribat. Deus longè exactius nouit, quid nobis proficit; in illum cogitationem nostram iactemus; illi erit cura de nobis; ille nouit, quali emplastro indigeamus: ille dixit: *Mundus* Ioan. 16. *gaudebit, vos verò contristabimini.* Quamobrem Sancti sinunt se duci diuina voluntate: nullos casus metuunt, nullam fortunam formidant: sciunt enim vias Domini esse rectas, & sic, etiam per has ambages, rectè se duci ad diadema. Qui fidit Deo, non aberrat. Ac, ne desperemus, aduersa latis identidem temperantur; mutantque vices nunc amara, nunc dulcia: vt dicere possimus: *secundum multitudinem dolorum meorum, in corde meo, consolationes* Psal. 93. 19. *tuæ lauscauerunt animam meam.* Conqueri non possemus, si per sola aspera duceremur: nunc aspera planis mitigantur. Ita bonus est Deus, qui, ob nullos casus acerbos, iniustus esse est existimandus.

C A P V T XXX.

*Quinam; & quanto fructu, considerârint, Casus omnes, non à Fortuna, sed à Deo mortalibus inuehi?*



Veniâ ergo neque à *Fato*, neque à *Casu*, neque à *Fortuna*, sed à Deo regitur Mundus; Deus autem neque necessitatem hominibus, ad agendum iniicit; neque temerè aut fortuito quidquam sinicit; fieri; sed, summo consilio omnia dirigit, quæ illi, qui cæci sunt, cæcæ Deæ ascribunt, aut *Casu* contingere arbitrantur: superest, vt diuinam prouidentiam, bonitatem, æquitatem, inter

L



Iob. 2. 10.

S. Augustin.  
lib. 4. de Ci-  
uit. cap. 33.

Amos. 3.

II.

Iob. 14. 2.

Ps. 102. 15.

Ps. 48. 19.

inter omnes *Fortuna casus*, agnoscamus & veneremur, dicamúsque, cum Iob: *Si bona suscepimus de manu Dei, mala quare non suscipiamus?* Vtraque enim ab illo. De bonis ait S. Augustinus: *Deus aterna felicitatis author & dator, quia solus est verus Deus, ipse dat terrena & bonis & malis. Neg, hoc temerè & quasi fortuito, quia Deus est, non Fortuna: sed pro rerum ordine ac tempore, occulto nobis, notissimo sibi; cui tamen ordini temporum non subditus seruit: sed eum ipse, tanquam Dominus regit, moderatòrque, disponit.* De malis poenæ aut, naturæ ait Amos: *Non est malum, in ciuitate, quod non fecit Dominus.* Cum itaque tam mala, ista, quàm bona sint à Domino, meritò dicimus, in omni Casu aduerso: *Si bona suscepimus de manu Dei, mala quare non suscipiamus?* Dominus est, potest punire seruos; Pater est, potest filios castigare; Mundi Gubernator est, potest bona malis, & mala bonis temperare.

*Tulipam* Dalmatæ ac Turcæ pileum vocant, seu amiculum capitis, quod gestare solent. Ab hac forma flori inditum est nomen, qui apertus inuersusque pilei illius effigiem refert. Hic flos visu iucundus, atque insigni colorum pulchritudine admirandus summo cauli infidèr sursum spectans, sex foliolis sæpe constans; interdum septem aut octo; in fundo, calathi, aut cyathi modo, se se pandit, è quo sena, aut totidem, quot sunt folia, stamina erumpunt; modò lutea, modò pallida, modò nigricantia; pediculis etiam, quæ stamina sustinent, mirum in modum colorem variantibus. Hunc talem florem alij æstimant si colore aurum; alij, si purpuram imitetur; alij, si interspersis, per certa interualla, maculis, velut gemmis varietur; mihi, præ omnibus, in eo, obseruatione dignum videtur, quòd cognitione carens, tamen adeò accuratè obseruet tempestatem. Nam, ad radios solares, se pandit, lucemque toto sinu admittit: ast, vbi radios vel nubes, vel pluiæ occupant, illico clauditur, & se contrahens languescit, quasi principis sideris absentia tristaretur. Huic flori similes sunt mortales. Quippe homo, quasi flos egreditur nascens; crescens autem, tanquam flos agri, sic effloreat; &, sicut senum dies eius morientis. Estque magna mortalium varietas. Alij auro nitent, alij purpura eminent. Sed in hoc tulipæ maximè æquiparantur; quòd, cum dies purus est, & sol serenus lucet; cum omnia læta & fausta; cum quidquid optant, impetrant; tum totos sinus pandunt, tum Deum

salutant & laudant, iuxta illud: *conspirebitur tibi, cum benefeceris ei.*

Et quis

Et quis hoc non faceret, cum etiam bestiarum beneficijs cicurentur? & canis eum sequatur; à quo panem accepit? Quod si verò *Fortuna* vultum auertat, si cælum nubibus obscuretur, si pluuia, si nimbi cadant *Casum* aduersorum; tum animum contrahunt, tum languescunt mente, tum manu cessant, & cum cælo ipso tristantur. Neque hoc satis est, sæpe etiam tonant, contra Tonantem; quod fecisse Pharaonem legimus, & complures. Alij non indignantur verbis, non erumpunt in execrationes & Diras; animo tamen, & vultu, *Fortuna* læuiente, sunt truculenti, ac, se sauciatos esse, profitentur.

Talis Tulipa, quæ sole, eisque radijs subductis, se se contrahit, fuit Dauid, qui ait: *Auertisti faciem tuam à me, & factus sum conturbatus.* Sed alibi se correxit dicens: *in flagella paratus sum.* Neque nominat flagella, sed quæcunque Deo visa fuerint, ad illa se animo paratum & vitroncam hostiam offert. Decebat enim, ut, à quo acceperat sceptrum, eius non repudiaret flagrum. *Elegisse quidem lego*, ait S. Augustini magister, *S. David flagelli genus, quod equanimiter sustineret. Sed elegit, quia de tribus ei conditionibus eligende vnius necessitas mandabatur. Ubi autem non mandatur, ad omnia paratus est Dei seruulus, seu corporalem agritudinem subeat, seu fugam à facie inimici, seu obitum filiorum, quos non timet pramittere, quia potest recipere imperterritus. Nam & sciens, quod si hic fuerit punitus supplicio temporali, leuare in futurum perpetua possit penam ærumne. Rogat ergo, ut recipiatur petitio sua, & castigetur ipse, ut recipiatur. Castigat enim Dominus omnem filium, quem recipit. Si seruulum tuum videas peccata propria confitentem viro offerre se pœna, inleceberis, ignoscis, & de Domini miseratione diffidis? Non contraxit se ergo Dauid, sed sinus tunc omnes expandit, ad flagella Dei, & ad fortunæ ictus excipiendos, ut castigatus ærumna temporali, æternam euaderet calamitatem.*

Iob etiam ab iracunda vxore, tanquam à Furiarum aliqua, ut se contraheret, & tanquam miserum tragicè ludentis *Fortuna* mancipium, in cælum fureret, non passus est, se loco moueri, sed perstitit, ut columna: cumque & illa perfilteret in eo incitando, diceretque: *Adhuc tu permanes in simplicitate tua? benedic Deo, & morere:* respondit: *Quasi vna de stultis mulieribus locuta es. Si bona suscepimus de manu Dei, mala quare non suscipiamus? In omnibus his, non peccauit Iob labijs suis. Quare? quia vidit, mala se sua de manu*

III.

Plal. 29. 3.

Plal. 37.

S. Ambros.

tract. in Plal.

37.

IV.

Iob. 2. 9.



Iob. 19. 21.

S. Ambros.  
in tract. de  
secunda in-  
terpellat.  
David. c. 4.

Dei suscepisse, à quo castigari, est amari. Vnde & alibi ait: *manus Domini tetigit me*; manus utique bona, & benigna etiam in malis, si ea, tanquam à Deo, & non tanquam ab homine, aut diabolo, illata patienter suscipiantur. *Considera mihi S. Iob*, ait idem supra, laudatus Pater, qui per fusus erat ulceribus, & concutiebatur omnibus membris, & plenus erat totius corporis sui doloribus, glebas terræ vulnorum suorum sanie & humore resoluens, quemadmodum cum se in hoc corpore positus reclinare non posset, requiem mortis inuenerit: ideoque, conscius sui dixit: *Mors requies viro*. Is igitur in plaga non motus est, nec nutauit sermonis sui lubrico, qui in omnibus illis, non peccauit labijs suis, sicut scriptura testatur: *sed magis plaga sua reperit firmamentum, per quam, confirmatus in Christo est*. Ergo & Iob, & David, quia hic flagellati sunt, firmamentum habuerunt in plaga sua, quia flagellatus pater filium, quem recipit. Qui autem hic non flagellantur, ibi non suscipiuntur ut filij. Ideoque, in laboribus hominum non sunt, & cum hominibus non flagellantur, ut in perpetuo, cum diabolo flagellentur. Ideoque obtinuit, eos superbia, cooperti sunt iniquitate & impietate sua.

V.

Supra. c. 25.

S. Ambros.  
in tract. de  
2. interpel-  
lat. Iob. c. 4.  
Luc. 12. 5.

Psal. 72. 5.

Primum ergo ac palmarium aduersæ Fortune remedium, (de quo etiam supra dixi) est, si consideres, esse illam à Deo, esse ab amante, esse à patre. At quidquid à patre est, gratum; quidquid ab amante, amabile; quidquid à Deo, optimum est, etsi malum putetur. Alterum remedium est, quia, ex aduersa Fortune, indicium habetur paternæ curæ, filium castigantis. Malis, plerumque, quia non est illis timor, non est flagellum à Domino. Iustus autem dicit, *Quoniam flagellatus sum, tota die; & optat flagellari, ut recipiatur à Domino, & vult timere Deum, quia timor Domini initium sapientiæ est*. Quis non timeat eum, qui postquam occiderit, habet potestatem mittere in gehennam? Atque hoc tertium est, in aduersis casibus, solatiū, æterna supplicia extinguere posse, præsentis vitæ calamitate. Quis in barathrum illud æternitatis, atque in immania damnatorum tormenta inspiciebat, non dicat ad Deum: *Hic ore, hic seca, ut in æternum parcas*? Quartum remedium, quia, infortunijs, homines in officio continet Deus, qui prosperitate tumescunt. Nam qui in laboribus hominum non sunt, & cum hominibus non flagellantur, eos tenet superbia; & qui miserijs non sunt cooperti, cooperti sunt iniquitate, & impietate sua. Quintum remedium, quia quos Deus percutit, è malis bonos facit. Plurimæ res percutiendo fiunt meliores. Læna, dum verberatur, purgatur. Ferrum tunditur, in incude, &

quamcumque

quamcunque vis, formam accipit. Moneta pereuntur, & signatur, valorémque acquirit. Cæditur asinus, & currit. Castigatur homo, & emendatur. Sextum remedium, quia bonorum virtutem ostendit, & exercet *Fortuna* tristis. Septimum, quia leue & momentaneum est, quidquid nobis accidit, si cum Martyrum, cum Christi, aut etiam cum damnatorum doloribus comparetur. Octauum denique, quia per iratam *Fortunam*, via ad cælum, & præmium in cælo paratur. Hæc talia, qui in *Casibus* subitis atque funestis, apud se expendit, remedia habet omnis calamitatis; facileque potest, ad exemplum patientissimi illius Stephani (cui maleuolus, igne subiecto, quidquid de agro conuexerat, cum ipso horreo, combussit) magis dolere, ob peccatum affligentis, quam ob afflictionem. Sed inspicimus cursim singula remedia enumerata, ab hominibus pijs in praxin reducta.

S. Greg. l. 4.  
dial. cap. 19.

Ad primum remedium quod attinet, non agnouit tantum David, & ante illum Iob, nulla in hac vita, sine Dei nutu, hominibus mala accidere, atque idcirco ea accepta esse oportere; sed alij quoque eadem vsi sunt ratiocinatione. In diuinis litteris, magnis laudibus ornatur Tobias, nam cum esset captus, in diebus *Sardaniasar* regis *Affriorum*, in captiuitate tamen positus, viam veritatis non deseruit, ita ut omnia, quæ habere poterat, quotidie concaptiuis fratribus, qui erant ex eius genere, impertiret. Adduntur miræ laudes aliæ, de eius, in ipsa iuuentute, grauitate morum, de fidei constantia, de exercitijs pietatis; de filij sanctissima educatione, de consolatione captiuis impensa, quibus monita salutis dabat, de pecunia mutuò aut etiam in eleemosynas largissimè data. Siquidem Tobias quotidie pergebat, per omnem cognationem suam, & consolabatur eos, diuidebatq; vnicuiq;, prout poterat, de facultatibus suis: esurientes alebat, nudisq; vestimenta præbebat, & mortuis, atq; occisis sepulturam sollicitus exhibebat. Hæc viri virtus, hæc merita fuere. Quæ merces est secuta? Quod corpora interfectorum sepelisset, rex Sennacherib iussit eum occidi, & tulit omnem substantiam eius. Oppes illi ablatae sunt: vitam fuga & nudus latens seruauit. Ad quid seruauit? vt reuersus, & conuiuio relicto, ad mortuos sepeliendos accurrens in nouam incideret calamitatem. Contigit enim, ut quadam die fatigatus à sepultura, veniens in domum suam, iactasset se iuxta parietem, & obdormisset, & ex nido hirundinum dormienti illi calida stercorea inciderent super oculos eius, fieretq; cæcus. Hanc autem

VL

Tob. 1.2.

Tob. 2.10.



temptationem ideo permittit Dominus euenire illi, ut posteris daretur exemplum patientia eius, sicut & sancti Iob. Nam cum ab infirmitate sua semper Deum timuerit, & mandata eius custodierit, non est contristatus contra Deum, quod plaga cecitatis eueniret ei, sed immobilis in Dei timore permanfit, agens gratias Deo, omnibus diebus vite sue. Nam sicut beato Iob insultabant reges, ita isti parentes & cognati eius irridebant vitam eius, dicentes: Vbi est spes tua, pro qua eleemosynas & sepulturas faciebas? Tobias verò increpabat eos, dicens: Nolite ita loqui: quoniam filij sanctorum sumus, & vitam illam expectamus, quam Deus daturus est his, qui fidem suam nunquam mutant ab eo. Non fuit Tobias instar Tulipæ radios lucis excipientis, imbrem excludentis; æquè à Deo sciuit venire sibi cæcitatem, ac visum, atque idcirco non perdidit patientiam, non mutauit fidem; neque spem deposuit lætioris vitæ, in cælo, consequendæ. Qui se confidit, Deum, in cælo, visurum, libenter est cæcus in terris. Aduersus hos casus muniendi sumus, ait Seneca. Nullus enim, contra forinnam, inexpugnabile murus est. Intus instruiamur. Si illa pars tuta est, pulsari homo potest, capi non potest. Quod sit hoc instrumentum, scire desideras? Nihil indigne- tur, sibi accidere, sciâtq; illa ipsa, quibus ledi videtur, ad conseruationem vniuersi pertinere, & ex his esse, quæ cursum mundi officiumq; consummant. Placeat homini, quidquid Deo placuit: ob hoc seipsum suâq; miretur, quod non potest vinci, quod mala ipsa sub se tenet, quod ratione, qua valentius nihil est, casum dolorémq; & iniuriam subigit. Ama rationem: huius te amor, contra durissima armabit. Ratio igitur potissima est, cogitare, casum tibi à sapientissima Dei bonitate missum esse; qui, per talia, Mundum iustissime moderatur.

## VII.

Sozom. hist.  
Eccles. lib. 9.  
cap. 6. & So-  
crat. lib. 7.  
c. 10.

Neque enim permittit tantum hæc, sed sæpe etiam immit- tit Deus, cuius testis est vel Alaricus Gottorum Dux, qui Stilicone interemto, quia petitam ab Honorio Imperatore pacem, non im- petrauit, statuit infesto exercitu Romam obsidere, Ibi milite co- piofo ad Tiberim collocato, ne in urbem necessaria inferrentur, a- dedò indefinenter obsidionem protraxit, ut fame primum, postea etiam peste populus, in vrbe, vehementer laceraretur. Quod cum fieret, Monachus quidam Italus, Probus nomine, Romam con- tendit, atque Alaricum etiam atque etiam adhortatus est, ne ran- torum malorum author esse vellet, sed vrbi parceret, extrema iam passæ. Respondit Monacho Alaricus, se sanguine non delectari, & sanè sibi lubidinem non esse, tot mala Romanis inferendi; sed

vrge-

virgeri se à quodam continere, qui sibi præcipiat, ut Romam vastet, quod  
 tandem fecit. Præceptum illud diuinum fuisse, non dubitant au-  
 thores: & ad stipulantur diuinæ quoque litteræ, è quibus, alio  
 loco, docebimus, à Domino exercituum bella provenire. Quòd  
 si ergo, Alarico teste, Deus nonnullis præcipit, ut alios persequan-  
 tur, quid succensamus obedientibus Deo præcipienti? Fugienti 2. Reg. 16.  
 Dauid Semei maledixerat. Abisai igitur regem defensurus & ma- 10.  
 ledico caput amputaturus erat, quem Dauid his verbis inhibuit:  
*Quid mihi & vobis est, filij Sarua? Dimittite eum, ut maledicat: Do-*  
*minus enim præcepit ei, ut malediceret Dauid: & quis est, qui audeat di-*  
*cere: quare sic fecerit?* Nimirum non examinanda est causa, si cõ-  
 stat de authore Deo, qui pro omni causa nobis esse debet; cum  
 sit suprema rerum causa. Hac ergo Numinis voluntate, o quisquis  
 aduersa pateris,

*Æquam memento rebus in omnibus  
 Servare mentem.*

Horat. 2.  
 car. o. 2.

Hoc remedio ad patientiam instructus, & in flagella paratus  
 fuit, eaque ipsa tanta animi præparatione flagellum à se suisque  
 auertit S. Lupus Episcopus Trecentis. Attilæ Hunnorum Princi-  
 pi, eò cum exercitu venienti, sanctissimus Antistes habitu Ponti-  
 ficali indutus, cum tota Cleri multitudine, obuam processit, &  
 data, acceptaque salute, Attilam interrogauit, Quisnam esset,  
 qui tot regibus deuictis, tot populis prostratis, tot euersis urbibus,  
 tot nationibus superatis, cuncta in sua poneret potestate? Cui At-  
 tila: Ego, inquit, sum rex Hunnorum Attila, FLAGELLVM DEI.  
 Ad quæ Lupus: Et quis est mortalium, qui Dei flagello resistet? Veni,  
 igitur, De mei flagellum; illò, utere, ut Deus concedit. Ad quæ ver-  
 ba Barbarus, diuina utiq; voluntate, emollitus Trecentem urbem  
 illasam pertransiuit, quam prius constituerat funditus delere.  
 Enimvero aiunt, cælesti virtute, tam totum exercitum, quam  
 ipsum, velut cæcitate astrictum, nemine vllò conspecto, à porta v-  
 na, vsque ad alteram portam, per totam ciuitatem transisse. Quod  
 etiam quondam, Elisæo orante, Syris euenit. Nimirum tanta est 4. Reg. 6. 18.  
 Numinis potentia, ut nemo possit resistere eius voluntati. Pru-  
 dentia igitur est, & obedientissimæ subiectionis, de manu Dei,  
 accipere, quod scias, ipsum velle. Neque citius eius ira placatur,  
 quam si te pœnæ ultro offeras. Quemadmodum & parentes li-  
 benter culpam filijs condonant, quos vident delicta non excusa-

VIII.

Psal. 37.  
 Ex Petr. in  
 Catal. lib. 6.  
 cap. 1. & alijs  
 Baron. An.  
 451.



Senec. lib. I.  
epist. 98.

IX.  
Albertus  
Crantz. l. 9.  
Metrop. cap.  
40.

re, sed ad ferulam, ingenuè ac sponte sua, se sistere paratos. Ita  
rectus atq; integer corrigit praua fortuna, & dura atq; aspera ferendi  
scientia mollit; immo mollit ipsum Deum punientem, qui poenæ lo-  
co sæpe accipit, patiendi voluntatem. Cur Deum non molliret,  
cum ipsos legamus homines pepercisse ijs, quos videbant à Deo  
satis castigatos, ne vulnus nouum adderent factæ cicatrici?

Sic egit Mauritius Comes Cloemburgicus, à Bremenfi ci-  
uitate, multis contumelijs incensus: enimuerò, acceptis à magi-  
stratu litteris, quæ hostilia illi denunciarent, ad arma prouocatus,  
Hic vias publicas diu infederat, vt omnem vrbi commeatum in-  
tercluderet. Ventum est ad prælium. Pugna commissa. Bremen-  
ses magna clade afflicti atque fugati sunt. Secutus est fugien-  
tes victor exercitus. Ad confinia ciuitatis vbi accessit, contra  
omnem belli morem, vidit portas ciuitatis apertas, neque  
ab vllò milite custoditas. Misit speculatum, qui tantæ negligen-  
tiæ causam indagarent. Illi, cum tripudio, retulerunt, penes  
Mauritium esse, si vellet, tota vrbe potiri; ciuium, desperata sa-  
lute, domi se quemq; tenere, quòd adeò immaniter pestis, vrbe  
tota, grassaretur. Ad narrationem hanc Mauritius altum ingemuit  
dicens: *Quia Rex superius illam oppugnat urbem, nolo, vt accedat af-  
flictis à Deo afflictio nostra. Multa mihi iucunda, in hac vrbe, fue-  
runt: si modo dissidemus, redibit aliquando tranquillitas & reconcilia-  
tio: retrahamus ab illis manus, quos castigat serius rerum arbiter Deus,  
ne & in nos serpat contagio. Ita reduxit exercitum vir, qui eius vrbi  
videretur dignus imperio, quòd iam benigno fuit animo in afflictam. Post  
aliquot autem dies, pax, inter Mauritium & Bremenses sancita est.*  
Agnouit itaque Mauritius, non à Fortuna, sed à summo rerum  
Gubernatore, pestem vrbi immissam, atq; eapropter nolebat infe-  
stare humana manu, quos videbat diuina correptione verberatos.  
Adeò prodest, nò tantum patientibus mala, sed etiam spectantibus,  
agnoscere malorum, quæ hominibus incidunt, Deum authorem;  
quo imperante, & velut signum dante, vel in arma mittuntur, vel  
ab armis discedunt. Optarem hanc cogitationem ijs, quorum ani-  
mus vindictæ sitientissimus nullis potest miserijs, nullis inimici in-  
fortunijs satiari. Rident, quoties vident illum flere; & in tristitia  
alij, gaudent; si ardet aduersarij domus, pro aqua, oleum affun-  
dunt; si amisit pallium, rapiunt illi etiam indusum; si casu pe-  
dem fregit, caput illi diffractum esse vellent; denique si è vita est  
subla-

sublati, omnibus verborum contumelijs inortum insectantur. Quam isti longè futius, cum Mauritio, vererentur, ne aduersarij malum, quod, diuino iudicio non contenti, multiplicant, serpat, immo resiliat in multiplicantes;

*Exigat & dignas ultrix Rhamnusia pœnas!*

Prodest autem etiam ad hoc, scire Deum esse, qui malis habenas laxet, aut ea, in homines excitet, vt nôrint placare eum, à quo illa irritato nôrunt prouenire. Cum enim ille sit, qui pauperem facit, & ditat; humiliat; & subleuat, ad cuius opem potiùs recurrerent? Hac noticia instructus Dauid ait: *Domine, quid multiplicati sunt, qui tribulant me? multi insurgunt aduersum me?* Neque tamen tam hoc miratur, quàm quod illico sequitur: *Multi dicunt anime mee: Non est salus ipsi, in Deo eius?* Quasi Deus tantùm humiliet, & non subleuet? Enimuerò ea est Numinis bonitas, vt clementer puniat, & iustè parcat. Nam quem Deus plectit iratus, peccantem; audit placatus supplicentem. Audit autem, vt parcat. De tribulatione inuocauit Dominum, ait: & exaudivit me in latitudine Dominus. Non tanta nobis cura est, inquit S. Chrysostomus, nihil graue pati, quanta illi, qui nobis animam donauit, & tot, post hoc, contulit bona. Ac rursus alibi: *IESVM, in tribulatione, sine ulla intermissione, obsecra, vt vel solum annuat, & omnia unico momento dilabentur.* Quod si obsecrasti, nec tamen depulsum est malum, id Deo familiare & usitatum scias, vt non statim acerbitates extinguat, sed cum he intumuerint, inde quidem repente omnia in tranquillum mutet. Itaque in Casum nos sinit venire, vt oremus; verùm non semper statim liberat, vt fortiùs oremus. Sed, ais, An non prohibere poterat, ne tres pueri in tentationem laberentur? Verùm id minime facere voluit, vt ingeniem illis questum conciliaret, & propterea in barbarorum manus cadere passus est; & fornacem nimium accendi, & regiam iracundiam, fornace atrocius, inflammaré, & eos manibus ac pedibus vinciri, & in ignem precipites dari. Cum autem omnes, qui eos spectabant, eorum salutem, pro deplorata habuissent; tum prater spem & subito se exeruit præstantissimi artificis Dei, in edendis miraculis, facultas. Siquidem ignis vincebatur: qui autem victi érant, soluebantur; & fornax in temperiem, & in rorem mutabatur; aula regia magnificentior, & augustior reddebatur, & naturam illam edacissimam, lapides & ferrum superantem, crinium natura vincebat; & sanctorum illorum chorus modulatissimus, utraq; res condita, ad mirificum hunc concentum inuitans, &

Quid. 5. de  
Tristib. e.  
leg. 7.

X.  
1. Reg. 2. 7.

Psal. 3. 2.

Psal. 117. 5.  
S. Chrysost.  
homil. 2. ad  
pop.  
Idem. ep. 1.

Idem. ibid.

hymnos



hymnos, ad grati animi significationem, ad Deum transmittabant, quòd videlicet vinculis constructi, quòd in fornacem missi, quòd patrijs sedibus exturbati, quòd captivi adducti, quòd libertate spoliati fuissent. nam hoc probi & grati animi est. Postquam autem hostium improbitas, partibus omnibus absoluta fuit, & pugilum virtus expleta, & corona eorum contexta; nec iam ad gloriam, & nominis splendorem quidquam restabat; tunc mala depelluntur, & qui fornacem accenderat: & eos gravi supplicio addixerat, idem sanctos illos pugiles miris laudibus offert, & miraculum à Deo editum predicat, & literas ingenti laude confertas quoque gentium mittit, ea, quæ acciderant, commemorans, idoneum testem & fide dignum diuinorum miraculorum se præbens. Hostis enim cum esset, apud hostes etiam ab omni suspitione remota erant, quæ ab eo scribebantur. *Vidisti Dei sapientiam? Hæc S. Pater.*

- XI.**  
**Sapient. 3. 6.** Ex quo facto intelligimus, tres pueros, tanquam aurum in fornace probatos, liberari sanè potuisse, ne in fornacem proijcerentur, sed illis ipsis magis profuisse, ut eorum innocentiam, diuinæ potentix miraculo ignis illustraret. Quod sanè factum non fuisset, nisi credidissent, Deum esse, qui & permittere talia soleret, & eripere, quos vellet, posset. *Ecce, aiunt, Deus noster, quem colimus, potest eripere nos de camino ignis ardentis, & de manibus tuis, ô rex, liberare. Quasi dicerent, eiusdem est, mortificare, & viuificare, deducere ad inferos, & reducere. Quòd autem, non Casui, non Fortune, non Fato suo eam tam lugubrem scenam ascripserint, sed Deo, ad quem oratione sua confugerunt, audi Azariam, in medijs flammarum incendijs, orantem: Benedictus es, Domine Deus patrum nostrorum, & laudabile, & gloriosum nomen tuum in secula: quia iustus es, in omnibus, quæ fecisti nobis, & uniuersa opera tua vera, & via tua recta, & omnia iudicia tua vera. Quæ fecisti nobis, ait. Deum ergo fecisse dicit: & rectè & iustè fecisse agnoscit; hinc non tantum nullæ querelæ extiterunt; sed ad orationem ventum est, immo & ad laudes & ad gratiarum actionem. Qui enim cognitum habent, nihil sine Deo, contingere, omniâque, quæ à Deo veniunt, recta esse, Deum in rebus omnibus laudant. Hinc illud est Davidis: *Erubescunt labia mea hymnum: cum docueris me iustificationes tuas. Quare, quisquis Casus aduersos, iustificationes Dei esse credit, non solum non fit impatiens, sed etiam orationibus, & hymnis gratias agendas arbitratur, atque inter ipsos fluctus, inter leones, inter ignes; in mari, in cæto, in lacu, in fornace accensa, cantat.**

C A P V T XXXI.

*Casuum à Deo immisforum complures utilitates spirituales.*



I, Domino maledicorum linguis, aut calumnijs impiorum uso, serui probi vox est: *Quis est, qui au- deat dicere, quare sic fecerit?* quanto magis filius excipiet læta mente, quod à patre amante proficitur? Et, vt excipiat, scire debet, hoc ipsum esse signum, quo agnoscere potest, se esse vnum de numero filiorum, non si eum extollat, non si in folio collocet, non si ex eo Sardapalum faciat; sed si in dura, & labores arduos eum mittat. Apud Poëtas, Phaëthon, Solem sic alloquitur:

*Phæbe pater, si das usum mihi nominis huius:  
Nec falsa Clymene culpam sub imagine calat:  
Pignora da genitor, per que tua vera propago  
Credat, & hunc animis errorem detrahe nostris.*

I.  
2. Reg. 16.  
10.

Ouid. lib. 2.  
Metam.

Annuit pater. at quid stolidus iuuenis, in signum petijt, vt filius esse Solis agnosceretur? *currus petit ille paternus,*

*Inq, diem alipedum ius & moderamen equorum.  
Panituit iurasse patrem.*

Siquidem exitium suum petierat filius; neque enim ad mortalem pertinebat, quod petierat. Nemo est, qui non optaret scire, num filius Dei, & Christi cohæres sit? Stulti pro signo habent, si curru aurato, si sceptris, si coronis, si dignitatibus possint fulgere. At regnum Christi non est de hoc mundo; & actum esset de pauperibus, si nemo Dei filius esset, nisi diues, nisi splendidus, nisi opulentus. Igitur aliud signum est, quod vel ex ipso naturali Dei Filio Christo potest cognosci. Neque enim est seruus supra Dominum, aut Filio naturali Dei, filius adoptiuus debet velle delicatius tractari. *Signum Elij hominis & Filij Dei ipse Dei Filius crucem* nuncupauit.

Matt. 24. 30.

Tempore Ioannis Euangelistæ, Episcopus Smyrnenfis, vir magnæ Sanctitatis grauibz procellis quatiebatur. Vocauit igitur Ioannem Christus & dixit: *Angelo Smyrne Ecclesia scribe: Hæc* apoc. 2. 8. *dicit primus & nouissimus, qui fuit mortuus & uiuit. Scio tribulationem*

II.

Pp

tuam,



*tuā, & paupertatem tuā, sed diues es, & c. cur? quia si fueris fidelis usq; ad mortem, dabo tibi coronā vitæ.* Spe ergo diues erat, quia futurus Christi coheres. Sed ecce, quo modo ad hanc eum spem inducit: non se regem regum appellat, sed eum, qui fuit mortuus, & viuit, quasi diceret: ego, quamuis Filius Dei verus, tamen morte crucis acerbissimā & ignominia plenā damnatus fui: vnde intelligere potes, pati grauiā: non esse à filiis Dei alienum. Et quid mirum, si Christianum esse dicimus, quod veteres etiam Spartanum esse crediderunt? Spartani enim, vt filios suos probarent, innocentes ad aram adductos iubeant flagellis, ad sanguinem vsque cædi; probatior habebatur, qui, inter plura verbera, non gemitisset. Probat, ad hunc modum, etiam Deus filios suos. Probatiores sunt, qui sunt ad flagella paratiores. *Obliu estis*, inquit, Apostolus consolationis, *quæ vobis tanquam filijs loquitur dicens: Fili mi, noli negligere disciplinam Domini* (hoc est labores & tribulationes, quibus nos erudit,) *neq; fatigeris, dum ab eo corripieris, quem enim diligit Dominus, castigat; flagellat autem omnem filium, quem recipit.* Ita ipse Apostolo contigit, qui idcirco *vas electionis* est dictus: causa mox additur: *Ego enim ostendam illi, quanta oporteat eum, pro nomine meo, pati.* Ita contigit & Tobia, cui dictum est: *Quia acceptus fueras Deo, necesse fuit, vt tentatio probaret te.* Si necesse fuit, quā merito timere possunt, quos tentatio non probat, se Deo acceptos non esse? Filios suos solet Deus cruce ac tentatione insignire; cruce probare, velut Lydio lapide; cruce tanquam quadriga ad cælū promouere.

## III.

Quantā curā filij laborant, vt patris nomen ac iura retineant? quā solliciti sunt, vt in parentis grātia permaneant? Permanēt autem in Numinis grātia, & filiorum iura conseruant, quicumque conseruant patientiam, in casibus à Deo missis. Elisabeth illa regio sanguine oriunda, & Thuringiæ Principis conuubio nobilis, defuncto coniuge, vidua facta, mox cepit etiam pati cruces viduarum; quas vexare proum est hominibus, exercere autem in virtutem, Deo placet. Propinquis igitur defuncti Tetrarchiam, per vim occupantibus, regij animi vidua, vnā cum paruulis liberis, è ditione sua eiecta, inops, egens vaga, ærumnis omnibus obruta, &, quæ coronis erat calamitatum, ab ijs quoque, in quos prius beneficia cumulauerat, contempta, ita omnia constanti animo pertulit, ita sinum infortunijs pandit, vt ne subducere quidem se vellet miserijs declinandis. Inuitabatur enim ad parentem

Pannonia

Hebr. 12. 5.

Prou. 3. 11.

Astor. 9. 11.

Tob. 12. 13.

Conradus in  
vita S. Elisabethæ.

Pannoniæ regem, asyllum utique excellens. Sed redire illuc detro-  
stabat, ne patientiæ atque humilitatis, quas in miserijs inuenerat,  
occasionem, inter regales delicias, amitteret. Habebat enim, tan-  
quam Dei filia, diuinum patiendi characterem, thesauris omnibus  
chariorem. Quid hanc fortitudinem, in heroide Christiana, mire-  
mur? *Attalus Stoicus dicere solebat: Malo me fortuna in castris suis, Senec. lib. r.  
quàm in delicijs habeat. torqueor, sed fortiter: bene est. occider, sed cp. 67.  
fortiter: bene est. Aude Epicurum, dicit: Et dulce est. Vxor, sed inui-  
ctus. Quid in optabile sit, non quod vrit me: ignis, sed quod non vincit.  
Nihil est virtute præstantius, nihil pulchrius: & bonum est, & oprabile,  
quidquid ex huius geritur imperio. Sic ex hominibus heroës, sic se-  
midei, sic dii efficiuntur. Denique sic Deus nos prædestinauit con-  
formes fieri imaginis Filij sui, ideòq; & nos per patientiam curramus ad  
propositum nobis certamen: aspicientes in authorem fidei, & consumma-  
torem Iesum, qui, proposito sibi gaudio, sustinuit crucem, confusione con-  
temta. Atque hoc alterum erat, quod, contra Fortunæ ictus, reme-  
dium numerauimus.*

Sequitur tertium, paruo malo, grande, immo æternum ma-  
lum redimi, Quis *Fortune* casus potest tam esse acerbus, quàm  
gehennæ cruciatus? quæ confusio huius vitæ non debet contem-  
ni, præ confusione, quæ, coram toto Mundo, in extremo iudi-  
cio, atque postea, sine fine, erit in Inferno? Sæpe autem Deus hic  
cruciat, ut in æternum parcat. Itaque tribulatio & dolor, non tan-  
tùm est, in electis, character & signum, eos esse filios Dei, sed etiã,  
esse electos. Vtriusque simul figuram habemus in diuinis historijs.  
Rachel enim vltimum charissimùmque filium *Benoni*, hoc est, fi-  
lium doloris (sicut Isaias Christum, *virum dolorum*, & scientem infir-  
mitatem.) Iacob autem eundem *Beniamin*, hoc est, filium dextræ  
nominauit: Quid est hoc aliud, quàm filios Dei, qui persecutio-  
nem patiuntur, esse non tantùm *Benoni*, seu *filios doloris*, sed etiã  
*Beniamin*, *filiosq; dextræ*, qui scilicet in illâ dextrâ collocabun-  
tur, ubi agni, non hædi, iudicante Domino, statuentur?

In Turrium cœnobio, canitiæ veneranda senex adeò seuerè  
vixerat, ut in multa corporis incommoda caderet. Inter quæ fuit  
etiã hydrops. Veniebant ergo ad illum, è diuersis locis, qui eum  
consolarentur, rogarèntque, ut, in ista præsertim ætate atque inua-  
letudine, non nihil de tam austera viuendi consuetudine remitte-  
ret; nam & frondem, medio die, cum æstus exsiccet, arboratores

Rom. 8. 29.  
Hebr. 12. 2.

I V.

Genes. 35.  
Isa. 53. 3.

Matth. 25.  
33.

V.  
Prat. Spirie,  
cap. 8.



non cadere. His ille aliud nihil respondebat; quàm vt diceret: *Orate, pro me, Patres, ne interior homo hydropicus fiat. Ego enim, vt in hac infirmitate diutius durem, Deum oro.* Hunc ergo eundem Abbatem, cum audiuiſſet Hierosolymitanus Archiepiſcopus Euſtocius adeò vehementer morbo afflicto, conſtituit ei ſuppeditare, quidquid vel medicorum ars, vel imbecillitas corporis exigeret. Myrogenes autem (hoc enim ſeni nomen erat) omnia repudiavit, hoc ſolùm ab Archiepiſcopo petens: *Ora pro me, Pater, vt liberer ab eterno cruciatu.* Maluit nimirum hydropicus, in aquis, quod deliquiſſet eluere, quàm exurendum in æternos ignes reſeruare. Scilicet, *dum indicamur, à Domino corripimur, vt non cum hoc Mundo damnemur.* Quod qui proſpectum habet, bene fert inſeſtos caſus, neque vllum *Fortuna* crimen accuſat; ſed etiam vltro optat & inuitat, in hac vita, miſer eſſe, ne ſit in altera.

1. Cor. II. 32

## V I.

Hiſtor. Tri.  
part. I. 8. c. I.

Circa Mareotem degebat Stephanus; integra continetia Monachus, ad ſexaginta annos, in omni virtutum palæſtra exercitatiſſimus, Antonio quoque Magno de præſtanti pietate notus. Erant in eo multa ſingularem laudem merentia. Fuit enim ille vir; non ſolùm ex optimo more, & ſanctiſſima diſciplina, ſed etiam cum foris clarus, tum domi admirandus, neque rebus externis magis laudandus, quàm facinoribus domeſticis. Foris inter aſperos manſuetus, inter ignorantes ſapiens, alloquio ſuauiſ, ſermone vtilis; mirè callens ærumnoſorum animos conſolari, atque, in ipſo luctu, excitare ad alacritatem. Sed domi ipſe haud indiligentiùs exercebat, quod foris alios docuerat. Tantus erat amator crucis, vt, ſi ipſa bona *Fortuna* veniſſet, non intromiſſet. Ergo habuit, quod petijt. Nam in morbum iniectus eſt, eumque proſus incurabilem. Quem tamen adeò non curabat, vt, dum medici membra eius putreſcentia ſecarent, ille (quaſi de alieno corio ageretur, neque cruciatus ad ſe pertineret) manibus opus faceret, ac folia palmarum plecteret: cumque morbus in ſummo incremento eſſet, etiam circumſtantibus conabatur perſuadere, vt de eiufcemodi rebus non dolerent, neque aliud ſoliciti, niſi de bono vitæ fine, cogitarent. *Deus*, inquiebat, *qua fecit, cuncta vtilia ſunt. Ego autem noui, huiusmodi morbos, propter peccata, accidere. Et melius eſt, hinc pœnas ſoluere, quàm, poſt mortem, perpetua ſupplicia ſuſtinere.* Eiufdem ſententiæ fuit S. Chryſoſtomus; qui ita loquitur: *Magnum bonum eſt, luere peccata, in hac vita, Etenim diues ille, nihil graue hinc*

S. Chryſoſt.  
homil. 6. ad  
pop.

rece-

recepit, & propterea illic torquebatur, & quod hoc esset in causâ, ne vlla ibi frueretur consolatione. Audi, quid dicat Abraham: Fili, recepisti bona, in vita tua, itaq; nunc dolorem patere. Quod autem Lazaro bona data sint, quia hic, cum virtute, infinitas passus molestias fuerit, Patriarcham & hoc dicentem audi. Cum enim dixisset diuiti: *Recepisti bona*, intulit: & *Lazarus mala*, & propterea consolatur. Terribilis sententia, & quæ meritò suspectam faciat omnem Mundi prosperitatem. Tamen enim causa damnationis non sit, omnis vitæ huius delectatio, sed peccata, signum tamen est futuræ damnationis, seculi istius prosperitas. Siquidem *non indicat Deus bis in idipsum*. Quos ergo, hic, remunerat, alibi punit; & quos hic punit, ijs alibi præmia largitur. Nemo enim adeò malus est, vt non faciat aliquid subinde boni, ob quod à Deo mercedem accipit; nemo adeò bonus, vt non aliquando admittat peccatum veniale saltem. *Recepit* ergo infelicitè epulo in hac vita; fortunatè Lazarus in altera, quidquid vterq; boni vnquam gessit: *recepit* Lazarus in hac, Epulo in altera, quidquid mali admisit. Vtrius fuit optabilior conditio? S. Augustin. in Psal. 98.8. Optimè hanc quæstionem decidit D. Augustin. in illa verba. *Deus tu propitius fuisse eis, & vlciscens in omnes adinventiones eorum*, ait enim: *Non solum donans peccata, sed etiam vindicans, propitius fuisse. Videte, fratres, quid hic commendauit, aduertite. Illi Deus irascitur, quem peccantem non flagellat. Nam cui verè propitius est, non solum donat peccata, ne noceant ad futurum seculum, sed etiam castigat, ne peccare delectet.*

Atque inde se exerit quartum *malæ Fortune* remedium, vt sciâmus, Deum, instar aurigæ equum exorbitantem scuticæ habentis, in viâ retinentis, homines in officio continere, *Fortunæ* flagellis. Quem alium in finem Deus minatur præuicatoribus famem aliâque malâ dicens: *Cauete, ne fortè decipiatur cor vestrum, & re-* Deut. II. 16. *dati à Domino, seruiatisq; dijs alienis, & adoretis eos: iratusq; Dominus claudat calum, & pluuia descendant, nec terra det germen suum, pereatisq; velociter de terra optima, quam Dominus daturus est vobis?* Testis huius remedij est Catharina Aragonia, quæ ab Henrico VIII. Anglorum rege, vt Annæ Bolenæ pellici locus daretur, indignissimis modis repudiata, insigniter ostendit, probitatē, industriam, ceterasq; bonas artes, neq; dare, neq; eripere cuiquam fortunam posse. Quippe incredibili constantia animi, inconstantiam *Fortunæ*, casumque acerbissimum tulit. Tantæ patientiæ radix fuit, quod sciret, Deum eiusmodi ærumnis, tanquam fræno vti, quo homines reguntur.



Solebat enim sæpiissime apud suos, dicere, Fortunam se, nec asperri-  
mam, nec leuissimam, si daretur optio, electuram; cum utraq; suæ ten-  
tationes ac pericula habeat, sed mediam potius temperatam. Si tamen  
alterutra eligenda esset, malle se tristissimam, quam blandissimam; in-  
felicibus enim raro deesse consolationem, fortunatissimis ferè semper men-  
tem. Huic heroidi optionem non dedit Deus, sed Fortunam dedit  
planè tristissimam; vnà tamen & hanc ipsam consolationem im-  
pertiuuit, ut nosset, infelicibus non deesse consolationem, illam  
scilicet, quia nōrunt, à Deo profecta aduersa in magnas utilitates,  
Itaque oblatam vtramuis fortunam iuxta suscipere discat, qui ani-  
mo esse tranquillo cupit. Aliud enim est animus tranquillius, aliud  
tranquilla *Fortuna*. Ille in tuto est; hæc, cum blanditur, tunc vel  
maximè metuenda est. Quod vel Demetrius vidit, qui vitam se-  
curam, & sine ullis Fortune incursonibus mare mortuum vocat. Nihil  
habere, ad quod exciteris, ad quod te concites, cuius denunciatione & in-  
cursu firmitatem animi tui tentes: sed in ocio incusso iacere, non est tran-  
quillitas, malicia est. Ferrum diu intactum, rubigine operitur &  
fœdatur; si lima & ignis accedat, ita repurgatum splendet, ut ful-  
gore argentum imitetur. In ferro hominem vides, quem expolit,  
quod mordet; purgat, quod vrit; & plerumque, si illi bene est,  
ille bonus non est.

Senec. lib. i.  
epist. 67.

### VIII.

Sicut enim lasciuiam amant atq; superbiam res secundæ, ita  
aduersæ animum erigunt, dū corrigunt. Quod erat è remedijs quin-  
tū. Itaq; sæpe opes, sæpe liberi, sæpe officium ab aliquo aufertur, ut  
ocasio peccandi auferatur, emendeturq; is, qui diuitiarum cupi-  
ditate, aut amore liberorum, aut officij necessitate peccauit. Sic  
mensa nummulariorum euertitur, ut Domini subrogetur: ara deicitur,  
ut erigantur altaria, ait S. Ambrosius. Atq; hoc non aliqua succin-  
ctus manu diuitijsq; faciebat (Christus) sed flagello de restibus cadebat  
turbas, & resistere nullus audebat. Et nunc virga vititur, nunc flagello.  
Virga enim recta est, virga regni tui. Virga, ut corrigat: flagello, ut  
suadeat. Directa illic, hic moralis, quasi inflexa præceptio, qua peccato-  
ris conscientia velut lento verberare flagellatur. Alij sunt enim terrores  
Prophetici, alie Apostolicæ suasiones, in utroq; tamen vnus est verbi dis-  
ciplina. Et ideo flagellum de restibus fecit, quia funes ceciderunt, in-  
quit, mihi in præclaris: etenim hereditas mea præclara est mihi. Qui  
ager est, sanitatis causa, libenter sustinet medici sectionem: insa-  
nit peccator, si virgam odit; si se subducit flagello, quo reduci-  
tur ad

S. Ambros.  
lib. 9. super  
Luc.

tur ad animæ integritatem. Refert Beda S. Edildridam Annæ regis  
 orientalium Anglorum filiam, ac regis Ecgfridi coniugem, feminā,  
 in paucis, vnam, adeò Christo sponso addictam, vt cum coniuge,  
 toto matrimonij tempore, illibata virginitatis integritate perman-  
 ferit. Et, quia omnes, cum secunda res sunt maxima, tum maximè me-  
 ditari secum oportet, quo pacto aduersam fortunam ferant, habuit hæc  
 sapientissima virgo cognitissimū, omnia, quæ ægrè facere homini-  
 bus possunt, à Deo sciri, neque sine cāssa permitti. Itaque, vt &  
 illa Numinis amantis acciperet characterem, sub vitæ finem, tu-  
 more fœdo, sub maxilla se colligente, diriter cruciata est. Eum-  
 cruciatum tolerauit non solū patienter, sed etiam hilariter: a-  
 deò, vt animus illius corporis dolore delectaretur. Solebat autem  
 dicere: Scio certissimè, quia meruò in collo pondus languoris porto, in-  
 quo: *iuuenculam memini me superuacua monilium pondera portare, &*  
*credo, quod idè me superna pietas dolore colli voluit granari, vt sic ab-*  
*soluat à reatu superuacua lenitatis; dum mihi nunc, pro auro & mar-*  
*garitis, de collo, rubor tumoris ardorq; prominet.* Alios igitur morbi  
 eohibent, ne peccent; alios è malis bonos, alios è bonis meliores  
 efficiunt. Hoc est illud, *compelle intrare.* Non poterat Absalom  
 impetrare, vt Ioab ad se veniret, idcirco dixit seruis suis: *scitis agrū*  
*Ioab, iuxta agrum meum habentem messem hordei: ite igitur, & suc-*  
*tendite eum igni.* Succenderunt ergo serui Absalom segetem igni, sur-  
 rexitq; Ioab & venit ad Absalom in domum eius. Ita multi ad Domi-  
 num vocati non venirent, nisi eis infortunium immitteret. Imple  
 facies eorum ignominia, & querent nomen tuum, Domine. Quàm mul-  
 ti tum demum respiscunt, cum vident manifestè, sibi omnia infe-  
 liciter cedere? Nemo maledictionem Dei citiùs vitat, quàm qui  
 non ignorat. Ne ignoret igitur, sentit. Innumera docent exempla;  
 naturam plerumq; à *Fortuna bona peiorem, à mala fieri meliorem.*  
 Certè ipse Alexander ictus sapuit: nam sagitta percussus dixit:  
*Omnes iurant, me Iouis filium esse, sed vulnus hoc, me hominem esse cla-*  
*mat.* Sic multi sanantur; quando vulnerantur. Quid enim aliud  
 Chirurgus facit, cum sanguinem mittit? *Sana animam meam* ait  
 ille. Ergo medicum imitatur Deus; percutit & sanat. Hoc virgā  
 illa Moyſis significauit; vt, ad terram sanctam, Israëlitas Moyſes  
 virgā; ita Deus tribulatione homines ad cælum ducit, & reducit.  
 Ducit, ne errent; reducit, si errauerunt. Tantū in virga, tan-  
 tum in castigatione virtutis & momenti continetur.

Beda lib. 4.  
 c. 7. Ecclef.  
 histor. gent.  
 Anglor.

Luc. 14. 23.

2 Reg. 14.  
 30.

Psal. 82. 7.

Ex his



## IX.

Ex his etiam, quod sexto loco enumerauimus, apparet: scilicet virtutes aduersis exerceri; neque enim patientia duntaxat, & fortitudo, & longanimitas; sed etiam spes, sed contemptus rerum humanarum, sed fidelitas & fides; sed charitas erga parentes & patriam, denique tota virtutum familia inuenit ibi caussam triumphandi. Cum aliquis tormenta fortiter patitur, ait Philosophus ille, omnibus virtutibus vitur fortasse, cum una in promptu sit, & maxime appareat patientia. Ceterum illic est fortitudo: cuius patientia, & perperessio, & tolerantia, rami sunt. Illic est prudentia, sine qua nullum inuitur consilium: quae suadet, quod effugere non possis, quam fortissime ferre. Illic est constantia: quae deici loco non potest, & propositum nulla vi extorquente dimittit. Illic est indiuiduus ille comitatus virtutum. Quidquid honeste sit, una virtus facit, sed de consilij sententia. Sed Paulum potius audiamus cum Fortuna decertantem: *Maledicimur, inquit, & benedicimur: persecutionem patimur, & sustinemus: blasphemamur, & obsecramus.* Aiunt struthionem ipsum ferrum posse deuorare, digerere atque in nutrimentum sibi conuertere, quod ex magnitudine atque vigore caloris naturalis proueniat. Cui rei fidem facit, quod à regia audiui lingua narrari; cultrum scilicet, ferreum, in Polonia, habitum & visum, quem cum, per imprudentiam, non nemo ludens deglutiuiisset, diuque inter viscera retinuisset, stomachi calor, ab acie, quae tenuissimus est culter, cæperit consumere. Tanto diuinæ charitatis calore sunt præditi Sancti, ut, veluti spirituales struthiones, maledictionem, in benedictionem, persecutiones in patientiam, blasphemias in orationes nõrunt conuertere. Sic digerunt omnia durissima; sic crudissima omnia concoquunt. Sic atterunt catenas. Sic recipiant ferrum. Sic de Fortuna triumphant, immo sic triumphant Fortunam. Exiguam ignem, exigua aqua extinguit; grande incendium, si ei totas amphoras affuderis, non opprimes, sed ales; quia ipsa aqua in ignem conuertetur. Ita animum pusillum modica tribulatio obruet; fortem etiam magna non vincet, sed faciet fortiozem. Hinc dicitur: *Aqua multa non potuerunt extinguere charitatem, nec flumina obruent illam.* Item: *Quis nos separabit à charitate Christi? tribulatio? an angustia? an fames? an nuditas? an periculum? an persecutio? an gladius?* Et, quia clarum est, aquis significari tribulationem, iuxta illud: *intrauerunt aquæ usque ad animam meam*, sicut arca Noë augmento aquarum non depressa, sed semper magis in-

sublime

Senec. epist.  
67.

1. Cor. 4. 12.

Cantic. 8. 7.

Rom. 8. 25.

Psal. 68. 2.

sublim  
que n  
rerum  
apud  
se ip  
dit, n  
esse  
terr  
leo n  
mari  
Leo  
sus t  
nus  
& p  
pio  
mo  
du  
sup  
dit  
sed  
spe  
uer  
infl  
mas  
uici  
qui  
fud  
For  
ver  
Fo  
M  
co  
fo  
Fo  
de  
in  
fe.

sublime exaltata est; ita omnis virtus tribulatione extollitur, fitque magis conspicua. Qui in fluctibus est atque procellis iactatur rerum aduersarum, tantò ardentius orat; tantò profundius se, apud omnes, demittit; tantò crebrius ad cælum suspirat; tantò se ipsum frequentiùs ad tolerantiam excitat; tantò cautiùs attendit, ne tribulationem tribulatione mereatur. Dicuntur animalia esse eadem similitudine, figurâ, ac nomine in mari, quæ sunt in terris; non tamen eodem ingenio atque naturâ. Leo terrenus, leo marinus; sus terrena, sus marina; coruus terrenus, coruus marinus &c. Grande itaq; inter hæc animalia reperitur discrimen. Leo terrenus ferus est & crudelis, leo marinus mitis & mansuetus; sus terrena immunda, sus marina amans puritatis; coruus terrenus durâ est carnis & ad esum inutilis; coruus marinus tener est & palato gratus; scorpio & araneus terrenus venenatus est, scorpio & araneus marinus nequaquam; aquâ scilicet, ita naturam moderante. Hoc aqua tribulationis idem in hominibus efficit. Da duos homines, felicem vnum, infelicem alterum; videbis illum superbum, istum modestum; illum ebriosum & voluptatibus deditum, hunc temperantem; illum pigrum & desidiosum, hunc sedulum ac laboriosum. Immo pone eundem hominem; in prosperis rebus, *tanquam leo rugiet, quarens, quem deuoret*; in aduersis ferociam ponet, & agno erit mansuetior: secundâ aurâ, instar suis immundus erit ac lasciuiet, cælo nubilo, & ipse lachrymas dabit; læta *Fortuna*, instar corui crocitabit, & omnibus conuiciabitur; *Fortuna* tristi, de omnibus bene loquetur. Denique qui Fortunatus, velut scorpio aut araneus linguæ suæ venena diffudit; is infortunio tactus, sine bile, sine dente erit. In summa, *Fortuna simul cum moribus mutatur*; dixit olim historicus; dixisset veriùs: *Mores simul cum Fortuna mutantur*: nam plerumque *bona Fortuna malos, mala bonos facit mores*.

Sed veniamus ad septimum, & nostra incommoda, cum Martyrum, cum Christi, aut etiam cum damnatorum cruciatibus comparemus. Atque, vt è multis Martyrum millibus vel vnius fortitudinem perpendamus, quis non censeat D. Laurentium à *Fortuna* malè habitum? At innoxius, at pius Xisti minister, at fidelis Ecclesiæ thesaurarius, at prudens dispensator, at pauperum insignis amator, captus, & exquisitissimo tormentorum genere, in ferream cratem catenis immitissimè astrictus, lentoque igne, ad



Perillæam immanitatem, tostus fuit? sæua hæc est *Fortuna*, imo  
 sæuissima, si, præter gliscentes prunas subter, & præter fumantes  
 Martyris atque liquentes artus supra cratem, nihil aspiciamus.  
 Quod si verò Laurentij æstum cum gehennæ incendijs æstimemus,  
 scintilla est, ad Ætnam, gutta ad Oceanum comparata. Sin verò  
 rursus nos nostræ *Fortunæ* iram, non iam ad Acheronticos lacus,  
 sed vel ad D. Laurentij cruciatum trutinemus, vix tenuis quædam  
 umbra erit, nec gemitu digna. Sed ipsum Christum, tota vita pa-  
 tientem nobis proponamus, & deprehendemus, quàm paruum ille  
 nobis calicis sui portionem reliquerit exhauriendam.

XI.  
 S. Chrysoft.  
 epist. I.

Ioan. 8.

*Christus Dominus*, ait D. Chrysostomus, statim, ut in lucem  
 prodijt, ab incunabulis in exteram terram fugitiuus, ob regem persecuto-  
 rem, migravit, in barbarorum scilicet regionem itinere distantem. Quæ  
 quidem ex saussa ingens vis cruoris effusa est; & tenera ætas, non secus  
 ac in prælio, concidebatur. Quid hac tragedia crudelius? & hæc ab eo  
 perpetrabantur, qui Dominum ad necem quarebat. Hæc Deus aspiciens,  
 cum prohibere posset, tolerabat. Postquam autem à barbarorum regio-  
 ne in patriam redijt, & ætate auctus est, bellum undiq; aduersus eum  
 excitabatur. Ac cum primum miracula edere capit, quot calumnijs  
 appetitus est? Alij enim Samaritanum eum, & arreptitium appella-  
 bant, his verbis: Samaritanus es tu, & dæmonium habes: alij im-  
 postorem dicentes: Hic non est à Deo, sed seducit turbas: alij præsti-  
 giatorem: In Beelzebub, dicebant, eijcit dæmonia, & improborum  
 hominum amicum eum vocabant. Deniq; aduersus eum quotidie acuo-  
 bant dentes. Passionis verò tempore, unus discipulorum eum prodidit: alij  
 in fugam se contulerunt: alius abiuravit: cumq; omnes fugissent, so-  
 lus ipse victus ducebatur. Quot igitur homines, qui non ita pridem eum  
 res miras efficientem, mortuos excitantem, leprosos purgantem, demones  
 expellentem, panes fontis more scatulentem, ac deniq; alia miracula  
 perpetrantem vidissent, eo tempore, offensos fuisse putas, cum eum solū ab-  
 duci ac victū teneri conspicerent, vilibus & abiectis militibus eum cin-  
 gentibus, & Iudaicis sacerdotib; à tergo sequentibus, ac tumultuantibus,  
 & hostes omnes solum eum sibi hærentem, in medio habentes; præsentem  
 que proditorem insolentem. Quid, cum flagris cederetur? verisimi-  
 le autem est innumeram multitudinem tunc adfuisse. Erat enim fe-  
 stum perillustre, quod omnes congregabat, & in ciuitate metropoli, in tem-  
 pore meridiano. Quot igitur mortales tunc affuisse existimas? qui cum  
 eum victum, flagris affectum, cruore stillantem, & ad præfecti tribu-  
 nal,

nal, causam dicentem, nec discipulorum quenquam presentem cerne-  
rent, animis essent offensi? Quid cum Pontificis seruus alapam impin-  
geret ipsi? quid cum vapularet? quid cum ad crucem duceretur? & in cruce tolleretur? quid cum dicerent: Vah qui destruis templum. Math. 27.  
Dei, & in tribus diebus reedificas illud? Alios saluos fecit, se-  
ipsum non potest saluum facere. Si Filius Dei es, descende de  
cruce, & credimus tibi? quid cum Barabbam illi prætulerunt? hinc  
enim probare volebant, quod latrone quouis sceleratior esset. Ea deniq;  
de causa inter duos latrones crucifixerunt. Sed tamen veritas non modo  
propterea non obscurabatur, verum etiam splendidius eluxit. Deus enim  
pro sua lenitate id ferebat, arcana sua sapientia omnia administrans.  
Et quamuis post resurrectionem, eius discipuli rursum metu in fugam  
uersi in summo angore versari ceperint: sic quoq; res Ecclesie semper au-  
gebantur, & per miracula vigeant, & quæ minus lata principia ha-  
buerunt, incundos exitus demonstrarunt. Hæc S. Pater.

Quoties ista animo occurrunt, occurrere debet & illud: XII.  
si in viridi ligno hæc faciunt, in arido quid fiet? si Deus Filio suo vni. Luc. 23. 31.  
genito non pepercit, cur nos non vellemus, etiam in nostro cor-  
pore, stigmata IESU Christi portare? Vrias inuitatus, immo iussus  
à David rege, vt in domum suam iret, & à belli labore requiesce-  
ret, respondit: *Arca Dei & Israël & Iuda habitant in papilionibus,* 2. Reg. 11.  
*& domus meus Ioab, & serui Domini mei super faciem terra manent;*  
*& ego ingrediar domum meam, vt comedam & bibam, & dormiam*  
*cum vxore mea? per salutem tuam, & per salutem anima tua, non fa-*  
*ciam hanc rem.* Hoc eodem argumento vtuntur, qui acerbissima,  
quæ Christus tulit, animo habent memoriæque infixæ. Dux meus,  
inquiunt, & Conditor totius Mundi, paruulus è patria fugere ab  
Herode compulsus est; & ego Fortune irascar, quæ me exulem  
fecerit? Dominus meus, pro tot miraculis ac beneficijs, tantis  
blasphemijs est affectus, & ego insaniam, si me frater meus dicto  
momordit; immo si eum alius nequiter mentitur, momordisse?  
Redemptor meus à suo discipulo proditus est; & ego tanti faciam  
falsorum fratrum delationes, accusationesue à cæci animi vindi-  
ctâ prouenientes? At nocent? at nulla calumnia caret effectu?  
nec semper, qui iudicant, iudicant sine affectu? dignos deiciunt  
de gradu, manifestè indignos, sanguine coniunctos, vel adulatio-  
ne gratiosos promouent? Etiam Iudæi Barabbam Christo præpo-  
suerunt; homicidam ei, à quo vita mortuis est restituta. A ta-



libus iudicibus tale iudicium tulit summus iudex. Dic tu: Domino meo hæc acciderunt, & ego me illo putabo meliorem? *Non faciam hanc rem?* At homines, qui me antè suspexerant, iam contemnunt & rident? Contigit & hoc Christo, quem tantorum miraculorum patratores, inter iniquos, deputauerunt, atque, in medio latronum, cruci affixerunt. Seruatorem imitantur, non qui risum cachinnis compensant; sed qui nōrunt tacere, dum incælum clamant iniuriæ, quas patiuntur.

## XIII.

Io. Iouuius  
in vita S. Lu  
dou. regis  
Franci. c. 42.

Scribit Io. Iouuius, Principem Saracenum, belli sacri tempore, ad proceres Francos, in Ægypto, captiuos, salutatum accessisse, atque ex illis interrogasse, *Num in unum Deum crederent, qui ex Virgine natus, in cruce affixus mortuusq. esset, dieq. tertio se in vitam reuocasset?* Quibus, ita se credere, affirmantibus, addidit: *Eos neq. fracto animo, neq. mœstos esse debere, si tantulam calamitatem subirent, eius nomine, qui extrema supplicia, pro ipsis exantlasset; eosq. nondum ad mortem vsq. pro eo, decernasse: qui si tanta fuerit potestas, ut, triumphata morte, se ipse à sepulchro excitaret, certo in animum indacere oportere, fore, ut etiam ipsos breui calamitatibus illis eximeret.* Iocosa, an seria fuerit illa consolatio, non habeo dicere; veram fuisse probauit secuta procerum libertas. Et planè vera est hæc

Exod. 15. 23.

S. Augustin.  
quæst. 53. in  
Exod.

S. Gregorius  
Nyssen. lib.  
de vita Moy  
sis.

Matt. 20. 22.

S. Chrysost.  
homil. 66. in  
Matth.

Act. 14. 22.

consolatio, iam dudum adumbrata, quando, Israëlitis, in deserto, ad bibendum, nihil aliud, quàm amarissimas habentibus aquas, Deus Moyfi lignum ostendit, quod cum misisset in aquas, in dulcedinem versæ sunt. *Per lignum, aquas dulces fecit, præfigurans gloriam & gratiam crucis*, ait S. Augustinus. *Poterat Deus, inquit, S. Gregorius Nyssenus, solo verbo aquam potabilem facere, sed per lignum id voluit prestare, ut typum salutiferæ crucis indicaret.* Itaq; lignum crucis rerum tristitiam amaritiam in dulcedinem nobis vertit, quando perpendimus, exiguum nobis scyphum propinari de eo & absinthio, & aceto & felle, cuius tota maria exhausit Christus: qui non sine causa dixit: *Potestis bibere calicem, quem ego bibiturus sum?* Addidit autem, *quem ego bibiturus sum, Vi communicatione laborum, cum Christo, promtiores redderemur*, ait os illud aureum. Quòd si Christum oportuit sic pati, & ita intrare in gloriam suam, nonne oportet etiam seruos illius, eadem viâ sequi? An, Domino felle saturato, mancipia eius mulsum exigent? At *Dulcia non meruit, qui non gustauit amara: & sicut Paulus & Barnabbas prædicauerunt: per multas tribulationes, oportet nos intrare in regnū Dei.*

Atque

Atque hoc octauum est inimicæ *Fortuna* remedium, quod XIV.  
identidem Christus ipse discipulis inculcavit: *Beati eritis, cum vos*  
*persecuti fuerint homines, & dixerint omne malum aduersum vos men-* Matth. 5. 11.  
*tientes, propter me, gaudete & exultate, quoniam merces vestra copiosa*  
*est in calis.* In quæ verba Imperfecti operis author ait: *Similes peri-*  
*culum belli sustinet, dum sperat victoria prædam; quanto magis nos op-*  
*probria mundi non debemus timere, qui regni celestis præmia speramus?*  
Item: *Pensate confusionem hanc terrenam cum gloria illa celesti, & v-*  
*edete, si non multo lenius est, quod patimini super terram, quàm quod ex-*  
*pectatis in calo.* Hoc significabat iter Israëlitarum, qui prius, per Exod. 15. 27.

mare rubrum transire, quàm ad palmas, in terra Elim, peruenire,  
debuerunt. Palma est celestis gloriæ symbolum: qua de causa,  
vidit Ioannes multitudinem beatorum innumerabilium palmas Apoc. 7.  
manibus gestantium. Palmæ sunt signa victoriæ. Victoria sine pu-  
gna non venit: quàm, etiam in sanctis præcessisse, ibidem aperuit  
senex vnus beatorum palmam manibus gestantium, nam ad Ioan-  
nem accedens dixit: *Hi qui amicti sunt stolis albis, qui sunt, & unde*  
*venerunt? cui Ioannes: Domine mi, tu scis, & dixit mihi: Hi sunt, qui*  
*venerunt de tribulatione magna, & lauerunt stolas suas, & dealbaue-*  
*runt eas in sanguine Agni. Ideo sunt ante thronum. Per sanguinem*  
*igitur, aut per tribulationem, non quamcunque, sed per magnam,*  
*velut per mare quoddam Erythræum ac rubrum, itur ad palmas*  
*illas. Nisi præcesserit pugna, ait S. Cyprianus, non potest esse victoria;* S. Cyprian.  
*tunc datur vincentibus corona. Nam gubernator, in tempestate diagnosci-* ferm. de  
*tur. In acie miles probatur. Delicata iactatio est, cum periculum non* mortalita-  
*est. Conflictatio in aduersis, probatio est veritatis. Arbor, qua alta* te.  
*radice fundata est, ventis incumbentibus non imbuetur; & naus, que*  
*forti compage solidata est, fluctibus pulsatur, sed non frangitur.*

Ita se fecisse testatur Apostolus dicens: *Bonum certamen* XV.  
*certavi, cursum consummaui, fidem seruaui, nempe in carceribus, in* 2. Timoth.  
*flagris multis, in mortibus frequenter. Cur ita? quia in reliquo reposi-* 4. 7.  
*ta est mihi corona iustitiæ, quam reddet mihi in illa die iustus index: non*  
*solum autem mihi, sed & ijs, qui diligunt aduentum eius. Siquidem*  
*omnes, qui pie volunt vivere in Christo IESU, persecutionem patientur.* 2. Timoth.  
Quibus solatium ingens affert idem Paulus his verbis: *Quod momen-* 3. 12.  
*taneum est, & leue tribulationis nostræ, in sublimitate, æternum gloria* 1. Cor. 4. 17.  
*pondus operatur in nobis, non contemplantibus nobis, que videntur, sed*  
*qua non videntur. Leuem tribulationem vocat, non in se ac natura*  
*sua,*



S. Chryso-  
stom. 16. ad  
pop.

Hacbal-  
dus  
Elnonensis  
in vita eius,  
apud Sur. 30  
Januar.  
Eccl. 7. 8.

fua, sed comparatione futurorum præmiorum. Sicut enim merca-  
tor non sentit nauigationis laborem, lucrorum spe releuatus; & pugil ge-  
nerose fert corporis vulnera, coronam respiciens: ita & nos caelestia in-  
tendentes bona, quaecumq; inferantur graua, generose feremus, bona fu-  
turorum spe roborati. Legimus de S. Adalgunde, eam ita Deo charam  
fuisse, vt, missis de cælo Angelis, ad tristitia quæque, animo forti,  
lætæque, patienda, illam firmaret. Inter grauissima, quæ robustam  
etiam virtutem quatunt, est calumnia. Ea enim, vt in diuinis est,  
etiam conturbat sapientem, & perdet robur cordis illius. Igitur & A-  
delgundis audierat aliquando, nomen suum à perueris homini-  
bus & inertio deditis, maledictis proscindi, & apud alios, cum  
non mediocri quorundam offensione, iniuste traduci. Vnde illa,  
quæ est humane fragilitatis conditio, aliquantulum cruciari capit. Cui  
mox in medijs fluctibus, Angelus adfuit, & suauibus eam verbis domul-  
cens: Quid, inquit, ô virgo dulcissima, maleuolorum hominum inuidia  
te conturbat, cum tibi caelestis regni gloria; illis verò, nisi respiciant,  
æternum gehennæ supplicium paratum sit? Talibus illa recreata sermo-  
nibus, nihili deinceps obloquentium vanitates faciendas putauit.

XVI.

Eam ferit ærumnarum copiam Fortuna, vt finis alterius  
mali, gradus sit futuri; immo vt læta omnia raro, sine infelicitate  
aliqua, eueniant. His terra scatet. Vt ergo à cælo remedium petā-  
mus, vbi erit finis ærumnarum, & miseria in æternam felicitatem  
mutabitur, natura.

Ouid. 1. Me-  
tam.

Laſtant. lib.  
de Opific.  
Dei. cap. 8.

Os homini sublime dedit, calumq; tueri,  
Iussit & erectos ad sidera tollere vultus.  
Cum enim statuiſſet Deus, ex omnibus animalibus, ſolum hominem fa-  
cere caelestem, cetera vniuerſa terrena; hunc ad cali contemplationem,  
rigidum erexit, bipedemq; conſtituit; ſcilicet vt eadem ſpectaret, vnde  
illi origo eſt; illa verò depreſſa ad terram; vt, quia nulla his immortali-  
tatis expectatio eſt, toto corpore in humum proiecta, ventri pabuloq; ſer-  
uirent. Hominiſ itaq; ſolius ratio eſt, & ſublimis ſtatus, & vultus Deo  
Patri communis, ac proximus, originem ſuam ſictoremq; reſtaur. Ha-  
bet ergo cynoſuram, ad quam, in omni negotio, reſpiciat, actio-  
nesque ſuas dirigat. Si hinc laborat, ibi quieſcet; ſi hinc flens mittit  
femina ſua, ibi eum gaudio metet, quod ſeminauit: ſi hinc premi-  
tur, ibi coronabitur: ſi hinc Fortunam contemnit, ibi verè fiet non  
iam fortunatus, ſed beatus. Eant ſanniones, ac cilones, & cachin-  
nis excipiant vexatos; ſint illis in deriſum & ſimilitudinem impro-  
perg

Sap. 5.

perj innocentes, vitam illorum, æstiment insaniam, & finem illorum sine honore. Veniet tempus, quo palinodiam canent, & seipfos fatebuntur insaniuisse. Cum agricola semina, multo cum labore collecta, seminauerit, inquit S. Chrysostomus, si adsit aliquis agricultura ignarus, omnia, qua fiunt, cernens, admirabitur, & fortè dicet: Quid hic homo tandem facit? Collecta dissipat, nec dissipat tantum, sed & terræ cum multa cura commiscet, ne facile colligi possint: nec commiscet tantum terræ, sed & optat, vehementem fieri pluuiam, ut proiecta marcescant, & lutum fiat. Qui etiam turbabitur, cernens fulmina & corrusionem deferræ. Agricola verò, non ita, sed letabitur tempestatem, cernens: non enim presentia respicit, sed futura expectat: non respicit ad fulmina, sed manipulos computat: non marcescentia semina, sed vernantes spicas, non grauem imbrem, sed iucundissimam aræ ventilationem. Idem & nos, non presentem spectemus laborem, sed orientem ex eo utilitatem, & ex eo nascentem fructum. Labor arrha est, calum corona. Ita, teste Blosio, S. Gertrudis diuinitus intellexit, quod, quemadmodum annulus est signum desponsationis, ita aduersitas tam corporalis, quàm spiritalis humiliter propter Deum tolerata, est verissimum signum diuine electionis, & quasi desponsatio animæ cum Deo: tantum, ut grauatius quisq; confidenter dicere possit hac verba: **AN NVLO SPO SVBARRAVIT ME DOMINVS MEVS IESVS CHRISTVS.**

S. Chrysost.  
homil. 3. ad  
pop.

Lud. Blosius  
in Monili  
spir. c. 10.

## CAPVT XXXII.

*A Fortuna excacatis, oculos aperiri, si velint considerare quid futura, quid presens ferat felicitas.*



Aradoxum videri potest, si quis dicat, neminem felice esse infeliciorem, & infelice nullum feliciorum, si Fortunam ferre nōrit: sed profecto oraculum est, iam olim à D. Augustino, his verbis prolatum: Nihil est infelicius felicitate peccantium, quæ pænalis nutritur impunitas; & mala voluntas, velut hostis interior, nutritur. Quin & infelicem, in hac vita, felicem esse, haud inuiti fatemur, si quæ huc vsque differuimus, seriò expendere velimus, & presentia placeat cum futuris in trutinam mittere. *Christiani non finis,*

L.

S. Augustini.  
epist. 5. ad  
Marcellin.



S. Augustin. *simus*, ait S. Augustinus, nisi propter futurum seculum. Nemo praesentia in Psal. 101. bona speret. Nemo sibi promittat felicitatem Mundi, quia Christianus est:

sed utatur felicitate praesenti, ut potest. Quo modo potest? quando potest? cum adest, consolationi Dei gratias agat; ubique sit gratus, nusquam sit ingratus: & patri consolanti, & blandienti, & patri emendanti, & flagellanti, & disciplinam danti gratus sit. Amat enim ille semper, siue blandiatur, siue minuitur. Sed magis amat, cui maiorem destinat felicitatem. Quae ergo maior sit felicitas, eodem Augustino iudice, decidatur: immo ipsa utraque felicitas decidat, dum se se ipsam, quid sit, declarat. Nam, licet infiniti ad finitum nulla sit proportio, atque idcirco aeterna beatitudo cum huius vitae fluxa voluptate, non secus atque Oceanus cum riuulo, immo longè dissimilius comparatur; humanis tamen affectibus ita nonnullorum mentes excæcantur, ut praesentis vitae delectatio, non solum maior, quam re ipsa est, sed etiam futuris aeternis gaudijs anteferenda videatur: quemadmodum etiam furiosis & ebrijs omnia duplicia

Lactant. lib. de Opific. Dei. cap. 9.

apparent. Nec tantum hoc ebrijs aut insanis accidit, sed etiam sanis ac sobrijs, ait Lactantius. Nam si aliquid nimis prope admoueat, duplex videbitur. Certum est enim intervallum ac spacium, quo acies oculorum coit. Item si retrorsum auocet animum, quasi ad cogitandum & intentionem mentis relaxet; cum acies oculi utriusque deducitur, tunc singuli videre incipiunt separatim. Si animum rursus intenderis, aciemque direxeris; coit in unum, quidquid duplex videbatur. Quid ergo mirum, si mens pueneno ac potentia vini dissoluta, dirigere se non potest ad videndum, sicut nec pedes quidem ad ambulandum, nervis stupeficientibus debiles? aut si vis furoris in cerebrum saniens, concordiam disungit oculorum? Hoc idem accidit illis, quos non iam Circe, sed Babylonia meretrix suo poculo inebriat, dementat, illecebrisque ad insaniam redigit. Nimis prope admonent sensuum delectamenta; nimis inhiant voluptati: neque, animo retrorsum auocato, possunt rectè inspicere, quid Fortuna ridens secum ferat insidiarum ac miseriarum. De his dictum est: Palpabunt quasi in tenebris, & non in luce, & errare eos faciet, quasi ebrios. Ad hos dictum est: Expergiscimini ebrijs, & flete, & ululate omnes, qui bibitis vinum in dulcedine. Venite, gustate & videte, quoniam suavis est Dominus: beatus vir, qui sperat in eo.

Iob. 12. 25.

Ioel. 1. 4.

Psal. 33. 9.

II.

Gustum nobis praebet maioris voluptatis, D. Augustinus, ut dixi, cuius haec sunt. Quanta erit felicitas, ubi nullum erit malum, nullum

nullum latebit bonum, vacabitur Dei laudibus, qui erit omnia in omnibus. Nam quid agatur, ubi, neque, vlla desidia cessabitur, neque, vlla indigentia laborabitur, nescio. Admoneor etiam sancto cantico, ubi lego, vel audio. Beati, qui habitant in domo tua, Domine, in secula seculorum laudabunt te. Omnia membra & viscera incorruptibilis corporis, quae nunc videmus, per usus necessitatis varios, distributa, quoniam tunc non erit ipsa necessitas, sed plena, certa, secunda, sempiterna felicitas, proficiet in Dei laudibus. Omnes quippe illi, de quibus locutus sum, qui nunc latent harmonia corporalis numeri, non latebunt intrinsecus & extrinsecus, per corporis cuncta dispositi, & cum ceteris rebus, quae ibi magis mirabiles videbuntur, rationales mentes in tanti artificis laudem rationabilis pulchritudinis delectatione succedent. Qui motus illic talium corporum sint futuri, temere definire non audeo, quod excogitare non valeo. Tamen & motus, & status, sicut ipsa species decens erit, quicumque erit, ubi nihil, quod non decebit, erit. Certè, ubi volet spiritus, ibi erit protinus corpus: nec volet aliquid spiritus, quod nec spiritum possit decere, nec corpus. Vera ibi gloria erit, ubi laudantis, nec errore quisquam, nec adulatione laudabitur. Verus honor, qui nulli negabitur digno, nulli deferetur indigno; sed nec ad eum ambiet ullus indignus, ubi nullus permittetur esse, nisi dignus. Vera pax ibi est, ubi nihil aduersi, nec à seipso, nec ab alio quisquam patietur. Praemium virtutis erit ipse, qui virtutem dedit, & qui seipsum, quo melius, aut maius nihil possit esse, promissit. Quid est enim aliud, quod per Prophetam dixit: Ero illorum Deus, & ipsi erunt mihi plebs: nisi, Ego ero, unde satientur: ego ero, quidquid ab omnibus honestè desideratur, & vita, & salus, & victus, & copia, & honor, & pax, & omnia bona. Sic enim & illud rectè intelligitur, quod ait Apostolus. Ut sit Deus omnia in omnibus. Ipse finis desideriorum nostrorum, qui sine fine videbitur, sine fastidio amabitur, sine fatigatione laudabitur. Hoc munus, hic affectus, hic actus profecto erit omnibus, sicut ipsa vita aeterna, communis. Ceterum, qui futuri sunt, pro meritis praeiorum, etiam gradus honorum atque gloriarum, quis est idoneus cogitare, quanto magis dicere? Quod tamen futuri sint, non est ambigendum. Atqui etiam illa beata ciuitas magnum in se bonum videbit, quod nulli superiori ullus inferior inuidebit: sicut nunc non inuidet Archangelis Angeli ceteri: tanquam nolit esse unusquisque, quod non accepit; quamuis sit pacatissimo concordiae vinculo ei, qui accepit, obstrictus, sicut nec in corpore vult oculus esse, qui est digitus, cum membrum utrumque contineat totius carnis pacata compago. Sic itaque, habebit donum aliis a-

S. Augustin.  
lib. 22. de  
Ciuit. c. 30.



1. Cor. 13.

12.

1. Cor. 2. 9.

S. August. de

Salutarib.

document.

cap. 56.

## III.

Idem. in

Psal. 109.

Idem. lib. de

vera inno-

cent. c. 199.

Et 1. 50. ho-

mil. hom. 10.

Idem. serm.

26. in Ioan.

Idem. in Psal.

26.

lio minus, ut hoc quoque donum habeat, ne velit amplius. Hæc est alterius vitæ felicitas, vel umbra potius felicitatis. Nam quidquid nunc videmus, per speculum videmus & in enigmate duntaxat, siquidem oculus non vidit, nec auris audiuit, nec in cor hominis ascendit, quæ preparavit Deus ijs, qui diligunt illum. Ex his talibus principijs, facit hanc deductionem idem S. Pater. Nihil nos terreat mundi infelicitas. Quia si istam infelicitatem mundanam Sancti D E I omnes immisissent, perpetuam felicitatem non haberent. Si felicitas huius mundi transitoria diligitur hic, perpetua non inuenitur. Ad perpetuam felicitatem tendamus, ubi patriam & parentes habemus; patientissime omnia huius mundi mala, pro Christi nomine, toleremus. Quid est, quod toleretur, contra illud, quod nobis promittitur? Apostolus inquit, non sunt condigne passionibus huius temporis, ad futuram gloriam, quæ reuelabitur, in nobis. Nulla ergo nos terreat prossura, nulla calamitas frangat.

Intueamur nunc etiam, quæ sit huius vitæ Fortuna, quæ felicitas? ex eiusdem Patris sententia. Primum, temporales res nemini conferunt veram felicitatem, quia non eximunt insatiabilem cupiditatem. Qui enim biberit ex hac aqua, sitiet iterum. Secundò, Nunquam debet securæ esse felicitas: quia periculosiora sunt animo securæ, quam corpori aduersa. Prius enim corrumpunt prospera, ut inueniant aduersa quem frangant. Tertiò, quia non colimus Deum, ut hinc felicitatem habeamus. Quanti illam habent, quia non colunt Deum? Ut hinc senescamus, & decrepiti efficiamur? Quanti senescunt blasphematores Dei? Nec ideo colendus est Deus, ut cultores illius habeant filios, & non sint steriles. Filios enim Deus & onagris & serpentibus dat. Non ergo pro magno & vero bono petendum est, quod & Indeis, & Paganis, & hæreticis, etiam & ipsis bestiis datur. Aurum enim & argentum, & honores, & filios, & patrimonia multi habent etiam mali. Quartò, quia non permittit Deus malos esse felices, sed ideo malus felix putatur: quia quid sit felicitas, ignoratur. Vnde, si idem est felicitas, quod Fortuna, ignorans fuit Lucanus, qui dixit: *Servat multos Fortuna nocentes.* Non Fortuna illa fuit, sed infortuniū. Quid ita? Quia felix vocatur quisque, quando, quod amat, habere videtur. Verè autem felix est, non si habeat, quod amat, sed si id amet, quod amandum est. Multi enim miseri sunt magis habendo, quod amant, quam carendo. Amando enim res noxias miseri sumus, habendo miseriore. Et propius Deus, cum male amamus, negat, quod amamus: iratus autem dat amanti, quod male amat.

Ac, ne

Ac, ne erremus in vocabulo, apud stolidos, idem est felicitas, quod *Fortuna*; quæ differunt plurimum, apud sapientes. *Quia* *Fortuna* potest esse mala; felicitas autem si mala fuerit, felicitas non erit. Dicunt Philosophi, quod felicitas est, quam boni habent, præcedentibus meritis, *Fortuna* verò est, quæ dicitur bona, sine ullo examine meritum, fortuito accidit hominibus & bonis & malis, unde etiam *Fortuna* nominatur. Quo modo ergo bona est, quæ sine ullo iudicio venit & ad bonos & ad malos, velut ceca & in quoslibet irruens? Sed demus hoc vulgo, & *Fortunam* vocemus felicitatem; videamus autem, quænam illa sit, & quàm præclara felicitas? & an non sit, præ illa verà atq; sempiternà meritò contemnendà? immo an non calamitas præoptanda? Siquidem ipsa, quæ in rebus humanis vocatur felicitas, plus est timenda, quàm miseria. Quandoquidem miseria plerumq; affert ex tribulatione fructum bonum: felicitas autem corrumpit animum peruersa securitate, & dat locum diabolo tentatori. Sed hanc causam, secundò iam loco, attigimus. Ad quam etiam pertinet, quod homines, ut ærumnis molliuntur, ita prosperitate fiant duriores. Vnde, quem in hac quæstione iudicem elegimus, idem Augustinus iubet nos, non intendere in homines, qui prosperantur in hoc seculo felicitate falsa atq; ventosa & prorsus seductoria: ubi nihil aliud nutriunt, nisi superbiam, & cor eorum congelascit aduersus Deum, & fit durum, aduersus imbrem gratiæ ipsius, ne fructum ferat. Presumentes enim, omnia sibi abundare, quæ videntur huic vitæ necessaria, & ultra quàm necessaria extolluntur. Et cum sint homines, per iniquitatem, inferiores omnibus hominibus, per superbiam, superiores se putant omnibus hominibus. Atq; utinam, vel sicut alios homines se esse deputarent.

Quidnam igitur est felicitas illa seductoria? quid *Fortuna* tam bella, quæ, apud mortales, adeò multum valet, ut dicta sit, omnipotens? In primis copia diuitiarum: deinde magnitudo honoris; potentia; nomen illustre & clarum; corporis robusta valetudo; amici; & quidquid optant humana vota. Quod ad diuitias attinet, sinxerunt sanè Xenophon Atheniensis, & Callistonicus Thebanus *Fortunæ* simulachrum Plutum infantem gremio gestantis. Atqui Plutum *Fortuna* pluribus ostentat, quàm donat: alluciendo fascinat, non locupletat. Hinc *Fortuna*, apud Romanos, *Viscata* dicta, quod homines eminus capteret; & adeò quidem, ut *Fortunæ* aureæ effigies in cubiculis Principum olim poni soleret, quæ ipsidem morientibus, in successorum manus traderetur. Sic

I V.

S. Aug. l. 4.  
de ciuit. cap.  
18.

S. August. in  
Psal. 68.

S. August. in  
Psal. 124.

V.

Pausan. in  
Boeoticis,



Spartian. in  
Seuero.

enim de Antonino Pio moriente Iulius Capitolinus scribit : *Tertia die, cum se grauari videret, M. Antonino Rempub. & filiam, praesentibus Praefectis, commendauit, Fortunamq, auream, quae in Principum cubiculo poni solebat, transferri ad eum iussit. Et de Seuero Spartianus : Fortunam regiam, quae comitari Principes, & in cubiculis poni solebat, geminare statuerat, ut sacratissimum simulachrum viriq, relinqueret filiorum : sed cum videret, se perurgeti, sub horam mortis dixisse fertur, ut alternis, apud filios Imperatores, in cubiculis poneretur. Igitur seruabatur, fortuna aurea, in Imperatorum cubiculis, quasi regni fatum; quasi Palladium quoddam, quasi Dea felicitatis : sed Dea inconstans, vaga, leuis.*

# VI.

Tacitus 3.  
Annal.

Phil. quod  
Deus sit im-  
mutabilis.

Dio lib. 58.

Senec. lib. 6.  
de Benefici-  
is.

S. Aug. l. 5.  
de Ciuit.

Itaque, sicut illa in caelo est aeterna, ita haec diaria est felicitas, & trallaticia; quae, in statua sua, aurea, reipsa vitrea est, cum splendet, frangitur. Quod testantur complures. Tacitus ait : *Nihil rerum mortalium tam instabile & fluxum est, quam potentia non sua vixit. adeo, ut Fortunam citius reperiatis, quam retineatis.* Ad stipulatur Philo his verbis : *Nihil est, quod mortales tanto affectu desiderant, re ipsa nihil : sed umbra, aut aura, antequam subsistat, praetercurrens. Accedit, & recedit, Euripis, & aetibus maris similis.* Subscribit & Dio, quo teste, Seianus luculentum Fortune ludibrium, Fortunam Seruij Tullij, quam domi superstitiosè habitam libationibus & sacrificijs colebat, repente vidit se auertentem, expertus postea, quod in imagine vidit prius. Sed, antè omnes, graphicè Seneca, *Omnia, inquit, ista, quae vos tumidos, & supra humana elatos obliuisci cogunt nostrae fragilitatis, quae ferreis claustris armati : quae ex alieno sanguine rapti vestra defenditis : propter quae classes cruentaturas maria deducitis : propter quae quassatis vrbes, ignari quantum telorum in aduersos Fortuna comparet : propter quae, ruptis toties affinitatis, amicitiae collegij, federibus, inter contententes duos, terrarum orbis elisus est. Non sunt vestrae, in depositi causa sunt; iam iamq, ad alium Dominum spectantia : aut hostis illa, aut hostilis animi successor inuader.* Sed audiamus iterum iudicem Augustinum, cuius haec sunt : *Non nos vel filios nostros felices diuitia terrena faciunt : quae nobis viuentibus amittenda sunt; vel à quibus nescimus, vel fortè à quibus nolumus possidenda. Sed Deus felices facit, qui est vera opulentia mentium. Verè Poeta.*

*Fortuna immeritos auget honoribus.*

*Fortuna innocuos cladibus afficit.*

*Iustos illa viros pauperie grauat.*

*Indignos eadem diuitijs beat.*

Qua.

Quanam ergo potest esse in diuitijs felicitas? Acquiruntur, non sine cura ac labore, & plerumque non sine scelere; possidentur sapius à malis, nec sine litibus & anxietate; amittuntur cum dolore. Parum hoc esset, nisi etiam cum illis toties amitteretur felicitas sempiterna. Atq; vt infelix hæc felicitas tantò promtius spernatur, docet S. Ambrosius ideò pro vera haberi felicitate eam nò posse, quia si non est scelerata, saltè facit sceleratos. *Oremus hic*, inquit, *potius laborem subire, vt in regno celorum consolatiorem quietis aterna mereamur adipisci.* Magna enim illecebra delinquendi est rerum affluentia secundarum. Supinat, extollit, obliuionem auctoris infundit. Considera illum diuitem in Euangelio supra ostrum & purpuram recumbentem, cuius de mensa micas iustus ille pauper Lazarus colligebat. Nonne videtur tibi diues ille ad Dominum dicere: Discede à me, vias tuas scire nolo? Et verè noluit scire huius vias Domini. Si enim vellet, cognosceret. Sed quia plena sunt laboris, fugiuntur & declinantur à perditis. Quasi ebrui itaq; non recognoscit salutis auctorem. Deinde conuersus ad compotores suos. Manducemus, inquit, & bibamus: quid prodest, si seruiamus ei? Aut quæ utilitas, si obseruamus eum? Hæc itaq; dicit secularium rerum abundantia temulentus, quia in seculo continuo scelerum meritò non rependuntur. Supinabatur enim, quia in manibus ei ad voluptatem omnia suppetebant; & conscius impietatis suæ cuius pœna sequestrabatur, putabat, quòd Deus impiorum scelera non videret. Non autem Deus, sed ipse non videbat, à cæco Pluto exoculatus.

VII.

S. Ambrosius in tract. de secunda interpellat. Iob.

Monymus, authore Laërtio, erat Corinthij cuiusdam Træpezitæ seruus: qui cum Philosophiæ amore teneretur, cuperetque maximè operam dare Diogeni, neq; tamen hoc ipsum à Domino posset precibus vllis impetrare, simulatâ insaniâ, moneram cæpit spargere; eo modo dimissus, ad Philosophiam se conuertit, Diogenemque secutus est. Hunc modum tenent, qui veram sapientiam sectantur: pecunias abijciunt, omnia quæ possident, abdicant, ne vitij irretiti à cælesti Philosophia retrahantur. Videntur quidem insanire, sed illis duntaxat, qui olim dicent: nos insensari, vitam illorum aestimabamus insaniam, ecce quomodo computati sunt inter filios Dei. Tales filij fuere, quotquot, paupertatem amplexi, cum Benedicto, Bernardo, Francisco, Ignatio, aliisque Sanctis, nudi omnibus diuitijs, nudum Christum sequi voluerunt; paupertate atq; inopia felices; qui abundantia & opibus miseri extitissent.

VIII.

Sap. 5.



IX.

Hebr. 10. 34

Surius 23.  
Ianuar.

Verum illi quoque facile iacturam bonorum suorum passi sunt, qui se *Fortuna* bonis, ipsius *Fortuna* inconstantia, immo Numinis providentia aut voluntate, priuatos intellexerunt. Tales fuere, ad quos Apostolus scribit: *Rapinam bonorum vestrorum, cum gaudio suscepistis, cognoscetes vos habere meliorem & manentem substantiam.* Talis fuit S. Ioannes eleemosynarius Alexandriae Episcopus. Tredecim Ecclesiae Alexandrinae naues oneratae, in Adriatico mari, magno naufragio, omne onus, quod erat ter mille & trecentarum librarum auri, prodegerant: ipsae inanes in Alexandriae portum redierunt. Illi igitur, quibus nauium cura concredita fuerat, e portu, ad templum confugerunt, tanquam ad securitatis asylum. Quod cum Patriarchae relatum fuisset, illico Numini, propter hoc quoque, gratias egit; deinde ad nautas & naucleros misit litteras remissionis, ea sola, quae Iob dixit, dicens: *Dominus dedit, fratres, Dominus abstulit. Egremini ergo, pro hoc nullum timentes periculum.* Dominus enim erit sollicitus de craftino. Cum autem multi ex ciuibz venirent ad eum consolandum, prior ipse eis dixit: *Non oportet vos, o fratres, tristitia affici propter periculum nauium, cuius ipse solus sum causa. Nisi enim magnos & elatos sumissem spiritus, propter alienorum largitionem, immo vero Dei ipsius, hoc nequaquam accidisset. Volens itaq; Deus meum tumorem comprimere, permittit hanc mihi accidere calamitatem. Est enim eleemosyna saepe causa superbiae ei, qui non aduertit. Paupertas autem, sicut scriptum est, virum reddit humilem. Ego sum igitur causa duorum malorum: vnius quidem, quod mercede eleemosyna priuatus sum, propter vanam gloriam: alterius vero, quod propter eam procuravi amissionem tantarum pecuniarum: & nunc ad me attraho vniuersum iudicium animarum, quae rediguntur ad angustias. Sed Deus, etiamsi non propter me, sed propter curam, quam gerit eorum, qui indigent, suppeditabit ea, quae sunt ad usum necessaria. Illud enim: *Non te dimittam, neq; te relinquam*, ab eo dictum est. Fidelis autem est, qui promisit. Sic ij, qui venerant, ad sanctum consolandum, ipsi sunt potius ab illo dimissi, accepta consolatione.*

X.

M. Marulus  
Spalatenf.  
lib. 5. cap. 3.

Sic aestimat, quisquis nouit aestimare fortunas. Ut autem & nos sic discamus aestimare, & Sanctis Deus facultates subduxit, & Sancti, facultatibus subductis, Deo gratias egerunt; neque alijs, sed sibi metipsis culpam attribuerunt; imo onere se leuatos arbitrati, res ablatas, beneficij loco censuerunt. Bernardus Clarenallensis Abbas, cum ducenta argenti pondo sibi ad impensas consuetiendi Monasterij

naſſerit, miſſa, à graſſatoribus intercepta fuiſſe auდიſſet, gratias Deo egif-  
ſe diſcitur, quod magno ſe onere leuaſſet. Tam ergo modicè tulit, argenti  
amiſſionem, ut eo grauari ſe putaret, ſi non amiſſiſſet. Grauantur  
multi, ſed onus amant, quo ad Infernum deprimuntur. Ne hili  
facient, ſi flauam terræ glebam, aut candidum metallum cum cæ-  
leſti gloria conferrent: aut illud meminifſent. Diuitia ſi affluant, no-  
lite cor apponere: aut iſtud:

*Non eſt tuum, fortuna, quod fecit tuum.*

*Dari bonum, quod potuit, auferri poteſt.*

Multi autem citius alterum Fortunæ bonum, Honor, & X I.  
nomen bonum auferri poteſt. Pecunia manibus, fama linguis  
tollitur: ad illam rapiendam digiti debent eſſe præſentes: lingua  
& ſermo etiam abſentibus nocet; immo magis ſauit in eum, qui  
quia non audit, non defendit. Idcirco & hic rectè pronuncia-  
quem, ſupra, iudicem adduximus, ita enim ait: *Felicitas hominis* S. Auguſtino.  
*pendere non debet ex hominum linguis.* Nullus enim ſapientum Philo-  
ſophorum ſinem ſuarum actionum conſtituit in fama vulgi, aut in lingua  
hominum. Proinde ait: nullus ſapientum Philoſophorum. Nam  
ſtulti non pauci fuerunt, qui, nominis cauſſa, omnia facerent, om-  
nia ferrent. An non enim Empedocles, ut immortalis factus vi-  
deretur, morte occultata, in craterem ardentis Ætnæ inſiluit,  
crepidis, ſeu baxeis proditus, quos vis flammæ reiecit ſub oculos  
eorum, qui amiſſum quæſiuerunt? Nimirum egregia ſapientia  
eſt, mori, ne mortalis videaris. Numa Pompilius, ut authoritatem  
ſibi faceret, Ægeriæ Nymphæ mendacio ſuperbiuit. Monyma  
Mithridatis vxor, in deſperatione rerum proſtigatarum, ignominie  
impatiens, detractum è capite diadema collo circumligauit, ſeq;  
ipſam ſuſpendit. Cum autem corporis pondere laqueus ille diru-  
ptus eſſet, dixit: *Execrandum diadema, neq; in tam triſti miniſterio mi-*  
*hi proſuſſi.* Moxque, cum ſuper illud humi abiectum inſputaſſet,  
Eunucho regio ſe ſe obtulit iugulandam. Quid hæc putauit, ho-  
mines dicturos? fronti, non gutturi factum eſſe, diadema, dixerunt;  
longèque fortiùs acturam fuiſſe, ſi ignominiam ferre, quàm in ſe  
ipſa vindicare maluifſet. At illa quoque Fortunæ exemplum fuit,  
in qua oſtendit, uſque adeò paruum diſcrimen inter laqueum &  
diadema eſſe, ut hoc ipſum poſſit regibus, pro laqueo, ſeruire.  
Quanti autem ſint facienda, dignitas, potentia, honor ſapientes Phi-  
loſophi

S. Auguſtino.  
epiſt. 56. ad  
Dioſcori-  
dem.



lophi immo ipsi etiam Poëtæ sonantissimè docuerunt. Horum unus ita canit.

Seneca in  
Agamemn.

O regnorum magnis fallax  
Fortuna bonis: in precipiti  
Dubioq; nimis excelsa locas.  
Nunquam placidam sceptrâ quietem,  
Certumne sui tenuere diem.  
Alia ex alijs cura fatigat.  
Vexatq; animos noua tempestas.  
Non sic Libycis Syrtibus aquor  
Furit alternos voluere fluctus:  
Non Euxini turget ab imis  
Commota vadis unda niuali  
Vicina polo, ubi ceruleis  
Immunis aquis lucida versat  
Blaustra Bootes, ut precipites  
Regum casus Fortuna rotat.

Senec. lib.  
epist. 8.

Psal. 75. 6.

Senec. in  
Agamemn.

S. Chrysost.  
hom. 20. ad  
pop.

Sic Seneca canens. Seneca autem Philosophans ita loquitur: *Re-*  
*Etum iter, quod serò cognoui, & lassus errando, alijs monstro. Clamo, vi-*  
*tate, quacumq; vulgò placent, quæ Casus attribuit: ad omne fortuitum*  
*bonum, suspiciosi pauidiq; subsistite. Et fera, & piscis, spe aliqua oble-*  
*Etante, decipitur. Munera ista Fortuna putatis? insidia sunt. Quisquis*  
*nostrum tutam agere vitam volet, quantum plurimum potest, ista visc-*  
*ta beneficia deuinet. In quibus hoc quoq; miserrimi fallimur, quòd habe-*  
*re nos putamus, habemur (quo sensu etiam viri diuitiarum, non di-*  
*uitia virorum, in sacris, vocantur) In precipitia cursus iste deducit.*  
*Huius eminentis vita exitus, cadere est. Deinde ne resistere quidem li-*  
*cet, cum caput transuersos agere felicitas. Aut rectus sta, aut semel fuge.*  
*Itaque sapienter alta vitat, qui non vult altè cadere: Quidquid in-*  
*altum Fortuna tulit, ruitura leuat. Hoc est Honor, hoc dignitas,*  
*hòc magnùm nomen mortaliū, omnium linguis & petulantia*  
*expositum: quod nullæ vnquam magnæ mentes magni fecerunt.*  
*De Constantino Magno D. Chrysostomus, ex oratione Flauiani*  
*hæc recitauit: Fertur beatus Constantinus, effigie sua quandog; lapi-*  
*data, multis ipsum instigantibus ad supplicium de auctoribus contume-*  
*lie sumendum, & dicentibus, quòd omnem ipsius faciem saxis conuulue-*  
*rârunt: manu faciem palps, & leniter ridens, dixisse: Sed sanum*  
*quidem caput, sana verò & facies tota. Illi verò reueriti, & confusi, ab*  
*hoc iniquo*

hoc iniquo destitit confilio. Et hoc verbum hactenus canunt omnes: nec tantum temporis labefecit, aut huius memoriā extinxit. Quot non sit hoc trophæis splendidius? Contempsit tantus Imperator contumeliam, ostenditque, se non sauciatus in statua sua. Idem nos cogitemus, si quis nomen nostrum verberat, quod æquè extra nos est, atque statua nostra.

Propius nos attingit bona corporis valetudo, neque est in nostra potestate, sentire, vel non sentire vim doloris morborum. De hoc argumento alibi dicturus, in pauca rem conferam. Philosophi quidem hanc salubrem vitæ formam iubent teneri, ut corpori tantum indulgeas, quantum bonæ valetudini satis est. Durius tamen censent tractandum, ne animo male pereat. Cogitant enim in se, præter animum, nihil esse mirabile, cui magno nihil magnum est, nisi solus Deus; quoniam Deus magnus Dominus. Si ergo Deus magnus P<sup>sal.</sup> 94.3. voluerit, eos ægrotare; nec ipsam morbis anteponunt sanitatem. Hæc sola illis causa sufficit, Deum velle: quanquam & aliæ suppetunt. Nam, cum corpus languet, animus viget: illo patiente, virtus agit; & carnis damnum, mentis est lucrum; quæ nunquam est fortior contra voluptates, quàm cum homo ægrotat. Cum in- 2. Cor. 12. firmor, tunc fortior sum, ait Apostolus. Hac de causa Platonici dicuntur philosophaturi, in vallibus ac locis paludosis & insalubribus habitauisse, ne, in luxuriante solo, etiam animus luxurians sapientiam repudiaret. Idem corporis frænum amârunt etiam Christiani philosophantes. Egidium memorat Fulbertus Carnotensis, ad Rhodani ostia, vitam solitariam egisse, cui, post longum & M. Marul. 1.5. c.4. quotidianum precandi, vigilandi, abstinendique studium, aliud Deus cruciamentum superaddidit. Nam cum, inter filuas latens, Deum veneraretur supplex, sagitta, à venatoribus, in incertum missa, eum grauitè sauciavit. Accepto vulnere, non modò chirurgum aut medicinam corpori admittere noluit, sed etiam Dominum enixè rogauit, ne quando læsa caro sanaretur. Interpretabatur enim vulnus diuinitus inflictum, vulnus amoris; quod incuratum, corporis dolore, ab animo arceret voluptatis cogitationes.

Circuibat quidem IESVS, sanans omnem languorem, & omnem infirmitatem in populo. Et abiit opinio eius in totam Syriam, & ob- Mat<sup>th.</sup> 4.23. tulerunt ei omnes male habentes, varijs languoribus, & tormentis comprehensos, & qui demonia habebant, & lunaticos, & paralyticos, & cura-



uit eos: & alij quidem eum adibant, alios autem ipse adibat: alij sibi, alij alijs sanitatem impetrabant, utique recte: multi tamen inueniuntur, qui morbos sanitati prætulērunt; & surdi, quàm audientes, cæci, quàm videntes; claudi, quàm ambulantes esse maluerunt. Sæpe enim multò satius est, surdum esse, quàm audire id, quod est absurdum; præstat, in oculis ferre cæcitatem, quàm vanitatem; consultius est, ad cælum claudicare, quàm talaria induere, & volare ad Infernum. Quæ & ipsa est doctrina Christi

Marci 9. 44.

dicentis: *Si pes tuus scandalizet te, amputa illum: bonum est tibi claudum intrare in vitam eternam, quàm duos pedes habentem mitti in gehennam ignis inextinguibilis. Item: si oculus tuus scandalizet te, eue cum: bonum est tibi luscum introire in regnum Dei, quàm duos oculos habentem mitti in gehennam ignis.* Quod ita cum alijs multi viri præstantes, tum etiam Audomarus egregie herôicèque sensit. Transferebatur, Attrebat, ab Auberto Episcopo corpus S. Vedasti. Ade- rat tunc, cum alijs, etiam Audomarus Tertianensis Episcopus, præsenio, cæcus. Hic, tum præsentium Episcoporum precibus, tum S. Vedasti meritis, recepit vsum oculorum, rem utique alijs speratissimam. At ille longè iudicauit fecius. Etenim *agere ferens, se liberatum esse à cecitate, quam pro salute sua sibi à Deo immissam esse gaudebat, rursus ad votum suum excacatus est.* Adeò non magni fecit hoc corporis damnum, ut etiam in votis haberet.

Sigebert. in  
Chron. An.  
Dom. 658.

### XIII.

Sabellic. lib.  
5. cap. 7.

Magnæ sunt utilitates oculorum, iucunditas excellens; si tamen his hominem priuet Deus, solatio est, spes rerum longè iucundiorum, in cælo, videndarum; præterquam, quod quædam inuisa non posse videri, sit quædam voluptas. Pigmenius Romanus presbyter, vel idcirco, se oculis captum, æquo animo ferebat, ne quando illi Christianæ Ecclesiæ inimicos aspicere contingeret. Quod cum non ignoraret Iulianus Apostata Imperator, obuiam illi factus, per ludibrium, & magna ioci acerbitate illi dixit: *Gratias ago Deo, ô Pigmeni, quòd te video.* Cui ille respondit: *Gratias ago Deo meo, quòd te non video.* Tam igitur forti animo cecitatem pertulit, quàm tyrannum contempsit. Dehinc Martyrij corona donatus videre capit, quæ oculus non vidit; & audire, quæ auris non audivit; & intelligere, quæ in cor hominis non ascenderunt. Verùm quid mirum est, si potuit patienter ferre oculorum noctem, qui adeò fortiter mortem ipsam tolerauit? Animus Deo coniunctus corporis morbos non resulat, si martyria ipsa optat; quin, etiam in ipsis morbis, reperit suas

suas utilitates, commodaque videt, in ipsa cæcitate. Oculos perdidit, inquit ille, cui responsum est: *Quam multis cupiditatibus via incisa est, quam multis rebus carere, quas ne videres, erudiendi erant. Non intelligis, partem innocentie cæcitatem esse? Huic oculi adulterium monstrant, huic incestum, huic domum, quam concupiscat, huic urbem & mala omnia. Certe oculi irritamenta sunt vitiorum, & scelerum duces. Quæ non sunt accipienda in vituperium Conditoris, cuius admirabile & preciosum opus est oculus; sed ab illis in solatium considerantur, qui infirmitate aut cæcitate oculorum capti, non cæcam Deam id fecisse queruntur; sed ab eodem benefactore vero Deo alijs agnoscunt oculos claudi, alijs aperiri. Paria possunt, de alijs quoque corporum malis cogitari, paria de omni Fortunæ plaga, cuius immortale exemplum in S. Eustachio eiusque omni familia; & recentius, in Sola eiusque generosa coniuge & toto comitatu, terra marique iactato, historici memorauerunt.*

Senec. lib.  
de remed.  
Fortunæ.

Quorum omnium inconstantissima felicitas, & toties rediens calamitas palam pronunciat, non in hac vita, sed alibi querendam esse veram felicitatem. *Magna hac esse existimas, ait Philo- sophus, quæ relicturus es: & cum proposuisti tibi illam securitatem, ad quam transurus es, retinet te huius vita, a qua recessurus es, fulgor, tanquam in sordida & obscura casurum. Erras, Lucili; ex hac vita ad illam ascenditur. Quod interest inter splendorem & lucem, cum hac certam originem habet, ac suam, ille in teat alieno: hoc inter hanc vitam & illam. Hæc quia fulgore extrinsecus veniente percussa est, crassam illi statim umbram faciet, quisquis obtulerit: illa vero suo lumine illustris est. Nequit ergo obscurari. Verè ille ipsa Fortuna cæcior est, qui splendorem lucianteposit; fugit enim lucem, ut diem vesperationes, qui noctu in gladij fulgorem incurrunt. Fallit fulgor, lux ostendit, quod verum est bonum. Et, iudice Augustino, ideo Deus felicitatibus terrenis amaritudines miscet, ut alia queratur felicitas, cuius dulcedo non fallat.*

XIV.  
Senec. lib. x.  
epist. 21.

S. Aug. l. 2,  
de Verbis  
Dom. serm.  
29.

## C A P V T XXXIII.

*Quenam, in Fortunæ casibus, è Seneca peti possint, contra impatientiam, remedia?*



Vdiuimus Augustinum docentem, quo pacto, humanæ felicitatis iactura parui æstimanda sit; quod etiam Seneca, Plutarchus, Petrarcha, Bocatius aliique com-

I.



plures, totis voluminibus, tradiderunt. E quibus tametsi non libet, hunc librum distendere; placet tamen bonam partem apponere, ex epistola Senecæ Liberalis consolantis, post urbem patriam eius incendio absumtam. Ex ea epistola hominis Ethnici, licet cognoscere, *Fortuna muneribus utendum, non fidendum*; quia levis magnas opes huc fert & illuc casus; nec homines tantum, sed totas urbes abolet. Licet item ex ea epistola discere, qua mentis æquitate, Christiano aduersa sint toleranda, si diuina Religionis luce destituti, cum quaterentur, tam fortiter steterunt. Apparebit etiam, miserum esse, quisquis felicitatem sperat à miseris. Denique constabit, qua ratione animus sit, contra Fortunam, muniendus, qua perinde ut quisque utitur, ita præcellit. Sic ergo scribit Seneca:

II.  
Senec. lib. I.  
epist. 91.

*Liberalis noster nunc tristis est, nunciato incendio, quo Lugdunensis colonia exusta est. Mouere hic casus quemlibet posset, nedum hominem patriæ suæ amantissimum. Quæ res efficit, ut firmitatem animi sui querat, quam videlicet ad ea, quæ timere posse putabat, exercuit. Hoc verò tam inopinatum malum penè inauditum, non miror si sine metu fuit, cum esset sine exemplo. Multas enim ciuitates incendium vexauit, nullam abstulit. nam etiam ubi hostili manu in tecta ignis missus est, multis locis deficit, & quamuis subinde excitetur, raro tamen sic cuncta depascitur, ut nihil ferro relinquat. Terrarum quoque vix unquam tam grauis & perniciosus fuit motus, ut tota oppida euerteret. Nunquam denique tam infestum ulli exarsit incendium, ut nihil alteri superesset incendio. Tot pulcherrima opera, quæ singula illustrare urbes singulas possent, una nox strauit, & in tanta pace, quantum ne bello quidem timeri potest, accidit. Quis hoc credat? ubique armis quiescentibus, cum toto orbe terrarum diffusa securitas sit, Lugdunum, quod ostendebatur in Gallia, queritur. Omnibus fortuna, quos publicè afflixit, quod passuri erant, timere permisit. Nulla res magna non aliquod habuit ruinae suæ spatium. In hac, una nox interfuit, inter urbem maximam, & nullam. Denique diuitius illam tibi perisse, quam perijt, narro.*

III.

*Hæc omnia Liberalis nostri affectum inclinant, aduersus suam firmitatem & erectum, nec sine causa concussus est. Inexpectata plus aggrauant. Nonitas adiecit calamitatibus pondus: nec quisquam mortalium non magis, quod etiam miratus est, doluit. Ideò nihil nobis impronsum esse debet. In omni præmittendus est animus: cogitandumque, non quid quid solet, sed quidquid potest fieri. Quid enim est, quod non fortuna cum*

*voluit*

voluit, & florentissimo detrahat? quod non eo magis aggre diatur & qua-  
tatur, quo speciosius fulget? quid illi arduum quidne difficile est? non una  
via semper, ne tota quidem incurrit. Modo nostras in nos manus ad-  
uocat, modo suis contenta viribus inuenit pericula sine auctore, nullum  
tempus exceptum est, in ipsis voluptatibus causa doloris oriuntur. Bel-  
lum, in media pace, consurgit, & auxilia securitatis in metum transcutiunt,  
ex amico inimicus, hostis ex socio. In subitas tempestates, hibernisq; ma-  
iores, agitur aestiua tranquillitas: sine hoste patimur hostilia; & cladis  
causus, si alia deficiunt, nimia sibi felicitas inuenit. Inuadit tempera-  
tissimos morbus, validissimos Phthisis, innocentissimos poena, secretissi-  
mos tumultus.

Eligit aliquid noui casus, per quod velut oblitis vires suas inge-  
rat. Quidquid longa series, multis laboribus, multa Dei indulgentia stru-  
xit, id unus dies spargit ac dissipat. Longam moram dedit malis prope-  
rantibus, qui diem dixit, horam, momentumq; temporis, euerendis im-  
perijs sufficere. Effet aliquod nostra imbecillitatis solatium, rerumq; no-  
strarum, si tanta celeritate repararentur cuncta, quanta finiuntur. Nunc  
incrementa lente exeunt, festinatur in damnum: nihil priuatum, nihil  
publice stabile est: tam hominum, quam urbium fata voluuntur. Inter  
placidissima, terror existit, nihilq; extra tumultuantibus causis, mala  
unde minime expectantur, erumpunt. Quae, domesticis bellis, steterant  
regna, quae externis, impellente nullo, ruunt. Quota quaq; felicitatem  
ciuitas pertulit? cogitanda ergo sunt omnia, & animus aduersus ea, quae  
possunt euenire firmandus. Exilia, tormenta, bella, morbos naufragia  
meditare, potest te patria, potest patriam tibi casus eripere: potest te  
in solitudinem abicere, potest hoc ipsum, in quo turba suffocatur, fieri  
solitudo. Tota ante oculos sortis humana conditio ponatur: nec quantum  
frequenter euenit: sed quantum plurimum potest euenire, praesumamus  
animo, si nolumus opprimi, nec ullis iniustis velut nouis obstupefieri. In  
plenum cogitanda fortuna est. Quotiens Asia, quotiens Achaia urbes,  
vno tremore, ceciderunt? Quot oppida, in Syria? quot, in Macedonia,  
deuorata sunt? Cyprum quotiens vastauit haec clades? Quotiens in se  
Paphus corruit? frequenter nobis nuntiati sunt totarum urbium inte-  
ritus: & nos inter quos frequenter ista nuntiantur, quota pars omnium-  
sumus? Consurgamus itaq; aduersus fortuita, & quidquid inciderit, scia-  
mus non esse tam magnum, quam rumore iactetur. Ciuitas arse opulen-  
ta, ornamentumq; Provincialium, quibus & inserta erat, & excepta,  
vni tamen imposita, & huic non altissimo monti. Omnium istarum ciui-

IV.



latum, quas nunc magnificas, ac nobiles audis, vestigia quoque tempus eradet. Non vides, quemadmodum, in Achaia, clarissimarum urbium iam fundamenta consumpta sint? nec quicquam extet, ex quo appareat, illas saltem fuisse? non tantum manufacta labuntur, non tantum humana arte atque industria posita vertit dies. Iuga montium diffidunt, rote desedere regiones. Operta sunt fuentibus, quae procul à conspectu maris stabant. Fastant ignis colles, per quos elucebat: erosit & quondam altissimos vertices, solatia nauigantium, ac speculas ad humilem arcem deduxit. Ipsius naturae opera vexantur, & ideo, a quo animo, ferre debemus urbium excidia. Casura omnia extant: omnibus exitus manet, siue interna vi flatusque preclusi venti pondus, sub quo tenentur, excusserint: siue torrentium in abdito vis obstantia effregerit: siue flammarum violentia compaginem soli ruperit: siue vetustas, à qua nihil tutum est expugnauerit minutatim: siue grauitas celi eiecerit populos, & situs deserta corruerit. Enumerare omnes fatorum vias, longum est. Hoc unum scio; omnia mortalium opera, mortalitate damnata sunt: inter peritura, viuimus.

V.

Hac ego atque eiusmodi solatia admoceo Liberali nostro, incredibili quodam patrie suae amore, flagranti: quae fortasse consumpta est, ut melius excitaretur. Saepe maiori fortune locum fecit iniuria; multa ceciderunt, ut altius surgant, & in maius. Timagenes felicitati urbis inimicus aiebat, Romae sibi incendia ob hoc unum dolori esse, quod sciat meliora resurrectura, quam arsissem: in hac quoque urbe verisimile est, certaturos omnes esse, ut maiora certioraque, quam amisere, restituantur. Sint utinam diuturna, & melioribus auspicijs in aenum longius condita. Nam huic coloniae, ab origine sua, centesimus annus est, etas ne homini quidem extrema. Deducta in hanc frequentiam, loci oportunitate, conualuit. Quae tamen grauissimos casus intra spatium humane pertulit senectutis.

VI.

Itaque formetur animus ad intellectum, patientiamque sortis suae, & sciat nihil inausum esse fortune. Aduersus imperia illam idem habere iuris, quod aduersus imperantes: aduersus urbes idem posse, quod aduersus homines. Nihil horum indignandum est. In eum intrauimus mundum, in quo his legibus viuunt. Placet? pare. non placet? quacumque vis exit. Indignare, si quid in te inique proprie constitutum est. Sed si haec imos summosque necessitas alligat, in gratiam cum fato reuerti, à quo omnia resoluntur. Non est, quod nos tumulis meriariis, & his monumentis, quae viam disparia prae texunt. Aequat omnes cinis, impares nascimur, pares morimur. Idem de urbibus, quod de urbium incolis dico. Tam Ardea capta, quam Roma est. Conditor ille generis humani,

non na-

non naturalibus nos, nec nominum claritate distinguat, nisi dum sumus. Vbi vero ad finem mortalium ventum est: Discede, inquit, ambitio: Omnium qua terram premunt, semper lex est. A' omnia patiunda, pares sumus. Nemo alteri sit, melior est, nemo in cranium suu certior. Alexander Macedonum rex discere Geometriam infelix ceperat, securus, quem pueri in terra et ex qua nimum occupauerat. Ita dico, infelix, ob hoc, quod in se gerere debebat, falsum se gerere cognomen. Quis enim magnus in pueri et se iocet? erant illa, que tradebantur subdita, & diligenti intentione discenda, nam que percipere posset vesanus homo & trans Oceanum cogitationes suas mittens? Facilia, inquit, me doce. Cui praeceptor: ista, inquit, omnibus eadem sunt, aeque difficilia. Hoc puta rerum naturam dicere. Ista, de quibus queres, omnibus eadem sunt, nulla dari facilia, a posunt: sed quisquis volet, sibi ipsi illa reddet faciliora. quomodo? equanimitate.

Quod & alio loco docens ostendit, impatientia plagam fieri luculentiore. Verba eius sunt: *Aduersus hos muniendi sumus.* Idem lib. i. epist. 74. Nullus, contra fortunam, inexpugnabilis murus est. Intus instruiamur. Si illa pars tuta est, pulsari homo potest, capiri non potest. Quod sit hoc instrumentum, scire desideras? Nihil indignetur, sibi accidere, scitque, illa ipsa, quibus ladi videatur, ad conseruationem vniuersi pertinere, & ex his esse, quae cursum mundi offuscant, consummant. Placeat homini, quidquid Deo placuit: ob hoc seipsum suum, miretur, quod non potest vinci, quod mala sub se tener; quod ratione, qua valentius nihil est, casum, dolorum, & iniuriam subigit. *Ama rationem:* huius te amor contra durissima armabit. Catulorum amor in venabula impingit feras, quas feritas & inconsultus impetus praestat indomitas. Iuuenilia nonnunquam ingenia cupido gloriae in contemptum tam ferri, quam ignium misit. Species quosdam atque umbra virtutis in mortem voluntariam trudit. Quanto his omnibus fortior ratio est, quanto constanter: tanto vehementior, per metus ipsos, & pericula, exhibet. Hoc in exemplis sacris clarum est. Quid profuisset Patriarchae Iacob contra tot casus furere? patienter omnia tulit, & consecutus est, quod ei benedictio paterna impertiuit. Iosephum Patriarcham, qui casus non rotarunt? emerfit tandem, non se fortiter defendendo, sed fortiter omnia tolerando. Iob per quas non procellas iuit? quantis non rebus spoliatus est? Dominus autem benedixit nouissimis Iob magis, quam principio eius. Daud, per quot hostes & hastas se non penetrauit? Et penetrauit tamen, regnavitque, semper triumphans post pugnas. Tobiae quoque &

Iob. 42. 12.



Tob. 12. 13. que & opes, & filium, & oculos restituit Deus, post multas & graues persecutiones: nempe quia acceptus erat Deo, necesse fuit, ut tentatio probaret illum. Hæc est Fortunæ rota, in qua, qui potest, deprimi æquo animo, solet extolli. Qui autem subactus indignatur, gemit, rotamque excutiendo succutit, grauius feritur. Satis fuisse Sauli, victum esse; satis fugisse, satis sagitta ictum; sed ille, ne caperetur, aut ab alijs interficeretur, arripuit gladium, & irruit super eum. Quis dicat, interfectorem sui fortiter fecisse? fortiter fecisset, si, inter aduersa, viuere sustinisset. Suffecisset Achitopheli ad humiliationem, quod non fuisse factum consilium eius. Impatiens fuit; & suspensio infortunij velut in fascem colligauit. Rectè atque sapienter quisque faceret, si non ipse sibi, per impatientiam, mala grauiora accerferet, sed diuinæ prouidentie dispositionique se, & sua omnia subijceret. Nemo melius nouit, quid nobis prosit, summo gubernatore, quem qui vult corrigere, expeditur, non illum regendo, sed se corrigendo errauisse.

1. Reg. 31. 4.  
2. Reg. 17.  
23.

## VIII.

Ludou. Blos.  
in Monili  
spirit. c. 10.  
Vide Supra  
cap. 26. n. 4.  
Solonis si-  
mile dictum.

S. Augustin.  
1. 50. Hom.  
hom. 10.

Præclare id mundi Paterfamilias sapientissimus, teste Blo-  
sio, docuit aliquando, cum virgo Gertrudis commiseratione mota, orareret pro quadam persona, quam audierat impatienter conquerentem, quod Deus grauamina sibi immitteret saluti sue minus convenientia. Respondit enim ei Dominus: Dices illi, pro qua oras, ut, quia sine aliqua saltem tribulatione vel molestia regnum cæleste obtineri nō potest, eligat, atque indicet, quænam grauamina sibi vitia esse putet? Et, cum hæc ipsi euenerint, seruet patientiam. In quibus verbis Domini Gertrudis intellexit, periculosissimum genus impatientie esse, quando homo peruersè ac superbè eligere vult, quæ ferat: dicens saluti sue minus congruere, scilicet, non posse sustinere ea grauamina, quæ sibi à Deo immittuntur. Oportet enim, ut quilibet semper confidat, illud convenientissimum & utilissimum esse, quod sibi Deus imponit, aut euenire permittit: & quando hæc non omnino patienter sustinet, inde se ipsum humiliare debet. Hæc est ars vtilissima & maximè mortalibus omnibus necessaria, non velle regere mundi Rectorem, sed regimen illius pati, & optimum existimare; illumque semper colere. Non colimus Deum, ut hic felicitatem habeamus. Quanti illam habent, qui non colunt Deum? ait Sanctum illud ingenium, nec ut hic senescamus, & decrepiti efficiamur. Quanti senescunt blasphematores Dei? Nec ideo colendus est Deus, ut cultores illius habeant filios, & non sint steriles. Filios enim Deus & onagris, & serpentibus dat. Non ergo pro magno

Cap. XXXIII. Contra Fortunam, impatientia remedia. 329

pro magno & vero bono petendum est, quod & Indeis, & Paganis, & hereticis, etiam & ipsis bestiis datur. Aurum enim & argentum, honores & filios, & patrimonia, multi habent etiam mali. Qui enim verè Christianus est, non ista omnia transitoria debet petere, sed totum pondus intentionis vel orationis suae, ad expectandam aeternam beatitudinem debet impendere. Ista enim temporalia bona, & quando Deus dat, gratia augantur, & quando tollit, gratia agantur. Ista, quando voluerit, tribuet; quando voluerit, tollet: tantum est, ut se ipsum non auferat. Hæc firma est anchora. At cui spes omnis, & ratio, & cogitatio pendet à Fortuna; huic nihil oportet esse certi, nihilque, quod exploratum habeat permanfurum sibi, ne vnum quidem diem.

CAPVT XXXIV.

De Varietate Sortium & sortientium.



Uter improuidos fortuitosque euentus atque humanos Casus, Sortes numerantur. Sortis euentus, ait S. Ambrosius, non in nostra est potestate, sed quem casus attulerit. Hæ Sortes quid sint, & à quibus, vel benè, vel malè vsurpentur, & quo Dei iudicio cadant, dicendum est. Etsi enim videntur temerè contingere, quæ contingunt sortitò; attamen diuina Prouidentia & æquitas neque in his deest. Quod agnouit, qui dixit: *In manibus tuis sortes meæ.* Et D. Augustino teste, Sors (sua natura) aliquid mali non est, sed res in humana dubitatione diuinam indicans voluntatem. Sortium porrò nomine intelliguntur plerumque ea, quæ coniciuntur in urnam, & inde, in electionibus, aut quibusuis deliberationibus, extrahi solent, siue sint tesserae, siue chartulae, siue albæ & nigrae fabæ, quæ veteribus vtitissimæ fuerunt; sicut & niuei atrique lapilli; siue litteræ alphabeti: siue bacilli, siue oscilla, siue tali, siue calculi ἀτέτοι, vel τετέημοι; siue pilulæ aut globuli aurati vel argentei, vt apud Venetos: siue lanei, vt apud Genuenses; siue tabellæ, siue lamellæ tenues; siue testaceæ, aut testulæ, siue aliud quid simile, vt postea ostendam. Hebræis Sors Phur dicitur à cadendo, eò quod Sors in urnam coniecta cadat, vnde casui attribuitur. Harum rerum vsus sortitio, seu sors formaliter solet appellari. Vtitius Sors in urnam mittitur. Neque tamen urna semper opus est:

L.  
S. Ambros.  
lib. 3. de vi-  
duis. p. 3.

psal. 36. 16.

S. Augustin.  
in Psal. 30.

Petr. Greg.  
Tolof. 1. 34.  
syntag. c. 5.

Esther. 9. 26.

Tt

Cice.



Cic. Ad. 4  
in Verr.  
Plautus in  
Casina. Ho-  
mer. Iliad. 8.  
Virgil. 3. &  
6. *Æneid.*

Cicero meminit *sortium* coniectarum in hydriam: Plautus in situ-  
lam: Homerus in galeam; vti & Virgilius: quamvis hic etiam  
in urnam; Genuenses in distinctas eiusdem urnæ velut fistulas  
coniiciunt. Alij in pileos, sacculos, cistas, librorum paginas, seu  
schedas, seu alia imponunt. Alij nihil ex urna, aut galea &c. extra-  
hunt, sed libros aperiunt, & obuias sibi sententias cōsulunt. Num-  
mos, cultros, bacillos alij in altum aërem proijciunt, & quæ pars  
prona, quæ supina ceciderit, dispiciunt. Milites frequenter, cum  
de statione, vel vita ac resti agitur, astragalis ludunt, super tym-  
pano.

## II.

Henr. Sal-  
muth in Gui-  
don. Panci-  
rol. cap. de  
Fibula. post.  
Claudii Co-  
teræum, de  
Iure Militū.  
lib. 3. cap. 8.

Notum illud Iustini: de eo in regem eligendo, cuius in fo-  
rum venientis equus prius hinnisset. Sortis id loco erat. Sed for-  
tem elusit, qui hinnitum arte procuravit. equo pridie in forum, ad  
equam adducto, cui postridie iam assuetus amator adhinniret.  
*Veneti hodie*, ait Henricus Salmuth, *si quid agendum est, ita sortitio-*  
*nem efficiunt. Veluti si fingamus, in Senatu de ratione belli agendum esse,*  
*neq. inter Senatores convenire, ad cuius urbis expugnationem primum*  
*debeat deduci exercitus (quod accidit temporibus Michailis Triges-*  
*mi quinti Venetorum Ducis. Hadrian. Barlan. de Ducib. Venet.) ad di-*  
*uinas Sortes recurrendum ducunt. Nomina quidem expugnandarum*  
*urbium in urnulam coniiciuntur: ea rudis quispiam puerulus manu mis-*  
*cet: inde unam, è chartulis, quæ singula singularium urbium nomina*  
*continent, ad Principes defert. ab eaq. oppugnanda bellum inchoari debet.*

Memorable etiam idem author refert, illud Sortitionis generis, quo  
Athleta olim ad pugnandum ducebantur. Nam calculis in urnam con-  
iectis, bina compares litteræ inscribebantur: quib. ductis sortibus pares  
sortiti erant, invicem mittebantur. Nicetas Choniata ritum  
sortitionis, in Regijs comitijs, talem commemorat: Cum Impera-  
tor creandus esset, in eadem SS. Apostolorum deliberandi ergo convenire:  
ac principio, patrio quodam ritu, pro numero candidatorum, quatuor  
calices ordine collocare instituerunt, quorum unus incruentam victimam  
contineret, ceteris vacuis: eosq. tradere totidem sacerdotibus, ut ad cu-  
iusq. principis nomen unum tollerent, & eis redderent. Imperium verò  
penes eum futurum erat, qui eum calicem accepisset, in quo divinum cor-  
pus & sanguis Christi esset. De Germanis ait Tacitus: Sortium consue-  
tudo simplex, virgam fructifera arbori decissam in surculos amputant:  
eosq. notis quibusdam discretos, super candidam vestem temerè ac for-  
tuito spargunt, mox, si publicè consulatur, sacerdos civitatis; sin priva-  
tim,

Tacit. lib. de  
morib. Ger-  
man,

De Germanis ait Tacitus: Sortium consue-  
tudo simplex, virgam fructifera arbori decissam in surculos amputant:  
eosq. notis quibusdam discretos, super candidam vestem temerè ac for-  
tuito spargunt, mox, si publicè consulatur, sacerdos civitatis; sin priva-  
tim,

Cap. XXXIV. Varietas Sortium, & sortitio SS. Menstruorū. 331

tim, ipse pater familia precatus Deos, celūq; suspiciens ter singulos tollit, sublato, secundum impressam ante notam, interpretatur. Sinis hodie propè similis est diuinatione duorum lignorum æqualium, quam describit Gunzalinus Mendozius, nec non Philippinensium, seu Lusitanorum, in India, teste Martino Ignatio. Hoc pacto, apud Ezechielem, superstitiosè Nabuchodonosor, non Dei, sed suo, vel mali genij instinctu omen captauit, dubius Ammonitasne, an Iudæos inuadere deberet. Nam, vt infra pluribus dicam, sumens duas sagittas, vni inscripsit nomen Rabbath (quæ erat petra Arabiæ, metropolis Ammonitarum) alteri nomen Ierusalem: eas deinde commiscuit: mox vnam, clausis oculis, ac cæcè eduxit, cui inscriptum videns, Ierusalem, statim contra eam perrexit. In summa tot genera sunt Sortium, quot placita voluntatum.

His ergo atque alijs talibus Sortibus diuersi sunt vsi; siue Ethnici, siue Iudæi, siue Christiani; & omnis ferè natio, Ægyptij, Babylonij, Græci, Latini, Hebræi, Itali, Hispani, Galli, Germani &c. De Ægyptijs constat, quos quisque coleret agros, viritum inter se sortibus diuisisse. Sorte etiam vsus regem Babylonis Ezechiel testatur. Qua etiam vsi sunt Gentiles illi, quibuscum Iōnanna nauigans electus est in mare. Item Augustus, Tiberius, Attalus rex Pergami. Apud Græcos colonias sortibus deducebant. Quamobrem coloni κληρονομοι dicebantur. Iudices in Areopago, varijs in vnam coniectis litteris, sortiebantur, vt docet ex Demosthene & Scholiaste Aristophanis Sigonius. Tullius refert, legem Syracusis fuisse, quæ Iouis sacerdotem in annos singulos capi sortito iuberet; licet Dion Halicarnassæus contrariam legem recitet, cauentem, sorte, aut precio deligi sacerdotem. De Dionysio Syracusano Plutarchus scribit, eum augurium capisse Monarchiæ, ex littera M. quæ ipsi obtigerat. Apud Lacedæmonios, Athletæ sorte educabantur ad pugnandum; ne aut suspitioni locus esset malevolentia; aut alij illis gloriæ occasionem inuiderent. De Romanis Tacitus scribit, eos magistratus, legationes, ac præfecturas sortitos esse, ne ambitioni, aut inimicitijs locus foret. Linius ait: apud Romanos, de loco, & ordine agminis, duces sorte designabantur: vtique propter eandem causam. Apud Hebræos sortium vsus fuisse sacræ litteræ testantur. Nam & hircus immolandus sorte electus est. Duos hircos stare faciet, coram Domino, in ostio tabernaculi testimonij: mittensq; super vtrumq; sortem, vnam Domino, & alteram capro

Gunzalin.  
Mendoz. l. 2.  
Hist. Chin.  
cap. 4.  
Martin. Ign.  
Itinerarij.  
c. 8.  
Ezech. 21.  
21.

III.

Cap. 21. 19.  
Ion, 1. 7.

Car. Sigon.  
l. 3. de Rep.  
Athen.  
Cicer. Aff.  
4. in Verr.  
Dion. Hal.  
lib. 2. hist.  
Rom.  
Plutarch. in  
Apoph. Lucianus in  
hermotimo.  
Tacit. l. 10.  
Sigon l. 2. de  
iudic. c. 12.  
Linius lib. 2.  
Dec. 3.  
Leuit. 16. 8.



Num. 17. 2. emissario; cuius exierit fors, Domino offeret illum pro peccato: cuius au-  
 Iosue. 7. 16. tem in caprum emissarium, statuet eum vivum coram Domino, ut fun-  
 1. Reg. 14. 42. dat preces super eo, & emittat eum in solitudinem. Sorte Aaron alijs  
 1. Reg. 10. 20. prælatus. Sorte deprehensus Achan & Ionathas. Sorte Saul crea-  
 Num. 26. 55. tus rex. Sorte terra Promissionis inter Hebræos partita. Sorte obi-  
 1. Paral. 24. ta sacerdotalia munera. Cum sacerdotio fungeretur Zacharias in or-  
 5. 7. 3. 1. Luc. dine vicis sue, ante Deum, secundum consuetudinem sacerdotij, sorte  
 2. exijt, ut incensum poneret. Nam inter sacerdotes Sors iacta est, quis

suffiret, aut thus incenderet. Cum enim plures essent eiusdem fa-  
 milia sacerdotes, qui eadem hebdomade, in templo, sacerdotio  
 fungerentur, & vnus duntaxat adolere thus posset, sortitione ex-  
 ploratum est, quem eorum id, vno die, quem altero; aut quem  
 manè, quem vespere facere id oporteret. Ita Euangelium narra-  
 t.

Ador. 1. 23. Quid quòd, cum Iudæ subrogandus esset Apostolus, Apostoli  
 reliqui statuerunt duos, Ioseph, qui vocabatur Barsabas, qui cognomi-  
 natus est iustus: & Matthiam &c. Et dederunt Sortes eis: & cecidit  
 fors super Matthiam, & annumeratus est cum undecim Apostolis?  
 Sortibus rem gestam testatur Lucas, vt electionem Matthiæ diuini-  
 tus prouisam factamque significet.

## IV.

Quod Apostoli ausi sunt, fecerunt etiam multi boni Chri-  
 stiani, qui ab Apostolis descenderunt. Quippe nonnulli sanctissi-  
 mi viri, Dei circa se voluntatem, sacra Scripturæ, diuinique Co-  
 dicis, veluti fortuita apertione, scrutati sunt; & inuenerunt, quod  
 quæsiuerunt. Plurimi ex alicuius sententiæ auditione, rectè vel  
 ominati sunt, vel vitam instituerunt; vt dubitari non possit, omni-  
 no diuinum iudicium intercessisse, sicut, ante Originem & Augu-  
 stinum, docuit D. Dionysius, de Matthiæ electione ita loquens:

Orig. hom.  
 23. in Ios.  
 Aug. in Psal.  
 30. conc. 2.  
 S. Dionys. c.  
 5. Eccles.  
 hierarch.  
 part. 3.

Prou. 16. v.  
 vlt.

De illa sorte diuina, quæ Matthiæ diuinitus obigit, alij quidam alia  
 sensere, meo iudicio, non rectè: aperiam autem & ipse, quid sentiam.  
 Videtur mihi scriptura sortem appellasse diuini quiddam & præcipui mu-  
 neris, per quam illi choro sacratissimo insinaretur, qui esset diuina ele-  
 ctione declaratus. Quibus subiungit, ob reuerentiam, permisisse  
 Apostolos, non iudicio suo, sed Deo ipsi electionem. Sunt ergo  
 sortes quædam humana manu proiectæ, sed diuina directæ. Quid  
 multa? Sortes mittuntur in sinum; sed à Domino temperantur, ali-  
 quando in hominibus ad certa officia eligendis; aliquando ad fru-  
 gem meliorem reuocandis; aliquando in asciscendis Diuis tute-  
 laribus, aut alijs negotijs dirigendis.

Verum

Verū videamus etiam conuersionum exempla. S. Basil. V.  
 lius de se ipso scribit sequentia: Ego cum multum temporis, in vani- S. Basil. ep.  
 tate consumpsissem, & totam ferē iuuentutem meam in vano labore per- 78. ad Eusta-  
 didissem, quem in disciplinarum sapientia à Deo infatuata perceptione thium Seba-  
 conuersatus insumpsi: postquam aliquando velut ex somno profundo ex- ste Episc.  
 pergefactus, ad admirandam veritatis Euangelij lucem respexi, & inu-  
 tilitatem sapientia principum huius seculi exoletorum conspexi: misera-  
 bili vita mea multum deplorata; optabam mihi dari manu ductorem ad  
 introductionem; ad dogmata veritatis: Et pra omnibus sanè multam  
 curam adhibebam; vt correctionem aliquam morum facerem, multo  
 iam tempore ex malorum conuersatione corruptorum. Itaq; ubi legissem  
 Euangelium; & vidissem illic maximam occasionem ad perfectionem,  
 venditionem bonorum; & distributionem in indignos fratres, & in sum-  
 ma nullam huius vita curam habere; & à nulla affectione ad vita res a-  
 nimam conuerti: optabam inuenire aliquem fratrem qui hanc vita vi-  
 am elegisset, vt vna cum ipso hanc profundam vita inundationem pene-  
 trarem. Et sanè multos inuenimus in Alexandria, multos etiam per re-  
 liquam Aegyptum. Et alios in Palestina caudq; Syria ac Mesopota-  
 mia: Quorum quidem admirati sumus circa victum abstinentiam, ad-  
 mirati sumus item tolerantiam in laboribus, conseruauit me etiam ipso-  
 rum in orationibus intentio, & quomodo somnum superabant, & à nulla  
 naturali necessitate inflectebantur, altam semper & nulli seruituti obno-  
 xiam animi constantiam conseruantes, in fame & siti, in frigore & nu-  
 ditate, non corporis cura intenti, neq; sustinentes vt aliquam ipsi curam  
 impenderent, sed velut in aliena carne degentes, opere commonstrarunt,  
 quid sit cohabitare rebus in hac vita, & quid conuersationem habere in  
 celo. Illa admiratus, & beatà predicatà virorum vità, qui opere osten-  
 dunt mortificationem Iesu in corpore se circumferre; optabam etiam;  
 quantum eius à me fieri posset, illorum virorum imitator esse.

Quod Basilio accidit, etiam Augustino, & quidem lucu- VI.  
 lentiùs euenit, ab Alipio secedenti, ac lachrymis suis, animique  
 luctu, solitudinem petenti. Ego, inquit, sub quadam fici arbore, stra- S. Aug. l. 8.  
 ui me, nescio quomodo, & dimisi habenas lachrymis, & proruperunt flu- Confess. cap.  
 mina oculorum meorum, acceptabile sacrificium tuum. Et non quidem 12.  
 his verbis, sed in hac sententia, multa dixi tibi: Et tu, Domine, vsque Psal. 6.  
 quo? Vsquequo, Domine, irasceris in finem? Ne memor fueris iniqui- Psal. 12.  
 tatum nostrarum antiquarum. Sentiebam enim me ab eis teneri, & ia- Psal. 78.  
 etabam vobis miserabiles. Quamdiu, quamdiu, cras & cras? Quare  
 non mo-



non modo? quare non, hac hora, finis turpitudinis mee? Dicebam hæc, & flebam amarissima contritione cordis mei. Et ecce audio vocem de vicina domo cum cantu dicentis & crebrò repetentis, quasi pueri in puella, nescio: Tolle lege, tolle lege: statimq; mutato vultu, intentissimè cogitare cepi, utrumnam solerent pueri, in aliquo genere ludendi, cantare tale aliquid: nec occurrebat omnino, audivisse me vsuam. Repressòq; impetu lacrimarum, surrexi nihil aliud interpretans diuinitus mihi iuberi, nisi ut aperirem Codicem & legerem, quod primum capitulum inuenissem. Audieram enim de Antonio, quòd ex Evangelica lectione, cui forte superuenerat, admonitus fuerit, tanquam sibi diceretur, quod legebatur: Vade, vende omnia que habes, & da pauperibus, & habebis thesaurum in calis, & veni sequere me: & tali oraculo confestim ad te esse conuersum. Itaq; concitus redi ad eum locum, ubi sedebat Alipius: ibi enim posueram codicem Apostoli, cum inde surrexeram. Arripui, aperui, & legi in silentio capitulum, quo primum coniecti sunt oculi mei.

Rom. 13.

Non in comestationibus & ebrietatibus, non in cubilibus & impudicijs, non in contentione & emulatione: sed induite Dominum IESUM Christum, & carnis providentiam ne feceritis in concupiscentijs. Nec ultra volui legere, nec opus erat. Statim quippe cum sine huiusce sententia, quasi luce securitatis infusa cordi meo, omnes dubitationes tenebre diffugerunt. Tum, interiecto aut digito, aut nescio quo alio signo, codicem clausi, & tranquillo iam vultu indicavi Alipio. At ille quid in se ageretur, quod ego nesciebam, sic indicavit: Petit videre quid legissem. Ostendi, & attendit etiam ultra quàm ego legeram, & ignorabam quid sequeretur. Sequebatur verò: Infirmum autem in fide assumite. Quod ille ad se retulit, mihiq; aperuit. Sed tali admonitione firmatus est, Placitòq; ac proposito bono, & congruentissimo suis moribus, quibus à me in melius iam olim valde longèq; distabat, sine ulla turbulenta cunctatione coniunctus est. Inde ad matrem ingredimur, indicamus, gaudet; narramus quemadmodum gestum sit: exultat & triumphat, & benedicit tibi, qui potens es, ultra quàm petimus aut intelligimus, facere, quia tantò amplius sibi à te concessum de me videbat, quàm petere solebat miserabilibus eius, flebilibusq; gemitibus. Conuertisti enim ita me ad te, ut nec uxorem quærerem, nec aliquam spem seculi huius, stans in ea regula fidei, in qua me ante tot annos ei reuelaueras. Et conuertisti luctum eius in gaudium multò uberius, quàm voluerat, & multò charius atque castius, quàm de nepotibus carnis mee requirebat. Augustini & Alipij hæc fors fuit, quam multi imitantur, qui, turbato cum sunt animo, &

Rom. 14.

mo, & fluctuante. Thomæ de Kempis libellum aperiant, aiuntque, se semper solatium reperire, & idoneum vulnere suo emplastrum.

Si non fors, certè fors fuit, incidisse in pios libros Ignatium Patriarcham nostrum. Nam cum in lecto iacere cogeretur, essetq. inprophanis libris legendis multum temporis collocare solitus, aliquem eiusmodi librum sibi ad manum dari iussit, ut eius lectione tempus fulleret. Negantibus familiaribus, domi eiusmodi esse libros, duos Hispanica lingua scriptos accepit, ne prorsus otiosus esset, quorum alter Christi Saluatoris nostri, alter Sanctorum vitas continebat. Atq. horum quidè librorum lectione, sensim eius animus immutari, & imitandi, quæ legebat, studio quodam affici videbatur. Hoc initium fuit conuertendi illius militis, à quo tot conuersionum milliones pependerunt. Librum petijt: prophanum optauit: sacrum sortitus est. inde didicit sapere, vnde alios sapere doceret. Sed & sanctos tutelares sorte, eductos non minus vtiliter, quàm piè, legimus.

Erat solenne familie Borgia, vetere instituto, ut è Diuorum numero aliquem quorannis sorte duceret. Seruabat religiosè hunc morem puer etiam tum Franciscus (Borgia) quem etiam in Societatem induxit, prius, quàm familiam ducere caput. Diui nomen cui obuenisset, is, profecto die, duos mendicos vicatim collectos alebat, festo verò, binis binis mares, faminis famina, ad mensam ministrabant. Ex hoc fonte manauit pia solennisq. Societatis consuetudo, ut singulis mensibus Sanctorum nomina sorte è scrinia educantur distribuunturq. singulatim. Quo die votis conceptis, religiosèq. persolutis opem sui quicq. Diui implorant. Didicerat id in gentilibus Borgia familia Franciscus. Ognati quoq. idem seruauit, multa Socijs indulgens, quo die Diui nomen sorte illis obtigeret: ipse adhuc precationi plus etiam temporis tribuere solitus. A Societate hic sortiendi mos in B. Virginis Sodalitates, atque inde in alias aliàsque, magno cum fructu, est propagatus. Multi è paruis schedis magna extirpare vitia, egregiasque exercere virtutes, Sanctosque peculiaribus colere honoribus didicerunt. Sed assuetudo quodam facit negligentes. Alios ignorantia vtendi tanto fructu priuat. Si tollerent ignorantiam Exhortatores aut Concionatores, extinctis vtique impijs sortilegijs, sortes bonas inducerent, cultumque Diuorum longè latèque propagarent.

De alia Sancti patroni sortitione memorant, quam hic non omitam interserere, Anno 1208. sacro baptismo tinctus est priamus Ar.

VII.

Petr. Ribaden. l. 1. c. 2. de vita S. Ignatij Loiolæ.

VIII.

Andreas Schottus l. 1. vite S. Francisci Borgia. c. 1. Idem lib. 4. c. 4.

IX.

Leonardus



Mayr. in Ca.  
lend. B. Vir-  
gin. 4. die  
Febr.

mus Arragoniæ rex Iacobus, cuius mater, cum dubia esset, quoniam Apostolorum nomine filium suum deberet insignire, consilium cepit, sorti iudicium vel indicium permittere. Duodecim itaque curauit cereos fundi æquali pondere & magnitudine. Singulis cereis, alicuius Apostoli nomen inscripsit, vel in schedâ adiecit. Eos omnes pariter in honorem Apostolorum accendi iussit, addita conditione, ut cuius Apostoli cereus diutius arsurus esset, eius nomen filius sortiretur. Diutius arsit cereus Iacobi. Indicatum est igitur, ex Dei voluntate, vocandum esse Iacobum. Quod & factum est: neque sine emolumento. Nam hic postea Iacobus & regnum Hispaniæ, & religionem Catholicam, & honorem D. Iacobi mirificè propagauit. Plausum tulit fructumque hic modus sortiendi: quia nullum periculum erat, quicumque Apostolus in patronum eligeretur. Quare eo superstitionem suam tueri non possunt stultæ illæ mulierculæ, quæ, in die Fidelium animarum, tot cereos accendunt, quos liberos habent, eamque prolem, cuius cereus citius absumitur, sibi persuadent citius morituram; quasi Deus, qui vult hominibus horam mortis esse incertam, illam cereis reuelaret. Sed rectè eiusmodi matres sua curiositas plectit, semper enim postea anxie metuunt, quod superstitiosè crediderunt.

X.

Cæsar. lib. 8.  
Mirac. c. 56.

Istam porrò Sanctos sortiendi consuetudinem non nouam esse, docetur eo argumento, quia, ante annos plus quam quadringentos, eius consuetudinis meminit Bernardi æqualis, & ex eodem ordine, Cæsarini Heisterbachiensis, cuius hæc sunt. *Consuetudo est maxime prouincia nostra matronis, ut tali sorte specialem sibi Apostolum eligant. In duodecim candelis duodecim Apostolorum nomina, singula in singulis scribuntur, quæ à sacerdote benedictæ altari simul imponuntur. Accedens verò femina, cuius nomen per candelam extrahit, illi plus ceteris & honoris, & obsequij impendit. In hunc modum cum quedam matrona S. Andreæ extraxisset, & non ei placuisset, repositâ candelâ alium habere voluit, sed iterum idem occurrit. Quid plura? tandem traxit sibi placentem, cui cum multum exhibuisset obsequij, per omnes dies vitæ, & ad extrema perueniens esset moritura, non illum, sed B. Andreæ sibi assistere vidit. En, inquit, ego sum ille despectus Andreas. Ex quo colligitur, quod nonnunquam Sancti etiam ultro se ingerant humanæ deuotioni. Quod cur faciant, etsi inter arcana Dei sit habendum, tamen etiam bonitati eorum ascribi potest, ut qui vel spernentes se, non spernant, immo benefacere his, qui oderunt illos, possunt.*

los possint. Quanto autem magis diligentes se diligent, & cultoribus suis patrocinauntur? Neque præiudicium fit alijs, si vnus altero colatur impensius; non enim idcirco hic sanctior, aut ille impotentior censetur, in adminiculando; sed cum vniuersim omnes, tanquam *nimis honorati amici Dei*, tum in Litanij, tum in alijs precibus inuocentur; vnus eligitur alterū ab hoc, alius ab alio, vt etiam peculiariter colantur, perque hunc peculiarem affectum Mundo magis innotescant. Cum autem etiam in magnis aulis, aut conuiuijs, etsi omnes serui conuiuijs omnibus honorem exhibeant, tamen alius huic, alij alius astare seruireque iubeatur; cur nō & diuina sapientia Sanctis suis provideat seruos & seruis Sanctos peculiares? Imō, puidet. Hinc vel ab ipsis Sanctis Sancti aliqui præcipuo amore atq; honore culti fuere. Sic culti sunt, à S. Basilio & fratre Nysseno, Martyres quadraginta; itēque Theodorus. Sic cultus est à Chrysostomo Paulus, ab Augustino Stephanus, à Gregorio Andreas, ab alijs alijs. Neque putandum est, esse inter Sanctos æmulationem; nullus alteri inuidet; nullus existimat, se iniuria affici, quando alter honoratur. Alioqui etiam Ecclesia nullam auderet orationem ad D. Martinum fundere, ne D. Georgius offenderetur; aut, cum S. Nicolai festum celebrat, metuendum esset, ne S. Dionysius læderetur. Certē multi beneficio obstricti videntur, vt vnum Sanctum præ alio venerentur. Cur enim S. Benedictum PP. Benedictini, S. Bernardum Bernardini, S. Franciscum Franciscani, S. Dominicum Dominicani, S. Norbertum Norbertini, & qui S. Ignatij instituta sequuntur, S. Ignatium peculiaribus obsequijs non venerarentur? Colit quisque ducem suum, eūque meritō censet honorandum, quem ei Deus dedit imitandum. Dare autem solet, non modò per vocationem, sed etiam per sortem.

Cuius rei exemplum, in vita quoque S. Elisabethæ, quæ postea Langrauij fuit vxor, legimus. Illa D. Ioannem Apostolum, præter ceteros, charum, sibi, patroni loco, delegerat, imitata pietatem Christianorum (vt refert Iacobus Montanus Spirensis) quibus singulorum eligere aliquem è cœtu Apostolico, quem familiarius clientum more colant, consuetudo est. Ne tamen electionis euentu (vt assolet) incerto, quia sorte agebatur, alium, quàm Ioannem nancisceretur, premissa ad Deum prece, effecit, vt quem summopere volebat, semel iterūq; ac tertio sortiretur. Cuius voti compos effecta, ad eū dilexit coluitq; adeptū.

Vn

vt ob

XI.  
Surius 19.  
Nouemb.



ut ob ipsius nomen meritumque rogantibus, nihil denegandum putaret. Est in hoc exemplo affectus erga Sanctum, Suffragium Sortis, & preces à Deo impetrantes, ut Sortes temperaret; quia in re multi hodieque sunt pii imitatores, dummodo assuetudo non minuat pietatem.

## XII.

Gregor. Tu-  
ron. l. 2. hist.  
Francor. c.  
37.

Possunt & alij diuinæ voluntatis explorandæ modi inter Sortes computari, qualis fuit ille, quem Gregorius Turonensis recenset his verbis: *Chlodoveus rex ait suis: Valde moleste fero, quod hi Arriani partem teneant Galliarum. Eamus cum Dei adiutorio, & superatis, redigamus terram in ditionem nostram. Cumque placuisset omnibus hic sermo, commoto exercitu, Pictavos dirigit. Et paulò post: Ipse verò rex direxit nuncios ad Beatam Basilicam (S. Martini) dicens: Ite, & forsitan aliquod victoriae auspiciū ab eade sancta suscipietis. Tunc, datis muneribus, quæ loco sancto exhiberent, ait, Si tu, Domine, adiutor mihi es, & gentem hanc incredulam, semperque amulam tibi meis manibus tradere decreuisti, in ingressu Basilicæ S. Martini, dignare propitiū reuelare, ut cognoscam, quia propitiū dignaberis esse famulo tuo. Maturantibus autem pueris, & ad locum accedentibus, iuxta imperium regis, dum Sanctam ingrederentur Basilicam, hanc Antiphonam ex improviso primicerius, qui erat, incipit: Præcinxisti me, Domine, virtute ad bellum: supplantasti insurgentes in me subitus me, & inimicorum meorum dedisti mihi dorsum, & odientes me disperdidisti. Quod satellites audientes, & Domino gratias agentes, & vota B. Confessoris promittentes læti nunciauerunt regi. Porro ille cum ad fluuium Vigennam cum exercitu aduenisset, per quem locum transire deberet, penitus ignorabat, intumuerat enim ab inundatione pluuiarum. Cumque illa nocte Dominum deprecatus fuisset, ut ei vadum, quo transire posset, dignaretur ostendere, manè factò, ceruamiræ magnitudinis, ante eos, nutu Dei, flumen ingreditur, illaque vadante, populus, quæ transire posset, agnouit. Sortis loco, regi fuit vox, sub ingressum legatorum, in templo excepta victoriae nuncia; & cerua ductrix.*

## XIII.

Qualis datus est dux etiam S. Itæ innocenti, ob arreptam adulterij suspicionem, ex arce ac turri præcipitata; atque in nemoris salubres latebras inuitata; ceruus cornuum ramis, candellarum instar, prælucens. Neque noster Patriarcha Ignatius à cæde Maurialiter est abductus. Pergentem, capto itinere, Ignatium, inquit

Petr. Ribad.  
l. 1. Vitæ S.  
Ignatij, c. 3.

Ribadeneira, & recta montem Serratam versus progredientem, Saracenus quidam, siue Maurus affectus est (erant per id tempus in

Hispania Tarraconensi adhuc aliqui ex antiquis eius gentis reliquijs) cui

una

vnā irent, incidit ( ut fit ) illis sermo de Virginitate B. Virginis Maria, quam cum in conceptu filij concederet Maurus, in partu negaret, ad eamq; rem naturales rationes aliquot adferret, neq; ad veritatem flecti posset, ab Ignatio, celeriter precessit, solūq; Ignatium reliquit, harentem diu, multūq; dubitantem, vtrum ab se pietas Christiana exigeret, vt Maurum cōsequeretur, & pugione confoderet, quod de beatissima & immaculata Virgine, coram se agnominosē locutus fuisset. Homo quippe militaris, & fallaci veri honoris imitatione olim delusus, de decori sibi esse ducebat, si quid à religionis Christiana inimico, se audiente, de inuolata Sacrosanctæ Virginis integritate impune detraheretur. Quæ quidem cogitatio in speciem pia, diu, multūq; rudem tunc Christi militem torfit, in eamq; deliberationem tandem induxit, vt, vbi ad binum ( vnde è via publica ad oppidum vicinum Maurus declinarat ) constitisset, habenas mule, qua vebebatur, permitteret, & si ad locum, vbi Maurus erat, diuerteret, quæsitum illum, atq; inuentum interficeret: sin rectē pergeret, omitteret. Atq; ita diuina providentia factum est, vt iumentum lata, faciliq; via prætermissa, suum iter sequeretur. Ut omnes intelligant, quibus inuicis, quibusq; progressibus, Deus militem suum ad extrema perduceret. Nam, vt ait D. Augustinus, anime virtutis capaces ac fertiles præmittunt sæpe vitia, quibus hoc ipsum indicent, cui virtuti sint potissimum accommodata, si fuerint præceptis exculta. Vnde & Moyses interficiens Aegyptium, adhuc incultus, vitiosa quidem, sed magna fertilitatis signa fundebat. Neque debet Momus hic aliquis ridere, viam Deo displicentem, mulæ indicio, proditam Ignatio, cum Balaam ad Balac proficiscente, & irato Deo, cernens asina Angelum stantem in via, euaginato gladio, auerterit itidem se de itinere, & iuerit, per agrum, tandēque etiam prodigiosa voce hominem docuerit, quā non esset eundem. Quemadmodum & Saul asinas amissas querens regnum inuenit. Quin hoc ipsum sortiendæ viæ genus, in sacris paginis, legimus. Ita percussis à Deo Philisthæis suum est: Arripite & facite plaustrum nouum vnum: & duas vaccas foetas, quibus non est impostum iugum, iungite in plastro, & recludite vitulos earum domi. Tolleisq; arcam Domini, & ponetis in plastro. & vasa aurea, quæ exoluistis ei pro delicto, ponetis in capsellam ad latus eius: & dimittite eam, vt vadat. Et aspicietis: & siquidem per viam finium suorum ascenderit contra Bethsames, ipse fecit nobis hoc malum grande: sin autem minimè: sciemus quia nequaquam manus eius tetigit nos, sed casu accidit. Non est difficile diuinæ sapientiæ etiam per

S. Aug. l. 22.  
cont. Faust.  
c. 70.

Num. 22. 23.

1. Reg. 9. 3.

1. Reg. 6. 7.



2. Reg. 18. 9.

Io. 1. 47.

## XIV.

Venant. For-  
tunat in vi-  
ta D. Mauri-  
lij cap. 15. &  
Sur. tom. 5.  
die 13. Sep-  
temb.

Arcadicum pecus, aut asini aut mulæ, aut bouis, aut vaccæ stupiditatem, ad prudentiam erudire. Cum rebellem filium Absolonem vellet Deus infelici arbori suspendere, mula carnificem egit: potest eadem etiam, si Deus vult, agere præceptorem. Vnde multo stultissimè agunt, qui inde se excusant à diuini Verbi auditione, quòd Parochos habeant & simplices, & non satis doctos. Per bestiam te potest summus Magister instruere, quid quæris Platonem? Ipsi Apostoli nonne simplices fuerunt, atq; illiterati? Quid tunc fecisses, an Petrum piscatorem, aut Nathanaëlem *verum Israelitam, in quo dolus non erat*, concionantem audire noluisse? Sed ad *Sortes*, immo sortientes enumerandos reuertamur.

Notissimus est D. Bennonis Episcopi & piscis & clauis, cui similem, sed non æquè notam historiam, ex Venantio Fortunato Episcopo Pictauiensi, qui tempore Iustini iunioris An. 570. floruit, referam. D. Maurilius Mediolanensis D. Martini discipulus, multis magnisque miraculis clarus, quem Andegauenfes Pontificem habuerunt, paulo postquam à S. Martino. columba candidissima super caput eius descendente, initiatus erat, in D. Petri templo solenniter fecit. Dum sacrificaret, adfuit, cum moribundo filio matrona illa, cui, ante id tempus, sterili eundem precibus à Deo impetrauerat. Ea matrona, non vitam corporis gnato, sed Spiritum S. postulabat manuum impositione, seu Confirmationis atque extremæ vñctionis fortasse etiam sacramento impertiendū; pulcherrimo matrum documento, ne mysteria tam sacrosancta, luctui & lamentis suis posthabeant, sed vt regnum cælorum in primis medicūque animæ antè, quàm corporis quærant. Maurilius nequaquam rem præcipitare sacram assuetus, sed diuinis affectibus absorptus, dum in corpore & sanguine Seruatoris consecrando moram trahit, desinit puer trahere animam; atq; ita hic prius vitam, quàm ille Missam absoluit. Audite, obsecro, rem mirissimam, & æri, immo pectori omnium Episcoporum ac Ecclesiasticorum penitus inculpendam; eorum autem præsertim; qui dum visitant ditionem, dum Sacramentum Chrismatis conferunt, lustrum est, aut qui lufibus symposiisque, cum morte & Styge luctantium, agones negligunt, eosque sine culparum expiatione, sine extrema Vñctione, sine cælesti viatico emori sinunt, ne suas cogantur interrompere computationes ac ebrietates. Non sic Maurilius, non sic fecit; puer, sine Confirmatione decessit, illo non perpotan-

perpotante, sed ad sacratam mensam operante, libantēque sanguinem Christi. Quis eum non excusaret? quo altero negotio sanctiore occuparetur? immo quis religioni sibi non duceret, eo loco, interiungere? At longè aliter calculum duxit sanctus ille Præsul. Nam postquam *Ilicet*, dixit, ubi cognouit, puerum vixisse, inconsolabilibus lachrymis negligentiam suam deplorauit, sibi attribuens, quod ille chrismate atque sacro oleo non vnctus, sine tanto dono, vitam finisset. Hic cupio omnes mortales diligenter perpendere, quanti vel leuem culpam faciant, diuinorum iudiciorum gnari. Nam Maurilius, quoniam delictum istud nullo facit fletu ablui posse arbitrabatur, diu multumque, quid ageret, animo secum colluctante, statuit, domi ac inter ciues, tale piaculum lui non posse, sed voluntario exilio puniendum. Consilio hoc capto, clam profugit, incogitansque secum claues asportat, quibus Reliquiæ Diuorum, in Andegauensi Ecclesia, custodiebantur. Solicitus exul nullum satis remotum securumque exilium existimabat, nisi quod mare interpositum muniuisset. Ad littus ubi peruenit, dum nauæ morantur ventumque expectant, ne nihil ageret, per otium, in lapide, diem nauigationis suæ incidit, nomēque adiecit, à nullo utiq; Andegauensi reperiendum. Conscensa nauis, atque in altum prouecta, tum demum cæpit animaduertere, claues sacri thesauri secum ablatas: easque, cum manibus versasset, subito, dæmonis inuidia excussas atque in mare esse prolapsas, duplici dolore angebatur. Quamobrem, non sine pio fletu, exclamauit, se, nisi has claues iterum videre meruisset, patriam urbemque, non reuifurum. Et sanè, ante integrum septennium, non reuifit. Tanti etiam Deus vel leuem, ut nobis videtur, labeculam facit. Quot annis, aut quibus pœnis castigaturus est, eos, qui, non Sacrificij, cum consueta pietate, absolucendi causa; sed ut dormire, & edormire crapulam, ut perpotare, ut ludere possint, tot deferunt moribundos? tot oues negligunt, neque instruunt illis doctrinis, sine quibus æternam salutem non consequuntur? Decimas suas accuratè exigunt, ut habeant, unde uiuant. Sciant & oues exigere pabulum spirituale; quo subducto, illis est pereundum. Quid ergo tunc eiusmodi pastoribus continget? an septennij exilium illis sufficiet? Nequaquam, sed, ob vnāquamque ouem æternum, illorum negligentia, pereuntem, æternum sunt perituri. Sed reuertamur ad nostrum Maurilium, Is, nauigatio-



ne superata, vestem mutauit, ne agnosceretur; utque corpus assiduis laboribus diuexaret, Hortulanum professus homini primario operam condixit. Eo in opere apparuit, quanti referat, quam manu quid seratur, quamque salutaris sit imber diuinæ benedictionis. Siquidem quidquid seminauerat, quidquid plantauerat, incredibili auctu sanoreque proueniebat; adeo ut non solum omnibus sufficeret, sed etiam nunquam deficeret, quod culinæ suis petebant. Hæc fertilitas & gratia horti magnam illi gratiam amorēque conciliauit; tandemque, etiam extra Phæaciam, pro Alcinoō habebatur, Alcinoos pariter plantando, & Onias, pro populo ac ouibus suis identidem orando.

## XV.

Interea Andegauensis populus pastore suo viduatus absentiam illius semper magis magisque sentiebat. Deerat enim qui iussu dæmones fugaret, oratione ægros sanaret, signo crucis cæcos illuminaret. Quin è cælo quoque, per varia visa admonebatur, perque portenta terrebatur, ne deses esset in Antistite suo quæritando, si vellet imminens urbi excidium declinare. Adeo Deus bonos pastores cordi habet, & populum pastoris amantem amat; ut etiam terreat, & puniat, si non satis curet curatorem. Quem tantò impensius curandum, vel inde docemur, quod vnus Episcopi sanctitas possit diuinæ iræ obflare, ne tota aliqua ciuitas evertatur. Electi sunt igitur, communi consilio atque impensa, viri quatuor probatissimæ virtutis, qui omnibus rebus necessarijs instructi, per diuersas orbis partes, Præsulem quæsitum proficiscerentur. Hi omnem ferè Europam perlustrarunt frustra, septimoque tandem anno, re infecta, in Galliam reuersi, quem cis mare non repererunt, trans mare indagaturi, diuino ductu, ad eum Oceanum portum, qui in Britannia minore est, perueniunt. Ibi dum nauim expectantes, temerè aliquot spatijs factis, per littus, obambulant, in silice inscriptum inueniunt: HIC TRANSIIT MAURILIUS ANDEGAVORVM EPISCOPVS &c. Ea indicina læti nauem, & mox mare intrant. Ad medium progressi, ex improviso, grandior piscis, potenti saltu, de gurgite in nauim se librat, in quo exenterato eas ipsas sacrarum Reliquiarum clauas, quæ de S. Maurilij manibus, ante tot annos, arte dæmonis exciderant, benignitate Numinis iterum inuenerunt. Quibus agnitis, haud mediocri pauore percussi timuerunt, ne & ipse Maurilius naufragio haustus periisset. Anchoras iaciunt, & naue stante in medium.

medium consulunt, progrediendūne sit, an patria repetenda?  
 Suadebant potenter nautæ, actum esse, reuenterentur, clauēs no-  
 tas hausti fluctibus Maurilij euident indicium haberi. Dum con-  
 sulunt, nox subit, & somnus, & cum somno omnibus mandatum  
 à Deo datur, vt cæpto itinere pergant, neque cessent Antistitem  
 suum inuestigare. Hoc somnio vno eodēque omnes vsi non  
 censuerunt retro, sed porro nauigandum. Quare, Angelo duce,  
 & portum obtinuerunt, & hospitio circumspēcto, non in hospi-  
 tium, sed in eas ipsas ædes delati sunt, in quibus Maurilius topia-  
 riam factitabat. Vix domum ingressi audiunt illicō desideratissi-  
 mum nomen, Maurilium, vt cum oleribus præsto esset, inclamari,  
 vidētque quasi mediastinum, cum oleribus accurrentem. Miri-  
 ficum tunc extitit gaudium, summāque admiratione stupefacti, ad  
 illius se pedes abijciunt, atque vbertim lachrymantes, summa qua  
 possunt, ope, rogant, vt patriæ ciuitatque suæ succurrere pericli-  
 tanti ne dedignetur. Admiratur non min⁹ Maurilius, se inuen-  
 tam & agnitum, quā qui illum agnouerunt. Cum igitur se ipsum  
 negare non posset, fugam fassus, reditum negauit, asserens se & vo-  
 to, & iuramento constrictum, ne vnquam domum reuenteretur,  
 nisi perditas in vndis clauēs recepisset. Ibi se demum diuinæ pro-  
 uidentiae ambages aperuerunt. Nam &, qui ad eum indagandum  
 missi fuerant, visā sua retulerunt, & clauēs ipsæ è profundo pelagi  
 postliminiō à pisce redditæ testimonium fuerunt diuinæ volunta-  
 tis. Excitata est ingens, inter omnes, admiratio, sed præcipuē ob-  
 stupuerunt illi, quibus tantus Præsul, per tam multos annos, ver-  
 niliter seruijt. Itaque quem vt hortulanum habuerant, iam vt  
 Præsulem venerantur, ignoscique sibi petunt, quod incognitum  
 non tradārint pro reuerentia & dignitate. Maurilius tot pulsatus  
 argumentis precibusque fatigatus nondum tamen plenē consen-  
 sit in reditum, nisi prius os Domini consulisset. Inducias igitur,  
 in alterum diem, petiuit, totāque vigilijs ac precibus noctem  
 impendere statuit, vt mentem opemque diuinam imploraret. Cō-  
 cubia nocte, peruigilio fessum lenis sopor oppressit; ibi Angelus  
 adfuit eūque ita affatus est: *Surge, Maurili, & populorum te re-*  
*quirentium exequere votum. Ecce enim tuis precibus & meritis tibi cō-*  
*missus Dominus serauit oues, pro quibus rogasti; & insuper reddidit*  
*puerum, quem diutius plorans quesisti.* Facto die, non minore luctu  
 eorum, quos relinquebat, quā gaudio illorum, quos comitaba-  
 tur, ad



tur, ad nauim deductus est. Domum ubi venit, ad defuncti pueri & iam septem annis sepulti tumulum accessit, terrâque eruta, in genua procumbens, longam, cum vberissimo fletu. orationem ad Christum effudit. Qua finita, vtrique consurgunt. Maurilius de oratione, & puer de morte: quem consecratum, ex euentu Renatum appellauit, habuitque post se, in Episcopatu Andegauensi Successorem, & ipsum miraculorum grandium patratores. Sic Maurilio defunctus puer, Maurilius populo suo redditus, maiore cum gaudio & honore domi exceptus, quàm, in exilio, ad nauim, ingenti hominum multitudine concurrente, deductus est. Sic clauium repertarum fors Maurilium domum reduxit. Verùm, vt de muneribus dici assolet, ita & hîc *nec omnia, nec passim, nec ab omnibus* imitanda sunt. Itaque ne aniculæ, cum his talibus, friuola, & gerris Siculis vaniora, permisceant, & *Hiberas nenas Egyptiâq;*, vt D. Hieronymus ait, *portenta sceleremur*, prouidè scoria ab auro est separanda. Quid si Maurilius, clauis in mari sepultas, putasset nunquam, sicut ferrum ad securim olim, nataturas, atq; ea loquendi formula indicare voluisset, se quoq; nunquam rediturum, atque ita non ipse *sortes*, aut signum reditus à Deo poposcisset, sed Deus non poscenti inuentionem clauium pro sortibus esse constituisset? Quod sæpe euenit nunc, nihil minùs, quàm de *sortibus* cogitanti. Vnde nihil hîc in exemplum trahere possunt mali *sortium* usurpatores.

Vlpianus in  
Pande&t. l. i.  
tit. de officio  
Proconsulis,  
ex epist. D.  
Seueri & An  
tonini Imp.  
S. Hieron.  
in 12. qq.

## CAPVT XXXV.

*Quenam exploratio diuine voluntatis, per sortes, aut  
quæ fors sit licita?*

I.



Nunquam magis inter Scyllam & Charybdim nauigatur, quàm cum de *Sortibus* est disputatio: vtrinque enim sunt scopuli: & qui omnes *Sortes* damnat, malus est iudex, & qui omnes absoluit, impius usurpator. Recensui varias *Sortes*, & varios, qui illis vfi sunt, non tamen omnes probaui; improbus autem essem, si omnes reiecissem. Vt ergò tutò, etiam hac ratione, Dei iudicia indagari possint, sequentia dabo documenta.

Primum.

Primum documentum. Quædam *Sortes* vocantur, quæ non sunt *Sortes*, sed meræ industriæ naturales, atq; ex se non illicitæ; sed sæpe etiam laudatæ. Talis fuit Sors, ex hinnitu equi captata, de qua supra. Et si enim vera sors fuisset, si in regem electus esset, cuius equus in forum deductus casu hinnisset; non fuit tamen vera sors, si ad illum aspiciamus, cuius consilio ingenioque, equus, præcedente die, in eodem loco ad aquam admissus, quodammodo eruditus & assuetus fuit hinnire, cum ad eundem locum redisset. Talis industria fuit Friderici III. apud quem, cum rusticus questus esset, iugaliū equorum alterum, in caupona sibi, per abigeum, subductum esse; abactorem sibi Imperator iussit indicari. Rusticus id à se fieri posse negavit, eò quòd hominem non nosset. Subridens Fridericus ait: Clementer tecum est actum, nam cum in hac vrbe tot sint equites, equi tam pauci, mirum est, milites non vtrumq; equum simul abstulisse. Equa, ô Cæsar, subdit rusticus, est altera, quæ militibus paruo vsui. Age igitur, inquit Imperator, equam inscende, perque omnes vicos, plateas, compita, & angiportus vrbis obequita. Subtractus equus in aliquo stabulo latitat; is, cum iugalis odorem senserit, illico hinnitum edet sociamque salutabit. Placuit rustico consilium, & profuit. Nam hinnitu proditus est abigeus, sicut quondam Cacus inugitu. Quis sortem hanc potius, quàm artem vocaret? Hæc sagacitas, in diuinis litteris, *diuinatio* appellatur: *Diuinatio in labijs regis, in iudicio non errabit os eius.* Eiuscemodi *diuinatio*, seu industria necessaria est iudici, in perplexis ambiguïsque factis eruendis, & in rebus, quarum veritas ignoratur, sollerti discussione coniiciendis. Tali sollertia Salomon veram matrem agnouit, eique filium reddidit. Tali Ariopharnes Thraci rex filiū regis regno dignū inuenit. Tres fuerunt Cimmericorum regis filij, regnum paternum quisque affectabat. Ariopharnes iudex eligitur. Hic erutum patris eorum cadauer è sepulchro, arbori alligat, arcui sortem committit. regni successor destinatur, qui cor patris sagitta tetigisset. Primogenitus guttur, alter medium pectus corde illaso transfixit. Supererat minimo spes regni, vicit pietas, & se regno cedere malle, dum in patris cadauer pietate superior esset, professus; iaculari detrectauit. Huic ergo regnum est adiudicatum, quòd se pariter & verè filium, & virtute superiorem demonstrasset. Ariopharnes hic sorte se vsurum simulauit: arte vsus est. Eiuscemodi complura, de

II.

Aeneas Silu.  
l. 2. de gestis  
Alphonfi.

Prou. 16. 16.

3. Reg. 3.

Diodor. Si.  
cul. lib. 20.

X x

Alphon.



Anton. Pa. Alphonso primo Neapol. rege, inter ancillam & dominum facinus  
norm. l. 2. de negantem; itémque de Theodorico rege Gothorum, inter ma-  
gestis Alfoi. trem & filium; deque ipso Carolo Magno, inter patrem & filium  
Ioan. Magn. non tam fortuito fortiente, quam prudenti & ingeniosa argutia.  
l. hist. Gotth. verum exprimente. Qualibus industrijs, ex se spectatis, non pec-  
c. 29. Andr. catur, nisi finis prauus, aut dolus malus accedat. Sæpe, qui dedit  
Barbat. in c. ingenium, utitur ingeniosis, ut detegat fraudes stupidorum do-  
præsenti in ceatque eos sapere. Nam, post industriam, sequetur sapientia.  
 probation. Eccl. 10. 10.

## III.

S Gregor. in  
cap. 4. i. Re-  
gum.

Orig. hom.  
23. in Iosue.  
Augustin. in  
Pl. 30. c. 6. 2.  
A. Apost.  
c. 1. 23.

Secundum documentum. Etiam propriè dictarum vsus  
*Sortium* vniuersè damnari non debet, non potest. Quia alioqui  
multi sancti, qui eas vel laudarunt, vel, etià Deo inspirante, vsurpa-  
runt, immo ipse Deus Sortibus uti iubens, damnetur. Et quidem  
D. Gregorius de hac re agens, præter supra è veteri lege cômemo-  
rata, & quæ infra commemorabuntur, affert in exemplum, Mat-  
thiæ electionem, quæ si mala esset, Apostoli eligendo peccauissent;  
neq; diuinum iudicium intercessisset, post humanum, quo duos  
selectos, vnúmque à S. Spiritu electum Origenes, & D. Augustinus  
docuerunt, quando Apostoli statuerunt duos, *Ioseph, qui vocabatur*  
*Barsabas, qui cognominatus est Iustus: & Matthiam*, nominâque  
eorum, ut multi tradunt, inscripta in vnam miserunt, rogarunt.  
que Deum, ut eius prius nomen exiret, quem sciret esse aptiorem.  
De vsu Sortium, in Veteri Testamento, res è supra memoratis ex-  
emplis est clara. Quod si autem tunc maior fuit imperfectio, etiam  
ob vsu sortiendi; haud tamen reprehendi potest vsus ille, nisi  
Deum ipsum velimus reprehendere, qui, per Moysen, *Sortes* quas-  
dam certas introduxit. Quanquam non putandum est, continuò  
aberrare à perfectione, minus è rectè fieri, in noua lege, quidquid  
lex vetus vsurpauit. Hinc & alij Sancti, in Nouo Testamento, *Sortes*  
subinde, quamuis neque omnes, neque temerè vsurpauerunt.

## IV.

Marc. 7. 37.

Leuit. 16. 18.

Num. 17. 1.

Tertium documentum. *Sortes* omnes diuina iussione ad-  
hibita, rectè sunt adhibita, ut per se patet. Nam qui Deo paret,  
non peccat; cum peccatum Deus iubere, vel ad illud adhortari  
non possit, qui *bene omnia fecit*. Et cur, cuius est, opus præscribere;  
non possit etiam modum operis præscribere? Rectè ergo olim  
hircus immolandus *Sorte* electus est. Rectè electus sorte Aaron,  
de quo locutus est Dominus ad Moysen, dicens: *Loquere ad filios Israël,*  
*& accipe ab eis virgas singulas, per cognationes suas, à cunctis Principi-*  
*bz tribuum, & virgas duodecim, & vniuscuiusq; nomen super scribes*

virga

virga sua. nomen autem Aaron erit in tribu Levi, & una virga cum-  
 Etas scorsim familias continebit: ponensq; eas, in tabernaculo federis, co-  
 ram testimonio, ubi loquar ad te. quem ex his elegero, germinabit virga  
 eius. Has virgas, cum posuisset Moyses coram Domino, in tabernaculo  
 testimony: sequenti die, regressus inuenit germinasse virgam Aaron, in  
 domo Levi: & urgentibus gemmis eruperant flores, qui folys dilatatis,  
 in amygdalas deformati sunt. Cur autem Deus hoc fieri iusserit, ipse  
 prodidit illis verbis: Refer virgam Aaron in tabernaculum testimo-  
 niy, ut seruetur ibi in signum rebellium filiorum Israël, & quiescant que-  
 rele eorum. Ita enim apparebat, diuinitus, non autem fraterno a-  
 lioué humano affectu, factam Aaronis electionem. Quare, etiam  
 in noua lege, fuit inspiratio Dei, vt sorte eligeretur Matthias, ne  
 ceteris Apostolis inferior censeretur, nisi à Christo ipso electus es-  
 set; & quia inter Barsabam ac Matthiam sanctitate & doctrina,  
 adeo pares, humano iudicio, discerni non poterat, vter præfere-  
 ndus esset; nisi Deus, per sortes à se temperatas, iudicium suum de-  
 clarauisset. Rectè per sortem electus Saul, de cuius electione sic  
 loquitur scriptura: Et applicuit Samuel omnes tribus Israël, & cecidit  
 Sors tribus Benjamin. Et applicuit tribum Benjamin & cognationes eius,  
 & cecidit cognatio Metri. & peruenit vsq; ad Saul filium Cis. Quis  
 dubitet, Samuelem diuino iussu, hunc electionis modum obserua-  
 se? Sicut & Dauidem, quando familiarum Eleazar & Ithamar vi-  
 ces, in ministerio Domini, sortibus diuisit? Itémque, quando mi-  
 serunt & ipsi sortes contra fratres suos filios Aaron, coram Dauid rege,  
 & Sadoc, & Achimelech, & Principibus familiarum Sacerdotalium,  
 & Leuitarum, tam maiores, quam minores omnes sors equaliter diui-  
 debat. Talem sortis vsum expressè, in furto Achan deprehenden-  
 do, mandauit Deus, his verbis: Acceditis manè singuli, per tribus  
 vestras: & quacumq; tribum sors inuenerit, accedet per cognationes  
 suas, & cognatio per domos, domusq; per viros. Sic in reum inquiri  
 iussit Deus, quis summum Iudicem iudicet malè iussisse? Qui utiq;  
 etiam rectè iussit, quando Moyse dixit: Istis diuidetur terra, iuxta  
 numerum vocabulorum in possessiones suas. Pluribus maiorem partem  
 dabis, & paucioribus minorem: singulis, sicut nunc recensiti sunt, trade-  
 tur possessio: ita duntaxat vt Sors terram tribubus diuidat & familijs.  
 Quidquid sorte contigerit, hoc vel plures accipiant, vel pauciores.

Quartum documentum. Nec iussione duntaxat, sed  
 etiam admonitione diuina, quando ea est satis clara, Sortes rectè

1. Reg. 10. 26

1. Paralip.

24 5.

Ibid. v. 31.

Iosue. 7. 14.

Num. 26. 53.

V.



S. Aug. l. 8. Confess. cap. 12. consuluntur. Quod D. Augustino factum est, de vitæ statu deliberranti. *Flebam, inquit, amarissima contritione cordis mei: Et ecce audio vocem de vicina domo, cum cantu dicentis, & crebrò repetentis, quasi pueri, anpuella, nescio: Tolle lege, tolle lege. Ac ne temere videatur, credidisse ignotæ vocis admonitioni, subiungit: statimq, mutato vultu, intentissimus cogitare capi, virumnam solerent pueri, in aliquo genere ludendi, cantare tale aliquid, nec occurrebat omnino, audivisse me uspiam: Eant, qui sorte consultoria se ipsos fallunt, & quærant, quam prætexere possint excusationem suæ leuitati; cum D. Augustinus, ne clarè quidem monenti voci statim voluerit fidem adhibere; quia & imaginatio potest decipi, & vox ab aliò etiam ad aures accidere, immo ab Alastore etiam fingi. Qua de causâ cautela opus est, præsertim mulierculis, & simplicibus, quibus omnis phantasia reuelatio videtur, alioqui ad sortes & sortilegia promissis. Si tamen vel vox est prudenter examinata, vel instinctus bene exploratus, si spiritus probatus, num ex Deo sit; & potiùs, si constet de reuelatione, ad hoc genus sortiendæ diuinæ voluntatis excitante, nequaquam ei est reluctandum. Discretio autem spirituum, est peculiare donum Dei, nec penes vnumquenque. Quare, ne, in eiusmodi negotijs, illusionibus, se quis exponat peritiores debet consulere, & finem æquè ac internam lucem spectare, maximèque personam illam, cui reuelatio est facta. Qua de re legendus est Delrius lib. 4. disq. c. 1. q. 3. sect. 1. 2. & 3.*

## VI.

D. Antonin. 3. p. sum. histor. tit. 24. §. 7. D. Bonauentur. in vita S. Francisc. cap. 13.

Hoc pacto, carptim & obiter D. Antoninus, plenè D. Bonauentura narrat, S. Franciscum sorte vsum. *Immissum est eius menti, ait, per diuinum oraculum, quòd, in apertione libri Evangelici, aperiretur ei à Christo, quòd Deo, in ipso, & de ipso, maximè foret acceptum. Oratione itaq, cum multa deuotione, præmissa, sacrum Euangeliorum librum de altari sumtum, in SS. Trinitatis nomine aperiri fecit, per sociũ, virum utiq, Deo deuotum & sanctum. Sanè, cum, in trina libri apertione, semper Passio Domini accurreret, intellexit vir Deo plenus, quòd, sicut Christum fuerat imitatus in actionibus vitæ, sic conformis ei esse deberet in afflictionibus & doloribus Passionis, antequam ex hoc mundo transiret. Optima utique fors fuit, quæ docuit, non vlisci inimicos, sed diligere; non sectari delicias, sed, cum Christo, & pro Christo, crucem ferre.*

## VII.

Pro quarti huius documenti cautela, rectè monent nonnulli, *sortes è fortuita libri apertione, aut alio quopiam simili signo,*

non

nō petendas esse, nisi, in graui necessitate, quis ad id compellatur, ut ad terminandam grauem litem, vel ad anceps consilium dijudicandum. In quam rem citant D. Augustinum, qui, *Si inter Dei ministros sit disceptatio, quis eorum, persecutionis tempore, maneat, ne fuga fiat omnium, & qui eorum fugiant, ne morte eorum deservatur Ecclesiæ: si cui abundaret aliquid, quod deberet dari eis, qui non haberent, nec duobus dari posset, neuter verò alium vel negligentia, vel urgente necessitate, superaret; tum sortitionem fieri posse censet.* Quæ etiam S. Ignatius nostrum vsum, tradit Iacobus Damianus noster, in Synopsi primi seculi Soc. Iesv. Postquam enim Hieronymi Domenecci salutaria Panormi instituta Siciliæ Prorex omnia sanxit edito: primitiis adeo felicibus allectus ad vberiores, per Collegii molitionem, fructus, animum intendit. Illi condendo petijt operas ipse; misit autem Ignatius duodenis, Natalem Hispanum, Frisium Gallum, Canisium Belgam, Benedictum Palmium Italum, aliosq., si non gente, Provinciis saltem inter se diuersos. Vna assimilauerat Obedientiæ perfectissimam rationem. Nam Ignatius iusserat omnes Romanæ domus Socios (sex erant supra triginta) triduo secum expendere, vtrò quisq., magis inclinaret: Permanere in vrbe, an in Siciliam ire? Huc, aut illi ministerio addici. Tū inclinationem suam scripto expressam tradere. Præstituta die, rescribere omnes. Nullo se magis propendere. Globus in tabula positus, & omnem adaque in partem pendens, certius in scopum mittitur. Sic è Socijs indiscretè ad omnia promissis, duodecim in Siciliam destinantur. Hæc ille. Sed hoc genus sortiendi pertinet ad sextum documentum.

Addit Beda secundam conditionem, ut videlicet eiusce-  
modi sortes, debita cum reuerentia, &, precibus ad Deum fuis, adhibeantur. Has duas condiciones statuit Delrius, non separatim sumptis, sed coniunctim intelligendas, adeo ut simul & materiæ necessitas, & recursus ad Deum requiratur. Circumspectè & exemplis Sanctorum conuenienter. Nec Patres alteram conditionem excludunt, cum alteram tantum exprimunt. Clara sunt passim exempla. 1. Seruus Abrahamæ in Mesopotamiam ad quærendam uxorem Isaac missus, vbi ad urbem Nachor peruenit, sorte vsurus, sic precatus est: *Domine Deus domini mei Abraham, occurre, obsecro, mihi hodie, & fac misericordiam cum domino meo Abraham.* Ecce ego sto, prope fontem aquæ, & filia habitatorum huius ciuitatis egredientur ad hauriendam aquam. Igitur puella, cui ego dixero: *Inclina, hydriam tuam, ut bibam; & illa responderit: Bibe, quoniam & Camelis da-*

S. Augustin.  
Ep. 180 ad  
Honorat. Et  
lib. 1. de do-  
ctrin. Chri-  
stian. c. 28.

Iacob. Da-  
mian. lib. 1.  
cap. 10. An-  
no 1546.

# VIII.

Mart. Delr.  
lib. 4. Dispo-  
sit. Mag. car.  
cap. 2. q. 7.  
sect. 3.

Gen. 24. 12.



bo potum: ipsa est, quam praparasti seruo tuo Isaac: & per hoc intelligam, quod feceris misericordiam cum domino meo. Nec dum intra se verba compleuerat, & ecce Rebecca egrediebatur: vt sciremus, precanti sortem & faustam fuisse, & expeditam. Saul quoque exploraturus, quis in populo peccauisset, à precatione orsus dixit ad Dominum Deum Israël: Domine Deus Israël, da indicium, quid est, quod non responderis seruo tuo hodie? Si in me, aut in Ionatha filio meo est iniquitas haec, da ostensionem: aut si hac iniquitas est in populo tuo, da sanctitatem. Apostoli autem, quàm sortem in manus sumerent, orantes dixerunt: Tu, Domine, qui corda nostri omnium, ostende, quem elegeris, ex his duobus unum. Quam orationem credibile est, Petrum nomine omnium pronunciauisse. Cum autem in omni siue fortitione, siue electione, sit Deus exorandus, maximè tamen id faciendum est, in electione Pastorum & Prælatorum, quippe, quia magni res momenti est, & Christus ipse, ad exemplum nostrum, per totam noctem, & vt S. Ambrosius autumat, cum Apostolis orauit, quod aliàs semper solus fecisse legitur, quasi tanta res, tam communis communem & unanimem postulet orationem. Idem obseruatum est, in electione septem Diaconorum, & in segregatione Pauli & Barnabæ. Quare etiam decernit Concilium Tridentinum, vt, cum primum Ecclesia vacauerit, supplicationes ac preces publicè priuatimque habeantur, & à Capitulo, per ciuitatem & diocesim indicantur, quibus Clerus populusque bonum à Deo Pastorem valeat impetrare. Certè quisquis scit, quàm nihil ex nobis ipsis, sine diuinâ gratia, possimus, multò magis orabit, vt sortes, quæ non sunt in nostrâ potestate, à Deo temperentur.

## I X.

S. Basil. ep.  
79.

S. Aug. l. 8.  
Confess. cap.  
12.

Idem. epist.  
190.

Hoc pacto D. Basilus supra commemoratus, priusquam ex Euangelio, vitæ sibi genus sortiretur, miserabilem vitam suam deplorabat; optabatq; & præ omnibus sanè multam curam adhibebat (quid ni & orabat) vt sibi manuductor daretur. Hoc pacto S. Augustinus autem, quàm audiret, Tolle lege, dimisit habenas lachrymis, prorumpentibusque fluminibus oculorum, dixit: Et tu, Domine, usquequo? &c. Quod autem idem S. Pater alibi, vbi de fortitione eorum, qui tempore persecutionis manere, aut fugere debebant, agit, orationis mentionem non faciat, non est cur orationem putemus omisam; non exclusit alterum, cum alterum tantum expressit, scilicet grauitatem materiæ, agebat enim de grege, propter periculum, non deferendo; ac de ijs, quibus fors, sine inuidia, con-

ferre

ferre poterat securitatem. Hoc pacto S. Franciscus, cum esset, immissum eius menti, per diuinum oraculum, quod in apertione libri Evangelici aperiretur ei à Christo, quod Deo in ipso, & de ipso maxime foret acceptum. Oratione, cum multâ deuotione; præmissa, sacrum Evangeliorum librum de altari sumtum: in S. Trinitatis nomine aperiri fecit &c. Recens, & nondum ita vulgatum est, quod memorat Alfonso Caietanus, in vita Francisci Caietani Panormi, per Decium Cyrillum Italicè edita An. 1637. Franciscus Caietanus, Dynastæ seu Marchionis Sortinensis filius, perspecta mundi vanitate, statuit se se rebus humanis abdicare, totumque Christo, in Religioso ordine, mancipare. Sed anceps erat, quoniam animus esset appellendus. Quare censuit, id prius seriò esse expendendum. Duo, præ reliquis, ambiguum eum fecerant ordines, PP. Cappuccinorum scilicet, & Societatis Iesv. Trahebat illum, ex vna parte, desiderium poenitentiae, affectusque, quo erga D. Franciscum flagrabat. Retrahebat, ex altera parte, corporis imbecillitas, & tenera delicatæque educta complexio: offerebaturque se se identidem concepta, de Societate Iesv, opinio; quam mirè auxerat sanctitas clarissimè resplendens in P. Casparo Concionatore Societatis, ac spiritali duce illius. Ad huius viri normam imitandam extimulabatur. Fluctuabat, inter hos ordines diu, neque poterat ita se in vnam partem inclinare, quin illico, in alteram reuocaretur. Satuit ergo remtandem sorte dirimire, quando aliter illi non constabat diuina voluntas. Ne tamen Deum tentare, aut debitam reuerentiam non adhibere videretur, religiosos, religiosâsque Sortini habitantes, qua maxima pietate atque, vi potuit, rogauit. vt Numini negotium suum etiam atque etiam, in orationibus, commendarent. Adiunxit ipse non preces tantum, sed & eleemosynas, & ieiunia, & alia exercitia virtutis. Sic instructus, duas chartulas, duarum Religionum D. Francisci, & Societatis Iesv nominibus inscriptis insignitas in calicem iniecit, extraxitque sortem Societatis ineundæ. Explicari non potest, qua lætitia hoc acceperit Franciscus; quod, eo signo, se, de diuina voluntate confirmatum existimaret, quam vnam desiderabat adeò vehementer & quærebat. Virtus postea, & sanctitas, famæque totius illustrissimæ vitæ docuerunt, sortem benè cecidisse. Multa alia eiusmodi possent adduci, quæ ostendunt, sine oratione, Sortes nunquam consulendas esse; sed, ne in infinitum eamus, hæc sufficiant. Certè, quia S. Augustinus

dicit:

S. Bonau. in vita ipsius, c. 13.

Alfons. Caiet. c. 6. pag. 55.



S. Aug. 14.  
super Genes.  
c. 23.  
S. Ambrosii.  
4. epist. 14.

X.

S. Gregor.  
Turon. lib. 5  
hist. Franc.  
cap. 47.

dicat: *Solent, quæ sorte dantur, diuinitus dari, & quod sorte legitur, ut ait S. Ambrosius, humano iudicio non comprehenditur, idcirco decentissimum est, ut, quæ diuina sunt, diuina oratione studeamus impetrare.*

Quintum documentum. Librum aliquem pium, etiam si ne iussu, aut suasu diuino, aperire, & ex primo, qui occurrit versu, non futura & curiosa cognoscere, sed consolationem duntaxat, aut doctrinam piam quærere velle, non est illicitum, sed pijs hominibus vtiliter consuetum; etiam si vel casu, vel diuino nutu, reperitur, quod reuera euenturum est. Ita euenit S. Gregorio Turonensi, ut de se ipse refert. Leudastes impius, cum eiusdem farinae socio Riculfo, varijs Gregorium Turonensem machinis oppugnaverat, calumniosè deferendo; tandem etiam ausus est, Platonem Archidiaconum & Gallienum amicos eius in vincula dare, catenisque & calumnijs oneratos ad reginam mendacijs incensam ablegare. *Hæc ego audiens, inquit Gregorius, dum in domo Ecclesiæ re- siderem, moestus turbatusq; ingressus oratorium Davidici carminis sumo librum, ut scilicet apertus aliquem consolationis versiculum daret. In quo ita repertum est: Eduxit eos in spe, & non timuerunt, & inimicos eorum operuit mare. Interea ingressus in fluvium super pontem, qui duobus luviribus tenebatur, navis illa quæ Leudastem vehebat, demergitur: & nisi nandi fuisset adminiculo liberatus, cum socijs forsitan interisset. Navis vero alia, quæ huic innexa erat, quæ & vinctos vehebat, super aquas, Dei auxilio, eleuatur &c. Quod & versiculo Psalmi respondit, & quæ postea euenerunt, significauit. Nam innocentia fluctibus his emerit, & calumnia naufragium fecit, mala omnia, quæ machinata fuerat, in capita authorum retorquens. Ad hunc modum, ut supra memoravi, à multis pijs viris hodièque, libellus *de Imitatione Christi*, tempore tentationis aut tribulationis, aperitur, semperque aliquid occurrit, quo mens eorum roboratur, & ad aduersa toleranda confirmatur.*

XI.

Eodem potest reduci menstrua Sanctorum sortitio, supra à nobis laudata; in qua non solum pij homines ad cultum Sanctorum excitantur, sed sæpe etiam, diuina dispositione, eius quis virtutis commonefit, quæ maximè indiget; aut illo vitio abstinere iubetur, cui præcipuè indulget. Quin & sententia per sæpe fuit accipienti schedam valde accommodata. Scio cuidam, *Meditationem mortis*, eo mense, obuenisse, quo mortuus est: alij eodem die,

die. De Anna Caroli Austriaci filia, Ferdinandi II. sorore, Sigif. mundi III. prima vxore, Vladislai Regis, hodie Polonis imperan-  
tis matre legimus, eam Tutelarem sibi, in menses singulos aliu, pro So-  
dalitatum Desparae sacratarum more, sortito delegisse, cui dum inscri-  
ptam sententiam acciperet. Memento homo, quia pulvis es &c. cen-  
mortis commonita, omnibus se munit, ad obitum, Sacramentis, ac disces-  
sit e vita An. 1598. Pietatis, Religionis, Innocentiae, Clementiae, Modestiae,  
Castimonia, verbo, virtutis speculum. Sancto virtus aliqua, aut actio  
virtutis ascribitur, illo mense imprimis exercenda. Iracundo &  
ignoscere nolenti mansuetudo, & commemoratio patientiae Chri-  
sti, in scheda porrecta est, & profuit. Nam, posita ira, inimico  
ignouit, & postquam illam sententiam legit: *Omnis amaritudo, & Ephes. 4.*  
*ira, & indignatio, & clamor, & blasphemia tollatur a vobis, cum omni*  
*malitia, aduersarium salutare suauiter, eique benefacere capite.*  
Mille hic se se exempla offerunt, vno contentus ero, quod Anno  
1606. Ingolstadtij contigisse in hunc modum narratur: *Iuuenis fuit,* Hierem.  
*qui, ut vel morbi sententiam, vel certe Mundi blanditias euaderet, Deo Drexel. 1.2.*  
*se se deuouit, & Religioso statui. Morbus abiit, & breui post, bonum hoc Trismegisti.*  
*propositum cum illo. Sensim enim quidquid pietatis in morbo hauserat, c.7.9.3.*  
*euanuit, & ita iuuenis iste, post restitutam corporis valetudinem, agrota-*  
*re primum cepit animo, & post persanatum morbum, peius habere. Prin-*  
*cipio quidem seruebat, & volabat, post paullo lentius ibat, deinde stabat.*  
*Sed nec diu, nec impigre; mox languere incipiebat; tandem aperte vi-*  
*tiorum dulcedini succumbebat. Nam mundi facies, qua prius ter-*  
*rebat, iam arridere; religiosus status, qui antea placebat, iam*  
*terrere; societas bona, qua gaudebat, displicere incepit. Ita miser*  
*tam suauiter & facile obliuisci potuit primum voti sui; dein sui ipsius;*  
*postea celi; demum ipsius Dei. Ita paulatim per gradus ibat, sed non*  
*ad caelum: tendebat in praecipit, sed via molli & clementer declini. neq;*  
*enim repente pessimus factus est; at qui hodie fuit aureus, cras vix ar-*  
*genteus reperitus est: breui post areus: exinde ferreus: deniq; factus est*  
*luteus, & ipsum canum. Ita prodigus ille Euangelicus primo patrimo-*  
*nium reperit: hoc impetrato, in regionem longinquam abiit, parentisq;*  
*oculis se subduxit. Neq; hic stuit: praeue etiam societati se iunxit. Non-*  
*dum finis. Ea tandem fecit, quae socij & socia; gula & luxuria in quoti-*  
*dianos mores transferunt. Ita, ad mentem Siracida, est processio in ma-*  
*lis viro indisciplinato. Hoc planè modo iuuenis ille, de quo capi dicere,*  
*sensim seipso deterior factus est, & è sancto, progressu temporis, in impro-*

Ex Genis  
Philippi  
Vilhelmi  
Com. Pala-  
tini in Oliua  
tagellonia.

Eccli. 20.9.



S. Bern. ep.  
105. ad Ro-  
manum. Rô-  
curiæ Sub-  
diaconum.

*bum mutatus.* Hoc fere solum retinuit boni, quod Beatissimam Virginem & Mariana Congregationis catum non penitus deseruerit, sed subinde se presentem stiterit, saltem in ceremoniam. Ita factum est, ut, statto die, cum ceteris, *MENSTRVVM SANCTVM* acceperit; & quidem *SORTE* prorsus diuina. Nam sententia quæ pronunciata est, dum ille, ante crucifixi signum, ex more, flectit genua, e mellis suo doctore Bernardo transcripta erat, hæc omnino verbis: *Quid tardas ipsum, quem iam dudum conceperas, spiritum parturire salutis? nil mortalibus vel morte certius, vel incertius horæ mortis. quo modo viuere potes, ubi mori non audes? Audyt hac inuenis tacitus quidem, sed, quasi fulmine ictus, monitorem è celo agnouit; & illo statim die fugam è lubrico intuitum parauit, altera verò luce, hilaris & alacer ad Religiosam domum contendit, usq; se aggregauit, quos diu fugerat, victurus illic, ubi mori non trepidaret.* Sic multos tetigit Deus sorte chartacea, & veluti ceruos fugientes iaculo amoris vulnerauit. Tria tamen hîc monenda censeo. Primum, eiusmodi sententias Sanctis Menstruis subiunctas, semper posse trahi in vtilitatem, si aut virtutem inde discamus amare, aut vitium detestari, de quo sententia meminit. Secundum, uti non est mens Congregationis alicuius, per eiusmodi schedas hariolari, aut futura pandere; ita neminem Panico terrore sibi persuadere debere, diuinare se inde posse, aut conijcere, quid in hac vita immineat. Nam, v. g. licet vitam emendare possit, ne morte præoccupetur, qui in Menstruo Sancto *memoriam Mortis* exercendam accepit; stultissima tamen se anxietate cruciaret, si inde certò existimare vellet, sibi illo mense esse moriendum. Tertium est, pessimos esse Sodales, qui, dum nihil pensi habent, de quo morbo ipsi, per eiusmodi suffragia, moneantur, tamen sitientissimè attendunt, quid alijs legatur; putantque sinistram suam de alijs opinionem, etiam diuino testimonio, per eiusmodi sententias, confirmari. Quare si humilitas alicui commendatur, ea medicina iudicant, superbiam eius notari; si liberalitas, En, aiunt, qua virtute indigeat avarus. Nempe hic est astus mali dæmonis, ut pietas abeat in risum; & metuat accipere Sodalit, vnde erubescat.

## XII.

Sigon. lib. 2.  
de iudic. c. 12

Sextum documentum. *Sors diuisoria Politica civilis* licita & utilis, ac aliquando penè necessaria est. Licita, quia iure ac probis legibus recepta, & consuetudine optimarum Rerump. confirmata est. Hac sorte vsi sunt Romani (& Siculi Athenienses secuti) in iudiciis legendis, prouinciisque assignandis, item in heriscunda fami-

familia, in militia; & cum dubium esset, qui primi causam in iure dicere deberent, aut cum de optione pluribus relicta, de hæreditate & bonis diuidendis, de seruis manumittendis, ageretur. Quæ omnia permittunt iura ciuilia. Idcirco dixi: *Sortem diuisoriam ciuilem* licitam. Nam constat, nunc planè, in Ecclesiasticis beneficijs, dignitatibus, ac Episcopo eligendo, *Sortis* vsus perpetuò esse prohibitum. *c. ultum. Ex. de Sortileg. in fi.* Vnde sortitione eligi non potest Episcopus. *l. sacris 47. C. de Episcop. & Cleric.* multò igitur minus Papa, qui est summus Episcopus. Cum enim in his eligendis certa à iure præscripta sit forma. *c. quia propter. 42. Ex. de election. nemi* nemini integrum relinquitur, ab ea recedere, vt Iason aliquæ ratiocinantur. At verò in secularibus dignitatibus, officijs, actionibus, penis, rebúsq; alijs *diuisoriam sortem*, qua quid cuiq; tribuendū sit, quæritur, non esse vetitam, clarum est, ex cap. primo. 26. q. 2. Hoc genus sortis, est, inter mortales, vsitatissimum, &, vt superius vidimus, à S. Augustino, atque à S. nostro Ignatio vsurpatum. Ne autem, etiam hic peccatum subrepat, monent Theologi. 1. Euentum, non à *Casu*, aut *Fortuna*, aut astris, sed à Deo expectandum, in cuius solius manu sunt *sortes nostra*, teste Propheta. 2. Sortem debere esse simplicem, sine vlla superstitione & abusu sacramentorum. 3. Illos, qui sortiuntur, æquali iure niti oportere, alioqui enim iniusta esset sortitio; posset enim sors v. g. in officio publico assignando, cum damno Reip. & iniuria digni, indigno facere; aut illi cui de mille florenis tantum decem deberentur, centum addicere. 4. Mentem præcipuam sortientium non debere esse, vt inquiratur voluntas Dei, modo extraordinario (cum talis modus sit prorsus incertus) sed vt tollantur lites, dissidia, querelæ, inuidiæ. Atque hinc utilitas, & propemodum etiam necessitas eiusmodi Sortium ostenditur à Salomone dicente: *Contra* *dictiones comprimit sors, & inter potentes quoq; diiudicat.* Certè sæpe aliter non potest inter partes conueniri. tunc ergo bonum pacis non solum permittit iudicium sorti, sed etiam propemodum exigit. Ex quibus omnibus manifestum fit 1. rectè, in militia, duces, sorte seligi, qui primi, qui postremi urbem inuadere, muros conscendere, aut in acie stare debeant. 2. plures æqualiter reos milites, licitè de vita, vel resti sortiri posse. 3. iustè, tempore græfantis contagij pestilentis, sortiri corporum pariter, ac animarum medicos, quis eorum permanere in auxilium ægrotantium debeat.

ex Asconio.  
& lib. 3. de  
Rep. Athen.

L. 14. D. de  
iudic. L. 2.  
C. quando  
& quibus  
quarta. l. 10.  
L. 3. C. de le-  
git. Vide  
Mynfinger.  
4. obser. 37.

Iason, in d.  
l. huiusmo-  
di. 86. §. Si  
is cui de le-  
gat. l. n. 15.  
Gottfredus  
Hostiens. in  
summa De-  
cret. tal. tit.  
de Sortile-  
gijs. Delr. l.  
4. c. 4. q. 1.  
Psal. 30:

Prou. 18. 18.



quod etiam supra vidimus ex mente S. Augustini, tempore hostilis persecutionis, factitatum. 4. licitum esse, etiam coorta tempestate, quis ex omnium consensu, è naui exoneranda sit spargendus; aut quis ad hostem deprecatur, per tela, per ignes, mittendus. 5. eleemosynas quoque ipsas, si incertum sit, cui cedere debeant, sortito posse distribui.

## XIII.

Huc reuocari potest *contractus Sortis*, quem *ludum olla*, aut *Fortuna ollam* vocant; itémque ij, qui aleam iaciunt, statuto precio persoluendo, Symbolam conferentes, vt illius sit liber, aut ensis, aut annulus, cui alea addicit. Est enim & hoc genus fortiendi permissum, nec secundum se est aliud, quàm *sors quadam diuisoria* ex beneplacito consortientium instituta, nec vlli aut diuino, aut humano iuri aduersa, si nulla fraus rem sorte acquirendam exponentis, aut expositam acquirentis interueniat; quod, in publicis ludis, cauere, pertinet ad magistratum; in priuatis, ad conscientiam vniuscuiusque. Mille enim sunt modi alios decipiendi, aut peccandi. Nam qui mercem, in taberna, exponit (eámque verè, etsi implicitè, vendit omnibus illis, qui symbolis collatis summam conficiunt precio supellectilis expositæ æqualem) potest precium iniustum nominare, aut schedulas pecunia emendas nimium multiplicare; aut etiam vni, præ alijs, clam dare chartulam, in qua scyphus argenteus, vel equus, vel aliud brauium est annotatum. Quæ omnia iustitiæ sunt aduersa. Item Princeps vel Magistratus ipse potest peccare; si aut merces mutari vel minui permittat primò expositas; aut aliquas merces prius patiat extrahi, ijs, quæ sunt preciosiores, in vltimum locum ac tempus reiectis, vt fortientes alliciantur, aut etiam, si sinat urnas in manu exponentium merces, easque noctu non obsignet, aut custodiat: aut si plures, quàm necesse sit ministros custodésque apponat, quorum stipendijs populus grauetur, quando stipendia precio rerum adduntur. Denique & ipsi ministri à magistratu constituti, possunt corrumpi, aut negligenter inuigilare, ne quid fraudis admittatur. His talibus dolis & culpis semotis, sors, seu *urna* *Fortuna* licita est, & sæpe à Domino Deo in subsidium pauperis alicuius temperata, vt pro sestertio equum, aut crumenam auro turgidam accipiat, pro triobolo. Sæpe & auarum centum Philipeis in urnam atque hamum missis, non finit extrahere, quod

1. Reg. 2. 7.

teruncio quoque emeret, Nimirum *Dominus pauperem facit. & dirigit, hum*

ta, humiliat & subleuat. Quia ipse Dominus Deus noster: in vniuersa  
terra iudicia eius. 1. Paralip. 16. 14.

## CAPVT XXXVI.

*Quā peruersè Deum, in Sortibus, imitetur, Dei simius*

*Cacodamon?*



Onstrata via, qua dirigenda est nauis, etiam digitus ad scopulos intendendus est, ne naufragium faciamus. Sunt enim infames hīc scopuli, sunt Syrtes, sunt Charybdes, sunt Acroëraunia. Ad quæ declinanda rursum tradenda sunt documenta. Neq; enim semper, aut temerè, ad iudicium Sortis, licet recurrere; immo sapius non licet, diuinis humanisque legibus obnunciantibus.

Primum documentum. Sortes etiam in scripturis narrata, & à quibusdam Sanctis usurpata, non idcirco nunc etiam omnes licitæ sunt. De Sanctis constat, eos, ex peculiari Dei instinctu, quædam miranda magis, quàm imitanda fecisse. Nimis diu alijs expectandum foret, si domum redire nollent, donec eis proiectas in mare clauis piscis referret, vt S. Bènnoni & S. Maurilio contigisse, supra meminimus. Neque vaccarum aut mularum aliorumque animalium iudicio, aut iudicio potius, permittendum est, quò eundum sit: tametsi, in veteri Testamento, vaccis ita arca sit imposita; & camelis, sine duce, ituris ad S. Frontonium commissus commeatus; aut ab Ignatio mulæ permissum, vtram ingredi viam vellent. Adde, & Sanctos non semper ab infantia fuisse sanctos; neque omnia, quæ vnquam fecerunt, sancta arbitranda; cum homines fuerint, & subinde, vt homines, errarint. Communis via tutissima; præsertim mortalibus, quibus est communis vita. Certè, ne quis seipsum decipiat, si in SS. legat *Sortes* adhibitas, prudentissimè, post S. Hieronymum & Bedam, monuit Gratianus, eiusmodi *Sortes* ad nostra tempora non pertinere. Quia illa sortitio *carimonialis* fuit. Itaque cum veteris legis carimoniarum abrogatione, ista quoque sortitionis carimonia sublata est. Qua ipsa de causa monet Beda, Apostolos, ante S. Spiritum accēptum, in electione Matthiæ, adhuc legali carimonia vfos fuisse; postquam

I.

II.

Supra  
cap. XXVII.  
§. XIII. & §.  
XIV.  
1 Reg. 6. 7.  
Supra, c. 9.  
§. III.

Beda in c. 1.  
Actor.



Act. 6. &amp; 14.

Matth. 7. 7.

Ioan. 14. 13.

Delrins l. 4.

disquis. c. 4.

q. 1.

## III.

Fernandus

Vasq. lib. 1.

Illustr. Con-

trouerf. cap.

49. n. 19. De

his poenis.

26. q. 2. 3 4.

5. &amp; tot. tit.

Ex. de Sor-

tilegijs; &amp; a-

pud Lucam

de Penna in

l. memini

mus. C. quā.

&amp; quibus

quart. pars.

lib. 10. c. for-

tes 26. q. 5.

1. Reg. 6. 7.

## IV.

Accurf. in l.

1. verb. pro-

hibebit. C.

postquam autem Spiritus S. in eos missus est, nullam deinceps *Sortem*, sed solam orationem, cum ieiunio, adhibuisse. Vnde postea septem Diaconos, & Presbyteros sic elegerunt. *Sanè, cum Saluator, qui fallere non potest, nec falli, cuncta promittat orantibus; stultum & absurdum est, relicta oratione, quæ promissionem habet; confugere ad Sortem, cui se adfuturum Deus, in nouo testamento, non repromisit.*

Secundum documentum. Multò minùs licita est *Sortes*, si ad occulta quasi miraculosè detegenda vsurpetur. Esto olim & hæc licita, & à quibusdam Sanctis, etiam noui Testamenti, dispensante Deo, fuerit adhibita. Quia quando Deus sibi aliquid reseat, non licet id homini, absque sacrilegij impietate, scrutari, ut è D. Thoma Fernandus Vasquius docet. Certè ob eiusmodi *Sortes*, multi in Idololatriam lapsi sunt. Quam ipsam ob causam, variorum grauesque poenæ in Sortilegos constitutæ reperiuntur. Cum enim occulta hominum facta, quæ per haruspicia, vel auguria, vel *diuinatorias sortes* inquiruntur, nequeant sciri, si Deus non reuelet, necessum est, dæmonis ope, adeoque Stygia suspitione aut scientia talia velle scire eos, qui *Sortibus* occulta indagant: sicut & qui, per *Sortes* conantur futura contingentia prædicere, in quales lata est excommunicationis sententia, c. si quis Episcop. 26. q. 5. & qui per *sortes consultorias*, inquirunt, quid faciendum, iudicandum, tunc sit: quæ itidem subanathemate, prohibita sunt; cum non fas sit huiusmodi res, nisi à Deo inquirere; Deus autem, in noua lege, ordinariè non velit nos suam voluntatem, per *Sortes*, indagare. Ut enim maior & perfectior coniunctio dependentiæque esset, placuit illi, ut diuinam eius voluntatem, à doctrina Ecclesiæ; à sacris litteris eiusdem Ecclesiæ sanctorumque Patrum autoritate declaratis; à superioribus nostris; à Confessarijs, ab alijs doctis piisque viris, non autem à *Sortibus*, disceremus. Quin neque in veterilege eiusmodi sortes ac signa, seu omina licita fuere nisi illis, qui ad eiusmodi signa à Deo moti instigatique fuerunt. Vnde, malè ominati sunt Philisthæi, qui ex vaccarum arcam Domini vehentium, itinere gressuque, coniecerunt, an plaga eis immissa à Deo, an à casu obueneret.

Qua ipsa de causa etiam Iurisconsulti docent, non cuius & indistinctò integrum esse, ad iudicium *sortis* recurrere; sed tum demum, cum dubium de iure vertitur; factum autem certum est: Si enim de ipso quoque facto ambigeretur, ad *Sortis arbitrium* id-

circo

circo non concedunt deuenire, quod facti legumè & plenè per eum probari debeant, qui mentionem suam in his habet. fundum. Monet

Ang. Aretinus, si Sorti debeat esse locus, de præiudicio tertij agendum non esse. Quin Baldus aliique statuunt, casus illos, in quibus Sortem adhibere velis, à iure expressos esse oportere. Sorte igitur, res dirimitur, si plures, quibus optio legata est, discordes sint, in eligendo: si de deponendis, apud aliquem instrumentis agatur: si dubitetur, quinam prior causam dicere debeat: si de feruis manumittendis, quæstio sit: si de diuisione bonorum, inter coheredes, facienda controuertatur: item, si de liberis diuidendis agatur. His talibus in casibus Sortis iudicio standum censent, si quidem vtraque pars cõsentiat, vt Sortis iudicio controuersia dirimatur; alterutra enim dissentiente, nihil agi, fatentur. Igitur dubium iuris, non dubium facti iura Sorti promittunt.

2. Angel. Aretin. in 9. Sed si ex testamento. Iustit. de satisfat. tutor. n. 4. Bald. in l. meminimus. C. quando & quibus quanta pars. lib. 10. Alciat. in l. Gallus. 29 ff. de lib. & posthum. n. 65. Vide Guidonem Pancirollum lib. rer. memorab. c. Fibula.

Quin, in veteri quoque lege, Sors diuisoria longè frequentius, quàm consultoria, fuit usurpata. Et quanquam etiam in facti dubio, aut, per consilij modum fuerit adhibita: id tamen non est nunc, alia sub lege, in exemplum trahendum: cum penes Deum sit, sua secretà reuelare, prout ipsi placet. Nostrium non est, illi modum præscribere, illius est modum concedere. Sorte deprehensum est furtum Achan; & Ionathæ præuaricatio: quis nunc timens DEVM sic audeat fures indagare, aut deprehendere præuaricatores? At illi, qui DEVM non timent, quorum vox est: *Flectere si nequeo superos, Acheronta mouebo*, illi nihil pensi habent, à Superisne, an ab Inferis auxilia tententur. Hinc stygiæ illæ artes, vt motu cribri versatilis e fornice pendens; per lancem item & licium, quem modum sextus Pompeius describit; aut herbà certà, pisisuè e butyro, aut lebetes salientibus; & nescio quibus non modis, (sunt enim fere sine numero, quia ad anicularum arbitrium) examinent indagentque aut furti, aut calumniæ, aut alterius facinoris authorem. Quasi non, aut casu talia fieri; aut mentiri in innocentes dæmon possit. Neque enim sufficit dicere: Ego dæmonem non inuoco. non inuocas verbo; re tamen ipsa vteris illius ope; sine qua talia sciri non possunt, Deo iam dudum extraordinarios eiusmodi modos detestato.

Vt possidet.

Iason in l. si duobus 3. c. comm de legat.

Let qui ff. de probat. l. auctor C. cod. tit. Iason. in l. huiusmo. di. 86. 9. si is cui de legat. 1. n. 17. Angel. Aretin. in 6. Optio. nis. Institut. de Legat. n.

Bald. in l. meminimus. C. quando & quibus quanta pars. lib. 10. Alciat. in l. Gallus. 29 ff. de lib. & posthum. n. 65.

V.

Iosue 7. 18.

1. Reg. 14.

Virg. lib. 1.

c. 2. de sortileg. c. si quis



Episcop. 26.  
9. 5.

stato. Quare non nemo, qui per astrolabium conatus fuerat fu-  
rem occultum nosse, etiam sine intentione dæmonem inuocandi,  
ab altaris ministerio fuit suspensus, per annum; idq; ex gratia ac  
dispensatione: nam secundum ius commune, in perpetuum, su-  
spendi debuisset. Sunt enim non expressa tantum, sed etiam tacita,  
cum hoste, pacta, inhonesta.

V I.

Ezech. 21.  
21.

S. Hieron. in  
cap. cit.

Hoc dicunt plerique, se pactum cum Orco non habere:  
implicita sunt tamen hæc pacta; cum patre mendacij utiq; non  
ineunda. De hoc censu videri possunt, qui olim ab Ezechiele re-  
prehensi sagittis fortiebantur: *Stetit rex Babylonis, inquit, in bivio,  
in capite duarum viarum divinationem querens, commiscens sagittas.  
interrogavit idola exta consuluit. Ad dexteram eius facta est divinatio  
super Ierusalem.* Quem sortiendi modum S. Hieronymus sic expo-  
nit: *Stabit in ipso compito, & ritu gentis sue, oraculum consulat, ut mit-  
tat sagittas suas in pharetram, & commisceat eas inscriptas, siue signa-  
tas nominibus singulorum, ut videat, cuius sagitta exeat, & quam prius  
ciuitatem debeat oppugnare.* Ex mente igitur S. Hieronymi, his fuit  
pharetra pro vrna; & pro calculis aut schedis sagittæ. Sed verba  
Ezechielis (*ad dexteram eius facta est divinatio super Ierusalem*) cõ-  
firmant eorum sententiam, qui putant commixtas sagittas in æ-  
rem iactas, & in quam partem caderent, dexteram, an sinistram,  
versus Rabath, an Ierusalem, obseruasse. Quia autem idem He-  
bræum verbum *commiscens sagittas*, etiam significat *leuigauit*, aut  
*poliuit sagittas*, non defunt, qui arbitrentur, tangi augures, qui in  
splendenti cuspide, velut in crystallo, aut vngue, futura inspicie-  
bant. Sed verosimilius est, hinc castigari genus diuinandi, quod  
Græci *Βελομαγνείαν*, quàm quod *Catoptromanticum* nominant.

Osee. 4. 12.

Theophil. in  
cit. loc. O-  
see.

R. Moses in  
explicat.  
precepti ne-  
gatiui, 52.

Quod etiam refert D. Hieronymus id, de quo Osee ait: *Populus  
meus in ligno interrogauit, & baculus eius annunciauit ei.* Theophila-  
ctus hunc ritum ita explicat: Virgas duas statuentes, earmina &  
incantationes quasdam submurmurabant: deinde virgis, demonum  
operatione, aut effectus, cadentibus; considerabant, quonam vtray, earum  
caderet, antrorsumne, an retrorsum; ad dexteram, vel sinistram. Sicq;  
tandem responsa dabant insipientibus, virgarum casu, pro signis, vti. Eun-  
dem ad modum Nabuchodonosor vaticinabatur, ut Iezekiel habet.  
R. Moses Samsonis F. ritum sic exponit: Decorticabant bacillum  
ligneum, vno tantum ex latere, tum in ærem projiciebant. Si for-  
tuito casu, primo iactu apparuisset superior pars decorticata; se-  
cundo

Cap. XXXVI. De illicitarum & diabolicarum sortium indicijs. 361

cundo autem iactu superior pars adhuc vestita, prosperum successum augurabantur: si primùm prima pars vestita, infelicem: si utroque iactu vestitum, vel nudatum latus superius fuisset, mixtum euentum sibi pollicebantur. Vt ut sit, reperit Acheronticus Alastor, in omni superstitionis modo, imitatores. De antiquis Germanis, per amputatos, è fructifera arbore, furculos, supra candidam vestem, spargentibus, constat ex Tacito: de Persis & Scythiis, per myricinas salignasque virgas, vaticinantibus, docet Cælius Rhodiginus & alij. Eundem morem Turcas Scytharum progeniem retinuisse Collenucij historiæ testantur. Sed & nostratempora retinent antiqua vitia. Neq; enim Sueci tantum, velut diuina quadam virgula, aurum argentumque, ubi lateat, norunt hariolari; sed alij quoque conceptis verbis efficiunt, ut virgula recta, ad nomen rei, quem indagant, sponte sua, iunctis extremitatibus, in circulum coëat, & à cornibus velut lunetur.

Nimirum insignis Dei simia est diabolus. Quem non potest imitari, æmulatur. Scit olim Aaroni, virgula florente, sacerdotij prerogatiuam obtigisse, dicente Domino: *Loquere ad filios Israël, & accipe ab eis virgas singulas, per cognationes suas, à cunctis principibus tribuum, virgas duodecim, & uniuscuiusq; nomen superscribes virgæ sue. nomen autem Aaron erit in tribu Leui, & una virga cunctas seorsim familias continebit: ponēsq; eas in tabernaculo fœderis, coram testimonio, ubi loquar ad te. quem ex his elegero, germinabit virga eius.* &c. Gessit & Moyses res prodigiosas, per virgam. Sed diuina vis non est perinde omni virgæ alligata. Itaq; sicut Pharaonis malefici fecerunt etiā ipsi per incantationes *Egyptiacas & arcana quadā similiter: proieceruntq; singuli virgas suas, quæ versæ sunt in dracones: ita hodie dum cacodæmon homines dementat, ut dum sunt Orcini, sibi diuini esse videantur. Illi scire debent, antiquam hanc esse antiqui serpentis artem, ut se in Angelum lucis transfiguret, fallacissimæque promissione dicat: *Erutis, sicut dy, scientes bonum & malum.* Accedit, hoc tempore, diuinatorem sortem nec iussam à Deo, nec, sine peculiari instinctu Dei permissam; sicut adhuc permissa fuit, quando B. Dei Marer Iosepho sponsa data est, itidem virga eius germinante, ut quidam pie credunt.*

Diuinatoria sortu olim valde dediti fuerunt. Augustus, Tiberius, itemque rex Pergami Attalus. Vtinam & nunc non etiam multi magnates se sinerent in hoc barathrum præcipitari, ut con-

Tacit. de morib. German. Cæli. Rhod. lib. 7. antiqu. lect. c. 29. Herodot. l. 1. Strabo. l. 15. Collenuc. l. 1. Rer. Neapolitan.

VII.

Num. 17. 26

Exod. 7. 11

Gen. 3. 5.

VIII.

Sueton. in Augusto & Tiberio.



filia matrimoniorum; bellorum; aliorumque negotiorum sorti committerent! Vidi homines, non de plebe, qui ex nominibus; mero parentum arbitrio impositis, fausta infaustaue matrimonia ominabatur, dicebantque, vter coniugum prius esset à vita discessurus. Quæ est superstitiosa *Onomantia*, à Græcis, in nomine Astyanactis, & ab Augusto, in nomine Niconis, obseruata. Quid si parentes alia nomina imposuissent. nū fortunam mutassent filiorum? Quod si ita est, obseruarent utiq; homines, quanam nomina sint, malè ominata, quæ fortunam secundam afferentia: & stultissimi essent, si non omnes filios suos, Victores, Victorinos, Valerios, & Alexandros potius, quàm Priamos appellarent. Verum est quidem; *Conueniunt rebus nomina sepe suis*: & *Nabal*, iuxta nomen suum, stultus fuit; sed sepe etiam non conueniunt. *Ioannes graciosum*, aut *pium* significat, multi tamen Ioannes *pj* non fuerunt, sed damnati sunt, vt exemplo esse potest Ioannes Calvinus. Eadem est superstitio, quæ Pythagoræ tribuitur, in nominibus proprijs vocalium numerum parem prosperum, imparem infelicem interpretans; aut numerum maiorem fortunatiorem existimans, quasi idcirco Hector ab Achille sit superatus, Hectorque superior euassisset, si fuisset Achilles nominatus. Enimuerò numeris vim aliquam diuinam, aut naturalem proprietatem tribuere, error est. Estio Apostolus nomen Antichristi, per numerum 666. significarit, quod factum est, Deo reuelante; & reuelante arcana sua, cui vult, non qui vult. Nam id vt fiat, petere, à doctis & pijs non probatur. Etsi enim reuelationes plurimæ sanctis sint factæ; tamen desiderare, plerumque oritur ex occulta superbia, astimatione & amore sui; quia tales cupiunt suam alijs manifestam fieri sanctitatem, (quæ tamen in talibus non consistit) aut certè ex vana curiositate, quæ à Deo punitur. Vt autem nec literis; nec numeris, ita neque verbis neque libris vis vlla physica, aut diuinatoria inesse est credenda. Quod tamen itidem ab ijs creditum vidimus & vsurpatum, qui alios, hac in re superstitiosè credulos castigare debuissent. Fit hæc *συχησις*, aperto temerè Homeri aut Virgilij libro, & primo, qui obuius inspicienti occurrat, versu obseruato. Ita Socrates olim mortis suæ diem; Claudius, Macrinus, Gordianus iunior & alij Impp. tempus regni vel vitæ dicuntur coniecisse. Has Ethnicorum nugas imitati sunt poëtae etiam Christiani, Veteris aut Noui Testamenti apertione, quæ

Apoc. 13.

Franciscus  
Arias lib. de  
orat. ment.

Sortes

*Sortes Apostolorum* appellauerunt. Contaminauerunt se hoc genere *Sortis* Heraclius, apud Cedrenum; Romanus Diogenes, apud Cuspinianum; Andronicus senior, apud Gregoram; Charannus filius regis Francorum, apud Gregorium Turonensem; B. Theodora Alexandrina nondum bene catechizata, apud Simeonem Metaphrasten; Gundulphus, apud Ranulphum; Meroueus item, apud Gregor. Turon. apud quem tres codices S. Scripturæ super S. Martini sepulchro collocantur, & sigillatim singuli aperiuntur: Deniq; & Cardanus & Cardani imitatores, & quicumque seriò adhibent librum *Fortuna Rotam* dictum; aut alios seu prosa, seu ligata oratione vaticinantes; qui Ecclesiæ Catholicæ pluribus decretis damnati sunt, seuerrissimæque etiam ab Urbano VIII. prohibentur; præsertim, qui de morte Principum vanissima oracula mentiuntur. Neque pro istis quidquam facit, quod supra recensimus, de S. Basilio, Augustino, Ignatio, qui libros sacros vtiliter aperuerunt, non vt futura inde discerent, aut occulta explorarent; sed, vt in scripturis, alijsue pijs libris, doctrinam in solatiū, aut exhortationem, in spiritualem fructum, reperirent: in quem, utiq; finem eiusmodi volumina sunt à Deo nobis data. Sed ita est, etiam ipsi pijs libris, quibus nos Deus vult vt, diabolus vult abuti.

Quod etiam facit in speculis. Constat è S. Scriptura, fuisse quandam occultorum Dei consiliorum iudiciorumque ac prophetiæ modum, in applicatione *Ephod*, quod vel linteum erat, atque etiam minoribus ordinibus concessum, vt puero Samueli, vel *Sacerdotale*, quod & *superhumeral* dicebatur, auro, & trium colorum varietate conspicuum à Iosepho *stola hieratica*, epomis, & *diplis*, vocatum. Huic aureis catenulis appensum fuit *pectorale*, sic dictum, quia in pectus, propendebat, alio nomine etiam *Rationale*, *Rationale iudicij*, & *iudicium filiorum Israël*, itemque *iudicium Vrim* nuncupatum. *Rationale* quidem, quia more animalis ratione præditi, ratiocinabatur: *Rationale autem iudicij*; quia diuinæ litteræ solent id, quod quisque facere debet, siue cuiusque officium, *iudicium* appellare: *iudicium* quoque *filiorum Israël*, quia sacerdos rationali indutus, Deo hominum dubia, desideria, negotiaue proponebat: Deus verò, per *Rationale* significabat hominibus, quid fieri veller, & quis rei successus futurus esset. Vnde idem *Rationale*, seu gemmæ illius duodecim *Vrim* & *Thummim*, hoc est, *manifestatio* & *veritas* rerum futurarum dici consueuerunt. Idcirco legimus:

Gregor. l. 8.  
Greg. Tur.  
l. 4. hist. c. 16.  
& 20. Sim.  
Metaphrast.  
XI. Septembr.  
Runulph. l. 9  
Polychro-  
nic. c. 6. Gre-  
gor. Tur. l. 5.  
hist. Franc.  
c. 14.  
C. aliquan-  
ti. & c. si quis  
clericos. 26.  
q. 5.

IX.

1. Reg. 2.

Vide Exod.  
28.

Exod. 28. 15,  
& 30. Num.  
27. 21.

Prou. 1. 3.  
c. 1. v. 9.



Exod. 23. 17. Pones autem in rationali iudicij doctrinam & veritatem. Hoc Rationale, & Ephod, cum alijs vestimentis sacerdotalibus induti sacerdotes post debitas preces, viua voce, ea quæ intelligere cupiebant, proposuerunt; quod dicebant, *applicare Ephod, & consulere Dominum*. Tum, vt tradit Iosephus, si Deus quidpiam suadere aut approbare volebat, externo atque inusitato quodam lapidum splendore, internaque luce menti sacerdotis infusa respondebat. Quod etiam, in Ecclesiasticis historijs legimus, contigisse. Rem memoratu dignissimam ipsis verbis D. Gregorij Archiepiscopi Turonensis referam.

## X.

Quoniam Vasaensis urbis meminimus, inquit, opera precium puto, miraculum, quod in ea Dominus largitus est, memorare. Tempore, quo diuturna obsidione, vallabatur à Chunis, omni nocte sacerdos, qui præerat, circuibat psallendo, & orabat, nec ab ullo auxilio, nisi à Domini misericordia requirebat. Hortabatur omnes orare, & non deficere afferens humiles preces, calorū ianuās penetrare. Hostis verò in circuitu depopulabatur villas, domos tradebat incendio, agros vineasq; pecoribus intromissis, vastabat: sed sacerdoti bono operi insistenti, celeriter, virtus diuina adfuit. Nam nocte visum est ipsi Barbarorum regi, quasi psallentes hominēs, in vestimentis albis, accensis cereis, circuire muros, orbis, & indignans, ait, quæ est hæc peruersitas, & securitas vana, vt obsessi quasi despectis nobis, canticis, nescio quibus, ac laudibus perstreant? vere quia digni sunt perditione. Et statim misit ad urbem nuncios, interrogantes, quid sibi ista velint? At illi negant, scire se, quæ dicuntur, neq; de ijs aliqua per se sensisse. Alia verò nocte, vidit quasi globum magnum ignis super urbem descendere: & ait, si contra nos hi obsessi contumaciter agunt, nec nos metuant, vel celestis eos ira consumit. Cumq; non videret vllum ab urbe incendium consurgere, misit iterum interrogare, quæ essent, quæ, viderat. Similiter negauerunt, nihil se omnino vidisse. Tunc rex Gaufericus ait, si hæc isti nesciunt, manifestum est, quod Deus eorum adiuvat eos: & statim discessit à loco illo. Sacerdos autem, conuocatis ciuibus, vigilias celebrat, & missarum agit festa, pro liberatione populi sui. Dum autem hæc ageret, respiciens sursum, vidit super altare, quasi de camera templi, cadere tres guttas, æquales magnitudine, claritate, candore crystallum vincentes, cumq; omnes cum admiratione & stupore vehementi intenderent, easq; nullus auderet attingere, Petrus quidam presbyter, qui vt res ipsa adferit, magni meriti erat, exhibita argentea patena, guttas colligere nititur: quæ dum per altare vago cursu

rotan-

rotantur; defluentes in ipsam patenam statim in se coniuncta, quasi vnam gemmam pulcherrimam effecerunt: patuitq; evidenti ratione, contra inquam & Deo odibilem Arianam heresim, quæ eo tempore pullulabat, hæc acta. Agnitum est, Sanctam Trinitatem in una omnipotentia aqualitate annexam, nullis garrulationibus posse disjungi. Tunc gausus populus, & intelligens munus sibi indultum fuisse diuinitus, conferens aurum gemmasq; preciosas, crucem fecit, in qua hanc gemmam statuit. Sed protinus omnes reliqua gemma hac accedente ceciderunt. Tunc Pontifex intelligens, non esse consortium caelestibus cum terrenis, fabricata cruce ex auro purissimo, eam gemmam media intercapedine locat, & populo adorandam prabet. Nec mora, fugato, ut diximus, hoste, ciuitas est liberata. Iam ex hoc multi infirmi hausto vino, vel aqua, in qua gemma ablutur, protinus sanitati redduntur. Deniq; cum adorata fuerit, si a peccato est homo immunis, & ipsa apparet clara: ceterum si vterque plerumq; adsolet, humana fragilitati, aliquid detulerit criminis, tota ei videtur obscura: miramq; prabet discretionem, inter innocentem & noxium, cum vni atra, alteri monstratur splendida.

Hæc talia iudicia sua Deus potest & nunc, & solebat olim in gemmis Ephod, velut inscribere; solet autem etiam æmulari Sathan. 1. Pythagoras speculo concauo litteras humano sanguine temperatas inscribebat, & speculum Lunæ opponens diuine ne temperatas inscribebat, & speculum Lunæ opponens diuinebat, ut quidam recentior tradit; ac nonnulli stolidi iuvenes somniant naturaliter fieri posse. 2. Pausanias agens de Cereris ædificiis ait: Ibi oraculum maxime veridicum fuisse cognoui. ex eo non rerum omnium, sed morborum tantum euenta prædicebantur. Speculum tenui suspensum funiculo demittunt, ita librantes, ut in fonte omnino non mergatur; sed imo ambitu summam aquam contingat. Exinde, ubi odores adoleuerint, & ritè Deam precati fuerint, inspicunt in speculum, & ex eius imaginibus, periturusne, an viſturus is ager sit, de quo consuluerunt, diuinant. 3. Fuit præterea, in Iuliano, hæc amentia, ait Spartian. Iulian. in nus, ut per Magos plerq; faceret, quibus putaret vel odium populi deliniri, vel militum arma compeſci. Nam & quasdam non conuenientes Romanis sacris hostias immolauerunt, & carmina prophana incantauerunt, & ea, quæ ad speculum dicunt fieri (in quo pueri, præligatis oculis, incantando, vertice respicere dicuntur) Iulianus fecit. Tuncq; puer vidisse dicitur & aduentū Seueri, & Iuliani decessionem. 4. Turcæ in peluim aqua plenam iniiciunt lapides preciosos, item auri argentique laminas, & aiunt se responsum è peluis fundo audire.



5. Nostra tempora, ut omnium ætatum stultitias videantur collegisse, audent non solum consulere, sed etiam emere ac secum gestata eiusmodi specula iactare. Audiui iuuenis, & noui oculatos testes, qui se vidisse, aiunt, phialas, globosque chrySTALLINOS, apud magnates, monstratos, à spiritibus infectos, qui iam in cicadas, mox in homines, & momento in demones versi, tandem furta ac fures representabant; & puero quodam exclamante, IESVS, MARIA, in ictu oculi, euanescebant. Vaque adeo diabolus se etiam apud magnos insinuat, & in aulis quoque dominatur. Sed placet, referre, quod in non indocto commentario de demonum natura, quidam, in Germania, libello Plutarchi, de defectu oraculorum, præfixit. Consulti, inquit, aliqui de rebus ignotis, in chrySTALLIS, conspiciunt ea manifesto, de quibus quaesitum fuit. Et addit: fuisse sibi notum unum ex præcipua familia Norimbergæ. Eum, quodam tempore, venisse ad se, & attulisse, in serico panniculo involutam gemmā chrySTALLINAM, figura rotundam, & dixisse: donaram sibi illam fuisse à quodam ignoto, qui se, ante multos annos, de hospitio compellasset, forte in forum conuentum, quem, ipse in domum suam adduxisset, & triuū habuisset secum. Fuisse autem ab illo discedente, & relinquentem manus hoc, ad significationem grati animi, edoctum se chrySTALLINI vsum talē: Si qua de re certior fieri vellet, ut promeret chrySTALLUM, & puerum, marem castum inberet aspicere, & ex eo percunctaretur: Quid cerueneret fore enim, ut de apparentibus puera visis omnia, que requireret, indicarentur. Atq; affirmarat hic, se nulla unquam in re fuisse deceptum, & mirabilia de puerorum indicijs rescuisse; cum ceterorum nemo quicquam aliud, quam nitidam & puram gemmam intueudo videret. Quodam tamen tempore, cum grauida ipsius uxor puerum gestaret in utero, illi quoq; species in chrySTALLO oblatas. Primum autem omnium formam viri se se exhibere solitam, illo habitu, quo tum communiter vterentur. Et ita demum aperuisse, de quibus interrogatum esset, cetera: explicatisq; cunctis, illa rursus viri figurā discessisse, & euanuisse reliqua. Discedente autem eam, quam diximus, figuram viri visam sepe urbem perambulare, & ingredi templa. Fuerat autem fama passim dissipata de illis indicijs; ut negantibus aut dissimulantibus suum delictum aliquod, vulgo exprimerentur, se relaturos de ea ad illum se in chrySTALLO ostendentem virtuticulum. Quin etiam compertum est, fuisse à doctis quibusdam, de dubitationibus suis in litterarum studijs aliquando, nescio quid, propositum, & in chrySTALLO lectum. Sed his & alijs huiusmodi compluribus comme-

moralis,

Cap. XXXVI. De illicitarum & diabolicarum sortium iudicijs. 367

moratis, dixit Spenglerus, hunc aliquando ad se venisse, cum tali oratione: Arbitrari se, tempus esse, ut à crystalli tali usu tandem abstergeret. Nam & sibi iam persuasum, eo ipso non leuiter peccari, & animi perturbati cruciatus grauissimos, se diu sanè perpeffum esse. Itaq; se decessisse, deinceps nihil cum illo experimento velle negotij habere: & tradere nunc ipsi, quod acceffisset, de quo meminisse posset, quid ei saepe demonstrasset, neg, nesciret, qui rumores, in ciuitate, percrebuisfent. Permittere autem, ut faceret de eo, quod collibuisfent. Tum Spenglerus, collaudato eo, acceffisse se aiebat crystallum, & in minutissimas partes contradiisse, & vna cum serico inuolucro, in latrinam abiectisse. Quàm dignum fuit hoc tumulto istud cadauer?

Vtinam imitarentur hoc factum, quicunque plus quàm vitrea ac fragili veritate nituntur! Quid amentius potest esse, quàm credere hosti? quid stultius, quàm adhibere fidem ei, qui in veritate non stetit: quia non est veritas in eo? immo qui, etiam cum vera loquitur, mentitur; loquitur enim, ut fallat. Verum erat illud: *Aperientur oculi vestri*: falsum, quod mox subiunxit: *Et eritis, sicut dy*. Nempe, sicut lignea sagitta non penetraret, nisi cuspidis ferrea præfixa viam aperiret; sic multi diabolo mentienti non crederent, nisi vel verò, vel specie veri deciperentur. Eleganter Augustinus hic occurrit inquit: *Sed forte dicit aliquis: Quid facimus, quia auguriamus, vel characteres, vel diuinationes frequenter vobis veritatem annunciant?* De hac re Scriptura nos conestatur & monet dicens: *Etiamsi verà dixerint vobis, nolite credere: tentat enim vos Deus vester, utrum eum timeatis, an non.* Sed iterum dicit: *Aliquoties, si præcantatores non fuerint, aut de morsu serpentis, aut de aliqua infirmitate prope usq; ad mortem multi periclitantur.* Vnum est, fratres, quia permittit hoc Deus diabolo, ad probandum populum Christianum: ut cum interdum, per illa sacrilegia, aliqua remedia receperint, facilius postea diabolo credant. Et ideo quantum potestis circumventiones illius fugite. Quod planè etiam est, de sortibus Sathanicis dicendum; quæ non periculis duntaxat, sed etiam falsitate sunt plene, & saepe non tam præsciente diabolo, quàm temerè conijciente, attingunt veritatem; sicut qui fastos & calendaria condunt, etiam si stellarum nullam habeant peritiàm, etiamsi temerè imbres aut serenitates prædicant, tamen non rarò id prædicunt, quod postea euenturum est; etsi non rarò etiam pinguiusimè mentiantur. Quoniam enim, teste Augustino, non tenem homines memoria falsitates

XII.

Ioan. 8. 44.

Gen. 3. 5.

S. Augustin.  
serm. de  
temp. 241.



St. Aug. l. 83.  
99. q. 45.

errorēsq; Mathematicorum, non intenti, nisi in ea, quæ illorum responsis prouenerunt, ea quæ non prouenerunt, obliuiscuntur: & ea commemorant, quæ non arte illa, quæ nulla est, sed quadam obscura rerum sorte contingunt. Quod si peritia illorum volumi tribuere, dicant artificiosè diuinare etiam mortuas membranas scriptas quaslibet, de quibus plerumq; pro voluntate, fors exit. Quod si non arte de codicibus exit sæpe versus futura pronuncians, quid mirum, si etiam ex animo loquentis, non arte, sed fors erit aliqua prædictio futurorum? Ratum est, apud Theologos, futura contingentia dæmones, non nisi ex incertis coniecturis, aut aliquando è certa Dei reuelatione nosse. Coniectando sæpe hallucinantur. Cum reuelata propalant, tamen hominibus non constat, an ex Deo habeant. Cum ergo ex ipsis dæmonibus futurorum iudicia certa non hauriantur, quæ esset in Sortibus dæmonum certitudo? Inde nec propriè Sortes, sed, cum addito, Sortes diabolicae sunt appellandæ. Quæ ipsa de causâ vera & absolutè fors D. Augustino, non aliquid mali est, sed res est, in dubitatione humana, diuinam indicans voluntatem.

## XIII.

Denique, si quando eueniunt, quæ ex illicitis Sortibus homines sevel occulta, vel absëntia, vel futura venatos arbitrantur, non rarò eueniunt in poenam, ut hominibus stultis fiat, sicut crediderunt. Quidam varijs chartis varia genera mortis inscripsit, ut sciret, quæ ipse esset interiturus, in lecto, an campo; fune, an ense? Extraxit semper funem. Ergo infamiam patibuli, quod sibi imminere dicebat, horrens, se ipsum domi suspendit, ne id carnis ex foris facere cogeretur. Chronica Scotorum de Nathaloco rege XXX. memorant, illū ipsum, à quo rex cæsus, ad diuinos missum, ut de victoria, de vita Regis, ac regno eius percontaretur: responsum à quadam annu accepisse: Regem non diu victurum; nec periculum ei ab hoste, sed à familiaribus instare. Cum ille vrgeret, A quo? annu. A te, subiecisse. Ille mulierem execratus, cum domum rediret, subiit animum illa cogitatio: nec responsum calari posse, nec edere tutū esse: ne se apud Regem hominem prauum, & suo timori indulgentem, suspectum redderet. Itaq; tutius est tyrannum, cum multorum gratia, interficere, quàm cum grauissimo capitis proprii discrimine incolumem seruare. Statim, ubi domum rediit, impetrato, ad responsa diuinorum expromenda secreto; cæso Rege, duodecimum imperij annum ingressò, patriam seruitio, & se periculo exemit. Nonne his talibus Sors exitiosa fuit? Tuo, ô Deus, iudicio fuit, qui odisti obseruantes vanitates superuacue. Ego autem in.

Psal. 30. 7.

*Cap. XXXVII. Multos sanctos ad Dei tribunal prouocasse. 369*

*autem in Domino speravi : exultabo & letabor , in misericordia tua. Perer. in e.*  
*Plura de omine sacro & licito, ac profano & illicito & superstitio. 24. Genes.*  
*so reperiet lector apud Pererium.* *versu 3.*

C A P V T XXXVII.

*An Deus aliquorum innocentiam, vel iustitiam declaret, qui  
aduersarios suos, ad vallem Iosaphat citant, aut qui ad di-  
uinum iudicium prouocant?*

**D**ertinent ad Politicas sortes etiam exploratoria probatio-  
nes, quibus fortuito euentui veritas culpæ vel inno-  
centiæ permittitur decidenda; & sæpe, non sine eui-  
denti miraculo, deceditur. Inter has iudiciarias  
disquisitiones, est etiam illa vna, qua se se homines,  
mutuò, in vallem Iosaphat, & ad diuinum tribunal solent citare.  
In qua citatione vel damnandâ, vel imitandâ homines possunt cõ-  
mittere temeritatem. Sæpe enim eiusmodi citatio à Deo est, sæ-  
pe contra Deum: sæpe contemni debet, sæpe formidari: vt enim,  
vel licita est, vel iniuriosa; ita supremus iudex, per eam, vel vult,  
vel non vult iudicia sua manifestare. Sunt etiam duplicis gene-  
ris homines, qui hac prouocatione vtuntur, rei & innocentes; san-  
cti & impij. Duplex etiam, generatim loquendo, est finis, bonus  
& malus. Et modus quoque ipse non est idem. Aliquando ad iu-  
dicem Deum absolutè duntaxat appellatur; aliquando iubetur  
aduersarius ad tribunal eius, intra certos dies, menses, aut annos;  
aliquando, nullo certo tempore nominato, se sistere. Cum ergo  
impium sit, sanctos temeritatis damnare, qui subinde tyrannum,  
aut alios, ad comparandum, coram Deo, citauerunt; & stultum,  
quauis ex causa, ad summum iudicem prouocare: afferam primò  
causas, & exempla licitæ, postea etiam illicitæ citationis, ob quam  
Deus iudicij sui arcana mortalibus vel negauit, vel patefecit.

Qui innocentes iniuriâ afficiuntur, & vitâ digni mortis  
sententiam accipiunt, vidéntque nullum sibi, in humanis auxilijs,  
præsidium superesse; rectè ad Deum confugiunt, cui placere non  
potest, si gladius, quem Principibus & Magistratibus, in vindictam  
malefactorum concessit, stringatur in innocentes. *Non accipiet Eccli 35.16.*



Iob. 12. 4.

*Dominus personam in pauperem, & deprecationem lesi exaudiet. Imo etiam qui deridetur ab amico suo, sicut ego, inquit Iob, inuocabit Deum, & exaudiet eum.* Exaudire autem eum potest, prout inuocatus fuerit, vel, ut iniquitate oppressum è malis presentibus eripiat, quod omnino petere frequens & concessum est; vel, ut talem iniurià aut morte non fuisse dignum, sumta de aduersario extraordinaria ultione, mortèque etiam ipsi illatà, declarer. Quod varijs quis de causis potest à Deo flagitare. Si, citra odium, aliamque malam affectionem, bono fine, flagitet, puta, ut innocentia locum habeat; ut scandalum amoveatur; ut familia non grauetur infamià; ut homines tam iniustis iudicibus liberentur; aut ut emendantur, qui adeò tyrannicè dominantur; tum licitè flagitat, prouocatque, sine peccato, & verò sæpe etiam cum merito, ad tribunal summum iudicis viuentium atque mortuorum; nec sine petito effectu. Legimus enim frequenter diuinam iusticiam, sic prouocantes manifestissimè absoluisse, & lege talionis ex vita expulsi eos, qui alios & ipsi è vita, sed iniustè, expulerunt.

Ita Feuar-  
dent. extre-  
mo cap. 13.  
Esther.

## III.

1. Reg. 24.  
13.2. Paralip.  
24. 23.2. Machab. 7  
17. & 19.

Exempla è diuinis litteris, ex vitis Sanctorum, ex aliorum gestis afferri possunt. In diuinis litteris, David capitali Saulis odio multisque insidijs petitus, *Iudicet Dominus inter me & te, & ulciscatur me Dominus ex te*, inquit. Prouocatio hæc fuit; neque in irritum cecidit, quia, cecidit paulò post Saul, amisà victorià, & vità. Clarius exemplum datum est, in Pontifice Zacharia filio Ioia- dæ, in quem illi ipsi, quos ab idolis dehortabatur *miserunt lapides*, iuxta regis imperium in atrio domus Domini. Et non est recordatus Ioas rex misericordie, quam fecerat Ioia pater illius secum, sed interfecit filium eius. Qui cum moreretur, ait: Videat Dominus, & requirat. Cùmq; euolutus esset annus, ascendit contra eum exercitus Syria: venitq; in Iudam & Ierusalem, & interfecit cunctos principes populi &c. In Ioas quoq; ignominiosa exercuere iudicia. Et abeuntes dimiserunt eum, in languoribus magnis: surrexerunt autem, contra eum, serui sui, in ultionem sanguinis filij Ioia dæ sacerdotis, & occiderunt eum in lectulo suo, ante diuinum tribunal, de innocentissimi sacerdotis nece rationem redditurum. Pari pacto Machabæi martyres Antiocho diem dixisse censendi sunt: siquidem eorum prædictiones vim imprecationis & citationis habuerunt, cum dicerent: *Tu autem patienter sustine, & videbis magnam potestatem ipsius, qualiter te & semen tuum torquebit.* Dictum, factum. Neque hæc talia ex impatientia, aut

ira,

Cap. XXXVII. Multos sanctos ad Dei tribunal prouocasse. 371

ira, sed ex zelo iustitiæ & odio impietatis, profecta videri debent;  
sicut neque Moyses, quando dixit: *In hoc scietis, quia Dominus* Num. 16. 28.  
*miserit me &c.* Si consueti hominum morte interierint Dathan & Abi- 4. Reg. 1. 10.  
ron &c. non misit me Dominus &c. neque Elias, quando dixit: *Si ho-* 4. Reg. 2. 24.  
*mo Dei sum, descendat ignis de celo, & deuoret te, & quinquaginta tuos:*  
neque Elifæus, quando vrsos immisit in pueros irrisores.

In nouo quoque Testamento exempla occurrunt. Nam IV.  
& Christus ipse ab iniurijs Iudzorum, ad Patris iudicium appel-  
lans dixit: *Ego non quero gloriam meam, est qui querat, & inducet:* & Ioan. 8. 50.  
S. Petrus, teste D. Gregorio, increpando utrig. coniugi, Ananiæ & Act. 5. 5.  
Sapphiræ, vitam abstulit, qui reddidit Thabita orando. Noluit qui- S. Greg. 1. 2.  
dem Christus, qui pati venerat, scire: ex hoc tamen, & Pauli dial. c. 30.  
Elymam excæcantis, atque Corinthium satanæ in interitum tra- Act. 13. 11.  
dentis exemplo, voluit, ut intelligeremus, id se potuisse, ait Tertullia- 1. Cor. 5. 5.  
nus. Nimirum non aliena est ab Euangelica suauitate seueritas Tertullian.  
nonnulla, ut Beda docet. Habenda enim est etiâ ratio cõmunis in l. de Pudic.  
futurum vtilitatis, & disciplinæ causa, obstinatis metus incutien- c. 21.  
dus. Quæ de causa S. Thomas tradit. Petrum, tanquam executo- Beda in Luc.  
rem Dei, occultum Ananiæ peccatum explicauisse. Prohibet qui- 9. 55.  
dem Christus, ne malefacientibus malefaciamus, aut maledicenti- S. Thom. 2. 2.  
bus imprecemur, licet tamen quandoque vtrumlibet zelo iustitiæ, & 9. 35. a. 7. ad  
iudiciaria potestate, atq. sine vindicta luore, sine odio, ut D. Gregorius 2. Luc. 6. 28.  
obseruat. Sic idem Petrus Simoni dixit: *Pecunia tua tecum sit in* Act. 8. 20.  
*perditionem. Quæ imprecatio & maledictio est prauidentis diuinam*  
*de Simone sententiam & huius reprobationem atq. eternam perditionem,*  
*non autem vindicta studentis.* ait cum Beda Glossa ordinaria. Sic Pau-  
lus Principi sacerdotum Ananiæ dixit: *Percutiet te Deus, paries de-* Act. 23. 3.  
*albæ.* Vbi Apostolica auctoritate auctori percussione suæ inte-  
ritum denunciavit: certè, ut Propheta, prædixit: *etenim istud eue-* S. Chrysost.  
*nit, sicq. defunctus est,* ait S. Chrysostomus. Sic & alio tempore mil. 6. de lau-  
idem Paulus existimauit, Alexandro ærario iniustitiam eius im- i. S. Pauli.  
punitam esse non debere, dixit enim: *Reddet illi Dominus secun-* 2. Timoth. 4.  
*dum opera sua,* multa siquidem mala Paulò ostendit Alexander, 15.  
postquam à fide defecit, & Euangelio valde resistit. Denique  
Sanctorum, pro Christo, occisorum animæ, nonne clamabant voce Apoc. 6. 10.  
magna, dicentes: *Vsquequo, Domine (sanctus & verus) non iudicas, &*  
*non vindicas sanguinem nostrum de ijs, qui habitant in terra?*

Eadem ratione, qua pro Verbo interfectorum animæ cla-



S. Thó. 2. 2.  
q. 83. a. 8. ad  
2.  
Breniar. Ro-  
man. 2. Maij.

mauerunt, possunt etiam clamare alij Martyres, ac Sancti, & diuinam vindictam iustissimè implorare, vt ex D. Thoma constat. S. Stanislaus Polonus Regem Poloniae Boleslaum grauer offendebat, quòd illius notam libidinem publicè arguebat. Quare, in solenni regni conuentu, Stanislaum, per calumniam, in iudicium, coram se vocari curat, tanquam pagum occuparet, quem Ecclesia sua nomine coëmerat. Quòd cum neg, tabulis probare posset, & testes veritatem dicere timerent, spondet Episcopus, se Petrum pagi venditorem, quia triennio ante obierat, intra dies tres, in iudicium adducturum. Conditione cum risu accepta, vir Dei toto triduo ieiunij & orationi incumbit: ipso sponsonis die, post oblatum Missæ sacrificium, Petrum è sepulchro surgere iubet: qui statim rediit Episcopus ad regium tribunal euntem sequitur, ibique, rege & ceteris stupore attonitis, de agro à se vendito, & pretio ritè sibi ab Episcopo per soluto, testimonium dicit, atq; iterum in Domino obdormiuit. Simile quid legimus de S. Fridolino Abbate, Seckingæ ad Rhenum, monumentum habente, qui itidem è tumulo mortuum ad humanum tribunal euocauit, vt & innocentia, & calumnia indignitas testem, omni exceptione maiorem, haberet. Quod si igitur Sancti vel ipsos mortuos è sepulchris ad humanum audent tribunal euocare; cur non auderent viuos citare, easdem ob causas, ad tribunal diuinum? nempe, vt aut se, aut sua, aut, quæ sunt Ecclesiæ, tueantur?

## VI.

Matthæus  
Rader. volu-  
mine 3. Ba-  
uar. S. pag.  
185.

Sua & Ecclesiæ bona defendit hac citatione Stanislaus, ac se ipsum quoque à calumnia. Idem fecit S. Benno Misnensis Pontifex, dum, ad diuinum tribunal Dei, Marchionem iniuriosum, certo tempore præscripto, venire iussit. Rem totam ex bulla canonizationis Adriani Pontificis Hieronymus Emserus, atque ex hoc Raderus, his verbis tradidit. *Marchio quidem Misnensis ad rem audior, cum per summum scelus in possessionem bonorum Ecclesiæ Misnensis irruisset, Beatus Benno hominem rectè facturum affirmavit scilicet ea, quæ ipsi Ecclesiæ Misnensi eripisset, restitueret; sin minus, Deum ali- quando, pro tanta improbitate, penas ab ea expetiturum. Quibus verbis homo furens concitatus Sanctissimum virum alapa percussit. Tunc Beatus Benno diuino spiritu afflatus hanc tantam iniuriam, inquit, hoc eodem tempore, sequentiis anni Deus omnipotens vlciscetur, quem Marchio ille proteruus atq; superbus irrisit, ac paulo post Beatus Benno agrotare cepit, & breue futurum sperans, vt ex hac vita ad superos, quorum consuetudo dulcis est, atq; aterna migraret, &c. Postea è vita excessit,*

Cap. XXXVII. Multos sanctos ad Dei tribunal prouocasse. 373

cessit, & id quidem quadragesimo pontificatus sui anno, post Christum natum, millesimo centesimo sexto, &c. Marchio, de quo paulo ante facti sumus, cum tempus illud euenisset, quo sanctius vir ipsum Marchionem poenas daturum prädixerat in hanc vocem prorupit: Benno, superiori tempore, nescio, quid periculi nobis hodierno die, euenturum minabatur; mortuus est ille, non igitur est, quod nobis timeamus. Vix illic hac verba finierat, subito conseruiur, & auxilium eorum, qui aderant, implorans, miserandum in modum ac magno cum dolore & gemitu moritur. Hinc facile concipi potest, diuinam potestatem diuino homini communicatam esse. Ita pro se, pro Ecclesia, Benno ad diuinum iudicium appellauit.

Gualterus Burgenfis pro se idem fecit. Erat is vir doctri-  
na & sanctitate clarus, perque iniuriam Episcopatu Patauensi pri-  
uatus & expulsus à Clemente V. Nempe hoc volebat eum Deus  
pati, propter regnum cœlorum. Et passus est patienter, quoad  
vixit. Moriens tamen, ne & alijs eiusmodi iniuria irrogaretur,  
iussit sepulchro suo incidi: AD IVSTVM DEI IVDICIUM  
APPELLO. Incidit in hanc epigraphen Clemens & fertur in-  
iuriæ, quam intulerat, memoria expauisse: addunt alij, non diu  
post, obiisse. Nec mirum est Gualterum, in vita patientem, in  
morte appellauisse. Ita & Dauid moriturus Salomoni filio quos-  
dam nominauit puniendos, quibus, in vita, pepercerat. Vtrumq;  
sancti quærunt, & præmium patientiæ, & iustitiæ exemplum. Vin-  
dicta Martyrum est, ait S. Augustinus, ut evertatur regnum peccati,  
quo regnante, tanta perpeffi sunt. Quin omnes sancti, postulant se vin-  
dicari, non voce, sed ratione, sicut sanguis Abel clamauit de terra. Læ-  
tantur autem de vindicta, non propter vindictam, sed propter di-  
uinam iustitiam. Hoc modo, Latabitur iustus, cum viderit vindictam:  
manus suas lauabit in sanguine peccatoris; qui prius in illius sanguine  
manus lauit; quid dico lauit? inquauit. Admodum simile est, quod  
Cestrensis memorat, de Roberto Grossetest dicto Lincolnensi,  
magnæ, illa ætate, inter Philosophiam professos, famæ, quem In-  
nocentius IV. excommunicauerat. Refert enim, Robertum ad Deum  
iudicem prouocauisse. Pontificemque ad Dei tribunal citatum,  
eodem die, defunctum, quo Robertus defunctus est; auditamque,  
in Pontificia aula, vocem VENI, MISER, AD IVDICIUM.  
post hanc vocem, sequenti die, Papam in lecto exanimatum reper-  
tum, ac liuidam in eius latere cruentamque plagam, tanquam si

VII.

Raphael  
Volateran.  
anthropol.  
l. 21.

S. Aug. l. 7.  
de ferm. Do-  
min. in mon-  
ce. c. 45.

Psal. 57. 11.

Cestrensis  
lib 7.



fuisse percussus fuisset. Hoc accidisse scribit Anno 1253. cui consentiunt Matthæus Parisius, Ioannes Buriensis, & alij Britannici scriptores; licet alij scriptores nullam de hac re faciant mentionem. Vnde Delrius sublesta fidei esse iudicat narrationem. Sed suppetunt alia quoque complura exempla, tam eorum, qui sua, quam qui aliorum causa appellauerunt.

Martinus  
Delr. lib. 4.  
disquis. Ma-  
gicar. cap. 4  
q. 4. sect. 1.

## VIII.

Ionas Abbas  
cuius cõtem-  
poraneus, in  
vita S. Eu-  
stachij.

Alterius causâ appellauit B. Eustachius Abbas. Is, hæretico quodam Agrestio B. Columbanum iam mortuum conuicijs calumnijsque lacerante, in concilio Matifconensi, sic vltus est calumniatorem, vt diceret: *In horum presentia sacerdotum, te ego, eius discipulus & successor, cuius tu disciplinam & instituta damnas, ad diuinum iudicium, cum illo, intra presentis anni circulum disceptaturum inuio, vt iusti iudicis examen sentias, cuius famulum tuis obreccationibus maculare conaris. Nec frustra eum conuadatus est diuino hoc vadium. Nam cum Agrestius sepius sibi datum penitentia locum non agnosceret, vt B. Eustachij sententia ad diuinum iudicium ipsum vocantis praualeret, ante triginta dierum circulum, priusquam ventenis anni metra compleretur, à seruo suo, quem ipse redemerat, securi percussus interijt. Ita & mortales immortalium queunt causam agere; & ipsi etiam immortales dicere possunt: *Iudica me Deus, & discerne causam meam de gente non sancta, & ab homine iniquo & doloso erue me.**

Psal. 42. 1.

## IX.

Thom Can-  
tiprat. lib. 2.  
Apum. c. 35.  
9. 3.

Matth. 5. 25.

Et meritò sibi cauent à tali prouocatione iniquitatis non solum operadores, sed etiam fautores ac patroni. Quemadmodum cauisse legimus Hannoniæ Comitem: qui, dum vellet, in Ecclesia S. Ioannis, in Valencenis. canon. cos expellere regulares, & pro eis ponere canonicos seculares; Abbas eiusdem loci, ad summum iudicem appellauit. Appropinquante autem appellationis die, cum Abbas inciperet infirmari, & se ad comparandum, coram summo iudice, orationis instantia prepararet; ipseque Comes, sub eodem tempore, sentiret incommodum, causâ cessit, omnimodò diem verius iudicij, & sententiam expectare. Sapiuit iste in tempore, consilium Christi secutus dicentis: *Esto consentiens aduersario tuo citò, dum es in via. cum eo: ne fortè tradat te aduersarius iudici, & index tradat te ministro: & in carcerem mutaris. Vtinam & alij consilium hoc audirent, & dum in via sunt, faciem iudicis præoccuparent. Serò beneuolentia iudicis conciliatur in tribunali: præstatque aduersarium placare, quàm expectare sententiam damnantis. Rideri homines possunt, Deus*

non.

non irridetur. Quare, magno suo malo, Numen in Martyre risit. Hiberniæ Prorex, de quo et iditissimus Galliarum regis Consiliarius scribit, ab eo Maionensem Episcopum Patritium Ochelium, & Conatium Ornarium Franciscanum, virum religione & sanguine clarum, nempe è Ducum profapia oriundum, capitis damnatū, ac suspendio addictum, quod Ecclesiæ caput profanam feminam, Angliæ scilicet reginam vterque constantissimè negauisset. Iam sub patibulo, iam in laqueo erat Ochelius, cum petijt, vt, quando ipsi viuere amplius non liceret, liceret saltem, sub finem vitæ, aliquantulum loqui, & populo postremum valedicere. Non negata est illi ea petitio. Caput ergo Deo gratias agere, quod sibi socioque tantum constantiæ, quod occasionem fidei profitendæ, quod gratiam vitæ, pro Christo, proijciendæ dedisset. Adhortatus est deinde Catholicos, si qui adessent, vt in eadem religione, cuius ipse causa moreretur, vsque ad extremum spiritum & ipsi perseverarent. Admonuit insuper, si qui secus sentirent, vt & ipsi solum Christum, & Christi Vicarium Romanum Pontificem, pro capite Ecclesiæ agnoscerent. Hac enim vnica de causa se, cum socio, in vincula datum, atque in teterrimo carcere, solis omnis experte, quindecim dies attentum; ac postea, ex Acherontica illa, obscuritate, extractum, multis pollicitationibus ac blandimentis sollicitatum; grauissimis minis ac tormentorum metu perterrefactum, semper negauisse. Reginam esse Ecclesiæ caput. Ob quam constantem negationem, inquebat, Prorex irritatus, cum tunica molesta deesset, ocreas, butyro, sale, oleo & pyrio puluere iussit impleri, pedibusque meis inductas, in bullientem aquam imponi. Ita elixis pedibus ocreas, cum carne, detraxit, vnde ossa nuda solisque nervis hærentia gero, quibus in cælum, non in sententiam æternæ damnationi obnoxiam, cum me iturum profiterer, ad noua tormenta sum pertractus. Nam mihi, hi digiti, & hæc brachia, vt videtis, inter duo grandia saxa, sunt miserrimè contrita. Ita frumentum Christi factus sum. Nunc demum, quia de sententia non cessi, vt Christo meo conformis fiam, sublimis pendebo, vt de cruce anima vicinior ad cælū eat. In hunc sensum, ad dimidiam horam, eo affectu, eaque vi verborum perorauit, vt etiam aduersarij ipsi nō possent à fletu abstinere. Pro epilogo ad Proregem cōuersus, hac eum oratione compellauit: *Tu quidem, o Prorex, hoc corpus mihi torse, atque iniurias mihi multas intulisti, quarum hic elationem*

Galat. 6.7.

Florimund.

Ramund. lib

de ortu &

interitu hæ-

reseon. c. 20.

n. 6.

tionem



tionem non posco, sed te iam, celo teste, ad diuine maiestatis tribunal cito, ut illic facti rationem reddas. Percussit hæc citatio animum Proregis vehementer, altamque ei plagam incussit; qui, ut bilem cum verbis exoneraret, dixit: *I, nunc, bipedum nequissime; I, Pegaseo volatu, ad Cerberum: Tuam ego appellationem, nec hili facio; tu ad Phlegethontem abi.* His verbis vtrique commutatis, Episcopus, cum socio, strangulatus ad cælum, Prorex ad Limiriensem urbem ijt. Nō ita diu post accidit, ut Prorex cum Barone, animi causa, in campos exspaciaretur. Et peruenit ad eum ipsum locum, in quo duo Martyres laqueo interempti pependunt. Ibi Baronem compellans: Ecce, ait falsum Prophetam, qui ad Dei iudicium me citauit; cum anima illius iam caleat in flamma, corpus putrescat in furca. Prorex, inscius, quā tenui filo sua quoque tunc vita penderet. Nam correptus morbo, qui animam eius, decimo quarto, ab eo, quo ad iudicium vocatus est, die, ad Rhadamantum expulit, verē sensit, ridentes à Deo irrideri, rectiusque se facturum fuisse, si quod Martyri falsò prædixit, sibimet ipsi cecinisset, ac in tempore respuisset. Sed, ut D. Gregorius ait, *habet hoc prauorum malitia, ut eum vera in se flere mala renuit, fingat aliena: Nam, quasi solatio facinoris vititur, si, falsis vocibus, & vita corripientis inquitur.*

S. Gregor.  
lib. 10. Mo  
ral. c. 3.

## X.

Thom. Can.  
tiprat. lib. 2.  
Apum. c. 35.  
§. 2.

Alterius etiam causā, vadimonium constituit, apud doctum & probatæ fidei scriptorem, alius, de quo eiusdem temporis author ita scribit: *Monasterium S. Iacobi, apud Leodium, notum multis est & acceptum. Istud quidam adolescens consobrinus maioris Præpositi, causa deuotionis & religionis, intrauit. Quod ut audiuit Præpositus, indignè tulit: mandat Abbati remitti consobrinum, per clericos: renuit ille. Tunc Præpositus, forti manu collecta satellitum, intrat violenter cœnobium, rapit iuuenem & nudatum Sancto habitu, induit seculari. Abbas ergo Monasterij, collectis primoribus ciuitatis, Episcopo queritur, & totum clerum, pro tantis iniurijs, interpellat. Hoc cum indignanter vix vellent audire Episcopus, & Abbatem potius duris verbis impeteret: flexis Abbas genibus, cum moderamine verborum, dixit Præposito: Iudicem contra te, o Præposite, in terra habere non possum, & ideo contra te Deum summum iudicem interpello, ut infra 40. dies, uterq; nostrum compareat, coram illo, sententiam pro meritis acceptans. Ad hoc Præsul cachinnans cum suis irrisit hominem, atq; spreuit, & repulit exprobratum. Quid plura? 40. die, circa nonam, mortuus est dictus Abbas: & cum pro eo solemni ter pulsaretur, sedens in balneo Præpositus, quasiuit*

Cap. XXXVII, Multos sanctos ad tribunal Dei prouocasse. 377

quaesivit à circumstantibus, quid hoc esset? Mox quidam ingreditur, & requisitus de sonitu campanarum, respondit, Abbatem S. Iacobi modo esse defunctum, & pro eo pulsationem fieri iam solemnem. Illico recordatus Praepositus, quadragesimam diem esse, qua se citatum, coram summo iudice, audierat ab Abbate, consternato animo, dixit suis, cito videre, quid faciam, mortuus ego sum: comparere me hodie summi iudicis conspectibus oportebit. Nec mora, post verba haec, cum balneum egredi festinaret, in astantium manibus, cum diro ciulatu, & vocibus, expirauit; ibi procul dubio respondere compulsus, ubi causarum strepitus cessant, iurisperitorum aduocatio conticescit; ubi nec preces, nec precium liberabunt, ubi nec interlocutoria iudicis sententiam protelabunt. Clarè hinc perspicitur, etsi iudices, in hoc Mundo, officio suo desint, non tamen deesse Deum, qui iudicet; eumque Praepositis, ac Principibus longè esse potentiorē.

Socrates sapientiae, apud profanos, simulachrum, teste Xenophonte ac Eusebio, hanc pronunciauit sententiam, cognitionem futurarum rerum, quae in potestate Dei sunt, non esse hominibus procurandam: neque enim posse homines eas res cognoscere, nec Deo gratum esse, si quae illae occultantur, ea mortales velint nimis studiè curiosèq; cognoscere. Immo & ipse Christus, cum discipuli eius curiosè interrogarent, dicentes: Quando haec erunt? ad quaestionem hanc non respondit, statim ad signa aduentus sui transgressus: alia autem vice, apertè dixit: Non est vestrum, nosse tempora vel momenta, quae Pater posuit in sua potestate. Abdita nimirum, & soli Deo reueruata huiusmodi euentorum cognitio est, quae ex libera vel Dei, vel etiam hominum pendent voluntate. Quis nostrum docere audeat, vel se scire praesumat, quod Deus ille magister, nec eos discipulos docuit, à quibus praesentibus interrogatus est praesens; nec illi tunc sancti magnique doctores Ecclesiam docere potuerunt? Ita planè est, si de ordinario agendi modo loquamur. Extra ordinem, si nulli eiusmodi futura praesciuerunt, quid erit de Prophetis sentiendum? Quemadmodum igitur Prophetis, ita etiam multis alijs Deus futura quaedam reuelauit; immo & ipsas mortes, ac horam mortis eorum: vti Callio Narniensi Episcopo, apud D. Gregorium; Æmilianæ ac Tharillæ, & Ruperto, qui id de seipso scriptum reliquit: immo & ipsis peccatoribus, ut de Praetextato S. Hieronymus narrat. Tamen si enim, vniuersim loquendo, hominibus vtilius sit, nescire certum mortis diem aut horam, ut semper vigilent ac solliciti sint, de

XI.

Xenophon.  
lib. de dictis  
& factis So-  
cratis. Eu-  
seb. l. 14. de  
Praepar. c. 4.  
Matth. 24. 4.

Act. 1. 7.

S. Augustin.  
epist. 80.

S. Greg. l. 4.  
dialog. c. 36.  
Ib. cap. 16. &  
homil. 38. in  
Euang. Ru-  
pert. in c. 12.  
Matth. S.

Bbb

Domi.



Hieronym.  
epist. 7.

Domini aduentu, nec pij habeant causam remissionis, impij secun-  
rioris vitæ: profuit tamen etiam multis, horam mortis ipsis antè  
fuisse denunciata. Sic enim vel metu acti peccata retractauerunt:

Supra §. IX.

quod, paulò supra, Comiti Hannoniè ostendimus contigisse. Quin  
istis quoque ipsis, ad certum diem, ex instinctu Dei, in iudicium  
diuinum citatis, ad maiorem confusionem, damnationemque ce-  
det, si citati, se non corrigant, sed emendationem de die in diem.

Supra §. X.

differant. quod supra memorato Præposito euenit, qui serò nimis  
dixit: *Citò videte, quid faciam, mortuus ego sum*, hoc est, tam certò  
moriturus, ac si iam mortuus essem. O stulte, citius videre de-  
buiſſes, quid tibi esset faciendum. Serò mortem fugit, qui iam  
mortuus est; nec potest iudicium declinare, qui iam aſtat tribu-  
nali. In nulla re vel malitia hominum pertinacior, vel bonitas  
Numinis clementior potest demonstrari, quàm cum demonstra-  
tur, homines sibi malè conscios, etiam de die mortis, à benigno  
Deo, per sanctos, admonitos, tamen in malitia, perſiſtiſſe. Neque  
neceſſe est, eiusmodi citatores miraculis claros haberi; ſatis est,  
ſi ſint in ea re innocentes, in qua iniuſtè patiuntur.

## XII.

Cranzius l. 4  
Metropol. c.  
4. Gotschal-  
cus ſerm. 16.  
part. æſtiu.

Menuercum decimum Paderbornensem Episcopum, An-  
no 1003. quidam Monachus Corbeienſis, Boſo nomine, graui cõ-  
tumelia affecerat. Cum enim Menuercus collapſam Monaſterij  
Corbeienſis diſciplinam, in priſtinum vellet nitorem reuocare,  
poſt Walonem Abbatem loco motum, Boſo ſacrarij cuſtos veſtes  
ſacras negauit, & quæ attulerat Præful, ab ara, proiecit; moni-  
tusque ſæpius, grauiusque, proteruè obſtinauit. Episcopus, pro  
tanta iniuria, nihil aliud reſpoſuit, quàm vt diceret: *Redditurum  
Altissimo facti rationem.* Quod ipſum vel conſcientia Monacho  
dictauerat. At verum eſt: *Puerſi difficile corriguntur.* Quare etiã  
Monachus iſte prædictionem flocci pendens vaticinium pariter  
atq; Episcopum cachinno excepit. Sed & iſte riſus dolore fuit miſ-  
cendus, imò finiendus. Nam Episcopo diem ſuum paſſo defunctò-  
que, Monachus, cum nihil morbi prorfus ſentiret, ea ipſa, qua Epi-  
ſcopus, hora, expirauit. Litigabant de iuribus Eccleſiarum ſuarum,  
& Saxonix decimis, tempore Henrici IV. Burchardus Halber-  
ſtadienſis Episcopus, & Mehingerus Abbas Herfeldenſis. Cum  
nullus cedere vellet, nullus litem amittere; arbitriũ eius in Deum  
traiecerunt, ſe ſe inuicem ad Dei tribunal euocantes. Die dicta,  
vterque repente è vita diſceſſit. Vter lite ceciderit, in occulto eſt;

Eccleſ. 1. 15

In Analib.  
Boiorum l. 4  
& Lambert.  
Schafna-  
burgenſis.

illud

illud constat, citationem valuisse. Sunt qui narrent, Abbatem Herfeldensem, decimis, per vim & iniuriam spoliatum; sub vitæ finem Antistiti nunciari iussisse: se quidem viribus imparem; causa meliorem cedere, atque etiam vita excedere; sed Deum iudicem futurum, ad quem appellaret. Pararent igitur se ambo, causam in illo tribunali dicturi, ubi gratia & potentia spretis, sola iustitia vim obtineret, & iniustitiæ prævaleret: neque diu postea Abbatem febris obiisse: eodemque tempore, Episcopum, cum equum conscendere vellet, velut fulmine ictum, concidisse, desijssequens, his vocibus vivere: Abripi se ad diuinum tribunal, ibique iudicandum. Iuxta hanc narrationem, melior videtur citantis, quam citati causa extitisse. Ex his perspicitur, Deum prouocationes quasdam, velut legitimas admittere, ac sæpe vnum, alterius causa, è vita exturbare: ne iniustitia dominetur, & triumphet.

## C A P V T XXXVIII.

*An etiam se mutuò amantium, simulq; mori orantium preces licita; & quando illæ, sicut & citationes supra dictæ, exaudiantur, vel non exaudiantur?*



**E**t cur, iustitiæ causâ, duos simul mori non permitteret Deus, qui id sanctis ex misericordia concessit? Beda refert, Heribertum pietate insignem Eremitam, quotannis, ad Cutbertum Episcopum ventitare solitum, ut ab eo salutaribus monitis ad perfe-

ctionem augendam incitaretur; tandem ei Episcopum vltimum vale dixisse, quod sciret, diem suæ resolutionis instare. Heribertus qui Cutbertum, eximiè amauerat, ad pedes illius se prosternens, cum lachrymis inqueiebat: *Obsecro, per Dominum, ne me deseras: sed tu memor sis fidelissimi Sodalis, rogésq; supremam pietatem, ut, cui simul in terris seruimus, ad eius videndam gratiam simul transeamus ad calos. Incubuit precibus Antistes, statimq; edoctus in spiritu, imperasse se, quod petebat à Domino: Surge, inquit, frater mi, & noli plorare, sed gaudio gaude, quia, quod rogauius, superna nobis clementia donauit. Cuius promissi & prophetia veritatem sequens rerum astruxit euentus; quia & discedentes ab inuicem non se vltra corporaliter vi-*

I.

Beda lib. 4.  
hist. Eccl. c.  
29.



derunt; sed vno eodemq; die, hoc est, Kalendarum Aprilium tertia decima egredientes è corpore spiritus eorum, mox beata inuicem visione coniuncti sunt, atq; Angelico ministerio pariter ad regnum caeleste translati. Sed Heribertus diutina prius infirmitate decoquitur; illà, ut credibile est, dispensatione Dominica pietatis, ut si quid minus haberet meriti à Cudberto, suppleret hoc castigans longa aegritudinis dolor; quatenus aequatus gratia suo intercessori, sicut vno eodemq; tempore cum eo de corpore egredi, ita etiam vna atq; indissimili sede perpetua beatitudinis meruisset recipi. Habemus ergo & causam, cur multos saepe innocentes, immo etiam Religiosos viros Deus finat diutinis morbis affligari, scilicet ad maiorem, in cælo, coronam promerendam; & insuper, Deum exaudire sanctos pro se inuicem orantes, non vt illis vita ista mortalis prolongetur; sed vt, post vnus mortem, mors alterius, in hac lachrymarum valle, non differatur; atque, vt, qui vnà Deo, in omni vitæ austeritate seruierunt, etiam vnà Deo, in æterna beatitudine perfruantur.

## II.

Ps. 119. 15.

Et cur hoc alij impetrare conantes, peccent, cum sic alios diligant, sicut semetipsos? Nam qui charitate Dei ac sui ardent, saepe exclamant: *Hei mihi, quia incolatus meus prolongatus est?* præsertim quia eos tot corporis & animæ mala, in hac peregrinatione, ad patriam faciunt calidissimè suspirare. Quis enim exul ad patriam non aspiraret? Et prudens peregrinus, (nisi proximi salus aliud exigat) cum Apostolo, magis cupit à corpore, quàm à Domino peregrinari. Quis non mallet cum Angelis, & societate beatorum habitare, quàm cum habitantibus Cedar, hoc est, cum barbaris ac efferatis gentibus, quæ non habitant in ciuitatibus, sed in tentorijs, ijsque nigris & rusticis, quales sunt Arabes? per quos ipsi etiam cacodæmones, Principes tenebrarum harum diaboli, ac homines, ipsis diabolis peiores intelliguntur. Ne autem aulici hinc se excipiant, qui in clarissimis vrbibus habitant, nōrint ipsa etiam palatia Principum ac Regum Cedar, hoc est, tabernacula esse rusticorum, si ad cælestis Hierusalem mansiones comparentur. Hinc sanctorum voces sunt: *Multum incola fuit anima mea. Mihi uere Christus est, & mori lucrum. Coarctor desiderium habens dissolui & esse cum Christo. Infelix ego homo, quis me liberabit de corpore mortis huius?* Ita orare cum ex charitate quis pro semetipso possit, cur non possit etiam pro alio? præsertim cupiente, & vitam beatam miseræ vitæ præferente? Nam multi adeo diligunt hanc miseram pe-

Philip. 1. 21.

Rom. 7. 24.

ram peregrinationem, & tabernacula Cedar tenebricosa, vt nihil tristius audire possint, quàm sermonem de discessu ex hac vita. Tales non cupiunt pro se orari, vt de corpore mortis huius liberentur. Quanquam & qui pro se, & qui pro alijs orant, vt citò possint esse cum Christo, illam vtique orationi suæ conditionem includunt, quam inclusit S. Martinus orans: *Si adhuc populo tuo sum necessarius, non recuso laborem*; quam etiam Apostolus non dissimulauit, scribens: *Coarctor autem è duobus: desiderium habens*, velut à portu, aut à tabernaculorum funibus, aut vinculis, aut à corpore mortis, seu cadauere, cui alligata est anima mea, dissolui, & esse cum Christo, quod est, multò magis melius, seu optimum (hoc enim Hebraismus significat) *permanere autem in carne, necessarium propter vos*. Si enim Deus vult nos viuere, propter institutionem proximi, tanti facienda est charitas, vt etiam beatæ eiuscemodi morti, immo ipsi quoque martyrio, vt D. Chrysostomus docet, sit anteferenda. Hæc proximi necessitas si desit, rectè ille à D. Augustino laudatus Episcopus moriturus circumstantibus atq; eum retinere volentibus dixit: *Si aliquando, cur non modo?* Rectè etiam Climachus: *Probatu ille est, qui mortem singulis diebus expectat; sed ille sanctus, qui eam singulis horis desiderat*. Desiderabat Romana virgo Praxedes, quæ, cum tantâ Christianorû stragem iam ferre non posset; Deum precata est, vt, si mori expediret, se è tantis malis eriperet. Desiderauerunt idem alij innumeri. Quod ergo sibi non solum fas est optare, sed etiam ex charitate desideratur, cur non posset etiam frater charissimo fratri, soror sorori, vxori maritus, vel marito vxor, aut alius amicus amico dilectissimo & desiderare, & precari? eum hoc sit, illi precari, pro terra calum, pro miseria felicitatem.

Neque opinandum est, id alterum nolle, si Deum atque æterna serio amet; cum etiam ingratum fuerit ijs, qui iam defuncti erant, ad vitam reuocari. Narrat Rufinus Mutium miræ sanctitatis Abbatem, vt ad discipulum moriturum longè absentem posset peruenire, solem, instar Iosue, stitisse; cumq; inuenisset eum iam defunctum, oratione facta, osculatus est eum, & ait: *Quid magis desideris habes frater, abire & esse cum Christo, an permanere in carne?* Tunc ille, recuperato spiritu, paululum resedit, & ait ad eum: *Quid me renocas Pater? Melius est mihi redire, & esse cum Christo; permanere autem in carne mihi necessarium non est*. Cui dixit: *Dormi ergo in pace, fili, & ora pro me*. At ille continuo reclinans se in lectulo ob-

Philip. i. 23.

S. Chrysost. homil. 78. in Matth.

Possidon. in vita S. Augustini. c. 27.

Climach. grad. 6. In Breviario Rom. 2. 1. Iulij.

III.

Rufinus in Vitis Patr. lib. 2. c. 9.



S. Greg. I. I.  
dial. c. 2.  
S. Greg. Tu-  
ron. lib. 7.  
Franc.

Possidon. in  
vita S. Au-  
gustini. c. 27.

## I V.

Luc. 8. 5.  
Luc. 7. 11.  
Ioan. 11. 43.  
Metth. 27.  
53.

dormiuit. Pari modo Marcellum S. Fortunati Episcopi Tudertini precibus à morte suscitatum memorat D. Gregorius, ingemuisse, & dixisse: *O quid fecisti? ò quid fecisti?* Neque aliter ad vitam reductus ingemuit S. Saluius Episcopus, vt copiosè refert Gregorius Turonensis: Eiuscemodi exempla extant complura, è quibus constat, Deum amantibus mortem vità fuisse gratiorem; idque non tantum, quia, per mortem, hac vitæ molestia liberatis, ad pacem ac quietem via est, qui esset amor concupiscentiæ; sed præcipue, quia corpus, quod corrumpitur, aggrauat animam, vt nō ita possit cælestia cogitare, sed ad corporis necessitates & concupiscentias deprimatur; in cælo autem his vinculis libera Deum purè & cōtinuò potest amare; qui est amicitia amor. Ob quem etiam, si necesse est, sancti parati sunt, diutius inter homines, propter homines iuuandos, vitam trahere. Vnde, teste Possidonio, laudare solebat S. Augustinus sententiam S. Ambrosij è vita discessuri, qua suis sientibus ac rogantibus, vt à Deo longiorem posceret vitam, respondit: *Non sic vixi, vt pudeat me, inter vos, vivere: sed nec mori timeo, quia bonum Dominum habemus.* Nempe, ad vtrumque paratus, noluit vitam precibus prorogare, vt eam, cum meliore vita, commutaret.

Neque idcirco putandus est Christus vel iniuriam, vel molestiam intulisse ijs, quos à morte ad vitam excitauit; vt cū Iairo principi Synagogæ filiam, & viduæ filium, ante ciuitatem Naim; ac fororibus fratrem Lazarum; illam domi & de lecto; illum foris, & de capulo; istum in campis, & de sepulchro reddidit: item quando monumenta aperta sunt, & multa corpora sanctorum, qui dormierant, surrexerunt. Tunc animæ horum excitatorum nondum Dei visione fruebantur, facile igitur vel è limbo Patrum, vel è Purgatorio, se ad corpus retrahi passæ sunt, vt vel hîc satisfacere, vel merita sua possent accumulare. Quod etiam de ijs, qui in veteri Testamento, reuixerunt, dici potest; & de ijs quoque, quos alij sancti, in nouo Testamento, precibus denuò animauerunt. Certè, quos constat, è Purgatorio rediisse, libenter, in hac vitæ longis annis varios labores ac cruciatus sustinuerunt, vt poenæ alterius vitæ exhaurirent. Nulli cælo addicti in vitam mortalem sunt restituti. Ad paucos dies, immo horas his restitui, esset graue: & mallent vtiq; denuò mori, quàm consortio carere beatorum.

## V.

Ex quibus omnibus duo deduco. Primum, posse, sine iniuria,

iuria, vnum amicorum aut sociorum, pro altero orare, vt Deus eum citò, ex hac misera vita, ad alteram felicem educat, & secum in cælo beatum faciat. Si enim id pro se, quem amare arctius obstringitur, facere potest, cur non etiam id possit pro altero? Dummodo ex vero, & non simulato, amore, aut odio, id faciat. Noui, in celebri Germaniæ ciuitate, arcularium, qui vulgò probus & vxoris suæ amans esse putabatur. Is lue, cum vxore sua, correptus ad extrema perductus. anima iam fugiente, audiuit, vxorem suam iam esse extinctam: quo nuncio lætus dixit: iam & ego libens moriar, postquam certus sum, me illam, post me, non relinquere, dudum dignam mori. Dixit. & ipse mox secutus, nescio, quam dicti sui mercedem reportarit. Alio fine sancti alijs mortem vel optant vel orant. Quamuis rarissimè; cum pronum sit cogitare, eos vtilius ad laborem laborisque præmium, in hac vita superesse: nec manus iniicienda sit sceptro supremi Gubernatoris, cuius prouidâ dispositione fortasse tales adhuc *Plantati in domo Domini: in arrys domus Dei nostri floreunt, & adhuc multiplicabuntur in senecta vberi, & benè patientes erunt, vt annuncient laudem omnipotentis.*

Psal. 52. 13.

Alterum, quod deduco, est: tametsi Deus, perinde iustitiæ ac amicitie fautor, subinde exaudiat iniurijs ita pressos, vt alios non iam secum triumphaturos, sed, ante diuinum tribunal, disceptaturos, ad vallem Iosaphat, aut Dei iudicium particulare, citent; non tamen exaudire eum illos, qui charitate destituti, ita cum alijs agunt, vti secum agi non vellent. *Voluntatem timentium, se facit.* Qui autem charitate proximi destituuntur, Deum non timent. Neque sanè vllus vellet iniuste ipse vel ad ciuile tribunal, ne dum ad diuinum, vocari. Ergo qui iniuste alios ad hoc vadi- monium venire iubent, non solum grauissimè peccant, dum alijs faciunt, quod ipsi sibi fieri nollent, atq; eos, quos citant, tanquam innocentie oppressores, iniquissimè suggillant; sed etiam à Deo non exaudiuntur; ex odio enim aut iniusta vindicta alios volunt è vita expelli; stultèque arbitrantur, Deum cæco furori mendacijsque calumniantium cooperaturum. Aut certè sperant, hoc pacto, citatos minaci terrore vsque ad lethalem tristitiam concutiendos. Potest enim tam proterua citatio nonnullos meticulosos, & vel umbram timentes, ita potenti terrore percellere, vt, ex ipso metu imaginationeque mortis, in morbum & mortem prolabantur.

V I.

PG. 144. 19.



labantur. Panicus quidem & vanus est timor, sed multos, si non omnino occidit, saltem vehementer angit.

## VII.

Iouius in vi-  
ta Gonzal-  
ui.

His talibus inculcandum est, Deum odio alterius aut falsi-  
tati non patrocinari. Itaque si ex æquo vel fecerunt, vel iudicaue-  
runt; si constat de facti aut sententiæ, ob quam citantur, iustitia;  
possunt meritò eiusmodi citationem nihili facere. Deus iustus  
est, cuius oculus omnia videt, nouitque, qui sint nocentes vel in-  
nocentes. Deus supremus iudex est, cuius vice iudices ceteri fun-  
guntur. Præmium ergo ab illo, non supplicium debent expectare,  
qui, in tali casu, aut innocentes sunt, aut iuste iudicauerunt. Ita-  
vidi à quodam Religioso Superiore rideri & contemni, cum à po-  
dagrico valdeque impatiente Religioso (cui vinum negauerat, v-  
tique nociturum) in vallem Iosaphat citaretur. Adeò nihil effe-  
cit ea citatio, vt ægrotus, quantumuis podagricis pedibus, tamen  
ferè triginta antè annis, cucurrerit ad diuinum tribunal. Principem  
quoque noui, qui à compluribus sagis, quas rogo iustissime ad-  
dixerat, ad Dei iudicium nequicquam est inuitatus. Arserunt sa-  
gæ, Principi nihil mali euenit. Idem fecisse legitur magnus ille  
militum Imperator Gundizaluus Ferdinandus de Corduba: qui,  
cū Tarentum obsidens maleficum quendam seditiosumq., inquit Iouius,  
militem ad supplicium duci iussisset; illè, multum reluctatus se iniquissi-  
mè damnari vociferaretur. & proinde Gonsaluum ad dicendam causam  
ad Dei maximi tribunal, magna voce, citaret: Vade, inquit, Gonsalvus,  
festinag, confisus optimo iudici, & causam instrue. Nam ibi, pro me ade-  
rit, qui opportunè respondeat Alfonsus frater, qui nuper ex Serra ver-  
megia, in calum contempsit. Tum enim Gonsaluo nuntiatum fuerat, fra-  
trem à Mauris circumuentum, dignam forti prog, duce mortem oppo-  
ruisse. Ad horum exemplum, quisquis est innocens, potest meritò  
spernere temerarios prouocatores. Non sunt audaces isti Leon-  
tisci, apud Deum, tanti, vt, ad illorum arbitrium, forum.

Pf. 144. 19.

agat. Voluntatem timentium se facit; Deum timen-  
tes, nihil mali petunt, aut dicunt.

Mali homines non sunt boni

Dictatores.

C A P V T X X X I X.

*Ob eiusmodi citationes à Deo exauditas, magno diuinorum iudiciorum metu affici debere alijs iniuriosos, cuiuscungq; status aut conditionis sint.*



T etiam exemplum faciat Deus, & grandes gradium iniurias, similis exitus metu, refranet, sæpe preces & vota citationesque exaudite eorum, qui vel à Principibus aut iudicibus iniustē damnati, per vim, ad mortem trahuntur, vel atrocem calumniā patiuntur, à qua eos alius nemo defendit. Itaque, intra conditum certum tempus, aliqui ita citati è vita extruduntur, iudicii sui iudicium subituri, qui alioquin adhuc diu superuixissent. Longanimis quidem est Deus, & dormire multis videtur, sed sæpe etiam repente, & in furore, arguit peccatores; præsertim cum innocentia iustitiæque oppressa ad eum de terra clamat. Quæ de causa Psaltes ait: *Cum inuocarem, exaudiuit me Deus iustitia mea.* Psal. 4. 2. Et multi sunt, qui vim passi Dei manum, non irritis votis, inuocauerunt, atque idcirco, nunc, in cælo, canunt: *Confitebor tibi, Domine, in toto corde meo: narrabo omnia mirabilia tua, inter quæ est illud: Quoniam fecisti iudicium meum & causam meam: sedisti super thronum, qui iudicas iustitiam.* Nam quia iudices sæpe vel ignorance errant; vel affectu præcipitant sententiam; vel dubia pro certis arripiunt; vel probabilem contrarij metū dissimulant; meritò & ipsi à supremo omnium Iudice Deo, cum iudicijs, iustitiisque suis, iudicantur; atque extra ordinem plectuntur, qui alios, contra ordinem, tyrannica crudelitate puniuerunt.

Huius rei, præter superius commemorata exempla, vile erit & alia recensere. Atque ut, modò dicto milirico, militem innocentem opponam, narrat Guilhelmus Ferdinandus ab Effrem de Germano milite, iuvene, si ætatem spectes; si ingenium, faceto; eum, cum horâ constitutâ, ad excubias vocaretur; in militum corona stantem, per iocum, dixisse: *Redeunt ad nos excubia, utinam pecunia nuncius rediret!* Quàm multis iocari capitale fuit! Neque enim animus dicentis & auris audientis semper solent consentire. Adfuit ergo, inter commilitones, etiam tribu-

I.

II.

Guilielm.  
Ferdin. ab  
Ephrem. in  
Manuali po-  
litico. lib. 5.  
part. 3.



norum aliquis, qui exceptum hoc verbum, tanquam seditiosum, ad archistrategum retulit. Concilium illico vocatur. Trahitur in crimen vox ioco prolata. Censetur miles tumultū facere voluisse. Capitur. torquetur. capitis damnatur. Non illum excusatio, non innocentia iuuat. Ergo videns nihil prodesse, quidquid obtenderet, quidquid obtestaretur; inuitabili iam morte, vociferari incipit & magnis clamoribus Capitaneum citare, præsentique diem dicere. *Post tres hebdomades, inquit, hac ipsa noctis hora, reddes Deo iusto rationē, de sanguine meo.* Sed quasi ventis locutus esset, ita neglectus, hora noctis duodecima, strangulatus, orto die, ad terrorem reliquorum, cum titulo seditiosi in præcordijs affixo, expositus est. Ex ea hora Capitaneus consternatus, semper in metu vixit. Elapso termino hebdomadum, ipsa rursus hora duodecima noctis, exiit domo, ad excubias visitandas, ac, ferè in puncto temporis eiusdem, è ponte nauali lapsus, submersusque docuit, neque in bello quidem, vbi disciplina seuerior necessaria est nimis præcipitandum.

## III.

Aeneas Syl-  
uius Euro-  
pæ histor.  
6.43.

Psal. 98. 4.

Quod militiæ Duci accidit, idem etiam alijs ducibus euenit. Britannicæ Armoricæ Franciscus Dux præfuit, qui reducem ex Anglia fratrem Egidium læsæ maiestatis falsò accusatum, in carcere, barbara immanitate, interemit. Non habuit frater quò confugeret, nisi ad Deum, ad quem prouocauit; effecitque, ut Dux Franciscus, intra breue tempus, de medio sublatus, neque vitam, neque principatum retineret. Nam paulò ante mortem adiurauit vnum è Franciscana familia Patrem, vti iret, fratrique Duci renunciaret, intra diem quadragesimum, ei, coram summo iudice Deo, causam esse peragenda, ac pròinde se sisteret. Franciscanus mandato obsequens, ad Ducem, in finibus Normanniæ, morantem profectus, fratris mortem & prouocationem denunciavit. Ea denunciatione Dux territus, illicò malè habere cepit, & crescente in dies morbo, ad conditum diem, expirauit. Scilicet, *ô Deus, tu parasti directiones: iudicium & iustitiam in Iacob tu fecisti*, contra fratrem Esau olim, nunc autem, pro fratre, contra Franciscum Ducem; non solum dum *parasti directiones*, hoc est, leges contra homicidium, rectissimas, & ad hominis dirigendos mores, crudelitatemque reprimendam, aptissimas; sed etiam dum contra eundem transgressorem *iudicium & iustitiam* apertissimam exercuisti; neque in annum quidem integrum distulisti. Nimirum, etsi ad tempus patiat Deus innocentes affligi, cædi, occidi: non obli-

obliuiscitur tamen impiorum, quos sæpe, in terris, sæpe etiam, in futuro seculo, plectit. Hoc iudiciū, altè cordi imprimate, ô fratres, inter quos sæpe æmulatio parit dissensionem, dissensio exitium; sicut & concordia incrementum. Siquidem, vt Poëta cecinit:

*Non caret effectū, quod voluere duo.*

Addo huic Duci alterum Ducem, non iam cum fratre, sed cum hoste, immittens agentem. Genuensium triremes, è Liguria, aduersus piratas, emissæ, biremem Gothloanam ceperunt aliquando. Ibi victoriâ insolentes, gubernatorem biremis, extra Drepanum, in ignominiam Siculorum Gotholanorūque, nocturno tempore, in furcam suspenderunt. Ille, vt vitam conseruaret, ad preces se dimisit; excusationes obtendit, nihil vnquam se Genuensibus nocuisse, protestatus. Omnia frustra. Vt ergo tandem intellexit, plus odium gentis, quàm æquitatem, apud Genuensem trierarchum, valere, iussit illum, se sequi, atq; intra sex-tum mensem, ante diuinum tribunal, comparere, vt inhumanitatis tantæ rationem redderet. Audijs Deus vocantem; & condito tempore, Ligus diem iudiciūque suum, obiit. Scilicet neq; in hostem est Lemnia manu sæuiendum; qui etiam victus ab homine, vt homo, est tractandus.

Addo & tertium Ducem. Nam auctor est Ioannes Pauli, Rudolphum Austriæ Principem, Equitem Auratum damnasse vt culleo insutus mergeretur; Equitem autem, conspecto Duce, exclamasse: *Dux Rudolphe, ad tremendum Dei tribunal, intra annum te voco*: cui ille, cum sarcasmo, irridens responderit: *Bene, prei-to; ego tum adero*. Vertente anno, Dux in febrim incidens appellationis recordatus, seruos affatus dixit: *Tempus mortis meæ instat, & ad iudiciū eundum*. Dixit. & vixit. ostenditque, in hac curia, etiam sine vadimonio, non irritam esse vadationem.

Suppetunt & Regum exempla, quibus docetur, innocentium citationes sapissime non esse irritas. Tradunt Ritus & Mariana, Ferdinandum III. Legionis & Castellæ regem mandasse, vt duo è Caruaialiorum familia, fratres Perrus & Ioannes, ambo nobiles, inauditi, tanquam perduellionis rei, & ob meram suspicionem, è turri, vel rupe formidandæ altitudinis, præcipites iacerentur. Hi duo neq; testibus, neq; alijs probationibus conuicti, obiectum crimen constanter negauerunt. Sed quia nihil effecerunt,

Ccc 2 negan.

IV.

Fulgos. l. I. c. 6.

V.

VI.

Ritus l. 3. de regib. Hisp. Mariana in Hisp. Annal. lib. 15. c. 11.



negando, innocentia freti, tandem ad diuinum iudicium appellarunt, regique iusserunt denunciari. ut inibi se, ad tricesimum diem sisteret. Non est personarum acceptor Deus; sed omnibus idem. Perinde regem iudicat, ac plebem. Itaque & Ferdinandus, rex animi securus, cum contra Mauros, in castra abiisset, morbo statim tentatus Giennium concessit, atque 7. Idus Septembris, hoc est, ipso postea tricesimo à supplicio Nobilium die, repentinà morte sublatus & in lecto mortuus repertus est, in ipso ætatis flore; annos natus non plures, quàm viginti quatuor, menses nouem. Quo Dei supremi regis iudicio intellecto, proceres & populus rectè dicere potuerunt: *Confiteantur nomini tuo magno; quoniam terribile & sanctum est: & honor regis iudicium diligit. Magnum nomen.* quia magni Dei; *terribile*, quia potentissimi regis & reges ipsos iudicantis; *sanctum* quia iustissimi iudicis. Siquidem regia sanctitas dignitasque id exigit, ut rex iudicium diligat; hoc est, ut personam non respiciat, siue ea è stabulo, siue è throno prodeat; ut non dissimulet crimen timore; nec furore exaugeat; ut denique amore iustitiæ conseruandæ iudicet; quod non semper in alteram vitam differt, ut doceat etiam vicarios suos rectè iudicare.

Psal. 98. 3.

## VII.

Conrad. in  
Chronic  
Moguntino.  
& l. Lipsius  
lib. 2. Moni-  
tor. polit. c.  
II.

Venio à purpura ad purpuram, hoc est, à Regibus ad Cardinales. Nam Anno 1154 Friderico Enobarbo imperante, Henricus Moguntinus, vel, ut alij volunt, Wormaciensis Præsul, falsò, & per calumniam quasi ad Pontificium inidoneus, Romæ accusatus; Arnoldum misit ad calumniam, diluendam: quam nequam aduocatus magis accendit, corruptosque nonnullos, ad se traxit. Igitur innocens Henricus, à duobus Cardinalibus, quos Pontifex Eugenius III. ad causæ cognitionem delegauerat, iniuste damnatus & abdicatus est, ipso Arnolde ambitioso calumniatore, in locum eius suffecto. Henricus exinde mœrore confectus his possemum verbis iniquos iudices appellauit: *Iniuste iudicastis. Appello igitur ad IESVM Christum æquissimum iudicem; ibi respondebo. venite.* Rem tam seriam illi ioco eludentes, *Cum præcesserit*, aiunt, *nos sequemur.* Nemo se tanti facere debet, ut cum Deo audeat iocari; aut à se oppressam iustitiam contemnere. Særa subinde, sed certa est ultio. Siquidem & hi Cardinales, sibi ipsis ludendo vates, Henricum reuera sunt secuti. Henricus enim, post annum ferè & dimidium, fato concessit. Morte illius audita, pur-

purati

Cap. XXXIX. Metuendum esse iustè ad Dei iudicium citatis. 389

purati illi Patres veterem iocum repetentes dixerunt: Ecce praeessit, nos sequemur. O miserè iocosi iudices, non iocum, sed vaticinium vestrum repetiistis. Est, qui audiat iniustè oppressos, Deus. Est, qui iudicia vestra vnam tantum aurem, & linguam accusantium duntaxat sequentia iudicet, maior iudex. Quamobrem funestum vobis iocum fuisse, euentus docuit. Quippe, vna vos dies ambos morti obiecit, vt author est Naclerus; nec morti modò subitæ, sed etiam infelici ac miseræ. vnus enim, velut rabie actus, digitos proprios arrodens; alter. Arrij morte, in latrinis foetentem animam efflauit. Ita contradictiones comprimit fors, & inter potentes quoque, Prou. 18. 18. diiudicat: & diuina iustitia, nec purpuras veretur, nec tiaras. Ita Altissimus summos etiam vertices sub se habet. Neque, regias tantum, sed etiam Imperatorias coronas iudicio arcessit, qui non accipit per personas principum, nec cognouit tyrannum; cum disceptaret contra Iob. 34. 19. pauperem: opus enim manuum eius sunt vniuersi.

Transio igitur rursus à Cardinalibus ad ipsos Imperatores, qui, cum peccant, Deo soli peccant; nec enim alium, in terris, nisi illum formidant. Narrat igitur Petrus Damiani, vir valde sanctus & Cardinalitæ dignitatis scriptor, Othonem I. Imperatorem Romanum, ab Antistite Moguntino Guilielmo (qui filius eius fuerat) propter initum, cum Adelaïde, coniugiū, Christianā Apostolicæque libertate, grauiter admonitum, ægrè tulisse; atque eapropter comprehensum in custodiam compegisse. Filius vi oppressus Othonem parentem, ad Numinis tribunal, summum iudicem interpellans citauit his verbis: Die sancto Pentecostes, autè Dominum IESVM iudicem nostrum, vterque comparebimus; & de capite causam dicemus. Vier noster æquitatis l. neque transgressus sit, diuinum pandet iudicium. Neque effectu caruit citatio. Quippe nominis Maij, hoc est, ipso tunc festo Pentecostes, Otho Imperator, in Saxonia, repentina inualetudine extinctus, ad iudicium adductus est, vbi eum filius Guilielmus, & ipse paulò prius humanis rebus ereptus expectauit. Nimirum & parentes in sobolem posunt esse iniqui, & Cæsares in subditos iniusti, immo & in non subditos. Sed in diuino pratorio idem ius est filio, quod patri; eadem Dice inferiori, quæ superiori. Idèò vtriuscordati, audite me; absit à Deo impietas, & ab Omnipotente iniquitas. Opus enim hominis reddet ei, & iuxta vias singulorum, restituet eis. Verè enim Deus non condemnabit frustra, nec omnipotens subuertet iudicium. Cæsarem posuit iudicem

VIII.

Petr. Dam.  
l. 2. epist. 15.  
Baron. An.  
973. aliter  
sentit.

Iob. 34. 19.



390 Cap. XXXIX. Metuendum esse iustè ad Dei iudicium citatis.

dicem reliquorum, in causis civilibus; ipse Cæsaris est iudex, in omni causa, *Quoniam Dominus dominorum est, & Rex regum.*

I X. Immo usque adeò, Isaïæ testimonio, *Exaltabitur Dominus exercituum, in iudicio, & Deus sanctus sanctificabitur in iustitia*, ut, si vel ipsorum Maximorum Pontificum aures iustissimis defensionibus obstructæ sint, ipse audiat, ad cælum vociferantes, *Innocentes se accusari, damnari, mactari.* Nam, ut non repetam, quod de Cle-

mente V. & Innocentio IV. supra recensui, annotauit Fulgosus, equitem Neapolitanum, ex Templariorum ordine atque cœtu unum, cum alijs Sodalibus suis, ultimo supplicio addictum, ad Clementem VI. & Philippum Pulchrum Franciæ regem, supplicij sui auctores & è fenestra, spectatores, exclamasse: *Quando mihi, inter mortales, nullus iam superest, ad quem appellem; ad iustum iudicem Christum, qui nos redemit, appello. ut ante eius tribunal, intra annum & diem, vos sistatis, ubi causam meam exponam.* Intra id tempus, uterq; præmatura morte abreptus in diuinum ius ambulauit. Et Clemens quidem repentè mortuus est, Philippus autem, non multò post, habuisse etiam se mortem in procinctu, sensit. Neque calculus temporis huic historiæ obstat, cui Meierus, Christianus Massæus, & alij consentiunt, qui Papam & regem eodem Anno 1314. tradunt obiisse, illum 20. April. hunc 29. Nouembris. Nimirum non vanè, per Isaïam, dixit maximus iudex: *Hos, qui iudicauerunt te, ego iudicabo.*

X. Hinc discite, & nunc, reges, intelligite: *erudimini, qui iudicatis terram.* Subijciuntur vobis etiam innocentes; si eos opprimitis, si iniustè iudicatis; habent alium iudicem, ad quem appellant; cui vestra & illorum vita, iuxta est. Itaque id, quod iustum est, iudicate; neque sperate, iudicium de vobis diu procrastinandum; aut mortem adhuc multùm distare. Deus voluntatem timendum se facit, & exaudit orantes: *secundum multitudinem impietatem eorum expelle eos: quoniam irritauerunt te, Domine.* Expellendi sunt è vita, nec digni, quos terra portet, qui tanta iniquitate eam contaminant impiantque, & Dominum irritant. Parcite cachinnis; seria nimis res est. Agit Deus causam suorum. Nec moras vobis promittite; in foribus est vindicta; adeò ut supremus arbiter etià annum, etiam mensem, etiam horam sibi, de iudicio exercendo, præscribi sinat. Quid vos ipsos decipitis? eadem sapissime sunt, citantis & citati momenta. De Ioanne Tursone, in Gothia iudicium

Apoc. 17. 14.

I X.

Isa. 5. 16.

Supra cap.

32. n. 7.

Fulgosus l. 1. c. 6.

Meierus l. 2.

Annal. & l.

17. Chron.

Mas. Onu-

phrius in PP.

Roman. hi-

stor. Vide

Martinum

Delr. lib. 4.

Disquisit. c.

4. q. 4. sect. 1.

Isa. 49. 25.

X.

Psal. 2. 10.

Iob 6. 29.

Pf. 144. 19.

Pf. 5. 12.

Cap. XXXIX. Metuendum esse iustè ad Dei iudicium citatis. 397

diciū iniquum adminstrante, Olaus ita scribit: *Quendam capite* Olaus l. 14.  
hystor. Aquil.  
lon. c. 20.  
*plecti iusserat. Is genibus innixus; en morior iniuste, inquit, tég, voco,*  
*hac hora, ante tribunal Dei, ut respondeas, cur me innocentem morti*  
*condemnes. Vix autem miser carnificis manu obruncatus fuerat, cum*  
*etiam iudex de equo corruit exanimis. Quàm verè Siracides dixit:*  
*Deprecatio pauperis, ex ore, vsq; ad aures Dei perueniet, & iudiciū* Eccli. 21. 6.  
*festinato adueniet illi: si illi, ergo & aduersario illius. Vnum enim*  
*est iudiciū rei & actoris.*

Meminerint oppressores isti, Deum Iudicem non solūm. XI.  
summum, sed etiam optimum, iam dudum hanc de se parabolam  
dedisse. *Iudex quidam erat, in quadam ciuitate, qui Deum non timebat,* Luc. 18. 2.  
*& hominem non reuerbatur. Vidua autem quadam erat in ciuitate il-*  
*la, & veniebat ad eum, dicens: Vindica me, de aduersario meo. Et no-*  
*lebat, per multum tempus. Post hac autem duxit intra se: Eist Deum*  
*non timeo, nec hominem reuereor: tamen quia molesta est mihi hac vi-*  
*dua, vindicabo illam, ne in nouissimo veniens sugillet me. At autem*  
*Dominus: Audite, quid iudex iniquitatis dicit: Deus autem non faciet*  
*vindictam electorum suorum clamantium ad se, die ac nocte, & patien-*  
*tiam habebit in illis? Dico vobis, quia citò faciet vindictam illorum.*  
Satis erat, si cum iusto & clemente iudice se comparauisset; nunc,  
si vidua iudicem ferocem, qui Deum non timebat, & hominem non  
reuerbatur, tamen exorauit; quid innocentes de tam iusto & be-  
nigno Deo non poterunt sperare, aut impetrare? *Multum* Iac. 5. 16.  
*valet oratio iusti, & tantum, ut ipsi Gubernatori orbis quodam-*  
modo manus iniiciat. Nam etsi firma sunt decreta Dei, vbi tamen  
hominis interuenit oratio, decreta sua definire & velut abrogare  
decreuit, cum ea, hac lege, atque conditione temperata sint: *Fa-*  
*ciam, nisi obstat oratio, nisi intercedat penitentia &c. quam, quia vidit*  
*intercessuram, absolute decreuit, in tali casu, à priore illo con-*  
*ditionato decreto desistere; & vel ordinarium etiam Mundi cur-*  
*sum interrompere. Ita decreuerat, ob peccatum Davidis popu-*  
*lum, contra voluntatem Dei, numerantis, proque ipsius populi*  
*delictis, peste populum, trium dierum spacio, depopulari; videns*  
*autem plagam, illam magnam, primo statim die, illorum trium-*  
*dierum, ut obseruat Nicolaus de Lyrà, aramque & sacrificium ac*  
*orationem Regis penitentis intuens, duos de poena dies remisit.*  
*Et edificauit, ait scriptura, ibi David altare Domino, & obtulit holo-* 2. Reg. 24.  
*causta & pacifica: & propitius est Dominus terræ, & cohibita est pla-* 25.  
g. 1. d. 1.



ga ab Israël. Tres dies assignauerat Dominus ad plagæ illationem; sed oratio & sacrificium Dauidis Domini sententiam reuocauit. Quod etiam oratio Ezechix effecit. Iam protulerat Deus mortis sententiam, sed vitam adhuc rex sibi exorauit. *Hec dicit Dominus, ait Isaías: dispone domui tuæ, quia morieris tu. & non viues: tunc conuersus Ezechias ad parietem, orauit ad Dominum, fletu magno. Et factum est illico verbum, ad eundem Prophetam: Vade, & dic Ezechia: Hec dicit Dominus Deus patris tui: Audiui orationem tuam, & vidi lachrymas tuas. Ecce ego adjiciam, super annos tuos, quindecim annos, & de manu Assyriorum eruam te, & ciuitatem istam, & protegam eam.* Tanta est vis orationis, vt per eam Ezechias sibi. Dauid ingenti hominum numero, vitam prolongarit; etsi Deus oppositum decreuerit facere, idque decretum, lata sententia, confirmarit. Terreni Principes decreta semel emissa inuolabilia volunt permanere; nec precibus, nec lachrymis, nec ciulatibus sinunt ea infringi. Non ita inexorabilis est Deus, cuius decretum ac sententiam vnus hominis oratio potest reuocare.

## XII.

(Quin adeo multum valet deprecatio iusti, apud Deum, vt quodammodo Deo imperare, & in naturæ ipsius legibus dispensare videatur. Si gubernatore ciuitatis vigilas obeunte, ei qui faciem præfert, miles quispiam diceret: Heus tu, siste gradum, & lumen mihi suppedita, donec de inimico meo me vindicem; an non miraremur audaciam? quid enim hoc aliud esset, quam præcipere ipsi gubernatori, vt expectet, & se duellantem adiuuet? Ita supremus ille totius creaturæ Gubernator, assidue Vniuersum hoc, sua prouidentia, circuit. Sol autem, tanquam fax, fertur, non quod ipsi lumine hoc opus sit, sed vt se cuncta videre declaret. Iosue igitur generosus ille miles, contra Chananæos, pugnaturus, ausus est exclamare: *Sol, ne mouearis, contra Gabaon.* Quid est hoc aliud, quàm Soli simul ac Deo præcipere, vt cursum suum & totius vniuersi sistat? nam, sole stante, utique etiam luna & stellæ, atque cælum omne substiterunt, ne debita Mundi symmetria perturbaretur. Enimvero stetit sol, in medio cali, & non festinauit occumbere, spatio vnus diei: non fuit antea, nec postea tam longa dies, obediens Domino voci hominis. Quid cupimus amplius? in diebus Ezechix, etiam retro rediit sol. tres pueri, in fornace, orando ignem refrigerauerunt. Daniel, in lacu, orando leones mansuefecit. Apostoli, alijque Sancti orando mortuis vitam reddiderunt. Denique

Isa. 38. 1.

Iosue 10. 12.

Eccli. 48. 25.

que ni-

Cap. XXXIX. Metuendum esse iustè ad Dei iudicium citatis. 393

que nihil est, quod orando innocentès, apud mitissimum suum Iudicem Deum, non possint impetrare.

Quid hac digressionè autem, me velle demonstrare putatis? Nempe illud, tametsi alioqui naturæ vires multis tantæ essent, vt adhuc longam ætatem possent prouiuere; tametsi etiam ipse naturæ author vitam illis longiorem largiri voluisset; tamen vitam eorum abrumpi, vt non dimidient dies suos, contra quos orant iniustè passi, iniustèque, à iudicibus, magistratibus, aut principibus damnati. Exaudit Deus suos: inimicos autem suorum deducit in puteum interitus. Vnde sequitur: *Viri sanguinum, & dolosi non dimidiabunt dies suos.* Et cur non exaudiret orantes, quemadmodum D. Bernardus vir patientissimus alioqui & mansuetissimus orauit? Orauit autem ille quoq; his verbis aliquando: *Tuum, Domine IESV, tribunal appello; tuo me iudicio seruo; tibi committo causam meam. Domine Deus Sabaoth, qui iudicas iustè, & probas renes & corda: cuius oculi, sicut fallere nolunt, ita falli non possunt. Itaq; arbiter meus, Domine IESV, de vultu tuo iudicium meum prodeat. Oculi tui videant equitatem; videant, & iudicent.* Illi ergo ipsi, quibus amara est memoria mortis, qui semper in his terris optarent, viuere, caueant, ne alios cogant ita orare, & illos ad diuinum tribunal, ex hac vita, ante terminum & tempus, à natura, ab ipso alioqui Deo concessum, euocare. Esto iudices, esto Duces, esto Principes, esto Cardinales, esto Imperatores, esto summi Pontifices sint; *Tros Rutulusue fuit, nullo discrimine habebit, qui non perfonas, sed acta solet ad censuram vocare, Deus.*

Hæc dum ita disputo, scitis quorum peculiariter animis incidat metus tacitus? Conscientia similis culpæ, parem exitum formidat. Certè si, qui paria antehac ausi sunt, non habuere pares citatores; tamen paria aufuri in metu esse debent, ne & illis Deus iratus vitæ filum incidat. Quinam ergo ex hoc censu sunt? Ex enumeratis historijs id possumus cognoscere. 1. Qui, Saulis instar, æmulatus agunt, &, ob virtutis excellentiam, Dauides suos volunt habere occisissimos. 2. Qui beneficiorum immemores, sicut rex Ioas, Zachariam interficiunt (hoc est, eum, qui ab impietate dehortatur) & filios eorum, quorum benignitate ipsi viuunt. 3. Antiochi iniqua imperantes, & tormentis perdentes eos, qui iniqua exequi recusant. 4. Alexandri à fide deficientes, qui eos violentissimè persequuntur, à quibus, in fide, & omni genere disciplina-

XIII.

Psal. 54. 23.

S Bernard.  
ep. I. ad Robertum.

XIV.

Supra c. 32.  
1. Reg. 24. 13

2. Paralip.  
24. 23.

2. Machab 7  
17.

2. Tim. 4. 15.

Ddd

ciplina-



ciplinarum, sunt eruditi. 5. Qui Bennoni, qui alijs Ecclesiæ Praesulibus, qui ipsis Ecclesijs sua eripiunt, nec verentur Dei seruis colaphos infringere, atque ora illa sacrilegè contundere, quibus docentur, Deo danda & restituenda, quæ Dei sunt. 6. Qui Gualteros, qui Robertos, viros doctos, & innocentes, in gratiam calumniatorum; & eorum, qui iugum omne legum ac obedientiæ excutientes, quiduis, contra Superiores, confingere non verentur, inauditos iudicant, damnant, exauctorant. Apud quos vilissimi adulatores plus valent, quàm aliorum sinceritas & iustitia. Qui denique, quantum quidem penes illos est, notæ alioqui, & probatæ virtutis viros sepeliunt, vt Trossulis suis locum faciant regnandi. Et ferunt isti Gualteri æquo animo, quod ferunt: sepulchro tamen illorum inscribitur: AD IVSTVM DEI IVDICIUM APPELLO. Non possunt enim isti minimè Innocentijs, & minimè Clementes iudices à se pressorum, sine stimulo conscientia, meminisse: quoties præcipitata sententiæ suæ recordantur, vident ab ea. AD IVSTVM DEI IVDICIUM APPELLARI, damnatumque innocenter, vel de tenebris suis clamare: VENI, MISER, AD IVDICIUM. 7. Agrestij, qui ipsis mortuis, de quibus bene loquendum est, ipsis Diuis non parcunt, & tunc demum eorum nomen subhastant, quando se iam ampliùs defendere non possunt. 8. Qui ipsi Deo non seruiunt Deoque seruire cupientes, cum Leodiensi Præposito, ex ipsis monasterijs retrahunt. 9. Qui Mennercos religiosam disciplinam restaurare nitentes contumelia affectos reijciunt. Neque enim, inter ipsos quoque Religiosos desunt, qui vadimonijs eiusmodi digna perpetrent, vt Monachi illius exemplo est comprobatum. 9. Belli Duces, qui etsi magnam habent potestatem, ac sæpe etiam feueritatis necessitatem; tamen si homines, tanquam bestias habeant, si, pro quouis verbo, arbori infelici milites suspendant, scire debent, etiam militum à Deo haberi rationem. 10. Tametsi priuati quoque homines, vt iurias possunt irrogare non priuatas tantum, ita mereantur sæpe ad diuinum tribunal inuitari; tamen sapius publici iudices, Principes, Reges, & summa capita, ob summam potestatem, summa iniuria afficiunt subditos; à quibus, cum ad superiorem, in terris, non possit prouocari magistratum; vltima via est, vt ad Deum prouocetur. Hi ergo omnes, nisi iustitiam discant moniti, quotquot subditos indignè opprimunt, tot metuere debent, prouocatores.

Sed

Sed placet, coronidis loco, subnectere aliud paradigma, quoniam ad hæc tempora peruentum est, vt nulla sufficiant exempla vitij dedocendis. Ordinis Teutonici Magister, diuersos ab officio & dignitate mores amplexus, videri castus, quàm esse malebat. Nomen illi, apud exteros, erat splendidum, sed inclusas eius libidines, qui paulò propiùs accedebant, intuebantur. Quas ipsas tamen vt velo tegetet, amores suos, iuueni mercatori conatus est in matrimonium dare. Iuuenis honestatis amans, quia nolebat, coniugem alij communem habere, nuptias excusauit. Timebat enim sibi à nuptiarum conciliatore, à quo sciebat futuram vxorem, eò vsque, inter charas habitam. Repudium hoc, pro exprobratione, interpretatus est Dominus, cui insuper bilem in nasum cociuit, spem se mantelúmque nequitiae suae tegendae amisisse. Iuuenis igitur, dum biuiram à se amolitur amorésque Principis, odium sibi parat & exitium. Dum enim tacitè quidem, sed vehementer tamen, exarsuat in innocentem, Domini animus, tandem rationem reperit se vindicandj. Ait eum furem esse. Atq; vt accusatio colorem habeat, furti locum, tempus, modum nominat. Iniiciuntur iuueni manus, & quia Principi creditur, etiam laqueus. Nec ignorauit Mercator, causam fictam, in iudicio, explicari, veram occultari; noluit tamen ipse, quod res erat, promere; satis illi fuit, deprecari mortem. Quod sanè, oratione luculenta, fecit. Et docuit innocentia eloquentiam. Vtque nihil ad artem pertinens deesset, etiam lachrymarum accesserunt. Sed obstinauerat Princeps, quem neque oratio flexit, neque fletus emolliuit. Quid faceret iuuenis, hac tam viridi ætate, moriturus? Ad vitæ authorem confugit, ac innocentiae defensorem Deum. Iam ducebatur, nec procul à morte aberat, cum repentè Stentorea voce exclamauit: *Iniuriam patior, iniuste sum damnatus. Ad aliud iudicium appello, ad omnipotentis iudicium prouoco: ibi, qui capitalem in me sententiam tulit, post decimam tertiam diem, sententia suae reddat rationem.* Hoc iuuenis fuit testamentum, hæc vltima voluntas: immo & verba vltima. Nam mox, collo in restim indito, è scalis deiectus, pependit. Citationem hanc Teutonicus Magister, cum risu, spreuit. At vbi lux tertia decima orbi est reddita, repentino morbo obrutus, in has voces erupit: *O me miserabilem hominem! ecce è vita ejicior. Hodie mihi causa dicenda est, apud Iudicem omnia scientem.* Hoc vltimum dixit, postea obmutuit: atque vt se sibi vatem fuisse ostenderet,

XV.

Kranzius  
lib. 13. Vandaliz. c. 2.



deret, illo adhuc ipso die ad diuinum tribunal, ex vita hac est exturbatus. Quod sanè Rigæ, in Liuonia, Anno Christi 1407. euenit. Porro Sirenula illa, quæ repudio furens, innocentis necem non parum promouit, vt & ipsa Numinis iudicia redderet illustriora, ab alio mercatore, de vero furto accusata, iudicio se supplicioque fuga subduxit, fortasse vt iudicium seuerius suppliciumque æternum sustineret.

## XVI.

Quàm crebra est ista magnorum Dominorum praxis? quòties tales ab illis nuptæ ac nuptiæ prodeunt? quàm frequenter illos loco mouent, vitæque priuant, & omnibus fortunis exuunt, qui cum claros eos magis, quàm honestos esse nòrint, eorum nequitij & impuritati cooperari noluerunt? Quot hodièque viuerent, & eminent, si teterrimi facinoris ministri, socij, adiutores esse voluissent? Quàm multi omnia diuina humanaque iura, nò uo, inaudito, inexpressibili scelere polluant, nefarioque patriæ se parricidio obstringunt? Quàm doctæ sunt artes, ad eos vexandos, in litem & iudicia trahendos, bonis fortunisque omnibus spoliandos, denique vel carcere, vel mœrore consumendos, qui iniquissimis dominorum sententijs subscribere detrectarunt? An non isti metuere debent, eiusmodi innocentum prouocationes? an nò meritò formidant pœnas. Deo hominibûsq; meritis debitâs. que se persoluturos? architectos constituunt, condiciones ponunt, aureos montes promittunt; absolutis autem & ad fastigium perductis palacijs, mercedis loco, litigant, & magistratui operarios obijciunt, vt non solum nihil expendere illis pecuniarum teneantur; sed etiam, ob occultum crimen, contra fidem datam, proditum, capite minuantur. An tales ad diuinum tribunal non prouocent? Immo an tales summus rerum arbiter

Iob. 36. 22. non exaudiat? *Ecce Deus excelsus in fortitudine sua, & nullus ei similis in legislatoribus. Quis poterit scrutari vias eius? aut quis potest ei dicere? operatus es iniquitatem. Non plectit semper extra ordinem? at satis est, ad metum, plecti meruisse.*

CAPVT XL.

*Prouocationes ad diuinum tribunal factas, non facile imitandas esse.*



Rolixè demonſtraui, multos pios, ſanctos, innocen-  
tes homines, à tyrannis, iniuſtè accuſatos, dam-  
natos, necatos, ad diuinum tribunal, iudices  
ſuos, non ſine prodigioſo euentu miraculoſque,  
euocauiffe. Demonſtraui hæc, vt Deum pauperum  
defenſorem, violentorum iudicem, Sanctorum exaudito-  
rem eſſe  
oſtenderem, atque vt, ex his iuſtiſſimis Dei iudicijs, metum fræ-  
nūmque inijcerem ijs, qui, quidquid poſſunt, audent. Haud am-  
bigō, nonnullos fore, qui documenta à me aliò deſtinata, aliò de-  
riuent, & ſi tot exempla legerint Sanctorum, ea, ad imitatio-  
nem propoſita, eſſe arbitrentur. Itaque cum plauſu iſta excipient,  
& ſibi ſummopere gratulabuntur, de reperto confirmatōque mo-  
do ac ratione ſe vindicandi. Quare iam nulla vetula rixabitur;  
nullus ciuis litigabit; nullus vel ſeruus, vel puer vapulabit, quin  
illico ad diuinum tribunal appellet. *Magna otia cali*, ſi illico fie-  
ri debet, quod pētunt impatientes.

Merito iſtis dicitur: *Nefcis, quid petatis*: & illud: *Petitis,  
& non accipitis*: eò quod male petatis: vt in concupiſcentijs veſtris inſu-  
matis. Nam imprimis, non omnia, quæ diuino inſtinctu Sancti fe-  
cerunt, ſunt imitanda. Deinde, quis ſibi ſanctitatem polliceatur?  
quis non falli poteſt, cum ſe ſe iudicat innocentem? *Nemo, in ſua  
cauſſa, bonus iudex*. Amor ſui vnumquemque excæcat, vt non vi-  
deat rectum quod eſt; rectèque ſe putet feciſſe, quando maximè  
deflexit ab æquitate. Quin & ira iudicium corrumpit, vt iniuriam  
maximam, iuſtam eſſe vindictam arbitretur. *Turbatus eſt à furo*.  
*re oculus meus*, ait ille. In Hebræo, pro turbatus, eſt, caligauit. Vbi  
quidem ſenſus eſt, oculus meus, propter furorem & indignatio-  
nem meam, contra turpitudinem peccati, à fletu nimio, quaſi cor-  
roſus turbatus eſt, & caligauit: poteſt tamen etiam quiuis furio-  
ſus id dicere Non finit enim furor hominem cernere verum. Nam  
non poteſt iratus in ſeipſo manere, ait D. Chryſoſtomus, ſicut in flu-  
etis ſurgens mare, Ita commiſcentur omnia, & tanquam fons purus im-  
miſſo

I.

II.

Matt 20. 22.  
Iac. 4. 3.

Pſal. 6.7.

S. Chryſo-  
ſtomus, mil. 62. ad  
pop.



*missio turbatur ceno.* Quod veteres tragœdi, in Aiace flagellifero ostenderunt. Ajax enim Telamonius, ab Vlysse, in iudicio, victus, præ ira, insaniens pecora occidit, credens se Vlyssē, cum socijs, occidere. Itaq; multi iracundia odioque correpti, & velut cæstro perciti, bestias pro hominibus, homines, pro bestijs aspiciunt; & non rarò innocentes iudicant esse nocentes. Cum ergo rarissimè, qui læsi sunt, non fiant iracundi, facillè accidere potest, vt alios reos atque iniuriosos existiment, quando ipsi rei sunt atque iniuriosi. Quàm malè autem isti sibi consulerent, si rei ipsi innoxios ad diuinum tribunal, vbi omnia in aperto sunt, trahere vellent, accusandi non accusaturi? Neque enim existimare debent, Dei iudicia, esse sicut sæpe sunt iudicia hominum inexpertorum, aut affectibus deditorum, apud quos, *prior tempore, prior iure esse consuevit*; & vicisse est, præuenisse; quia *fauor est primò occupantis*. Non sic iudicat Deus, cuius sententia nunquam damnat innocentem, nunquam absoluit reum præuenientem.

## III.

Tametsi ergo ea, de qua tot exempla enumerauimus, Sanctorum ad diuinum tribunal appellatio licita, diuinisq; legibus contraria non fuerit: tametsi etiam constet, per eiusmodi exempla, diuinam mortalibus iustitiam innotuisse, Principesque multos didicisse, in subditorum sanguinem non esse defæuendum, neque proculcanda iura: tametsi etiam mentes recti conscientia atque innocentia roborentur, per talia exempla, vt diuinæ iustitiæ fiducia niti assuescant: tametsi etiam prohibita non sit eiusmodi prouocatio, quæ eodem animo, iisdemque de causis suscipitur, quibus rex Dauid, Pontifex Zacharias, beatæ illæ animæ, Paulus Apostolus, Episcopus Benno, alique eam Sancti vsurpauerunt: quis tamen sibi polliceri potest, non solum eandem, cum istis sanctitatem, verum etiam eandem rectitudinem intentionis? Quàm citò se insinuat cupiditas vltionis? quàm facillè subrepat odium, aut alius immoderatus affectus, quo si prouocatio inquinetur, non aduersarium, sed ipsum damnat prouocantem.

## IV.

Non loquor hîc de illis, qui sciunt, se alios iniuste, ad vallem Iosaphat, vocare, & tamen vel malitia agitati, vel, vt innocentes videantur, citant; quos constat, citando mortaliter delinquere; quia & Deum pro iniquitatis fautore, aut certè ludibrio habent; & proximo grauiter nocent, quem, tanquam innocentis oppressorem, suggillant, ac iniecta vicinæ mortis imaginatione

tione, terrent. Non loquor, inquam, de istis tam manifestè delinquentibus: de illis loquor, qui se ipsos innocentes, aduersarios iniuriosos, nec iam, in rebus minimis, aut puerilibus, sed in maximis iniuriosos arbitrantur. His ipsis, aio, admodum esse periculosum, si Sanctorum illas citationes velint imitari; cum ipsorum nec comperta sit sanctitas; nec certa innocentia; nec iudicium ab errandi periculo liberum; nec sine cæco sui amore affectus; quo tenebras offundentē, non possunt videre veritatem; sed vel latentem gloriam, vel tacitam vindictam sectantur. Habent illi multa alia innocentiae suae præsidia; habent amicos, habent magistratus; habent patrocinium veritatis, quæ semper tandem erumpit in lucem: & si hæc desint, habent asyllum orationis; habent auxilia Diuorum; habent, vno verbo, Deum; qui ait: *Mihi vindicta, & ego retribuam. Et iterum: Quia iudicabit Dominus populum suum.* Illi igitur relinquendum est officium iudicandi, diēque illa expectanda, non præscribenda; formidanda, non desideranda.

Hebr. 10. 30  
Deut. 32. 35

Qua de causâ Amos eiuscemodi appellationes interdicare videtur, cum ait: *Va desiderantibus diem Domini: ad quid eam vobis? dies Domini ista, tenebra & non lux.* Dies Domini, consueta scripturæ phrasi, diem iudicii seu vniuersalis & extremi, seu singularis, quod in morte vniuscuiusque peragitur, designat. Eam itaque diem, in vindictam inimicorum desiderantibus, *va* intonat Propheta, qui & addit: *dies Domini ista tenebra, & non lux;* quia obsecrum, minimèque clarum est, quando futura sit; qua enim hora non putabitur *filius hominis veniet;* qui non voluit, esse nostrum, *nosse tempora & momenta, quæ Pater posuit in sua potestate.* Temerarium igitur est, sine peculiari instinctu, aut graui causâ, diem certum velle nosse, &, quod plus est, alteri velle dicere ac designare, quo sit iudicandus. In Iudicis, non in actoris arbitrio tempus iudicandi est relinquendum. Quod se fecisse Ieremias gloriatur illis verbis: *Ecce, ipsi dicunt ad me: Vbi est verbum Domini? veniat. Et ego non sum turbatus, te pastorem sequens: & diem hominis non desideravi, tu scis. Quod egressum est de labijs meis, relictum in conspectu tuo fuit.* Gaudebat scilicet in sinu suo, & gratulabatur conscientiae suae Ieremias, iniquissimo regis Sedeciae odio vinculis & morti addictus, quod tyranno diem, apud diuinum tribu-

V.  
Amos. 5. 18.

Luc. 12. 40.

Act. 1. 8.

Ierem. 17.  
15.



tribunal, non dixerit, sed eum libero summi Iudicis arbitrio reliquerit iudicandum.

## V I.

Ad eandem patientiam nos dirigunt doctrina & exempla Christi ac Sanctorum. Doctrina enim eius non est, vt oremus; *Matth. 6. 12. Voca ad iudicium, & plecte inimicos nostros; sed: Dimitte nobis debita nostra, sicut & nos dimittimus debitoribus nostris.* Quo modo dimittit, qui aduersarium ad iudicem mittit? Non est hoc dare veniam, sed exigere poenam. Aliud præceptum scripsit nobis Magister. *Matth. 5. 44. noster: Diligite inimicos vestros, inquit, benefacite his, qui oderunt vos: & orate pro persequentibus & calumniantibus vos.* Citare illos ad iudicium, non est, pro illis, sed contra illos orare; non illos diligere; non benefacere, sed velle mori, sed velle illos iudicari & damnari, sed velle illis iustitiam diuinam immittere, non misericordiam impetrare. Quod etiam Apostolus gentium vetuit illis verbis: *1. Thessal. 5. 15. Videte, ne quis malum pro malo alicui reddat: sed semper quod bonum est, sectamini in inuicem, & in omnes.* Contrarium prorsus faciunt, qui iustissimam talionis legem existimantes, non bonum pro malo, sed malum pro malo, dentem pro dente, mortem pro morte reddere, Paulo reclamante, petunt, formidando Dei decreto, inimicos suos è medio tolli, atque ad Tartareos ignes condemnari.

## VII.

Si quis exempla vult imitari habet sanè exempla, atque in primis ipsius Dei. Quamobrem Christus, cum dixisset: *Matth. 5. 44. pro persequentibus & calumniantibus vos statim exemplum subiungens dixit: ut sitis filij Patris vestri qui in calis est: qui solem suum oriri facit super bonos & malos: & pluit super iustos & iniustos.* Sedet, in cælis, Deus, & audit quotidie homines sibi maledicentes, impiòsque dirissimè conuicantes ac blasphemantes; & noua semper scelera excogitantes, quantumque in ipsis est, giganteo ausu, diuinam maiestatem è cælo deripere conantes: audit ista, & videt, & patitur. Quid dico, patitur? cum habeat potestatem mittere in gehennam, & missis è nube fulminibus, tales exterminare; sustinet illos, *solem suum oriri facit illis, pluuiam mittit, vt terra, ad eos alendos irrigetur: nec hoc tantum facit, sed etiam mittit illis angelos suos, qui eos in viam, atque ad æternæ gloriæ semitam reducat.* Pulcherrimè aureum illud os: *At, inquit, calumniam passus sum, & ferre iubet aquanimiter, & quo modo potero? Facillimè profecto, si tantum in calum respicias.* Cogita quòd, illic super Cherubim se-

S. Chrysof.  
hom. 78.

denti

**Cap. XL. Non temerè homines ad diuinum tribunal citandos. 401**

deni factus es similis : nam & ille contumelijs affectus fuit, & tolerauit, & opprobria pertulit; nec ultus est percussus, & non insurrexit, sed è contra reddidit beneficia his, qui talia perpetrauerant, nosq; iussit suos imitatores esse. Calum deniq; respice, & postea quæ te Deus suscepturum promissit, si generosè feras. Christi igitur nobis præluxit exemplum, cui, cum vita, per summam iniuriam, infami morte, eriperetur, tamen ad alterius vitæ vadimonium neque Iudæos, neque Pilatum, neque carnifices, neque vllum alium euocauit, sed, cum maledice-  
retur, non maledicebat: cum pateretur, non comminabatur: tradebat autem iudicanti se iniussè. Latroni quoque paulo priùs conuiciato, non dixit: Hodie mecum eris in Iudicio, sed, Hodie mecum eris in Pa-  
radiso. Pro illis autem, qui, non contenti, eum flagris lacerasse, & clauis in crucem adegisse, insuper etiam ei illudebant, auream il-  
lam orationem fudit: Pater, dimitte illis, non enim sciunt, quid faciunt. 1. Petr. 2. 23.  
Luc. 23. 43.  
Luc. 23. 34.

Hanc Magistri sui heroicam patientiam ac fortitudinem imitatus est aliorum quoque Sanctorum ingens numerus. Atque primus quidem Stephanus, qui inter lapidantes, pro lapidantibus orans dixit: Domine, ne statuas illis hoc peccatum. Deinde & Paulus, qui de se scribit: Optabam ego ipse anathema esse à Christo, pro  
fratribus meis, qui in vitam ipsius obstinatissimè coniurauerant. His è diametro aduersantur, qui, mortalis vitæ causâ, Deum iudicem appellantes, illaudabili verborum metamorphosi exclamant: Ne ignosce, Pater, sed indica, vindica; statuas illis hoc peccatum. Non sim ego anathema pro fratribus meis, sed illi prome sint anathema. Neque multi martyres huius appellationis ius usurpare solebant, licet innocentissimè, crudelissimèq; occiderentur. Quia potius, post acceptam iniquissimæ mortis sententiam solennes eorum vocerant, vt exclamarent: DEO GRATIAS, quod dis-  
sertè testatur Iustinus; & perspicuum est ex vita S. Cypriani; atque antiquissimo Tertulliano attestante, Christianos magis damnatos, quàm absolutos gaudere. Quia, in veteri quoque testamento, Ioseph in cisternam, Ieremias in cœni, Daniel in leonum lacum, tres pueri in fornacem inflammatissimam missi, cum vtiq; de vita eorum innocentissima eripienda ageretur, tamen non leguntur, vel fratres, vel tyrannos, vel carnifices, ad diuinum tribunal, citauisse; & tamen iustus iudex Iosepho fratres subiecit, Ieremiam è cœno eduxit; Danielis aduersarios leonibus præbuit deuorandos; trium puerorum lictores, flamma è fornace in illos excussa, vsutulauit.

E e e

Quid

Iustin. Apo-  
log. 1. Ter-  
tullian. ad  
Scapulam.



## IX.

Senec. ad  
Martiam c.  
6.

Quid si multos idcirco ad extrema adducit malus sathan, ut ad impatientiam atque vindictam adducat? vicit, si impatientes fecit. deiecit, si in vindictam incendit. habet, quod vult, si tu iram tuam amplius in potestate non habes. *At turpis est nauis rector*, inquit Seneca, *cui gubernacula fluctus eripuit; qui fluctuantia vela deseruit; & permisit tempestati nauem: at ille vel in naufragio laudandus, quem obruit mare, clauum tenentem, & obnixum.* Clauus est recta ratio, quæ impatientis animi impetum & fluctus reprimere debet. Non reprimat autem, si iniuriarum ac mortis impatientiâ, extremum iudicii diem præuenire gestiens, eousque præstolari detrectat, donec ultro Deus, de iniurijs eius vindictam sumat; quasi scilicet æquo tardior esset ad indicandum. Hi, si finem excutere penitus vellent, viderent profectò, non laudabili causa, non diuini honoris aut iustitiæ zelo, se alios iubere, in ius ambulare; sed priuata vindictæ cupiditate occupatos, atque in præcepta actos, præceptam sibi, in hac vita, iniuriarum ultionem, in alterius vitæ tribunali quærere, eamque, nimis incenso animo, affectare, eaque propter etiam intemperanter flagitare. Non est res exigui momenti, eiusmodi actionem instituere. Qui alterum vadatur, ac in ius diuinum vocat, mortem illius desiderat, sine qua se sistere non potest. At mortem alterius, priuata autoritate, desiderare, non minus illicitum est, atque procurare. Videant igitur, quid agant, qui, sine Numinis iussu, aut instinctu, sine autoritate debita, proprio iudicio, affectu, odio, fortasse ipsi nocentiores, alterum, à quo se læsos esse somniant, aut putant, vita optant, immo postulant à Deo spoliari. Neque digni sunt tales rogatores, ut exaudiantur; immo digni sunt, ut ipsi in iudicium eant, quod alijs volunt præparare.

## X.

Psal. 38. 8.

Hebr. 10. 27

Sapientissimè faciunt, qui in patientia sua animas suas possidere docti, in omni casu, & tribulatione, dicunt: *Et nunc quæ est expectatio mea? nonne Dominus?* Meum est remittere iniurias, Domini autem & remittentem, & inferentem iudicare; à quo, etiam me vindictam non petente, parata est, *terribilis quadam expectatio iudicii; & ignis amulatio, quæ consumptura est aduersarios.* Hanc etsi petere non debemus, possunt tamen meritò formidare, qui, cum omnia audeant, se, quia grauissimè violatos tacere vident, illico securos arbitrantur. Tacuit & Abel, neque ad diuinum tribunal fratrem citauit, cum ab eo crudelissimè innocens trucidaretur;

Cap. XL. Non temerè homines ad diuinum tribunal citandos. 403

tur, non tacuit tamen sanguis eius, qui ad Deum de terra clama- Gen. 4. 10  
uit. Neque enim verba tantùm, sed etiam facta ad Deum clamant;  
longèque potentiùs clamant, ac vindictam postulant. Neque du-  
bium est, à viuis & mortuis viuos oppressores eorum, ante diui-  
num tribunal etiam sine voce, accusari; neque rarò etiam, ad  
causam, coram supremo iudice, disceptandam citari, iniurijs ipsis  
exigentibus vindictam.

Cui rei confirmandæ luculentus est testis D. Gregorius XI.  
Turonensis, qui hanc historiam recitat. Auernensis Episcopus, S. Greg. Tu-  
ron l. 2. hist.  
Franc. c. 23.  
& Baronius  
An. 486.  
cui nomen Sidonius Apollinaris, æquè sanctus ac eruditus, mori-  
bus & artibus præstans, vt coronas in cælo multiplicaret, virtutis  
mercedem, in terris, accepit tribulationes. Necessè enim est, vt  
virtutem oderint vitiorum amatores; quam ne cogantur ample-  
cti, impugnant atque repellunt. Quam ob causam, Sidonius quo-  
que duos nactus est sacerdotes disciplina indigentes, quorum quo-  
tidianus sermo erat: *Circumuemus iustum, quoniam inutilis est* Sap. 2. 12.  
*nobis, & contrarius est operibus nostris, & improperat nobis peccata le-  
gis, & diffamat in nos peccata disciplina nostra.* Quid non efficiunt  
duo conspiratores? immo quid Orcus, per illos, non efficit? Duo  
erant, sed tribus Furijs agitabantur. Nam & moniti vindictam  
spirabant; & castigationem metuentes conabantur amoliri cor-  
rectorem; & denique ambitione inflammati, locum sperabant,  
si sedem vacuam fecissent. Hinc conuenticula, hinc conciliabu-  
la, hinc denique vis aperta, qua virum innocentissimum & ma-  
gistratu dignissimum, omni sacra potestate priuatum ad vltima  
rederunt. Siquidem vix tantum cibi præbuerunt afflicto, vt vi-  
tam sustentare posset, & vixisse mallet, quàm viuere.

Sidonius, tamen, etsi grauib. malis irritatus, & causæ XII.  
æquitate fultus, iniuriam laudabiliùs tolerari, quàm propulsari  
ratus, quasi non sentiret, aut, tanquam si meruisset, ita patienter  
omnia tulit. Itaque non exposulare, non implorare amicos, non  
circumspicere patronos, non certare foro, non recuperare ami-  
sam dignitatem voluit; sed omnia Deo commisit iudicijsque diui-  
nis, sine quibus Mundus non gubernatur. Felix, quisquis hoc fa-  
cere nouit; nec enim magnam duntaxat is animo suo conciliat,  
tranquillitatem; sed etiam, quia se ipsam non vindicat, Deum  
vindicem parat. Quod & Sidonio euenit. Conuenerat inter im-  
probos duos sacerdotes, vt die altera, Episcopum è templo extra-



etum eliminarent; idque vnus eorum audacior, ac sine fronte homo, palàm ei minitari non est veritus. Et fecisset, ni diuina manus præuenisset infanientem. Tota nocte futuram sequentis lucis scenam secum meditatus, vix expectare potuit solem orientem. Neque expectauit; nam, antè diluculum, secus atque aliàs assueuerat, è plumis exiliens ad facinus se aptabat. Verùm priusquam domo exiret, *sellas antè petuit Patroclianas*, & comitabatur euntem puer cum luceña. Ibi dum moratur diutiùs, mittit coniuratus alter, facinoris tam iniqui socius, & significari iubet, tempus esse exequendi, cuius heri consilium cepissent: nihil obstaculi apparere, properaret modò. Ventum est ad puerum iam diu, cum cerebro vsque ad impatientiam & Diras. præstolantem. Is ergo herum moniturus (cum pulsanti nihil responsum intus esset) ianuam tandem referat, & reperit miserum vnà & alium & vitam exonerauisse. Tali loco; mori dignus erat, qui Episcopum loco mouit. Episcopus igitur, Deo causam ipsius agente, in officium repositus est.

## XIII.

Non diu tamen postea vehementiùs ægrotans inffit se in templum deportati. Ibi mæstus eum populus interrogauit, quisnam esset successurus, in officio pastoris? cui ille, *Ecce, inquit, frater meus Aprunulus uiuit, & hic pastoris munus occupabit*. Hoc responsum, quia non capiebant, mente iam alienata, prolatum existimabant, sed paulo post, vaticinium fuisse, intellexerunt. Quippe Sidonio è viuis subducto; alter ille sacerdos persecutor, nihil miserabili exitu commilitonis sui perterritus, velut optatissima occasione oblata, cui diu fuerat insidiatus, gauisus, triumphum egit, tiaràmque capiti suo rapere est conatus. Nec quidquam certius futurum existimauit, quàm vt ipse succederet. Enimuerò id iam ei familiares gratulabantur; id de eo, in vulgus spargebant; id ipse quoque (tam stolidi sunt superbiorum crudelitas) amicioribus suis dictitabat, neque iam pro arcano habebat; sed ausus est etiam per quàm glorianter iactare. Nunc demum, diuino iudicio, patere, cuius causa iustior extiterit, suàne, an Sidonij; aut cui, à Deo, pedum Pontificale sit destinatum. Denique ita egit, ac si Antistes iam esset, nec quidquam omisit, quod eam in re illi posset seruire.

## XIV.

Quare proximo quoque, à Sidonij morte. Dominico die, dapes magnificas apparauit, ad quas ciuitatis primates adhibuit. O cæcas hominum mentes! & futurorum improuidas! quàm  
sæpe

*Cap. XL. Non temerè homines ad diuinum tribunal citandos. 405*

sæpe exitio proximi exultant, & funus suum ipsæ ducunt ouantes? Designatum Præsulem ad mensam accubuisse putatis? Balthasar accubuit, *appensus in statera, & inuentus minus habens*. Sedebat suo quisque, ordine; stabant in ferculis alites. & cibi non ad palatum modò, sed etiam ad oculum facti; iam gliscebant colloquia; iam sitis vinum postulabat. Ante omnes, ut par erat, futuro Episcopo pocillator scyphum præbuit, quem ille manu sustinens meditabatur, in cuius sanitatem esset propinandus. Nunquam mors malis opportuna venit; sed, inter conuiuia & epulas, longè importunissima. Itaque non iam mitræ, sed Libitinæ candidatus, dum poculum tollit, dum ei nomen imponit, sentit repentè, quàm verè dictum sit, multa inter calicem & suprema labra cadere: nam & ille ipse cecidit, & priùs è Letheo, quàm suo, poculo bibit. Siquidem iam iam vinum probaturus, subita formidine, cohorruit, expalluit, & vitro de manu cadente, funus fuit. Noluit postea sic propinanti quisquam respondere. Hæc omnia, ita uti contigerunt, pridie pocillatori per somnium obiecta narrat Gregorius Turonensis. Quis non videat iniuriæ patientissimi Sidonij vindicem fuisse Deum? ad quem, Sidonio tacente, vel iniuria Sidonij satis clarè appellauit; quæ iniuriosorum vnum quidem præmisit, alterum verò, post Præsulis mortem, ad iudicium traxit; ut manifestum fieret, Deum ante, & post obitum, suorum iniurias vlcisci.

Sed Sidonius tacens ultorem Deum inuenit, innumeri, qui in vita quidem tacent, post mortem demum loquuntur, & accusant eos, à quibus indignissimè, dum viuerent, habiti fuerunt. Dabo, ex eodem scriptore historiam, quæ meritò faciat violentis illis magnatibus ambas aures tintinare. Nantinus Engolismensis comes homo factiosus, audus potentie honoris, diuitiarum, ceterum vitia sua callidè occultans, priùs sacerdotem, postea Pontificem Burdigalensem, Heraclium nomine, varijs modis aggressus, grauius iniurijs vexauit. Nec potuit odium multorum malorum illatione satiari; sed flammæ instar semper auctum, semper maiora tentauit. Aliquot villas ac prædia Maracharius auunculus eius, templis, ac sacerdotibus testamento legarat. Eas villas ac prædia Nantinus, per vim occupauit. Ut iniuriam tegeter, prætextum inuenit. Vulgabat enim illi Ecclesiæ, nullo iure, deberi bona hæreditaria, cuius Clerici testamentarium interemissent. Qui iniustitiæ non potest color induci? At non passus est, se hoc fūco fal-

Dan. 5. 27.

XV.

Gregor. Turon. l. 5. hist. Franc. c. 36.



hi Heraclius. Igitur, comperta rei iniquitate, Comitem anathemate fulminatum, ex Ecclesia exesse iussit. Comes, qui pius videri cupiebat, vulpino ingenio, obedientiam simulauit. Nam sacerdotum concilio, apud Sanctonas, habito, se stitit, subiecit, spondit omnia se, quæ vi interuertisset, redditurum: dummodo iterum templum intrare, sacrisque officiis interesse permetteretur. Voti compos, ad ingenium redijt, ostenditque, qua verborum ambiguitate concilium sacrum decepisset. Quasdam enim domos restituit, sed vsq; ad puluisculum exinanitas ac spoliatas. Quod vbi intellexit Episcopus, denuò anathemate feriendum censuit, atque sacris omnibus rebus interdicens. Ita constantia, cum perfidia certauit; cuius cōstantiæ præmium vt acciperet Episcopus, paulo post beata morte defunctus est. Præsule mortuo, quasi amoto pastore, lupus iterū se ouibus Christi aggregauit. Vt enim infamiam declinaret Comes, aditum denuò ad Ecclesiam impetrauit, sed nō, quo decebat modo; quia non nudis pedibus, vt pœnitens, sed manibus argenteis rediuit. Humanis ista oculis, non diuinis, satisfaciunt; coram quibus nulla potest hypocrisis occultari. Defunctus erat iam, ante aliquot menses, Heraclius Antistes, neque sanè Nantinum ad Dei tribunal citauerat; poterat ergo sibi Comes persuadere, omnia iam sua, apud illum, facinora esse oblitterata. Sed si *vnus passer non est in obliuione, apud Deum*, quo pacto posset tam sancti Præsulis obliuisci? Ergo igitur vix pauci menses, à morte Heraclij ierant, cum Nantinus flagrantissima febre repente incensus, capit, more insanientis, vociferari: *Heu, heu, ab Heraclio Antistite exuror; ab illo crucior, ab illo ad iudicium vocor: Agnosco facinus, recordor iniuriarum, quibus eum oneraui.* In his ipsius clamoribus, febrili incendio consumptus, nefastum spiritum, ad diuinum tribunal (utinam non etiam ad Gehennæ incendium!) expuit.

## XVI.

Videtis hîc, ô Christiani, nulla opus esse vobis, in hac vita, ad iniurias vindicandas, citatione? Hîc nunc patientiæ tempus est; in altera vita, erit tempus vindictæ. Cum diuino tribunali affabitis, sine peccato, & vîllo periculo, poteritis persecutores vestros, itidem ad illud, in ius, vocare. Nunc, vobis tacentibus, causam vestram agit Deus; si eum agere sinitis, & non anteueritis. Verè S. Gregorius scripsit: *Delinquenti Dominus nequaquam parciť; quia delictum, sine ultione, non deserit. Aut enim ipse ho-*

S. Greg. l. 9.  
Moral. c. 27.

Cap. XL. Non temerè homines ad diuinum tribunal citandos. 407

*mo in se pœnitens punit, aut hoc Deus cum homine vindicans percutit. Nequaquam igitur peccato parcitur, quia nullatenus sine vindicta laxatur. Deo itaque hanc curam relinquit, quia sanguinem seruatorum suorum ulciscetur: & vindictam retribuet in hostes eorum.*

Deuter. 32.  
43.

XVII.

Vos autem, ô viri Illustres, & Illustrissimi, nolite vobis promittere impunitatem, si ad vallem Iosaphat vos non auditis euocari ab ijs, quos tyrannicè premitis; quorum sanguinem exsugitis; quorum agros, fundos, piscinas, siluas, pecora inuaditis; quorum pecunias detinetis, equos abducitis, villas incenditis, filios & famulos occiditis; quorum totas regiones populationi, vastationi, in compendio dicam, bello diuturno, & affectatè protracto exponitis. Est nemo viuens, nemo moriens vos ad Dei tribunal citet: citabunt tamen mortui, tantarum vtique iniuriarum non immemores futuri; citabunt ipsa facinora vestra, ad cælum, contra vos, clamantia; citabit ipsa Numinis iustitia, quæ multos damnat, quos nemo hominum accusat. Iam causæ latent, scietis aliquando, cur iste in iuuentute, ille in viridi ætate, alius tam validis adhuc viribus; & vnus quidem repentino morbo, alius repentino casu, tertius veneno, quartus in fluuiio perierit. Aspexit Deus iniurias pauperum, & ad iudicium suum illos, è vita, euocauit. Hoc est, quod Spiritus S. monet: *Noli attendere ad possessiones iniquas, & ne dixeris: Est mihi sufficiens vita: nihil enim proderit in tempore vindictæ & obdurationis. Ne sequaris in fortitudine tua concupiscentiam cordis tui: & ne dixeris: Quomodo potui? aut quis me subiciet propter facta mea? Deus enim vindicans vindicabit. Ne dixeris: Peccavi, & quid mihi accidit triste? Altissimus est enim patiens redditor.* Atque ex his disputatis satis constat, posse innocentiam, citationis sorte, defendi, si homines citatione rectè, & si ne debito, vtantur; non autem facilè huc veniendum; ne abutantur. Siquidem etiam corpori remedia periculosa nunquam, aut non, nisi summa cautione, adhibentur.

Eccli. 5. 1.



## CAPVT XLI.

*Summa Dei etiam in malos bonitas, quàm immeritò  
nonnullos offendat?*

I.

Matth. II. 6.



Vid miremur, *Sortibus* alios vti, alios abuti? cum nonnulli ipsam Dei bonitatem trahant in malitiæ suæ nutrimentum. Quod videns Seruator, Ioanni renunciari iussit: *Cæci vident: claudi ambulant, leprosi mundantur, surdi audiunt, mortui resurgunt, pauperes euangelizantur: & beatus est, qui non fuerit scandalizatus in me.* Nempe fuerunt etiam tunc, qui, mortis occasionem acceperunt, vnde vitam haurire debuissent. An non enim miraculis tam splendidis, ad credendum moueri eos oportuit? illi verò scandalizati, etiam moti sunt, ad accusandum. Ea scilicet fuit Scribarum, ea Phariseorum malitia, vt offenderentur, quòd ad peccatorem diuerneret: quòd cum peccatoribus manducaret; quòd à muliere peccatrice se tangi pateretur, quòd sabbathis homines curaret: deniq; in principe demoniorum dicebant, eum demonia eicere. adeò *petra scandali, & lapis offensionis, positus in ruinam multorum* fuit: sed non credentium. nam credentibus *lapis summus, angularis, electus* fuit, teste S. Petro.

Isa. 8. 14.

Rom. 9. 33.

Luc. 2. 34.

I. Petr. 2. 6. 7

II.

Supra cap. 6.  
9. VII. D.  
Dionys. ep.  
ad Demoph.

Tales Pharisei etiam nunc reperiuntur, qui inde scandalum rapiunt, ex mundi gubernatione, vnde maximè rapi deberent in admirationem immensæ bonitatis Dei. Vt enim quibusdam nimis seuerus, ita alijs nimis clemens esse videtur. Non reperam hîc, quod supra attuli è D. Dionysio, de Carpo Episcopo, Idololatram, & eum, qui se ab Idololatra seduci passus est, vita indignos iudicante, ægréque ferente, quòd eos terra sustineret. Ad cuius morem multi vindictâ ardentes, offendi se non dissimulant, si non toties Deus sua fulmina mittat, quoties homines peccant. Non habet Dominus iram tam compendiosam; longanimis est, patiens est, bonus est, misericors est, iustus est; differt, ne præcipitare videatur; patitur, vt det exemplum; expectat tempus, quia expectat poenitentiam; quæ si non sequatur, moram poenâ compensat. Hoc pertinet ad infinitam illius excellentiam, qui, quia in se optimus est, est etiam alijs summè bonus, bonitate, vt vocant, *respectiva*.

Hac

Hac omnibus creaturis se communicat, sed intelligentiâ præditis, modo insuper peculiari; nempe sub vltimi finis ratione, ad quem vt nos dirigat perducâtque, donis cumulat, & ijs, quibus nos, tanquam causa efficiens naturalis, conseruans, prouidensque regit; & per quæ efficimur diuina conserues natura, vt dixit, quem S. Dionysius Theologorum decus supremum & antiquissimum columen nomi-  
nauit. Inter hæc dona autem, sunt variæ virtutes, quas nos vult  
(etiam indignis benefaciendo) docere.

S. Dionysius  
cap. 3. diuin.  
nom.

Prima est, vt hanc ipsam bonitatem, in Deo, agnoscamus  
& credamus. Nam, vt Clemens Alexandrinus dixit: *bona facere*, Clem. Alex.  
*est Dei natura, vt ignis calefacere, & lucis illuminare*. Sic multorum  
natura, aut malitia potius velut in naturam versa, est *mala facere*,  
omnes accusare, omnes calumniari, omnes offendere, instar echi-  
ni, vbicunque eum tangas, aculeati; immo instar *decem cornua ha-*  
*benum* diabolorum. Secunda causa est, vt sciamus, vnde & nos  
boni fieri possimus, atque ita in spem erigamur. Nam, vt vel Her-  
mes tradidit, Deus est *bonum bona faciens, bonum efficiens*: vel vt  
Plotinus docet, *Deus est bonum, cetera bona, vt amari possint, quasi co-*  
*lorans, & hoc ipso amabilia reddens*. Apelles te bonum pictorem;  
Praxiteles bonum sculptorem, aut statuarium; Galenus bonum  
medicum; Deus bonum hominem faciet, vt nôris, à quo magistro  
discere debeas pietatem. Tertia causa est, vt homo, se, cum diuina  
gratia, bonitatis illius capacem faciat. Siquidem, vt ex mente  
Platonis Alcinous loquitur, *Deus bonus est, quoniam in omnia, pro-*  
*cuiusq; facultate, sua beneficia confert, cum omnis boni causa sit*. Vt er-  
go minus vasculum minus balsami capit, & in maiore plus potest  
comprehendi; sic diuina bonitas in eos se se copiosius effundit,  
qui finem magis dilatant. Audi Saluatorem: *Remittuntur ei pec-*  
*cata multa, quoniam dilexit multum*. Vbi D. Gregorius ait: *Tanto*  
*ergo amplius peccati rubigo consumitur, quanto peccatoris cor magno*  
*charitatis igne concrematur*. Nam utique qui ex amore Dei magis  
dolet, se Deum offendisse, venia se reddit digniorem, capaciôrque fit  
maioris gratiæ diuinæ infundendæ. Sic oleum stetit, cum vas non  
superesset; quod tam diu fluxit, quàm diu filij matri suæ oleum  
infundenti vasa offerre potuerunt.

Apoc. 12. 3.

In Piman-  
dro c. 4.

Plotin. En-  
nead. 6. 1. 7.  
c. 22.

Luc. 7. 47.

4. Reg. 4. 5.

Quarta causa est, ne nos à benefaciendo excusemus, di-  
centes, litus frustra arari, & nequicquam in saxis seminari: esse  
enim homines quosdam, sicut ficum aridam, sicut terram steri-

IV.

Fff

lem,



- lem, inutiles, ingratos, immo qui tanquam militares illi Leopardi beneficijs peiores fiant. Quis actum libenter agit? quis Æthiopem lauare aut laterem conatur? Hæc omnia refutat diuina bonitas, quæ quos redemisset, nisi etiam pro inimicis suis voluisset, Dei Filium, in cruce, immolari? Philo, qui Hebræorum Plato dictus est, in hunc modum disserit: *Benignus cum sit Deus, largitur bona omnibus etiam imperfectis, inuitans eos, ut emulatores virtutis, atq; participes fiant, ostentansq; immensas suas diuitas, quod sufficiant etiam ijs, qui non magnam utilitatem inde capiunt. Hoc autem alijs rebus declarat manifestissime; quoties enim pluit in mare, fontes producit in desertissimis locis, tenuem & asperam, sterilemque terram rigat inundans fluminibus, quid aliud exhibet, quam nimietatem diuitiarum benignitatisque suæ? Eadem est causa, ob quam nullam animam sterilem boni creant, quamuis sint quædam, quibus hoc est inutile. Vides pulcherri-  
mum summi Dei exemplum, cuius imitationem ipse vrgens ait:*
- Matth. 5. 44. *Diligite inimicos vestros, benefacite his, qui oderunt vos: & orate pro persequentibus, & calumniantibus vos: ut sitis filij Patris vestri, qui in calis est: qui solem suum oriri facit super bonos & malos: & pluit super iustos & iniustos. Imitare, ô homo, tuum Conditorem, benefac etiam beneficia contemnenti. Si malus est ille, tanto tu melior esto. Fac tu, quod boni solent, si vis esse bonus; si ille respuit tuum munus, non tu idcirco desinis esse bonus; sed ille se malum esse demonstrat. Imitetur ille diabolus, tu imitare Deum, qui ad poenitentiam prouocat amando, nec raro indulgendo corrigit. Quinta causa est, ut nos manu ducat ad cultum inuocationemque Sanctorum, per quos, etiam desperatissimis manum porrigit, ut resurgant. Sic nimis honorificati sunt amici tui Deus; & præcipue tua atque misericordie Mater Maria, Virgo clementissima, & refugium peccatorum, à te constituta, per quam non riuiolos, sed fluuios immensæ bonitatis tuæ effudisti: quos huius voluminis angustijs includere, planè temerarius sit conatus. In confello est, augustinus illam, quam per tam prodigiosam beneficentiam, inclarescere non potuisse. Nam sicut in Psal. 49. 15. Deus afflictio dicit: *Eruam te, & honorificabis me*; ita meritò etiam Mater Dei, ab ijs, quos eruit, in toto orbe terrarum, honorificatur.*
- Pf. 138. 17.

V.

Eant nunc Aristarchi, murmurent Theones, & dentem exacuant; inde Deo gloria nascitur, vnde illi occasionem sumunt conuiciandi. Primum exemplum est, quia hac mente adduxerunt Christo

Christo Scriba & Pharisei mulierem in adulterio deprehensam, & staturunt eam in medio, fingentes scilicet, se Christi iudicio stare vel-  
le; quamvis scrupulum subijciebant: In lege Moyses mandauit nobis huiusmodi lapidare, quid tu dicis, approbasne legem, an re-  
probas? Hoc, totum dicebant tentantes eum, ut possent accusare eum. Ita S. Aug. serm 47 de verb. Dom.  
Sciebant enim eum misericordiam profiteri & mansuetudinem. Quare si, lapidandam dixisset, clamassent, eum tam misericor-  
dem, clementemque non esse, quam videri vellet, ut qui mulierem capitis damnasset; si non lapidandam, ipsum igitur lapidandum, ut qui legem Moysis violaret. Sed Dominus in respondendo, & iusti-  
tiam seruaturus est, inquit S. Augustinus, & a mansuetudine non recessurus. S Augustin. tract. 33.  
Non dixit: Non lapidetur, ne contra legem dicere videretur. Absit autem, ut diceret, Lapidetur. Venit enim non perdere, quod inuenerat, sed querere, quod perierat. Quid ergo respondit? Qui sine peccato est vestrum, primus in illam lapidem mutat. Hac scilicet vox iustitie est: Puniatur peccatrix, sed non a peccatoribus. Audiuimus vocem iustitie, audiamus & mansuetudinis. Nec ego, inquit, te contem-  
nabo. Sed quid est, Domine? faues ergo peccatis? Non plane. At-  
tende, quod sequitur: Vade, & amplius noli peccare. Ergo & Dominus damnauit, sed peccata, non hominem. Sic veritas, sic sapientia, sic ipsa, cui calumnia parabatur, iustitia, & adulteram pariter, & adulteræ accusatores emendauit. Illa bonitate correctæ est; istis ad propriam conscientiam remissis, vel apertè in terræ puluere scriptum, vel tacitè in pectore dictum est: Festucam, quæ in oculo est fratris tui, vides, trabem autem, quæ in oculo tuo est, non vides? Hæc est imago bonitatis illius, quæ etiam, inter ipsam Scribarum & Phariseorum malitiam; enimuero, in adulteram in flagranti delicto deprehensam, explendescit. Matth. 7. 3. Sap. 7. 26.

Alterum exemplum offensi bonitate Pharisei Lucas exhibet, in Magdalena, quæ erat in ciuitate peccatrix, quæ stans retro secus pedes Christi, lachrymis capit rigare pedes eius, & capillos capitis sui tergebat, & osculabatur pedes eius, & unguento ungebat. Vicens autem Phariseus, qui vocauerat eum, ait intra se, dicens: Hic si esset Propheta, sciret vix, quæ & qualis est mulier, quæ tangit eum, quia peccatrix est. Vides hinc bonitatem Christi, & peruersum iudicium Pharisei? Ille suscipit resipiscentem; iste indignatur Pastori ouem suscipienti. Christus fidem & dilectionem mulieris; Phariseus peccatricis delicta intuetur. Christus clementer, Phariseus temere.



S. Aug. 1. 50. re & impiè iudicat; nempe putat, ignorare Christum, qualis sit  
 homil. 23. mulier, cum ille non solum mulieris mores, sed ipsius etiam Pha-  
 Dio, lib. 41. risæi cogitationes perspectas haberet. Caium Iul. Cæsarem lau-  
 dant Scriptores, quod, cum in serinijs Pompeij secretæ litteræ re-  
 pertæ essent, ex quibus, quo plerique animo, & erga Pompeium,  
 & contra se fuissent, deprehendere potuisset, neque legerit eas, ne-  
 que descripserit, sed extemplo cremarit, ne quid acerbius in-  
 quenquam statuere cogeretur. Quantis laudibus dignus est Deus,  
 cuius illa vox est: *propitiabor iniquitati eorum, & peccati eorum non  
 memorabor amplius?* Igitur Phariseus peruersè Christum, & non  
 ex vero, sed de suo ingenio iudicauit. Cum enim turgido infla-  
 tus Spiritu, sanctū se esse profiteretur, quasi propheticum illud di-  
 cens: *Discede à me, & noli me tangere, quia mundus sum*; offende-  
 batur, quod se Christus à muliere peccatrice contrectari patere-  
 tur: quemadmodum & illi alij, qui dicebant: *Quare cum Publi-  
 canis & peccatoribus manducatis & bibitis?* At non tali spiritu erat  
 humilis & humilitatis Magister; vt medicus ægrotos, oues vt Pa-  
 stor, peccatores recipiebat vt Saluator; & pro hac bonitate sua,  
 qua amari merebatur, hominum linguas passus est. Nempe vt,  
 qui oculis malè affecti sunt, luce; ita pessimi quique ipsa offen-  
 duntur bonitate. At ignoscit vni, non ignoscit alteri? *Quod  
 DEVS alijs gratuita vocatione conuersis misericordiam largitur in-  
 debitam, non ad dispensatoris iniustitiam, sed ad donantis misericor-  
 diissimam liberalitatem, veritatis ratione referendum est. An  
 audebit debitor creditorem iniquitatis arguere? si alteri donans ab eo,  
 quod debitum, exegerit? Si ergo inter contractus hominum, nullus ex  
 hoc presumptionis locus est, vt à se dicat debitor iniuste exigere, quia scit alij  
 debitori ab eodem, quod debebat, creditore donatum: quis in tantam in-  
 saniam prophana vocis erumpat, vt iniustitia Deum arguat, si vni inde-  
 bitam donauerit gratiam, & alteri debitam reddiderit penam? Ita  
 est, & tamen est, qui murmuret.*

## VII.

Matt. 20. 15  
 Luc. 15. 12.

Sed non idcirco Deus desinit esse bonus, qui eiusmodi  
 murmuratori respondet: *An oculus tuus nequam est, quia ego bonus  
 sum?* itémque, *Non licet mihi, quod volo, facere?* Quod est tertium  
 exemplum, cui, vt quartum addam. Verum est, multos, cum filio il-  
 lo adolescentiore, accepta substantia sua, peregrè, à Deo, profi-  
 cisci, atque in regionem longinquam, & ibi dissipare substantiam suam,  
 (omnes dotes spirituales, cum ipsa diuina gratia animaque sua.)

viven

vivendo luxuriose: neque dignos esse, qui, fame coacti, domum reuerrentes à Patre caelesti recipiantur. Deus tamen sua bonitate, dignum iudicat, ut etiam tales recipiat. Cum igitur adhuc longè est talis, *videt illum pater ipsius, & misericordia mouetur: vnde vltro accurrens cadit super collum eius, & osculatur eum.* Gaudet enim conuersione hominis à peccato resipiscantis. Et tam prompta est illius misericordia, ut præsto sit ad se venire volentibus, illisque obuiam occurrat, qui consilia, de vita mutanda moliri incipiunt. Nam, *desiderium pauperum exaudiuit Dominus, preparationem cordis eorum audiuit auris tua, ait David.* Et iterum: *Dixi, confitebor aduersum me iniustitiam meam Domino, & tu remisisti impietatem peccati mei.* Et erit, inquit Deus, *antequam clament, ego exaudiam; adhuc illis loquentibus, ego audiam.* Qua de causâ dicebat Nathanieli Seruator: *Priusquam te Philippus vocaret, cum esses sub ficu, vidi te.* Certè sit licet indignus peccator, quem respiciat suprema illa maiestas, tamen tantò est miserior & hinc miserabilior, quantò ipsa miseratione indignior. Vbi enim maior miseria, ibi maior est causâ miserendi. Et quem decet misericordiâ magis tangi, quàm Patrem? quem magis par est, miserrimis succurrere, quàm felicissimum? Si, apud Angelos, *maius est gaudium, super vno peccatore penitentiam agente, quam super nonaginta nouem iustis, qui non indigent penitentia;* cur non idem gaudium sit, apud Dominum Angelorum? Qui tamen de hac ipsa bonitate sua necessarium ducit, se excusare, sicut pater ille, tum apud seruos, tum, apud maiorem natu filium, se se excusauit. Ne enim serui mirarentur, tam splendidum, propter vnum seminudum adolescentem, & degenerem, gnatum, apparari conuiuium, dixit: *Quia hic filius meus meruius erat, & reuixit.* Nimirum etsi veste scissili & lacera amictum, etsi vultu squallidum, & pallore extremam famem testante luridum; tamen filium suum agnoscit; & quem dudum perditum atque, pro mortuo habuerat, non aliter censet accipiendum, ac si à mortuis extitisset. Quid ni serui mirati essent tantam bonitatem? cum filius ipse eius senior in agro æstum diei & laborem passus, reintelle-  
cta, indignatus sit, & noluerit introire, patrique ad eum egredienti, ac ad conuiuium roganti dixerit: *Ecce tot annis seruo tibi, & nunquam mandatum preterini, & nunquam dedisti mihi badum, ut cum amicis meis epularer: sed postquam filius tuus hic, qui deuorauit substantiam suam cū meretricibus, venit, occidisti illi vinulum saginatū.*

Psal. 10. 17.

Psal. 31. 5.

Isa. 65. 24.

Ioan. 1. 48.

Luc. 15. 7.

Luc. 15. 25.



Ad hunc modum, multi, qui se putant semper vitam vixisse illibatam, tacita cogitatione, indignantur, quando vident grauissimos & publicos peccatores maximis donis diuinis ornari, & sæpe beatissima morte, post exactos, in omni scelere, multos annos, decedere. Sed defendit se Deus, à misericordia non nisi in miseros exhibenda; & tranquillat animum vel in inuidias, vel in indignationes ebullientem. *Fili, inquit, tu semper mecum es, & omnia mea tua sunt: epulari autem & gaudere oportebat, quia frater tuus hic, mortuus erat, & reuixit: perierat & inuentus est.* Noli ergo indignari, tu Iudæe, si populi Gentilium maiore gratia diuini luminis ac fidei illustrantur. Noli tu, qui tibi iustus videris, putare, Deum iniustum esse, si peccatores recipit ad se reuertentes. *Tolle, quod tuum est, tuæque gratia contentus esto; Deum non vis esse Deum, si non vis esse misericordem. Dominus patiens est multa misericordia, auferens iniquitatem & scelera,* inquit Moyses. Quid quod neque se iustum esse ostendit, qui iustum Deum accusat; qui peccatoribus inuidet; qui denique se iustum existimat, & tanquam iustum iactans ait: *Nunquam mandatum tuum prateriui? Nihil mihi conscius sum;* ait Apostolus; *sed non in hoc iustificatus sum.* Quid ergo alijs vult misericordiam inuidere, qui ea ipse indiget? *Dicendum est,* ait S. Chrysostomus, *quod nullus sanctorum dolet in talibus, immo bona aliorum sua existimat.*

## VIII.

Nostra igitur existimemus omnia eiusmodi bona, quæ, dum alijs à bono Deo exhibentur, nostra fiunt charitate, nostra imitatione; vt discamus, non desperare, etiam si in peccatis consenuerimus. Hinc in quintum exemplum, Latro ille manifestarius iam iam acturus erat, in patibulo, animam, & vix agere cæperat poenitentiam, paucula illa pronuncians: *Domine memento mei, cum veneris in regnum tuum,* cum statim à mitissimo IESV audiuit: *Amen dico tibi, hodie mecum eris in Paradiso.* Petiuerat ille, non vt statim, sed vt, cum in suum regnum veniret, recordaretur sui; respondet Christus: *Hodie mecum eris in Paradiso:* adeò pronus est ad dandum, vt citius det, quàm petatur. Et vide cui det? homicidæ, latroni, illi ipsi, qui paulo prius Christo in cruce pendenti, ipse etiam pendens ac desperatè propemodum petulans conuitiatus erat. Ita enim loquitur S. Ambrosius: *Matthæus & Marcus duos conuiciantes inducunt latrones, Lucas vnum conuiciantem, & alium apprehendentem. Fortasse & iste prius conuitiatus est,* sed

Num. 14. 18.

Luc. 15. 29.

1. Cor. 4. 4.

Luc. 23. 42.

S. Ambros.  
in c. 23. Luc.

*sed repente conuersus. Pulcherrimum autem datur affectanda conuersio-  
nis exemplum. O Deus, quàm promptus es ad ignoscendum! quàm  
tardi nos ad veniam à te flagitandam! & tamen ignoscis illi lin-  
guæ veniam petenti, quæ, eodem penè momento, te sacrilegè la-  
cerauit? Quis hanc bonitatem tantam potest comprehendere,  
nisi qui te credit infinitè bonum? Credens autem, quis desperet, si  
in cruce latro saluatus est: antepaululum homicida, post paululum ac-  
cusatus, conuictus, damnatus, suspensus & liberatus. Noli mirari, ubi  
damnatus, sed ubi liberatus, ubi mutatus. Hæc pius Afer.*

S. Augustin.  
serm. 37. in  
Ioan.

Eadem bonitas, in sexto exemplo atq; alio quodam la-  
trone, ad accendendam, in maximis etiam peccatoribus, spem  
eluxit. *Moses Æthiops, conditione seruus, propter naturæ sue impro-  
bitatem, ex heri sui domo profugit: atq; ubi prædari didicisset, paulo  
post prædonum cohortis Præfectus fuit. Et cum nefaria multa scelera  
peregisset, & ad cades patrandas audax factus esset, ex præfecta quadam  
temeritate monasticam ingressus est vitam, philosophariq; prorsus in-  
cepit, strenuè admodum ad virtutem grassans. Quod autem priore vitæ  
instituto, & corporis valida constitutione, rursum ad voluptatem per  
imaginationes incitatus alliceretur, varijs exercitijs carnem domare  
summo perè contendit. Et quandoq; quidem solo pane, absq; obsonio usus,  
quandoq; autem, plurimo opere perfecto, ad quinquaginta, die quolibet,  
preces fecit. Et sex continuis annis, noctes totas, peruigilio exegit,  
stans atq; orans: ita ut neq; genua inclinaret, neq; prorsus oculos ad som-  
num propendens conuinceret. Porro noctu Monachorum domicilia cir-  
cumiens, clam vniuscuiusq; hydriam auferbat, eamq; aqua repletam  
in locum suum reponebat. Idq; ingentis laboris fuit, propterea quod inde  
locus, ubi aqua fluebat, alijs quidem decem, nonnullis autem viginti,  
quibusdam etiam triginta stadijs abesset. Perlongo verò tempore pristi-  
num suum retinuit robur, quamuis multum studiū in hoc collocaret, ut id  
debilitaret, & carnem diuturna arumna extenuaret. Dicunt autè ali-  
quando prædones eum quatuor, qui officinam quietis suæ percurrerant,  
cepisse, vinctisse, atq; in humeros, sublato in Ecclesiam deportasse, &  
Patribus, quid de eis statuerent, permisisse: nefas esse dicentem, ut in-  
posterum mali quidquam alicui ipse inferret. Neque unquam quicq;  
fuisse ferunt, qui tantopere mutatus à vitijs ad virtutem summam, quam  
pergit, peruenierit. Incredibilis verò fuit demonibus terror. Et,  
quod supra opinionem omnium est, presbyter etiam in Sceti factus est,  
cum quidem quam plurimos, eo tempore, quo latronum manum duxerat,  
intere-*

I X.

Nicephor.  
Callist. l. II.  
hist. Eccles.  
c. 36.



interemisset. Et quia talis erat, multos eosq; optimos post se reliquit sectatores.

X.

Hoc est, quod supra dicebam: nostra existimanda esse, omnia eiusmodi bona, quæ dum alijs à bono Deo exhibentur, nostra sunt imitatione. Nam quantæ spei non est hoc argumentum? quis non obstupescat, ad tantam metamorphosin? Latro tam immanis fit exemplum summæ charitatis? Qui antè, nocturnis in tenebris, aliorum bonis & vitæ insidiabatur, nunc per totas noctes peruigilat, vt alijs possit aquam præstare? Tot cædium reus, nunc se suumque corpus castigat? Is qui intemperantissimus vino se ingurgitabat, epulis lacertos ædificabat, nunc solo pane contentus est? æquè in virtutem fortis, ac in flagitia prius fuerat audax. Herifuga famulus antè, nunc redit ad Dominum vniuersi, & ei famulari incipit, quem in tot crudelitatibus, si quiuisset, ipsum occidisset? Sic Æthiops pellem mutat? sic prædo fit præda? sic homicidarum ductor, fit ductor Anachoretarum? & qui vias infestauit, nunc in seipsum grassatur? ex face nebulonum, nunc lux Monachorum? Prope ipse Abbas non credidit, ex tam infami prædone aliquid boni fieri potuisse. Timuit cum illo colloqui: trepidauit, illum ad fores, ne dum in interiora domus, admittere: nec supplici ac omnia promittenti credidisset. Reiecit, vt pestem; horruit vt latronem, nec sibi persuadere potuit, illas manus ad cælum sublatas Numini gratas esse posse, quæ toties humano sanguine fuerunt cruentatæ. Itaque ille, quod precibus non potuit, minis impetrauit; non admittendus, nisi formidatus. Censuit nempe illud ad se pertinere: *Regnū calorū vim patitur, & violenti rapiunt illud*; serius in peccando, seriam quoque pænitentiam egit. Qua in re multos eosq; optimos, post se reliquit sectatores; qui quamuis grauib; cooperti flagitijs, quamuis fulmina meriti & Tartara, quamuis sexaginta, aut octoginta annis Deum ad iracundiam prouocauerunt, tamen cogitatione pia tacti, post calumnias, post adulteria, post cædes, post sacrilegia, repente dixerunt: *Nunquid in æternum projiciet Deus; aut non apponet, vt complacitior sit adhuc? Aut in finem misericordiam suam abscindet, à generatione in generationem? Aut obliuiscetur misereri Deus? aut continebit, in ira sua, misericordias suas? Et dixi, Nunc capi: Hac mutatio dextera Excelsi*; quæ neminem respuit, sed latronem de nemore, latronem de cruce, plus quàm latronem ex ipsis

Matt. II. 12.

Psal. 76. 8.

quodammodo inferni faucibus recipit ad misericordiæ diuinæ fo-  
res pulsantem.

Immo tam excellens est diuinæ bonitatis magnitudo, vt **XI.**  
ipsa pulset, & recipi flagitet. *Emulare ergo, & penitentiam age.* Apoc. 3. 20.  
Ecce sto ad ostium, & pulso, inquit, si quis audierit vocem meam, & a-  
peruerit mihi ianuam, intrabo ad illum. Abraham & Loth, ille in-  
ostio tabernaculi sui, iste in foribus ciuitatis sedit, vt hospites Angelos Gen. 18. 1.  
introducerent; vterque cucurrit in occursum eorum: vterque pro- Gen. 19. 1.  
nus in terram, summis precibus, rogauit, vt diuertere dignarentur.  
Nunc ipse sæpe Deus stat ad ostium, ipse pulsat, ipse hospitium  
rogat; & *si cum non recipiunt, nec est locus in diuersorio.* Quid fa- Ioan. 1.  
cere posset, quid deberet, si rem humano affectu vellet æstimare? Luc. 2.  
Samaritani aliquando Christum in ciuitatem non receperunt. Luc. 9. 54.  
Cum vidissent autem discipuli eius Iacobus & Ioannes, dixerunt, Domi-  
ne, vis dicimus, vt ignis descendat de celo, & consumat illos? Et conuer-  
sus increpauit illos, dicens: Nescitis, cuius spiritus estis. Filium hominis  
non venit animas perdere, sed saluare. Itaque etiam repudiatus stat  
ad ostium, & pulsare perseuerat; idq; non solum ob suam immen-  
sam bonitatem, sed etiam ob preces & bonitatem suorum. Cum  
enim vel Sancti eò mansuetudinis perueniant, vt neque de extre-  
mè desperatis desperent; quantò magis decet ipsum Magistrum  
Sanctorum (qui dixit: *Discite à me, quia mitis sum*) esse in eos.  
dem benignum atque misericordem? Matt. 11. 29.

Suspiciuntur homines, & laudibus in cælum tolluntur,  
qui se ipsos vincere, aduersarios benignè habere, & facile igno-  
cere possunt ijs, à quibus violati fuerunt. Et, Poëta teste, *Quò  
quisq; est maior, magis est placabilis ira.* Certè Ecclesia S. Stephani,  
pro lapidatoribus suis Deum precantis, exemplum intuita, ita  
nos docet orare: *Da nobis, quasumus Domine, imitari, quod colimus,  
vt discamus, & inimicos diligere: quia eius natalitia celebramus, qui  
nouit etiam pro persecutoribus exorare.* Si ergo pulchrum est homi-  
nibus, benefacere ijs, à quibus maleficio affecti sunt; quantò id  
ad Numinis gloriam erit conuenientius? Neque enim potest, in  
vlla virtute, infinitis modis perfectus Deus, à mortalibus superari.  
Nihil ergo mirum, si summa maiestas illius læsa, non tantum ve-  
niam petentes in gratiam recipit, sed si etiam ultro eos quærit, &  
ad ostium cordis illorum stans pulsat, & rogat, vt aperire velint,

Ggg gratiam.

**XII.**



gratiámque recipere, quàm à se, cum maxima iniuria, excluderunt. Igitur vt septimum exemplum addam:

## XIII.

Raymund. è  
Capua apud  
Sur. 19. Apr.

Luculenta eiusmodi res accidisse legitur, in B. Cathari-  
næ Senensis vita. Erat Senis, Anno Christi 1370. ciuis, cui nomen  
Andreas Naddini, opes copiosæ, si aurum spectes; nullæ, si confi-  
deres virtutem. Nam plerumque quibus aurum nimis charum est,  
non est nimis chara virtus. Itaque hic homo cum alijs plerisque  
flagitijs coopertus, tum etiam præcipuè tesserarum ludo ita erat  
mancipatus, vt si ludendo, perderet nummos, Diuos, Deúmque  
ipsum conuicijs proscindere identidem, cælumque detestabili ex-  
ecratione implere non vereretur. Quadagesimum iam ætatis suæ  
attigerat annum, cum eum diuina vindicta censuit, non diutius  
differendum. Graui igitur morbo affecit, quo crudescente, depo-  
situs iam videbatur. Nec minùs anima, quàm corpus ægrotabat.  
De corpore Medici desperauerant, non item de anima Religiosi.  
Venerunt itaq; ad eum multi homines pij, inter quos etiam vtrius-  
que sexus cænobitæ, atque in primis Parochus illius. Hi eum,  
vt sit, præsentis periculi, instantisque mortis admonuere; horta-  
ti sunt, vt peccata sua in memoriam, se in pænitentiam reduceret,  
sacerdotique confiteretur; quæ alioqui æternum luenda essent.  
Surdo loquebantur. Ille enim qui sacras ædes adire, aut sacris  
initiatos honorare nunquam consueuerat, pronum habuit etiam  
sacrorum sermones contemnere: Itaque sana suadentes, quasi im-  
portuna loquentes, repulit, & à se exire iussit, nihil sibi cum Deo  
esse, dictitans. nihil Deo secum. Peruenit hæc desperationis fama  
ad aures F. Thomæ, qui S. Virgini Catharinæ Senensi à sacris con-  
fessionibus erat. Hic, insigni animæ huius pereuntis zelo, Cathari-  
nam adiuit, rogauitque, vt diuinam desperatissimo homini mise-  
rationem precibus quàm enixissimis impetraret. Paruit illa, ne-  
que precari cessauit antè, quàm Christus illi se sisteret, causam-  
que redderet, ob quam meritò miser perire sineretur. An non  
pereat, inqueiebat, cuius blasphemum os, si posset, me ipsum perdi-  
tum iret, cuius flagitia mundum implent, & ad cælum vsq; pertin-  
gunt? qui, vt alia sileantur, etiam tabulam, in qua mea, Matris meæ,  
aliorumque Diuorum imagines impictæ erant, ausus est, sacrilega  
manu, in ignem iactare? nonne & ipse dignissimus est, vt æternis  
gehennæ flammis exuratur? Nonne par est, vt, quod mihi fecit,  
ipse quoque patiat? Hæc atque alia talia Virgini dicebat Chri-  
stus,

stus, ut peccatoris ostenderet abominandam fæditatem. Verùm Catharina, & salutis animarum sitientissima, & gnarissima diuinæ misericordiæ esse inexhaustam immensitatem, cum precibus, etiam vberrimas lachrymas fudit, neque desijt antè, quàm mitissimus Dominus huic tam impio peccatori decumbenti appareret, atque, in vicem Parochi, ad peccata confessione delenda hortaretur, veniam, si id faceret, liberalissimè pollicens. Quem non flecteret tanta bonitas? quis conditionem tam fauentem non acceptaret? Ergo ille paulo priùs saxo durior Andreas repentè mollescit, erumpit in vocem, clamat, se Christum videre, enimuero etiam audire monentem, ne Confessionem insuper habeat, sed viam sibi paret ad veniam tot scelerum obtinendam. Itaque quancumque Confessarium acciri postulat, quem modico priùs eliminàrat. Curritur, adest sacerdos. confitetur Andreas, ingenti animi dolore: condit testamentum sanctissimè, malàmque vitam, optima morte, consignat. Verè igitur ille dixit: *Non est desperandum de malis, sed pro ipsis, ut boni fiant, studiosius supplicandum, quia numerus sanctorum semper de numero auctus est impiorum.*

*Acta personis rebusque, respondere necesse est, inquit S. Athanasius, ut quis author fuerit, ex opere ipsius contestatum reddatur, & ex authore vicissim, quale sit opus agnoscatur. Quod cum ita sit, meritò, audita eiusmodi historia, exclamari potest: Hæc mutatio dextere excelsi; neque enim alia manus talia facere potest: itémque, Magna opera Domini magnum testantur operatorem. Tanto enim maior est Deus, quanto misericordiam ostendit ampliorem. Vnde cantatur: Dominus patiens, & multe misericordie, auferens iniquitatem & scelera: Et miserationes eius, super omnia opera eius, dummodo nos ijs velimus uti, aut eas acceptare. Nam planè ita est, promptius dat Deus beneficia, quàm homines illa acceptent. Eo fine Balthasar Alvarez vidit Christum Dominum nostrum, præclaris donis valde onustum, & onere illo quodammodo afflictum, ac desiderantem exonerari, & propensum se ostendentem ad gratificandum exoneranti. Et quamvis magno desiderio id cuperet, non tamen onus deponebat; eò quòd vasa deessent, in quibus eius dona reponerentur. Pronior ergo est Deus, ad offerenda beneficia, quàm nos ad ea auferenda. Vnde rectè Propheta: Deus meus, misericordia mea. Peccamus grauius, inhaeremus peccato pertinaciter, gaudemus de peccato, post peccatum ambulamus. Extenso collo peccatum nostrum prædicamus, nec ab-*

S. Ang. lib. de vera innocent. cap. 184.

XIV. S. Athanas. orat. contra idola. Psal. 76.

Psal. 110. 2. Num. 14 18. Psal. 144. 9.

Ludouic. de Ponte in vita Alvarez c. 7. 9. 2.

Psal. 58.



S. Augustin.  
in tractat. de  
Visitatione  
infirmi, serm  
1.

*abscindimus, & tu placatus es? ait ille. Nos te pronocamus ad iram, tu autem conducis nos ad misericordiam: nos irritamus te ad furorem, tu autem differs vindictam. Iusto exterminio punire poteris peccantes, subvertere negligentes: sed patientia tua expectat, ut corrigamus penitentes. Deus ergo meus, misericordia mea! Nunquid non hac est iniustitia? sed nunquid est iniustitia, apud Deum? Absit. Quod enim sustinet Deus, index iustus patienter, totum Deus est. Neq. enim aliter Deus esset, nisi flecteretur, nisi pateretur, nisi miseretur. Quodcūq. igitur facis, tuum est: quod tuum est, bonum est. Quod igitur facis, bonum est, Deus meus misericordia mea.*

## XV.

Scripsit hoc  
Antonius  
Ceschi, 18.  
Ianuar. An.  
1643.

Sicut, octavi exempli loco, prorsus bonum & admirabile erat, quod Romæ Dilingam perscriptum fuit, Neapoli An. 1640. (an. 1641?) accidisse. Ibi Turca mancipium, curiositate populi allectus, cum reliqua turba, domum quandam sacram, in qua, Natalibus Christi Domini festis, rarissimi artificij elegantiaque Præsepe visēbatur, ingressus oculos à longè stans, ignota pietate, implevit. Nulli vnquam sua curiositas felicior fuit. Nam ecce procul consistentem Turcam, atque nihil minùs cogitantem fabricatus è materia Christus infans, è præsepio respicere; tum etiam, protensa manu, & indice digito annuere, atque ad se vocare capit, quin & vocem claram addidit, cunctis, qui aderant, in stuporem raptis. Neque verò annuere cessavit antè, quàm ille attonitus ac tremens accederet. Vbi accessit, egit Christus ipse Catechistam, hominem Turcam res fidei necessarias docuit, monuitque, ut Baptismo se quàm primùm tingi curaret; fore enim, ut, intra breue tempus, secum in cælo esset. Profecit insigniter, sub tali magistro, Turca; rem disertè narravit; baptismum petijt, obtinuit; & paucos post dies, grauiter ægotans, iamque ipsi mortui vicinus, palam professus est, mori se non posse priùs, quàm Sacrum viaticum accepisset. Accepit, & spiritum cælo reddidit. Miraberis, Lector, hanc tantam Dei bonitatem. at scito, omnibus ad præsepe Christi confluentibus annuere misericordem Dòminum; omnibus documenta diuina tradere. Non vident, neque audiunt hoc omnes? in ipsis culpa est, quia sponte cæci sunt, & vitij obturati non habent *aures audiendi*. At qui *aures audiendi* habent, audiunt puerulum IESVM è præsepio non solum vagientem, sed etiam pannis paupertatem, frigoris tolerantia patientiam, lachrymis poenitentiam, denique vultu, gestu, totius corporis

peris habitu, omnes virtutes docentem; incensique amore tam immenso infantis, iam tum, pro Mundo, patientis, toti se proijciunt in mare diuinæ bonitatis. Philæni, aut, vt Athenæus eos appellat, Philotoconistæ, optauerant olim, vt in balænas conuerterentur, dummodo mare in pretiosissimum vinum mutaretur; in quo se se possent continuò volutare. O quantum est mare amor Dei! & quàm dulcis Oceanus, immensitas diuinæ bonitatis? omnes prorsus in eum se conijcerent; omnes in eo, velut pisces, natatè optarent, si eius agnoscerent suauitatem. Immo omnes in eo submergi, & animam, amore ebriam, ponere cuperent; quemadmodum Georgius Clarentiæ comes, qui (ob suspicionem affectati regni, ab Eduardo IV. huius nominis rege Angliæ, fratre suo, iussus mori, & genus mortis, quod sibi magis placeret, eligere,) voluit vino Cretico, seu, vt vulgo vocant, Maluatico, suffocari, coniectusque in vas plenum huius vini, illud sensim sorbendo suauiter submersus est; ita, præ amoris dulcedine, toti in Deo mergerentur omnes, si quàm suauis sit Dominus, gustauissent; neque etiam mille mortes sentirent charitate inebriati.

## CAPVT XLII.

*Quanta, ex consideratione Dei summè boni, summèq; misericordis, etiam alioqui desperatis, spes venia & fiducia addatur?*



Vdini nonnullos, qui nauali prælio interfuerunt, quod Ioannes de Austria, contra Turcas, felicissimè gessit, narrantes, cadauera in mari natantia internosci potuisse. Siquidem corpora Turcarum prona, at Christianorum supina atque cælum aspicientia dicebant natitauisse. Eadem res quotidie accidit ijs, qui in diuinæ bonitatis mare incidunt; alij enim ibi eriguntur ad spem in Deo ponendam; alij suapte pondere euertuntur, & ita depriuntur, vt, ad quam oculos habent, non videant bonitatis profunditatem.

Hanc utique non vidit Cain, qui dixit: *Maiores est iniquitas mea, quam ut veniam merear*; quasi aliquid maius esse possit, Gen. 3. 13.

Ggg 3

magni.



S. Augustin.  
lib. 50. ho-  
mil. iom. 21.

magnitudine diuinæ bonitatis. Merito quidem ante oculos ver-  
fari debet peccatori scelerum enormitas, sed iuxta etiam ponenda  
est misericordiæ Dei magnitudo. *Si quis iam lapsus & nimio sceleris  
pondere oppressus desperare iam capit*, ait Hipponensis Præsul, *atten-  
dat vulneris magnitudinem, sed non desperet med. ci potestatem: pecca-  
tum enim cum desperatione, certa mors est. Nemo dicat, ego, si iam  
aliquid mali feci, iam damnatus sum; Deus malis talibus non ignoscit.  
Cur non addo peccata peccatis, fruor seculo, in voluptate lasciuia, in cu-  
piditate nefaria. Iam perditæ spe reparationis, vel hoc habeam, quod vi-  
deo; si non possum habere, quod credo. Deus enim noster sic cautos facit,  
quando ceciderunt: sic desperatos esse non vult, qui ceciderunt.*

## III.

S. Ambros.  
lib. 10. super  
Lucam. c. 13.

Quemadmodum neque Iudas sic voluit esse desperatū:  
voluit tamen ipse desperare Iudas pœnitentiâ ductus, sine diuinæ  
misericordiæ recordatione. *Habebat lachrymas Petrus pio quas fun-  
debat affectu*: ait D. Ambrosius, *Non habebat proditor fletus, qui-  
bus sacrilegium fateretur: ut, dum suo reus iudicio damnatur, & spon-  
taneo supplicio expiatur facinus: pietas Domini, qui se ipse nollet vlci-  
sci, & diuinitas probaretur, qui conscientiam mentis inuisibili potestate  
interrogaret. Vsq̃ue adeò magna est Domini pietas, ut vel, in ipso  
proditore suo, se se nollet vlciſci; vsq̃ue adeò magna vis consci-  
entiæ, ut ubi carnifex deest, laqueo se ipsa plectat. Non vult tamen  
hoc Deus, qui ait: *Nolo mortem impij, sed ut conuertatur impius à  
via sua, & viuat.* Itaque de illis non est desperandum, qui adhuc ma-  
la sua non solum corrigere volunt, sed etiam defendere non erubescunt.  
Sic nec illa ciuitas desperata fuit, de qua dictum est: *Adhuc triduo, &  
Ninive subuertetur. In ipso tamen triduo idonea fuit conuerti, orare,  
plangere, & de pœna imminente misericordiam promereri.* Ita Augu-  
stinus, qui alio loco addit: *Nemo de peccati sui dimissione desperet,  
quando & veniam meruerunt, qui Christum occiderunt. Item: Quid  
autem conuerso non ignoscitur? Quis homicida desperet? si in spem  
redditus est, à quo etiam Christus occisus est? At sunt quædam scele-  
ra, & quoddam genus sceleratorum, de quibus plerique despe-  
rant? cum & ipsi (scilicet auari, luxuriosi, venefici & magi) ple-  
rumque soleant desperare? Esse tales, non nego; desperandum  
tamen illis esse, pernego.**

## IV.

Batonius  
1017.

Circa annum Christi 1017 in Aquitania, ante D. Io. Bapti-  
stæ festum, tribus diebus, è cælo, pluuia sanguinis cecidit, qui cum  
in lapidem aut carnem incidisset, non poterat elui; si verò supra  
lignum

lignum lapsus esset, lauabatur. De hac re consultus Fulbertus Episcopus Carnotensis, *per lapidem*, inquit, *impij*, *per carnem fornicarij* significatur; *per lignum mediij*, qui neq. molles, ut caro, neq. ut lapis duri. Addit *impios*, & *fornicarios* indelebili nota, in sanguine suo, *moriuros*; *medios*, per mortis angustiam, *saluandos*. Verè lapides sunt homines *impij* & *indurato corde*; apud quos sanguis sanguinem tetigit, qui peccatum peccato addiderunt; postquam enim toti sunt scelere, velut impuro cruore, inquinati, addunt alium sanguinem, qui priorem deleri non sinit, desperationem. Quod etiam carni deditis accidit; qui adeò plerumque molles sunt, ut existiment, se voluptates corporis non posse abdicare, atque idcirco, in sanguine suo moriantur. *Impij* illi adamantè sunt duriores: adamas hirci sanguine dicitur liquefcere; illi autem neque Christi quidem sanguine molliuntur. Homines autem carnales Adonidis sanguinem sanguini Christi anteponunt. Hinc ineluibili desperationis nota maculantur; quæ est totius malitiæ complementum. Nam ut D. Chrysostomus ait, *Peccantes non dolere magis Deum exacerbat, quàm peccare. Hominem quidem exacerbat, & amicos, & vicinos rogus: & siue semel, siue amplius te repulerit, iratus non recedis, sed auges supplicationem; Deo verò tuo exacerbato, o scitis, & recedis, & delicijs vacas: quomodo non ex hoc ipso magis irritabis eum? Quapropter dignus es terram subire, nec hunc solem intueri, neq. penitus sperare; quòd tam facilem habens Dominum, & eum exasperas, & exasperans penitentiam non agis.* S. Chrysost. hom. 46. ad populum.

Quid ergo tanta Dei facilitas? quid patientia? quid clementia exigit? ut ne *impij* quidem & toti carnei desperent. Ad hoc homo factus est, ad hoc sanguinem fudit, ut *impij*s iratum iudicem placeret, ut hominem animale spiritualem faceret: ut nemo quantumvis flagitiosus, damnaretur. Qui igitur desperant, desperant tantum quia volunt, non quia debent. Immo non potest desperare, quisquis vult misericordias Domini ante oculos ponere, atque id expendere, quòd peccatoribus grauissimis tam benignus pater exhibuit. Si enim eos ex cœno extraxit, qui toti in eo erant sepulti; an non poterunt extrahi, qui pedibus duntaxat luto immerguntur? In altera vita iustitiam suam magis, in hac magis misericordiam suam vult ostendere: quam ut maximè manifestet, manifestat erga maximos peccatores. Pertinacissima sunt

[V.]



sunt quædam scelera, fateor; sed longè potentius est antidotum sanguis Christi ad sanguinem peccati ablendum. Quid sanguis Christi non posset, si sanguis martyrum tam efficax est, à Christi sanguine vim trahens? Nam vel istum legimus, duros tales saxeosque emollisse, atque molles solidasse in virtutem; vt, infinita Numinis bonitate cognita, omnem molliem voluptatēque improbam, in fortitudinem patientiāque commutarent, martyrum Deum, vsq; ad tormenta exquisitissima ac mortem, amantium, exemplo.

VI.  
Surius ex  
Metaphra-  
ste 5. Iunij.

Aglais Romana, mulier claritate natalium, formæ elegantia, fortunæ beneuolentiā, copiā diuitiarum insignis; ex genere nimirum patricio, & eorum, qui proconsularem honorem erant consecuti; eam à prima ætate vultus gratiam acceperat, quæ infidias facere & pati posset. Ac, ne malorum vel irritamenta, vel fomenta deessent, tantæ suppetebant opes, vt ad omnem luxum, sufficerent. Accedebat, super omnia, periculosissimum iuuentuti venenum, libera viuendi potestas. Absque parentum oculis, absque mariti custodiā degebat. Vno verbo, sine vllō metu, domina erat; & quidquid libebat, faciebat; ipsa domi pariter & pater & mater familias. Rarò fortuna, quos nimis amat, serid amat: nam sanior illius, hamus est vitiorum. Cæpit itaque Aglais pecuniā vti ad voluptatem; cui cum cupiditæ non satis facerent, etiam illecebræ turpes quærebantur. Quid expectatis? in tali domo non habitant simul honestas & potestas. Quid autem non faceret pre-mortui pudoris muliercula? quid non efficeret excetra, quæ delinimentis permulcebat omnes? præcipuè eos, quibus poterat imperare: inter quos illa nec coniux, nec vidua, nec virgo fuit.

VII.

Dipsas serpens est, ad inferendam perniciem summè velox: nam quos momordit, siti inardescunt adeò vehementer, vt paulo post moriantur. Talis erat serpens Aglais, immo longè perniciosior; neque enim illi morfu opus erat, sed ex oculis incendia iaculabatur, &, tanquam Medusa, aspiciendo necabat. Habuit hæc, in familia sua, aliquem bonorum suorum procuratorem Bonifacium nomine, qui ingenij solertiam, insigni in eam fidelitate, ac beneuolentiā, reddiderat amabiliorem. Inuictus in eo animus, à solo amore & vino vincebatur: cui & forma promotionem dedit, vt ambiretur, & vinum stimulos, ne frustra ambiretur. Siquidem, vbi ebrietas, ibi rarò diu venustas & castitas sociantur. Accedebat,

cedebat occasio dominæ ad vitium, cum autoritate, allicientis.  
Itaque Bonifacius ceteris in rebus Iosepho par, sola constantia,  
temperantiâque, toto cælo, ab illo distabat. Sinebat enim se, pro  
pallio, teneri. Cetera cur verbis exprimam, quæ ne cogitari à  
quoquam velim? Quod de aquila legimus in polypum ruente,  
quæ circumspicantibus & pertinaciter adhærescentibus cirris, vnâ  
cum polypo in profundum maris tracta periit; id de Aglaide,  
deque Bonifacio affirmare possemus, nisi hanc labem quantam-  
cunque, sanguine elui posse, ille ostendisset, de quo meritò dici-  
tur: *Confitemini Domino, quoniam bonus: quoniam in seculum misericor-*  
*dia eius.* Nam etsi rectè indelebiles cruentati imbris notas ex-  
posuerit Fulbertus de impijs, deque ijs, qui omne tempus Cereri  
& Libero deberi arbitrantur, quos difficile est corrigere; attamen tantum, *apud homines, hoc impossibile est; apud Deum autem*  
*omnia possibilia sunt;* cuius mirabiles sunt viæ, quibus hominem  
reducit.

Antipat.  
Thes epig.  
anth. lib. 1.  
tit. Piscis.

Psal. 106. 1.

Matt. 19. 26.

Vigebat, ea tempestate, persecutio Christianorum, & fa-  
cile simulachrorum cultus totum simul occupabat orientem.  
Ibi erat tormentorum officina, dirum seculis spoliarium; thea-  
trum crudelitatis; omnis immititatis sedes. ibi in corpora hu-  
mana inagebantur feræ. ibi conspiciebantur derosa Martyrum  
corpora. ibi semiustulati iacebant, qui in tunica molesta coacti  
sunt ambulare. Nec expleuit sanguinarios editionis dies vnus,  
mensēs, anni insumebantur. Ipsæ etiam feminae, sexus rudis, in-  
ficiusque ferri, ferrum pati cogeantur. Denique minio arenæ,  
& nouo semper flore, Martyrum sanguine, purpurabantur. Au-  
diit totus orbis de hac Martyrum constantia, & tyrannorum la-  
niens. Peruenit fama etiam ad Aglaidem: quæ, tamen à Marty-  
rum virtute longè abesset, capit tamen Martyrum cruciatus atq;  
pugnas admirari, victorias æstimare, reliquias desiderare; vt sal-  
tem venerari posset, quos voluntas non erat imitari. Iam enim,  
vel per nuncios, intellecto Martyrum sanguine, calefcebat. Quid  
quid feminae desiderant, vehementer desiderant. Quare etiam  
Aglais omnino statuit, nulli labori, vel sumptui parcere, vt eius-  
cemodi martyris corpus posset adipisci. Nullus ad id negotium  
Bonifacio vel fidelior, vel aptior videbatur. Quapropter, sicut  
ei impuros amores, ita etiam hunc sanctum amorem concedidit;  
ita igitur, remotis arbitris, eum est allocuta. *Scis, frater, qualibus*

VIII.

Hhh

simus



simus coinquinati peccatis, nec nobis cura esse aliquid, quod expectamus futurum, ut sistamur ante Deum, & pro his gravia subeamus supplicia. Ceterum audiui à quodam viro pio, quod si quis eos, qui propter Christum passi & affecti sunt martyrio, in honore habuerit, & coluerit, magna quadam & praeclara eum illinc ex eo manet remuneratio, & eadem, qua illi, fruatur beatitudine. Multi autem nunc quoque, ut aiunt, pro Christo, pulchra adueniunt certamina. Tu verò (etenim iam venit tempus, ut meus ostendat Bonifacius, qua sit in nos affectione) ad hac mihi inferui, & omni studio eo vadens, propera ad me afferre aliquid e sacris huius reliquijs: ut cum eas honorifice deposuerimus, & sacras ades eis edificauerimus, eos semper habeamus custodes & seruatores. Hac illa.

IX.

Nihil Bonifacius confueuerat Aglaidi negare. Annuenti igitur & hic, aurum, vnguenta & sindonas, ac duodecimequos tradit. Etenim magnus Christianorum amor in reliquias Diuorum, occasionem praeberat lucri impijs, qui nulli eas, nisi magno pretio emtas, dabant. In digressu, dum Bonifacius Aglaidi suae ultimae vale dicit, per iocum, an vaticinium? addidit: Quid si, o domina, hoc coepto frustreris; secunda verò, ut aiunt, nauigatio, meum ad te corpus afferret: fueritne hoc tibi mediocre tui instituti ac scopi solatium, & apud te habendum in honore? Non res ista sibi ludos nunc possit, respondit Aglais: Deus qui serui formam, propter nos, accepit, & suum effudit sanguinem, ipse ad mea non aspiciat delicta, & mittat Angelum suum ante te, & dirigat gressus tuos. Dum proficitur Bonifacius, sentit & ipse vim sanguinis per Martyres effusi. Subibat enim eius mentem cogitatio eiusmodi: Qualia sunt, quae feci? & qualia sum imparis manibus portaturus? Hac reuerentiâ tantus sensim caput nimiam corporis sui curam deponere; enimvero eidem pabulum subducturus, carnibus ac vino abstinuit, tota via; non infrequenter etiam omni cibo. Quod ieiunium, oratione assiduâ ad Deum, decorabat.

X.

In Asiam, & adeo Tharsum ubi venit, tot martyrum fertilem ciuitatem, socijs & equis in hospitio relictis, ipse illico, ne absterfo quidem itineris puluere, in eum se locum contulit, in quo martyres decertabant. In stadium ingressus conspexit magnam hinc populi multitudinem; inde sanctos varijs quidem tormentis dis cruciatis, vnum tamen omnibus crimen obijci, pietatem veram, religionem. Tanta erat suppliciorum varietas, ut nemo fere eisdem, cum altero, subiret cruciatus, Vna interea omnium erat

VOX,

vox, Christum Deum esse, profitentium. Itaque vnus pende-  
bat capite in terram verso, igne subtus accenso. Alius quatuor lignis  
extensus cælum sublimis ampletebatur. Erat, quem ductilis fer-  
ra medium secabat. Quibusdam manus, quibusdam pedes ampu-  
tabantur. Nonnullis oculi eradicati diem negabant. Huic palus  
per collum transactus, pro clauo, erat: illi brachia in diuersum  
circumacta, & crura in dorsum retorta formam monstri induce-  
bant. Fuerunt, quibus ossa omnia plumbeis cæstibus minutatim  
conterebantur. Quorundam corpora ita erant mutilata, vt, per  
terram, ritu globi, deuoluerentur. Hæc atque alia talia gene-  
rosi athletæ patiebantur, sine gemitu & clamore; immo quasi  
eorum corpora fierent, inter cruciatus, vegetiora, ita læti ipsi hi-  
larésque, diuinâ virtute eos roborante, hymnōs, laudésque Deo  
concinebant.

Quod tam mirabile, atque humanæ naturæ vires longè. **XI.**  
excedens spectaculum postquam attentissimè considerauit Boni-  
facius, perspicuè profectò ostendit, etiam molles olim, & carni to-  
tos immersos, posse ad frugem redire, neque iam pœnitentiæ tan-  
tùm, sed etiam martyrij capaces esse, diuinâ gratiâ aspirante. Ita-  
que primùm ad tantam Martyrum constantiam obstupuit; deinde  
diuinæ opis vim agnouit; postea totus Deo afflatus, ad pares pu-  
gnas ineundas, similésque coronas consequendas, exarsit. Non-  
diu deliberant inflammata desideria: & ignes magni citò erum-  
punt in præpatulū. Itaque & Bonifacius, extemplo in arenam  
descendit; & cum se fecisset manifestum omnibus, Martyres, qui erant  
omnes viginti, singulatim amplectitur. Deinde etiam, omnibus audien-  
tibus, magna voce, Magnus est, inquit, Deus Christianorum: Ma-  
gnus est, qui athletas, sua ope, adiuvit. Hæc cum dixisset, rursus latus  
adherebat Martyribus, cum magno desiderio prensabat, & amplecte-  
batur pedes. Quibus autem deerant pedes, eas, quæ restabant, partes  
corporis; rogans, vt eorum focius esse, in supplicijs coronisque  
posset. Citatus extemplo, ad iratum Præsidentem, denuò se Christia-  
num profitetur; dijs thura se daturum negat; promissa, minas,  
carnifices, cruciatus rider, spernit. Suspenditur ergo pedibus, ce-  
ditur fustibus, virgis, flagris, adeò diriter, vt detecta carnibus ossa  
conspicua essent, oculisque omnium intestina paterent. Marmor  
cædi putauisses. nam, velut rupes, immotus nihil se sentire osten-  
dit; illud solùm dolens, se à reliquis Martyribus loco seiunctum  
esse,



esse, quos, velut pulchrum fortitudinis exemplar, fixissimè intuebatur. Cum nihil videt ictibus effici iudex, iubet vincula relaxari, darique illi tempus respirandi; ac denuò, num vel iam sacrificare dijs velit, interrogat? Sed iterum dentem solido illidit. Respondet enim Athleta: *Ego ad Deos accedam, cum vel sola eorum appellatio sit auribus intolerabilis?* Accensior rursus Præses acutissimas arundines mandat ei, intra ungues, infigi, quod est tormentum longè gravissimum. At Martyr cælo oculos animùmque affigens faciliùs cruciatum toleravit, quàm Præses imperiù, quod exercuit. Ipsà ergo Bonifacij patientià impatientior factus, liquidum in os eius plumbum infundi imperat. Quo tam immani decreto excitatus heros iterù manus in sublime, cum oculis, extulit, atque ita orauit: Domine mi IESV Christe, qui me præcedentibus tormentis reddidisti fortiorem; nunc quoque ades, & palam ostende, te mihi opem ferre aduersus Sathanam & Præsidem Sathanæ ministrum. Vos quoque, ô fortes Christi milites, qui me exemplo vestro, ad hunc agonem, inflammavistis, nunc & precibus adiuuate certantem. Acclamauerunt illi, & victoriam finemque martyrij precabantur. Clamore hunc secuta est tota populi multitudo, quæ, omnibus iam, ad diritatem paratis, cum & præfidiis crudelitate, & Martyrum incredibili lætæque constantia cōmota esset, vna & mente, & voce, in hæc verba erupit: *Magnus est Deus Christianorum: Magnus es rex, Christe. omnes in te credimus.* Vix ita clamauerant, cum aram impiam euerterunt, & Præsidem durum lapidibus sunt persecuti; qui vitam suam in fuga positam videns, grandini tam periculosa se subduxit, relictoque theatro, domi asylum quæsiuit.

## XII.

Quis non putaret vel Busridem, tanta multitudinis consensione, placatum iri? Habent autem hoc tyranni, vt, ad Pharaonis ingenium, ipsis prodigijs indurentur, fiântque inde peiores, vnde alij emendantur. Interuenit nox; nec quies furorem sedauit, nec diurnæ seditionis recordatio; sed multò hæc magis animum exacerbans, ita irritauit, vt vix lucem expectaret. Capta die iam armatior in theatrum prodit, aduocatòque Bonifacio multa contra Christum effutit; plura tamen vicissim, contra inanes Deos, audit. Paratur feralis scena; lebes pice impletur; flamma subijcitur; Martyr iniicitur. Sed contra Deum nulla vis, nulla potestas vnquam præpotuit. Renouata sunt igitur & hîc trium-  
puerorum

puerorum in camino illarum miracula. Siquidem Angelus de  
cælo lapsus Bonifacium quidem incolumem, in bulliente pice, ser-  
uauit; flammam autem in astantes lictores carnificesque excu-  
tiens, eadem fecit, quæ olim in Babylone. Nimirum ignis melius  
sciuit tyranno, qui nocentes essent, vel innocentes. Nondum ta-  
men iudex etiam hoc miraculo didicit sapere, sed iussit tanta-  
iam in reliquis membris passo caput amputari. Qui, cum ducere-  
tur, mora ad precandum impetrata, stans Orientem versus, alta-  
voce dixit: *Domine mi, Domine Deus, cito me praueniunt miserationes tue, & nunc ad sis mihi adiutor, ne mihi malignus aliquid asserat im-  
pedimenti, propter ea, que in insipientia mihi præcesserunt peccata: sed  
suscipe animam meam in pace, & inter eos, qui pro te sanguinem effude-  
runt, & fidem usque ad finem conseruauerunt, me quoque annumera.* Dixit,  
cervicem præbuit, è qua secta sanguis & lac fluxit, quo nouo pro-  
digio rursus quingenti quinquaginta viri Christo nomen dede-  
runt; immo à Christo nomen acceperunt. Talis tamque glorio-  
sus exitus fuit illius, qui paulo prius vitam duxerat minimè glorio-  
sam. Ita mortem, quam vel iocando, vel metuendo prædixerat,  
est consecutus; sanguine Martyrum, sanguinem illius, ad marty-  
rium, prouocante.

Abluit ergo hic sanguineus imber, è carne, sanguinis no-  
tas; & ablutum Deo charum esse miracula docuerunt, vt nemo de  
diuina miseratione desperet, quisquis hanc tantam audit, vel legit  
diuinam bonitatem & dexteram excelsi; cuius mutatio, è coruis  
columbas, ex immundis Angelos, è scortatoribus martyres facit,  
denique etiam ex Veneris mancipijs, sanctos. Nam comites, qui  
cum Bonifacio missi fuerant, pridie in hospitio relict, harum om-  
nium rerum penitus ignari, per omnem eum ciuitatem, die poste-  
ro, quæsuerunt. Non reperientes autem illum, existimauerunt,  
ambulare per popinas, & vt solebat, bacchari in voluptate, do-  
nec in Commentariensem inciderunt, cognoueruntque, marty-  
rem esse, quem illi putauerant scortatorem. Immo cum ille, de-  
scripta eius forma habitûque, martyrem factum affirmasset, vix  
adduci potuerunt, vt ei fidem adhiberent: *Non nosti, inquit, Bonifacium, qualisnam sit ei vita, & quàm propensa ac procliuis ad vo-  
luptates, & quàm è diametro vite repugnet martyrica.* Verùm cum  
postea ad locum ipsi adducti & corpus, & reuulsum inde caput,  
agnouissent, insperata virtute obstupuerunt, ac metuere ceperunt.

XIII.



Timebant enim, ne eis aliquid succenseret, quod eius mentem accusassent, eum indicantes ex eo solo, quod praecefferat, & nescientes, quali vita principio, qualem & quam incundum finem imposuisset. Sed mox mentum ademit Martyr, se placide & benigne in eos gerens. Nam postquam caput fuit coniunctum corpori ( Tu es omnium Dominus, ô Christe rex, qui glorificas eos, qui te glorificant ) sensim quidem aperit oculos: eos autem intuetur amice & placide loquentis speciem prae se ferens, & ostendens, se eis bene velle, & proborum, quae in eum ingesserant, minime meminisse. Illi verò acerbè flentes & calidas lachrymas effundentes: Ne memineris, dicebant, serue IESU, nostrarum iniquitatum, neq; proborum, quibus te diuinum & sacrosanctum caput stultè sumus insectati.

## XIV.

Psal. 106. 8.

S. Chrysost.  
hom. 40. ad  
populum.

2. Paral. 33.

Ierem. 8.  
Ephes. 5.

Fuerunt igitur comites quoque atque socij huius Bonifacii in ea opinione, non posse, ablui tantas impuritates: sed re ipsa edocti, stultitiam suam defleuerunt; & contrarium se expertos, professi sunt, docueruntque, non solum neminem debere desperare, sed etiam de nemine desperari à quoquam oportere; vt confiteantur Domino misericordia eius, & mirabilia eius filijs hominum. Sunt enim misericordiae eius infinitae, & omnia mortalium scelera incomparabiliter excedunt. Quare, sicut nullum flumen tam est profundum, quod à mari non absorbeatur, ita nullum peccatum tam est enorme, quod diuinæ bonitatis abyssus non possit abolere. Magna remedia poenitentiae, fratres, ait S. Chrysostomus, igitur de se ipso desperet nemo. Nullum enim est anima incurabile vulnus. In corpore quidem multa sunt talia; in anima verò nullum: & pro illis quidem laborare non desinimus; & pro his torpemus. Nonne vides latronem, quam breui tempore curatus est? Non intueris martyres? Non meminit priorum peccatorum Deus; non est, sicut homo, Deus: neq; enim exprobrat praeiuncta: neq; dicit reuerenti: Quare tantum temporis distulisti? sed cum accefferimus, diligit: & de his non tantum in nouo, sed etiam in veteri Testamento habemus exempla. Quid enim Manasse deterius: Deum tamen propitium habuit. Quid Paulo miserius? sed factus est Euangelij praecon. Quid Mattheo deterius? at constitutus est Apostolus. Propterea dico, neque scenicus desperet; ait enim Ieremias: Nunquid qui cadet, non adiciet, vt resurgat? Et Paulus: Surge, qui dormis, & exurge à mortuis, & illuminabit te Christus. Licet igitur triginta & octo annos habeas in infirmitate tuorum peccatorum, si modo sanus fieri studueris, adest & nunc Christus, & dicit: Tolle grabatum tuum: tantum velis exurgere, ne desperes: ait enim: Vis sanus fieri.

nus fieri? Si non ergo habes hominem, habes tamen Deum. Nec poteris dicere: Dum ego vado, alius ante me in piscinam descendit. Nam si volueris in fontem poenitentiae descendere, nemo prohibet. Non absumitur, nec minuitur gratia. Est enim fons perenniter emanans, & ex illius abundantia omnes sanamur.

Verè hæc Chrysostomus. Nam, ne Bonifacium duntaxat, è vitæ liberioris licentia, sanctum esse factum putemus; Aglais quoque, cum qua turpiter consueverat, à vitio inolito destitit; & poenitentiam illustrem egit. Siquidem illi, qui Bonifacium comitati erant, reliquias eius, corpus scilicet ac caput quingentis aureis emtum, atq; amomo alijsque odoriferis vnguentis conditum, lineisque inuolucris candidissimis circumdatum ac capsæ impositum, Tharso Romam peruexerunt, nullas vllius alterius Martyris reliquias, præ his, eligendas arbitrati. Dum sunt in via, Angelus prænunciatus è cælo se stitit Aglaide, eamque iussit suscipere venientem, dominum iam & fratrem Angelorum, quem famulum dimiserat; qui ab ea honoratus, illi esset futurus vitæ seruator, & animæ custos. Exterrita illa festinandum rata, cum clero, Martyri obuiam procedit, ædem materia insignem, structura elegantem erigit: in illa Bonifacius conditus mira multa patrauit. Sed maximè mirum erat, quòd non corpora tantum, verum animi etià inibi sanarentur. Illud mirissimum extitit, quòd ipsa Aglais, eo loci, alia à se facta sit. Nam, distributis suis, in pauperes, opibus omnibus, de cetero honestè vixit, & ex virtute. Neque enim voluptates tantum illicitas à se abdicauit; sed, per ipsos quindecim annos, ita etiam asperum vitæ genus amplexa est, delicijs cilicia; conuiuijs ieiunia; sermonibus lasciujs orationes opponens; vt & ipsa miraculis coruscaret. Quamuis miraculum pulcherrimum vtilissimumque fuit; è tali femina, quæ libidinis stabulum fuerat, exemplum poenitentiae virtutumque factum esse; in quo diuinæ bonitatis profundissima consilia splenduerunt.

Quæ meritò vnum quemque animare possunt, ne, cum Cain aut Iuda, à diabolo se sinat adigi ad desperationem, quasi grauitas peccatorum maior sit, quàm Dei miserationes. Ades igitur, peccator, etiam si, in peccatis ætatem omnem contriuxisti; etiam si cum adulterijs homicidia, & omnis generis crimina cumulauisti; habes misericordem Deum, qui iurans ait: *Vino ego, nolo mortem impij, sed vt conuertatur impius à via sua & uiuat.* Conuertimini à vjs pessis.

XV.

XVI.

Ezech. 33.  
10.



S. Chrysost.  
hom. 6. de  
Pœnit.

Idem S.  
Chrysost.  
hom.  
3. de Pœnit.

Isa. I.

S. Basil. ho-  
mil. de Pœ-  
nit.

Vide supra  
9. 4.

S. Cyprian.  
serm. de cœ-  
næ Domini.

peſſimis veſtris, & quare moriemini, domus Iſraël? Nullum pecca-  
tum eſt tantum, quod non remitti poſſit à tanto. Quid maius eſt  
adulterio & homicidio? Audi igitur Dauidem de his pœnitentem: Di-  
xi, inquit, confeſſor aduerſum me iniuſtitiam meam Domino, & tu re-  
miſiſti impietatem peccati mei. Propterea Chriſtus peregrinatus in ter-  
ra, maxima peccata remiſi; latronem in Paradifum duxit, Publicanũ  
fecit Euangeliftam; Paulum blaſphemum Apoſtolum orbis: ut tu, pec-  
cator, minus deſperes, ſed peccatum fatendo deleas, & ſalubrem ingre-  
diaris viam. At magna eſt multitudo iniquitatis tuæ, & ſuper are-  
nam maris? Maior eſt miſericordia Dei. Nam Dei clementia pie-  
tasq; meſuram non ſuſcipit, neq; ipſius bonitas verbo interpretari poteſt.  
Tua quidem malitia meſuram habet (cum & Arithmetici profite-  
antur ſe numerum arenæ maris poſſe dicere) Dei verò clementia &  
pietas in circumſcripta eſt; ipſa igitur tuam malitiam ſuperat. Cogita  
ſcintillam, ſi in mare ceciderit, num poterit ſtare & apparere? Quan-  
tum ſcintilla ad mare ſe habet, tantum hominis malitia ad Dei clemen-  
tiam & pietatem: immo verò non tantum, ſed & longè ſupra: nam  
& pelagus, tametsi magnum ſit, recipit meſuram, Dei verò clementia,  
& pietas meſuram non habet. Hæc S. Chryſoſtomus. Ob hanc bo-  
nitatis ſuæ immenſitatem, Deus, apud Prophetam, poſtquam dixe-  
rat: *Va genti peccatrici, populo graui iniquitate, ſemini nequam, filiis  
ſceleratis, dereliquerunt Dominum, blaſphemarunt ſanctum Iſraël &c.*  
ſubiecit: *Lauamini, mundi eſtote &c.* ſi fuerint peccata veſtra, ut cocci-  
num, quaſi nix dealbabuntur, & ſi fuerint rubra, quaſi vermiculus, ve-  
lut lana alba erunt. Obſeruat D. Baſilius, colorem coccineum & ru-  
brum, inter omnes colores, eſſe maximè tenaces, ac ſerè indelebi-  
les, immo velut in natiuum colorem conuerti. Quare & pecca-  
tum ita adhæret, præſertim impijs, & fornicarijs, quos Fulbertus,  
ſupra, dixit, indelebili nota, in ſanguine ſuo morituros, ni diuina ſcilicet  
gratia vtantur; hac tamen pœnitentiâque qui vtuntur, laua-  
ri, mundarique poſſunt, & quaſi nix aut lana dealbari; etiamſi  
peccata illorum pondere graui, enormitate cruenta, numero  
multa conſuetudine inolita, & velut in naturam conuerſa videan-  
tur. Verè S. Cyprianus: *Quæcunq; neceſſitas cogat ad pœnitentiam;*  
*nec quantitas criminis, nec breuitas temporis, nec vita enormitas, nec ho-*  
*ra extremitas, ſi pura fuerit voluntatis mutatio, excludit à venia, ſed*  
*in ampliffimos ſinus ſuos mater charitas reuertentes ſuſcipit prodigos, &*  
*velut nolit Nouatus hæreticus, ſemper verè pœnitentes ſuſcipit Chriſtus.*  
Itaque

Itaque quisquis vel de se, vel de vilo peccatore, rem desperatam esse putat, huc oculos reflectat, & respiret. Neque offendi debet quisquam, si videt multa ac grandia quædam peccata à sic conuerso, antè fuisse perpetrata. Talis ardentius dicere potest: *Confitemini Domino quoniam bonus: quoniam in seculum misericordia eius.* In magni peccatoris conuersione, magna misericordia ostenditur. Neque quidquam magna Dei misericordia, magnæ eiusdem iustitiæ prærogat. Vtrique illius est, vtrius potest vti, pro libertate. Neque verò iustitia in talibus nulla ostenditur. Bonifacius magna contritione, magno amore Dei, magna potuit peccata compensare, vt diceretur: *Remittuntur ei peccata multa, quoniam dilexit multum.* Denique, inter tot tormenta, faciliè potuit luere tot delicta; & tanto sanguine tanta peccata lauare. Quod si etiam considerare volumus, quid de congruo Aglaidi & Bonifacio fecerit Deus; duas in ijs causas reperiemus. Nam Bonifacius, etiam cum vino & Venere caleret, pecunia erat contemtor magnificentiæ, & ad eum egentibus distribuendas longe liberalissimus, & hospitium dedit, si vilius alius. Si quando ergo vidisset aliquos ex viatoribus, aut astu & sui eliquatos, aut nixe & frigore concretos, aut alia ratione itinere grauatos, ipse festinans hilariter eis ibat obuiam, & rogabat, vt à labore requiescerent: & cum cessissent, in domum suam introductos hospitio benigne accipiebat, & verbis, & factis eorum omnem propulsabat molestiam. Quare non sustinuit Dominus, despiciere animam hanc: neque animam Aglaidis, quæ & ipsa in Bonifacii liberalitatem consensit, & multum auri tradidit, vt etiam haberet, quod distribueret pauperibus.

Nimirum beati misericordes, quoniam ipsi misericordiam consequentur. Hæc sunt iudicia diuinæ bonitatis, vt, si quis pauperi det obolum, emat cælum; si panem porrigat, aut aqua frigida haustum, mercede sua non careat. Qua mercede? Nimirum huius & alterius vitæ. Hinc nihil speciatim dixit, quando dixit: *misericordiam consequentur*, vt vtrumque dixisse censeatur. Quando enim dixit: *Beati pauperes spiritu*, non addidit, *quoniam illorum est regnum mundi & celi*, sed limitatè addidit: *Quoniam ipsorum est regnum celorum.* At cum ad misericordiam venit, non ad regnum celorum duntaxat misericordes remisit, sed misericordiam vicissim spondit, quæ vtiq; sæpissime, etiam in hac vita, exhibetur. Vnde & illud habemus: *Beatus qui intelligit super egenum & pauperem;* Psal. 40. 2.

XVII.

Psal. 106. 1.

Luc. 7. 47.

Surius in eius vita 5. Iunij.

XVIII.

Matth. 5. 7.

Matth. 9. 40.

Psal. 40. 2.



in die mala liberabit eum Dominus. Dies mala, cum Cassiodoro, potest dies iræ, diēsque iudicii quidem intelligi; sed non tantum illa dies mala est. Mala est omnis dies, in qua malum patimur; nec, quando in oratione dicimus: *Libera nos a malo*, à iudicio tantum liberari petimus; sed multò maximè à peccato, & peccati pœnis.

1. Tim. 4. 8. Itaque, etiam Apostolo teste, *pietas ad omnia utilis est, promissionem habens vite, quæ nunc est, & futura*. Quæ de causâ Pater ille filio

Tob. 4. 7. suo hoc documentum dedit: *Ex substantia tua fac elemosynam, & noli auertere faciem tuâ ab ullo paupere, ita enim fiet, ut nec à te auer-*

Matth. 7. 2. *tatur facies Domini*. Siquidem eadem mensura, qua mensi fueritis, re-

Pro. 21. 13. *metietur vobis*, ait Seruator. Vnde etiam, *Qui obturat aurem suam ad clamorem pauperis, & ipse clamabit, & non exaudietur*; sicut non

Luc. 16. 24. *exauditus est Epulo clamans: Pater Abraham, mitte Lazarum, ut intingat extremum digiti sui in aquam, ut refrigeret linguam meam*,

quia ipse prius non exaudiuit Lazarum ante fores clamantem. Iustè negata est gutta, à quo negata fuit mica. At alijs, quibus frustra dictum non est: *Date, & dabitur*, quia dederunt pauperi, idcirco dat & Deus, siue cum esuriunt, siue cum sitiunt, siue cū ægro-

tant, siue cum calumniam patiuntur; siue cum periclitantur de æterna damnatione. A Bonifacio igitur, & Aglaide, ô mortales,

Tob. 12. 9. *discite esse misericordes: quia elemosyna est, quæ facit inuenire misericordiam*. An ignoras, inquit, os aureum, qui iudicem mitigare volunt,

S. Chrysost. hom. 5. de pœnit. *non ipso examine causse, sed priusquam iudicij ingrediantur locum, benivolunt sibi facere, vel amico, vel mediatore, vel præfule, aut modo alio, sibi iudicem conciliare*. Igitur & Deo, non sessionis tempore, suadendum.

Psal. 94. 2. *Ante iudicij tempus mitigabilis est; & ideo David ait: Præoccupemus faciem eius*. Illud magnum iudicem ars rhetoris nulla decipiet, & nullius potentia mitigatur; dignitati non condescendit, non veneratur per personam, sed tremendum & implacabile iusti iudicium. Nunc verò iudicem exorabimus, & placabimus, non pecunia, magis autem, (si verum dicere oportet) clemens & pius ipse pecunia suadetur, non ipse manus sua; sed per inopes accipiens. Da pauperi pecuniam, & iudicem mitigaueris. Hoc & Aglais fecit; &, si facerent aliæ quoque, in malo Aglais pares feminæ, fortasse & ipsæ misericordiam consequerentur.

XIX.

Sed aliud quoque fecit Aglais, quo sibi patrocina conciliavit. Subijt enim illâ salutaris cogitatio ac vehemens quoddam & inextinguibile desiderium reliquiarum Martyrum. Hinc Bonifacium ita est allocuta. Scis, frater, qualibus sumus conquinati peccatis, nec nobis curæ

esse

esse aliquid, quod expectamus futurum, ut sistamur ante Deum, & pro his  
grauia subeamus supplicia. Ceterum audiri à quodam viro pio, quod, si  
quis eos, qui propter Christum passi & affecti sunt martyrio, in honore ha-  
buerit & coluerit, magna quadam & præclara eum illinc ex eo manet re-  
muneratio, & eadem, qua illi, fructur beatitudine. Hæc est altera caus-  
sa, ob quam Aglaidem à Deo non negligi congruum fuit; quia sci-  
licet ipsa Sanctos Sanctorumque reliquas non neglexit. Quod i.  
fecit, exemplo Patriarcharum. Nam Iacobus Edysenus Syrus me-  
morat, Patriarcham Noë, tempore diluuij, ossa primi parentis A-  
dam, intra arcam reclusisse, finitòque diluuiò, illa inter filios suos  
diuisisse, caputque, tanquam præcipuam partem, præcipuo ac pri-  
mogenito filio donauisse. Cuius facti, sunt qui dicant, causam  
fuisse, venerationem reliquiarum protoplasti. Procopius Gazæus  
referens diuitias, quas filij Israël ab Ægyptijs mutuò acceptas, in-  
terram promissionis secum deduxerunt, ait: *Hebraei, quia carnalia*  
*sectabantur, iussi sunt mutuò accipere argentea, & aurea vasa: Moyses*  
*elegit viri iusti Ioseph ossa, qua prætulit immensis thesauris Ægyptiorum.*  
Habetque huius rei aliquod, in diuinis litteris, fundamentum; di-  
citur enim: *Tulit quoque, Moyses ossa Ioseph secum.* Hos aliòsque San-  
ctos imitata est Aglais, in Diuorum reliquijs venerandis. 2. Has ve-  
nerata est reliquias, quia, ut disertissimus Pater ait: *Deus, qua est in*  
*humanum genus benignitate, inter alias, quas infinitas nobis salutis nostræ*  
*occasiones dedit, & hanc quoque, viam nobis à se munitam esse voluit, idoneam*  
*ad virtutem capeffendam stimulum; relictis scilicet interim, apud nos,*  
*Sanctorum reliquijs. Nam post sermonis facultatem, ipsæ certè Sanctorum*  
*reliquia proximum locum obtinent, ad animas hominum, in ipsos Sanctos*  
*inuentum, ad virtutum earundem emulationem, excitandas; sepulchri*  
*enim sancti aspectus in animam nostram inuadens percellit, & exsusci-*  
*tat, ac perinde afficit, ac si, qui ibi mortuus iacet, preces simul fundat, præ-*  
*sensq; adesse cernatur.* Deinde fit, ut qui se sic affectum cernit, mira ala-  
critate gestiens, & quasi alius ex alio recedat. Hoc contigit Bonifacio,  
qui martyrum certamina spectans, martyr euasit. Hoc euenit Aglai-  
di, quæ dum voluit martyres, in suis reliquijs, honorare. Martyrum  
preces meruit; inque ossibus Bonifacij perpetuum habuit vitæ  
sanctioris exhortatorem. Nam anima quidem illius, in celo, pro  
ea, Deum orauit; corpus autem, ex ipso tumulto, ad quem illa quo-  
tidie supplex iacuit, eam exemplo, ad imitationem penitentiæ pro-  
uocauit. Sic correctæ peccatricis incontinentia, gloriam ex culpa in-  
uenit.

Apud An-  
dread Masi-  
um super c.  
vltim. Iosue.

Procop. Ga-  
zæ. in Exod.  
13.

Exod. 13. 19.

S. Chrysost.  
lib. contra  
Gentiles.



436Ca. XLIII. Omnes ad pœnitentiã & gratiarũ actionẽ vocari.

Plaut. in  
Trucul.

uēnit. Si autem hoc sanguis Martyrum potuit; sanguis Christi, quid non valebit, qui sanguini Martyrum vim omnem virtutẽque cōtulit? Seculi sapientes aiunt: *Piaculum est, misereri nos hominum rem malè gerentium*; & aliorum sanguis ad cælum clamat, vt vindictam impetret: sanguis Christi, clamat ad cælum, vt veniam impetret; estq; tam mitis, vt gloriosum ducat, *misereri hominum etiam rem malè gerentium*. Hanc indolem à Magistro suo Sancti trahunt, qui sciunt, misericordiæ esse officium, miseris succurrere.

## C A P V T X L I I I.

*Deum, infinita sua clementia, omnes ad pœnitentiam gratiarũq; actionem inuitare.*

I.



Aristoteles  
in Admiran-  
dis, cap. 28.

Luc. 7. 38.

Matt. 26. 75.

Io. 19. 34.

Sanguis Christi Seruatoris tantæ est efficacitatis, vt non ille solùm delere peccata mortalium possit, sed etiam vim cōferat sanguini Martyrum peccata propria abluendi, & alienis veniam impetrandi. Neque sanguini tantum, sed etiam aquis Baptismi, & lachrymarum hanc virtutem indit. Scribit Aristoteles, fontem esse in Sicilia, in quo si aues aliæque animantia suffocata immergantur, reuiuiscant. Et multos audiui oculos testes, qui se vidisse affirmarunt, canes in antrum quoddam Italiæ inductos viuos, reductos pestilenti aurâ velut mortuos; qui, si in proximum stagnũ injiciantur, ad se & vitam pristinam redeant. Quis hîc non agnoscat magistrã pœnitentiæ atque lachrymarum naturam? Defuncta erat Deo Magdalena, *lachrymis caput rigare pedes Christi, & reuixit*: audiuit enim: *Remittuntur tibi peccata. Fides tua te saluam fecit: Vade in pacem*. Mortuus erat Deo Petrus, quando *cœpit detestari & iurare, quia non nouisset Christum*; sed reuixit, vbi *egressus foras fleuit amare*. Nimirum sciuit benignus Pater, non omnes adeo fortes fore, vt per martyria, & sanguinem fusum, peccata sua possint eluere; voluit ergo contentus esse, si vel lachrymis ea ablueremus. Hoc significauit fons ille, qui de latere Christi exiliens nos miseros mortales toties lethalibus plagis affectos, toties exanimatos ad vitam reuocauit. Nam quando *vnus militum lancea latius eius aperuit, continuo exiuit sanguis & aqua*. Fons sanguinis Martyrium, fons aquæ

aquæ Baptismum & Pœnitentiam expressit. Siquidem, vt D. Au. S. Aug. lib. de Pœnit.  
gustinus ait: *Pœnitentia languores sanat, leprosos curat, mortuos susci-  
tat, sanitatem augeat, gratiam conseruat, claudis gressum, aridis copiam,  
caecis restituit visum, vitia fugat, virtutes exornat, mentem unit & ro-  
borat.* Hoc conciliationis remedium Deus inimicis suis largitur  
est. Pro sanguine suo, lachrymas nostras exposcit, quæ & ipsæ san-  
guis esse cordis perhibentur, & balneum sunt, quo animæ vulnera  
persanantur. Olim veteres, in amicitia signum, sanguinem è ve-  
nis extractum permiscuerunt. Vult Deus etiam nobiscum amicitia  
inire, si cum precioso illius sanguine lachrymas nostras coniun-  
gamus. Hoc antidotum est totius nostræ calamitatis.

Ad acidulas & thermas, quàm cupide homines proficif-  
cuntur, vt corporis impetrent sanitatem? ad lachrymas cur sunt  
tam segnes? quibus tanta vis inest, vt Gehennæ flammæ possint  
extinguere? In Lycia quondam, teste Seneca, nulli fas erat lachry-  
mas fundere, nisi muliebrem vestem induisset, quod lachrymæ de-  
bilis & effeminati animi essent argumentum, & viros dedecerent.  
Nempe nulla res temporalis est tanti, vt fletum mereatur. At ve-  
rò peccatum generans mortem æternam, vtique tanti est, vt de-  
beat, à quocunque etiam sanguineis lachrymis deseri. Nemo aque  
parcit, cum domus suæ incendium est restinguendum: & cum ignis  
inferni est opprimendus, lachrymis parcemus? Quis Dauid. v. so-  
rum, leonum, Gigantis, Philisthæorum victore fortior? & tamen  
eum de peccato ageretur, non erubuit scribere: *lachrymis meis stra-* Psal. 6. 7.  
*tum meum rigabo;* noctu nempe; interdum autem ait: *Exitus aquarum* Pl. 118. 136.  
*deduxerunt oculi mei, quia non custodierunt legem tuam:* sic noctes  
dièsque lachrymas fudit, & quidem tam copiosas, vt lecto lquan-  
do sufficerent. Igitur etiam

*Vitar ego lachrymis, sed non muliebriter utar:*

*Est quod, qui deceat mascula corda dolor.*

Nam etsi, ex communi Theologorum sententia, exterior pœ-  
nitentia, seu confessio Sacerdoti facienda, & satisfactio pro pec-  
catis, tantum ad tempus, & secundum peccati mensuram debeat, S. Tho. 3. p.  
q. 84. a. 8.  
necessariò durare; tamen pœnitentia interior, qua quis de pecca-  
to commissio dolet, debet durare vsque ad finem vite, vt S. Thomas Pl. 41. 4.  
docet. Semper enim debet nobis displicere, peccauisse. Hinc ait,  
Dauid: *Fuerunt mihi lachrymæ meæ panes die ac nocte, dñ dicitur mihi  
quotidie: Vbi est Deus tuus?* Adeò, sicut corp⁹ pane, ita anima lachry-



mis pascitur amorem Dei detestationemque peccati significantibus, & minuentibus timorem diuini furoris. Sicut enim, cum cælum nubibus obtenebratum fulgura oculis, auribus tonitrua ingerit, tam diu etiam fulmina metuuntur, dum nube in imbres resoluta, dies iterum clarescit, & sol cælo reddit serenitatem: ita merito peccator, qui in conscientia versatur tempestate & mentis caligine, diuini iudicii fulgura, timores mortis, & inferni pericula formidat: at, cum punctus in lachrymas prorumpit, spem habet diuinæ consolationis. Sinit enim se illico molliori Deo, quando videt, mollium esse cor peccatoris.

III.

Isa. 22. 1.

Psal. 55. 9.

Isa. 3. 8.

& 4. Reg. 20.

Quis tantæ clementiæ rex vnquam fuit, vt, eodem ferè momento, flagrantissimè iratus, & rursus eidem summè placatus esset? At de Deo dicit: *Consuebor tibi, Domine, quoniam iratus es mihi; conuersus est furor tuus, & consolatus es me. Ecce Deus saluator meus, fiducialiter agam.* Quid ita? quia posuisti lachrymas meas in conspectu tuo; tanquam rem tibi acceptabilem & tuo conspectu dignam, tibi que in primis charam. Siquidem, sicut ea, quæ in odio nobis sunt, auersamur; ita vicissim illis, quibus animus, ipsæ etiam oculus adhæret. Egrotauerat Ezechias, & veniens ad eum Isaias iam dixerat: *Dispone domui tue, quia morieris tu, & non viues:* Ezechias autem conuertit faciem suam ad parietem, & cum lachrymis adorauit Dominum, & antequam exiret Isaias mediam partem atrij, factus est sermo Domini ad eum dicens: *Reuertere & dic Ezechia: Hac dicit Dominus Deus Dauid patris tui: Audi uocationem tuam, & vidi lachrymas tuas, & ecce sanauit te &c.* Alia lectio habet: *vidi lachrymam tuam*, quasi propter primam lachrymam statim & conciliatus, & sanitatem, & quindecim annos, & liberationem ab Assyrijs donarit. Potestne maior bonitas cogitari? Illata infinito Deo iniuria, æterna damnatione, æterno supplicio digna, lachrymis, immo lachrymâ vnâ compensatur.

IV.

S. Augustin.  
lib. de vera  
innocent. c.  
184.

Matth. 3. 9.

Hæc cum ita sint, boni nunquam de salute sua desperant, sed oculos semper in cælum erigunt, semper misericordem esse iudicem credunt, atque ad poenitentia remedia, ad lachrymas, adunctiones pectoris, ad confessionem, recurrunt. Denique etiam non est desperandum de malis, ait S. Doctor, sed pro ipsis, vt boni fiant, studiosius supplicandum: quia numerus Sanctorum, semper de numero auctus est impiorum. Hæc est ars omnipotentis, è lapidibus filios Abrahe suscitantis; hic diuinæ misericordiæ fructus, vocantis ea, quæ non sunt

*Ca. XLIII. Omnes ad pœnitentiã & gratiarũ actionẽ vocari. 439*

*sunt: hæc dextera Excessi, de stercore pauperem erigentis. Cuius, in luculenta historia, & exemplum accipe, peccator, & documentum.*

Dedit id, ante me, ex idoneo authore, Iulius Mazarinus, de quadam puella, quæ venustate vultus pariter, & iuuenilibus adhuc annis florens, affinis earum rerum, quas fert adolescentia, malæ educationi, malam reposuit mercedem. Nam in delicijs, à matre, & vitæ licentia, enutrita, nimiam indulgentiam eximio dolore compensauit. Itaque assueta facilè flecti, improbo parentis suasu, haud ægrè permota incæsto animam polluit flagitio. Nempe aptum matris supplicium erat filia peccatum. Quid ergo Agalma mater (nam hoc illi fuit nomen) nefandi coitus exploratè gnara fecit? Dolorem, quem non potuit premere, in verba effudit; quibus acerbissimis filia aures identidem flagellauit, nefarium ac inauditum crimen comperisse se clamitans: facinus vtique non castâ, sed Iocastâ dignum, & flammis expiandum ab eâ perpetratum esse: & quæ alia muliebris furor suggerebat. Filia crimen audaciùs facere, quàm patientiùs audire docta, scelusque suum propalatum acerbè ferens, tollere, cum matre, exprobrationem statuit. Aberat tunc pater. optima occasio vindicandi. Igitur, parricidali conatu, matri vitam lucisque vsum, virulento pharmaco, aufert. Vbi pater domum redijt, vacuamque matrem familiã inuénit, tam inexpectato casu percussus, filiam vultu, voce, minis iracundissimè obiurgauit. Infelix puella vltro citròque malè se verbis acceptam, & quæ metus augurabatur, non ferens, ad vltimam desperationem progressa patri quoque, à quo vitam acceperat, vitam adimere decreuit. Captatâ occasione, remotisque arbitris, ceruicem incæstam parentis sicâ abscindit. Facinore patrato, se se in fugam dat, asportatâ secum præcipuâ suppellectilis parte. In ignoto loco incognita, omni frontis honore valere iusso, voluptatibus extremè indulgit. Neque enim aliud supererat, quod sperare vellet. Ita diu vitam brutorum vixit, verè errans, sicut ovis, quæ periijt. Et perijsset, nisi eam summus pastor errantem quæsijsset. Vagabatur vbique misera, & fallendi magis temporis, quàm Numinis placandi gratia, aliquando curiosè in templum intrabat, eo ipso tempore; quo diuini verbi præco, Dei misericordiam, vehementi oratione, exaggerauit, addiditque, Neminem vllum esse, sub cælo, ita profundè peccatorum

cœno

V.

Iul. Maza.  
rin. in Psal.  
50. p. 1. dis-  
curs. 10. ex  
Iac. Vitriac.  
Cardinal.



440 *Ca. XLIII. Omnes ad poenitentiam & gratiarum actionem vocari.*

cœno immersum, cui salutis spes sit intercisa. Affectu concione, continuo illa, omnem moram exosa, ad concionatorem accessit, atque ex eo percontata est: *Num. quæ dixisset, omnia de Dei in peccatores benignitate, vera essent?* Verissima respondit ille, eaque, quæ publicè dixerat, pluribus insuper argumentis confirmavit. Tum illa, *Si, inquit, ita res est, uti confidenter asseris, te obnixè rogo, Pater, ut excipias confessionem meam, ac me à peccatis absolvas, ut pro me fias pius intercessor, apud tantam misericordiam.* Annuuit ille: confitetur illa: quâ auditâ, subfirit aliquanto temporis spacio Pater, & cogitare cœpit, qualisnam poenitentia eiusmodi peccatrici esset præscribenda? Suspectum fuit hoc silentium puellæ, quæ illico. *Quid hoc, inquebat, Pater, iam misericordiam valde extollebas, & nunc videris de salute mea desperare?* Non ita, non ita ait Confessor, *o filia, sicut cogitas, sed in tua anima bonum ipso, ut ad concionem audiendam, crastino die, iterum resistis. Quare tibi, pro salutaris poenitentia, inungo.* Hac tam clementi poenitentia intellectâ, atque, per eius exiguitatem, cum nefandis flagitijs suis, comparatam, in diuinæ bonitatis potentias immensitatemque ingressa, tanto, ob peccatorum recordationem, dolore vri, atque in tanta suspiria vrgeri cœpit, ut è templo pedem efferre non posset, sed illico cœlesti amore, vel liquefcens, vel contabescens, animam efflaret. Accurrunt ad cadentem homines, & adhuc, per mortuæ genas, vberimè currentes lachrymarum riuos deprehendunt. Nunciatur ea mors Concionatori; qui defunctæ animam cœnobij sui Religiosis commendauit. His ergo, pro ea, orantibus, de cœlo eiusmodi vox venit: *Non est opus, ut oretis pro ipsa; potius ipsa orabit pro vobis.* Hic huius tragœdiæ epilogus est; tam citò ex lupa agnam fecit diuina clementia, immo vel vnica diuinæ clementiæ cogitatio.

**VI.**

Cant. 8. 6.  
Thom. Can.  
riprat. lib. 2.  
apum. c. 51.  
§. 7.

Ac ne mulieres duntaxat delicati huius amoris contritionisque tam potentis capaces esse videantur; etiam apud viros, fortis est, ut mors dilectio; adeò ut, præ dolore tam mitis Dei offensi, & ipsi, dissiliente in partes corde, emoriantur. Refert exemplum sui temporis author, qui non minùs ipse fecit, ab alijs, laudanda, quàm narrauit ab alijs cum laude gesta. Memorat igitur, in Gallia, id fidelissima relatione traditum accidisse. Ad Petrum de Corboel Senonensem celeberrimi nominis Archiepiscopum (qui, in tabulis Democharis numero septuagesimus secundus est obiit.

que

que anno 1221.) vir quidam venit, qui parum honestè pudicitiam habuerat, vitiòque crescente, vim vitiùmq; propriæ filia intulerat. Is, conscientia stimulante, ac tam nefarij criminis magnitudine percussus, poenitentiaque tactus, prædicto Archiepiscopo, delicta sua ingenti cum dolore animi, lachrymarumque effusione, confessus, quæsiuit, an adeò grauis peccator unquam posset, illo dolore, vel pœna, à Domino veniam impetrare? Cui Præsul: Ne dubita, fili, inquebat, veniam impetrabis, si tanti mali poenitentiam subire volueris. Et ille vehementer exclamans: Volo, inquit, etiamsi mille mortes me sustinere volueris. Tanti est, Deum verè dilectum, offendisse. Confessarius, hominis contritione cognita, confitenti, & ipse calidissimè collachrymatus: Et ego, inquit, septennem tantum tibi poenitentia pœnam impono. Tunc ille, quid ille? num ad nostri seculi morem & frigus vel oëidui poenitentiam detrectauit; aut questus est, pœnam esse nimis diuturnam? Nequaquam. Sed, Quid est, ait, quòd poenitentiam mihi flagitiosissimo septennem tantum iniungis; quasi viverem usque in finem mundi, tantum facinus pœnis innumerabilibus diluere non valerem. Hoc tanto tamque, ad satis faciendum, parato animo intellecto, Præsul, Vade, inquit, & tres dies tantum in pane & aqua ieiuna. Minuit pœnam, auxit dolorem poenitentis, & ad tam fœdum facinus luendum, nullam pœnam sufficere iudicantis; qui proinde longè impotentius plorans eiulansque ac pectus pugnis contundens, enixissimè rogauit, ne sibi parceret, nèue culpa minorem pœnam decerneret, sed ut poenitentiam iniungeret salutarem. Tam accensum diuini amoris affectum supra modum admirans antistes, sciens multa dimitti multum diligenti, tandem imperio vsus, præcepit homini, ut abiret, & unum tantum Pater noster diceret, sciretq; pro certo, peccatum iam sibi esse dimissum. Ad hanc tam immensam Dei misericordiam ita obstupuit incaluitque confitens, & magnitudinem diuini æstus non caperet mortale pectus. Nec mora, dirum ille emittens eiulatum, & in terram procidens, expirauit. Nec dubia fides est, sicut Deo dignus Episcopus postea predicauit, quin idem poenitens, sine vlla alia Purgatorij pœna, validissima tantum contritione purgatus, ad gloriam euolauit.

Quid primum, quid postremum dicam? quantus hîc dicendi campus? Quanta Numinis clementia? An non verè Deus



442 Ca. XLIII. Omnes ad penitentiam & gratiarum actionem vocari.

rex est ille, ad quem accedens, qui decem millia talentorum debebat, debitum sanè ingens, & vrgens pondus æris alieni, tam citò, quidquid petijt, impetrauit? Siquidem *Procidens seruus ille, orabat eum dicens: Patientiam habe in me, & omnia reddam tibi: Misertus autem Dominus serui illius, dimisit eum, & debitum dimisit ei.* Atqui seruus, non remissionem, sed dilationem solutionis tantum petierat: Dominus autem, atque in eo Christus, ait, *omne debitum dimisi tibi.* cur? *quoniam rogasti me.* non, quia triduo in pane & aqua in ediam sustinuisti; non quia vigilijs te macerasti; non, quia longis peregrinationibus corpus tuum fatigauisti; non, quia multis annis te, cilicio & cinere, virgis & flagris, castigauisti; non, quia in eremum ac solitudinem secessisti; sed *quoniam* animo tam contrito rogasti me. Merebaris quidem illis omnibus te expiare; & agnoscebas, te meruisse. Quia, verò tam paratus, tanque promptus eras, pro facto, acceptaui voluntatem faciendi. *Cor contritum & humiliatum non despexi.* Tā miserante sum animo, vt sufficiat mihi, confessio tua, contritione tali stipata. Verus animi peccata retractantis dolor, apud me, ceteris rebus omnibus antecellit. Hoc puella illa patris, hoc pater iste filiae toro abominandus experti, iam mihi æternum canunt: *Delictum meum cognitum tibi feci: & iniustitiam meam non abscondi. Dixi: Confitebor aduersum me iniustitiam meam Domino: & tu remisisti impietatem peccati mei.* Pro hac tanta misericordia, hominibus impetranda, orabit ad me omnis sanctus, in tempore opportuno, antequam scilicet tempus misericordiae finiatur, dum hæc vita durat; dum gemitus, dum suspiria, dum lachrymæ sunt salutare. Sic patri huic incæstuoso, sic incæstuosæ filix salutare fuerunt, ignemque & Inferni, & Purgatorii extinguere potuerunt. A morte pater iste transijt ad vitam; ab ipsis inferorum portis, hæc filia, ad superos, migravit. Itaque *Non est opus, vt oretis pro ipsa, potius ipsa orabit pro vobis;* iam sancta, iamque exemplum, quæ paulò prius fuit scandalum. Hæc, ad peccatorem, Christus de cælo clamat.

VIII.

Videtur mihi, cum ista voce, ipsa quoque illa beata puella, & hic diuino vir amore confossus contritioneque ipsa extinctus, de cælo, clamare: *Venite, & videte opera Dei: terribilis in consilijs super filios hominum. Venite, audite, & narrabo, omnes, qui*

tunc.

Cap. XLIII. Omnes ad poenitentiam & gratiarum actionem vocari. 443

timetis Deum: quanta fecit anima mea. Atque in primis, vos Con-  
cionatores, qui merito saepe fulminatis in peccatores, & illis ius-  
ticiam iramque diuinam inculcatis; illud etiam sedulo mementote, ut homines in spem erigatis, altissimisque vocibus identi-  
dem clametis: *Quoniam tu, Domine, suavis & mitis: & multa mi-* psal. 85. 4.  
*sericordia omnibus invocantibus te.* Multi magis se sinunt duci spe,

quam impelli timore. Res violenta est metus, quæ non diu du-  
rat, nisi amore fulciatur. Amorem conciliat occasio sperandi.  
Sperandi maxima & occasio & causa est agnitio diuinæ bonita-  
tis, ob vnum gemitum, & vnam lachrymulam, mille flagitia con-  
donantis. Hanc, vos Dei præcones, extollite; hanc mortali-  
bus ob oculos ponite: hanc omni arte, omnibus coloribus exor-  
nate. dici nimium non potest, ubi est infinitum. Non tot despe-  
rarent, si scirent, Deum promptiorem esse ad dandam veniam,  
quàm homines ad accipiendam. Verè Deum nouit, qui in Deum  
confidit. *Ille negat Deum, qui eum peccata dimittere non credit.* Item: S. Augustin.  
*Dei misericordia est, ut peccata nostra dimittat. Nam si vellet pro me-* serm. 4. de  
*ritis agere, non inueniret, nisi quos damnaret.* Denique Dauidem. Natiuit. Do-  
audite: *Deus meus, misericordia mea,* inquit. *Non inuenit impletus* min. super  
*bonis Dei, quid appellaret Deum suum, nisi misericordiam suam.* O no- psal. 94.  
*men, sub quo nemini desperandum!* *Deus meus,* inquit, *misericordia* Idem Au-  
*mea.* Hæc beata puella illa mihi videtur ad Concionatores, de gustin. in Ps.  
58.

cælo, clamare. Agite, concionatores, idem clamate ad pecca-  
tores: ut qui Dauidem secuti sunt peccantem, sequantur etiam  
poenitentem. Esto Bethsabæam viciârint, esto Vriam occiderint,  
& adulterium homicidio cumulârint; possunt tamen lachrymis  
& illam scditatem, & hunc sanguinem emundare, ut multos  
antecedant, qui sibi de innocentia superbè ipsis applaudunt. *Mul-* Matt. 19. 30.  
*ti erunt nouissimi primi, & primi nouissimi.* Hoc autem dicebat, ut S Chryso-  
nec illi torperent, tanquam redire non possent; nec hi præsumerent, hom. 77. ad  
tanquam stent immoti. Hoc & Ioannes exclamans aiebat: *Potens est* populum.  
*Deus de lapidibus istis suscitare filios Abraha.* Ne igitur confidamus  
stantes, sed nobis dicamus: *Qui stat, videat, ne cadat.* Neque iacen-  
tes desperemus, sed dicamus: *Nunc quid qui cadet, non adiiciet, ut re-*  
*surgat?* Nam & Iudas prius filius regni erat, & postea factus est ge-  
henna filius: & multi, postquam in ipsum ascenderunt cali verticem,  
& in desertis morati sunt, quod paulo torpuerint, supplantati sunt, &



444 *Ca. XLIII. Omnes ad pœnitentiã & gratiarũ actionẽ vocari.*

*ad ipsum malitia barathrum deuenerunt. Alij rursum illinc ascenderunt in calum, & ex orchestra, ad Angelicam migrare conuersationem; & tantam virtutem exhibuerunt, vt expulerint damones, & alia multa fecerint signa.*

IX.

Sed neque Confessarios non compellat vtraque hæc historia monétque, vt se Patres esse, aut paternos iudices oportere, meminerint. Si Dei vices agunt, Dei clementiam imitentur, neque sint in homines, homines ipsi, Conditore suo immitiores. Sciant se quoque iudicandos. Qualem ergo ipsi cupiunt habere iudicem Deum, tales & ipsi se iudices exhibeant. Quid medicus prodest, qui vulnera non sanat, sed exasperat? & plagas detegenti plagas accumulatur? Itaque qui paternè vult agere cum pœnitente, contritionem eliciat, non indignationem: in spem peccatorem erigat, non conijciat in desperationis abyssum. Et si enim nonnullis in saxum induratis malleo opus est, vt contendantur; cum quibus si leniter agas, laudare eos videberis, & in peccatis confirmare; qui vtique fortiter tangendi sunt, vt, per callum, dolorem persentiscant: sunt tamen alij, qui acri monitione penitus franguntur, quos quocunque flectas, si diuini amoris ac misericordiæ adhibeas suauitatem. His & concionator, & confessarius Deum iustum quidem, sed, in hac vita maximè, clementem ante oculos ponat; illum nempe Deum, qui *vocat auersos, donat peccata conuersis. patiens est super peccatores, donec conuertantur. Quandocunque conuersi fuerint: praterita obliuiscitur, futura promittit. Hortatur pigros, consolatur afflictos, docet studiosos, adiuvat dimicantes, neminem deserit laborantem & exclamantem ad se: donat unde sibi sacrificetur, ipse tribuit, unde placetur. Hoc magnum misericordiæ tempus, non nos transeat. Venturum est enim iudicium. Et tunc erit pœnitentia, sed infructuosa. Huiusmodi conciones, hamus sunt, quo trahuntur etiam in magno peccatorum pelago natantes: prunæ sunt, quibus bona indoles liquefit: flammæ sunt, quibus etiam frigida corda incenduntur.*

S. Augustin.  
in Psal. 32  
serm. 1.

X.

Quis beneficium nouit, & non amat? Quidquid huc vsque laboratum est, laboratum est, vt Deum bonum, iustum, misericordem, facientem omnibus bene, nosceremus. Vel Seneca, hunc ex hac notitia fructum agnouit: nam contra Epicurum disputans, qui Deum non esse de nobis sollicitum, nec conferre nobis

Ca. XLIII.

nobis v  
quem a  
Deus be  
do aliu  
nec ma  
exaudi  
facient  
rorem  
ficaces  
ribus di  
Quis es  
pœnam  
comple  
toro be  
quid e  
centib  
mensu  
benefi  
uas e  
de illo  
rum  
non v  
torum  
rent.  
do inna  
tribuit  
campu  
cur si  
tum  
torre  
lito  
Flu  
dan  
late  
nan  
rui  
sup

nobis vlla bona, sacrilegâ inscitia docebat, negat vllum esse, ad quem aliquid, ex illo benignissimo fonte, non manarit. *Non dat Deus beneficia, inquit, sed securus & negligens nostri, auersus à mun-* Senec. lib. 4. de benef. c. 5. 6. 7.  
do aliud agit, aut (qua maxima Epicuro felicitas videtur) nihil agit, nec magis illum beneficia, quam iniuria tangunt. Hoc qui dicit, non exaudit precantium voces, & undique sublati in celum manibus vota facientium priuata ac publica. Quod profecto non fieret, nec in hunc furor omnes mortales consensissent alloquendi surda numina, & inefficaces Deos, nisi nosset illorum beneficia nunc ultro oblata, nunc orantibus data, magna, tempestiua, ingentes minas interuentu suo soluentia. Quis est itaq; tam miser, tam neglectus, quic tam duro fato, & in penam gentis, ut non tantam Deorum munificentiam senserit? ipsos complorantes, sortem suam, & querulos circumspice, inuenies non ex toto beneficiorum caelestium expertes, neminem esse, ad quem non aliquid ex illo benignissimo fonte manauerit. Parum autem id quidem nascentibus ex aquo distribuitur? ut quae sequuntur in aequali dispensata mensura transeamus, parum dedit natura cum se dedit? Non dat Deus beneficia? Vnde ergo ista quae possides? quae das? quae negas? quae feruas? unde hac innumerabilia oculos aureis & animum mulcentia? Vnde illa luxuriam quoque instruens copia? neq; enim necessitatibus tantummodo nostris prouisum est, vsque in delicias amamur. Tot arbuta non uno modo frugifera, tot herba salutare, tot varietates ciborum, per totum annum digesta, ut inertis quoque foruita terra alimenta praeberent. Iam animalia omnis generis, alia in sicco solidoque, alia in humido innaescentia, alia per sublime dimissa, ut omnis rerum natura pars tributum aliquod nobis conferret. Flumina hac amoenissimis flexibus campos cingentia, illa praebitura commercijs viam, vasto & nauigabili cursu vadentia, ex quibus quadam, statis diebus, mirabile incrementum trahant, ut anhela & feruenti subiecta caelo, loca subuaria astriui torrentis irriget. Quid medicatorum torrentium vena? quid in ipsis littoribus aquarum calentium exundatio? Te, Lari maxime, teque Fluctibus & fremitu assurgens Benace marino. Si pauca quis tibi donasset iugera, accepisset te diceret beneficium, immensa terrarum late parentium spatia negas esse beneficia? si pecuniam tibi aliquis donauerit, & arcam tuam (quoniam id tibi magnum videtur) impleuerit, beneficium vocabis. tot metalla defodit, tot flumina emisit in ara, super qua decurrunt sola aurum vebentia: argenti, aris, ferri immane



446 Ca. XLIII. Omnes ad pœnitentiã & gratiarũ actionẽ vocari.

pondus omnibus locis obrutum, cuius inuestigandi tibi facultatem dedisti, ac latentium diuitiarum, in summa terra, signa disposuit. negas te accepisse beneficium? Si domus tibi donetur, in qua marmoris aliquid resplendeat, & tectum nitidius auro aut coloribus sparsum, num medicore munus vocabis? Ingens tibi domicilium, sine ullo incendiũ aut ruina metu, situm, in quo vides non tennes crustas, & ipsa, qua secantur, lamina graciliores, sed integras lapidis pretiosissimi moles, sed totas varie distincta q̃ materia, cuius tu parvula frustra miraris, tectum verò aliter nocte, aliter interdum fulgens, negas te vllum munus accepisse? & cum ista, qua habes, magno æstimes, quod est ingrati hominis, nulli debere te iudicas? Vnde tibi istum quem trahis spiritum? Vnde istam, per quam actus vitæ tuæ disponis atq; ordinas, lucem? Vnde sanguinem, cuius cursu vitalis continetur calor? Vnde ista palatum tuum saporibus exquisitis ultra satietatem laceßentia? Vnde hæc irritamenta iam lasa voluptatis? Vnde ista quies, in qua putrescis ac marces? nonne, si gratus es, dices? Deus nobis hæc otia fecit.

Namq; erit ille mihi semper Deus, illius aram

Sæpe tener nostris ab oculibus imbuet agnus.

Ille meas errare boues, ut cernis, & ipsum

Ludere, quæ vellem, calamo permisit agresti.

Ille Deus est, non qui paucas boues, sed qui per totum orbem armenta dimisit, qui gregibus ubiq; passim vagantibus pabulum præstat, qui pascua hibernis æstiva substituit, qui non calamo tantum cantare, & agreste atq; inconditum carmen, ad aliquam tantum oblectationem modulari docuit, sed tot artes, tot vocum varietates, tot sonos, alios, spiritu nostro, alios, externo, cantus edituros commentatus est. Neq; enim nostra ista qua inuenimus dixeris, non magis quàm quòd crescimus, quàm quòd ad constitutum tempus sua corpori officia respondent. Num puerilium dentium, nunc ad surgentem iam ætatem, & in robustiorem gradum transeuntem pubertas, & ultimus ille dies fugienti vitæ terminum ponens. Infra sunt nobis, omnium ætatum, omniumq; artium semina, magist'ergo ex occulto Deus producit ingenia; immo producit omnia, & producit sapientissimã bonitate temperata, ut iure ubique dicere possimus: Domine Dominus noster, quàm admirabile est nomen tuum, in vniuersa terra?

Psal. 8. 1.

I X.

Immo, quàm amabile? Idcirco dicitur: Oleum effusum nomen tuum, idèò adolescentula dilexerunt te; quæ oleo atque odore tan-

Ca. XLIII. Omnes ad poenitentiam & gratiarum actionem vocari. 447

re tantę benignitatis ubique spirantis suauissimę trahuntur. Quam adolescentula vocantur, vt exponit Origenes, animę in virtute nondum perfectę, sed incipientes. Hęc enim, teste S. Gregorio Nysseno, sunt, quę idcirco Deum diligunt, quia sentiunt nominis illius effusionem, fragrantiam, & suauitatem. Perfecti non spectant eiusmodi suauitates. Amant enim Deum propter Deum; amant, vt ament: quippe amor verus non est mercenarius, sed liberalis. Amor verus ille est, qui ait: *Sine viuimus, sine morimur, Domini sumus*. Siue extollimur, siue deijcitur, Dominum diligimus. Siue percutiat, siue sanet, Dominum amamus. Siquidem, vt Chrysostomus ait: *Amantis est, nunquam ab his abfistere, quę placent amato*: sed dicere: *Quis nos separabit a charitate Christi? tribulatio? an angustia? an fames? an nuditas? an periculũ? an persecutio? an gladius?* Quare de his, in altero volumine differendum est; vt discamus & illud dicere, quod sequitur: *In his omnibus superamus, propter eum, qui dilexit nos*. Diligit enim etiam, cum punit. Quam ob causam, multo magis exclamandum est: *Domine Dominus noster, quā admirabile est nomen tuum in vniuersa terrā?* Quod etiam vt, hoc titulo, admirabile esse, scias, LECTOR,

*Id quod maximę, in orbe, miror, hoc est:  
Oderunt homines Deum, nec ullam  
Nouerunt odij inuenire causam.*

Omnia ad maiorem diuinę Bonitatis  
gloriam.

Orig. in lib.  
duar. homil.  
in Cantic.  
S. Gregor.  
Nyssen. orat.  
1. in Cantic.

Rom. 14. 8.

S. Chrysost.  
hom. 1. ad  
popul.  
Rom. 8. 35.

psal. 8. 1.



R E

Pr

A

Abbate.

Abel per

Abraha

35. 8.

Abfalom

laqu

Abfine

Fulge

toru

Abyffus

Accepi

Accepi

Arhan

4. 6.

Akiso

Aciso

Adam

ftia

Eg v

condi

conie

intu

S. Adel

um

Adue

fic

rat

Si

Adun

1.

fa

re

AdEd

17

F N D E X 449  
RERV M ET VERBORVM  
TOMI PRIM I.

Prior numerus Caput, posterior Paragraphum indicat.

**A**aron forte electus. 34. 3. Quia 35. 4.  
Virga florent. 36. 7.  
Abbas diligenter debent visitare. 28. 7.  
Abel per sanguinem vindicta postulat. 4. 10.  
Abraham hospitalitas. 4. 11. servus fidelis.  
35. 8.  
Abraham mulier pro carnifice, erines pro  
laqueo habuit. 34. 13.  
Abstinentia bona. 16. 8. sequi. Virtus in  
fulgentio & Edmundo. 16. 12. Impera-  
torum. ibid.  
Abyssus iudicia Dei. 3. 2.  
Acceptio personarum non est in Deo. 5. 14.  
Accipiter Casibum defendit. 22. 1.  
Achan reus forte deprehensus. 34. 3. & 35.  
4. & 36. 5.  
Achisophelus impatientia. 33. 7.  
Ainoque suffocatus. Anacreon. 16. 14.  
Adam quantum habueris dominum in be-  
stias. 22. 8. 9. a Deo cibum accepit. 9. 2.  
& vestem. 10. 6. male putavit, se abs-  
condi posse. 5. 3. male culpam in uxorem  
concessit. ibid. eius ossa cur in arcam  
intulerit. Deut. 42. 19.  
S. Adalgundus calumnia sensum & solati-  
um habuit. 31. 15.  
Adversus prosperum praferenda. 26. 5. in of-  
ficio continent. & emendant. 30. 5. op-  
tatur a magnis. 31. 3. excedunt omnes  
virtutes. 31. 9.  
Adulterij suspitione liberata B. Virgo. 12.  
1. zelator elusus. 39. 15. crimine accu-  
sata a Pharisaeis. a Christo non damna-  
ta. 41. 5.  
Aedificia sacra miris prodigijs adiuta.  
17. 11.

Aeger a Deo, tempore hiemis recreatur  
fragis. 19. 7.  
S. Aegidij miraculū de tribu lilijs. 21. 5.  
aeterna nutriti. 22. 5.  
Aegyptij agros fortis. 34. 3.  
Aemulū meritis metum. 39. 14.  
Aenigma graphij. 17. 16.  
Afflictū parcendum. 30. 9.  
Agap pinguis occiditur. 16. 10.  
Agar ab Angelo compellata. 10. 6.  
Agladiū mira conuersio. 42. 5.  
Agni specie Christo ager farsus a S. Fran-  
cisco. 15. 4.  
Agresitur ad divinum iudicium evoca-  
tur. 37. 8.  
Agro incenso loab citatur. 31. 8.  
Aiaci eadem furor, iracundia imago. 40. 2.  
Atapā S. Benoni data iuxta Marchio. 37. 6.  
Alaricus dux, Dei flagellum. 30. 7.  
Alcei clementia. 6. 1.  
Alendi homines varij modi. 19. 1.  
Alexander, cur non magnus. 33. 6. libera-  
liter sacrificans, liberaliter recipit. 15.  
8. idcirco sapit. 31. 8. alim a S. Paulo Vin-  
dictam pradicente monetur. 37. 4. a-  
lim: cur duplici corona dignus. 5. 12.  
Albeydus argute delicatos religiosos per-  
stringit. 10. 5. in Eucharistia mel sen-  
sit. 19. 3.  
Alipius conuersus a perditione epistola S.  
Pauli. 34. 6.  
Aliter dicta, aliter accepta. 25. 7. sequi.  
Alphonsum iudicando industria. 35. 2.  
Alcernē vices fortunam Henrico. 29. 3.  
sequi.  
Aman gratia Assueri excidens a favore  
primo



primo non aditum. 14. 5.  
*Amara Vita dicitur*. 19. 12. *aqua ligno*  
*dulcis redditur*. 19. 5.  
*Amasis rex felix amicitiam renuntiat*.  
 26. 8.  
*Ambrosii remedium for.* 34. 3. *pana.* 40.  
 12. *seqq.*  
*Ambulare ebrj cur non possunt?* 32. 7.  
*Amicitia sanguinis permissione coalescit*.  
 43. 1. *feliciter dissolvitur*. 26. 8.  
*Amer Des etiam erga non bonos, bonos fa-*  
*cit*. 11. 6. *est causa sanctitatis* & *mi-*  
*raculorum*. 12. 8. *verus quis?* 43. 9. *er-*  
*ga misericordes*. 14. 3. *seqq.* *erga ini-*  
*micos*. 14. 6.  
*Amphilochj simplicis prudens strategema*.  
 21. 10. *seq.*  
*Anacreon acino sua suffocatus*. 16. 14.  
*Anania & Sapphira mors*. 37. 4.  
*Andobuntius rex vino perit*. 16. 14.  
*S. Andreas etiam spiritui succurrit*. 34. 9.  
*à S. Gregorio peculiariter cultus*. 34. 10.  
*Androgus à leone grato passus*. 22. 1.  
*Angelorum esca cur Eucharistia?* 15. 9.  
*Onuphrio & Bertrando*. 15. 10.  
*Angelus Agar & Abraham succurrit*. 10. 6.  
*B. Virginem defendit*. 12. 1. *Magos in*  
*stella instruit*. 12. 11. *Iosephum dormi-*  
*entem monet*. *curatq. omnes*. 12. 3. *so-*  
*latur*. 17. 6. *fert panem*. 17. 11. *seq.* *Quas*  
*& ficus fert Anachoretæ*. 18. 2. *cibos*  
*Hellens*. 18. 3. *manna*. 18. 4. *Mauris*  
*um inber domum redere*. 34. 15. *chorde*  
*saltu S. Franciscum recreat*. 19. 4.  
*Auna Austriaca Sancto menstruo monita*  
*ad mortem separat*. 35. 11.  
*Anima Sanctorum ad Deum clamantes*. 37. 4.  
*Animalia terrena à marinis diuersa*. 31. 9.  
*Anulus in mare proietus, recipitur*. 26. 8.  
*Animo prodest corpus languere*. 32. 11.  
*Anser Capitolium seruat*. 22. 1.  
*Antichristi nomen per numerum*. 36. 8.

*Antigoni presentia quanti?* 15. 5.  
*Antonius Pius Fortunæ statua alterius*  
*filij habendam linquit*. 23. 5.  
*S. Antonius Evangelio conuersus*. 34. 6.  
*Auum varicimans causa homicidij*. 36. 13.  
*Anxys & dubio cruciatu quid agendum?*  
 12. 1.  
*Aquila piscem S. Curbberto defert*. 16. 2.  
*Archeilani Vini hausta suffocatus*. 16. 14.  
*Aperendum Deopulsans*. 41. 11.  
*Apostatæ Volens microcausuresmetur*. 25.  
 7. *seq.*  
*Apostoli multa non intellexerunt*. 4. 6. *eo-*  
*rum tenebra*. 7. 2. *à Christo defensi con-*  
*tra calumnias*. 13. 11. *in piscatu à Chri-*  
*sto aduersi*. 20. 4. *nominati fortitio-*  
*ne electi*. 34. 9. *seq.*  
*Aqua è saxo ad baptismum emicans*. 14.  
 31. *dota nauigantibus è nube nuntium*  
*secuta*. 17. 14. *ex mare dulcis*. 17. 15. *ex*  
*arbores*. 17. 16. *quibus regibus?* 19. 10. *per*  
*lignum facta dulcis*. 19. 5. & 31. 13. *tri-*  
*bulationes significat*. 31. 9. *laboriose a-*  
*lijs per pauperem allata*. 41. 9. *mor-*  
*tuos viuificat*. 43. 1.  
*Aquila grata benefactori*. 22. 2. *Umbram*  
*facit*. *omen Augusto panem rapit*. 16.  
*seruata hominem seruat*. 22. 6. *contra*  
*serpentem defendit*. 16. *à polypo in mari*  
*mersa*. 42. 7.  
*Aranæ S. Felicem regis*. 17. 13.  
*Arbitrij libertas nullo facto tollitur*. 27. 3.  
*seqq.*  
*Arbor iustar fontis aquam stillat*. 17. 16.  
*Arca Noë aquis exaltata, tribulationis*  
*fructum denotat*. 31. 9.  
*Artes celestis quales dicatur homines fa-*  
*cere?* 27. 6.  
*Arsophanis mirum iudicium inter troas*  
*filios*. 35. 2.  
*Aristomenes cadens, ab aquila susceptus*.  
 22. 7.

Arnoldus calumniator emergit. 39. 7.  
 Arrha animæ est tribulatio. 31. 16.  
 Arisans tribus gustis seu geminis refu-  
 rari. 36. 10. (10.)  
 Artaxerxes aqua & pane delectatus. 19  
 Asella Virginis asperissima & sicca. 16. 1.  
 Asina instrumentum Des morientis. 4. 13.  
 Asperissima Vita Fulgentij & Edmundi.  
 16. 12. Asille Virg. 16. 13. Genouefa. 16.  
 Aspis cui sacra? cur & quomodo culta? 1.  
 2. an homo à matù dignoscatur? 1. 2. seqq.  
 à pueris innocentibus sine damno capi-  
 tur. 16. 6. (22. 1.)  
 S. Athenogeni cerna huiusmodi offerens.  
 Atheorum Vox. 5. 2. seqq.  
 Athletarum sortes pro antagonistis. 34. 2.  
 Atropos Parca. 27. 1.  
 Attila Des flagellum. 30. 8.  
 Auaritia ministrorum obest dominis. 17.  
 6. domitorum in Religiosos. 21. 2.  
 Audomarus cæcus esse cur maluerit? 32. 12.  
 8. Augustinus à mendicio discessit. 19. 11. à  
 puero doctus exhaussit non posse my-  
 sterium SS Trinitatis. 21. 8. nomen For-  
 tuna retractat. 24. 4. & 4. 6. conuer-  
 sum apertione epistoliarum S. Pauli. 34.  
 6 peculiariter colat S. Stephanum. 34.  
 10. forte & suu diuino instructu. 35. 5. &  
 ad alios feligendos. 35. 7.  
 Augusto imp panem è manu rapit aquila.  
 21. 2.  
 Auscula agro: Petro Canisio dimissus  
 n. issa. 19. 8.  
 Aulicorum artes & pieras incuriosa. 1. 1.  
 mores inuiles. 21. 11.  
 Aurum egeatibus miraculose submissum.  
 13. 6. in statuam Fortuna factum in cu-  
 biculis Principum. 31. 5. Virga explo-  
 ratum. 36. 6.  
 Auxilia humana & bi desunt, diuina ad-  
 sunt. 11. 1. seqq. & 11. 1. à damone non  
 petenda. 1. 11.

Bacchanalium iocus. 7. 11.  
 Baculus mirificus S. Columba. 16. 10.  
 Balsam asina. 34. 13. Vaticinium quomo-  
 do agnoscitur? 27. 10.  
 Balneo exiens moritur. 37. 10.  
 Baptismus a Christo Turca suadus. 41. 15.  
 diuina prouidentia Euanthio collatus,  
 non sine miraculo. 4. 1. Item Processio  
 & Martiniano. 16. 11. simulatè acco-  
 prui & suam exeruit in Genesio. 14. 6.  
 triplex Philemonis. 14. 7. quàm neces-  
 sarius? 16.  
 S. Barbara B. Stanislao Keska SS. Eucha-  
 ristia portat. 15. 3. esu patrociniis. 16.  
 S. Basilus Euangelio conuersus. 34. 5.  
 quos sanctos peculiariter coluerit? 34. 10  
 Beatorum felicitas descripta. 31. 2.  
 Bellerophonis littera. 28. 10.  
 Benedictio ceruæ predest. 22. 1.  
 Benedictum Dominum, & c. cantatum bene  
 omne. 25. 10.  
 S. Benedictus farinam à Deo miraculose  
 accipit. 17. 4. oleum orando impetrat.  
 16. n. 5.  
 Beneficia Dei quæ & quanta in omnes?  
 43. 10. offert Deus, sed repudiatur.  
 41. 14.  
 S. Benno clauem recipit à pisco. 26. 9.  
 Marchionē citat ad tribunal Dei. 37. 5.  
 Benoni cur filij Dei. 31. 4. simul filij de-  
 tori & dextera. ibid.  
 S. Bernardus clericum ad religionem vo-  
 cat. 25. 9. ad iudicium Dei promocat.  
 39. 13. fortiter fert salutem pecunie.  
 32. 10.  
 Bertranda spiritualiter communicans,  
 hostiam accipit per Angelum. 15. 10.  
 Bestia hominibus parentes varia. 22. 5.  
 earum etiam dum nocent, visitat. 22.  
 10. qd Deus spiritus tamquam ira sua  
 ministris. 1. 4. sape etiam in sanctis  
 oppos. 1. 5.  
 Lll 2. Beshaida



*Bethsaida* quid significet? 12. 9.  
*Bona* & *mala* à Deo. 30. 1. *bona* huius &  
*alterius* *vitae*, sunt *diuersa* *praemia*.  
 31. 6. (41. 3.)  
*Bona* *facere* *quomodo* *Dei* *proprium* *sit*?  
*S. Bonauentura*, ob *humilitatem*, *absti-*  
*nens* à *communione*, per *angelum* *acci-*  
*pit* *Eucharistiam*. 15. 11.  
*S. Bonifacii* *Martyris* *mira* *conuersio*. 42. 5.  
*Bonitas* *infinita* *Dei*. 41. 14. *seqq.* *immen-*  
*sa*. 6. 1. *Dei* *proximis* *in* *incarn-*  
*nati*. 11. 5. & 6. *in* *quo* *consistat*? 6. 3.  
*seqq.* *ea* *nonnullos* *malè* *scandalizari*.  
 41. 1. *seq.* (11. 8.)  
*Booz*, *erga* *Ruth* *benivolus* *figura* *Christi*.  
*Bes* *miraculosè* *missus* *in* *cibum* *pauperum*.  
 20. 6. *compensatus*. *ib.* *n.* 8.  
*Bese* *monachum* *iniuriosum* *punitum*. 37. 12.  
*Bibens* *moritur* *ambrosius*. 40. 14.  
*Burchardus* *Episcopus* *ad* *iudicium* *Dei*  
*is*. 37. 12.  
**C** *Alia* *cur* *fortuna* *pingatur*? 24. 2.  
*casitatis* *mala*. 7. 1. *seqq.* *Cacius*  
*esse* *maluit* *Audomarus*. 32. 12. *Cacius*  
*in* *Hiericho*, *quem* *significet*? 7. 1. *spontaneum* *Dei* *providentiam* *non* *videt*. 13. 13.  
*Caduca* *omnia*. 33. 4. & *n.* 6.  
*Calum* *hominis* *semper* *aspiciendum*. 31. 16.  
*Calum* *Misericordia* *protegens* *collatum*.  
 8. 7.  
*Caremonis* *ascripta* *veteres* *fortes*, *nunc*  
*non* *sunt* *amplius* *licita*. 36. 1.  
*Casar* *in* *mare* *non* *mesuens*. 12. 4.  
*Caspia* *prophetia*. 25. 8.  
*Calamitas* *cuiusq.* *maximè* *tolerabilis*.  
 26. 4.  
*Calendaria* *prohibita* *ob* *varicitiam*. 27. 6.  
*Calix* *capit* *sortem* *in* *euenda* *religionis*. 35.  
 9. *sacer* *per* *sortem* *datum*, *imperatorem*  
*facit*. 34. 2. *Domini* *bibendus*. 31. 13.  
*Calor* *stomachi* *ferrum* *consumit*. 31. 9.  
*Caluinus* *impie* *hamorrhoidam* *reprehendens*. 32. 7.

*Calumnia* *vis* 31. 15. *pena* *ibid.* *solatium*.  
*ibid.* *eam* *ab* *hominibus* *Demo* *repellit*.  
 13. 11.  
*Calumniator* *punitum*. 40. 12.  
*Cancer* *crucem* *refert* *S. Franc. Xaverio*,  
 26. 9.  
*Canes* *Cyrum* *alunt*. 22. 1. *canis* & *porci*  
*fabula*. 16. 10.  
*Cantus* *omen* *est* *Victoria* *Clodouas*. 34. 12.  
*Capitolium* *ab* *ansere* *seruatum*. 22. 1.  
*Caropauperum* *audia*. 17. 14. *ea* *ut* *hostis*  
*uoster*, *non* *delicate* *habenda*. 16. 7.  
*Caroli* *Magni* *iudicantis* *industria*. 35. 2.  
*Quintus* *abdicario*. 26. 2.  
*Carpi* *Episcopi* *visio*. 6. 7.  
*Casiblim* *accipiter* *defendit*. 22. 11.  
*Castitas* & *abundantia* *cibi* *aduersan-*  
*tur* *sibi*. 16. 7. *cuius* *pericula*. 42. 7. *seq.*  
*Casibus* *mira* *efficit* *Demo*. 25. 1. *seqq.* *q.*  
*omnia* *feri* *qui* *docuerunt* 24. 2. *Casus*  
*secundum* *Ciceronem* *quid*? 25. 1. *quid*  
*secundum* *S. August.* 24. 6. *quo* *modo*  
*differat* *à* *Fortuna*? *ib.* 10. *Par.* 33. 3.  
*mirabiles* *Henrici*. 28. 2. *seqq.* *Magna-*  
*sum*. 26. 2.  
*Catharine* *Aragonia* *unde*? 31. 7. *Senen-*  
*fis* *Christum* *praesentem* *habuit*, *cum* *ab-*  
*sentem* *putaret*. 12. 5. *desiderium* *Euch.*  
*acquiri*. 15. 7. *quandiu* *sine* *cibo* *vi-*  
*xerit*? 7. 6. *Eiusdem* *pugna*, *Victoria*,  
*visio* *ut* *ut* *serupulosis*. 12. 5. *Es* *bonitas*  
*Dei* *reuelata*. 6. 6.  
*Causa* *per* *accidit* *Fortuna* & *casus* *cur*? 24.  
*Ceade* *quid* *sit*? 22. 7. (8. 9.)  
*Centuplum* *pro* *elemosyna*. 20. 8. *receptum*.  
 13. 14. *eiusdem* *fraudatio*. 17. 6.  
*Cereorum* *accensio* *pro* *forte* *adhibita*. 34.  
 9. *superstitio*. *ibid.*  
*Cervus* *S. Ita* *pralucens*. 34. 13. *cervus* *du-*  
*arix*, *Victoria* *omen*. *ib.* 12. *S. Aegidium*  
*nuitit*. 22. 1. *alia* *Athenogeni* *hinnu-*  
*lum* *queramus* *offert*, *ib.* *alia* *Hannu-*  
*gram*

Viam ad Scythas monstrat. ib. alia Clodouo. ibid.

Chalcidij de Christum significatura stella testimonium. 27. 10.

Choristae multos in hac vita retinet. 38.

2. Dei immensa. 6. 1. seq. 11. 6. 7.

Childericus cibo perit. 16. 14.

Chosrois calum ficitium. 1. 1.

Christi in diuinitas auti miraculum. 14. 8.

Christianorum cadauera supina natantia. 41. 15. q. quantum patiendi amorem & patientiam habuerint? 40. 8.

Christi tota vita arumina plena. 31. 11. alternata vices per prospera & aduersa. 29. 6. Eius vox, Ego sum, quam potens?

1. 14. bonitate offensi mali. 41. 1. figura.

Elisem miraculose populi pascenti.

17. 2. Christum patientia exemplum. 40.

7. quas mortuos resuscitauerit? 38. 4.

ad Patris iudicium promouens. 37. 4.

Philemonem baptiz. 14. 7. serpenti

similis. 16. 1. seq. iudicat quatuor mo-

dis. 1. 9. seq. est iudex cordium. 5. 4.

seq. Carpo Episcopo qualis apparuerit.

Et misericordiam doceret? 6. 7. Furs ap-

paret in occipite oculatus. 7. 6. quomo-

do per stellam agnitus? 27. 10. 31. quo-

modo stella factum? ib. n. 9. in latere

panem atrum tingens dulcem facit.

19. 4.

6. Chrysostomus exul. à SS. Petro & Ioanne

Apostoli. praefer consolationem, Eucha-

ristiam accipit. 15. 3. 8. Paulum pecu-

liariter coluit. 34. 10.

Chrysalinus globus diabolum inclusum

habet. 36. 11.

Cibum pretiosorem nobilioribus dat sa-

culum, ut contrarium facit Deus. 1. 1.

quàm paternè suis prospiciat Deus? 9.

2. Vitam nauseatum sapidum facit san-

guis Christi. 9. 1. compensat absentem

Deum. ib. n. 6. si intelligeret, mallet

bonos alere, quàm malos, & cur? 19. 8.

eius condimentum fames. 19. 10. nimis

persere Domitius, Septimus Severus, Pa-

lentinianus imp. & Iovinianus imp.

Childericus. 16. 14.

Ciceronis cum Fortuna pugna. 24. 5.

Citatio ad diuinum tribunal quàm mul-

tiplex? 37. 1. à quibus facta? ib. n. 3.

seqq. ad citati comparere coacti. 39. 2.

seqq.

Cithara symmetria. 8. 7.

Clauis in undas sparsa redeunt. 34. 14.

Clearchus timor Christi. 5. 15.

Clemens VI. pont. ad iudicium Dei cita-

tus. 39. 9.

Clementia Dei se finientis de decreto di-

moueri. 39. 31. immensa. 6. 1.

Cleantes Fati assertor. 27. 1.

Clodonai omen de victoria, cantus, corina.

34. 12. si Viam à cernis ad hostes di-

scit. 22. 1.

Clobo Parca nomen. 27. 1.

Clymene mater Phaethontis. 31. 1.

Conradus rex sceptrum relinquit. 26. 2.

Cognitio Dei in quantum se extendat? 3.

6. seqq. 5. 4. seqq. & ad ea qua non

sunt. 5. 6. cognoscere quàm pulchrum?

6. 1.

Colendus Deus non ob temporalia. 33. 8.

Colloquiorum piorum Christi. 18. 6.

Columba scbedam criminis indicem tulit.

25. 12. ea specie & spiritum affert Euch:

15. 13.

8. Columba mirificus baculus. 26. 10.

9. Columbanus mortuus à discipulo contra

calumniatorem defenditur. 37. 8.

Communio spiritalis & Thoma, & An-

gustino quid? 15. 8. 8. Francisco qua &

quàm similis. 4. seq. realis commu-

nio efficacior, spiritalis frequentiori

15. 1. nulla excusatio est hanc negligen-

tiis.



- sibus. *ib. n. 10.* quanta ad eam propa-  
ratio necessaria? *ibid. n. 12.* indigni à  
dignis segre agantur per S. Thomam Apo-  
stolum, & per angelos. *ib. 13.* indigna  
quantum peccatum? *ib. 14.*
- Communitas iustitia an, & qualis in  
Deo? *5. 9.* eius fructus. *5. 10.* Confessio  
bona est, etsi confessor sit in alia de  
aliquo peccato sententia, quam confi-  
tens. *15. 2.* à Christo suscipi deservit.  
*41. 13.*
- Confessorum & concionatorum est ad  
spem erigere. *43. 8.*
- Confidentia in Deo, in necessitate summa.  
*15. 15.*
- Confirmationis sacramentum miraculo  
innuitur. *14. 8.* à Novato negligitur  
cum fidei damno. *ib. n. 9.* non negligen-  
dum. *34. 4.*
- Confugiendum ad Christum in malis. *15.*
- Conradi II. Imp. laus. *28. 2.*
- Conscientia terror. *37. 10.*
- Constantini Ap. patientia, statua ipsius la-  
sa. *32. 11.*
- Consulere Dominum quid? *36. 9.*
- Contemptus rerum terrenarum, causa mi-  
raculorum. *12. 8.*
- Contraria artis media stiliter adhibita.  
*21. 1.*
- Contritionis vis. *43. 6.*
- Conversio mirabilis philosophi. *21. 15. 8.*  
Pauli. *14. 1.* & seq. in eam à Vipera  
Paulum mordente posuerit conijci,  
eum homicidam, aut reum esse? *1. 3.*  
seqq. S. Basilij per Euangelium. *34. 5.*
- Conversus Eremitarum. *16. 3.* opponitur  
conversio mundi. *ib. Peccatoris luctuo-  
sum. 40. 14.*
- Corinthus collibus attollitur. *29. 4.*
- Corporis dolores quomodo ferenda? *32. 11.*
- Corvini, cur à corvo nomen? *22. 2.*
- Corum contra hostem pugnat. *22. 2.*
- Credendum, & altiora mysteria, ita &  
iudiciorum Dei iustitiam. *5. 13.*
- Crossiculus. *2. 2.* consilium bonum. *ib. n. 3.*
- Crantor vitam frugalem comparat Itha-  
cæ. *16. 11.*
- Creatura innocentibus parent, in statu  
iustitia originali, & extra eam sub-  
inde. *22. 5.* ad Creatorem nos ducunt.  
*27. 12.* earum natura ab oratione sim-  
latur. *39. 12.*
- Creta furem prodit. *25. 14.*
- Creon Fati manuscriptum. *27. 11.*
- Cruentum inexhaustum nummis. *17. 14.*
- Cruis omnia dulcescere facit. *19. 5.* eius  
signo lupus domatur. *22. 5.* Venenum  
pellitur. *ib. n. 6.* Crucifixus Polycrates  
felix. *16. 8.*
- Cubiliis principum aurea ornantur For-  
mæ. *32. 5.*
- Cultus martyrum quam utilitas? *42. 19.*
- Cura Deverga homines quantæ ex mentis  
Secretis? *10. 1.* temporalium non sem-  
per mala. *ibid.* sed Dei plura faciendæ.  
*10. 2.*
- Curiositatis insignis panis. *36. 13.*
- Currus cur Elias, cur Deus dici possit?  
*5. 2.*
- S. Cuthbertus Heriberto mortem impetrat.  
*38. 11.* Esper aquilam Deum piscem mis-  
sit. *16. 2.*
- Cyrus rex cur in plano Persas noluerit ha-  
bitare? *11. 1.* à canibus alitur. *22. 11.*  
nomen felicitati credens, perit. *26. 3.*
- Danielis inter leones securus. *22. 9.* se-  
nes docet. *21. 6.* Eius & tyrum  
puerorum cibis. *16. 3.* Eisdem de cibo à  
Deo prospectum. *17. 2.*
- David quo modo per vias relictas ductus?  
*29. 5.* ad Deum iudicem provocavit.  
*37. 3.* Oratione Dei decrevit mutavit.  
*39. 11.* Tulipa similis, sed & dissimilis.  
*30. 31.*

*Debitor Deum qualis?* 5. 9. *seq.*  
*Debitorum mirabilis solutio.* 26. 7.  
*Decorata virga in fortes & surpata.*  
 36. 6.  
*Decretum DEI quomodo muset oratio?*  
 39. 11.  
*Defunctum honorat cerva.* 22. 1. *defun-*  
*ctam aquila.* 26. n. 2.  
*Delicias mensa Lacedaemonij remouent.*  
 19. 10.  
*Demetrius odit fortunam tranquillam.*  
 31. 7.  
*Demosthenis laudata cum malis consue-*  
*tudo.* 15. 15.  
*Derelicti ab alijs, à Deo iuuantur.* 15. 15.  
*Desiderium baptismi.* 14. 7. 8. *Euchari-*  
*stia.* 11. 2. 3. *seqq.*  
*Desperandum nulli.* 42. 1. *seq.* *qui despe-*  
*rare maxime soleant.* m. 3. *maxime*  
*peccant.* 41. 4. *desperati emendatio à*  
*Christo ipso procuratur.* 41. 13.  
*Detractores absentium quam insaniant?*  
 7. 15.  
*Deum unde dictus?* 5. 4. *aliquis est.* 5. 2.  
*seqq.* *versus ad pensandum bestijs.* 1. 4.  
*est omnipotens.* 3. 6. *seqq.* 5. 4. *incompre-*  
*hensibilis.* 3. 2. *seqq.* *currus similes.* 5. 2.  
*omnia portat.* ibi. *in quo curru ipse se-*  
*des.* 5. 4. *omnia nouit.* 5. 5. *remune-*  
*ratur.* 5. 11. *seqq.* *punit.* 5. 11. *est immen-*  
*se bonitatis.* 6. 1. *& charitatis.* 6. 2. *cur*  
*dicatur pater misericordiarum?* 26. *lon-*  
*ganimis.* 6. 4. *multò quàm homines ele-*  
*mentior.* *Carpo Episcopo ostensus.* 6. 7. *so-*  
*li similis.* *& oculo.* 7. 1. *est pater lumi-*  
*num.* 26. *debet irasci.* *& benefacere.* 8.  
 1. *seqq.* *alios suos.* 9. 2. *homines curat.*  
 10. 1. *eo praeipue nitendum docet.* 8. *ig-*  
*natius.* 10. 2. *in mundo contrarios mo-*  
*res habet.* 10. 1. *alios pauperes.* 26. n. 2.  
*omnia est in omnibus.* 13. 1. *succurrens*  
*Adamo, Noe, Abrahama, Agar, Isaac,*

*Iacob, Ioseph, Israelitis.* 1. 6. *& seqq.*  
*Aequè rimendum ac amandum.* 14. 9. 5.  
*fortes in manu habet.* 39. 1. *pater, ma-*  
*ter, & cognatus magni iuuat.* 13. 3. *ca-*  
*sus diregit.* 25. 3. *seqq.* *iudicium iudex*  
*est.* 39. 1. *auctor & consolator malorum.*  
 30. 9. *seqq.* *solum magnus.* 32. 11. *non ob*  
*temporalia colendus.* 33. 8. *Dei & Filij*  
*Dei fides quomodo philosofo persuasa?*  
 21. 19. *Dei est nocere bestias frangere.*  
 22. 9. *Ex nitendum, cum omnia alia*  
*desunt.* 10. 4. *pulsant.* *aperiendum.* 41.  
 1. *nullum Epicurus agnoscit.* 24. 1.  
*Diabolus mendacis falsus.* 36. 12. *Fortu-*  
*nam & deam cur seruauerit?* 14. 7. *se-*  
*uatis.* *vincitur.* 15. 8.  
*Diademati exoratio.* 32. 11. *eo se suspen-*  
*dit.* *Mongma.* 32. 11.  
*Diava ab epulo exclusa dictum.* 15. 1.  
*Didacus Lopezum diebus per singulis B. P.*  
*& procedente die seruauit.* 16. 7.  
*Didrachma quid?* *& an à Christo iure*  
*exaltum?* 3. 5.  
*Dies Domini non desideranda.* 40. 5.  
*Diffidens Deo manet pauper.* 13. 13.  
*Dignitatem putantur sidera.* 27. 12.  
*Dilectio inimicorum.* 10. 5. 6. 7.  
*Diocletianus ludum in seruum baptismum*  
*versus.* 14. 6.  
*Diogenes Platonem & profusum carpit.*  
 16. 1. *eius de paupertate dictum.* 16. 11.  
*Dipsas qualis serpens?* 42. 7.  
*Discipulus magistrum defensorum ad di-*  
*uinum iudicium vocat.* *eius calumnia-*  
*tores.* 37. 8.  
*Discrimen inter bonos & malos.* 1. 11.  
*Distributiva iustitia an in Deo?* 5. 11. *eius*  
*exempla.* 5. 12. *seq.* *eius finem.* 5. 14.  
*Discere facit liberalitas in pauperes.*  
 20. 9.  
*Diuino pro industria iudicij.* 35. 2.  
*Disiunctura perfortes iacta.* 35. 4.  
 Diuites



- Diuites egentes.* 17. 1. pluribus morbu' Ge-  
xantur. 9. 6. ad dandum obligantur.  
9. 7. seqq. eorum mala. 16. 8. seqq. ama-  
ra vita. 19. 12. insatiabilis. 16. 8. co-  
rum. & pauperum metamorphosis. 16. 4.  
*Diuitiarum qua felicitas?* 32. 5. qua con-  
stantia? ib. n. 6. seqq. ea faciunt sco-  
leratos. n. 7.  
*Dolium vini* miraculose durat. 17. 12.  
*Demonium* prognostico significatum. 25.  
13. Dei absolutum. 5. 8. seqq. homini  
in bestias. 22. 7. & 8. 9.  
*Dominum nimio cibo pergit.* 16. 14.  
*Dormientibus* hominibus Angeli pro eis  
vigilant. 12. 3. & ipse Deus. ib. 4.  
*Dubitantes* cur loquatur Deus? 24. 12. 13.  
*Duces belli* non debere esse crudoles. 39. 2.  
seqq. aut nimio scueros. 39. 14.  
*Dux* ceruus. 34. 12. & ceruus. n. 13.  
*Dulcedo Dei.* 18. 1. seqq. pauperum. 19. 12.  
panis. 18. 5. Eucharistia. 9. 3. sangui-  
nis Christi. 9. 4. aquarum, lacryma-  
rum, laborum. ib. n. 5. inopia. & famis.  
ib. n. 6.  
*Duplicia omnia* cur ebrijs & furiosis ap-  
pareant? 32. 1.  
*Dux belli à puero* prostratus. 25. 6.  
**E**risoforum mala. 10. 8.  
*Ecclesia* bonorum Violenter punitur.  
40. 15. ea nec ab Episcopis violanda. 37.  
12. eius caput reginam Anglia negau-  
tes. ad patibulum damnati pronocant  
ad Deum. 31. 9.  
*Edendi sollicitudo.* 9. 1.  
*Edildrida* patiens in morbo. 31. 8.  
*Edmundi abstinencia.* 16. 12.  
*Egestas diuitem.* 17. 1.  
*Egidium* vulneratus cur sanari noluerit?  
32. 11.  
*Eleazar* abstinencia exemplum. 7. 14.  
*Eleazar & Ithamar* in ministeria for-  
te dimissi. 35. 4.  
*Electio Sanctorum* in pateris antiqua est.  
34. 9. 10.  
*Elemosyna* causa superbia. 32. 9.  
*Eloushenim* in carcere à Christo Eucha-  
ristiam accipit. 15. 12.  
*Elia* corui alunt. & Vidua. 9. 2. eius  
paruus, sed potens cibum. 16. 3. Zelus in:  
30. viros. 37. 3.  
*Eligenda non sunt, sed acceptanda mala.*  
33. 8. Eligenda qua fortuna? 31. 7. eli-  
gere semper bonum, immò melius, cuius  
fuerit? v. 9.  
*Elisabetha* Vidua lubens misera. 31. 3. pe-  
culiare patronum sortitur diuinitas.  
8. Ioannem Apostolum. 34. 11.  
*Elisem* figura Christi populum pascentis.  
17. 2. eius zelus contra malos pueros.  
37. 3.  
*Empedoclis* stultitia in Aetnam insiliem-  
tis. 32. 11.  
*Emprio* bonis simplicissima. & fidentissi-  
ma. 20. 7.  
*Epaminondas* parciis vitium. ne irriter?  
26. 2.  
*Ephod* quid? 36. 9.  
*8. Ephraim* praesentia Dei conuersis impu-  
dicam. 7. 11.  
*Epicurus* Deos omnes è medio cur tollat?  
24. 1. Deorum & gratiam negauit.  
8. 2. eius affecta de Dei prouidentia  
malè sentiunt. 5. 4.  
*Episcopus* à monacho iniuria affectus Deum  
vindictam obtinet. 37. 12.  
*Epulo* & Lazarus in fortuna rota. 26. 6.  
*Epulonius* praeuium & pauca. 31. 6.  
*Epulum* in Natali Christi pauperibus da-  
tum. 20. 6. sacrum non omittendum.  
15. 1.  
*Equitatus* lesa, pauperes. 20. 6.  
*Equus* huiusmodi arte regem facit, non est  
samen propriè fors. 35. 2. inuenitur huius-  
modi. ibi apostolorum casu perfectiss. 25. 5.  
Eremis ac

*Eremitas Dens miraculose alis: 18. 3. 5*  
*et eorum Vita. 16. 3. seq.*

*Erkenbaldi iustitia miraculo approbata.*  
15, 2.

*Ernestus II. Dux puerum expositum repe-  
rit. 28. 8.*

*Error Varietatum Mathematicorum.*  
36. 13.

*Esther quantum auxilium tulerit? 10. 12.  
fuit figura B. V. sb.*

S. Erhel & Gald, confirmationis sacramen-  
tum collaturi, ampulla missa plenior  
reperitur. T. 4. 8.

*Ethnicorum de fortuna disputatio. 33. I.*

*Euangelio conuersus S. Basilus. 34. 5.*

ES S. Antonius, item S. Augustinus, ES  
Alipius: ibid.

*Eucharistia iustis amatoris morituro  
negata, miraculose datur. 15. 2. Item*

Εὐδ. Chrysostome, Stanislaos Koska, Μα-  
ρια Αγγελικη, Σο. Lucia, gladio trans-

fixa, suspensio per triduum. ib. num. 3.  
S. Onuphrio ab angeli data: 15. 9. e. ff.

osculum erit, ib. item Friderico Ratisp.  
ib. Bertrando ib. n. 12. Marco man-

ib. Destrahat ib. n. 10. Marti mona-  
cho, ib. n. 11. & alijs pluribus, ib. seqq.  
ad Gl'f'ic'is Nicolae Helveticus: 12. 3

ca sola vixit Nicolaus Helvetius. 19. 2.  
 Et S. Catharina Senensis. 9. 6. ca pra-

sent homines verentur peccare. 7. 10.  
in viaticum quam necessaria? 41. 15.

*Eunuchi Candari conversio: 14. 1.*  
*B. Eustachius ad dominum iudicum Co-*

est calumniasorem. 37. 8.  
Enstochy. Archiep. misericordia in agram.

31. 5.  
*Excitant dimitia*, 32. 7. *Soluprates*, 32. 1.

Fabri Filius Christus, & Gregorius  
VII. 25. 12.

*Fabula de imagine in bella Magorū, 27. 31.*  
*Exnerari licet? & Scilicet. 12. 14.*

Fames ingens quid suadeat? 20. 11. cura-  
tur farina à Decomissa. 17. 4. ad ten-

sandum emmissum, ib. 8. diuissum, 17.

1. *pauperibus non nocet*, 10. 2. *cloridimentum*, 19, 10. *Samarra curata*, 20.  
3. *Amicus*, 15. *Fructus*, 15. 8

3. *spiritualis Eucharistie.* 15. 8.  
Farina S. Benedicto miraculosè missa.

17. 4.  
*Fatum quid sit? 24. 9. quosensu tolères*

S. Aug: 16. 16. quo sensu verum sit? ib:  
 ¶ seqq. Deo ¶ libertati arbitrii con-

trarium, 27. 33. seruum non excusat. 16.  
non accusandum. 25. 2. es stultè permiss-

suntur omnia. 27. 13. 14. 15. eius ne-  
cessitas à quibus offerat? 27. 1. quid

*Sulguis, quid veritas de fato afferat?*  
ib. n. 2. quomodo refutetur ib. n. 2. (eqq.)

Favorinus cum Imperatore simul atq̃ ge-  
nere cum fuerit administratione? 6. 8.

*S. Faustino in carcerem affert sacram bo-*

*Faune distillans quid?* 19:3.

*Feliciſſima fortuna periculoſiſſima. 31. 7.*  
*Felicem eſſe infelicem, 32. 1. feliciũ me-*

ius quis? 26. 2. Felicitas Beatorum de-  
scripta. 32. 2. Veraque huius & alteri-

in Vita simul habere neque. id. futurum



*Ferrum struthio* & homo digerit. 31. 9.  
*Festi perungelium* seruans premiū à Deo accipit. 13. 12. festo corporis Christi communicandi desiderium impletur diuinitus à S. Laurentio Iusteniano. 15. 5.  
*Firm* ab angelo allata. 18. 2. miraculosè aucta. 17. 12.  
*Fidelitas Dei*. 5. 9. seq. fidelis & infidelis seruus. 17. 5. 6.  
*Fides non habenda fortuna*. 26. 6. fide tangendum Christum. 12. 6.  
*Fiducia in Deum eius compensatione liberali* accenditur. 14. 4. 5. pauperū 20. 10. multis miraculis confirmatur. 17. 4. seq. diuites facit. 13. 12. 13. 14.  
*Filia* malè educata matri insignem mercedem reddit. 43. 5. adu. pauperes à B. V. dotata. 13. 1. filius. à patre flagellatur. 30. 5. filius Dei, patre non minor, nec minore honore colendus. 21. 12. seq. Des filij cruce & morte insignes. 31. 2. Spartanorum ibi: suis prouidet Deus. 20. 1. prodigo quantam Deus misericordiam exhibeat? 41. 7. filiorum signum castigatio patris. 31. 1. eorum suparentes pietas, aut crudelitas. 35. 2.  
*Timbræ talis*. fauat. 12. 7. & S. Iacobi. ibi. n. 7. & monachi cuiusdam. 8.  
*Finis omnium idem*. 33. 6.  
*Flagellatio Spartanorum iuuenum*. 31. 2. aliorum ibi. 8.  
*Flagellus se offert paratū* David. 30. 3. Gerila. ibi. 4. Des, Alaricum & Attila. n. 7. & 8.  
*Flaminus baptisimus*. 14. 7.  
*Flos homini comparatus*. 30. 2.  
*Fons ex arbore, dente, uape*. 17. 16. Varij & electi. 12. 9. mortui & uiuificati. 4. 1.  
*Fortè, forsan, fortasse, fortissò auireas dicere?* 24. 6. 7.  
*S. Fortunatus mortuum resuscitauit, querentem se suscitatum*. 38. 3.

*Fortunati crumena quàm cana?* 13. 8. hoc cognomen cur datum Iacobo principi? 25. 11.  
*Fortuna quid sit propriè?* 24. 8. seq. quomodo differat à casu? 24. 10. quid illa poëtis, oratoribus, philosophis, & alijs? 24. 2. 3. fortuitus casibus contraria est, ibi. 1. qua melior? 31. 7. bona & mala. 25. 1. eius varia nomina & causæ. ibi. aurea, uiscata, cum Pluro priuata. 32. 5. inconstans. ibi. n. 6. fortuna & felicitas quomodo differant. 32. 4. eius exemplum S. Eustachius, Sofia. 32. 14. & 33. 4. eius mirabilis in Henrico uarietas. 28. 2. seqq. Varij insultum. 33. 3. alteratio. 29. 3. 4. eius uirga quænam licita, uel illicita? 35. 13. eius scala. & inconstantia. 26. 1. seqq. non est Deus. ibi. n. 1. et stultè omnia scribis 24. 3. eius nomen ab Augustino reuocatum. ibi. n. 4. qui eam impugnari? ibi. & seqq. quid sit? ibi. n. 7. eius refutatio. ibi.  
*Fouea Ceade*. 22. 7.  
*Froga tempore hiemis agro data*. 19. 7.  
*Franciscus Caselani* uocatio per sortes. 35. 9.  
*Franciscus, à puero IESU dilectus, in Natali Christi epulum pauperum dat*. 20. 6.  
*S. Franciscus Asisicus & Xaverius à martyrio impeditis* cur? 4. 7. 8. Xaverius crucem à cancro recipit. 26. 9. Asisicus lupum ferocem domat. 22. 5. quale suū uaticinium dederit? 17. 8. musica Angelica recreatur. 19. 4. agnum affert agro, & sanat. 15. 4. forse decetur, passionem amplectendam. 35. 6. B. Borgias: menstruum fortitionem propagat. 34. 8. de Paula prodigiosè in ædificijs adiutus. 17. 11. & 12. Franciscus Dux citatus ad iudicium Des. 39. 3.  
*Fridorici*. 11. 1. industria in equo amissa reperiendo. 35. 2. Fridericus Ratisponensis desiderium commutare mira-

culio-

culisē hostiam accipis. 15. 9.

9. Fridolinum mortuum ad tribunal exci-  
tat. 37. 5.

8. Frontonij fiducia in Deum, & mirū mi-  
raculum. 9. 3. seqq.

Fructus S. Spiritus. 11. 7.

Fugitivus à gratia Dei retrahitur. 10. 4.

B. Fulgentij abstinentia quantitas. 16. 12.

Fulgor & lux quid significent? 32. 1.

Funem extrahens superstitione fuit per-  
it. 36. 13.

Hariosi. cur omnia duplicia appareant?

Har casu mirabili proditus. 25. 14. plus

perdit, dum quare minus. 13. 12. afor-

pente captus. 22. 2. conversus oculis in

occipite Christi reperit. 7. 6. furis ma-

nifestatio miraculosa. 10. 7. eum falsè

accusatus ad iudiciū Dei provocat. 39.

15. furtum equi ingeniose deprehendi-

cur. 35. 2.

Natura respicienda. 31. 16. ea cognoscere

solum Dei, & cui ille vult revelare.

37. 11.

**C**ebennam extinguit tribulatio. 31.

5. 6. & adversa. 30. 5.

Gemini diversis moribus fatum refutant.

27. 4.

Gemma ff. Trinitatis symbolum. 36. 16. o-

sculatur, an qui ingratis? 16.

Genesis ē mīmo impio repente in pium

Christianum & fortissimū martyrem

mutatus. 14. 6.

Genovefa asperissima vita. 16. 13.

Georgium Clarentia Comes maluitico vino

mergi volens. 41. 15.

Germanorum mos fortissimi. 34. 2. & 36. 6.

8. Gertrudi revelatur ingens Dei bonitas.

6. 8. item, quacunque mala vitissima?

33. 8.

Globocur insit foris? 24. 2.

Gonsalvus circumiens ad diuinum tribu-

nalrides. 38. 7.

Gerhfredus Viterbiensis quā fuerit?

28. 2.

Gradus beatitudinis in calo esse. 32. 2.

Graphij anigma. 17. 16.

Gratia Dei retrahit fugitivum. 10. 4.

spem Virginis confortat. 10. 4. indignū

oblatus. 14. 1. esca capaxior; gratia plus

accipit. 41. 3. hominem eleuans calori

simili. 5. 14.

Gratitudo pro aduersis trium puerorum.

30. 10 seq. aquila & lupi. 22. 6. cer-

ua & leonū. 22. 1. aquila. 16. n. 2.

8. Gregorius S. Andreæ peculiariter co-

lor. 37. 10.

Gregorius septimum, patris filium, puer o-

men quale habuerit? 25. 13.

Groninga mirabili casu defensū. 25. 6.

Gualterus Burgenfis Episcopus priuatus

ad Deum appellat de sepulchro. 37. 7.

Gubernaculum cur fortuna manu tene-

at? 24. 2.

Gustielmus Moguntinus citat Imperato-

rem ad iudiciū. 39. 8.

**H**AE morrhossa fides & auxilium

11. 6. auferit eadem cum Mar-

tha? aut qualis? ib.

Harresicos non tolerandos. 21. 10. seqq. Ha-

retizantes catholicos. 7. 14.

Hellen Abbas ab angelo cibis accipit. 18. 3.

Henricus Moguntinus ad Dei Tribunal ap-

pellat. 39. 7.

Heraclius Episcopus Ecclesiasticorum bi-

norum defensor strenuus. 40. 15.

Herba suaves in cibum ab Angelo mon-

strata. 18. 3.

Heriberto amico mortem impetrat Cum-

bertus. 38. 11.

Hermannus cur Ioseph vocatus? 13. 7. po-

cutiam à Despara accipit. ib.

Hermetis de bonitate Dei iudiciū. 41. 3.

Herodi similis Conradus Imperator successō-

rē frustra conatur à modo tollere. 28. 4.

M. m. m. 2.

Hir-



*Hircus* forte electus. 34. 3. & 35. 4.  
*Homerus* fati assertor. 27. 1.  
*Homicidium* diuinum proditum. 25. 12.  
*Homo* flori similis. 30. 2. proponit, *Deus* disponit. 25. 6. eorum impietas. 1. 5. re-  
 ctis omnia profunt. 20. 1.  
*Honoris* Vanitas. 32. 11. eo affectu humili-  
 tas meretur Christi manus accipere Eu-  
 charistiam. 15. 12.  
*Horologij* artem etiam nescij mirantur,  
 & non mirantur artem Dei. 4. 5.  
*Horoscopi* ineptia. 27. 5. quem Christus di-  
 catur habuisse? ib. n. 7.  
*Hortulanum* simulat Maurilius. 34. 14.  
*Hortus* à serpente custoditus. 22. 2.  
*Hospitalitas* eremitarum. 18. 5. Hospites  
 cercatim inuitati. 17. 7. diuersi diuer-  
 se accepti. 10. 5.  
*Hostia* sacra desiderantibus miraculose  
 allata. 15. 8. 6. 7.  
*Hostis* à corno oppugnatus. 22. 2. Erhem ob-  
 fidens diuinis terretur. 36. 10. misfe-  
 ricors. 36. 9. etiam in hostem non de-  
 bet sauire. 39. 4.  
*Hugolius* Girardesci luctuosa fortuna.  
 26. 6.  
*Humilitas* S. Bonauentura meretur Euchi-  
 dinismus accipere. 15. 11. item & Ho-  
 norati. ib. n. 12. S. Ioannis Elemosynarj  
 ob naufragium. 32. 9. exaltatur. 26. 2.  
 eius causam habet, qui iudicis Dei  
 perpendit. 2. 10. item qui Dei senten-  
 tiam cum sua comparat. 3. 15.  
*Hannu* viam ad Scythas monstrat ceruus.  
 22. 1.  
*Hydropicum* non vult sanari. cur? 31. 5.  
**I**acob patriarcha patientia. 33. 7. et &  
 filijs de cibo prospexit *Deus*. 9. 2. fac-  
 currit *Deus*. 10. 7. quomodo per vias re-  
 ctas ductus? 19. 5.  
*S. Iacobi* Apostoli simbriam tangere cupie-  
 bant. 12. 7. Iacobus Arragonia rex forte

nomen accepit. 34. 9. Iacobus fortuna-  
 tus unde dictus? 25. 11. (seq.  
*Iactura* diuitiarum non estimanda. 32. 9.  
*Ianitorum* Noë egit *Deus*. 10. 6.  
*Ianus* non fabulatus. 7. 6.  
*Icare* quid similis? 4. 14.  
*Iesum*, tibi condementum. 19. 10. quidem  
 Gesu? 16. 3. & 4. quale sit diuinitus? ib.  
 n. 7. & 16. 9. in peruijs B. P. & pra-  
 cedenti die Didaci Lopezj. 19. 7.  
*Ieremias* diem Domino dicere non voluit.  
 40. 5.  
**I E S V & M A R I A E** nomen diabolus fu-  
 gat. 36. 11. duodennis docet seniores. 21. 6.  
 S. Ignacius Loyola lectione piorum librorum  
 conuersus. 34. 7. ab homicidis per mon-  
 lam abductus. 34. 12. Deipara Virgini-  
 tatem defendit. ib. socios fortis mite-  
 rit. 35. 7. Etiam in *Deum* fiducia. 17. 10.  
 & pecunia illi ideo submissa à Deo. 13.  
 9. 10.  
*Ignem* innoxie tractat Franciscus de Pau-  
 la. 17. 11.  
*Igniti* serpentes cur immisi? 3. 4.  
*Ignorantia* humani. 3. 5. seqq. fortunam  
 induxit. 24. 4.  
*Illiterata* intelligit Theologicas quastio-  
 nes. 21. 6.  
*Imitatio* Christi patientiæ. 31. 12. seq. san-  
 ctorum trahit Basilium. 34. 5. non em-  
 nsa imitanda. 34. 15.  
*Immutabilis* *Deus*. 6. 3.  
*Impatientia* non curas, sed magis sanctas.  
 33. 7.  
*Imperatores* à cibo abstinentes. 16. 12. qd  
 reges vel vixit dies pradiat. 36. 8. electi  
 per fortes. 34. 2.  
*Impietas* mundi quanta fuerit, cum Chri-  
 stus incarnaretur. 11. 5.  
*Inaqualitas* praeiorum in calo. 5. 11. eius  
 exemplum in Alexandro. 5. 12. in Pio  
 pontifice. 5. 13.

Inauditos

*Inauditos damnare quàm periculosum?*

39. 14.

*Incastra furiosa filia quanta parrávit?* 43. 5.

*Incarcerationis opus & necessitas.* 11. 4.

*Incendium ingens.* 33. 2. *patienter tulit*

*S. Stephanus.* 30. 5.

*Inconstans Fortuna.* 23. 5. *segg.* *Deo*

*gloriosa.* *hominibus vitia.* 26. 1. *eius* *vi-*

*tilia cogitatio.* *ib. n. 3* *inconstans in-*

*uentio.* 31. 11.

*Indurati quàm difficiles ad penitenti-*

*am?* 42. 4.

*Industria mira efficientes.* 35. 2.

*Infantes ad templum portandi.* 25. 11.

*Infelicem esse felicem.* 32. 1.

*Inferni cruciatus à D. Laurentij tormen-*

*tis estimati.* 31. 10.

*Infortunata saepe profunt.* 33. 5.

*Ingrati quid merore debeant?* 39. 14.

*Inimici non vindicandi, sed diligendi,*

*Christi exemplo & doctrinâ.* 10. 5. 6.

*& 14. 6. & 40. 4. 5. 6. segg.*

*Innocentem gemma splendens prodit.* 36.

*10. eius oppressio periculosa.* 39. 16. *sta-*

*tus felix in bestia.* 22. 7. 8. 9. *impetravit*

*lumen caeleste.* 7. 6.

*Insalubria loca cur Plato elegerit?* 32. 11.

*Infantia simulata sapienter.* 32. 8. *quanta*

*hominum se Deo preferentium?* 6. 7.

*Intemperantia mala.* 16. 4. 7. 8.

*Intentiones hominum bonas saepe Demu be-*

*ne impedit.* 4. 7. *segg.* *iuventio volen-*

*tis facere, quod facit Ecclesia, in Gene-*

*sio baptizando sufficit.* 14. 6.

*Inuidia Timogenis.* 33. 5.

*Inuisibilem Demu quomodo? & quomodo vi-*

*sibilem?* 5. 14.

*Iob agro incensificatus.* 31. 8. *post multa*

*bona merita à Davide, ob delicta, pu-*

*niri iussu.* 14. 5.

*S. Ioannes Apostolus cum S. Petro, S. Chry-*

*sostomo Eucharistiam dat.* 15. 3. *quomo*

*do à S. Dionysio sit appellatus?* 41. 2.

*cum patrum diminutus forsitur S. E-*

*lisabetha.* 34. 11. *Baptista quàm vili*

*cibo & su?* 16. 5. *eius festum pluviae san-*

*guinea precedit.* 42. 4. *Crucis obse-*

*nator ab angelo pecuniam accipit.* 13. 9.

*10. Elemosynarius iacturam è naufr-*

*gio quàm forsiter eulert.* 32. 9. *Turfo*

*repente concidit ad iudicium Dei voca-*

*tus.* 39. 10.

*Iob Tulipa similis.* 30. 4. *quomodo per vias*

*rectas ductus?* 29. 5. *eius patientia.* 33. 7.

*Iocum moris puniunt.* 39. 2. & n. 7.

*Iona propheta liberatio renovata.* 23. 7.

*Ionathas forte deprehensus.* 34. 3. *eius cen-*

*li melle illuminari quid?* 25. 14.

*Iouis annus Imperator cibo perit.* 16. 14.

*Iouis & Spiritus Euch: affare in carcerem.*

15. 13.

*Ioseph cur Beniamino plus dederit in com-*

*muniis, quàm alijs fratribus?* 16. 1. *per*

*quos casus ductus?* 25. 3. *per vias rectas*

*quomodo ductus?* 29. 5. *docet principes.*

*21. 6. magni mysterij cognitionem ac-*

*quisit.* 7. 6. *eius patientia.* 33. 7. *offa*

*eius ex Aegypto cur asportata?* 42. 19.

*Iosephi B. V. traducere nolentis anxie-*

*tas, bonitas.* 12. *eius arma.* 16. 3. *fuga*

*in Aegyptum.* 16. *Anchisa ab aquila*

*umbrium habet.* 21. 2.

*Ira animum quantum turbet?* 40. 2. *mo-*

*re Atac.* 16. *Nummus non abest à re-*

*bis secundis.* 16. 6. *etiam in Deo da-*

*cur.* 8. 1. *segg.*

*Isaacus imp. purpuram cū vili toga mu-*

*rat.* 26. 2.

*Isai Assyrj emendatio.* 7. 13.

*Israelita cur longa via ductus?* 28. 1.

*8. Ita à ceruo ducitur.* 22. 1. *in ieremum*

*prae.* 34. 13.

*Ithaca Vlyssj patri pauperis par.* 16. 11.

*Iuda desperatio.* 41. 2.

*Muna 3*

*Iudi-*



*iudices* & *Duces* ydem. 3. 1. *iudiciu* indu-  
*fria* mira. 35. 2. *qualis* homo esse debe-  
 at? 39. 6. *eorum iudex* Deus. ib. n. 1. *segg.*  
*iudicare* tripliciter accipitur. 1. 3. *segg.*  
*etiam* pro regnare. 3. 1. Deus est iudi-  
 candus. 3. 15. *segg.*  
*iudicium* quid significet? 2. 1. *damnatio-*  
*nem*. 2. 4. *filio* dedit pater. 17. 14. *qua-*  
*druplex*. 1. 9. *segg.* inter bonum & ma-  
 lum. 1. 9. inter bonos & malos. 1. 10. *segg.*  
*eius* nos memores facit passio Christi. 1.  
 12. *segg.* in Deo triplex. 2. 5. *quomodo*  
*idem*, vel non idem? item Dei quomo-  
 do rectum? 2. 6. *iudicibus* triplex. 2.  
 7. *humanum* fallibile, Dei infallibile. 2.  
 7. *iudicandis* triplex. 2. 8. *Triumphi-*  
*rorum* *synedrion* magnum seu confes-  
 sus quid? & quid significet? 2. 9. Dei  
 consideratum consolationem, timorem,  
 & humilitatem parit. 2. 10. *qui sancti*  
*inuocauerunt*? 37. 3. *segg.* incorruptum.  
 40. 2. *abyssus* & incomprehensibilis. 3.  
 2. *segg.* cur? 3. 3. *Venerandum*. 4. 13.  
*oratione* intelligendum. 4. 14. *eius me-*  
*tu* Comes desistit, religiosus expellere.  
 37. 8.  
*Judith* in quanta necessitate succurrerit?  
 10. 11.  
*Julianus* agere fert, templum Fortunae  
 uersum. 24. 2. *magos* consulit. 36. 11.  
*videns* tacum ridetur ab eo. 32. 13.  
*Iustiniani* imp. abstinencia. 16. 12.  
*Iustitia* in Deo est. 5. 7. *eius* triplex, com-  
 mutativa. 5. 8. 9. & quid inde fructus?  
 5. 10. *distributiva*. 5. 11. *eius* exempla.  
 5. 12. *segg.* *eius* fructus. 5. 14. *Vindica-*  
*tiva*. 5. 15. *eius* amans Eub: miracu-  
 lose accipit. 15. 2. *eius* cultoribus non  
 deest alimentum. 17. 2. *segg.* illi sacra-  
 tur assu Aegyptia? 1. 2. Dei miscenda  
 misericordia recordatio. 42. 2.  
*Iuuenis* superum temens, quam saue se

ad patrum suo puniunt 15. 2. *impuram*  
*ducere* volens mors & *Vindicta*. 39. 15.

**K** Enellrocciss pueri prodigia. 25. 12.

**L** Aborantes tota nocte cur nihil cape-  
 rint? 13. 4.

*Lacedaemonij* sui nigræ proscribunt. 19. 10.

*Lacheis* Parca nomen. 27. 1.

*Lachryma* sanguis cordis, balneum anima.  
 43. 1. *earum* *visitas* ib. *segg.* *femina* *tau-*  
*tum* permixta & ibi: an viros deceant?  
 ib. *Magdalenæ*, *Petri*, peccatorum quam  
 efficacesset 43. 1. *orantium* dulces. 19. 5.

*Læta* *tristibus* permixta. 26. 7. & 8.

*Læta* *cur* facile homines læti, sed non  
 tristibus. 30. 2.

*Latus* mendicus 8. *Augustino* exemplum  
 est. 19. 11.

*Læti* *Euch.* desiderant *visitas* deuotior  
 25. 6.

*Lapi* *vim* habet *linctus*. 22. 3. *pretiosus*  
*in* *piscere* reperitur. 13. 15.

*Lasciuia* *iunentis* saue punita. 15. 2.

*Laceris* Christi fons duplex, quid? 43. 1.

*Laceris* *in* *cruce* *quanta* *misericordia* *ex-*  
*hibita*? 41. 8. & alij. 9. *eorum* *peri-*  
*cula*. 23. 4. *segg.*

*D.* *Laurentij* *martyrium*. 31. 9. *Iustiniani*  
*duobus* *locis* *simul* *præsentia*. 15. 5.

*Lazari* *pena* & *præmium*. 31. 6.

*Lectio* *librorum* *piorum* *profusa* *S. Basilio*.  
 34. 5. *S. Augustino* & *Alipio*. n. 6. *S.*  
*Iguatio*. n. 7.

*Legio* *diabolorum* *centenarium*. 18. 6.

*Leo* *Androdum* *pascis*. 22. 1. *et* *curatus*. 22.  
 6. *Quam* *monstrat*. ib. n. 5. *et* *ore* *dul-*  
*cedo* *procedens* *quid* *significet*? 19. 3.

*Lenetribulationis* *cur* *dicatur*? 31. 15.

*Liberalitas* *S. Lydæ* *et* *Simæ*. 17. 14. *eius* *fru-*  
*ctus* *opulencia*. 20. 9.

*Libertas* *arbitrij* *cur* *homini* *datur*? 11. 2.  
*nullo* *fato* *sollitur*. 27. 3. *segg.* *sollitur*.  
 16. n.

ib. n. 13. moriendi, & Veritatem defendendi. 21. 14.  
**E**bris p[er] apertio per modum fortis, pia, & tri-  
 lu. 35. 10. q[ui]s in fortis abusi, & si quis?  
 36. 8.  
**L**ignum praeforse. 36. 6. aqua dulces red-  
 dens: crux est. 19. 5. etiam Moysi aqua  
 dulces facit. 31. 13.  
**L**ingua homin[um] quam facile obfunt? 32. 11.  
**L**ittera P[ri]ma & Bellerophonis. 28. 10.  
**L**onga via cur ducti Israelitae? 28. 1.  
**L**orbarius imp[er]ator nuntium remisit.  
 26. 2.  
**L**or hesperaliter. 41. 11.  
**L**ucina miraculose sinit, donec commu-  
 nicet. 15. 3.  
**L**ucrum damnosum, simalum. 13. 12.  
**L**udens cum homine Dem[on]i. 13. 7. & homo  
 cum Deo. 14. 6. ludens impietate.  
 41. 13.  
**E**ndouet Landgravi error à praedestina-  
 tione ductus. 27. 14.  
**L**umen divinum quomodo discrimen in-  
 ter probos & improbos ostendat? 1. 10.  
 seq.  
**L**upoldi Comit[is] rebellio, metus fuga, ca-  
 fus. 28. 2. seq.  
**L**upus Arslam & Dei flagellum susci-  
 pit. 30. 3.  
**L**upus pradam famelico largitur. 20. 11.  
 parit puero & S. Norberto. 22. 5. item  
 S. Francisco; à quo mirabiliter escu-  
 ratu. ib. eius gratitudo. 22. 6. Lupa  
 Romulum & Remum alit. 22. 1.  
**L**utum ex sp[eci]e, oculorum medicina. 21. 1.  
**L**ycurgi de paupertate dictum. 16. 11.  
 S. Lydi & sine liberalitate. 17. 14.  
**M** Lottero imperij angustium. 34. 3.  
 \* Machubas ad divinum tribunal  
 provocatur. 37. 3.  
 Maclemis sancti reu[er]s[us] qui? 10. 12.  
 Magdalena Christum quam clemens? 42. 6.

**M**agi in stella Christi nihil lagerunt. 27.  
 8. ad Christum venientes unde Chri-  
 stum ex stella cognoverunt? 12. 2. eorum  
 Christum adorantes prudentia. 27. 12.  
 Magna cur dicitur dulcedo Domini? 19. 9.  
 Magnus solus Deus. 32. 11.  
 Maior[um] Episcopus ter ob angelis Eucharis-  
 tiam accepit. 15. 11.  
 Mala & bona à Deo. 30. 1. mala dies quid?  
 42. 18. Mala huius & aliorum & ita  
 sunt diversapana. 31. 6. qua & illic  
 ma? 33. 8. Mala fortuna ara. 24. 2.  
 Maledictiones domus epulonum. 16. 8.  
 seq.  
 Manna defecit, quando Israelita terrena  
 comederunt. 10. 10. cur tam dulcet? 18. 1.  
 omnem suavitatem & saporem habuit.  
 18. 4. defecit, & ad terrena homines  
 convertuntur. 16. 7.  
 Marcus Monachus angelica manu accipit  
 Euchar. 5. 11.  
 Mare in aquam dulcem vertitur. 17. 16.  
 rubrum quid significet? 31. 14. fossa  
 includendum simile volenti apprehen-  
 dere mysterium S. S. Trinitatis. 21. 8.  
 omnia animalia terrenum meliora. 31. 9.  
 B. V. Maria in Esther significata. 10. 12.  
 spes nostra cur dicitur? 16. Virgo in &  
 post partum. 21. 6. s. p[ro]p[ri]one adulterij  
 liberata. 12. 1. fons beneficiorum. 41. 4.  
 alit religiosos 13. 6. Hermannum seu  
 Iosephum Stainfeldensem. 16. n. 7. Anna  
 Virgines, quarum famam defendit. Anna  
 bno coronam misit. 16. n. 1. eius templum  
 omne bono aditur. 25. 11. eodem infans  
 praesentat. 16. tradita filij, & ab in-  
 opia & calumnia liberentur. 13. 11  
 eum per angeli & dispracedente seim-  
 nas Didacum Lopestus. 18. 7. Virginitas  
 à S. Ignatio defensa. 24. 13.  
 S. Maria Aegyptiaca communicanti pia  
 mors. 15. 3.  
 Mary



- Marij casus.* 26. 2.  
*Marsupium Fortunati filium.* 17. 8.  
*Martinianus miraculose baptizatus.*  
 14. 11.  
*S. Martinus casu vulneratus & illustratus.* 25. 4. *Victoria omen Clodovaei.*  
 37. 12.  
*Martyrum sanguis quam potens?* 42. 8.  
*segg. culum quam veritas?* ib. & 42. n.  
 19. *martyrorum varietas.* 42. 8.  
*Moffelinus casualis vocatio.* 25. 9.  
*Mathematicorum promissiones & lucra.*  
 27. 6.  
*S. Mathias Apostolus recte forte electus.*  
 34. 3. *segg.* & 35. 2. *cur?* ib. n. 4.  
*S. Mauritij zelus.* 34. 14. *Mauritius Comes Cloemburgicus misericors hostis.*  
 30. 9.  
*S. Maximus à S. Felice fonetur rigens.*  
 17. 13.  
*S. Medardus ab aquila Embram habet.*  
 22. 2.  
*Medicina Podalirium extulit.* 25. 4.  
*Medicus desperare argumentantem de predestinatione, mira industria sanat.*  
 27. 14. *optimus Sancti & Christus.* 12. 6. & *segg.*  
*Mehingerus Abbas ad Dei iudicium vocatur.* 37. 12.  
*Mel in Euch. sentitur.* 19. 3. *molle beneficiorum hominibus oculi illuminantur.*  
 25. 14.  
*Memoria divini iudicij.* 1. 1. & 13. *segg.*  
*Mendacium veritate armatur.* 36. 12.  
*Mendicans lupus.* 22. 5.  
*Mendici latetia superat divitum lautitias.* 19. 11.  
*Menstruorum Sanctorum divisio veritas.* 35. 11. à B. Borgia propagata. 34. 8. *fructus & modus colendi.* ib.  
*Mentis excitas quantum malum?* 7. 2.  
*Menerens iniuria affectus Deo iudici*  
*non sine effectu rem permittit.* 37. 12.  
*Mercatorum in Deum diffidentia.* 20. 9.  
*Meretrix conversa praesentis Dei monitu.* 7. 11.  
*Messorius auro exultat.* 13. 12. *aliqui Generato haustu percutit.* 22. 6.  
*Meras felicitum.* 26. 3. *impiorum & Tyrannorum.* 40. 16. *segg.*  
*Midx aurum non recte quasitum.* 13. 8.  
*Miles Secundus in carcere hostiam miraculose accipit.* 39. 13. *aliquis iocus morte puniens.* 39. 2. *quando recte forsitan?* 35. 12. *provisa ludunt.* 34. 1. *lesu pauper.* 20. 6.  
*Militia nostra corruptio à quibus?* 5. 14.  
*Mina inanes contemnenda.* 38. 7.  
*Menta Mathematicorum inobservabilia.* 27. 5.  
*Mirabilia opera Dei.* 23. 10.  
*Miracula non iactanda.* 16. 6.  
*Misereri an debeat rem male gerentium?*  
 42. 19.  
*Miseria huius Vita felicitate optabilior.*  
 31. 4. *ea affectuum quas pes?* 25. 3.  
*Misericordia Dei quantas?* 6. 1. *segg. cur misericordiarum pater Deus?* 6. 2. *segg. misericordes misericordiam impetrant.* 7. 6. & 42. 17. *segg.* & 14. 3. *ea recordationi iustitia Dei miscenda.*  
 42. 2. *eius & iustitia in mundo mixtura.* 8. 7. *Christi.* 41. 3. *segg.*  
*Missae panis mira Deo promidentia mittitur.* 17. 9.  
*Moab cur florens egreditur?* 5. 15.  
*Monendi libertas commendata.* 21. 14.  
*Monet mira vocatio.* 25. 10.  
*Monitum superbia in collo punita.* 31. 8.  
*Monyma desperata ex impatiencia.* 32. 11.  
*Monymus insantiam sapienter simulas.*  
 32. 8.  
*Morbi quomodo ferendi?* 32. 11. *segg. spe-*  
*nulo examinantur.* 36. 11. *eorum reli-*  
*gionis*

gionis extorquent. 35. 11. cur etiam  
 pios vexent? 38. 1. plures reperimus  
 in deusibus. 9. 6. 4s Dem & sancti ho-  
 norati. 25. 4. ~~verum~~ remedia per Chri-  
 stum. 12. 6. & 9. per sanctos. 1. seqq.  
 Morientibus quam benignus sit Deus? 6.  
 8. Morituri quidam sancti cur vindi-  
 ctam petant? 37. 7.  
 Mortem optantium exempla. 38. 2. seqq.  
 suam? qui praesumerint, & cur? 37. 11.  
 qui amici impetrarint? 38. 1. seqq. qui  
 sibi optarint? ib. n. 2. seqq. eum monet  
 S. Menstrum Annam Austriacā. 35. 11.  
 Mortis suscitatio conquesti. 38. 3. in testi-  
 monium vocantur à sanctis 37. 5. seqq.  
 defenduntur à calumnia per diuinum  
 iudicium. 37. 8.  
 Motus quoniam? 8. 4. seqq.  
 Moyses Aegyptium occidens, indolem pro-  
 dit. 34. 13. Zelus eius contra Dathan.  
 37. 3. Moysi Latroni quantā misericor-  
 dia exhibeat? 41. 9. seqq.  
 Mulapro carnifice Absaloni fuit. 34. 13.  
 Mulier viri misera. 26. 10.  
 Mundum & Deum quā contrarios mores ha-  
 beant? 16. 1. eius imago 5. I. descriptio. 5. 2.  
 eam diuturna conseruatio quid doceat?  
 10. 3. dulcedo vel parua, vel nulla. 19. 9  
 Murmurantes creuita gentis causa o-  
 raturus. 9. 3. seqq.  
 Musica angelica S. Francis. i. recreat. 19. 4.  
 Mutabilitas creaturarum. 6. 3.  
 Mutatio intentionum humanarum à Deo  
 facta, & illis. 14. 7. seqq.  
 Mutuo mortui interrogat, quid melius,  
 vivere an mori? 38. 3. (20. 9.)  
 Mutua accepta pecunia diuinitus soluta.  
 Myrogeni hydropici patientia. 31. 6.  
**N**abuchodonosor forte explorans, quā  
 urbem debeat expugnare? 34. 2.  
 & illis humilatus. 26. 2.  
 Nanti culpa fraus puniunt. 40. 15.  
 Natalis Christi Torex felix. 41. 15. eo die

Franciscum à Puero IESU pauperibus e-  
 pulum dat. 20. 6. (26. 6.)  
 Natalitia Hugolmi infeliciter felicia.  
 Nathalorum rex, ob sortes consultas, occi-  
 sus. 36. 13.  
 Natauerunt corpora Christianorum sapi-  
 na, Turcarum non. 41. 15.  
 Natiuitas nullum facrum inducit. 27. 3.  
 Nasfraggi iactura fortiter tolerata. 32. 9.  
 Necessitatem fieri qui affirmerint? 27. 1.  
 Nicana synodus etiam à Philosophis fre-  
 quentata. 21. 15.  
 Nitolam Helueticus. Ezech. nutritus. 19.  
 2. eā solā vixit. 9. 6.  
 Noctū & Erebi filia Parca. 27. 1.  
 Noë à Deo curatus. 10. 6. per suas rectas du-  
 ctus. 29. 5.  
 Nominum superstitiosa observatio. 36. 8.  
 S. Norbertus imperat lupos per puerum, &  
 eum dimittat. 22. 5.  
 Nouacula cur insistat fortuna? 23. 2.  
 Nouatue Confirmationis Sacramentum  
 cum fides damnis negligit. 14. 9.  
 Nouissimū senem aliud agens ad suum pri-  
 stinum ordinem remittit. 25. 8.  
 Nubes secunda uanitas, & aqua praebet.  
 17. 14. (gera. 32. 11.)  
 Numa Pompiliū congressum Canem cum Ae-  
 Numeri nulla in enest. 36. 8.  
 Nummi humana parentis compendium.  
 13. 1. à Deo inscriptum. 13. 11. in crume-  
 na semper autum. 17. 14.  
 Nuntiatus merā Philippis incantans. 26. 5.  
 Nuptia inasperata à Deo procurata. 28. 12.  
**O**blivio felix ad alterum bonū. 17. 13.  
 Obuiā feliciter iussu Mosselin. 25. 9.  
 Occulta Dei iudicia recte vocantur. 3. 3.  
 eorum exempla, in Iacob, Esau, Iesph.  
 custodibus Petris, & Pauli. 3. 4. in q. 1.  
 qui Christum sequi volebant. 3. 5. & 4.  
 7. cur Deum occulta sua iudicia sape  
 non reuelat? 3. 4. & seq. in ealium re-  
 seruantur. 3. 17. etiam in hac vita re-  
 N n n melan-



aclantur. quibus? 4. 2. seqq. & rectè indagantur. 4. 3. seqq.

Ocheli generosa mors. 37. 9.

Oculus Dei, virga, Argo Pastorū. 2. 11. seqq. ij aut fello aut melle illuminantur. quomodo? 25. 14. illis laborant, qui aspectui cūpi assuescunt. 7. 13. eorū praesentia, & primatio. 32. 12. seqq. medicina lutum. 21. 1. cecitas. 7. 1. comparatio. 7. 2. seqq. cynosura. 7. 5.

Odore equa proditur. 35. 2.

Oleum orando impetrat S. Renedictus. 17. 5. effusum quid? 43. 9. sacrū divinitus suppediatum. 14. 8. profano non potest ponendum. ib. n. 9. stans & eluens, gratia simile. 41. 3.

Oliua ab angelo Helleni allata. 18. 3.

Omnis fides defensa. 21. 13.

Onera esse dimissas. 32. 10.

Onuphrius Angelorum manibus Euch. sumit. 15. 9.

Opera in statu peccati facta Deum de congruo compensat. 14. 4. 5. artificem produnt. 41. 14. (lucrentur) 13. 4.

Operarij more passi. 17. 12. cur sapae parum

Oratio ab impijs facta Veniā impetrat. 41. 13. forti preferenda. 36. 1. hostē ab Urbe arces. 36. 10. oleū impetrat 17. 5. antecedit fortes & electiones Pastorū. 35. 8. seqq. eius vis apud Deum. 39. 11. etiam contra naturam creaturarum. ib. n. 12.

Ordinum Patriarchis meritis à suis religiosis peculiariter colit. 34. 10.

Os in po ex ore trahitur. 22. 6. Offa Adami & Iosephi tamquā reliquiae culta. 42. 19.

Osculum oris est communio sacra. 15. 9. seqq. P. Onice do liberalis elemosina. 40. recipit. 20. 8.

Ortho imp. ad Describunal citatus. 39. 8.

**P**alma quid significans? 31. 14.

Panace quid sit? 12. 9.

Panis quotidianus qui petendus? 16. 5. & cur panis? ib. calidus à Deo missus cre-

mita. ib. n. 6. ater, Christi sanguine fit dulcis. 19. 10. allatus Helleni ab angelo.

18. 3. mirè candidus & suavis peccato munitur. ib. n. 5. fertur à coruo S. Pauli eremita. 16. 3. ab angelo. 17. 8. & 12. rapitur & redditur ab Augusti aquila. 22. 2. quinq. pascunt plurimos. 18. 10.

Panthson Corhefridi quis liber? 28. 2.

Parca profatus acceptæ. 27. 1. earum descriptio & nomina. ib.

Parentibus magis fauet Deus. 13. 3. eos cur fugerit Elisabetha? 31. 3. eorum cura iudicium aduersa fortuna. 30. 5.

Parochi quā solliciti debeant esse in sacramentis administrandis? 34. 14.

Par pari voluerunt quidā principes. 26. 2. Parvulū reuelata, quæ calata senibus? 21. 6.

Passio Christi iudicij nos monet. 1. 12. & seqq. in Evangelijs occurrunt S. Franciscum docet par. 35. 6.

Pasti à Deo prodigiosi. 17. 5. seqq.

Paterfamilias ob denarium malè iudicatus. 1. 16. eius bonitas in operarios. 41. 76.

Patientia vincit omnia. 33. 7. Iacob, Ioseph, Iob, Tubia. ib. Ioseph. patriarcha. 25. 30.

mira Myrogenis. 3. 18. Stephani. ib. n. 6. eius remediū. 8. 3. exemplū, Christus. 40. 7. Stephanus. ib. n. 8. Paulus. ib.

Sidentus. ib. n. 11. seqq. alij sancti. 29. 7. adiumenta. ib. octo remedia. 30. 5. seqq.

S. Paulus Eremita panem à coruo accepit. 16. 3. Apostolus quantum passus sit? 31.

15. eum peculiariter colit S. Chrysostomus. 34. 10. eius severitas. 37. 4. Iudavia salubris. 12. 7.

Pauperes pecunijs adiuti à Deo. 13. 6. 7. 8. 9. 10. ijs misericors misericordiam consequitur. 42. 17. seqq. opulum datum in Notale Christi. 20. 6. dare nummos est seminare. 13. 14. Vni baculo feliciter succurritur. 26. 10. eorum cura? 17.

14. Deo. 2. 12. bona. 16. 9. & seqq. eorum

*rum & diuinum metamorphose.* 16. 4.  
*Pauperes Philosophia uarier.* 32. 8. *per se*  
*discitur.* 16. 11. *libera par.* 16. *hostem*  
*subducit.* 16.

*Pecata coram Deo quam detestanda?* 7.  
*9. seqq. penitentia in gloria cedunt.* 42.  
*19. suo Adam quantum amiserit.* 11. 39.

*Pecatores quomodo spiritualiter possunt*  
*comunicare?* 15. 8. *et quo fructus?* 11. *eorum*  
*terror Christus.* 1. 14. *Dei presentia.* 5.  
*6. eorum inagopluuio ineluctabili.* 42. 4.  
*Pecunia à Christo &c. Despara suppedita.*  
*13. 5. 6. 7. ab angelo Ioannis Eruesio.*  
*13. 9. 10. etas facienda mala artes.* 13. 17.

*Pello promissus fuit Deus.* 10. 6.

*Pentecostes die ad iudiciū Dei citati con-*  
*uunt.* 39. 8. (dicitur. 13. 12.)

*Pernigilia &c. honoranda miraculo offen-*

*derunt.* 18. 10. *honorum &c. fortuna.* 32. 11.

*Persecutio facit multiores.* 30. 9.

*Pesse laboris ubi patitur in bello.* 30. 9.  
*Petitiones apud Deum quales non esse de-*  
*beant?* 40. 2. *seqq.*

*Petrus Aragonius à regno secedit.* 26. 2.

*Petrus Cornelius ager auscultat recreatur.*  
*19. 7. 8. et cum à carcere per angelum*  
*liberatur.* 12. 3. *cum S. Ioanne. S. Chry-*  
*solomo Eucharistiam dat.* 15. 3. *et ut*  
*conuersio à Christo resuscitetur.* 7. 18. *em-*  
*bra faciat.* 12. 7. *cum seueritas.* 37. 4.  
*in carcere miraculose baptizatur.* 14. 11.

*Phaeton temere solium petiit.* 31. 1.

*Phar quid?* 74. 1.

*Philemonis trepidus baptizatus.* 14. 7.

*Philanorum votum, natari in vino.* 41. 15.  
*Philippus, post tres latos muros sibi ad-*  
*uersus aliquid optat.* 26. 5.

*Philippus Pulcher ad iudicium Dei cita-*  
*tur.* 39. 9.

*Philosophi à simplici Episcopo uisiti.* 21. 15.

*Pictorum casu exprimentis spumæ, historia.*

*Pictor filij in parentem.* 31. 2. *et 31. 5.*

*Pigmenius gaudet, se non uidere, cur?* 32. 13.

*Piscantes Apostoli à Christo aduerti.* 0. 4.

*Piscina probatica descriptio.* 12. 9.

*Piscis annulum, classem, statorem fert.*

*26. 8. 9. statorem in ore gerens.* 13. 5. *sem*  
*lapidem pretiosum.* 13. 15. 8. *Cuth-*  
*berto ab aquila datur.* 16. 2.

*Pistraci mira clementia in fugi faciem.*  
*6. 1. eius scala quid?* 26. 1.

*Pius 11. cur triplici corona clarus?* 5. 13.

*Placere homini debet, qui Deo placet.*

*27. 6. (locus?) 32. 11.*

*Platonici cur habitarent in insalubribus*

*Platonis liberalitas reprehensa à Dioge-*  
*ne.* 16. 1.

*Plurim in gremio Fortuna.* 31. 5.

*Plurima sanguinea ante festum S. Ioannis*  
*Baptista.* 42. 4.

*Podagrici impatientia inuisili.* 38. 7.

*Podalirium casus &c. medicina exulit.*  
*25. 4.*

*Pena dilata, non ablata.* 5. 15.

*Penitentia Etemica à Deo suscepta.* 18. 5.  
*qua continua. qua non continua debeat*  
*esse?* 43. 2. *parua conuersis animis quam*  
*efficit?* 43. 6. *seqq. animi fructus.* 43. 1.  
*mirum exemplum.* 43. 5. 6.

*Polycrates diu non potuit esse infelix.* 26. 8.

*Polypus aquilam mare mergit.* 42. 7.

*Poma à diabolo sparsa.* 18. 3. *miraculo*

*Pompei M. casus.* 26. 2. (aud. 17. 12.)

*Porcus Pyrrho dat exemplū.* 8. 4. *porci &c.*  
*canis fabula.* 16. 10. (37. 14.)

*Populus debet pro Episcopo sollicitus esse.*

*Possidonius diminutus delicate pascitur.*

*Potatorum mala.* 16. 8. (18. 2.)

*Potestati Dei nemo potest resistere.* 29. 2.

*Prædeterminatione abusus Ludouicus Laud-*  
*grauis.* 27. 14.

*Pramia celestia inuicant ad laborem.* 31.

*14. in calo iniqua.* 5. 11.

*Presentia Dei, quanta?* 7. 9. *quam rena-*  
*rentiam exigit?* 7. 10. *seqq. Antiqui*



**E** Christi quantas? 15. 5. Dei ubiq.  
5.1. seqq. (41. 15.)  
Praeſe Christi quàm utile fuerit Turca?  
Praeſumptio cauenda. 14. 5.  
Praxedes mori optat. 38. 2. (27. 1.)  
Priamus fati adſcribit Troia excidium.  
Principes varij ſæculo valedicentes. 26. 2.  
Probatica Piſciua deſcriptio. 12. 9.  
8. Proceſſus miraculoſe baptizatus. 14. 11.  
Prodigo filio quantam Deus gratiam ex-  
hibeat? 41. 7.  
Proſperis aduerſa meliora. 26. 5.  
Prothei ars. 13. 11. (5. 6.)  
Providentes ſibi ab alijs negliguntur. 10.  
Providentia Dei etiam in terrenis. 24. 6.  
Prouocatio ad diuinum tribunal cauenda.  
4. 1. ſeqq. quando liceat? 37. 2. qui ſan-  
cti eam uſi? m. 3. ſeqq.  
Ptolomæus ab aquila nutritus. 22. 2.  
aqua & pane delectatus. 19. 10.  
Puella miſericors baptiſmum impetrat.  
14. 3.  
Pueri creta ludentes furẽ deprehendunt.  
25. 14. aſpidem innoxiam trahant. 16.  
6. caduntur ob miraculum ablatum.  
ib. Gnus mare in ſoſſum tranſfundens  
8. Auguſtinum docet. 21. 8. alius belli  
ducem ſternit. 35. 6.  
Pugnandum vincere ſolenti. 31. 14.  
Pugna Philoſophorum cum fortuna. 14. 5.  
Puteus ſpeculotactus morbus creditur pra-  
dicere. 36. 11.  
Pyrrhus rex ab aquila nutritus. 22. 2. in  
tempeſtate à porco diſſe. 8. 4.  
Pythagoras ſpeculum lunæ cubitens deni-  
nabat. 36. 11. ei quantum ſus auditores  
tribuerint? 40. 1.  
**Q**uadrageſima martyres à quibus pe-  
culiariter culti? 34. 10.  
Quendrida homicidium diuinius prodi-  
cium. 25. 12.  
Querela inanes hominum. 5. 3. non liben-  
ter ieiunantium. 16. 4. 5.

**R**achis regnum ſit à ſolitaria mutat.  
26. 2.  
Rationalis iudicij quid? 36. 9.  
Reſta Via Dei qua? 28. 1.  
Reginaldi ſu in dicendo. 25. 10.  
Regnare, & iudicare idem eſt. 3. 1.  
Regum iudicia. 39. 6. (37. 10.)  
Religioni abducens conſobrinum puniuntur.  
Religioſus fit admonitione S. Menſtrui,  
iuuenis. 35. 11. aliquis caſu ad ordinem  
reuocati. 25. 7. 8. ſpoliantur à ſæcula-  
ris. 21. 2. eorum cum ſæcularibus qualia  
oporteat eſſe colloqui? 1. 1. ſua ſua ſua,  
& commoda, item deſcriptus. 18. 7.  
Reliquia Sanctorum colenda. 12. 7. emita.  
42. 19. (ſeqq.)  
Remedia fortuna. 30. 5. ſeqq. & 33. 2.  
Reſſetnere nolens marchio grauiter puni-  
tur. 37. 6. reſſetnere facta. 31. 4.  
Roma cellibus arſolitur. 29. 4.  
Romualdus à martyris impeditur cur? 4. 7.  
Romulus à lupa alitur. 22. 1.  
Rota fortuna quàm variis rotariis? 26. 2.  
Rudolphus Auſtriu ad Deſtribunal es-  
tatim. 39. 5.  
Ruina Therameni parcens ominoſa. 26. 5.  
Ruſſicum in carcere à Chriſto Euch. acci-  
pit. 15. 12.  
Ruth anima graſa figura. 15. 8.  
**S**aba in Deum confidentia. 17. 9.  
Sacerdũ quale iudice ſtrudunt? 1. 8.  
Sacerdos forte electum. 34. 3.  
Sacerdotale quid? 36. 9.  
Sacrificans Alexander M liberaliũ libera-  
liter recipit. 15. 8.  
ſæcularium ſita & tentatio quàm peri-  
culoſa? 18. 6.  
Saga principem fruſtra citant ad Dei tri-  
bunal. 38. 7.  
Sagitta pro forte. 36. 6. patrem ferit pro  
corona. 35. 2. quĩſitum Egidiũ ſanari  
noluit. 32. 11. eum daretur Deum. 25. 6.  
Salma, ſecum hominũ ſerpente necat. 16. 8.  
Salomonis

Salomon in iudicio industria. 35. 2.

Saluandi cur Benoni & Beniamin? 31. 4.

S. Saluus ad vitam renouatum genuit.

Samaria fames curata. 20. 3. (38. 3.

Samson Vulpibus pugnat. 22. 7. cecum mis-  
fero. 7. 1.

Samuel forse & sim in eligendo Saule. 35. 4.

Sauitias quid? 5. 14. an in Deo? ib. cā

peculiariter praeclari recte col. 34. 10.

à quibz, qui culti sunt? ib. quomodo?

ib. n. 11. sanctiores magis curat Deus.

20. 1. 2.

Sanctocopus regno Galedicie. 26. 2.

Sanguis peccati symbolum. 42. 4. eius per-

missio amicitiae. 43. 1. Christi, dulcem

facit panem azymum. 19. 4.

Sapientes mundi à Deo contempti. 21. 5.

Sara qualem iudicium petierit? 3. 2.

Saraceni Christiani Christiani misam.

dum obicit. 31. 13. (25. 14.

Sartor se de furco prodit, casu inaudito.

Saturare persculosum. 16. 10.

Saul forte creatus rex. 34. 3. & 35. 4. Dei

consilio asinas quas iussit. 34. 13. eius ca-

sum consilium Dei. 25. 3. eius impati-

entia. 13. 7. Apostoli conuersio in opina-

ta 14. 1.

Scala fortuna à Pittaco dedicata, quid?

26. 1. scala Iacobi. ib. n. 2.

Scandalum etiam acceptum Christus Gi-

taniz. 13. 5. eius occasio Iudæi Christi

bonitas. 41. 1. dani, pes Veloculus am-

putandus. 32. 12.

Scleratos faciunt diuitia. 32. 7.

Scientia Dei quanta? 3. 6. seqq. longè su-

perat Angelorū. 5. 4. fest esset ea, quæ

non sunt. 5. 6. quot modis superos scien-

tiam humanā? 3. 6. quæ inde fructum

Geniati 5. 6. solo comparatur. 7. 3. eius

fructum. 7. 4. scire bona non sufficit, sed

Volle. 9. 12. (27. 6.

Scorpio caelestis percussores dicitur facere.

Scrupulosi de cogitationibus inuoluntarijs

in exemplo S. Carbarinæ Senensis sola-  
tium habent. 12. 5.

Scythæ à cerno produntur. 22. 1.

Secundus miles captus Euth. accipit mi-

raculosè. 15. 12.

Seductio p̄ adolescentiū. 13. 3.

Seiani fortunæ statua se auersens. 13. 6.

Semes iussu Dei maledixit David. 30. 7.

Semnanitū parabola. 4. 6. (7. 9.

Seneca Deum & bisque presentem agnouit.

Senes à iunioribus decemur. 21. 6.

Septimum Senecam citò perit. 16. 14.

Sepulchra SS. nos exhorrantur. 42. 19. ali-

cui inscripta appellatio ad Deum. 37. 7.

Serpens aquila Giffor à messore occiditur.

22. 6. hortum contra furem custodit.

22. 2. ignitum. 1. 4. Christus sine veno-

no 1. 6. parit bonis, punit malos, co-

rum acerrimus index. 1. 7. serpentes

innocij SS. 22. 6. homini in profundum

lapso ostendunt modum se alendi. 22. 3.

Seruius Tullius fortuna amasiu. 24. 2.

Seruum domino non debet esse delicatior.

31. 32. alacritas frivola excusatio à fa-

cto perita, lepidè refutata. 27. 13. di-

uersi diuersè tractandi. 8. 3.

Serta, Virginitatu testimonio. 13. 11.

Sejostriorem fortunæ considerans, mode-

ratione discit. 26. 3. (bula. 27. 11.

Serhsanorū hereticorū de stella Christi fa-

Sibylla de Christo Vaticinium. 27. 10.

Siclus quid? 13. 5.

Sidera pro Dijs stultè habita. 27. 12.

Sidonius Apollinariū quantum passus ab

osoribus disciplina? 40. 11. seqq.

Signum filij hominū, crux. 31. 1.

Simonidi monachos liones parent. 23. 5.

Simplex seruus Deo & hominibus placet.

21. 14. seqq. simplex & lepidum orator

efficax. 21. 2. simplici obedientia. 21.

2. 16. n. 3. 4.

Sinarum mos fortendi. 32. 2.

Seruens porum dat cum fanere Lyd & Giva.

Nnn 3 37. 14.



17, 14. è nube Dem. ib. n. 15.  
 Sicut Spiritualis Euchar. necessaria. 15. 8.  
 Socrates Unde mortis diem praevidit? 36.  
 8. exu de cura Dei, doctrina. 10. 1.  
 Sollicitudo nimia edenda. 9. 1. deponenda.  
 9. 12. seq. § 7. 1. seqq.  
 Sol mundi mens. 7. 3. oculus ib.  
 Solonis de miseria Uniuscuiusq. v. m. muran  
 da dictum. 26. 4. (eremisa. 10. 4.  
 Solus qui est, quod debeat fugere i. historia  
 Sophista iudicium de seditione. 5. 10.  
 Sors pro Deo. 24. 3. est casus. 34. 1. pender  
 à Deo. ib. indicat diuinā voluntatem. ib.  
 quid? § quā varia? ib. seqq. non omnes  
 damnanda, nec omnes probanda. 35. 1. 2.  
 industrie facta v. sunt proprie sors. ib.  
 2. à Deo iussa omnes probanda. ib. 3. pro  
 banda quā à Deo. ib. n. 4. cautelam exi  
 gunt. ib. n. 5. S. Franciscus v. a. genus do  
 cent. ib. 6. à S. Augustino prescribuntur.  
 ib. 7. à S. Ignatio adhibentur in missione  
 faciorū. ib. n. 7. necessitas cur debeat esse?  
 ib. § requiritur oratio. ib. n. 8. per hanc  
 Exor Isaac queritur. ib. § vocaciones  
 innotescunt. ib. n. 9. seqq. fortuna ollam  
 quando licetā vel illicitā faciant? 35. 13.  
 etia sanctorū non omnes imitanda. 36. 2.  
 per eas occulta non indaganda. ib. n. 3.  
 seqq. in dubio iuris possunt adhiberi. ib.  
 n. 4. item in diuisione, non autem in alijs  
 omnibus dubijs ib. n. 5. earū periculosa  
 § damnanda applicatio. 35. 1. etia iudiciū  
 quando licetā? 35. 12. alia qua fors com  
 mittenda. ib. § seq. q. qui § quib? in reb?  
 § si? 34. 3. sacerdos, ordo agminis, res. ib.  
 à Deo illas esse. ib. n. 4. SS. mensuras. ib. 8.  
 Sosa fortunæ exemplum. 32. 14.  
 Spartani quomodo filios suos probarent?  
 Speculo diuinare. 36. 11. (31. 2.  
 spes in Deum multis miraculis docetur.  
 17. 4. seqq. mira peccatorū. 42. 14.  
 Unde accendatur mirificē? 1. 10. quan  
 ta sit in Deo ponenda? 9. 11. non in prim

cipibus, sed Deo. 26. 10. peccatorū  
 maxima. 43. 5. seqq. miserorum. 26.  
 3. nostra quomodo Christus? quomodo  
 B. P. 10. 6. 7. eius maximū mortuum. ib.  
 Sphæra celestis dimissio. 27. 5.  
 Spiritalis simplex philosophū vincit. 21. 15.  
 Spiritualis communio quid? 15. 8. quā Gilius  
 à S. Augustino § Francisco decernit. ib.  
 n. 4. à Laur. lust. ib. n. 5. à larco. ib. n. 6.  
 à S. Carbar Senensi. ib. n. 7. seqq. § alijs.  
 S. Spiritus specio columba Euch. affert mar  
 tyribus Faustino § Iovita. 15. 13. eius  
 missio quantum beneficium? quantum  
 diuina bonitatis argumentum, quā da  
 na secum afferat? 11. 7.  
 Splendor Epod. responsum dabit. 36. 9.  
 gemma gratiam ostendit. ib. n. 10.  
 S. Stanislaus mortuum ad tribunal exci  
 tat. 37. 5.  
 Stater in ore piscis miraculosus. 26. 9. Sta  
 ter quantum valeat? 13. 5.  
 Statua Christo posita ab Hamorrhossa. 12.  
 6. Constantini M. l. x. sa impudē. 32. 11.  
 Stratus hominis originali iussu ornati.  
 11. 1. § postea in peccatum lapsi. ib. 3.  
 Stella; Christi fatum non fuit. 27. 9. quo  
 modo Magis cognita? ib. n. 10. 11. Majorū  
 quid significet? 12. 2. o. an nullū fatū in  
 ducere. 27. 2. § de stella Christi. ib. n. 7.  
 Stoice gratiam Deo, non iram esse docue  
 runt. 8. 2.  
 Stephani Eremitæ laus § patientia. 31. 6.  
 S. Stephanus patientia exemplum. 40.  
 3. magis de peccato tortorum, quā de  
 suo damno dolo. 30. 5. cultus peculiat  
 riter fuit à S. Augustino. 34. 10. etia  
 natalis causa conversionis. 25. 10.  
 Steriles quæ pepererint? 29. 4.  
 Sterquilisū fortuna sedes, apud Romanos.  
 Struthio ferrū digerens. 31. 9. (24. 2.  
 Studiosi inueniunt descripti. 23. 2. vocatio  
 mira. ib. seqq.  
 Sudarius S. Pauli sapient. 11. 7.

Super

Superbia moniliū punita. 31. 8. eam caus-  
 fas felicitas. 32. 4.  
 Superstitio per carceres explorandi mortem.  
 33. 9. male superstitio vocatur, quod in  
 Hamorrhoida Christus laudatur. 12. 7.  
 Susanna sententia aduersus peccatum. 7. 13.  
 Suspendi metuens se suspendi. 36. 13.  
 Suspendio liberatus à puella. 14. 3.  
 Suspendium triduo confitetur, & communi-  
 cat. cur? 15. 3.  
 Suspicionis remedium fors. 34. 3. ab ali-  
 berata B. V. 12. 1. (25. 4.  
 Syrix cineribus à casu oreui, & nomen.  
**T**antalus deuicibus similis. 9. 6.  
 Taurum caelestis laboriosus dicitur fa-  
 cere. 27. 6. (tum. 25. 11.  
 Te Deum laudamus bono omine canta-  
 Temperantia cōmendatio. 16. 4. & 5. seq.  
 Tempestas in mari sedata à Christo. 12. 4.  
 Templarij ad iudiciū Dei provocant. 39. 9.  
 Templū omne bono aditur. 25. 11. eum enu-  
 foros maioribus suis repugnant. 29. 6.  
 Temporalium rerum felicitas quā? 32. 3.  
 Tenebris à femina occisus. 26. 7.  
 Tentatio fidei à simplice arepta docto. 21. 5.  
 à minimo crescens & superata, dum ere-  
 mita alios docens in se ipsum redijt. 18. 5.  
 quid sit, & quā multos inuadat? ib.  
 Terræ motu quantū nocuerunt? 33. 4.  
 eum animalia marini cedunt. 31. 9.  
 Thales Deum ubiq; præsens agnouit. 7. 9.  
 Thebani Lacedæmonijs visū parci. 26. 2.  
 Theodorici regis iudiciū industria. 35. 2.  
 8. Theodorus à quo peculiariter cultus?  
 34. 10. Theodorus anachoreta mare in  
 aquam dulcem vertit. 17. 15.  
 Theodosius imperator à simplicis doctus. 21.  
 10. seq. eum effluens. 16. 12.  
 Theologica quæstionis simplex femina sol-  
 uit. 21. 5.  
 Theramenes à ruina liberatus maius ma-  
 lum timet. 26. 5.  
 8. Thersa voto semper melius eligit. 1. 9.

Thermuthidis descriptio. 1. 2.  
 S. Thomas Apost. apparet quot annū popu-  
 lum cōmunicat, & indignos SS. Euchar.  
 primat. 15. 13. Confessarius S. Catharina  
 Senensi, quo zelo fuerit? 4. 13. Causipra-  
 tantis fursureo pane delectatur. 19. 10.  
 Timagenes inuidia ingens exemplū. 33. 5.  
 Timendum aq. Dom ac amandum. 14. 4. 5.  
 Tobia oculo fello illuminatus, quid? 25. 14.  
 eius misera cecitas. 7. 1. patientia. 33. 7.  
 aduersa à Deo agnoscens sic patiens. 30. 6.  
 Tormentum bellicum à puero mirabili  
 casu explosum. 25. 6.  
 Tres pueri quā mirabiliter seruati in  
 fornace Babylonica? 30. 10. seq.  
 Tribulationis visitas. 25. 14. eum fructus.  
 Virtutes. 31. 9. cur sine lenes? ib. n. 14.  
 est arrha. ib. n. 16. (39. 2. seqq.  
 Tribunale Dei sistuntur varij ed citati.  
 SS. Trinitas quot die inuocata non sinit fi-  
 me Eucharistia mori. 15. 3. eum imago  
 tres gutta. 36. 10. mysterium in exhan-  
 stum S. Augustino ostenditur. 21. 8.  
 Tristitia latū permissa. 26. 7. 8.  
 Tulipastoris descriptio, comparatio. 30. 2.  
 Turcæ mirabilis conuersio. 41. 15. in spe-  
 culo diuisant. 36. 11. eorum cadauera  
 deorsum marantia. 41. 15.  
**V**acca Philistæos docuerunt. 34. 13.  
 Valentianum imp. cibo perit. 16. 14.  
 Vallus visum quomodo decipiat? 19. 12.  
 Varietas mundi incūda, & visū. 26. 2. im-  
 cundorū? Smolestorū cur in mundo? 29. 7.  
 Vas electionis cur Apostolum? 31. 2.  
 Vaticinatio calendariorum. 27. 6.  
 Vbi que esse Deum. 5. 2. seqq. 7. 7. seq. eum  
 fructus. 7. 8. seq. eum ratio. 7. 9.  
 Vlalreco simplici agro fraga tempore hie-  
 mis data. 19. 7.  
 Velocitas infortuniorum. 33. 4.  
 Venenata quoque Deum laudant. 22. 8. 9.  
 Venetorum modus sortiendi. 34. 2.  
 Veritas quoq; mentis periculosa. 36. 12.  
 Viciū




*Vertumini natura.* 13. 1. 2.  
*Vespera adicx quam Deo grata?* 13. 12.  
*Via Dei per quid homines ducatur?* 15. 2. per  
 ambages quomodo recta? 28. 1. *Viarum*  
*error* & *persecutum.* 23. 4.  
*Vitiacum S. Francis quale?* 17. 8.  
*Vices in ministerio fortibus electa.* 35. 4.  
*Pictoria omen cantus* & *cerua* 34. 12.  
*Videre se non posse gaudens* & *cupiunt*  
*quidam.* 32. 12. *segg.*  
*Vidua ab Elisæo missa* ubi *aleretur.* 20. 4.  
*earum miseria.* 31. 3.  
*Vindicta iustitia an in Deo?* 15. 10. *ius*  
*fructus.* 16.  
*Vindicta non querenda.* 5. 15. *quæ* *ea-*  
*nenda?* 40. 9. *quæ* *merenda?* 16. 10.  
*non apperenda.* 40. 1. *segg.* *Dei* *ob oppres-*  
*sos* 39. 13. *segg.* *ob innocentes.* 39. 1. *segg.*  
*ea quæ* *velox?* 16. 10. 11. *ea* *perunt*  
*sancti.* 37. 3. *segg.*  
*Vmū diuinitus auditū.* 17. 12. & 14. *ex aqua.*  
 16. 16. *ē* *dules amari.* 16. 1. *Christo factū*  
*cogitantibus de vino.* 18. 1. *occeci* *Ana-*  
*creon.* *Archeilaus.* 16. 14. *eo* *mergi*  
*optarunt Philani.* 41. 15. & *Georgius*  
*Comes Clarentix.* 16.  
*Vipera S. Paulū mordens* *errore* *aussu.* 2. 3.  
*Vir ab uxore ad inopiam redactus.* 26. 10.  
*Virga in fortis.* 36. 6. *Aaronis.* 16. 7. *Moy-*  
*sis.* 31. 8. *Virilis.* 16. *oculata* *regimē* *Dei*  
*significat.* 2. 11. *segg.* *strens* *Aaron ele-*  
*git.* 35. 4.  
*Virginitas B. V. miraculo confirmata.* 21. 6.  
*B. Virgo Dei arcana recte indagauit.* 4. 3.  
 & *David.* 4. 4. *auri* *him* *submissis* *egen-*  
*ti.* 13. 6. *alta* *ab aquila nutrita.* 22. 2.  
*Virtutis hexatæ clarescunt.* 28. 1. *aduer-*  
*sus* *extantur.* 31. 9.  
*Viscera Dei quanta?* 6. 8.  
*Vistrandum inter orandum.* *Abbati.* 25. 7.  
*Vita à refferari ludopendet.* 34. 1. *item filo.*  
 27. 1. *ad aliorum apud Deum querelas*  
*abbreviatur.* 39. 13. *segg.* *Christi tota a-*

*rummi plena.* 31. 11.  
*Viria aliquando indicia sūo Virtutū.* 34. 13.  
*Vltor inuicium.* *Dens.* 40. 1.  
*Vmbra S. Petri salutaris.* 12. 7.  
*Vultionis extrema sacramentum non ne-*  
*gligendum.* 34. 14.  
*Vocationes miræ.* 25. 8. 9. 10. *adolescens.*  
 23. 2. *segg.* 14. 1. & *segg.* *per fortis* *sa-*  
*ctæ.* 34. 11. *segg.* & 35. 10. 9.  
*Voluntas Dei in fortibus indicata.* 34. 1.  
*remedium est contra fortunam* & *ca-*  
*sus.* 26. 1.  
*Voluptate homines excæcari.* 32. 1.  
*Vorum emittit vger.* 35. 11.  
*Vrbium interitus.* 35. 4. *oppugnatio à for-*  
*te pendet.* 34. 1.  
*Vrix litteræ.* 28. 10. *modestia imitanda.*  
 31. 12.  
*Vrum* & *Tumim* *quid?* 36. 9.  
*Vrina foris instrumentum.* 34. 1. *fortunæ*  
*quandolicea* *delicta?* 35. 13.  
*Vna amara peccatorum.* 17. 16. *de spūo*  
*collecta.* 17. 13. *ab angelo allata.* 18. 2.  
*Vulnus amoris Egidij.* 31. 11. *Christi* *quim-*  
*que* *quotidie culta non sinunt sine SS.*  
*Eucharistia mori.* 15. 3.  
*Vulpes viam Aristoteli monstrat.* 22. 7.  
*Vultus homini cur erectus?* 31. 16.  
*Vxor maritum dimittit* & *Christi* *facit.*  
 13. 14. & 11. *mariti* *salutē* *edit.* 16. 10.  
 16. *fidelis* *marito.* 26. 7. *mala.* 13. 16.  
**X** *Enocratio moderatum diffum.* 6. 5.  
*Xerxis pater Darius periculis prudentior.*  
 10. 10.  
**Z** *Atharias forte in conspectu ubi.* 34.  
 3. *pontifex* *ad diuinum erubnat*  
*prouocauit.* 37. 3.  
*Zelus si non ex ira mala quosdam occidit.*  
 37. 3. *nimius Apostolorum.* 8. 6.  
*Zeno quid in Theatro fecerit?* 8. 7.  
*Zodiaci dimisso.* 27. 5.

F I N I S.

sego  
de-  
ra-  
aa-  
pala  
ari-  
vi-  
mul-  
o. 9.  
  
2. 15.  
  
10.  
  
9.  
15.  
  
6.  
8.  
rab  
  
12.  
mul-  
101  
rind  
10.  
lex  
atd.  
11.  
16.  
101  
6. 11.  
awo  
  
ede-  
9. 15.  
12.  
11.







Biblioteka Jagiellońska



stdr0029912



